

प्रकाशिका—श्री हर्षपुष्पासृत जैन ग्रन्थमाला
लाखावावल शांतिपुरी (सौराष्ट्र) गुजरात

✽

वीर सं० २५०१]

विक्रम सं० २०३१

[सन् १९५५

आ आगमना अधिकारी योगवाही गुरुकुलवासी
सुविहित माधु महाराजो छे.

मूल्य रु. ६०—००

मुद्रक—
ज्ञानोदय प्रिन्टिंग प्रेस
पिण्डवाडा (राजस्थान)
(वाया-सिरोहीरोड)

गौतम आर्ट प्रिन्टर्स
व्यावर (राजस्थान)

संपादकीय निवेदन

निष्कारणबंधु विश्ववत्सल चरमशासनपति श्रमणभगवान महावीर देवे भव्यजीवोना हितने माटे स्थापेल शासन आजे विद्यमान छे, अने विषमकालमां पण भव्य जीवोने माटे सर्वज्ञ परमात्मानुं अे शासन परमआलंबन रूप छे. तीर्थंकरदेवोनी अविद्यमानतामां तेओश्रीनी वाणी शासनना प्राण स्वरूप होय छे. श्री तीर्थंकरदेवोअे अर्थथी प्ररूपेल अने गणधरोदेवोअे सूत्रथी गूथेल अे जिनवाणी हितकांक्षी पुन्यात्माओ माटे अमृत तुल्य छे.

विद्यमान आगम श्रुतज्ञानमां मुख्यतया ४५ आगम गणाय छे. ते उपरांत पण ८४ आगमनी गणतरीने हिसावे वीजुं पण केटलुंक आगम रूपी श्रुतज्ञान विद्यमान छे, आगम सूत्रो उपर नियुक्तिओ, भाष्यो, चूर्णिओ अने टीकाओ रचाइ छे. अने अेथी सूत्र सहित आगमनी अे पंचांगी जैन शासनमां मान्य छे. तेना आधारे वर्तमान ज्ञानाचार, दर्शनाचार, चारित्राचार, तपाचार अने वीर्याचार रूप व्यवहार प्रवर्ते छे. सम्यग्दर्शन सम्यग्ज्ञान अने सम्यग्चारित्र रूप मुक्ति-मार्ग प्रवर्तमान छे.

पंचांगीनो वाचना, पृच्छना, परावर्तना, अनुप्रेक्षा अने धर्मकथा रूप पंचलक्षण स्वाध्याय जेटलो जोरदार तेटली श्री संघमां सम्यग् ज्ञाननी शुद्धि जोरदार, तेनाथी ज्ञानाचार उज्वल, उज्वल ज्ञानाचारथी दर्शनाचार उज्वल, उज्वल दर्शनाचारथी चारित्राचार उज्वल, उज्वल चारित्राचारथी तपाचार उज्वल, अने अे चारे उज्वल आचारथी वीर्याचार उज्वल. वीर्याचारनी उज्वलताथी जैनशासन उज्वल. ए उज्वल जैन शासन सदा जयवंत वर्ते छे.

आम शासननो आधार कहो के पायो कहो, मूल कहो के प्राण कहो, अे श्री जिनवाणी छे. अने ते जिनवाणी ४५ मूल आगम सहित पंचांगी स्वरूप छे. पंचांगीने अनुसरता प्रकरण ग्रन्थो यावत् स्तवन सज्जाय के नाना निबंध के वाक्य स्वरूप छे. उपशम विवेक संवर—अे त्रिपदी स्वरूप जिनवाणीथी घोर पापी चिलातीपुत्र पण पतनना सार्गथी नीकली प्रगतिमार्गना मुसाफिर बनी गया हता.

४५ मूल आगमना अधिकारी योगवाही गुरुकुलवासी सुविहित मुनिवरो छे. साध्वीजी महाराजो श्रीआवश्यक सूत्र आदि मूल सूत्रोना तेमज श्रीआचारांग सूत्रना योगवहन करवा पूर्वक अधिकारी छे. श्रावक श्राविकाओ उपधान वहन करवा पूर्वक श्री आवश्यक सूत्र उपरांत दशवैकालिकसूत्रना षड्जाव-निकाय-नामना चोथा अध्ययन पर्यंतना श्रुतना अधिकारी छे आम आगमश्रुतना अधिकारी मुनिवरो योगवहन करवा पूर्वक योग्यता मुजब अध्ययन आदि करीने पोताना ज्ञान दर्शन चारित्रने निर्मल बनावे छे अने योग्यता मुजब धर्मकथा द्वारा जिणवाणीनुं पान करावी साधु साध्वी श्रावक श्राविका रूप चारे प्रकारना संघने तेमज मार्गाभिमुख जीवोने मुक्तिमार्ग प्रदान करे छे.

४५ आगमसूत्रो ६ विभागोमां वहेंचायेल छे. (१) अंगसूत्रो-११ (२) उपांगसूत्रो-१२ (३) पयन्नासूत्रो-१० (४) छेदसूत्रो-६ (५) मूलसूत्रो-४ (६) चूलकासूत्रो-२. आ सूत्रोनुं स्वाध्याय आदि अध्ययन वधे ते माटे उपयोगी वने ते रीते ४५ मूल सूत्रो श्वेतांबर मूर्तिपूजक श्रीसंघमां सळंग मुद्रित नथी अने जेथी आगम सूत्रोना स्वाध्याय आदिनी अनुकूलता थाय ते माटे शक्य प्रयत्ने संशोधन करीने प्रगट करवानी योजना विचारवामां आवी छे, ते योजना मुजब ४५ आगमसूत्रो १४ विभागमां संपादन थशे. तेना प्रथम विभागमां श्रीआचारांगसूत्र, श्रीसूत्रकृतांगसूत्र, श्रीस्थानांगसूत्र, श्रीसमवायांगसूत्र अे चार सूत्रनो समावेश करवामां आव्यो छे. आ सूत्रोमां जुदी जुदी प्रतो मेळववा साथे टीकामां रहेला पाठान्तरो मेलर्धाने मूलसूत्रो साथे कौशमां आपेला छे. पू. आगमोद्वारक आचार्यदेवश्री सागरानंदश्रीश्वरजी महाराज द्वारा संशोधित श्री आगममंजूषा, बाबुश्री घनपतसिंहजी द्वारा प्रकाशित सटीक सूत्रो, आगमोदय समिति द्वारा प्रकाशित सटीक सूत्रो, श्री हर्षपुष्पाभृत जैन ग्रन्थमाला द्वारा, तथा स्था. समाज द्वारा प्रकाशित श्री आचारांग सूत्रना पुस्तको, श्री गोडीजी जैन पार्श्वनाथ पेढी द्वारा प्रकाशित श्रीसूत्रकृतांगसूत्रसटीक, श्रीविजयदानसूरज्ञानमंदिरनी हस्तप्रतो विंगेरनो आधार आ सूत्रो माटे संशोधनमां लेवामां आव्यो छे.

श्री श्रमण संघमां आगमो कंठस्थ करवामां स्वाध्याय करवामां विस्तृत टीकाओना वांचन पछी मूलसूत्रोनुं पुनरावतन करवामां आ मूल सूत्रोना संयुक्त संपादनथी घणी अनुकूलता रहेशे. अने जेथी होंशे होंशे उत्साही मुनि भगवंतो सूत्रो कंठस्थ करीने आगम श्रुतने धारण करवा माटे पण समर्थ वनी शकशे. २, ५, के १०, २० सूत्र कंठस्थ करनारा अने पुरतो प्रयत्न थाय तो अेक लाख श्लोक प्रमाण मूल सूत्रो कंठस्थ करी धारी राखनारा अनेक गणो मुनिवरोमां थइ शकशे. 'ज्ञानधनाः साधवः' 'शास्त्रचरुषः साधवः' अे विधान मुजब श्रमण संघना प्राण समान आ आगम सूत्रोनुं श्री श्रमण भगवंतो द्वारा विशेष परिशीलन

थतां श्रीसंघने माटे श्री शामन ने माटे घणी उज्वलता फेलाशे. अने अे आशयथी स्वपरना श्रेयकारी आगम सूत्रोनां संशोधन संपादनमां अविरत उत्साह प्रवर्तमान छे.

प्रकाशननी सगवडता माटे श्री पिंडवाडा जैन संघना आगेवान अने श्री भारतीय-प्राच्य-तत्त्व-प्रकाशन समितिना कार्यकर्ताओ श्राद्धवर्यश्री समरथमलजी भाई श्राद्धवर्यश्री लालचंदजी भाई विगेरे तेमज श्री ज्ञानोदय प्रिन्टिंग प्रेस (पिंडवाडा) ना मेनेजर श्री फतेहचन्दभाई तेमज श्री गौतम आर्ट प्रिन्टर्स (व्यावर) ना व्यवस्थापक श्री छगनलालभाई अे जे खंत अने उत्साह वताव्या छे तेने कारणे आ प्रकाशनो समयसर प्रकाशित थइ रखां छे.

चरम तीर्थपति श्रमण भगवान महावीर देवे प्रकाशेल जिनवाणीनो प्रभाव पांचमा आराना छेडा सुधी रहेशे. अे ज्वलंत जिनवाणीनो प्रकाश आपणा आत्माने अजवाळनारो वने ते माटे योग्यता अने अधिकार मुजव जिनवाणीनी उपासना भक्तिमां भावोल्लास पूर्वक रस लइ रह्यो छुं ते टकी रहे अने सौ श्रुत आराधनामां उजमाल वनीअे अेज मारा अंतरनी शुभ भावना छे.

वीर सं. २५०१ वि सं २०३१
जेठ सुद ११ गुरुवार
शेठ मोती शा लालबाग जैन उपाश्रय
भुलेश्वर मुंबई-४

हालार देशोद्वारक कविरत्न पूज्य आचार्यदेव श्रीमद्विजय-
अमृतसूरीश्वरजी महाराजानो चरण सेवक-
पं. मिनेन्द्रविजय गणी



● प्रकाशकीय निवेदन ●



अमारी ग्रन्थमाला तरफथी आ श्रीमदागमसुधासिन्धु प्रथम विभाग मूल प्रगट करता आनंद अनुभवीए छीए । हालमां ४६ आगम मूल अने केटलाक आगम टीका सहित प्रगट करवानुं काम शरू करतां आ ग्रन्थ नागरी लिपिमां मोटा टाइपमां प्रगट करेल छे ।

आ ग्रन्थनुं संशोधन संपादन हालारदेशोद्वारके कविरत्न स्व. पू० आचार्यदेव श्रीमद्-विजयअमृतसूरीश्वरजी महाराजना शिष्यरत्न पू० पंन्यास श्री जिनेंद्रविजयजी गणिवरे घणी खंत थी करेल छे ।

कागळ छपाइ आदिना भाव बधवाने कारणे खर्च धार्या करतां बधु आवे छे । मोटा टाइपमां मुद्रित करातां पेज बधारे थाय छे । परंतु टकवानी अने अभ्यासनी दृष्टिए अनु-कुलता रहेशे ।

आगम सूत्रोना अधिकारी योगवाही गुरुकुलवासी सुविहित मुनिओ छे । ए शास्त्रविधि मुजब पूज्य श्रमणमंडमां आगम वांचनादिमां अनुकुलता थाय ते रूप धा श्रुतभक्ति करतां अमे आनंद अनुभवीए छीए ।

श्री आचारांग सूत्रादि ४ मूल सूत्रो आ प्रथम विभागमां प्रगट थइ रहयां छे । ४५ मूल आगम १४ विभागमां प्रगट थशे । सटीक आगमोमां श्रीमदन्तकृदशा, श्रीमदन्तरोपपातिकदशा अने श्रीमदुपासकदशा सूत्र तैयार थइ गयां छे । मुद्रण माटे श्री ज्ञानोदय प्रिन्टिंग प्रेस, पिडवाडा अने श्री गौतम आर्ट प्रिन्टर्सना व्यवस्थापको ए सारी खंत राखी छे ते माटे तेमनो आभार मानीए छीए.

वीर संस्कृत २५०१
पि० सं० २०३१
ज्येष्ठ सुद १० बुधवार
ता १५-६-७५

लि.-

नेमचद वाघजी गुढका
नवीनचद्र बाबुलाल शाह

* अनुक्रमः *

॥१॥ श्रीमदाचाराङ्गसूत्रम्

(पृष्ठ १ थी १४०)

॥१॥ प्रथमो ब्रह्मचर्यश्रुतस्कन्धः	क्रम	अध्ययन नाम	पृष्ठांकः	क्रम	अध्ययन नाम	पृष्ठ कः
१ शस्त्रपरिज्ञा (उद्देशा-७)	१	१ (१४) वस्त्रैपणा (उद्देशा-२)	१९	२ (१५) पात्रैपणा (उद्देशा-२)	१०५	
२ लोकविजय (उद्देशा-६)	१	३ (१६) अवग्रह-प्रतिमा (उद्देशा-२)	१०८	द्वितीया चूलिका		
३ शीतोष्णीय (उद्देशा-४)	१६	१ (१७) स्थान	११३	२ (१८) निपीधिका	११४	
४ सम्यक्त्व (उद्देशा-४)	१९	३ (१९) उच्चार प्रश्रवणा	११४	४ (२०) शब्द	११८	
५ लोकसार (उद्देशा-६)	२३	५ (२१) रूप	१२०	६ (२२) परक्रिया	१२१	
६ घृत (उद्देशा-५)	२८	७ (२३) अन्योन्यक्रिया	१२४	तृतीया चूलिका		
७ महापरिज्ञा (व्युच्छिन्नम्)		१ (२४) भावना	१२४	चतुर्थी चूलिका		
८ विमोक्ष (उद्देशा-८)	३३	१ (२५) विमुक्ति	१३९			
९ उपधानश्रुत (उद्देशा-४)	४१					

॥२॥ द्वितीयोऽग्र-श्रुतस्कन्धः प्रथमाचूलिका

॥२॥ श्रीमत्सूत्रकृताङ्गसूत्रम्

(पृष्ठ १४१ था २५४)

प्रथमः श्रुतस्कन्धः	क्रम	अध्ययन नाम	पृष्ठांक
क्रमः अध्ययन नाम	पृष्ठांक	५ नरकविभक्ति (उद्देशा-२)	१६१
१ समय (उद्देशा ४)	१४१	६ वीरस्तुति	१६५
२ वैतालीय (उद्देशा-३)	१४६	७ कुशीलपरिभाषा	१६७
३ उपसर्गपरिज्ञा (उद्देशा-४)	१५२	८ वीर्य	१६९
४ स्त्रीपरिज्ञा (उद्देशा-२)	१५२	९ धर्म	१७१

क्रम	अध्ययन नाम	पृष्ठांकः	द्वितीयः श्रुतस्कन्धः	पृष्ठांक
१०	समाधि	१७३	क्रमः अध्ययन नाम	पृष्ठांक
११	मार्ग	१७५	१ पौण्डरीक	१८६
१२	समवसरण	१७८	२ क्रियास्थान	२०२
१३	याथातथ्य	१७९	३ आहारपरिज्ञा	२२२
१४	ग्रन्थ	१८१	४ प्रत्याख्यान	२३२
१५	आदानीय	१८३	५ आचारश्रुत	२३६
१६	गाथा	१८५	६ आर्द्रकीय	२३८
			७ नालन्दीय	२४२

॥३॥ श्रीमत्स्थानाङ्गसूत्रम् ॥

(पृष्ठ २५५ थी ५५८)

क्रम	अध्ययन नाम	पृष्ठांक	क्रम	अध्ययन नाम	पृष्ठांक
१	एकस्थान	२५५	६	षट्स्थान	३८६
२	द्विस्थान (उद्देशा-४)	२५६	७	सप्तस्थान	३७८
३	त्रिस्थान (उद्देशा-४)	२८५	८	अष्टस्थान	४१३
४	चतुःस्थान (उद्देशा-४)	३१५	९	नवस्थान	४२७
५	पञ्चस्थान (उद्देशा-३)	३६७	१०	दशस्थान	४३९

॥४॥ श्रीमत्समवायाङ्गसूत्रम् ॥

(पृष्ठ ४५९ थी ५५८)



समर्पण

परम पूज्य प्रशान्तमूर्ति प्रकृष्टवक्ता कविरत्न प्रवचन प्रभावक हालार-
देशोद्धारक परम उपकारी गुरुदेव स्वर्गस्थ पूज्यपाद आचार्यदेव

श्रीमद् विजयत्रयम्बुतसूरीश्वरजी महाराज

जेओश्रीए

प्रभु महावीर देवना कल्याणकारी शासनजो भव्य जीधोना हित माटे
प्रचार प्रसार करता अनेक आत्नाओने मोक्ष मार्गना यात्रिक बनाव्या
छे. ते साथे मने पण अज्ञान अने मिथ्यात्वना घेरा वमलमांथी

खेची, संसार पारावार पार करवा यानपात्र सम संयम धर्ममां
स्थापन कर्यो अने मारी संयम माधनानी सफलता माटे

जेओश्रीओ सतत हितचिना सेवी हती. तेओश्रीना मह-

दुपकारनी स्मृतिमां यत्किंचित् कृतज्ञता रूपे

तेओश्रीने

श्री आगम सुधा सिन्धु

प्रथम विभाग

सादर समर्पण करी कृतकृत्यता अनुभवुं छुं.

गुरुदेव-कृपाकांक्षी

जिनेन्द्रविजय

॥ शुद्धिपत्रकम् ॥

पृष्ठ	पंक्ति:	अशुद्ध	शुद्धं	पृष्ठं	पंक्ति:	अशुद्धं	शुद्धम्
३	११	समारंभतो	समारंभते	१५४	१८	वल	वलया
५	१३	कट्टुनिस्सिया	कट्टुनिस्सिया	१५९	१३	अन्नपागाय	(अन्नपागाय)
१२	८	दडे	दढे	१७४	५	(आरंभसत्तो)	(आरंभसत्तो)
१६	१४	करुसयं	फरुसयं	१७६	१	इत्ताव एव	(इत्ताव एव)
२०	१	गद्रे	सुद्रे	१७७	१२	अहमाणं च	अहमाणं च मायं च
२४	१०	चेयं	एय	१७७	१७	बुद्रे	(बुद्रे)
३०	१५	आयणं	आयाणं	१८०	१६	मेव०	सेव०
३४	१८	सवस्मिणोमि	समुष्मिणोमि	१९१	२	कडुएति	कडुएति
३५	२४	विणयन्ने	विणयन्ने	१९६	१३	रत्त	रत्त
४०	१७	जिवीए	जीविए	२०५	१३	चितासोगर०	चितासोगसागर०
४३	५	अप्पि	अप्पं	२०६	१	मणी	माणी
४६	६	पुण्णकम्मासं	पुराणकुम्मासं	२७	१	नियदृइ	ण नियदृइ
५६	२	पयलमाले	पयलमाणे	२१०	४	एगइओ	एगइओ
६३	२४	पुक्खलं	पुक्खलं वा	२१२	२०	अयं पुरिसे,	अयं पुरिसे
६८	१७	अजाण्या	अजाणया				देवजीवणिज्जे
७४	१०	निरुवरुवे	विरुवरुवे	२१४	७	सच्चओ कय-	वे वार छे ते
७५	१२	वियट्टित्तए	वियट्टित्तए			विवकय .	एक वार गणवुं
७६	२	निकखत्तपुठ्वा	निकखत्तपुठ्वा			.. जावज्जीवाए,	
७६	१३	अलिहणेज्ज	अभिहणेज्ज	२१७	१	सुद्धहियया	" "
८४	१०	वणिमागा	वणिमगा			खग्गिसाणं व	
८६	५	विकखूवा	भिकखू वा	२३४	२१	वणवकम्मे	वणवकम्मे
८९	२	अणालाइए	अणासादए	२४२	११	पुरिसे	से पुरिसे
१०२	१४	हुदेसएण	वहुदेसिएण	२५५	५	एवमक्खाये	एवमक्खाय
१२७	१४	अवमाहिज्जति	एवमाहिज्जति	२५५	१२	एग मणे	एगे मणे
१३७	३	पणीयरसभोयणभाइ	पणीयरसभोयणमोई	२५५	२३	वीरियपुकारं०	वीरियपुरिसकार०
१३७	३	अइमत्तप णभोचण	अइमत्तपाणमो.यणमोई	२६४	१८	पन्नत्त	पन्नत्ते
		मोयणमाइ		२६५	१४	डुवि	डुविहे
१३८	५	भस्सिज्जा	भंसिज्जा	२६५	२०	अछिगिज्ज	अभिगिज्ज
१३६	१८	मेहुणो	मेहुणे	२८३	१८	पुप्फदत्ते	पुप्फदत्ते
१४१	१०	चे	चेव	२८५	१	त्रिकस्थानकाध्ययनम्	त्रिस्थानकाध्ययनम्
१४३	८	तुमं दे	तु मदे	२९०	१०	घम्मायरिस्स	घम्मायरियस्स
१४५	१२	वसवत्ता	वसवत्ती	२९०	११	उच्चट्टित्ता	उवट्टित्ता
१४८	१८	सोउण	(सोउण	२६३	९	अरहतवसे	अरहतवसे

पृष्ठं पंक्तिः	अशुद्धं	शुद्धम्
२९३ ११	० उस्सप्पिणीए	० उस्सप्पिणीए
२९६ १६-२१	पूरिस-	पूरिस-
२९७ ६	अलभित्ता	अलंभित्ता
२९८ १२	अविभतिमा	अभिभातिम*
३०७ १३	१६	१७
३११ १	केसंमंसु०	केसमंसु०
३१५ २१	णं णा	ण णो
३१६ १११	दिट्ठा	दिट्ठी
३३१ ९	(उज्जूमणे)	(उज्जूमणे)
३३४ १३	पन्नत्ते	पन्नत्ता
३४४ ११	तजह-	तंजहा-
३४९ १७	कलुसमावन्ने	कलुससमावन्ने
३५६ १३-	० ववट्ठे	० कट्ठे
१४-१५		
३६० १४	पगरेंति	पगरेंति
३६३ ३	जीहाऽविऽय	जीहाऽवि य
	कडुयभासिणो	महुरभासिणी
३६४ २२	जिबभमयातो	जिबभामयातो
३६७ १०	मणुस्स-	मणुस्स०
३७१ ८	सम्मणणुप्प-	सम्ममणुप्प-
	वात्तिता	वात्तिता
३७४ १७	२, २	५, २
३८५ २२	भास-	भासा
३९१ २३	अत्तवता	अत्तवतो
३९४ ६	ओसलवइत्ता	ओसक्कवइत्ता
४०३ १७	पंजम	पचम
४१४ १४	उवयवाए	उववाए
४१८ ३	अवादाने	अवादाने
४२६ ४	केवली०	केवलि०
४२७ १०	कूल०	कुल०
४३५ २२	सागरमत्तोमे	सागरमत्तोमे
४४१ २	चालेज्जा	चलेज्जा
४४१ २२	आदिन्नादान	अदिन्नादान-
४४४ १	कुड्डा	कुड्डा
४४८ २१	सिद्धिगइं	सिद्धिगइ

पृष्ठं पंक्तिः	अशुद्धं	शुद्धम्
४५१ १३	सेच्छती	लेच्छती
४५२ ११	ववती	ववत्ती
४६४ ७	आयण०	आयाण०
४६८ ३	अरुरासं	अरुणाभ
४७६ १	पुरोहियत्तणे	पुरोहिबरयणे
४७८ २	तेसी णं	तेसि णं
४७८ ४	परिनिव्वाइसति	परिनिव्वाइस्संति
४८१ २४	पन्नत्ता,	पन्नत्ता
४८५ १६	डुंगुछा	डुगुछा
४९६ १२	उवट्ठिय	उवट्ठियं
४९७ ७	०परियाइं	परियायं
४९७ १२	आतबे	आतये
४९८ १५	उवभगंतगाए	उवभोगंतराए
५०३ १६	सत्तीतसं सत्तत्तीस	सत्तत्तीसं सत्तत्तीसं
५०४ ७	मदरा	मंदरा
५०६ २	इसिभासिय	इसिभासिय
	जसवणा	ज्जयणा
५०८ ६	उत्तग०	उत्तर०
५२० १६	जोयणसहससइ	जोयणसहस्साइं
५२१ ११	उच्चत्तेणं	उद्धं उच्चत्तेणं
४२६ ८	वित्थेरेणं	वित्थेरेणं
५३३ १२	इड्ढिविसेसा	इड्ढिविसेसा
५३४ ११	अबुह० विवोहण०	अबुह० विवोहण०
५३५ २१	जरमणजोणि-	जरमरणजोणि-
५३६ ११	दुगालसंगं	दुवालसग
५४० १४	णिरयावाआ	निरयावासा
५४१ २०	जतमुसलसडि०	जंतमुसलसुसंदि०
५४३ १२/१३	उक्कोसेण	उक्कोसेणं
५४४ ३	एगिदिय०	एगिदिय०
५४७ २३	त	त जहा-
५४९ १३	सव्वोउग-माए	सव्वोउगसुमाए
५५० १३	सले	साले
५५१ २०	वदमत्तो	वभदत्तो

(सूचना-शुद्धिपत्रकनो उपयोग करी अध्ययन करवुं जरुरी छे.)

४५ आगम (मूल) श्रेणी योजना

* श्रीआगमसुधासिन्धुः *

संपादकः पू. पं. श्री जिनेन्द्रविजयजी गणिवर

अग्यार अंग सूत्रोः—

प्रथमो विभागः

नं.	नाम	श्लोक
१	श्री आचारांग सूत्र	२७५४
२	सूत्रकृताङ्ग	२१००
३.	ठाणाग	२७००
४.	समवायांग	१६६०
		१००१०

द्वितीय-तृतीय-विभागः

५.	भगवती सूत्र	१५७५२
----	-------------	-------

चतुर्थो विभागः

६	ज्ञाता सूत्र	५४२४
७	उपासक दशा	८१२
८	अतकृदशा	७९०
९.	अनुत्तरोपपातिक	१६२
१०	प्रश्नव्याकरण	१२५०
११.	विपाक	१०१६
		३५४६०

बार उपांग सूत्रोः—

पञ्चमो विभागः

नं.	नाम	श्लोक
१	श्री उववाइ सूत्र	११६७
२.	राजप्रदनीय	२१२०
३.	जीवाभिगम	४७००

षष्ठो विभागः

४.	पन्तवणा सूत्र	७७८७
----	---------------	------

सप्तमो विभागः

५.	जंबूद्वीप प्रज्ञप्ति सूत्र	४४५४
६	चद्र प्रज्ञप्ति	२२००
७.	सूर्य प्रज्ञप्ति	२६९६
८.	कलिका सूत्र	
९	कल्पावतंसिका	
१०	पुष्पिका	
११.	पुष्प चूलिका	११०९
१२	बह्निदशा	२५७३४

१० पयना सूत्रोः—

अष्टमो विभागः

नं.	नाम	श्लोक
१	श्री चउशरण सूत्र	८०
२	आउरपच्चवखाण	१००
३	महापञ्चवखाण	१७६
४	मवत परिज्ञा	२१५
५	तदुर्बवालीय	१३८
६	सस्तारक	१५५
७.	गच्छाचार	१७५
८.	गणिविज्ञा	१०५
९	देवेन्द्र स्तव	३७५
१०	मरणसमाधि	८७५
१	चद्र वेद्यक	१७४
२.	वीरस्तव	४३
		२६११

—: ६ छेद सूत्रो:—

नवमो विभागः

नं.	नाम	श्लोक
१.	श्री निशीथ सूत्र	८-१
२.	„ वृहत्कल्प „	४३१
	„ पंचकल्पभाष्य „	३१३५
३.	„ व्यवहार „	३७३
४.	„ दशाश्रुत „	२१०६
५.	„ जीतकल्प „	१०५

दशमो विभागः

६.	„ महा निशीथ सूत्र	४५४८
----	-------------------	------

एकादशमो विभागः

श्री कल्पसूत्र	सूत्र	१०१५
----------------	-------	------

१०७४१

४ मूल सूत्रो:-

द्वादशमो विभागः

१	श्री आवश्यक सूत्र	२५००
२	„ ओषनियुक्ति „	१३५५

त्रयोदशमो विभागः

३	„ दशवैकालिक „	७२०
	„ पिडनियुक्ति „	८३५
४	„ उत्तराध्ययन „	२०००

७३९०

२ चूलिका सूत्रो

चतुर्दशमो विभागः

१	श्री नंदी सूत्र	७००
२	श्री अनुयोगद्वार सूत्र	१८९६

२५९९

सटीक आग गो आदि

नं	नाम	मूल श्लोक	टीकाकार	टीका श्लोक
१	श्री आचारांग सूत्र	२५५४	श्री शोलांकाचार्य	१२०००
२	श्री उपासकदशांग „	८१२	श्री अभयदेवसूरिजी	८००
३	श्री अतकृद्दशांग „	८९९	„	४००
४	श्री अनुत्तरोपपातिक „	१८२	„	१००
५	नवस्मरणानि गौतमस्वामिरासश्च			



४५ आगम श्रेणी पुस्तक योजना अंगे

● निवेदन ●

जणावतां आनंद थाय छे के परम करुणानिधि चरम तीर्थपति श्रमण भगवान महावीरदेवे मध्य जीवोना श्रेयना हेतु रूप तीर्थनी स्थापना करी अने गणधर देवोने त्रिपदीनुं प्रदान कर्युं लब्धिनिधान श्री गणधर देवोअे द्वादशांगीनी रचना करी जेसनी पाट परपरा विद्यमान छे ते श्रीमत्सुधर्मस्वामीजीनी द्वादशांगी प्रवर्तमान रही अने वर्तमानमां अग्यार अंग आदि अंग प्रविष्ट अने बार उपांग, दश पयत्रा, छ छेद, ४ मूल अने २ वूलिका सूत्रो श्रेम अंग बाह्य श्रुतज्ञान आदि विद्यमान छे ते सूत्रो उपर पूर्वाचार्य महापुरूषो विरचित, निर्युक्ति, भाष्य, चूर्णि, टीका, अवधूरि विगोरे आगमानुसारी श्रुत विद्यमान छे.

आ कल्याणकारी श्रुतना आधारे श्री महावीर परमात्मानुं शासन प्रवर्तमान छे, पूज्य आचार्य मगधतो आदि मुनिराजो आदि योगबहन, गुरुकुलवास, गुरुभक्षा आदि योग्यता मुजब अे श्रुतना अधिकारी छे, अने अथी अे शास्त्रीय मर्यादामां रहेता पूज्योने आ श्रुतज्ञानना स्वाध्याय आदिनी अनु-फुलता रहे ते हेतुथी श्रुत भक्तिरूपे ४५ आगमो मूल तेमज केटलाक सूत्रोनी टीका आदि मुद्रित करवानुं नक्की कर्युं छे, तेनुं संशोधन अने संपादन हालार-देशोद्वारक पूज्य आचार्यदेव श्रीमद् विजय अमृतसूरीश्वरजी महाराजना शिष्य पूज्य पन्थास श्री जितेन्द्रविजयजी गणिवर अथाग परिश्रम पूर्वक करी रह्या छे.

आ सूत्रो श्री संघना भंडारोमां, पूज्य गुरुदेवोने अर्पण करवा प्रसारित करवानो असे निर्णय कर्यो छे तेनी मर्यादित नकलो प्रकाशित थाय छे अने जे श्री सघो के श्रुतभक्ति रूपे श्रावकोअे आ प्रतिओ सेलवधी होय तेमणे पोतानी प्रतो नी यादी लखावी देवा विनंति छे.

सूत्रोनी प्रतो मर्यादित प्रकाशित थाय छे वळी बुकसेलरोने ते बेंचवा आपवानी नथी अेटले पाछलयी प्रतिओ प्राप्त थवी मुश्केल पडसे. जेथी भंडारोने सुव्यवस्थित अने समृद्ध बनाववा श्री सघोअे पोताना सेट तरतमा लखावी देवा, पूज्य गुरुदेवो के सघोने अर्पण करवा या श्री शासननी मिलकत रूपे सुरक्षित राखी, पूज्य गुरुदेवोने स्वाध्याय आदि माटे अर्पण करवा सुभावको पण आ सेट खरीदी शकसे तेओ आ सेट बांची के बेंची शकसे नहीं.

४५ आगमो अने ४/५ सूत्रोनी टीकाओ आदि जे कार्य हाथ उपर धरायुं छे तेनुं मूल्य अंदाज रु० ६०० थी ७०० थसे दर वरसे ८ थी १० सूत्रो तैयार थसे. जेमणे सेट लखाववा होय तेमणे रु. २००) अेक सेट दीठ मोकलवा अने अेटला सूत्रो तेमने प्राप्त थया पछो तेमने जणाववाथी आगलना सूत्रो माटे रकम मोकलवानी रहेसे.

चौद विभागमां ४५ आगम प्रगट थसे तेमां १ लो विभाग तैयार छे ८ मो विभाग पण पूर्ण थवा आब्यो छे. बाद १२ मो तेरमो चौदमो तैयार थसे तथा श्री उपासकवशा सटीक श्री अंतकृदवशा सटीक, श्री अनुत्तरोपपातिक दशा सटीक ५ण तैयार छे, श्री आचारांग सूत्र सटीक हवे छपासे.

पहोंचाडवानी सगवडता रहे ते माटे ८ थो १० सूत्रो तैयार पयेथी रवाना कराशे. जेथी सेट मंगा-
बनारे पोताने मोकलवानुं रेल्वे के ट्रान्सपोर्ट द्वारा प्राप्त थाय तेवुं सरनामुं जणावबुं.

आ भागम श्रेणी अंगे नाम नोंधाववा तथा रकम मोकलवाना सरनामा:-

- | | |
|---|--|
| (१) महेता मगनलाल चत्रभुज
शाक मारकेट सामे निशाल फली,
जामनगर, (सौराष्ट्र) | (४) शा. वेलजी हीरजी गुढका
५२ बी. एम. आझाद रोड, रंगवाला चाल,
मुंबई-४०००११ |
| (२) शा. मनसुखलाल जीवराज भाडलावाला
शराफ बजार, राजकोट (सौराष्ट्र) | (५) शा. रीखनचंद कुलचंद
सी पी. टेन्क १ लो पारसीवाडो
खलीफ मेन्सन, बी. पी. रोड, मुंबई-४ |
| (३) शा. वालजी गणशी
C/o हीरा एम्पोरीयम, आनंदरोड,
मलाड (वेस्ट) मुंबई-४०००६४ | |

आ भागम श्रेणी उपरांत अप्रगट तथा अप्राप्य ग्रन्थोनुं विशाल पाया उपर प्रकाशन करवानो
पण अमारी धारणा छे

श्रुतज्ञाननी आ भक्तिना कार्यमां सोनो साथ मळशे तो अमे वहेलासर सफल यशुं. अथी आ
अंगे योग्य सहकारनी अपेक्षा राखी श्रुतज्ञान भक्तिना कार्यमां साथ आपवा नन्न विनंति छे.



॥ गुरु स्तुतिः ॥

पन्न्यासो गणिवर्धवृद्धिविजयस्यागीतपस्वी महान् तच्छिष्यो गणभृत् सहाऽखिलगुणैः पन्न्यासधर्यः सुधीः ।
आनन्दो विजयान्तनामसहितः शिष्यस्तदीयो गुणी जातः सर्वगुणाकरश्च हर्षविजयस्तेभ्यो नमः सन्ततम् ॥१॥
श्रीमानुग्रतप प्रभावमहितः सर्वार्थसिद्धिप्रदः पञ्चाचारपवित्रबोधिविदितः कर्पूरसूरीश्वरः ।
जातो येन कृतं स्वशासनमहो सर्वोत्तमं भूतले तत्पादौ कलिकल्पवृक्षसदृशौ भक्त्या नुमः सन्ततम् ॥२॥
त्यक्त्वा सर्वरसाञ्च संयमपरः सिद्धान्तनिष्ठः प्रभुः ग्राम्यांससभ्यजनान् सदा ह्युपदिशत् सद्धर्मकर्मादिकम् ।
सूरिः श्रीविजयामृतः कबिबरो हालारदेशोद्भूतिं कृत्वाऽऽश्चर्यमयञ्च कार्यमखिलं प्राप्तो जगत्पूज्यताम् ॥३॥



॥ श्री हर्षपुष्पासृतं जैन ग्रन्थमाला ॥

लाखावावळ-शान्तिपुरी (हालार) सौराष्ट्र

प्रंथांक	ग्रंथनुं नाम	मूल्य रु० पैसा	प्रंथांक	ग्रंथनुं नाम	मूल्य रु० पैसा
(१)	वीक्षानु सुंदर स्वरूप	१-५०	(३६)	अक्षय तृतीया [सचित्र]	०-३५
(२)	विधियुक्त पौषघविधि	१-३५	(३७)	कार्तिक पूर्णिमा महिमा	०-२५
(३)	स्वाध्याय सुधारस (नूतन सज्जायो)	०-५०	(३८)	छन्दोमृतरसः	०-३०
(४)	स्तवनामृत सग्रह	१-५०	(३९)	समेतशिखर तीर्थवंदना	०-१६
(४)	जिनेन्द्र भक्ति भावना (त्रीजी आवृत्ति)	१-००	(४०)	नारकी चित्रावली [त्रीजी आवृत्ति]	८-००
(६)	चतुर्विंशति जिन चैत्यवन्दनादि	०-५०	(४१)	शत्रु क्षय-तीर्थवंदना (बीजी आवृत्ति)	०-२०
(७)	नवस्मरणादि स्तोत्र संप्रह	१-००	(४२)	भक्तामर सौरभ (महिमा कथाओ)	१-२५
(८)	जयविजय कथानकम्		(४३)	नारकी चित्रावली (हीन्दी)	६-००
(९)	श्री लेखामृत सग्रह भा. १		(४४)	मनोहर स्वाध्याय सौरभ (उत्तरा- ध्ययन मूल)	१-७५
(१०)	सद्गुरुवदन चैत्यवदन		(४५)	महामंत्र प्रभाव	०-८०
(११)	घौद नियम धारवानी वृक	०-२०	(४६)	श्री नमस्कार पद स्तवना	०-२०
(१२)	लेखामृत सग्रह भा. २	१-००	(४७)	घाता विहार	१-००
(१३)	जिनेन्द्र भक्तिसुवा (आवृत्ति त्रीजी)	१-७५	(४८)	सत्कर्म चित्रावली (बीजी आवृत्ति)	प्रेसमां
(१४)	सोम भीम कथा तथा तपोमूर्ति पू. आ श्री विजय कर्पूरसूरिजी म. नु जीवन चरित्र	०-५०	(४९)	कल्पसूत्र पूजा व्याख्यान (सचित्र)	३-५०
(१५)	सक्षिप्त आढ्यधर्म प्रथम भाग	२-५०	(५०)	पू वापजी म० नो खुलासो	०-२०
(१६)	स्नात्रपूजा स्तवनादि	०-२५	(५१)	कुलभूषण (सचित्र कथा)	२-००
(१८)	श्री लेखामृत सग्रह भा. ३	०-५०	(५२)	लक्ष्मी सरस्वती सवाद	०-५०
(१९)	होलिका ध्याख्यान	०-२०	(५३)	श्री आचारांग मूल (मोटा टाइप)	१०-००
(२०)	मंगल फलश कथा	०-३०	(५४)	सुनदा रुपसेन	०-५०
(२१)	प्रभु महावीर देव	०-२५	(५५)	पारसमणि-(वार्तासग्रह)	१-२५
(२२)	नित्यनोष	०-२०	(५६)	जन्म पत्रिका रजिस्टर (३०० कुंडली माटे)	४-००
(२३)	वे प्रतिक्रमण सूत्रो	०-५५	(५७)	घनंजय नाममाला	१-७५
(२४)	श्री विविध पूजामृत सग्रह	३-००	(५८)	जिनेन्द्र सगीतमाला	३-५०
(२५)	महात्मा मत्स्योदर	०-३०	(५९)	अनेकार्थ सग्रह सटीक भाग १ लो	१०-००
(२६)	श्री लेखामृत सग्रह भा ४	०-७५	(६०)	जयशखेश्वरनाथ	१-००
(२७)	" " भा. ५	०-७५	(६१)	चैत्री पूर्णिमानो महामहिमा	०-६०
(२८)	" " भा. ६	०-७५	(६२)	श्रीमदन्तकृद्दशांग श्रीमदनुत्तरोपपा- तिदशाङ्ग सटीकसूत्र	४-००
(२९)	श्री अमृत गह्वली संग्रह	०-७५	(६३)	नवस्मरणानि गौतमस्वामिरासश्च	२-००
(३०)	श्री जिनेन्द्र पूजा पीयूष	१-००	(६४)	श्रीमत्सूत्रकृताङ्ग मूलम्	१०-००
(३१)	श्री जिनेन्द्र पूजा पीयूष	०-५०	(६५)	श्रीमदुपासकदशाङ्ग सटीकम्	५-००
(३२)	निधिधर्मा स्पष्टीकरण	०-५०	(६६)	श्रीमत्स्थानाङ्ग सूत्रं मूलम्	३०-००
(३३)	सामायिक चैत्यवंदनादि सूत्रो	०-२०	(६७)	श्रीमत्समवायांग सूत्रम् "	१२-००
(३४)	महासती सुलभा	०-०	(६८)	श्रीआगमसुधासिन्धुः प्रथमविभाग	६०-००
(३५)	शास्त्रदपेण [पर्व आराधना अगे प्रमाणो]	० ४०			

॥ अहम् ॥

॥ श्री आचाराङ्ग-सूत्रम् ॥

॥१॥ अथ प्रथमः श्रुतस्कंधः ॥

॥१ः शस्त्रपरिज्ञा-अध्ययनं प्रथमोद्देशकः ॥

सुयं मे आउसं ! तेरां (आमुसंतेरां, आवसंतेरां) भगवया एवम-
क्खायं-इहमेगेसिं णो सराणा भवइ ॥सू० १॥ तं जहा-पुरत्थिमात्रो वा
दिसात्रो आगत्रो अहमंसि, दाहिणात्रो वा दिसात्रो आगत्रो अहमंसि,
पच्चत्थिमात्रो वा दिसात्रो आगत्रो अहमंसि, उत्तरात्रो वा दिसात्रो
आगत्रो अहमंसि, उट्ठात्रो वा दिसात्रो आगत्रो अहमंसि, अहोदिसाए
वा आगत्रो अहमंसि, अराण्यरीत्रो वा दिसात्रो अणुदिसात्रो वा आगत्रो
अहमंसि, एवमेगेसिं णो णायं भवति ॥सू० २॥ अत्थि मे आया उववाइए,
नत्थि मे आया उववाइए, के अहं आसी ? के वा इत्रो चुए इह पेच्चा
भविस्सामि ? ॥सू० ३॥ से जं पुण जाणेज्जा सह संमइयाए परवागरणेणं
अराणेसिं अंतिए वा सोच्चा तं जहा-पुरत्थिमात्रो वा दिसात्रो आगत्रो
अहमंसि जाव अराण्यरीत्रो दिसात्रो अणुदिसात्रो वा आगत्रो अहमंसि
एवमेगेसिं जं णायं भवति-अत्थि मे आया उववाइए, जो इमात्रो
दिसात्रो अणुदिसात्रो वा अणुसंचरइ (अणुसंसरइ), सब्वात्रो दिसात्रो
अणुदिसात्रो, सोऽहं ॥सू० ४॥ से आयावादी लोयावादी कम्मावादी किरिया-
वादी ॥सू० ५॥ अकरिस्सं चऽहं कारवेसुं चऽहं, करत्रो आवि समणुन्ने
भविस्सामि ॥सू० ६॥ एयावंति सब्वावंति लोगंसि कम्मसमारंभा परिजाणि-
यव्वा भवंति ॥सू० ७॥ अपरिराणायकम्मा(भ्मे) खलु अयं पुरिसे जो इमात्रो
दिसात्रो अणुदिसात्रो अणुसंचरइ, सब्वात्रो दिसात्रो सब्वात्रो

अणुदिसात्रो साहेति ॥सू० ८॥ अणोगरूवात्रो जोणीत्रो संघेइ (संघावइ),
 विरूवरूवे फासे पडिसंवेदेइ ॥सू० ९॥ तत्थ खलु भगवता परिराणा पवेइया
 ॥सू० १०॥ इमस्स चव जीवियस्स परिवंदणामाणाणूपयणाए जाइमरणाभोय-
 णाए दुक्खपडिघायहेउं ॥सू० ११॥ एथावंति सब्वावंति लोगंसि कम्मसमा-
 रंभा परिराणियव्वा भवंति ॥सू० १२॥ जस्सेते लोगंसि कम्मसमारंभा
 परिराणाया भवंति, से हु मुणी परिराणायकम्मे त्ति वेमि ॥सू० १३॥

॥ इति प्रथमोद्देशकः ॥ १-१ ॥

॥ अध्ययनं-१ उद्देशकः २ ॥

अट्टे लोए परिजुराणे दुस्संबोहे अविजाणाए, अस्सि लोए पव्वहिए
 तत्थ तत्थ पुढो पास आचुरा परितावंति ॥सू० १४॥ संति पाणा पुढो
 सिया लज्जमाणा पुढो पास; अणागारा भोत्ति एगे पवयमाणा, जमिणां
 विरूवरूवेहि सत्थेहिं पुढवीकम्मसमारंभेणां पुढवीसत्थं समारंभेमाणा
 अणोगरूवे पाणे विहिसइ । तत्थ खलु भगवया परिराणा पवेइया, इमस्स चव
 जीवियस्स परिवंदणामाणाणूपयणाए जाइमरणाभोयणाए दुक्खपडिघायहेउं स
 समयमेव पुढोसत्थं समारंभइ, अणोहिं वा पुढविसत्थं समारंभावेइ, अणो
 वा पुढविसत्थं समारंभंते समणुजाणाइ ॥सू० १५॥ तं से अहियाए तं से
 अबोहीए से तं संबुज्जमारो आयाणीयं समुट्ठाय सोच्चा खलु भगवत्रो अण-
 गाराणां वा अंतिए इहमेगेसिं ज्ञातं भवति-एस खलु गंथे, एस खलु मोहे,
 एस खलु मारे, एस खलु गारए, इच्चत्थं गट्ठिए लोए जमिणां विरूवरूवेहिं
 सत्थेहिं पुढविकम्मसमारंभेण पुढविसत्थं समारंभमारो अणो अणोगरूवे पाणे
 विहिसइ, से वेमि, अप्पेगे अंधमब्भे अप्पेगे अंधमच्छे अप्पेगे पायमब्भे अप्पेगे
 पायमच्छे अप्पेगे गुप्फमब्भे अप्पेगे गुप्फमच्छे अप्पेगे जंधमब्भे (२) अप्पेगे
 जाणामब्भे (२) अप्पेगे ऊरुमब्भे (२) अप्पेगे कडिमब्भे (२) अप्पेगे णामिमब्भे
 (२) अप्पेगे उदरमब्भे (२) अप्पेगे पासमब्भे (२) अप्पेगे पिट्ठिमब्भे (२) अप्पेगे

श्री आचाराङ्ग-सूत्रम् :: श्रुतस्कन्धः १ अध्यायनं १]

उरमन्त्रे (२) अप्पेगे हिययसन्त्रे (२) अप्पेगे थणामन्त्रे (२) अप्पेगे खंधमन्त्रे
 (२) अप्पेगे वाहुमन्त्रे (२) अप्पेगे हत्थमन्त्रे (२) अप्पेगे अंगुलिमन्त्रे (२)
 अप्पेगे ग्राहमन्त्रे (२) अप्पेगे गीवमन्त्रे (२) अप्पेगे हणामन्त्रे (२) अप्पेगे
 होट्टमन्त्रे (२) अप्पेगे दंतमन्त्रे (२) अप्पेगे जीवमन्त्रे (२) अप्पेगे तालुमन्त्रे
 (२) अप्पेगे गलमन्त्रे (२) अप्पेगे गंडमन्त्रे (२) अप्पेगे कराणमन्त्रे (२) अप्पेगे
 णामन्त्रे (२) अप्पेगे अच्छिमन्त्रे (२) अप्पेगे भमुहमन्त्रे (२) अप्पेगे
 णालमन्त्रे (२) अप्पेगे सीमन्त्रे (२) अप्पेगे संयमारए अप्पेगे उद्दवए,
 इत्थं सत्थं समारंभमाणस्स इच्चेते आरंभा अपरिणणाता भवंति ॥सू० १६॥
 एत्थ सत्थं असमारभमाणस्स इच्चेते आरंभा परिणणाता भवंति, तं परिणणाय
 मेहादी नेव सयं पुट्टवीसत्थं समारंभेज्जा, गोवराणोहिं पुट्टविसत्थं समारंभवेज्जा,
 गोवराणो पुट्टविसत्थं समारंभंतो समणुजाणोज्जा, जस्सेते पुट्टविकम्मसमारंभा
 परिणणाता भवंति, से हु मुणी परिणणातकम्मे त्ति वेमि ॥सू० १७॥

॥ इति द्वितीय उद्देशकः ॥१-२॥

अध्ययनं-१ उद्देशकः ३

से वेमि जहा अणगारे उज्जुकडे नियायपडिवराणो (निकायपडिवन्ने)
 अमायं कुब्बमाणो वियाहिए ॥सू० १८॥ जाए सुद्धाए निक्खंतो तमेव
 अणुपालिज्जा, वियहिता विसोत्तियं (विजहिता पुब्बसंजोयं) ॥सू० १९॥
 पणया वीरा महावीहिं ॥सू० २०॥ लोगं च आणाए अभिसमेच्चा अकुओ-
 भयं ॥सू० २१॥ से वेमि, गोव सयं लोगं अब्भाइक्खिज्जा, गोव अत्ताणं
 अब्भाइक्खिज्जा, जे लोयं अब्भाइक्खइ, से अत्ताणं अब्भाइक्खइ, जे अत्ताणं
 अब्भाइक्खइसे लोयं अब्भाइक्खइ ॥सू० २२॥ लज्जमाणा पुट्टो पास;
 अणगारा मो त्ति एगे पवयमाणा जमिणं विरुवरुवेहिं सत्थेहिं उदयकम्म-
 समारंभेणं उदयसत्थं समारंभमाणो अराणो अणोगरुवे पाणो विहिंसइ । तत्थ
 खलु भगवता परिणणा पवेदिता । इमस्स चेव जीवियस्स परिवंदणमाणा-

पूयणाए जाइमरणाभोयणाए दुक्खपडिवायहेउं से सयमेव उदयमत्थं समारंभति,
 अराणोहिं वा उदयसत्थं समारंभवेति, अराणो उदयमत्थं समारंभते ममणुजा-
 णाति । तं से अहियाए, तं से अबोहीए, से तं मंडुज्जुमारो आयाणीयं
 समुट्ठाय सोच्चा भगवत्थो अणगाराणां अंतिए इहमेगेसिं णायं भवति—एस खलु
 गंथे, एस खलु मोहे, एस खलु मारे, एस खलु णारए, इत्थं गट्टिए लोए
 जमिणां विरुवरूवेहिं सत्थेहिं उदयकम्मसमारंभेणां उदयसत्थं समारंभमारो
 अराणो अणोगरूवे पाणो विहिंसइ । से वेमि संति पाणा उदयनिस्मिया जीवा
 अणोगे ॥सू० २३॥ इहं च खलु भो ! अणगाराणां उदयजीवा वियाहिया
 ॥सू० २४॥ सत्थं चेत्य अणवीइ पासा, पुढो सत्थं (पासं) पवेइयं
 ॥सू० २५॥ अदुवा अदिनादाणां ॥सू० २६॥ कप्पइ णो कप्पइ णो पाउं,
 अदुवा विभूसाए ॥सू० २७॥ पुढो सत्थेहिं विउट्टन्ति ॥सू० २८॥ एत्थजवि
 तेसिं नो निकरणाए ॥सू० २९॥ एत्थ सत्थं समारंभमाणस्स इच्चेए आरंभा
 अपरिणायया भवंति, एत्थ सत्थं असमारंभमाणस्स इच्चेते आरंभा परिणायया
 भवंति, तं परिणाय मेहावी णोव सयं उदयसत्थं समारंभेजा, नेवराणोहिं
 उदयसत्थं समारंभवेजा, उदयसत्थं समारंभंतेजवि अराणो ण ममणुजारोजा,
 जस्सेते उदयसत्थसमारंभा परिणायया भवंति से हु मुणी परिणायतकम्मे त्ति
 वेमि ॥सू० ३०॥

॥ इति तृतीयोद्देशकः ॥१-३॥

॥ अध्ययनं-१ उद्देशकः ४ ॥

से वेमि णोव सयं लोगं अब्भाइक्खेजा णोव अत्ताणां अब्भाइक्खेजा, जे
 लोयं अब्भाइक्खइ से अत्ताणां अब्भाइक्खइ जे अत्ताणां अब्भाइक्खइ से लोयं
 अब्भाइक्खइ ॥सू० ३१॥ जे दीहलोगसत्थस्स खेयराणो से असत्थस्स खेयराणो,
 जे असत्थस्स खेयराणो से दीहलोगसत्थस्स खेयराणो ॥सू० ३२॥ वीरेहिं एयं
 अभिभूय दिट्ठं, संजएहिं सया जत्तेहिं सया अप्पमत्तेहिं ॥सू० ३३॥ जे पमत्ते

गुणश्रीए से हु दंडेत्ति पवुच्चइ ॥सू० ३४॥ तं परिशणाय मेहावी इयाणि
 णो जमहं पुव्वमकासी पमाएणं ॥सू० ३५॥ लज्जमाणा पुढो पास, अणगारा
 भोत्ति एगे पवदमाणा जमिणं विरुवरुवेहिं सत्थेहिं अगणिकम्मसमारम्भेणं
 अगणिसत्थं समारंभमारो अरणो अरणेरुवे पाणो विहिंसंति । तत्थ खलु
 भगवता परिशणा पवेदिता, इमस्म चेव जीवियस्स परिवंदणामाणाणूपयणाए
 जाइमरणोयणाए दुक्खपडिघायहेउं से मयमेव अगणिसत्थं समारंभइ,
 अरणोहिं वा अगणिसत्थं समारंभावेइ अरणो वा अगणिसत्थं समारंभमारो
 समणुजाणइ, तं से अहियाए, तं से अबोहियाए, से तं संबुज्जमारो, आया-
 णीयं समुट्ठाय सोच्चा भगवथो अणगाराणं इहमेगेसि णायं भवति-एस
 खलु गंथे, एस खलु मोहे, एस खलु मारे, एस खलु णारए, इच्चत्थं गड्डिए
 लोए जमिणं विरुवरुवेहिं सत्थेहिं अगणिकम्मसमारंभमारो अरणो अरणेरुवे
 पाणो विहिंसइ ॥सू० ३६॥ से वेमि-संति पाणा पुढवीनिस्सिया, तणणि-
 स्सिया, पत्तणिसिस्सिया, कट्टुनिस्सिया, गोमयणिसिस्सिया, कयवरणिसिस्सिया, संति
 संपातिमा पाणा, आहच्च संपयंति, अगणिं च खलु पुट्टा एगे संघायमावज्जंति,
 जे तत्थ संघायमावज्जति ते तत्थ परियावज्जंति जे तत्थ परियावज्जंति ते
 तत्थ उदायंति ॥सू० ३७॥ एत्थ सत्थं समारंभमाणास्स इच्चेते आरंभा
 अपरिशणाया भवंति, एत्थ सत्थं असमारंभमाणास्स इच्चेते आरंभा
 परिशणाया भवंति, तं परिशणाय मेहावी णोव सथं अगणिसत्थं समारंभे,
 नेवअरणोहिं अगणिसत्थं समारंभावेज्जा, अगणिसत्थं समारंभमारो अरणो
 न समणुजाणोज्जा, जस्सेते अगणिकम्मसमारंभा परिशणाया भवंति, से हु
 मुणी परिशणायकम्मे त्ति वेमि ॥सू० ३८॥

॥ इति चतुर्थ उद्देशकः ॥ १-४॥

॥ अध्ययन-१ उद्देशकः ५ ॥

तं णो करिस्मामि समुद्राए, मत्ता मइमं अमयं विदिता, तं जे णो करए एसोवरए, एत्थोवरए, एम अणगारेत्ति पवुच्चइ ॥सू० ३६॥ जे गुणो से आवट्टे जे आवट्टे से गुणो ॥सू० ४०॥ उट्टं अहं तिरियं पाइणां पासमाणो रुवाइं पासति, सुणमाणो सदाइं सुणोति, उट्टं अहं पाइणां मुच्छमाणो रुवेसु मुच्छति, सेसेसु आवि ॥सू० ४१॥ एम लोए वियाहिए एत्थ अगुत्ते अणगाराए ॥सू० ४२॥ पुणो पुणो गुणासाए, वंक्ममायारे ॥सू० ४३॥ पमत्तज्जारमावसे ॥सू० ४४॥ लज्जमाणा पुट्ठो पास, अणगारा मोत्ति एमं पवदमाणा जमिणां विरुवरुवेहि सत्थेहि वणास्सइकम्मसमारंभेणां वणास्सइसत्थं समारंभमाणा अणो अणोगरुवे पाणो विहिंसंति, तत्थ खलु भगवया परिराणा पवेदिता, इमस्स चैव जीवियस्स परिवंदणमाणाणूपयणाए जाती(जरा)-मरणामोयणाए दुक्खपडियायहेउं से सयमेव वणास्सइसत्थं समारंभइ, अणोहि वा वणास्सइसत्थं समारंभवेइ, अणो वा वणास्सइसत्थं समारंभमाणो समणु-जाणइ, तं से अहियाए, तं से अबोहीए, से तं मंडुक्कमाणो, आयाणीयं समुद्राए सोच्चा भगवयो अणगाराणां वा अंतिए इहमेगेमिं णाथं भवति-एम खलु गंथे, एस खलु मोहे; एस खलु मारे, एस खलु णारये, इच्चत्थं गट्ठिए लोए, जमिणां विरुवरुवेहिं सत्थेहि वणास्सइकम्मसमारंभेणां वणास्सइसत्थं समारंभमाणो अणो अणोगरुवे पाणो विहिंसंति ॥सू० ४५॥ से वेमि, इमंपि जाइधम्मयं, एयंपि जाइधम्मयं, इमंपि बुद्धिधम्मयं, एयंपि बुद्धिधम्मयं, इमंपि चित्तमंतयं, एयंपि चित्तमतयं, इमंपि छिराणां मिलाइ, एयंपि छिराणां मिलाइ, इमंपि आहारगं, एयंपि आहारगं, इमंपि अणिच्चयं, एयंपि अणिच्चयं, इमंपि अणसयं, एयंपि अणसयं (इमंपि अधुवं एयंपि अधुवं) इमंपि चत्रोवचइयं, एयंपि चत्रोवचइयं इमंपि विपरिणामधम्मय (नामियं) एयंपि विपरिणामधम्मयं ॥सू० ४६॥ एत्थ सत्थं समारंभमाणास्स इच्चेते आरंभा अपरिणणाता भवंति,

एतथ सत्यं असमारंभमाणस्त इच्चेते आरंभा परिगणाया भवन्ति, तं परिगणाय मेहावी नेव सयं वणस्सइसत्थं समारंभेजा, गोवराणोहिं वणस्सइसत्थं समारंभवेजा, गोवराणो वणस्सइसत्थं समारंभंते समणुजाणोजा, जस्सेते वणस्सइसत्थसमारंभा परिगणाया भवन्ति, से हु मुणी परिगणायकम्भे त्ति वेमि ॥सू० ४७॥

॥ इति पंचम उद्देशकः ॥ १-५ ॥

॥ अध्ययनं-१ : उद्देशकः ६ ॥

से वेमि संतिमे तसा पाणा, तं जहा-अंडया पोयया जराउआ रसया संसेयया संमुच्छिमा उब्भियया उववाइया, एस संसारेत्ति पवुच्चइ ॥सू० ४८॥ मंदस्सावियाणओ ॥सू० ४९॥ निज्झाइत्ता पडिलेहिता पत्तेयं परिनिव्वाणं सव्वेसि पाणाणं सव्वेसिं भूयाणं, सव्वेसिं जीवाणं, सव्वेसिं सत्ताणं अस्सायं अपरिनिव्वाणं महव्वभयं दुक्खं त्ति वेमि, तसंति पाणा पदिसो दिसासु य ॥सू० ५०॥ तत्थ तत्थ पुढो पास, आदुरा परितवेत्ति, संति पुढो सिया ॥सू० ५१॥ लज्जमाणा पुढो पास, अणगारा मोत्ति एगे पवयमाणा जमिणां विरुवरुवेहिं सत्थेहिं तसकायसमारंभेण तसकायसत्थं समारंभमाणा अराणो अणोगरुवे पाणो विहिंसति, तत्थ खलु भगवया परिगणा पवेइया, इमस्स चेव जीवियस्स परिवंदणामाणापूयणाए जाइमरणापूयणाए दुक्खपडिघायहेउं से सयमेव तसकायसत्थं समारंभति, अराणोहिं वा तसकायसत्थं समारंभवेइ, अराणो वा तसकायसत्थं समारंभमाणो समणुजाणइ तं से अहियाए, तं से अबोहीए से तं संबुज्झमाणो आयाणीयं समुट्ठाय सोच्चा खलु भगवओ अणगाराणं अंतिए इहमेगेसिं गायं भवति-एस खलु गंथे, एस खलु मोहे, एस खलु मारे, एस खलु गारए, इच्चत्थं गड्डिए लोए जमिणां विरुवरुवेहिं सत्थेहिं तसकायसमारंभेण तसकायसत्थं समारंभमाणो अराणो अणोगरुवे पाणो विहिंसति ॥सू० ५२॥ से वेमि अप्पेगे अच्चाए हणांति, अप्पेगे अजिणाए वहन्ति, अप्पेगे मंसाए वहन्ति, अप्पेगे सोणियाए वहन्ति, एवं हियाए पित्ताए वग्गा

पिच्छ्राए पुच्छ्राए वालाए सिंगाए विसाणाए दंताए दाढाए गाहाए गहारुणीए
 अट्टीए अट्टिमिंजाए अट्टाए अणट्टाए, अप्पेगे हिंसिसु मेत्ति वा वहंति,
 अप्पेगे हिंसंति मेत्ति वा वहति, अप्पेगे हिंसिस्संति मेत्ति वा वहंति ॥सू० ५३॥
 एत्थं सत्थं समारभमाणस्स इच्चेते आरंभा अपरिगणाया भवंति, एत्थ सत्थं
 असमारभमाणस्स इच्चेते आरंभा परिगणाया भवति, तं परिगणाय मेहावी
 गोव सय तसकायसत्थं समारंभेजा, गोवशागोहिं तसकायसत्थं समारंभावेजा,
 गोवशागो तसकायसत्थं समारंभं ते समणुजागोज्जा, जस्सेते तसकायसत्थसमारंभा
 परिगणाया भवंति, से हु मुणी परिगणायकम्मे त्ति वेमि ॥सू० ५४॥

॥ इति षष्ठ उद्देशकः ॥ १-६ ॥

॥ अध्ययनं-१ : उद्देशकः ७ ॥

पहू एजस्स (एगस्स) दुगुंछणाए ॥सू० ५५॥ आयंकदसी अहियंति
 गाच्चा, जे अज्झत्थं जाणइ से बहिया जाणइ, जे बहिया जाणइ से अज्झ-
 त्थं जाणइ, एयं तुलमन्नेसिं ॥सू० ५६॥ इह संतिगया द्विया गावकंखंति
 जीविउं ॥सू० ५७॥ लज्जमाणो पुढो पास, अणगारा मोत्ति एगे पवयमाणा
 जमिणां विरूवरूवेहिं सत्थेहिं वाउकम्मसमारंभेणां वाउसत्थं समारंभमाणो अरणो
 अणोगरूवे पाणो विहिंसति । तत्थ खलु भगवया परिगणा पवेइया । इयस्स
 चेव जीवियस्स परिवंदणमाणोपूयणाए जाइमरणमोयणाए दुदखपडिघायहेउं
 से सयमेव वाउसत्थं समारंभति, अरणोहि वा वाउसत्थं समारंभावेइ, अरणो
 वाउसत्थं समारंभंते समणुजाणाति, तं से अहियाए, तं से अबोहिए, से तं
 संबुज्जमाणो आयाणीए समुट्टाए सोच्चा भगवओ अणगाराणां अंतिए इहमेगेसिं
 गायं भवति—एस खलु गथे, एस खलु मोहे, एस खलु मारे, एस खलु शिरए,
 इत्थं गट्टिए लोए जमिणां विरूवरूवेहिं सत्थेहिं वाउकम्मसमारंभेणां वाउसत्थं
 समारंभमाणो अरणो अणोगरूवे पाणो विहिंसति ॥सू० ५८॥ से वेमि संति
 संपाइमा पाणा आहच्च संपयंति य फरिसं च खलु पुट्टा एगे संघायमावज्जंति,

जे तत्थ संघायमावज्जंति ते तत्थ परियावज्जंति, जे तत्थ परियावज्जंति ते तत्थ उदायंति, एत्थ सत्थं समारभमाणस्स इच्चेते आरंभा अपरिगणया भवंति, एत्थं सत्थं असमारभमाणस्स इच्चेते आरंभा परिगणया भवंति, तं परिगणाय मेहावी गोव सयं वाउसत्थं समारंभेज्जा, गोवरागोहिं वाउसत्थं समारंभवेज्जा, गोवरागो वाउसत्थं समारंभंते समणुजागोज्जा, जस्सेते वाउसत्थसमारंभ परिगणया भवंति, से हु मुणी परिगणायकम्मत्ति बेमि ॥सू० ५६॥ एत्थंपि जाणे उवादीयमाणा, जे आयारे ण स्मंति, आरंभमाणा विणायं वयंति, छंदोवणीया अज्झोववराणा, आरंभसत्ता पकरंति संगं ॥सू० ६०॥ से वसुमं समराणागयपरणाणेणं अप्पाणेणं अकरणिज्जं पावं कम्मं णो अराणेसिं तं परिगणाय मेहावी गोव सयं छज्जीवनिकायसत्थं समारंभेज्जा, गोवरागोहिं छज्जीवनिकायसत्थं समारंभवेज्जा, गोवरागो छज्जीवनिकायसत्थं समारंभंते समणुजागोज्जा, जस्सेते छज्जीवनिकायसत्थसमारंभा परिगणया भवंति से हु मुणी परिगणायकम्मत्ति बेमि ॥सू० ६१॥

॥ इति सप्तमोद्देशकः ॥ १-७ ॥ इति प्रथममध्ययनम् ॥ १॥

॥ २ : लोकविजय-अध्ययनं : उद्देशकः-१ ॥

जे गुणे से मुलद्वारे, जे मूलद्वारे से गुणे । इति से गुणद्वी महया परियावेणं पुणो पुणो रसे पमत्ते-माया मे, पिया मे, भाया मे, भगिणी मे, भज्जा मे, पुत्ता मे, धूत्रा मे, राहुसा मे, सहिसयणसंगंथसंथुत्रा मे, विवित्तुवगरणपरिवट्टणभोयणाच्छायणां मे । इच्चत्थं गड्ढिए लोए अहो य रात्रो य परितप्पमाणो कालाकालसमुट्ठाई संजोगट्टी अट्टालोभी आलुपे सहसाकारे विणिविट्टचित्ते, एत्थ सत्थं पुणो पुणो, अप्पं च खलु आउयं इहमेगेसिं माणावाणं तं जहा-॥सू० ६२॥ सोयपरिगणाणेहिं परिहायमाणोहिं, चक्खुपरिगणाणेहिं परिहायमाणोहिं, घाणपरिगणाणेहिं परिहायमाणोहिं रस-

णापरिगणागोहिं परिहायमागोहिं फासपरिगणागोहिं परिहायभागोहिं अभिकंतं
 च खलु वयं संपेहाए तत्रो से एगदा मूढभावं जणयंति ॥सू० ६३॥ जेहिं
 वा सद्धि संवसति ते वि णं एगदा णियगा पुब्बिं परिवयंति सोऽवि ते
 णियए पच्छा पस्विण्जा, णालं ते तव ताणाए वा सरणाए वा, तुमंपि तेसिं
 णालं ताणाए वा सरणा ए वा, से ण हासाय ण किड्ढाए ण रतीए ण
 विभूसाए ॥सू० ६४॥ इच्चेवं समुट्टिए अहोविहाराए अंतरं च खलु इमं
 संपेहाए धीरे मुहुत्तमवि णो पमायए वत्रो अच्चेति जोट्ठवां व ॥सू० ६५॥
 जीविए इह जे पमत्ता से हंता छेत्ता भेत्ता लुंपित्ता विलुंपित्ता उद्वित्ता
 उत्तासइत्ता, अकडं करिस्साभित्ति मराणाभागे, जेहिं वा सद्धि संवसइ ते वा णं
 एगया नियगा तं पुब्बिं पोसेंति, सो वा ते नियगे पच्छा पोसिज्जा,
 नालं ते तव ताणाए वा सरणाए वा, तुमंपि तेसिं नालं ताणाए वा सरणाए
 वा ॥सू० ६६॥ उवाइयसेसेण या संनिहिसंनिचत्रो किज्जइ, इहमेगेसिं
 असंजयाण भोयणाए, तत्रो से एयगा रोगसमुप्पाया समुप्पज्जंति, जेहिं वा
 सद्धि संवसइ ते वा णं एयगा नियगा तं पुब्बिं परिहरति, सो वा ते
 नियगे पच्छा परिहरिज्जा, नालं ते तव ताणाए वा सरणाए वा, तुमंपि तेसिं
 नालं ताणाए वा सरणाए वा ॥सू० ६७॥ जाणित्तु दुक्खं पत्तेअं सायं
 ॥सू० ६८॥ अणभिककंतं च खलु वयं संपेहाए ॥सू० ६९॥ खणं
 जाणाहि पंडिए ॥सू० ७०॥ जाव सोयपरिगणाणा अपरिहीणा, नेत्तपरि-
 गणाणा अपरिहीणा, घाणापरिगणाणा अपरिहीणा, जीहपरिगणाणा अप-
 रिहीणा, फरिसपरिगणाणा अपरिहीणा इच्चेएहिं विरूवरूवेहिं पराणागोहिं
 अपरिहीगोहिं, आयट्ठं समं समणुवासिज्जासि त्ति बेमि ॥सू० ७१॥

॥ इति प्रथमोद्देशकः ॥२-१॥

॥ अध्ययनं-२ : उद्देशकः-२ ॥

अरइं अउट्टे स मेहावी, खणांसि मुक्के ॥सू० ७२॥ अणाणाय पुट्टावि एगे नियट्टंति, मंदा मोहेण पाउडा, अपरिग्गहा भविस्सामो समुट्टाय लद्धे कामे अभिगाहइ, अणाणाए मुण्णिणो पडिलेहंति, इत्थ मोहे पुणो पुणो सन्ना नो हव्वाए नो पाराए ॥सू० ७३॥ विमुत्ता हु ते जणा जे जणा पारगामिणो लोभमलोभेण दुगुंछमाणो लद्धे कामे नाभिगाहइ ॥सू० ७४॥ विणावि लोभं निक्खम्म एस अकम्मे जाणइ पासइ पडिलेहाए नावकंखइ, एस अणागारित्ति पवुच्चइ, अहो य रात्रो परितप्पमाणो कालाकालसमुट्टाई संजोगट्ठी अट्टालोभी आलु पे सहकारे विणिविट्ठचित्ते, इत्थ सत्थे पुणो पुणो से आयबले, से नाइबले, से सयणाबले, से मित्तबले, से पिच्चबले, से देवबले, से रायबले, से चोरबले, से अतिहिबले, से किविणाबले, से समणाबले इच्चेएहिं विरुवरूवेहिं कज्जेहिं दंडसमायाणां संपेहाए भया कज्जइ, पावमुक्खुत्ति मन्नमाणो अदुवा आसंसाए ॥सू० ७५॥ तं परिणाय मेहावी नेव सयं एएहिं कज्जेहिं दंडं समारंभिज्जा, गोव अन्नं एएहिं कज्जेहिं दंडं समारंभाविज्जा, एएहिं कज्जेहिं दंडं समारंभंतपि अन्नं न समणाजाणिज्जा, एस मग्गे आरिएहिं पवेइए, जहेत्थ कुसले नोवलिंपिज्जासि त्ति बेमि ॥सू० ७६॥

॥ इति द्वितीय उद्देशकः ॥ २-२ ॥

॥ अध्ययनं-२ उद्देशकः-३ ॥

से असइं उच्चागोए असइं नीआगोए, नो हीणे नो अइरित्ते (एग-मेगे खलु जीवे अईअद्धाए असइ उच्चागोए असइ नीआगोए, कंडगट्टयाए नो हीणे नो अइरित्ते) नोऽपीहए, इय संखाय को गोयावाइ को माणावाइ ? कंसि वा एगे गिज्जा, तम्हा नो हरिसे नो कुप्पे, भूएहिं जाण पडिलेह सयं ॥सू० ७७॥ समिए एयाणुपस्सी (पुरिसे णं खलु दुक्खुव्वेअसुहेसए)

तं जहा, अन्धत्तं बहिरत्तं मूयत्तं काणत्तं कुटत्तं खुज्जत्तं वडमत्तं सामत्तं सबलत्तं
 सह पमाणं अणोग्रुवात्रो जोणीत्रो संधायइ । विरुवरुवे फासे परिसंवेयइ
 ॥सू० ७८॥ से अबुज्जमाणे हत्रोवहए जाइमरणं अणुपरियट्टमाणे, जीवियं
 पुढो पियं इहमेगैसिं माणावाणं खित्तवत्थुममायमाणाणं, आरत्तं विरत्तं
 मणिकुंडलं सह हिरण्णोण इत्थियात्रो परिगिज्झति तत्थेव रत्ता, न इत्थ तवो
 वा दमो वा नियमो वा दिस्सइ, संपुराणं बाले जीविउकामे लालप्पमाणे मूढे
 विप्परियासमुवेइ ॥सू० ७९॥ इणमेव नावकंखंति, जे जणा धुवचारिणो ।
 जाइमरणं परित्राय, चरे संकमणे द्ढे, नत्थि कालस्स णागमो, सव्वे पाणा
 पियाउयां (पियायया) सुहसाया दुक्खपडिकूला अप्पियवहा पियजीविणो
 जीविउकामा, सव्वेसिं जीवियं पियं, तं परिगिज्झ दुपयं चउप्पयं अभिजुं-
 जिया णं संसिंचिया णं तिविहेण जांवि से तत्थ मत्ता भवइ अप्पा वा
 बहुया वा, से तत्थ गड्ढिए चिट्ठइ, भोअणाए, तत्रो से एगया विविहं
 परिसिट्ठं संभूयं महोवमरणं भवइ, तंपि से एगया दायाया वा विभयन्ति,
 अदत्तहारो वा से अवहरंति, रायाणो वा से विलुपंति, नस्सइ वा से,
 विणस्सइ वा से, अगारदाहेण वा से डज्जइ इय, से परस्सट्ठाए कूराइं
 कम्माइं बाले पकुब्बमाणे तेण दुक्खेण समूढे विप्परियासमुवेइ, मुणिणा हु
 एयं पवेइयं, अणोहंतरा एए नो य ओहं तरित्तए, अतीरंगमा एए नो य
 तीरं गमित्तए, अपारंगमा एए नो य पारं गमित्तए, आयाणिज्जं च आयाय
 तंमि ठाणे न चिट्ठइ, वितहं पप्पखेयन्ने तंमि ठाणंमि चिट्ठइ ॥सू० ८०॥
 उद्देसो पासगस्स नत्थि, बाले पुण निहे कामसमणुन्ने असमियदुक्खे दुक्खी
 दुक्खाणमेव आवट्टं अणुपरियट्टइ त्ति बेमि ॥सू० ८१॥

॥ अध्ययनं-२ उद्देशकः-४ ॥

तत्रो से एगया रोगसमुप्याया समुप्यज्जंति, जेहिं वा सच्छि संवसइ ते व
 गां एगया नियया पुब्बि परिवयंति, सो वा ते नियगे पच्छा परिवइज्जा,
 नालं ते तव ताणाए वा, सरणाए वा, तुमंपि तेसिं नालं ताणाए वा, सरणाए
 वा, जाणित्तु दुक्खं पत्तेअं सायं, भोगा मे व अणुसोयन्ति इहमेगेसिं माणावाणं
 ॥सू० ८२॥ तिविहेण जाणवि से तत्थ मत्तां भवइ अप्पा वा बहुगा वा, से
 तत्थ गड्ढिए चिट्ठइ, भोयणाए, तत्रो से एगया विपरिसिट्ठं संभूयं महोव-
 गराणं भवइ, तंपि से एगया दयाया विभयंति, अदत्तहारो वा से हरति,
 रायाणो वा से विलुंपंति, नस्सइ वा से, विणस्सइ वा से, अगारदाहेण वा
 से डज्झइ इय, से परस्स अट्ठाए कूराणि कम्माणि बाले पकुब्बमाणो तेण
 दुक्खेण मूढे विप्परियासमुवेइ ॥सू० ८३॥ आसं च छन्दं च विगिं च धीरे !,
 तुमं चेव तं सल्लमाहट्ठु जेण सिया तेण नो सिया, इणमेव नावबुज्झंति
 जे जणा मोहपाउडा, थीभि लोए पव्वहिए, ते भो ! वयंति एयाइं आयय-
 णाइं से दुक्खाए मोहाए माराए नरगाए नरगतिरिक्खाए, सययं मूढे धम्मं
 नाभिजाणाइ, उअाहु वीरे, अप्पमात्रो महामोहे, अलं कुसलस्स पमाणां,
 संतिमराणं संपेहाए भेउरधम्मं संपेहाए नालं पास अलं ते एएहिं ॥सू० ८४॥
 एयं पस्स मुणी ! महव्वभयं, नाइवाइज्ज कंचणां एस वीरे पसंसिए जे न निव्वि-
 ज्जइ आयाणाए, न मे देइ न कुप्पिज्जा थोवं लच्छुं न खिसए, पडिसेहियो
 (पडिलाभियो) परिणामिज्जा, एयं मोणां समणुवासिज्जासि त्ति वेमि ॥सू० ८५॥

॥ इति चतुर्थोद्देशकः ॥ २-४ ॥

॥ अध्ययनं-२ उद्देशकः-५ ॥

जमिणां विरूवरूवेहिं सत्थेहिं लोगस्स कम्मसमारंभा कज्जंति, तं जहां
 अप्पणो से पुत्ताणां, धूयाणां, सुगहाणां, नाइणां, धाइणां, राइणां, दासाणां,

दासीणां, कम्मकराणां, कम्मकरीणां आएसए पुढोपहेणाए, सामासाए, पायरा-
 साए, संनिहिसंनिचयो कज्जइ, इहमेगेसि माणावाणां भोयणाए ॥सू० ८६॥
 समुट्टिए अणागारे आरिए आरियपन्ने आरियदंसी अयंसंधित्ति अदक्खु, से
 नाइए नाइयावए न समणुजाणइ, सव्वामगंधं परिन्नाय निरामगंधो परिव्वए
 ॥सू० ८७॥ अदिस्समाणो कयविक्रयेसु, से ण किंणो, न किणावए, किणांतं न
 समणुजाणइ, से भिक्खु कालन्ने, बालन्ने, मायन्ने, खेयन्ने, खणायन्ने, विणयन्ने
 स-समय-पर-समयन्ने, भावन्ने, परिग्गहं अममायमाणो कालाणुट्ठाइ अपडिसणो
 ॥सू० ८८॥ दुहयो छेत्ता नियाइ, वत्थं, पडिग्गहं, कंवलं, पायपुंछणां,
 उग्गहणां च कडासणां एएसु चेव जाणिज्जा ॥सू० ८९॥ लद्धे आहारे
 अणागारो मायं जाणि(ए)ज्जा, से जहेयं भगवया पवेइयं, लाभुत्ति न
 मज्जिज्जा, अलाभुत्ति न सोइज्जा, बहुं पि लद्धुं न निहे, परिग्गहाअो
 अप्पाणां अवसक्किज्जा ॥सू० ९०॥ अन्नहा णं पासए परिहरिज्जा, एस
 मग्गे आयरिएहि पवेइए, जहित्थ कुसले नोवलंपिज्जासि त्ति वेमि
 ॥सू० ९१॥ कामा दुरतिकमा, जीवियं दुप्पडिवूहगं, कामकामी खलु अयं
 पुरिसे, से सोयइ जूरइ तिप्पइ परित्त्पइ ॥सू० ९२॥ आययचक्खु लोगवि-
 पस्सी लोगरस अहो भागं जाणइ, उहं भागं जाणइ, तिरियं भागं जाणइ,
 गट्टिए लोए अणुपरियट्टमाणो, संधि विइत्ता इह मच्चिएहि, एस वीरे
 पसंसिए जे वद्धे पडिमोयए, जहा अंतो तथा बाहिं, जहा आहि तथा अंतो,
 अंतो अंतो पुइदेहंतराणि पासइ, पुढोवि सवंताइं पंडिए पडिलेहाए
 ॥सू० ९३॥ से मइमं परिन्नाय मा य इ लालं पच्चासी, मा तेसु तिरिच्छम-
 प्पाण-मावायए, कासंकासे खलु अयं पुरिसे, बहुमाई कडेण मूढे, पुणो तं
 करेइ लोहं, वरं वड्डेइ अप्पणो, जमिणां परिकहिज्जइ इमस्स चेव पडिवूह-
 णयाए, अमरा य महासद्धी अट्टमेयं तु पेहाए अपरिराणाए कंदइ ॥सू० ९४॥
 से तं जाणइ जमहं वेमि, तेइच्छं पंडिए पवयमाणो से हंता छित्ता भित्ता

लुंपइत्ता विलुंपइत्ता उद्वइत्ता, अकडं करिस्सामित्ति मन्नमाणो, जस्सवि य
गां करेइ, अलं बालस्स संगेणां, जे वा से कारइ बाले, न एवं अणागारस्स
जायइ त्ति बेमि ॥सू० १५॥

॥ इति पंचमोद्देशकः ॥ २-५ ॥

॥ अध्ययनं-२ उद्देशकः-६ ॥

से तं संबुज्जमाणो आयाणीयं समुट्ठाय तम्हा पावकम्मं नेव कुब्जा,
न कारवेज्जा ॥सू० १६॥ सिया तत्थ एगयरं विप्परामुसइ छसु अन्नयरंमि,
कप्पइ सुहट्ठी लालप्पमाणो, सएणा दुक्खेणा मुढे विप्परियासमुवेइ, सएणा
विप्पमाणेण पुढो वयं पकुब्बइ, जंसिमे पाणा पव्वहिया, पडिलेहाए नो
निकरणायाए, एस परिन्ना पवुच्चइ, कम्मोवसंती ॥सू० १७॥ जे ममाइयमइं
जहाइ सै चयइ माइयं, से हु दिट्ठपहे मुणी जस्स नत्थि ममाइयं, तं
परिन्नाय मेहावी विइत्ता लोगं वंता लोगसन्नं से मइमं परिकमिज्जासि त्ति
बेमि ॥ नारइं सहइ वीरे वीरे न सहइ रतिं ॥ जम्हा अविमणे वीरे, तम्हा
वीरे न रज्जइ ॥१॥ सू० १८॥ सइं फासे अहियासमाणो, निव्विद
नंदिं इह जीवियस्स । मुणी मोणां समायाय, धुरो कम्मसरीरगं ॥२॥ पंतं
लुहं सेवंति, वीरा संमत्तदंसिणो । एस ओहंतरे मुणी, तिन्ने मुत्ते विरए
वियाहिए ॥३॥ त्ति बेमि ॥सू० १९॥ दुव्वसुमुणी अणाणाए, तुच्छए
गिलाइ वत्तए, एस वीरे पसंसिए, अच्चेइ लोयसंजोगं, एस नाए पवुच्चइ
॥सू० १००॥ जं दुक्खं पवेइयं इह माणावाणां तस्स दुक्खस्स कुसला परिन्न-
मुदाहरंति, इह कम्मं परिन्नाय सव्वसो जे अणान्नदंसी से अणान्नारामे, जे
अणाराणारामे से अणान्नदंसी, जहा पुराणास्स कत्थइ तथा तुच्छस्स कत्थइ,
जहा तुच्छस्स कत्थइ तथा पुराणास्स कत्थइ ॥सू० १०१॥ अ वि य हरो,
अणाइयमाणो, इत्थंपि जाण सेयंति नत्थि केयं पुरिसे कं च नए ! एस
वीरे पसंसिए, जे वद्धे पडिमोयए, उइं अहं तिरियं दिसासु, से सव्वओ

सञ्चपरिन्नाचारी, न लिप्यइ छणापण्ण, वीरे, से मेहावि अणुग्घायणखेयन्ने
 जे य वन्धपमुक्खमन्नेसी कुम्ले पुण नो वद्धे नो मुक्के ॥सू० १०२॥ से
 जं च आरंभे जं च नारभे, अणारद्धं च न आरभे, छणां छणां परिणाय
 लोगसन्नं च न सञ्चसो ॥सू० १०३॥ उइसो पासगस्स नत्थि, बाले पुणे
 निहे कामसमण्णन्ने, असमियदुक्खे दुक्खी दुक्खाणमेव आवट्ठं अणुपरियट्ठइ
 त्ति वेमि ॥सू० १०४॥

॥ इति षष्ठोद्देशकः ॥ २-६ ॥ इति द्वितीयमध्ययनम् ॥२॥

॥ ३ : शीतोष्णीयाध्ययनं-३ उद्देशकः-१ ॥

सुत्ता अमुणी सया मुण्णिणो जागरंति ॥सू० १०५॥ लोयंसि जाण
 अहियाय दुक्खं, समयं लोगस्स जाणित्ता, इत्थ सत्थोवरण, जस्सिमे
 सदा य रुवा य रसा य गंधा य फासा य अभिसमन्नागया भवंति
 ॥सू० १०६॥ से आयवं नाणवं वेयवं धम्मवं वंभवं पन्नाणोहिं परियाणइ
 लोयं, मुणीति बुच्चे, धम्मविऊ उज्जू, आवट्ठसोए संगमभिजाणइ
 ॥सू० १०७॥ सीउसिणच्चाई से निग्गंथे अरइरइसह, कुरुसयं नो वेणइ,
 जागरे वेरोवरण वीरे एवं दुक्खा पमुक्खसि, जरामच्चुवसोवणिण नरे सययं मूढे
 धम्मं नाभिजाणइ ॥सू० १०८॥ पासिय आउरपाणे अप्पमत्तो, परिव्वए मंता य
 मइमं; पास आरंभजं दुक्खमिणां ति णच्चा, माइ पमाइ पुण एइ गव्वं, उवेह-
 मणो सइरुवेसु उज्जू माराभिसंकी मरणा पमुच्चइ, अप्पमत्तो कामेहिं, उवरओ
 पावक्कमेहिं, वीरे आयगुत्ते खेयन्ने, जे पज्जवजायसत्थस्स खेयणो, से
 अमत्थस्म खेयणो जे असत्थस्स खेयणो से पज्जवजायसत्थस्स खेयणो,
 अक्कम्मस्म ववहारो न विज्जइ, कम्मणा उवाही जायइ; कम्मं च पडिलेहाए
 ॥सू० १०९॥ कम्ममूलं च जं छणां, पडिलेहिय सव्वं सामायाय दोहिं
 अंतेहिं अदिस्समाणे तं परिन्नाय मेहावी विइत्ता लोगं वंता लोगसन्नं से
 मंडावी परिक्कमिज्जामि त्ति वेमि ॥सू० ११०॥

॥ इति प्रथमोद्देशकः ॥३-१॥

॥ अध्ययनं-३ :: उद्देशकः-२ ॥

जाइं च बुद्धिं च इहऽज्ज ! पासे, भूएहिं जाणो पडिलेहसायं ॥ तम्हाऽति-
 विज्जे परमंति गाच्चा, संमत्तदंसी न करेइ पावं ॥१॥ उम्मुं च पासं इह
 मच्चिएहिं, आरंभजीवी उभयाणुपस्सी ॥ कामेसु गिद्धा निचयं करंति, संसि-
 च्चमाणा पुणारिंति गब्भं ॥२॥ अवि से हासमासज्ज, हंता नंदीति मन्नइ ॥
 अलं बालस्स संगेण, वेरं वड्ढेइ अप्पणो ॥३॥ तम्हातिविज्जो परमंति गाच्चा,
 आयं कदंसी न करेइ पाव ॥ अग्गं च मूलं च विगिं च धीरे, पल्लिच्छिंदिया गां
 निकमदंसी ॥४॥ एस मरणा पमुच्चइ, से हु दिट्ठभए मुणी, लोगंसि परमदंसी
 विवित्तजीवी उवसंते समिए सहिए सयाजए कालकंवी परिवए, बहुं च खलु
 पावं कम्मं पगडं ॥सू० १११॥ सिच्चंमि धिइं कुब्बहा, एत्थोवरए मेहावी
 सव्वं पावं कम्मं जोसइ ॥सू० ११२॥ अणोगचित्ते खलु अयं पुरिसे, से
 केयणां अरिहए पूरिणणए, से अणणावहाए अणणापरियावाए अणणापरिग्ग-
 हाए, जणावयवहाए जणावयपरियावाए जणावयपरिग्गहाए ॥सू० ११३॥
 आसेवित्ता एतं(वं) अट्ठं इच्चेवेगे समुट्ठिया, तम्हा तं विइयं नो सेवे,
 निस्सारं पासिय नाणी, उववायं चवणां गाच्चा अणाराणं चर माहणो से न
 छणो न छणावए छणांतं नाणुजाणइ, निब्बिंदं नंदिं, अरए पयासु, अणोम-
 दंसी निसराणो पावेहिं कम्मेहि ॥सू० ११४॥ कोहाइमाणं हणिया य वीरे,
 लोभस्स पासे निरयं महंतं ॥ तम्हा य(हि) वीरे विरए वहाओ, छिंदिंज
 सोयं लहुभूयगामी ॥१॥ गंथं परिणाय इहऽज्ज ! धीरे, सोयं परिणाय
 चरिज्ज दंते ॥ उम्मज्ज लच्छुं इह माणावेहिं, नो पाणिणां पाणो समारभिज्जा
 सि ॥२॥ ति वेमि ॥

॥ इति द्वितीय उद्देशकः ॥ ३-२ ॥

॥ अध्ययन-३ :: उद्देशकः-३ ॥

संधिं लोयस्स जाणित्ता, आयत्रो बहिया पास, तम्हा न हंता, न वि घायए, जमिणं अन्नमन्नवितिगिच्छाए पडिलेहाए न करेइ पावं कम्मं, किं तत्थ मुणी कारणं सिया ? ॥सू० ११५॥ समयं तत्थुवेहाए अप्पाणं विप्पसायए— अण्णपरमं नाणी, नोपमाए कयाइ वि । आयगुत्ते सया वीरे, जायामायाइ जावए ॥१॥ विरागं रूवेहिं गच्छिज्जा महया खुडुएहि य, आगइं गइं परिणाय दोहिवि अतेहिं अदिस्समाणेहि से न छिज्जइ, न भिज्जइ, न डज्जइ, न हंमइ कंचणं सब्वलोए ॥सू० ११६॥ अवरेण पुब्बि न सरंति एगे, किमस्स तीयं किं वाऽऽगमिस्सं । भासंति एगे इह माणवात्रो, जमस्स तीयं तमागमिस्सं ॥१॥ (अवरेणपुब्बि किह से अतीतं, किह आगमिस्सं न सरंति एगे । आसंति एगे इह माणवात्रो, नह से अईयं तह आगमिस्सं ॥१॥) नाईयमट्ठं न य आगमिस्सं, अट्ठं नियच्छन्ति तहागयाउ । विहुयकप्पे एयाणुपस्सी, निज्ज्जोसइत्ता खवगे महेसी ॥२॥ का अरइ के आणंदे ?, इत्थंपि अग्गहे चरे, सब्वं हासं परिज्ज आलीणगुत्तो परिव्वए, पुरिसा ! तुममेव तुमं मित्तं, किं बहिया मित्तमिच्छसि ? ॥सू० ११७॥ जं जाणिज्जा उच्चालइयं तं जाणिज्जा दूरालइयं, जं जाणिज्जा दूरालइयं तं जाणिज्जा उच्चालइयं, पुरिसा ! अत्ताणमेवं अभिणिगिज्ज्ज एवंपुं दुक्खा पमुच्चसि, पुरिसा ! सच्चमेव समभिजाणाहि, सच्चस्स आणाए से उवट्ठिए मेहावी मारं तरइ, सहिओ धम्ममायाय सेयं समणुपस्सइ ॥सू० ११८॥ दुहओ जीविअस्स परिवंदणमाणाणपूयणाए जंसि एगे पमायंति ॥सू० ११९॥ सहिओ दुक्खमत्ताए पुट्ठो नो भंकाए, पासिमं दविए लोकालोकपवंचाओ मुच्चइ त्ति वेमि ॥सू० १२०॥

॥ अध्ययनं-३ :: उद्देशकः-४ ॥

से वंता कोहं च माणां च मायं च लोभं च, एयं पासगस्स दंसणां, उवरयसत्थस्स पलियंतकरस्स, आयाणां सगडब्भि ॥सू० १२१॥ जे एगं जाणइ से सब्बं जाणइ. जे सब्बं जाणइ से एगं जाणइ ॥सू० १२२॥ सब्बओ पमत्तस्स भयं, सब्बओ अपमत्तस्स नत्थि भयं, जे एगं नामे से बहुं नामे, जे बहुं नामे से एगं नामे, दुक्खं लोगस्स जाणित्ता वंता लोगस्स संजोगं जंति धीरा महाजाणां, परेणा परं जंति, नावकंखंति जीवियं ॥सू० १२३॥ एगं विगिंचमाणो पुढो विगिंचइ, पुढोवि, सद्धी आणाए मेहावी लोगं च आणाए अभिसमिच्चा अकुओभयं, अत्थि सत्थं परेणा परं, नत्थि अ.सत्थं परेणा परं ॥सू० १२४॥ जे कोहदंसी से माणादंसी, जे माणादंसी से मायादंसी, जे मायादंसी से लोभदंसी, जे लोभदंसी से पिज्जदंसी, जे पिज्जदंसी से दोसदंसी, जे दोसदंसी से मोहदंसी, जे मोहदंसी से गव्भदंसी, जे गव्भदंसी से जम्मदंसी, जे जम्मदंसी से मारदंसी, जे मारदंसी से नरयदंसी, जे नरयदंसी से तिरियदंसी, जे तिरियदंसी से दुक्खदंसी । से मेहावी अ.भिणिवट्टिज्जा, कोहं च माणां च मायं च लोभं च पिज्जं च दोसं च मोहं च गव्भं च जम्मं च मारं च नरयं च तिरियं च दुक्खं च, एयं पासगस्स दंसणां उवरयसत्थस्स पलियंतकरस्स, आयाणां निसिद्धा सगडब्भि, किमत्थि ओवाही पासगस्स ? न विज्झइ ? नत्थि त्ति वेमि ॥सू० १२५॥

॥ इति चतुर्थ उद्देशकः ॥ ३-४ ॥ इति तृतीयमध्ययनम् ॥ ३ ॥

॥ ४ : सम्यक्त्वाध्ययनं-४ :: उद्देशकः-१ ॥

से वेमि जे अईया, जे य पडुपन्ना, आगमिस्सा अरहंता भगवंतो, ते सब्बे एवमाइक्खन्ति, एवं भासंति, एवं पराणाविति, एवं परुविति—सब्बे पाणा सब्बे भूया सब्बे जीवा सब्बे सत्ता न हंतव्वा, न अज्जावेयव्वा, न परिधि-

त्त्वा, न परियावेयव्या, न उद्देवेयव्या, एम धम्मे शुद्धे निद्वे सयिच्च लोयं
 खेयराणोहिं पवेइए, तं जहा-उट्टिएसु वा, अणुट्टिएसु वा, उवट्टिएसु वा,
 अणुवट्टिएसु वा, उवरयदंडेसु वा, अणुवरयदंडेसु वा, सोवहिणसु वा,
 अणोवहिरसु वा, संजोगरएसु वा, असंजोगरएसु वा, तच्चं चयं तथा चयं
 अस्सिं चयं पवुच्चइ ॥सू० १२६॥ तं आइत्तु न निहे न निक्खिस्वे जाणित्तु
 धम्मं जहा तथा दिट्ठेहिं निव्वेयं गच्छिज्जा, नो लोमस्ससराणं चरे ॥सू० १२७॥
 जस्स नत्थि इमा जाइ अराणा तस्स कथो सिया ?, दिट्ठं सुयं मयं विराणायं
 जं एयं परिकहिज्जइ, ससेमाणा पत्तेमाणा पुणो पुणो जाइं पक्कपंति
 ॥सू० १२८॥ अहो अ राथो य जयमाणो धीरे सया आगयपराणाणो पमत्ते
 बहिया पास, अण्णमत्ते सया परिकमिज्जासि त्ति वेमि ॥सू० १२९॥

॥ इति प्रथमोद्देशकः ॥ ४-१ ॥

॥ अध्ययनं-४ :: उद्देशकः--२ ॥

जे आसवा ते परिस्सवा, जे परिस्सवा ते आसवा, जे अणासवा ते
 अपरिस्सवा, जे अपरिस्सवा ते अणासवा, एए पए संबुज्झमाणो लोयं च
 आणाए अभिसमिच्चा पुढो पवेइयं ॥सू० १३०॥ आघाइ नाणी इह माणावाणं
 संसारपडिवराणाणं संबुज्झमाणणाणं (आघाइ धम्मं खलु से जीवाणां, तं जहा
 संसारपडिवन्नाणां माणासभवत्थाणां आरंभविगाईणां दुक्खुव्वेअसुहेसगाणां
 धम्मसवराणवेसयाणां सुस्सुसमाणाणां पडिपुच्छमाणणाणं) विन्नाणपत्ताणां,
 अट्ठावि संता अदुवा पक्कत्ता अहा सच्चमिणां तिवेमि, नाणागमो मच्चुमुहस्स
 अत्थि, इच्छा पणीया वंका निकेया कालगहिया निचयनिविट्ठा पुढो पुढो
 जाइं पक्कपयंति (एत्थ मोहे पुणो पुणो) ॥सू० १३१॥ इहसेगेसिं तत्थ तत्थ
 संथवो भवइ अहोववाइए फासे पडिसंवेयंति, चिट्ठं कम्मेहि कूरेहिं चिट्ठं
 परिचिट्ठइ, अचिट्ठं कूरेहिं कम्मेहि नो चिट्ठं परिचिट्ठइ, एगे वयंति
 अदुवावि नाणी, नाणी वयंति अदुवावि एगे ॥सू० १३२॥ आवंती

केयावंती लोयंसि समणा य माहणा य पुढो विवायं वथंति, से दिट्टं च गो,
सुयं च गो, मयं च गो, विराणायं च गो, उट्टं अहं तिरियं दिसासु सव्वओ
सुपडिलेहियं च गो-सव्वे पाणा, सव्वे जीवा, सव्वे भूया, सव्वे सत्ता, हन्तव्वा
अज्जावेयव्वा, परियावेयव्वा, परिघेत्तव्वा, उह्वेयव्वा, इत्थ वि जाणाह नत्थित्थ
दोसो अणारिय वयणासेयं; तत्थ जे आरिया ते एवं वयासी-से दुट्टं च
भे, दुस्सुयं च भे, दुम्मयं च भे, दुविराणायं च भे; उट्टं अहं तिरियं दिसासु
सव्वओ दुप्पडिलेहियं च भे, जं णं तुव्वे एवं आइक्खह, एवं भासह, एवं
परूवेह, एवं पराणावेह-सव्वे पाणा (४) हंतव्वा (५), इत्थवि जाणाह नत्थित्थ दोसो,
अणारिय-वयणासेयं, वयं पुणा एवमाइक्खामो, एवं भासामो, एवं परूवेमो,
एवं पराणावेमो-सव्वे पाणा (४) न हंतव्वा १ न अज्जावेयव्वा २ न परिघि-
त्तव्वा ३ न परियावेयव्वा ४ न उह्वेयव्वा ५, इत्थवि जाणाह नत्थित्थ दोसो
आयरियवयणासेयं पुव्वं निकाय समयं पत्तेयं पत्तेयं पुच्छिस्सामि, हं भो
पावाइया (पावाउया) ? किं भे सायं दुक्खं उयाहु असायं ? समिया पडिवराणो यावि
एवं बूया-सव्वेसिं पाणाणां, सव्वेसिं भूयाणां; सव्वेसिं जीवाणां, सव्वेसिं सत्ताणां
असायं अपरिनिव्वाणां महब्भयं दुक्खं त्ति वेमि ॥सू० १३३॥

॥ इति द्वितीय उद्देशकः ॥४-२॥

॥ अध्ययनं-४ :: उद्देशकः-३ ॥

उवेहि णं बहिया य लोगं, से सव्वलोगंमि जे केइ विराणा, अणुवीइ
पास निक्खित्तदंडा, जे केइ सत्ता पलियं चयंति, नरा सुयच्चा धम्मविउत्ति
अञ्जू, आरंभजं दुक्खमिणां ति णच्चा, एवमाहु संमत्तदंसिणो, ते सव्वे
पावाइया दुक्खस्स कुसला परिणामुदाहरंति इय कम्मं परिणाय
सव्वसो ॥सू० १३४॥ इह आणाकंखी पंडिए अण्णिहे, एगमप्पाणां
संपेहाए धुणो सरीरं, कसेहि अप्पाणां जरेहि अप्पाणां-जहा जुनाइं कट्टाइं
हव्ववाहो पमत्थइ । एवं अत्तसमाहिए अण्णिहे, विगिंच कोहं अविक्कंपमाणो

॥सू० १३५॥ इमं निरुद्धाउयं संपेहाए, दुक्खं च जाण अहु आगमेस्सं, पुटो फासाइं च फासे, लोयं च पास विफंदमाणं, जे निव्वुडा पावेहिं कम्मोहिं अणियाणा ते वियाहिया, तम्हा अतिविज्जो नो पडिमंजलिज्जासि त्ति वेमि ॥सू० १३६॥

॥ इति तृतीय उद्देशकः ॥ ४-३ ॥

॥ अध्ययनं-४ :: उद्देशकः-४ ॥

आवीलए पवीलए निप्पीलए जहिता पुव्वसंजोगं हिच्चा उवसमं, तम्हा अविमणो वीरे, सारए ममिए सहिए सया जए, दुरणुच्चरो म्मणो वीराणं अनियद्वृगामीणं, विगिच मंससोणियं, एस पुरिसे दविए वीरे, आयाणिज्जे वियाहिए, जे धुणाइ समुस्सयं वसित्ता वंभचेरंसि ॥सू० १३७॥ नित्तेहिं पलिच्छिन्नेहिं आयाणसोयगद्धिए बाले, अज्वोच्छिन्नबंधणो अण- भिक्कंतसंजोए तमंसि अवियाणओ आणाए लंभो नत्थि त्ति वेमि ॥सू० १३८॥ जस्स नत्थि पुरा पच्छा मज्जे तस्स कुओ सिया ?, से हु पन्नाणमंते बुद्धे आरंभोवरए संमसेयंति पासह, जेण बंधं वहं घोरं परियावं च दारुणं पलिच्छिदिय बाहिरगं च सोयं, निवकंमदंसी इह मच्चिएहिं, कम्माणं मफलं दट्टुण तथो निज्जाइ वेयवी ॥सू० १३९॥ जे खलु भो ! वीरा ते समिया सहिया सया ज्या संघदंसिणो आओवरया अहातहं लोयं उवेह- माणा पाइणं पडिणं दाहिणं उइणं इय सच्चंसि परि(त्रिए)चिट्ठिसु, साहिस्सामो नाणं वीराणं समियाणं सहियाणं सयाजयाणं संघदंसिणं आओवरयाणं अहातहं लोयं समुवेहमाणाणं किमत्थि उवाही ?, पासगस्स न विज्जइ नत्थि त्ति वेमि ॥सू० १४०॥

॥ इति चतुर्थ उद्देशकः ॥ ४-४ ॥ इति चतुर्थमध्ययनम् ॥ ४ ॥

॥५॥ लोकसाराध्ययनं-५ :: उद्देशकः-१ ॥

आवंती केयावंती लोयंसि विपरामुसंति अट्टाए अणट्टाए, एएसु चैव विपरामुसंति, (जावंति केइ लोए छकायवहं समारभंति अट्टाए अणट्टाए) गुरु से कामा, तत्रो से मारंते, जत्रो से मारंते तत्रो से दूरे, नेव से अंतो नेव दूरे ॥सू० १४१॥ से पासइ फुसियमिद कुसग्गे पणुन्नं निवइयं वाएरियं एवं बालस्स जीवियं मंदस्स अविद्याणत्रो, कुराइं कम्माइं बाले पकुच्चमाणो, तेण दुक्खेण मूढे विपरियासमुवेइ, मोहेण गव्वं मरणाइ एइ, एत्थ मोहे पुणो पुणो ॥सू० १४२॥ संसयं परिआणत्रो संसारे परिन्नाए भवइ, संसयं अपरियाणत्रो संसारे अपरिन्नाए भवइ ॥सू० १४३॥ जे छेए से सागारियं न सेवइ, कट्टु एवमविआणत्रो विइआ मंदस्स बालया, (जे खलु विसए सेवइ, सेवित्ता वा गालोएइ, परेण वा पुट्टो निराहवइ अहवा तं परं सएण वा दोसेण पाविट्टयरेण वा दोसेण उवलंपिज्जति) लच्छा हुरत्था पडिलेहाए आगमित्ता आणविज्जा अणासेवणाय त्ति बेमि ॥सू० १४४॥ पासह एगे ख्वेसु गिद्धे परिणिज्जमाणो, इत्थ फासे पुणो पुणो, (एत्थ मोहे पुणो पुणो) आवंती केयावंती लोयंसि आरंभजीवी, एएसु चैव आरंभजीवी, इत्थवि बाले परिपच्चमाणो रमइ पावेहिं कम्मेहिं असरणो सरणांति मन्नमाणो, इहमेगेसिं एगचरिया भवइ, से बहुकोहे बहुमाणो बहुमाए बहुलोभे बहुरए बहुनडे बहुसढे बहुसंकप्पे आसवसत्ती पलिउच्छन्ने उट्ठियवायं पवयमाणो, मा मे केइ अदक्खु अन्नायपमायदोसेणां, सययं मूढे धम्मं नाभिजाणइ, अट्टा पया माणव ! कम्मकोविया जे अणुवरया अविज्जाए पलिमुक्खमाहु आव-ट्टमेव अणुपरियट्ठंति त्ति बेमि ॥सू० १४५॥

॥ इति प्रथमोद्देशकः ॥ ५-१ ॥

॥ अध्ययन-५ :: उद्देशकः-२ ॥

आवन्ती केयावन्ती लोए अणारंमजीविणो तेसु, एत्थोवरए तं भोसमाणो, अयं संधीति अइवव्वु, जे इमस्स विग्गहस्स अयं खणो त्ति अन्नेही एस मग्गे आरिएहिं पवेइए, उट्टिए नो पणायए, जाणित्तुं दुक्खं पत्तेयं सायं, पुट्ठोच्छंदा इह माणादा पुट्ठो दुक्खं पवेइयं, से अविहिसमाणो अणवयमाणो, पुट्ठो फासे विपणुन्नए ॥सू० १४६॥ एम समिधा परियाए वियाहिए, जे असत्ता पावेहि कम्मोहिं उदाहु ते आयंका फुसंति, इति उदाहु धीरे ते फासे पुट्ठो अहियासइ, से पुट्ठिपेयं पच्छापेयं भेउरधम्मं, विद्धंसणाधम्ममधुवं, अणोइयं, असासयं चयावचइयं, विप्परिणामधम्मं, पासह चेयं ख्वसंधिं ॥सू० १४७॥ ससुप्पेहमाणस्स इकाययणारयस्स इह विप्पमुक्कस्स नत्थि मग्गे विरयस्स त्ति बेमि ॥सू० १४८॥ आवन्ती केयावन्ती लोगंसि परिग्गहावन्ती, से अप्पं वा बहुं वा अणुं वा थूलं वा चित्तमंतं वा अचित्तमंतं वा एएसु चेव परिग्गहावन्ती, एतदेव एणोसि महब्भयं भवइ, लोगवित्तं च गां उवेहाए, एए संगे अविद्याणओ ॥सू० १४९॥ से सुपडिबद्धं सूवणीयंति नच्चा पुरिसा परमचक्खु विपरिक्कमा, एएसु चेव बंधवेरं त्ति बेमि, से सुयं च मे, अज्जत्थयं च मे, बंधपमुक्खो अज्जत्थेव, इत्थ विरए अणुगारे दीहरायं तित्तिक्खए, पमत्ते बहिया पास, अप्पमत्तो परिव्वए, एयं मोणां सम्मं अणुवा-सिज्जासि त्ति बेमि ॥सू० १५०॥

॥ इति द्वितीय उद्देशकः ॥ ५--२ ॥

॥ अध्ययन-५ :: उद्देशकः-३ ॥

आवन्ती केयावन्ती लोयंसि अपरिग्गहावन्ती, एएसु चेव अपरिग्गहावन्ती, सुच्चा वइ मेहावी पंडियाणा निसामिधा समियाए धम्मो आरिएहिं पवेइए जहित्थ मए संधी भोसिए, एवमन्नत्थ संधी दुब्बोसए भवइ, तम्हा बेमि नो निहणिज्ज वीरियं ॥सू० १५१॥ जे पुट्ठुट्ठाइ नो पच्छानिवाइ,

जे पुब्बुद्वाइ पच्छानिवाइ जे नो पुब्बुद्वायी नो पच्छानिवाइ, सेऽवि
 तारिसिए सिया, जे परित्राय लोगमन्नेसयंति ॥सू० १५२॥ एयं नियाय
 मुणिया पवेइयं, इह आणाकंखी पंडिए अण्णिहे, पुब्बावररायं जयमाणो,
 सया मीलं सुपेहाए सुणिया भवे अकामे अभंके, इमेण चैव जुज्झाहि
 किं ते जुज्जेण बज्जयो ? ॥सू० १५३॥ जुद्धारिहं खलु दुल्लहं, जहित्थ
 कुमलेहिं परित्राविवेगे भासिए, चुए हु बाले गव्भाइसु रजइ (रिज्जइ) अस्सि
 चैयं पवुच्चइ, ख्वंसि वा, छांसि वा से हु एगे संविद्धपहे (संवद्धिभये-
 संचिद्धपहे) मुणी, अन्नहा लोगमुवेहमाणो, इय कम्म परिणाय सब्बसो से न
 हिसइ, संजमइ नो पगम्भइ, उवेहमाणो पत्तेय सायं, वराणाएसी नारंभे
 कंचणं सब्बलोए एगप्पमुहे विदिसप्पइन्ने निव्विराणाचारी अरण पयासु
 ॥सू०-१५४॥ से वसुमं सज्जसमन्नागयपन्नाणोणं अप्पाणोणं अकरणिज्जं
 पावकम्मं तं नो अन्नेसी, जं संमंति पासहा तं मोणांति पासहा, जं मो-
 णांति पासहा तं संमंति पासहा, न इमं सक्कं सिद्धिलेहिं अदिज्जमाणोहिं
 गुणासाएहिं वंकसमायारेहिं पमत्तेहिं गारयावसंतेहिं, मुणी मोणां समायाए
 धुणो सरीरगं पंतं लुहं सेवंति वीरा सम्भत्तदंसिणो, एस ओहन्तरे मुणी,
 तिराणो मुत्ते विरण वियाहिए त्ति बेमि ॥सू० १५५॥

॥ इति तृतीयोद्देशकः ॥ ५-३ ॥

॥ अध्ययनं-५ :: उद्देशकः-४ ॥

गामाणुगामं दूइज्जमाणस्स दुज्जायं दुप्परक्कतं भवइ अवियत्तस्स
 भिक्खुणो ॥सू० १५६॥ वयसावि एगे बुइया कुप्पंति माणावा, उन्नयमाणो
 य नरे महया, मोहेण सुज्झइ, संवाहा बहवे भुज्जो (२) दुरइक्कम्मा अन्नाणाओ
 अपासओ, एयं ते मा होउ, एयं कुसलस्स दंसणां, तदिट्ठिए तस्सुत्तिए तप्पुर-
 कारे तस्सन्नी तन्नियेसणो, जयं विहारी चित्तनिवाइ पंथनिज्झाइ पलिवाहिरे,
 पासिय पाणो गच्छिज्जा ॥सू० १५७॥ से अभिकममाणो, पडिकममाणो

संकुचमारो पसारमारो विणिवट्टमारो संपलिज्जमारो, एगया गुणसमियस्स
 रीयत्रो कायसंकासं समणुचिन्ना एगतिया पाणा उदायंति, इहलोग वेयणा-
 विजावडियं, जं आउट्टिकयं कम्मं तं परिन्नाय विवेगमेइ, एवं से अप्पमाएणा
 विवंगं किट्टइ वेयवी ॥सू० १५८॥ से पभूयदंसी पभूयपरिन्नाणे उवसंते
 समिए सहिए सयाजए, दट्टुं विप्पडिवेएइ अप्पाणां किमेस जणो करिस्सइ ?
 एस से परमारामो जात्रो लोगंमि इत्थीत्रो, मुणीणा हु एयं पवेइयं,
 उव्वाहिज्जमारो, गामधम्मेहिं अवि निव्वलासए अवि ओमोयरियं कुज्जा,
 अवि उट्टं ठाणं ठइज्जा, अवि गामाणुगामं दूइज्जिज्जा, अवि आहारं
 बुच्चिदिज्जा, अवि चए इत्थीसु मणां, पुव्वं दडा पच्छा फासा, पुव्वं फासा
 पच्छा दंडा, इच्चेए कलहासंगकरा भवंति, पडिलेहाए आगमिन्ता आणा-
 विज्जा अणासेवणाए त्तिबेमि, से नो कहिए नो पासणिए नो संपसारणिए
 नो मामए णो कयकिरिए वइगुत्ते अज्जमध्यसंबुडे परिवज्जइ सया पावं एयं मोणां
 समणुवासिज्जासि त्तिबेमि ॥सू० १५९॥

॥ इति चतुर्थ उद्देशकः ॥ ५-४ ॥

॥ अध्ययनं-५ :: उद्देशकः-५ ॥

से बेमि तं जहा-अवि हरए पडिपुराणे समंसि भोमे चिट्टइ उवसं-
 तरए सारक्खमारो, से चिट्टइ सोयमज्जगए से पास सव्वत्रो गुत्ते, पास लोए
 महेसिणो जे य पन्नाणमंता पबुद्धा आरम्भोवरया सम्ममेयंति पासह, कालस्स
 कंखाए परिव्वयंति त्ति बेमि ॥सू० १६०॥ वितिगिच्छसमावन्नेणां अप्पाणोणां
 नो लहइ समाहिं, सिया वेगे अणुगच्छंति असिता वेगे अनुगच्छंति
 अणुगच्छमारोहिं अणुगच्छमारो कहां न निव्विज्जे ? ॥सू० १६१॥
 तमेव सच्चं नीसकं जं जिणोहि पवेइयं ॥सू० १६२॥ सट्ठिस्स णं समणु-
 न्नास्स संपव्वयमाणस्स समियंति मन्नमाणस्स एगया समिया होइ १, समियंति
 मन्नमाणस्स एगया असमिया होइ २, असमियंति मन्नमाणस्स एगया समिया

होइ ३, असमियंति मन्नमाणास्स एगया असमिया होइ ४, समियंति मन्नमाणास्स समिया वा असमिया वा समिया होइ उवेहाए ५, असमियंति मन्नमाणास्स समिया वा असमिया वा असमिया होइ उवेहाए ६, उवेहमाणो अणुवेहमाणं ब्रूया-उवेहाहि समियाए, इच्चेवं तथ्य संधी भोसिओ भवइ, से उट्टियस्स ठियस्स गइं समणुपासह, इत्थवि बालभावे अण्णाणं नो उवदं-सिज्जा ॥सू० १६३॥ तुमंसि नाम सच्चेव जं हंतव्वंति मन्नसि, तुमंसि नाम सच्चेव जं अज्जावेयव्वंति मन्नसि, तुमंसि नाम सच्चेव जं परिदावेयव्वंति मन्नमि, एवं जं परिचित्तव्वंति मन्नसि, जं उद्देवेयव्वंति मन्नसि, अंजूचेयपडिबुद्धजीवी, तम्हान हंता नवि घायए, अणुसंवेयणमण्णाणं जं हंतव्वं नाभिपत्थए ॥सू० १६४॥ जे आया से विन्नाया, जे विन्नाया से आया, जेण वियाणइ से आया, तं पडुच्च पडिसंखाए, एस आयावाइ समियाए परियाए वियाहिए त्तिवेमि ॥सू० १६५॥

॥ इति पंचमोद्देशकः ॥ ५-५ ॥

॥ अध्ययनं-५ :: उद्देशकः-६ ॥

अण्णाणाए एगे सोवट्टाणा आणाए एगे निरुवट्टाणा, एयं ते मा होउ, एयं कुसलस्स दंसणं, तदिट्ठीए तम्मुत्तीए तण्णुरक्कारे तस्सन्नी तन्निवेसणो ॥सू० १६६॥ अभिभूय अदक्खु अणाभिभूए पभू निरालंबणयाए जे महं अबहिमणो, पवाएण पवायं जाणिज्जा, सहसंमइयाए परवागरणोणं अन्नेसि वा अंतिए सुच्चा ॥सू० १६७॥ निद्देसं नाइवट्टेज्जा मेहावी सुपडिलेहिया सव्वओ सव्वण्णा सम्मं समभिगणाय, इह आरामं परिणाय अल्लीणगुत्तो आरामो परिव्वए निट्टियट्ठी वीरे आगमेण सया परक्कमे ॥सू० १६८॥ उद्धं सोया अहे सोया, तिरियं सोया वियाहिया । एए सोया विअक्खाया, जेहिं संगंति पासह ॥१॥ आवट्टं तु पेहाए इत्थ विरमिज्ज वेयवी, विणइनु सोयं निक्खम्म एसमहं अकम्मा जाणइ पासइ पडिलेहाए नावकंखइ इह

आगइं गइं परिन्नाय ॥सू० १६९॥ अच्चेइ जाइमरणास्य वट्टमग्गं विक्खा-
 यए, सव्वे सरा नियट्ठंति, तक्का जत्थ न विज्जइ, मइ तत्थ न गाहिया,
 ओए, अप्पइट्ठाणास्स खेयन्ने, से न दीहे न हस्से न वट्ठे न लंमे न चउरंमे न
 परिमंडले न किणहे न नीले न लोहिए न हात्तिहे न सुद्धित्ते न सुग्धि-
 गंधे न दुरभिगंधे न तित्ते न कडुए न कसाए न अंविजे न म्हुरे न क्कण्ण्डे
 न मउए न गरुए न लहुए न उगहे न निज्जे न लुक्खे न काऊ न र्हे न
 संगे न इत्थी न पुरिसे न अन्नहा, परिन्ने सन्ने उव्वा न विज्जए, अस्वी
 सत्ता अपयस्स पयं नत्थि ॥सू० १७०॥ से न सद्दे न ख्वे न गंधे न रसे न
 फासे इच्चेव त्तिवेमि ॥सू० १७१॥

॥ इति षष्ठ उद्देशकः ॥ ५-६ ॥ इति पंचममध्ययनम् ॥ ५ ॥

॥ ६ ॥ धूताध्ययनं-६ :: उद्देशकः-१ ॥

ओब्भुज्जमारो इह माणावेषु आवाइ से नरे, जस्स इमाओ जाइओ
 सव्वओ सुपडिलेहियाओ भवंति, आवाइ से नाणामारोलिसं, से किट्ठइ तेसि
 समुट्ठियाणां निक्खित्तइंगळाणां समाहियाणां पन्नाणमंताणां इह मुत्तिमग्गं, एवं
 (अवि) एगे महावीरा विपरिक्कमंति पासह एगे अयसीथमारो अणत्तपन्ने से
 वेमि, से जहावि (सेवि) कुंसे हरए विणिधिद्वित्ते पच्छन्नपलासे उम्मग्गं से
 नो लहइ भंजगा इव संनिवेशं नो चयंति, एवं (अधि) एगे अरोगख्वेहिं
 कुलेहिं जाया ख्वेहि सत्ता कलुणां थणांति, नियाणाओ ते न लभंति
 सुक्खं, अह पास तेहिं कुलेहिं आयत्ताए जाया ॥१७२॥ गंडी अहवा
 कोटी, रायंसी अवमारियं । काणियं क्षिमियं चेंव, कुणियं खुज्जियं
 तहा ॥१॥ उदरि च पास मूयं च, सूणीयं च गिलासणिं । वेवइं
 पीढसण्णिं च, सिलियं महुमंहाणिं ॥२॥ सोलस एए रोगा, अक्खाया
 अणुपुव्वसो । अह णं फुसंति आयंका, फासा य असमंजसा ॥३॥ धरणां
 तेसि संपेहाए उववायं चवणां च नच्चा, परियागं च संपेहाए ॥सू० १७३-७६॥

तं सुगोह जहा तथा संति पाणा अंधा तमसि वियाहिया, तामेव सइं
 असइं अइअच्च उच्चावयफासे पडिसंवेएइ, बुद्धेहिं एयं पवेइयं-संति पाणा
 वासगा रसगा उदए उदए चरा आगासगामिणो पाणा पाणो किलेसंति, पास
 लोए महब्भयं ॥सू० १७७॥ बहुदुक्खा इ जन्तवो, सत्ता कामेसु
 माणावा, अबलेणा वहं गच्छन्ति सरीरेणां पभंगुरेणा अट्टे से बहुदुक्खे इइ
 बाले पकुव्वइ एए रोगा बहू नच्चा आउरा परियावए नालं पास, अलं
 तवेएहिं, एयं पास मुणी ! महब्भयं नाइवाइज्ज कंचणां ॥सू० १७८॥
 आयाणा भो सुस्सूस ! भो धूयवायं पवेयइस्सामि, (धुतोदायं पवेयंति)
 इह खलु अत्तत्ताए तेहिं तेहिं कुलेहिं अभिसेएणा अभिसंभूया अभिसंजाया
 अभिनिव्वुडा अभिसंबुद्धा अभिसंबुद्धा अभिनिक्कंता अणापुव्वेणा महामुणी
 ॥सू० १७९॥

तं परिकसंतं परिदेवमाणा सा चयाहि इय ते वयंति-छंदोवणीया
 अज्झोववन्ना अक्कंदकारी जणागा रुयंति अतारिसे मुणी (ण य) ओहं
 तरए जणागा जेण विप्पजढा, सरणां तत्थनो समंइ, कहं नु नाम से तत्थ
 रमइ ?, एयं नाणां सया समणावासिज्जासि ति वेमि ॥सू०-१८०॥

॥ इति प्रथमोद्देशकः ॥६-१॥

॥ अध्ययनं-६ :: उद्देशकः-२ ॥

आउरं लोगमायाए चइत्ता पुव्वसंजोगं हिच्चा उवसमं वसित्ता बंभवे-
 रंसि वसु वा अणावसु वा जाणित्तु धम्मं अहा तथा अहेगे तमचाइ कुसीला
 ॥सू० १८१॥ वत्थं पडिग्गहं कंबलं पायपुट्टणां विउसिज्जा, अणापुव्वेणा
 अणाहियासेमाणा परीसहे दुरहियासए, कामे ममायमाणास्स इयाणि वा
 मुहुत्तेणा वा अपरिमाणाए भेए, एवं से अंतराएहिं कामेहिं आकेवलिएहि
 अवइन्ना चेए ॥सू० १८२॥ अहेगे धम्ममायाय आयाणाप्पभिइंसु पण्हिए
 चरे अप्पलीयमाणो दढे सव्वं गिच्छि परिन्नाय, एम पणाए महामुणी,

अइअच्च सब्वत्रो संगं न महं अत्थित्ति इय एगो अहं, अस्सि जयमाणो इत्थ विरए अण्णगारे सब्वत्रो मुंडे रीयंते, जे अचेले परिवुसिए संचिवखइ ओमोयरियाए, से आकुण्ठे वा हए वा लुंचिए (लूसिए) वा पलियं पकत्थ अदुवा पकत्थ अतहेहिं सदफासेहिं इय मंखाए एगयरे अन्नयरे अभिन्नाय तित्तिक्खमाणो परिव्वए जे य हिरी जे य अहिरीमाणा (मणा)॥सू० १८३॥ चिच्चा सब्वं विसुत्तियं फासे समियदंसणो, एए भो ण्णगिणा बुत्ता जे लोगंसि अण्णगमणा—धम्मिणो आण्णए मामगं धम्मं एस उत्तरवाए इह माणावाणं धियाहिए, इत्थोवरए तं ओसमाणो आयाणिज्जं परिन्नाय परियाएण, विगिंचइ, इह एगेसिं एगचरिया होइ तत्थियरा इयरेहि कुलेहिं सुद्धेसणाए सब्वेमणाए से मेहावी परिव्वए सुब्बिं अदुवा दुब्बिं अदुवा तत्थ भेरवा पाणापाणो किलेसंति, ते फासे पुट्ठो धीरे अहियासिज्जामि त्ति वेमि ॥सू० १८४॥

॥ इति द्वितीयोद्देशकः ॥ ६-२ ॥

॥ अध्ययनं--६ :: उद्देशकः-३ ॥

एयं खु मुणी आयणं सया सुथवखाधम्ममे विहूयकप्पे निज्ज्फोसइत्ता, जे अचेले परिवुसिए तरस णं भिक्खुस्स नो एवं भवइ—परिजुराणो मे वत्थे वत्थं जाइस्सामि, सुत्तं जाइस्सामि, सूइं जाइस्सामि संधिरसामि सीविस्सामि उक्कसिस्सामि बुक्कसिस्सामि परिहिस्सामि पाउणिरसामि, अदुवा तत्थ परिकमंतं भुज्जो अचेलं तणफासा फुसंति, सीयफासा फुसंति, तेउफासा फुसंति, दंसमसगफासा फुसंति, एयगरे अन्नयरे विरूवरूवे फासे अहियासेइ अचेले लाघवं आगममाणो, (एवं खलु से उवगरणलाघवियं तवं कम्मवस्वय-कारणां करेइ) तवे से अभिसमन्नागए भवइ, जहेयं भगवया पवेइयं तमेव अभिसमिच्चा सब्वत्रो सब्वत्ताए संमत्तमेव समभिजाणिज्जा, एवं तेसिं महा-वीराणं चिररायं पुव्वाइं वासाणि रीयमाण्णाणं दवियाणं पास अहियासिथं

॥सू० १८५॥ आगयपन्नाणाणं किंसा बाहवो भवंति पयणुर य मंससोणिए
विस्सेणिए कट्टु परिन्नाय, एस तिण्णो मुत्ते विरए विथाहिए त्ति वेमि

॥सू० १८६॥ विरयं भिक्खुं रीयंतं चिररात्रो सिथं अरइ तत्थ किं
विधारए ?, संघेमाणो समुट्टिए, जहा से दीवे असंदीणो, एवं से धम्मे आरिय-
पदेसिए, ते अणवकंसवमाणा पाणो अणइवाएमाणा जइया मेहाविणो पंडिया,
एवं तेसिं भगवत्रो अणुट्टाणो जहा से दियापोए एवं ते सिस्सा दिया य
रात्रो य अणुपुव्वेण वाइय त्ति वेमि ॥सू० १८७॥

॥ इति सृतीयोद्देशकः ॥ ६-३ ॥

॥ अध्ययनं --६ :: उद्देशकः--४ ॥

एवं ते सिस्सा दिया य रात्रो य अणुपुव्वेण वाइया तेहिं महावीरेहिं
पन्नाणमन्तेहिं तेसिमंतिए पन्नाणमुवलब्भ हिच्चा उवसमं फारुसियं समाइयंति,
वसित्ता बंभचेरंसि आणं तं नोत्ति मन्नमाणा आचायं तु सुच्चा निसम्म,
समणुन्ना जीविस्सामो एणे निक्खमंते असंभवंता विडज्जमाणा कामेहिं
गिद्धा अज्जोववन्ना समाहिमाघायमजोसयंता सत्थारमेव फरुसं वयंति
॥सू० १८८॥ सीलमंता उवसंता संखाए रीयमाणा असीला अणुवयमा-
णास्स विइया मंदस्स बालया ॥सू० १८९॥ नियट्टमाणा वेगे आयरगोयर-
माइक्खंति, नाणब्भट्टा दंसणालूसिणो ॥सू० १९०॥ नममाणा वेगे जीविथं
विप्परिणामंति पुट्टा वेगे नियट्टंति जीवियस्सेव कारणा, निक्खंतंति तेसिं
दुन्निक्खंतं भवइ, बालवयणिज्जा हु ते नरा, पुणो पुणो जाइं पकप्पिंति अहे
संभवंता विहायमाणा अहमंसीति विउक्खसे उदासीणो फरुसं वयंति, पलियं
पकथे अदुवा पकथे अतहेहिं, तं वा मेहावी जाणिज्जा धम्मं ॥सू० १९१॥
अहम्मट्ठी तुमंसि नाम बाले आरंभट्ठी अणुवयमाणो हण पाणो घायमाणो हणत्रो
यावि समणुजाणमाणो घोरे धम्मे, उदीरिए उवेहइ णं अणाणाए एस विसन्ने
विथइ विथाहिए त्ति वेमि ॥सू० १९२॥ किमणोण भो ! जणोण करिस्सामित्ति

सन्नमागो एवं एगे वइत्ता साधरं पिधरं हिचा नायत्रो यपरिष्गहं वीरायमाणा
समुद्गाए अविहिंसा सुब्बया दंता (समणा भविस्सामो अणगारा अकिंचणा अपुत्ता
अपसुधा अविहिंसगा सुब्बया दंता परदत्तभोइणो पावं कम्मं न करेस्सामो
समुद्गाए) परम दीणो उप्पइए पड्वियमागो वसट्टा कायरा जणा लूसगा
भवंति, अहमेगेसिं सिलोए पावए भवइ, से समणो भविता विव्वंते २
पासहेगे समन्नागएहिं सइ असमन्नागए नममाणोहि अनममाणो विरएहि
अविरए दविणहि अदविण अमिसमिच्चा पंडिण मेहावी निट्ठियट्ठे वीरे
आगमेणां सया परकमिज्जासि ति वेमि ॥सू० १६३॥

॥ इति चतुर्थ उद्देशकः ॥ ६-४ ॥

॥ अध्ययनं--६ :: उद्देशकः--५ ॥

से गिहेसु वा गिहंतरेसु वा गामेसु वा गामंतरेसु वा नगरेसु वा नगरं-
तरेसु वा जणावयेसु वा जणावयंतरेसु वा गामनगरंतरे वा गामजणावयंतरे वा नगर-
जणावयंतरे वा संतेगइया जणा लूसगा भवंति अदुवा फासा फुसंति ते फासे
पुट्ठे वीरो अहिंसाए, ओए समियदंसणो, दयं लोगस्स जाणित्ता पाइयां
पढीयां दाहिणां उदीयां आइक्खे, विअए किट्ठे वेयवि, से उट्ठिएसु वा अणट्ठिएसु
वा सुस्सूसुत्तमागोसु पवेथए संति विरइं उवसमं निव्वयाणां सोयं अज्जविथं
मइविथं लअविथं अणइवत्तिथं सव्वेसि पाणाणां सव्वेसि भूयाणां सव्वेसि
सत्ताणां सव्वेसि जीवाणां अणुवीइ भिक्खू धम्ममाइक्खिज्जा ॥सू० १६४॥
अणुवीइ भिक्खू धम्ममाइक्खिज्जा नो अत्ताणां आसाइज्जा नो परं आसा-
इज्जा नो अन्नाइं पाणाइं भूयाइं जीवाइं सत्ताइं आसाइज्जा से अणासायए
अणासायमागो वज्जफाणाणां पाणाणां भूयाणां जीवाणां सत्ताणां जहा से दीवे
असंदीणो एवं से भइइ सरणां महासुणी, एवं से उट्ठिए ठियप्पा अणिहे
अचले चले अवहित्तेसे परिव्वए संवखाय पेसलं धम्मं दिट्ठिमं परिनिव्वुडे,
तम्हा संगंति पात्तह मंथेहि गट्ठिया नरा विसन्ना कामकंता तम्हा लूहात्रो

नो परिवित्तसिजा, जस्सिमे आरंभा सव्वथो सव्वण्णयाए सुपरिन्नाया भवंति
जेसिमे लूसिणो नो परिवित्तसंति, से वंता कोहं च माणां य मायं च लोभं च एस
तुट्ठे वियाहिए त्ति वेमि ॥सू० ११५॥ कायस्स वियायाए एस संगामसीसे
वियाहिए से हु पारंगमे मुणी, अविहम्ममाणो फलगावयट्ठी कालोवणिए
कंखिज्ज कालं जाव सरीरभेउ त्ति वेमि ॥सू० ११६॥

॥ इति पंचमोद्देशकः ॥ ६-७ ॥ इति षष्ठमध्ययनम् ॥ ६ ॥

(सप्तममध्ययनं व्युच्छिन्नम्)

॥ ८ ॥ विमोक्षाध्ययनं - ८ ॥ उद्देशकः - १ ॥

से वेमि समणुन्नस्स वा असमणुन्नस्स वा असणां वा पाणां वा खाइमं
वा साइमं वा वत्थं वा पडिग्गहं वा कंबलं वा पायपुच्छणां वा नो पादेज्जा नो
निमंतिज्जा नो कुज्जा वेयावडियं परं आढायमाणो त्ति वेमि ॥सू० ११७॥ धुवं
चेयं जाणिंज्जा असणां वा जाव पायपुच्छणां वा लभिया नो लभिया भुंजिया नो
भुंजिया पंथं विउत्ता विउक्कम्म विभत्तं धम्मं जोसेमाणो समेमाणो चलेमाणो (पले-
माणो) पाइज्जा वा निमंतिज्जा वा कुज्जा वेयावडियं परं अणाढायमाणो त्ति वेमि ॥
॥सू० ११८॥ इहमेगेसिं आयारगोयरे नो सुनिसंते भवति ते इह आरंभट्ठी
अणुवयमाणा हण पाणो धायमाणा हणथो याविं समणुजाणमाणा अदुवा
अदिन्नमाययंति अदुवा वायाउ विउज्जंति, तं जहा-अत्थि लोए नत्थि
लोए, धुवे लोए, अधुवे लोए, साइए लोए अणाइए लोए, सपज्जवसिए
लोए अपज्जवसिए लोए, सुकडेत्ति वा दुक्कडेत्ति वा, कल्लाणेत्ति वा पावेत्ति
वा, साहुत्ति वा असाहुत्ति वा, सिद्धित्ति वा असिद्धत्ति वा निरएत्ति वा
अनिरएत्ति वा, जमिणां विष्पडिवन्ना मामगं धम्मं पन्नवेमाणा इत्थवि जाणाह
अकस्मात् एवं तेसिं नो सुयक्खाए धम्मे नो सुपन्नत्ते धम्मे भवइ ॥सू०
११९॥ से जहेयं भगवया पवेइयं आसुपन्नेण जाणया पासया अदुवा गुत्ती
वथोगोयरस्स त्तिवेमि सव्वत्थ संमयं पावं, तमेव उवाइक्कम्म एस महं विवेगे

वियाहिए, गामे वा अदुवा रराणे नेव गामे नेव रराणे धम्ममायाणह पवेइयं
 माहणेण मइमया, जामा तिन्नि उदाहिया जेसु इमे आयरिया संबुज्जमाणा
 समुट्टिया, जे णिव्वुया पावेहिं कम्मेहिं अणियाणा ते वियाहिया ॥सू०
 २००॥ उट्टं अहं तिरियं दिसासु सव्वत्रो सव्वावंति च णं पाडियक्कं
 जीवेहिं कम्मसम्मारम्भे णं तं परिन्नाय मेहावी नेव सयं एएहिं काएहिं दंडं
 समारंभिज्जा, नेवन्ने एएहिं काएहिं दंडं समारंभाविज्जा, नेवन्ने एएहिं
 कायेहिं दंडं समारंभंतेऽपि समणुजाणेज्जा नेवऽन्ने एएहिं काएहिं दंडं
 समारंभंति तेसिं पि वयं लज्जामो तं परिन्नाय मेहावी तं वा दंडं अन्नं
 वा नो दंडभी दंडं समारंभिज्जासि त्ति वेमि ॥सू० २०१॥

॥ इति प्रथमोद्देशकः ॥८-१॥

॥ अध्ययनं—८ :: उद्देशकः—२ ॥

से भिक्खु परिकमिज्ज वा चिट्ठिज्ज वा निसीइज्ज वा तुयट्ठिज्ज वा
 सुसाणांसि वा सुन्नागारंसि वा गिरिगुहंसि वा रुक्खमूलंसि वा कुंभाराययाणं-
 सि वा हुरत्था वा कहिंचि विहरमाणां तं भिक्खुं उवसंकमित्तु गाहावइ बूया-
 आउसंतो समणा ! अहं खलु तव अट्टाए असणां वा पाणां वा खाइमं वा
 साइमं वा वत्थं वा पडिग्गहं वा कंबलं वां पायपुच्छणां वा पाणाइं भूयाइं
 जीवाइं सत्ताइं समारब्भ समुद्दिस्स कीयं पामिच्चं अच्चिज्जं अणिसट्ठं
 अभिहडं आहट्ठु चेएमि आवसहं वा सवस्सिणोमि से भुंजह वसह, आउ-
 संतो समणा ! भिक्खु तं गाहावइं समणासं सवयसं पडियाइक्खे—आउसंतो !
 गाहावई नो खलु ते वयणां आदामि नो खलु ते वयणां परिजाणामि, जो
 तुमंमम अट्टाए असणां वा (४) वत्थं वा (४) पाणाइं वा (४) समारब्भ समुद्दिस्स
 कीयं पामिच्चं अच्चिज्जं अणिसट्ठं अभिहडं आहट्ठु चेएसि आवसहं वा समु-
 स्सि णासि, से विरत्रो आउसो गाहावई ! एयरस अकरणायाए ॥सू० २०२॥
 से भिक्खु परिकमिज्ज वा जाव हुरत्था वा कहिंचि विहरमाणां तं भिक्खुं उव-

संकमित्तु गाहावई आयगयाए पेहाए असणां वा (४) वत्थं वा (४) जाव
 आहट्टु चेएइ आवसहं वा समुस्सिणाइ भिक्खु परिघासेउं, तं च भिक्खु जाणिज्जा
 सहसम्मइयाए परवागरणेणां अन्नेसिं वा सुच्चा अयं खलु गाहावई मम अट्टाए
 असणां वा (४) वत्थं वा (४) जाव आवसहं वा समुस्सिणाइ, तं च भिक्खु
 पडिलेहाए आगमित्ता आणाविज्जा अणासेवणाए त्ति वेमि ॥सू० २०३॥
 भिक्खुं च खलु पुट्टा वा अपुट्टा वा जे इमे आहच्च गंथा वा फुसंति,
 से हंता हणाह खणाह त्तिदह दहह पयह आलुं पह विलुं पह सहसाकारेह
 विप्परामुसह, ते फासे धीरो पुट्टो अहियासए अदुवा आयारगोयरमाइक्खे,
 तक्किया णामणोलिसं अदुवा वइगुत्तीए गोयरस्स अणुपुव्वेण संमं पडिलेहाए
 आयतगुत्ते बुद्धेहिं एयं पवेइयं ॥सू० २०४॥ से समणुन्ने असमणुन्नस्स
 असणां वा जाव नो पाइज्जा नो निमंतिज्जा नो कुज्जा वेयावडियं परं
 आदायमाणो त्ति वेमि ॥सू० २०५॥ धम्ममायाणाह पवेइयं माहणेणा मइमया
 समणुन्ने समणुन्नस्स असणां वा जाव कुज्जा वेयावडियं परं आदायमाणो त्ति
 वेमि ॥सू० २०६॥

॥ इति द्वितीय उद्देशकः ॥ ८-२ ॥

॥ अध्ययनं-८ :: उद्देशकः-३ ॥

मज्झिमेणां वयसावि एणे संबुज्झमाणा समुट्टिया, सुच्चा मेहावी वयणां
 पंडियाणां निसामिया समियाए धम्मे आरिएहिं पवेइए ते अणावकंखमाणा
 अणाइवाएमाणा अपरिग्गहेमाणा नो परिग्गहावती सव्वावती च णां लोगंसि
 निहाय दंडं पाणेहिं पावं कम्मं अकुज्जमाणो एस महं अगंथे वियाहिए ओए
 जुइमस्स खेयन्ने उववायं चवणां च नच्चा ॥सू० २०७॥ आहारोवचया देहा
 परीसहपभंगुरा पासह एणे सज्जिदिएहिं परिगिलायमाणोहिं ॥सू० २०८॥
 ओए दयं दयइ, जे संनिहाणासत्थस्स खेयन्ने से भिक्खु कालन्ने बलन्ने
 मायन्ने खणन्ने विणावन्ने समयन्ने परिग्गहं अममायमाणो कालेणुट्टाई

अपडिन्ने दुहयो छित्ता नियाडं ॥सू० २०६॥ तं भिक्खुं सीयफानपरिवेव-
 माणागायं उवसंकमित्ता गाहावई वूया-आउसंतो ममणा ! नो खलु गाम-
 धम्मा उव्वाहंति, आउसंतो गाहावई ! नो खलु मम गामधम्मा उव्वाहंति,
 सीयफासं च नो खलु अहं संचाएमि अहियासित्तए, नो खलु मे कण्डइ
 अगणिकायं उज्जालित्तए वा पज्जालित्तए वा कायं आयावित्तए वा पया-
 वित्तए वा, अन्नेसिं वा वयणाओ, सिया म एवं वयंतस्स परो अगणिकायं
 उज्जालित्ता पज्जालित्ता कायं आयादिज्ज वा, पयादिज्ज वा, तं च भिक्खु
 पडिलेहाए आगमित्ता आणाविज्जा अणासेवणाए त्ति वेमि ॥सू० २१०॥

॥ इति तृतीयोद्देशकः ॥ ८-३ ॥

॥ अध्ययनं-८ :: उद्देशकः-४ ॥

जे भिक्खु तिहिं वत्थेहिं परिवुसिए पायचउत्थेहिं तस्स गां नो
 एवं भवइ चउत्थं वत्थं जाइस्सामि, से अहेसणिज्जाइं वत्थाइं जाइज्जा
 अहापरिग्गहियाइं वत्थाइं धारिज्जा, नो धोइज्जा (नो रइज्जा) नो धोयरत्ताइं
 वत्थाइं धारिज्जा, अपलित्तोवमाणो (अपलिउंचमाणो) गामंतरेसु ओम-
 चेलिए, एयं खु वत्थधारिस्स-सामग्गियं ॥सू० २११॥ अहं पुणा एवं
 जाणिज्जा-उवाइक्कंते खलु हेमंते गिम्हे पडिबन्ने अहापरिजुत्ताइं वत्थाइं
 परिट्ठविज्जा, अदुवा संतरुत्तरे अदुवा ओमचेले अदुवा एगमाडे अदुवा अचेले
 ॥सू० २१२॥ लाघवियं आगममाणं, तवे से अभिसमन्नागए भवइ ॥सू० २१३॥
 जमेयं भगवया पवेइयं तमेव अभिसमिच्चा सव्वयो सव्वत्ताए सव्वत्तमेव समभि-
 ज्जाणिज्जा ॥सू० २१४॥ जस्स गां भिक्खुस्स एवं भवइ पुट्ठो खलु अहमंसि
 नालमहमंसि सीयफासं अहियासित्तए, से वसुमं सव्वसमन्नागयपन्नाणोणां अप्पा-
 णोणां केइ अकरणायाए आउट्टे तवरिसणो हु तं सेयं जमेगे विहमाइए तत्थावि
 तस्स कालपरियाए, सेऽवि तत्थे विअंतिकारए इच्चेयं विमोहायतणां हियं सुहं
 खमं निस्सेसं आणागामिअं त्ति वेमि ॥सू० २१५॥

॥ इति चतुर्थोद्देशकः ॥ ८-४ ॥

॥ अध्ययनं-८ :: उद्देशकः-५ ॥

जे भिक्षु दोहिं वत्थेहिं परिवुसिए पायतईएहिं तस्स गां नो एवं भवइ तइयं वत्थं जाइस्सामि, से अणोसणिज्जाइं वत्थाइं जाइज्जां जाव, एवं खु तस्से भिक्षुस्स सामग्गिअं, अह पुण एवं जाणिज्जा-उवाइक्कंते खलु हेमन्ते गिन्हे पडिवरणो, अहापरिजुन्नाइं वत्थाइं परिट्ठविज्जा, अहापरिजुन्नाइं परिट्ठवत्ता अदुवा संतरुत्तरे अदुवा ओमचेले अदुवा एगसाडे अदुवा अचेले लाघवियं आगममाणो तवे से अभिसमन्नागए भवइ जमेयं भगवया पवेइयं तमेव अभिसमिच्चा सव्वओ सव्वत्ताए सम्मत्तमेव समभिजाणिया, जस्स गां भिक्षुस्स एअं भवइ-पुट्ठो अबलो अहमंसि नालमहमंसि गिहंतरसंकमणां भिक्षुवारियं गमणाए, से एवं वयंतस्स परो अभिहडं असणां वा (४) आहट्ठु दलइज्जा, से पुव्वामेव आलोइज्जा-आउसंतो ! नो खलु मे कप्पइ अभिहडं असणां वा (४) भुत्तए वा पायए वा अन्ने वा एयप्पगारे ॥सू० २१६॥ जस्स गां भिक्षुस्स अयं पगप्पे-अहं च खलु पडिन्नत्तो अपडिन्नत्तेहिं गिलाणो अगिलाणोहिं अभिकंख साहम्मिएहिं कीरमाणं वेयावडियं साइज्जिस्सामि, अहं वावि खलु अप्पडिन्नत्तो पडिन्नत्तस्स अगिलाणो गिलाणस्स अभिकंख साहम्मियस्स कुज्जा वेयावडियं करणाए आहट्ठु परिन्नं अणुक्खिस्सामि आहडं च साइज्जिस्सामि १, आहट्ठु परिन्नं आणुक्खिस्सामि आहडं च नो साइज्जिस्सामि २, आहट्ठु परिन्नं नो आणुक्खिस्सामि आहडं च साइज्जिस्सामि ३, आहट्ठु परिन्नं नो आणुक्खिस्सामि आहडं च नो साइज्जिस्सामि ४, एवं से अहाकिट्ठियमेव धम्मं समभिजाणमाणो संते विरए सुसमाहियलेसे तत्थवि तस्स कालपरियाए से तत्थ विअंतिकारए, इच्चेयं विमोहाययणां हियं सुहं खमं निस्सेसं आणुगामियं त्ति वेमि ॥सू० २१७॥

॥ अध्ययनं-८ :: उद्देशकः-६ ॥

जे भिक्खू एगेण वत्थेण परिवुसिए पायविईएण, तस्स णं नो एवं भवइ-विईयं वत्थं जाइस्सामि, से अहेसणिज्जं वत्थं जाइज्जा अहापरिग्ग-हियं वत्थं धारिज्जा जाव गिम्हे पडिवन्ने अहापरिज्जं वत्थं परिट्ठविज्जा (२) अदुवा एगसाडे अदुवा अचेले लाघवियं आगममाणे जाव सम्मत्तमेव समभिजाणिया ॥सू० २१८॥ जस्स णं भिक्खुस्स एवं भवइ-एगे अहमंसि, न मे अत्थि कोइ, न याहमवि कस्सवि, एवं से एगोगिणमेव अप्पाणं समभिजाणिज्जा, लाघवियं आगममाणे तवे से अभिसमन्नागए भवइ जाव समभिजाणिया ॥सू० २१९॥ से भिक्खू वा भिक्खुणी वा असणं वा (४) आहारेमाणे नो वामाओ हणुयाओ दाहिणं हणुयं संचारिज्जा आसाए-माणे, दाहिणाओ वामं हणुयं नो संचारिज्जा आसाएमाणे (आढयमाणे) से अणासायमाणे लाघवियं आगममाणे तवे से अभिसमन्नागए भवइ, जमेयं भगवया पवेइयं तमेवं अभिसमिच्चा सव्वओ सव्वत्ताए सम्मत्तमेव अ(सम)भिजाणिया ॥सू० २२०॥ जस्स णं भिक्खुस्स एवं भवइ-से गिलामि च खलु अहं इमंमि समये इमं सरीरगं अणुपुव्वेण परिवहित्तए, से अणु-पुव्वेणं आहारं संवट्ठिज्जा, अणुपुव्वेणं आहारं संवट्ठित्ता कसाए पयणुए किन्ना समाहियच्चे फलगावयट्ठी उट्ठाय भिक्खू अभिनिवुडच्चे ॥सू० २२१॥ अणुपविसित्ता गामं वा नगरं वा खेडं वा कब्बडं वा मडवं वा पट्टरां वा दोणमुहं वा आगरं वा आसमं वा सन्निवेसं वा नेगमं वा रायहाणिं वा तणाइं जाइज्जा तणाइं जाइत्ता से तमायाए एगंतमवक्कमिज्जा, एगंतमवक्कमित्ता अप्पंडे अप्पपाणे अप्पवीए अप्पहरिए अप्पोसे अप्पोदए अप्पुत्तिंगपणागद-गमट्टियमवकडासंताणए पडिलेहिय (२) पमज्जिय (२) तणाइं संथरिज्जा, तणाइं संथरित्ता इत्थवि समए इत्तरियं कुज्जा, तं सच्चं सच्चवाई ओए तिन्ने त्तिन्नकहं कहे आईयट्ठे अणाईए चिच्चाण भेउरं कायं संविहूय विरू-

व्रूवे परीसहोवसग्गे अस्सिं विस्संभणयाए भेरवमणुचिन्ने तत्थवि तस्स
कलपरियाए जाव आणुगामियं ति वेमि ॥सू० २२२॥

॥ इति षष्ठ उद्देशकः ॥८-६॥

॥ अध्ययनं-८ :: उद्देशकः-७ ॥

जे भिक्खु अचेले परिवुसिए तस्स गां भिक्खुस्स एवं भवइ-चाएमि
अहं तणाफासं अहियासित्तए सीयफासं अहियासित्तए तेउफासं अहि-
यासित्तए दंसमसगफासं अहियासित्तए एगयरे अन्नतरे विरूवरूवे फासे
अहियासित्तए हिरिपडिञ्जायणां चहं नो संचाएमि अहियासित्तए, एवं से
कप्पेइ कडिबंधणां धारित्तए ॥सू० २२३॥ अदुवा तत्थ परक्कमंतं भुज्जे
अचेलं तणाफासा फुसन्ति सीयफासा फुसन्ति तेउफासा फुसन्ति दंसम-
सगफासा फुसन्ति एगयरे अन्नयरे विरूवरूवे फासे अहियासेइ, अचेले
लाघवियं आगममाणे जाव समभिजाणिया ॥सू० २२४॥ जस्स गां भिक्खु-
स्स एवं भवइ-अहं च खलु अन्नेसिं भिक्खूणां असणां वा (४) आहट्टु
दलइस्सामि आहडं च साइज्जिस्सामि १, जस्स गां भिक्खुस्स एवं भवइ-अहं
च खलु अन्नेसिं भिक्खूणां असणां वा (४) आहट्टु दलइस्सामि आहडं च
नो साइस्सामि २, जस्स गां भिक्खुस्स एवं भवइ-अहं च खलु असणां वा (४)
आहट्टु नो दलइस्सामि आहडं च साइज्जिस्सामि ३, जस्स गां भिक्खुस्स
एवं भवइ-अहं च खलु अन्नेसिं भिक्खूणां असणां वा (४) आहट्टु
नो दलइस्सामि आहडं च नो साइज्जिस्सामि ४, अहं च खलु तेण
अहाइरित्तेण अहेसणिज्जेण अहापरिग्गहिण्णां असणोणा वा (४) अभि-
कंख साहम्मियस्स कुज्जा वेयावडियं करणाए, अहं वावि तेण अहा-
इरित्तेण अहेसणिज्जेण अहापरिग्गहिण्णां असणोणा वा (४) अभिकंख
साहम्मिएहिं कीरमाणां वेयावडियं साइज्जिस्सामि लाघवियं आगममाणे जाव
सम्मत्तमेव समभिजाणिया ॥सू० २२५॥ जस्स गां भिक्खुस्स एवं भवइ-से

गिलाभि खलु अहं इमम्मि समए इमं सरीरगं अणुपुब्बेणं परिवहित्तए, से-
 अणुपुब्बेणं आहारं संवट्टिज्जा (२) कसाए पयणुए किच्चा समाहियच्चे फल-
 गावयट्ठी उट्ठाय भिक्खू अभिनिव्वुडच्चे अणुपविसित्ता गामं वा नगरं वा
 जाव रायहाणिं वा तणाइं जाइज्जा जाव सन्थरिज्जा, इत्थवि समए कायं च
 जोगं च ईरियं च पच्चक्खाइज्जा, तं सच्चं सच्चावाइं ओएत्तिन्ने छिन्नकहंकहे
 आईयट्ठे अणाईए चिन्नाणं भेउरं कायं संविहुणिय विरुवरूवे परीसहोवसग्गे
 अस्सि विस्संमणाए भेरवमणुच्चिन्ने तत्थवि तस्स कालपरियाए, सेवि तत्थ
 विअन्तिकारए, इच्चेयं विमोहाययसां हियं सुहं खमं निस्सेसं आणुगामियं
 तिवेमि ॥सू० २२६॥

॥ इति सप्तमोद्देशकः ॥ ८-७ ॥

॥ अध्ययनं-८ :: उद्देशकः-८ ॥

अणुपुब्बेण विमोहाइं, जाइं धीरा समासज्ज वसुमन्तो मइमन्तो, सर्व्वं
 नच्चा अणोलिसं ॥१॥ दुविहंपि विइत्ता सां, बुद्धा धम्मरस पारगा । अणु-
 पुब्बीइ संखाए, आरंभाओ (य) (कम्मणा उ) तिउट्टइ ॥२॥ कसाए पयणु
 किच्चा, अप्पाहारे तितिक्खए । अह भिक्खू गिलाइज्जा, आहारस्सेव
 अन्तियं ॥३॥ जीवियं नाभिकंखिज्जा, मरसां नोवि पत्थए, दुहओऽवि न
 सज्जिज्जा, जिवीए मरणो तथा ॥४॥ मज्झत्थो निज्जरापेही, समाहिमणुपालए
 अन्तो वहिं विऊस्सिज्ज, अज्झत्थं सुद्धमेसए ॥५॥ जं किंचुवकमं जाणो,
 आउखेमस्समप्पणो । तस्सेव अन्तरद्धाए, खिप्पं सिखिखज्ज पंडिए ॥६॥
 गामे वा अदुवा ररणो, थंडिलं पडिलेहिया । अप्पपारां तु विन्नाय, तणाइं
 मंथरे मुणी ॥७॥ अणाहारो तुयट्टिज्जा, पुट्ठो तत्थऽहियासए । नाइवेलं
 उवचरे, माणुस्सेहि विपुट्टवं ॥८॥ संसप्पगा य जे पाणा, जे य उट्टमहाचरा ।
 भुंजन्ति मंससोणियं, न ङ्गो न पमज्जए ॥९॥ पाणा देहं विहिसन्ति,
 ठाणाओ नोवि उव्वमे आसवेहिं विवित्तेहि, तिप्पमाणोऽहियामए ॥१०॥

गन्थेहिं विवित्तेहिं, आउकालस्स पारए पग्गहियतरणं चेयं, दवियस्स वियाणाओ ॥११॥ अयं से अवरे धम्मे, नायपुत्तेण साहिए । आयवज्जं पढीयारं, विजहिज्जा तिहा तिहा ॥१२॥ हरिएसु न निवज्जिज्जा, थंडिलं मुणिया सए । विओसिज्ज अणाहारो, पुट्ठो तत्थऽहियासए ॥१३॥ इन्दि- एहिं गिलायन्तो, समियं आहरे मुणी । तहावि से अगरिहे, अचले जे समाहिए ॥१४॥ अभिक्रमे पडिक्रमे, संकुचए पसारए । कायसाहारणाट्टाए, इत्थं वावि अचेयणो ॥१५॥ परिक्रमे परिकिलन्ते, अबुवा चिट्ठे अहायए । ठाणो ण परिकिलन्ते, निसीइज्जा य अंतसो ॥१६॥ आसीणोऽणोलिसं मरणां, इन्दियाणि समीरए । कोलावासं समासज्ज वितहं पाउरे सए ॥१७॥ जओ वज्जं समुप्पज्जे, न तत्थ अवलम्बए; तउ उक्कसे अप्पाणां, फासे तत्थऽहिया- सए ॥१८॥ अयं चाययतरे सिथा, जो एवमणुपालए सब्बगायनिरोहेऽवि, ठाणाओ नवि उब्भमे ॥१९॥ अयं से उत्तमे धम्मे, पुव्वट्टाणास्स पग्गहे । अचिरं पडिलेहिता, विहरे चिट्ठ माहणो ॥२०॥ अचित्तं तु समासज्ज, ठावए तत्थ अप्पगं । वोसिरे सब्बसो कायं, न मे देहे परीसहा, ॥२१॥ जावज्जीवं परीसहा, उवसंग्गा इति संखया संबुडे देह भेयाए, इय पन्नेऽहियासए ॥२२॥ भेउरेसु न रज्जिज्जा, कामेसु बहुतरेसुवि (बहुलेसुवि) इच्छा लोभं न सेविज्जा, धुववन्नं सपेहिया ॥२३॥ सासएहिं निमन्तिज्जा, दिव्वमायं न सहहे । तं पडिबुज्ज माहणो, सब्बं नूमं विहूणिया ॥२४॥ सब्बट्ठेहिं अमुच्छिए, आउकालस्स पारए । तितिकखं परमं नच्चा, विमोहन्नयरं हियं ॥२५॥ त्तिवेमि ॥

॥ इति अष्टमोद्देशकः ८-८ ॥ इति अष्टममध्ययनम् ॥८॥

॥ उपधानश्रुताख्यमध्ययनं ६ :: उद्देशकः १ ॥

अहासुयं वइस्सामि जहा से समणो भगवं उट्टाए । संखाए तंसि हेमन्ते अहुणो पव्वइए रीइत्था ॥१॥ णो चेविमेण वत्थेण पिहिस्सामि तंसि हेमं-

ते । से पारए आवकहाए, एयं खु अणुधम्मियं तस्स ॥२॥ चत्तारि साहिए
मासे, बहवे पाणजाइया आगम्म । अभिञ्ज्ज कायं विहरिंसु, आरुमिया
णं तत्थ हिंसिसु ॥३॥ संवच्छरं साहियं मासं जं न रिक्कामि वत्थगं भगवं ।
अवेत्तए तत्रो चाइ तं वोसिज्ज वत्थमणगारे ॥४॥ अद्दु पोरिसि तिरियं
भित्तिं, चक्खुमासज्ज अन्तसो भायइ । अह चक्खुभीया संहिया ते, हन्ता
हन्ता बहवे कंदिंसु ॥५॥ सयणोहिं वित्तिमिस्सेहिं इत्थिओ तत्थ से परिन्नाय
मागारियं न सेवेइ य, से सयं पवेसिया भाइ ॥६॥ जे के इमे अगारत्था
मीसीभावं पहाय से भाइ । पुट्टोवि नाभिभासिंसु गच्छइ नाइवत्तइ अंजू
(पुट्टो व सो अपुट्टो व नो अणुन्नाइ पावगं भगवं) ॥७॥ णो सुकरमेयमेगेमिं
नाभिभासे य अभिरायमाणो । हयपुच्चे तत्थ दंडेहिं लूसियपुच्चे अप्पपुराणोहिं
॥८॥ फरुसाइं दुत्तितिक्खाइ अइअच्च मुणी परवकममाणो । आघाय नट्ट-
गीयाइं दराडजुद्धाइं मुट्टिजुद्धाइं ॥९॥ गट्टिए मिहुकहासु समयंमि नायसुए
विसोगे अदक्खु । एयाइ से उरालाइं गच्छइ नायपुत्ते असरणायाए ॥१०॥
अवि साहिए दुवे वासं सीओदं अभुच्चा निक्खन्ते । एगत्तगए पिहियच्चे से
अहिन्नायदंसणो सन्ते ॥११॥ पुढविं च आउकायं च तेउकायं च वाउकायं
च । पणागाइं बीयहरियाइं तसकायं च सब्वसो नच्चा ॥१२॥ एयाइं सन्ति
पडिलेहे, चित्तमन्ताइ से अभिन्नाय । परिवज्जिय विहरित्था इय संखाय से
महावीरे ॥१३॥ अद्दु थावरा य तसत्ताए, तसा य थावरत्ताए । अद्दुवा
सव्वजोणिया सत्ता कम्मुणा कप्पिया पुढे बाला ॥१४॥ भगवं च एवम-
न्नेसिं सोवहिए हु लुप्पइ बाले । कम्मं च सब्वसो नच्चा तं पडियाइक्खे
पावगं भगवं ॥१५॥ दुविहं समिच्च मेहावी किरीयमक्खायणोलिसं नाणी ।
आयाण सोयमइवायसोयं जोगं च सब्वसो णच्चा ॥१६॥ अइवत्तियं
अणाउट्टिं सयमन्नेसि अकरणायाए । जस्सित्थिओ परिन्नाया सब्वकम्मावहा
उ से अदक्खु ॥१७॥ अहाकडं न से सेवे सब्वसो कम्म (कम्मुणा) अद-

क्खू । जं किंचि पावगं भगवं तं अकुञ्चं वियडं भुंजित्था ॥१८॥ णो सेवइ
य परवत्थं परपाएवि से न भुंजित्था । परिवज्जियाणा उमाणां गच्छइ संखडिं
असरणायाए ॥१९॥ मायराणे असणापाणास्स नाणुगिद्धे रसेसु अपडिन्ने ।
अच्छिंदिपि नो पमज्जिज्जा नोवि य कंडूयए मुणी गायं ॥२०॥ अप्पं
तिरियं पेहाए अप्पि पिट्ठयो पेहाए । अप्पं बुइएऽपडिभाणी पंथपेही चरे
जयमाणो ॥२१॥ सिसिरंसि अद्धण्डिवन्ने तं वोसिज्ज वत्थमणागारे ।
पसारित्तु वाहुं परक्कमे नो अवलम्बियाणा कंधंमि ॥२२॥ एस विही
अणुवकन्तो माहणेण मइमया । बहुसो अपडिन्नेण भगवया एव रियंति
॥२३॥ त्तिवेमि ॥

॥ इति प्रथमोद्देशकः ॥६-१॥

॥ अध्ययनं ६ :: उद्देशकः २ ॥

चरियासणाइं सिज्जाओ एगइयाओ जाओ बुइयाओ । आइक्ख ताइं
सयणासणाइं जाइं सेवित्था से महावीरे ॥१॥ आवेसणासभापवासु पणियसा-
लासु एगया वासो । अदुवा पलियठाणेसु पलालपुंजेसु एगया वासो ॥२॥
आगन्तारे आरामागारे तह य नगरे व एगया वासो । सुसाणे सुराणगारे
वा रुक्खमूले व एगया वासो ॥३॥ एएहिं मुणी सयणेहिं समणे आसि पते-
रसवासे । राइं दिवंपि जयमाणो अपमत्ते समाहिए भाइ ॥४॥ णिहंपि नो
पगामाए, सेवइ भगवं उट्टाए । जग्गावइ य अप्पाणां इसिं साइ य अपडिन्ने
॥५॥ संबुज्जममाणो पुणारवि आसिंसु भगवं उट्टाए । निक्खम्म एगया राओ
बहि चंकमिया मुहुत्तागं ॥६॥ सयणेहिं तत्थुवसग्गा भीमा आसी अणेगरूवा
य । संसप्पगा य जे पाणा अदुवा जे पक्खिणो उवचरन्ति । ७॥ अदु कुचरा
उवचरन्ति गामरक्खा य सत्ति-हत्था य । अदु गामिया उवसग्गा इत्थी
एगइया पुरिसा य ॥८॥ इहलोइयाइं परलोइयाइं मीमाइं अणेगरूवाइं । अवि
सुब्भि दुब्भिगन्धाइं सदाइं अणेगरूवाइं ॥९॥ अहियासए सया समिए

फासाइं विरुवरूवाइं । अरइं रइं अभिभूय रीयइ माहरो अवहुवाइं ॥१०॥
 स जरोहिं तत्थ पुच्छिंसु एगचरावि एगया रात्रो । अच्चाहिए कसाइत्या
 पेहमारो समाहिं अपडिन्ने ॥११॥ अयमंतरसि को इत्थ ? अहमंसित्ति
 भिक्खु आहइइ । अयमुत्तमे सेधम्मे तुसिसीए कसाइए भाइ ॥१२॥ जंसि-
 प्पेगे पवेयन्ति सिसिरे मारुए पवायन्ते । तंसिप्पेगे अएगारा हिमवाए
 निवायमेसन्ति ॥१३॥ संघाडीत्रो पवेसिरस्सामो एहा य समादहमाणा ।
 पिहिया च सक्खामो अइदुक्खे हिमगसंफासा ॥१४॥ तंसि भगवं अपडिन्ने
 अहे विगडे अहियासए । दविए निक्खम्म एगया रात्रो ठाइए भगवं
 समियाए ॥१५॥ एस विही अणुक्कन्तो माहरोरा मइमया । बहुसो अप-
 डिरोरा भगवया एवं रीयन्ति ॥१६॥ त्तिवेमि ।

॥ इति द्वितीयोद्देशकः ६-२ ॥

॥ अध्ययनं ९ :: उद्देशकः ३ ॥

तण्णफासे सीयफासे य तेउफासे य दंसमसगे य । अहियासए सया
 समिए फासाइं विरुवरूवाइं ॥१॥ अह दुच्चरलादमचारी वज्जभूमिं च सुब्भ-
 भूमिं च । पंतं सिज्जं सेविंसु आसरागाणि चैव पंताणि ॥२॥ लादेहिं
 तस्सुवसग्गा बहवे जारावया लूसिंसु । अहलूहदेसिए भत्ते कुक्कुरा तत्थ
 हिंसिंसु निवइंसु ॥३॥ अप्पे जरो निवारेइ लूसणए सुणए दसमारो
 छुच्छुकारिंति आहंसु समरां कुक्कुरा दसंतुत्ति ॥४॥ एलिक्खए जणा (जरो)
 भुज्जो बहवे वज्जभूमिं फरुसासी । लट्ठिं गहाय नालियं समणा तत्थ
 य विहरिंसु ॥५॥ एवंपि तत्थ विहरन्ता पुट्टुपुव्वा अहेसि सुणिएहिं ।
 संलुं चमाणा सुणएहिं दुच्चराणि तत्थ लादेहिं ॥६॥ निहाय दसडं पाणोहिं
 तं कायं वोसज्जमाणगारे । अह गामकराए भगवन्ते अहिआसए अभिस-
 मिच्चा ॥७॥

नागो संगामसीसे वा पारए तत्थ से महावीरे । एवंपि तत्थ लाढेहिं
 अलद्धपुब्बोवि एगया गामो ॥८॥ उवसंकमन्तमपडिन्नं गामं तियम्मि अप्पत्तं ।
 पडिनिक्खमित्तु लूसिंसु एयाओ परं पलेहित्ति ॥९॥ हयपुब्बो तत्थ
 दराडेण अदुवा मुट्ठिणा अदु कुन्तफलेण । अदु लेलुणा कवालेण
 हन्ता हन्ता बहवे कन्दिंसु ॥१०॥ मंसाणि (मंसूणि) छिन्नपुब्बाणि
 उत्तंभिया एगया कायं । परीसहाइं लुं चिंसु अदुवा पंसुणा उवकरिंसु ॥११॥
 उच्चालइय निहणिंसु अदुवा आसणाउ खलइंसु । वोसट्टकायपणायाऽसी
 दुक्खसहे भगवं अपडिन्ने ॥१२॥ सूरुो संगामसीसे वा संबुडे तत्थ से
 महावीरे । पडिसेवमाणो फरुसाइं अचले भगवं रीयित्था ॥१३॥ एस विही
 अणुक्कन्तो माहणेण मइमया । बहुसो अपडिरणेण भगवया एवं रीयंति
 ॥१४॥ त्ति बेमि ॥

॥ इति तृतीयोद्देशकः ॥ ९-३ ॥

॥ अध्ययनं ९ :: उद्देशकः ४ ॥

ओमोयरियं चाएइ अपुट्ठेवि भगवं रोगेहिं । पुट्ठे वा अपुट्ठे वा
 नो से साइज्जइ तेइच्छं ॥१॥ संसोहरां च वमणां च गायब्भंगां च सिणाणां
 च । संवाहरां च न से कप्पे दन्तपक्खालाणां च परिन्नाए(य) ॥२॥ विरए गाम-
 धम्मेहिं रीयइ माहणे अवहुवाइ । सिसिरंमि एगया भगवं छायाए भाइ
 आसीय ॥३॥ आयावइ य गिम्हाणां अच्छइ उक्कुडुए अभित्तावे । अदु जाव
 इत्थ लूहेणां ओयणामंथुकुम्मासेणां ॥४॥ एयाणि तिन्नि पडिसेवे अट्टमासे अ
 जावयं भगवं । अपि इत्थ एगया भगवं अद्धमासं अदुवा मासपि ॥५॥
 अवि साहिए दुवे मासे छप्पि मासे अदुवा विहरित्था (अपिबित्ता) । राओ-
 वरायं अपडिन्ने अन्नगिलाणमेगया भुंजे ॥६॥ छट्ठेण एगया भुंजे अदुवा
 अट्टमेण दसमेणां । दुवालसमेणा एगया भुंजे पेहमाणो समाहिं अपडिन्ने

॥७॥ गण्चा गां से महावीरे नोऽविय पावगं सयमकामी । अन्नेहिं वा गा
कारित्था कीरंतं पि नाणुजाणित्था ॥८॥

गामं पविसे नगरं वा घासमेसे कडं परट्टाए । सुविसुद्धमेसिया
भगवं आयतजोगयाए सेवित्था ॥९॥ अदु वायसा दिगिंछत्ता जे अन्ने
रसंसिणो सत्ता । घासेसणाए चिट्ठंति सययं निवइए य पेहाए ॥१०॥ अदुवा
माहगां च समगां वा गामपिराडोलगं च अतिहिं वा । सोवागमूसियारि वा
कुकरं वावि विट्ठियं पुरयो ॥११॥ वित्तिच्छेयं वज्जन्तो तेसिमण्णत्तियं
परिहरन्तो । मन्दं परक्कमे भगवं अहिंसमाणो घासमेसित्था ॥१२॥ अवि
सूइयं वा सुक्कं वा सीयं पिंडं पुराणकुम्मासं । अदु बुक्कसं पुत्तागं वा
लद्धे पिंडे अलद्धे दविए ॥१३॥ अवि भाइ से महावीरे आसणात्थे अकु-
क्कुए भाणां । उट्ठं अहे तिरियं च पेहमाणो समाहिमपडिन्ने ॥१४॥ अक-
माइ विगयगेही य सदरूवेसु अमुच्छिए भाइ । छउमत्थोऽवि परक्कममाणो न
पमायं सइं पि कुव्वित्था ॥१५॥ सयमेव अभिसमागम्म आयतजोगमायसोहीए ।
अभिनिव्वुडे अमाइल्ले आवकहं भगवं समियासी ॥१६॥ एस विही अणु-
क्कंतो, माहणोण मइमया । बहुसो अपडिन्नेणा, भगवया एवं रीयन्ति ॥१७॥
त्तिवेमि

॥ इति चतुर्थं उद्देशकः ॥ ६-४ ॥ इति नवममध्ययनम् ॥ ६ ॥

॥ प्रथमो ब्रह्मचर्य-श्रुतस्कंधः समाप्तः ॥



॥ अथ द्वितीयोऽग्र-श्रुतस्कंधः ॥

॥ चूलिका १ ॥ पिण्डेसणाध्ययनं १ :: उद्देशकः १ ॥

से भिक्खु वा भिक्खुणी वा गाहावइकुलं पिंडवायपडियाए अणुप-
विट्ठे समाणे से जं पुण जाणिज्जा-असणां वा पाणां वा खाइमं वा साइमं
वा पोणेहिं वा पाणेहि वा बीएहिं वा हरिएहिं वा संसत्तं उम्भिस्सं सीओद-
एणा वा ओसित्तं रयसा वा परिघासियं (परिवासियं) वा तहप्पगारं असणां
वा पाणां वा खाइमं वा साइमं वा परहत्थंसि वा परपायंसि वा अफासुयं अणे-
सण्णिज्जंति मन्नमाणे लाभेऽवि संते नो पडिग्गाहिजा ॥ से य आहच्च पडि-
ग्गहे सिया से तं आयाय एगंतमवक्कमिज्जा, एगंतमवक्कमित्ता अहे आरामंसि
वा अहे उवस्सयंसि वा अप्पंडे अप्पपाणे अप्पवीए अप्पहरिए अप्पोसे अप्पुदए
अप्पुत्तिंग-पाण्णदग-मट्टिय-मक्कडासंताणाए विगिंचिय (२) उम्मीसं विसो-
हिय (२) तओ संजयामेव भुंजिज्ज वा पीइज्ज वा, जं च नो संचाइज्जा
भुत्तए वा पायए वा से तमायाय एगंतमवक्कमिज्जा, अहे भामथंडिलंसि वा
अट्टिरासिंसि वा किट्टिरासिंसि वा तुसरासिंसि वा गोमयरासिंसि वा अन्न-
यरंसि वा तहप्पगारंसि थंडिलंसि पडिलेहिय पडिलेहिय पमज्जिय पमज्जिय
तओ संजयामेव परिट्ठविज्जा ॥सू० १॥

से भिक्खु वा भिक्खुणी वा गाहावइकुलं जाव पविट्ठे समाणे से
जाओ पुण ओसहीओ जाणिज्जा-कसिणाओ सासियाओ अविदलकडाओ
अतिरिच्छच्छिन्नाओ अवुच्छिराणाओ तरुणियं वा छिवाडिं अणाभिक्कंत-
भज्जियं पेहाए अफासुयं अणेसण्णिज्जंति मन्नमाणे लाभे संते नो पडिग्गा-
हिज्जा १॥ से भिक्खु वा (२) जाव पविट्ठे समाणे से जाओ पुण ओस-
हीओ जाणिज्जा-अकसिणाओ असासियाओ विदलकडाओ तिरिच्छच्छि-

न्नाथो बुच्छिन्नाथो तरुणियं वा छिवाडिं अभिक्कंतं भज्जियं पेहाए
 फासुयं एसणिज्जंति मन्नमारो लाभे संते पडिग्गाहिज्जा २ ॥सू० २ ॥
 से भिक्खू वा (२) जाव समाणे से जं पुण जाणिज्जा पिहुयं वा
 बहुरयं वा भुंजियं वा मंथुं वा चाउलं वा चाउलपलंबं वा सइं संभज्जियं
 अफासुयं जाव नो पडिग्गाहिज्जा १॥ से भिक्खू वा(२) जाव समाणे से जं पुण
 जाणिज्जा-पिहुयं वा जाव चाउलपलंबं वा असइं भज्जियं दुक्खुत्तो वा
 तिक्खुत्तो वा भज्जियं फासुयं एसणिज्जं जाव पडिग्गाहिज्जा २ ॥सू० ३॥
 से भिक्खू वा भिक्खुणी वा गाहावइकुलं जाव पविसिउकामे नो
 अन्नउत्थिएण वा गारत्थिएण वा परिहारिओ वा अप्परिहारिएणं सद्धिं
 गाहावइकुलं पिंडवायपडियाए पविसिज्ज वा निक्खमिज्ज वा १॥ से
 भिक्खू वा (२) बहिया विथारभूमिं वा विहारभूमिं वा निक्खममारो वा
 पविसमारो वा नो अन्नउत्थिएण वा गारत्थिएण वा परिहारिओ वा
 अप्परिहारिएण सद्धिं बहिया विथारभूमिं वा विहारभूमिं वा निक्खमिज्ज
 वा पविसिज्ज वा २॥ से भिक्खू वा(२) गामाणुगामं दूइज्जमारो नो अन्नउ-
 त्थिएण वा जाव गामाणुगामं दूइज्जिज्जा ३ ॥सू० ४॥ से भिक्खू वा
 भिक्खुणी वा जाव पविट्ठे समाणे नो अन्नउत्थियस्स वा गारत्थियस्स
 वा परिहारिओ वा अप्परिहारियस्स असणं वा पाणं वा खाइमं वा
 माइमं वा दिज्जा वा अणुपवइज्जा वा ॥ सू० ५ ॥ से भिक्खू वा
 (२) जाव समाणे जाव असणं वा (४) अस्सिंपडियाए एणं साहम्मियं समु-
 हिस्स पाणाइं भूयाइं जीवाइं सत्ताइं समारब्भ समुहिस्स कीयं पामिच्चं
 अच्छिज्जं अणिसत्तं अभिहडं आहट्टु चेएइ, तं तहप्पगारं असणं वा (४)
 पुरिमंतरकडं वा अपुरिसंतरकडं वा बहिया नीहडं वा अनीहडं वा अत्त-
 द्वियं वा अणत्तद्वियं वा परिभुत्तं वा अपरिभुत्तं वा आसेवियं वा अणा-
 सेवियं वा अफासुयं जाव नो पडिग्गाहिज्जा, एवं बहवे साहम्मिया एणा

सं हम्निणी बहवे साहम्निणीत्रो समुद्दिस्स चत्तारिः आलायगा भाणियव्वा
 ॥सू० ६॥ से भिक्खु वा (२) जाव समाणो से जं पुण जाणिज्जा असणां
 वा ४ बहवे समाण-माहाण-अतिहि-किवणावणीमए पगणिय २ समुद्दिस्स
 पाणाइं वा ४ समारव्व जाव नो पडिग्गाहिज्जा ॥सू० ७॥ से भिक्खु वा
 भिक्खुणी वा जाव पविट्ठे समाणो से जं पुण जाणिज्जा असणां वा ४
 ववे समाण-माहाण-अतिहि-किवणावणीमए समुद्दिस्स जाव चेएइ तं तहप्पगारं
 असणां वा (४) अपुरिसंतरकडं वा अबहियानीहडं अणत्तट्ठियं अपरिभुत्तं
 अणासेवियं अफासुयं अणोसणिज्जं जाव नो पडिग्गाहिज्जा १ अह पुण
 एवं जाणिज्जा पुरिसंतरकडं बहियानीहडं अत्तट्ठियं परिभुत्तं आसेवियं
 फासुयं एसणिज्जं जाव पडिग्गाहिज्जा ॥सू० ८॥ से भिक्खु वा भिक्खुणी
 वा गाहावइकुलं पिडवाय-पडियाए पविसिउफामे से जाइं पुण कुलाइं
 जाणिज्जा-इमेसु खलु कुलेसु निइए पिंडे दिज्जइ अग्गपिंडे दिज्जइ नियए
 भाए दिज्जइ नियए अवड्ढमाए दिज्जइ, तहप्पगाराइं कुलाइं निइयाइं निइउ-
 माणाइं नो भत्ताए वा पाणाए वा पविसिज्ज वा निवखमिज्जं वा १॥ एयं
 खलु तस्स भिक्खुस्स भिक्खुणीए वा सामग्गियं जं सव्वट्ठेहिं समिए
 सहिए सया जए त्ति वेमि २ ॥सू० ९॥

॥ इति प्रथमोद्देशकः ॥ श्रु० २-चू० १-अ० १ उ०-१ ॥

॥ अध्ययनं-१ :: उद्देशकः-२ ॥

से भिक्खु वा भिक्खुणी वा गाहावइकुलं पिडवायपडियाए अणुप-
 विट्ठे समाणो से जं पुण जाणिज्जा असणां वा (४) अट्ठमिपोसहिएसु वा
 अट्ठमासिएसु वा मासिएसु वा दोमासिएसु वा तेमासिएसु वा चाउम्मासिएसु
 वा पंचमासिएसु वा ऋम्मासिएसु वा उऊसु वा उउसंधीसु वा उउपरियट्ठेसु
 वा बहवे समाणमाहाणअतिहिकिवणावणीमगे एगात्रो उक्खात्रो परिएसिज्ज-
 माणो पेहाए दोहिं उक्खाहिं परिएसिज्जमाणो पेहाए तिहिं उक्खाहिं परि-

सिञ्जमाणो पेहाए कुंभीपुहात्रो वा कलोवाइत्रो वा संनिहिसंनिचयात्रो वा परिएसिञ्जमाणो पेहाए तहप्पगारं असणां वा (४) अपुरिसंतरकडं जाव अणासेवियं अफासुयं जाव नो पडिग्गाहिज्जा १॥ अह पुण एवं जाणिज्जा पुरिसंतरकडं जाव आसेवियं फासुयं पडिग्गाहिज्जा २ ॥सू० १०॥

से भिक्खु वा (२) जाव समाणो से जाइं पुण कुलाइं जाणिज्जा, तंजहा-उग्गकुलाणि वा भोगकुलाणि वा राइन्नकुलाणि वा स्वत्तियकुलाणि वा इक्खागकुलाणि वा हरिवंसकुलाणि वा एसियकुलाणि वा वेप्पियकुलाणि वा गंडागकुलाणि वा कोट्टागकुलाणि वा गामरक्खकुलाणि वा बुक्कास-कुलाणि वा पोक्कासाइयकुलाणि अन्नयरेसु वा तहप्पगारेसु कुलेसु अदुगुं-त्रिएसु अग्रहिएसु असणां वा (४) फासुयं जाव पडिग्गाहिज्जा ॥सू० ११॥

से भिक्खु वा (२) जाव समाणो से जं पुण जाणिज्जा असणां वा (४) समवाएसु वा पिंडनियरेसु वा इंदमहेसु वा खंदमहेसु वा एवं रुद्धमहेसु वा मुगुंदमहेसु वा भूयमहेसु वा जक्खमहेसु वा नागमहेसु वा थूममहेसु वा चेइ-थमहेसु वा रुक्खमहेसु वा गिरिमहेसु वा दरिमहेसु वा अगडमहेसु वा तला-गमहेसु वा दहमहेसु वा नइमहेसु वा सरमहेसु वा सागरमहेसु वा आगर-महेसु वा अन्नयरेसु वा तहप्पगारेसु विरूवरूवेसु महाभहेसु वट्टमाणोसु बहवे ममाणमाहणा-अतिहिक्विणावणीमगे एगात्रो उक्खात्रो परिएसिञ्जमाणो पेहाए दोहिं जाव संनिहिसंनिचयात्रो वा परिएसिञ्जमाणो पेहाए तहप्पगारं असणां वा (४) अपुरिसंतरकडं जाव नो पडिग्गाहिज्जा १॥ अह पुण एवं जाणिज्जा दिन्नं जं तेसिं दायव्वं, अह तत्थ भुंजमाणो पेहाए गाहावइभारियं वा गाहावइभगिणिं वा गाहावइपुत्तं वा धूयं वा सुराहं वा धाईं वा दासं वा दासिं वा कम्मकरं वा कम्मकरिं वा से पुव्वामेव आलोइज्जा आउसित्ति वा भगिणित्ति वा दाहिसि मे इत्तो अन्नयरं भोयणाजायं, से सेवं वयंतस्स परो असणां वा (४) आहट्टु दलइज्जा तहप्पगारं असणां वा (४) सयं वा पुण

जाइज्जा परो वा से दिज्जा फासुयं जाव पडिगाहिज्जा २ ॥सू० १२॥ से भिक्खु वा (२) परं अद्धजोयणामेराए संखडिं नच्चा संखडिपडियाए नो अभिसंधारिज्जा गमणाए १॥ से भिक्खु वा (२) पाइणं संखडिं नच्चा पडीणं गच्छे अणादायमाणे, पडीणं संखडिं नच्चा पाइणं गच्छे अणादायमाणे, दाहिणं संखडिं नच्चा उदीणं गच्छे अणादायमाणे उइणं संखडिं नच्चा दाहिणं गच्छे अणादायमाणे, जत्थेव सा संखडिं सिया तंजहा—गामंभि वा नगरंसि वा खेडंसि वा कच्चडंसि वा मडंबंसि वा पट्टणंसि वा आगरंसि वा दोणमुहंसि वा नेगमंसि वा आसमंसि वा संनिवेसंसि वा जाव रायहाणिसि वा संखडिं संखडिपडियाए नो अभिसंधारिज्जा गमणाए २ । केवली ब्रूया—आयाणमेयं (आययणमेयं) संखडिं संखडिपडियाए अभिधारेमाणे आहाकम्मियं वा उद्देसियं वा मीसजायं वा कीयगडं वा पामिच्चं वा अच्छिज्जं वा अणिसिट्ठं वा अभिहडं वा आहट्टु दिज्जमाणं भुंजिज्जा ३॥ अस्संजए भिक्खुपडियाए खुड्डियदुवारियाओ महल्लियदुवारियाओ कुज्जा, महल्लियदुवारियाओ खुड्डियदुवारियाओ कुज्जा, समाओ सिज्जाओ विसमाओ कुज्जा, विसमाओ सिज्जाओ समाओ कुज्जा, पवायाओ सिज्जाओ निवायाओ कुज्जा, निदायाओ सिज्जाओ पवायाओ कुज्जा, अंनो वा बहिं वा उवस्सयस्स हरियाणि छिंदिय छिंदिय दालिय दालिय संथारंगं संथारिज्जा, एस विलुंगथामो सिज्जाए, तम्हा से संजए नियंठे तहप्पगारं पुरेसंखडिं वा पच्छासंखडिं वा संखडिं संखडिपडियाए नो अभिसंधारिज्जा गमणाए, ४ । एयं खलु तस्स भिक्खुस्स जाव सया जए त्ति वेमि ॥सू० १३॥

॥ इति द्वितीय उद्देशकः ॥२-१-१-२॥

॥ अध्ययनं--१ :: उद्देशकः--३ ॥

से एगइत्रो अन्नपरं संखडिं आसित्ता पिबित्ता ढडिज्ज वा वमिज्ज वा भुत्ते वा से नो सम्मं परिणामिज्जा अन्नयरे वा से दुक्खे रोगायंके ममुप्पज्जिज्जा केवली बूया आयाणमेयं ॥सू० १४॥ इह खलु भि प्पु गाहावईहिं वा गाहावईणीहि वा परिवायएहि वा परिवाइयाहि वा एगज्जं सद्धि सुं डं पाउं भो वइमिस्सं हुरत्था वा उवस्सयं पडिलेहेमाणो नो लमिज्जा तमेव उवस्सयं समिस्सीभावमावज्जिज्जा, अन्नमणे वा से मत्ते विप्परियासि- यभूए इत्थिविग्गहे वा किलीबे वा तं भिक्खुं उवसंकमित्तु बूया--आउसंतो ममणा अहे आरामंसि वा अहे उवस्सयंसि वा रात्रो वा वियाले वा गाम- धम्मनियंतियं कट्ठु रहस्सियं मेहुणाधम्मपरियारणाए आउट्टामो, तं चेवेगइत्रो मातिज्जिज्जा-अकरणिज्जं चयं संखाए एए आयाणा (आयतणाणि) संति संविज्जमाणा पच्चवाया भवंति, तम्हा से संजये नियंठे तहप्पगारं पुरेसंखडिं वा पच्छासंखडि वा संखडिं संखडिपडियाए नो अभिसंधारिज्जा गमणाए ॥सू० १५॥ से भिक्खु वा (२) अन्नयरिं संखडिं सुच्चा निसम्म संपहावइ उस्सुयभूएणा, अप्पाणोणां, धुवा संखडी, नो संचाएइ तत्थ इयरेयरेहिं कुलेहिं समुदाणियं एसियं वेसियं पिंडवायं पडिग्गाहित्ता आहारं आहारित्ताए माइ- ट्ठाणं संफासै, नो एवं करिज्जा१॥ से तत्थ कालेण अणुपविसित्ता तत्थिय- रेयरेहिं कुलेहिं समुदाणियं एसियं वेसियं पिंडवायं पडिग्गाहित्ता आहारं आहारिज्जा२॥ (सू० १६) से भिक्खु वा (२) से जं पुण जाणिज्जां गामं वा जाव रायहाणिं वा इमंसि खलु गामंसि वा जाव रायहाणिसि वा संखडी सिया तंपि य गामं वा जाव रायहाणिं वा संखडिं संखडिपडि- याए नो अभिसंधारिज्जा गमणाए १ ॥ केवली बूया-आयाणमेयं आइन्नाज्वमा णं संखडिं अणुपविस्समाणास्स पाएणा वा पाए अक्कंतपुव्वे भवइ, हत्थेणा वा हत्थे संचालियपुव्वे भवेइ, पाएणा वा पाए आवडियपुव्वे

भइ, सीसेण वा सीसे संघट्टियपुव्वे भइ, काएण वा काए संखोभियपुव्वे भइ, दंडेण वा अट्टीण वा मुट्टीण वा लेलुणा वा कथालेण वा अभिहय-पुव्वेण वा भइ, सीओदएण वा उस्सित्तपुव्वे भइ, रयसा वा परिघासिय-पुव्वे भइ, अणोसणिज्जे वा परिभुत्तपुव्वे भइ, अन्नेसि वा दिज्जमाणे पडिग्गाहियपुव्वे भइ, तम्हा से संजए नियंठे तहप्पगारं आइन्नावमा णं संखडिं संखडिपडियाए नो अभिसंधारिज्जा गमणाए ॥सू० १७॥ से भिक्खू वा (२) जाव समाणे से जं पुण जाणिज्जा असणं वा (४) एसणिज्जे सिया अणोसणिज्जे सिया वित्तिगिळसमावन्नेण अप्पाणेण असमाहडाए लेसाए तहप्पगारं असणं वा (४) लाभे संते नो पडिग्गाहिज्जा ॥सू० १८॥ से भिक्खू वा (२) गाहावइकुलं पविसिउकामे सव्वं भंडगमायाए गाहावइकुलं पिंडवायपडियाए पविसिज्ज वा निक्खमिज्ज वा १ ॥ से भिक्खू वा (२) बहिया विहारभूमिं वा वियारभूमिं वा निक्खममाणे वा पविसमाणे वा सव्वं भंडगमायाए बहिया विहारभूमिं वा वियारभूमिं वा निक्खमिज्ज वा पविसिज्ज वा २॥ से भिक्खू वा (२) गामाणुगामं दूइज्जमाणे सव्वं भंडगमा-याए गामाणुगामं दूइज्जिज्जा ३॥ ॥सू० १९॥ से भिक्खू वा (२) अह पुण एवं जाणिज्जा तिब्बदेसियं वासं वासेमाणं पेहाए तिब्बदेसियं महियं संनि चयमाणं पेहाए महवाएण वा रयं समुद्धुयं पेहाए तिरिच्छसंपाइमा वा तसा पाणा संथडा संनिचयमाणा पेहाए से एवं नच्चा नो सव्वं भंडगमायाए गाहावइकुलं पिंडवायपडियाए पविसिज्ज वा निक्खमिज्ज वा बहिया विहार-भूमिं वा वियारभूमिं वा निक्खमिज्ज वा पविसिज्ज वा गामाणुगामं दूइ-ज्जिज्जा ॥सू० २०॥ से भिक्खू वा (२) से जाइं पुण कुलाइं जाणिज्जा तं जहा खत्तियाण वा राइण वा कुराइण वा रायपेसियाण वा रायवंसट्टियाण वा अंतो वा बाहिं वा गच्छंताण वा संनिविट्ठाण वा निमंतेमाणाण वा अनिमंते-माणाण वा असणं वा (४) लाभे संते नो पडिग्गाहिज्जा ॥सू० २१॥

॥ अध्ययन-१ :: उद्देशकः-४ ॥

से भिक्षु वा (२) जाव समागो से जं पुण जाणोज्जा मंसाइयं वा मच्छाइयं वा मंसखलं वा मच्छखलं वा आहेणं वा पेहेणं वा हिंगोलं वा संमेलं वा हीरमाणं पेहाए अंतरा से मग्गा बहुपाणा बहुबीषा बहुहरिया बहुत्रोसा बहुउदया बहुउत्तिंग—पणागदगमट्टीय—मक्कडासंताणया बहवे तत्थ समाणमाहणअतिहिक्विण्णवणीमगा उवागया उवागमिस्संति (उवागच्छंति) तत्थाइत्ता वित्ती नो पन्नस्स निक्खमणपवेसाए नो पन्नस्स वायण-पुच्छण-परियट्टणाणुपेहधम्माणुओगचिंताए, से एवं नच्चा तहप्पगारं पूरेसंखडिं वा पच्छासंखडिं वा संखडिं संखडिपडियाए नो अभिसंधारिज्जा गमणाए १॥

से भिक्षु वा (२) से जं पुण जाणिज्जा मंसाइयं वा मच्छाइयं वा जाव हीरमाणं वा पेहाए अंतरा से मग्गा अण्णा पाणा जाव संताणगा नो जत्थ बहवे समाण० जाव उवागमिस्संति अप्पाइत्ता वित्ती पन्नस्स निक्खमणपवेसाए पन्नस्स वायणपुच्छणपरियट्टणाणुपेहधम्माणुओगचिंताए, सेवं नच्चा तहप्पगारं पूरेसंखडि वा० अभिसंधारिज्जा गमणाए २ ॥सू० २२॥

से भिक्षु वा (२) जाव पविसिउकामे से जं पुण जाणिज्जा खीरिणियाओ गावीओ खीरिज्जमाणीओ पेहाए असणं वा (४) उवसंखडिज्जमाणं पेहाए पुरा अप्पजूहिए सेवं नच्चा नो गाहावइकुलं पिडवायपडियाए निक्खमिज्ज वा पविसिज्ज वा १॥ से तमादाय एगंतमवक्कमिज्जा अणावायमसंलोए चिट्ठिज्जा अह पुण एवं जाणिज्जा-खीरिणियाओ गावीओ खीरियाओ पेहाए असणं वा (४) उवक्खडियं पेहाए पुराए जूहिए सेवं नच्चा तत्रो संजयामेव गाहावइकुलं पिडवायपडियाए निक्खमिज्ज वा २-२॥सू० २३॥ भिक्षुवागा नामेगे एवमाहंसु-समाणा वा वसमाणा वा गामाणुगामं दूइज्जमाणो खुड्ढाए खलु अयं गामे संनिरुद्धाए नो महात्तए से हंता भयंतारो बाहिरगाणि गामाणि भिक्षुवायरियाए

वयह, संति तत्थेगइयस्स भिक्खुस्स पुरेसंथुया वा पच्छासंथुया वा परि-
वसंति, तंजहा-गाहावइ वा गाहावइणीत्थो वा गाहावइपुत्ता वा गाहाव-
इधूयात्थो वा गाहावइसुराहात्थो धाइत्थो वा दासा वा दासीत्थो वा कम्मकरा
वा कम्मकरीत्थो वा तहप्पगराइं कुलाइं पुरेसंथुयाणि वा पच्छासंथुयाणि वा
पुव्वामेव भिक्खारियाए अणुपविसिस्सामि १। अविद्य इत्थ लभिरिस्सामि
पिंडं वा लोयं वा खीरं वा दहिं वा नवणीयं वा घयं वा गुल्लं वा तिल्लं
वा महुं वा मज्जं वा मंसं वा सक्कुलिं वा फाणियं वा पूयं वा सिहिरिणिं
वा, तं पुव्वामेव भुत्ता पित्ता पडिग्गहं च संलिहिय संमज्जिय तत्थो पच्छा
भिक्खूहिं सद्धिं गाहावइकुलं पिंडवायपडियाए पविसिस्सामि वा निक्ख-
मिस्सामि वा, माइट्ठाणं संफासे, तं नो एवं करिज्जा २। से तत्थ भिक्खूहिं
सद्धिं कालेण अणुपविसित्ता तत्थियरेयरेहिं कुलेहिं सामुदाणियं एसियं
वेसियं पिंडवायं पडिगाहित्ता आहारं आहारिज्जा, ३। एयं खलु तस्स
भिक्खुस्स वा भिक्खुणीए वा सामग्गियं जं सव्वट्ठेहिं समिए सहिए सथा
जए त्तिवेमि ४ ॥सू० २४॥

॥ इति चतुर्थ उद्देशकः २-१-१-४॥

॥ अध्ययनं-१ :: उद्देशकः-५ ॥

से भिक्खू वा (२) जाव पविट्ठे समाणे से जं पुण जाणिज्जा-अग्गपिंडं
उक्खिप्पमाणां पेहाए अग्गपिंडं निक्खिप्पमाणां पेहाए अग्गपिंडं हीरमाणां पेहाए
अग्गपिंडं परिभाइज्जमाणां पेहाए अग्गपिंडं परिभुंजमाणां पेहाए अग्गपिंडं परि-
इविज्जमाणां पेहाए पुरा असिणाइ वा अवहाराइ वा पुरा जत्थऽराणे समण-माहणा-
अतिहिकिवणा-वणीमगा खद्धं (२) उवसंकमंति से हंता अहमवि खद्धं (२) उव-
संकमामि, माइट्ठाणं संफासे, नो एवं करेज्जा ॥सू० २५॥ भिक्खू वा (२) जाव
समाणे अंतरा से वप्पाणि वा फलिहाणि वा पागाराणि वा तोरणाणि वा
अग्गलाणि वा अग्गलपासगाणि वा सति परक्कमे संजयामेव परिकमिज्जा

नो उज्जुयं गच्छिज्जा १। केवली ब्रूया आयाणमेयं, से तत्थ परक्कममाणो पयलिज्ज वा पवखलेज्ज वा पवडिज्ज वा, से तत्थ पयलमाले वा पवखलेज्ज-माणो वा पवडमाणो वा, तत्थ से काए उच्चारेण वा पासदणोण वा खेलेण वा सिंघाणोण वा वंतेण वा पिच्छेण वा पूरेण वा सुक्केण वा सीणिएण वा उवलित्ते सिया, तहप्पगारं कायं नो अणांतरहियाए पुढवीए नो ससिणि-द्धाए पुढवीए नो ससरक्खाए पुढवीए नो चित्तमंताए सिलाए नो चित्तमंताए लेलुए कोलावासंसि वा दासए जीवपइट्टिए सअंडे सपाणे जाव ससंताणए नो आमज्जिज्ज वा पमज्जिज्ज वा संहिलिज्ज वा निलिहिज्ज वा उव्वलेज्ज वा उव्वट्टिज्ज वा आयाविज्ज वा पयाविज्ज वा २। से पुव्वामेव अप्पससरक्खं तणां वा पत्तं वा कट्टं वा सक्करं वा जाइज्जा, जाइत्ता से तमायय एगतमवक्क-मिज्जा २ अहे भामथंडिलंसि वा जाव अन्नथरंसि वा तहप्पगारंसि पडिले-हिय पडिलेहिय पमज्जिय पमज्जिय तथो संजयामेव आमज्जिज्ज वा जाव पयाविज्ज वा ३ ॥सू० २६॥ से भिक्खु वा (२) जाव से जं पुणा जाणिज्जा गोणां वियालं पडिपहे पेहाए महिसं वियालं पडिपहे पेहाए एवं अणुस्सं आसं हत्थिं सीहं वग्घं विगं दीवियं अच्चं तरच्चं परिसरं सियालं विरालं सुणायं कोलसुणायं कोकंत्थियं चित्ताचिरुलडय वियालं पडिपहे पेहाए सइ परक्कमे संजयामेव परक्कमेज्जा, नो उज्जुयं गच्छिज्जा १। से भिक्खु वा (२) जाव समाणे अंतरा से उवाओ वा खाणुए वा कंटे वा घसी वा मित्तुगा वा विग्गमे वा विज्जले वा परिदावज्जिज्जा, सइ परक्कमे संजयामेव, नो उज्जुयं गच्छिज्जा २। ॥सू० २७॥ से भिक्खु वा (२) गाहावइकुलस्स दुवा-रवाहं कंठगवुं दियाए परिपिहियं पेहाए तेसि पुव्वामेव उग्गह अणुण्णविय अण्डिलेहिय अप्पमज्जिय नो अवंगुणिज्ज वा पविसिज्ज वा निवखमिज्ज वा तेसि पुव्वामेव उग्गहं अणुण्णविय पडिलेहिय पडिलेहिय पमज्जिय पमज्जिय तथो संजयामेव अवंगुणिज्ज वा पविसेज्ज वा निवखमेज्ज वा ॥सू० २८॥

से भिक्खु वा (२) जाव से जं पुण जाणिज्जा समणां वा माहणां वा गामपि-
डोलगं अतिहिं वा पुव्वपविट्ठं पेहाए नो तेसि संलोए सपडिदुवारे चिट्ठिज्जा,
(केवली बूया-आयाणमेयं पुरा पेहाए तस्सट्ठाए परो असणां वा ४ आहट्टु
दलइज्जा, अह भिक्खुणां पुव्वोवइट्ठं एस पइन्ना एस उवएसो जं नो तेसि
संलोए सर्पाडिदुवारे चिट्ठिज्जा) से तमायाय एगंतमवक्कमिज्जा (२) अणावाय-
मसंलोए चिट्ठिज्जा १। से से परो अणावायमसलोए चिट्ठमाणस्स असणां वा
(४) आहट्टु दलइज्जा, से य एवं वइज्जा आउसतो समणा इमे भे असणो
वा (४) सब्वजणाए निसिट्ठे तं भुंजह वा णां परिभाएह वा णां, तं चेगइओ
पडिगाहिता तुसिणीओ उवेहिज्जा, अविथाइं एयं मममेव सिया, माइट्ठाणां
संफासे नो एवं करिज्जा २। से तमायाए तत्थ गच्छिज्जा (२) से पुव्वामेव
आलोइज्जा-आउसंतो समणा ! इमे भे असणो वा (४) सब्वजणाए
निसिट्ठे तं भुंजह वा णां जाव परिभाएह वा णां, सेणामेवं वयंतं परो वइज्जा-
आउसंतो समणा ! तुमं चेव णां परिभाएहि से तत्थ परिभाएमाणो नो अप्पणो
खद्धं (२) डायं (२) ऊसट्ठं (२) रसियं (२) मणुन्नं (२) निद्धं (२) लुक्खं
(२) से तत्थ अमुच्छिए अगिद्धे अग(ना)टिए अणज्झोववन्ने बहुसममेव
परिभाइज्जा ३। से णां परिभाएमाणां परो वइज्जा-आउसंतो समणा, मा
णां तुमं परिभाएहिसव्वे वेगइआ ठिआ उ भुक्खामो वा ४ पाहामो वा । से तत्थ
भुंजमाणो नो अप्पणा खद्धं खद्धं जाव लुक्खं, से तत्थ अमुच्छिए (४)
बहुसममेव भुंजिज्जा वा पाइज्जा वा ५ ॥सू० २१॥ से भिक्खु वा (२)
जाव से जं पुण जाणिज्जा समणां वा माहणां वा गामपिंडोलगं वा अतिहि
वा पुव्वपविट्ठं पेहाए नो ते उवाइक्कम्मं पविसिज्ज वा ओभासिज्ज वा, से
तमायाय एगंतमवक्कमिज्जा (२) अणावायमसंलोए चिट्ठिज्जा, अह पुणोवं
जाणिज्जा-पडिसेहिए वा दिन्ने वा तओ तंमि नियत्तिए संजयामेव पवि-

सिज्ज वा त्र्योभासिज्ज वा एयं खलु तस्स भिक्खुस्स वा भिक्खुणीए वा
सामग्गियं जाव जएज्जासित्ति वेमि ॥सू० ३०॥

॥ इति पचमोद्देशकः ॥२-१-१-५॥

॥ अध्ययनं-१ :: उद्देशकः ६॥

से भिक्खु वा (२) जाव से जं पुण जाणिज्जा—रसेसिणो वहवे
पाणा घासेसणाए संथडे संनिवइए पेहाए, तं जहा कुक्कुडजाइयं वा सूयर-
जाइयं अग्गपिंडंसि वा वायसा संथडा संनिवइया पेहाए सइ परक्कमे संजया
नो उज्जुयं गच्छिज्जा ॥सू० ३१॥ से भिक्खु वा (२) जाव नो गाहावइ-
कुलस्स वा दुवारसाहं अवलंविणिय २ चिट्ठिज्जा, नो गाहावइकुलस्स वा दग्-
च्छड्डुणामत्तए चिट्ठिज्जा नो गाहावइकुलस्स वा चंदणित्थए चिट्ठिज्जा, नो
गाहावइकुलस्स वा सिणाणास्स वा वच्चस्स वा संलोए सपडिदुवारे चिट्ठिज्जा,
नो अलोयं वा थिग्गलं वा संधिं वा दग्गभवणां वा वाहात्थो पग्गिज्जिय
(२) अंगुलियाए वा उदिसिय (२) उरणाणिय (२) अवनणिय (२)
निज्जाइज्जा, नो गाहावइअंगुलियाए उदिसिय (२) जाइज्जा, नो गाहावइ-
अंगुलिए चालिय (२) जाइज्जा, नो गाहावइअंगुलिए तज्जिय (२)
जाइज्जा, नो गाहावइअंगुलिए उक्खुलंपिय (उक्खलुं दिय) (२) जाइज्जा,
गाहावइ वंदिय (२) जाइज्जा नो वेयणां फरुसं वइज्जा ॥सू० ३२॥ अह
तत्थ कंचि भुंजमाणां पेहाए गाहावइं वा जाव कम्मकरिं वा से पुव्वामेव
आलोइज्जा—आउसोत्ति वा भइणित्ति वा दाहिसि मे इत्तो अन्नयरं भोयणा-
जायं ? १ । से सेवं वयंतस्स परो हत्थं वा मत्तं वा दव्विं वा भायणां वा
सीत्थोदग्गवियडेणा वा उसिणोदग्गवियडेणा वा उच्छोलिज्ज वा पहोइज्ज
वा २ । से पुव्वामेव आलोइज्जा—आउसोत्ति वा भइणित्ति वा ! मा एयं तुमं
हत्थं वा (४) सीत्थोदग्गवियडेणा वा (२) उच्छोलेहि वा (२), अभिक्खुसि
मे दाउं एवमेव दलयाहि ३ । से सेवं वयंतस्स परो हत्थं वा (४) सीत्थोदग्ग

वियडेण वा उसिणोदगवियडेण वा उच्छोलित्ता पहोइत्ता आहट्टु दलइज्जा,
तहप्पगारेणं पुरेकम्मकएणं हत्थेण वा (४) असणं वा (४) अफासुयं जाव
नो पडिगाहिज्जा ४। अह पुण एवं जाणिज्जा नो पुरेकम्मकएणं उदउल्लेणं
तहप्पगारेणं वा उदउल्लेणं वा हत्थेण वा (४) असणं वा (४) अफासुयं
जाव नो पडिगाहिज्जा ५॥ अहं पुरोवं जाणिज्जा-उदउल्लेणं ससिणिद्धेण
सेसं तं चेव ६। एवं-समरक्खे उदउल्ले, ससिणिद्धे मट्टिया उसे ॥ हरि-
याले हिंगुल्लुए, षण्णोसिला अंजणे लोणे ॥१॥ गेरुय वन्निय सेडिय सोर-
ट्टिय पिट्ट कुकुस उक्कुट्टुसंसट्ठेण ७। अह पुरोवं जाणिज्जा नो असंसट्ठे
संसट्ठे तहप्पगारेणं संसट्ठेणं हत्थेण वा (४) असणं वा (४) फासुयं जाव
पडिगाहिज्जा ८ ॥सू० ३३॥ से भिक्खु वा (२) जाव से जं पुण जाणिज्जा
पिहुयं वा बहुरयं वा जाव चाउलपलंबं वा असंजए भिक्खुपडियाए चित्तमं-
ताए सिलाए जाव संताणाए कुट्टिसु वा कुट्टिति वा कुट्टिस्संति वा उप्फ-
णिसु वा (३) तहप्पगारं पिहुयं वा बहुरयं वा जाव अफासुयं नो पडिगा-
हिज्जा ॥सू० ३४॥ से भिक्खु वा (२) जाव समाणे से जं पुण जाणिज्जा
बिलं वा लोणं उब्भियं वा लोणं अस्संजए जाव संताणाए भिंदिसु (३)
रुचिसु (३) बिलं वा लोणं उब्भियं वा लोणं अफासुयं नो पडिगाहिज्जा
॥सू० ३५॥ से भिक्खु वा (२) जाव से जं पुण जाणिज्जा असणं वा
(४) अगणिं निकिखत्तं तहप्पगारं असणं वा (४) अफासुयं नो पडिगाहिज्जा
केवली बूया आयाणमेय, अस्संजए भिक्खुपडियाए उस्सिंचमाणो वा
निरिसंचमाणो वा आमज्जमाणो वा पमज्जमाणो वा ओयारेमाणो वा उव्वत्तमाणो
वा अगणिजीवे हिंसिज्जा १। अह भिक्खुणां पुव्वोवइत्था एस पइत्ता एस हेऊ
एस कारणे एसुवएसे जं तहप्पगारं असणं वा (४) अगणिं निकिखत्तं अफा-
सुयं नो पडिगाहिज्जा २। एयं खलु तस्स भिक्खुस्स वा भिक्खुणीए वा
सामग्गियं जाव सया जएज्जासि ति वेमि ३। ॥सू० ३६॥

॥ अध्ययनं १ :: उद्देशकः ७ ॥

से भिक्षु वा (२) जाव समाणो जं पुण जाणिज्जा असणां वा (४) वंधंसि वा थंभंसि वा मंचंसि वा मालंसि वा पासायंसि वा हम्मियतलंसि वा अन्नयरंसि वा तहप्पगारंसि अंतलिकवजायंसि उयनिक्खित्त सिथा तहप्पगारं मालोहडं असणां वा (४) अफासुयं नो पडिगाहिज्जा १ । केवली बूया आयाणमेयं, अस्संजए भिक्षुपडियाए पीढं वा फलगं वा निस्सेणि वा उदूहलं आहट्ट उस्सविय दुरूहिज्जा, से तथ दुरूहमाणे पयलिज्ज वा पवाडिज्ज वा २। से तथ पयलमाणे वा (२) हत्थं वा पायं वा वाहुं वा ऊरुं वा उदरं वा सीसं वा अन्नयरं वा कायंसि इंदियजालं लूसिज्ज वा पाणाणि वा (४) अभिहणिज्ज वा वित्तासिज्ज वा लेसिज्ज वा संघसिज्ज वा संघट्टिज्ज वा परिथाविज्ज वा किलामिज्ज वा ठाणाओ ठाणं संकमिज्ज वा, तं तहप्पगारं मालोहडं असणां वा (४) लाभे संते नो पडिगाहिज्जा से भिक्षु वा २ जाव समाणो से जं पुण जाणिज्जा असणां वा (४) कुट्टियाओ वा कोलेज्जाउ वा अस्संजए भिक्षुपडियाए उक्कुज्जिय अवउज्जिय ओहरिय आहट्ट दलइज्जा, तहप्पगारं असणां वा (४) लाभे संते नो पडिगाहिज्जा ३ । सू० ३७। से भिक्षु वा (२) जाव से जं पुण जाणिज्जा असणां वा मट्टियाउलित्तं तहप्पगारं असणां वा (४) लाभे संते नो पडिगाहिज्जा १ । केवली बूया आयाणमेयं अस्संजए भिक्षुपडियाए मट्टियाउलित्तं असणां वा ४ उव्विंदमाणं पुढ्वीकायं समारंभिज्जा तह तेउवाउवणास्सइ-तसकायं समारंभिज्जा पुणारवि उल्लिंपमाणे पच्छाकम्मं करिज्जा २। अह भिक्षुणां पुव्वोवइट्ठा एस पइत्ता एस हेउ एस कारणे एसुवएसे जं तहप्पगारं मट्टियाउलित्तं असणां वा (४) लाभे संते नो पडिगाहिज्जा ३। से भिक्षु वा २ से जं पुण जाणिज्जा असणां वा (४) पुढ्वीकायपइट्टियं तहप्पगारं असणां वा (४) अफासुयं वा नो पडिगाहिज्जा ४ ।

से भिक्षु वा (२) से जं पुण जाणिज्जा असणां वा (४) आउकायपइ-
ट्ठियं चेव, एवं अगणिकायपइट्ठियं लाभे संते नो पडिगाहिज्जा ५। केवली
बूया आयाणामेअं अस्संजए भिक्षुपडियाए अगणि उस्सकिय निस्सकिय
ओहरिय आहट्टु दलइज्जा अह भिक्षुणां जाव नो पडिगाहिज्जा ॥सू० ३८॥
से भिक्षु वा (२) जाव से जं पुण जाणिज्जा असणां वा (४) अच्चुसिणां
अस्संजए भिक्षुपडियाए सुप्पेणा वा विहुयणेणां वा तालियंटेणा वा पत्तेणा
वा साहाए वा साहाभंगेणा वा पिहुणेणा वा पिहुणाहत्थेणा वा चेलेणा वा
चेलकरणेणा वा हत्थेणा वा मुहेणा वा फुमिज्ज वा वीइज्ज वा १ । से
पुव्वामेव आलोइज्जा-आउसोत्ति वा भइणित्ति वा मा एतं तुमं असणां वा (४)
अच्चुसिणां सुप्पेणा वा जाव फुमाहि वा वीयाहि वा अभिकंखसि मे दाउं,
एमेव दलयाहि, से सेवं वयंतस्स परो सुप्पेणा वा जाव वीइत्ता आहट्टु
दलइज्जा तप्पगारं असणां वा ४ अफासुयं वा नो पडिगाहिज्जा २ ॥सू०
३९॥ से भिक्षु वा (२) जाव से जं पुण जाणिज्जा असणां वा (४) वणा-
स्सइकायपइट्ठियं तहप्पगारं असणां वा (४) वणास्सइकायपइट्ठियं लाभे संते
नो पडिगाहिज्जा एवं तसकाएवि ॥सू० ४०॥ से भिक्षु वा (२) जाव से जं
पुण पाणागजायं जाणिज्जा, तंजहा-उस्सेइमं वा १ संसेइमं वा २ चाउलोदगं
वा ३ अन्नयरं वा तहप्पगारं पाणागजायं अहुणाधोयं अणांबिलं अणुक्कंतं
अपरिणायं अविद्धत्थं अफासुयं जाव नो पडिगाहिज्जा १ । अह पुण एवं
जाणिज्जा चिराधोयं अंबिलं वुक्कंतं परिणायं विद्धत्थं फासुयं पडिगाहिज्जा
२ । से भिक्षु वा (२) से जं पुण पाणागजायं जाणिज्जा, तंजहा-तिलोदगं
वा ४ तुसोदगं वा ५ जवोदगं वा ६ आयामं वा ७ सोवीरं वा ८ सुद्ध-
वियडं वा ९ अन्नयरं वा तहप्पगारं वा पाणागजायं पुव्वामेव आलोइज्जा,
आउसोत्ति वा भइणित्ति वा ! दाहिसि मे इत्तो अन्नयरं पाणागजायं ! से
सेवं वयंतस्स परो वइज्जा-आउसंतो समणा ! तुमं चेवेयं पाणागजायं पडि-

गहेण वा उस्सिचिया णं उयत्तिया णं गिरहाहि, तहप्पगारं पाणगजायं
 सयं वा गिरिहज्जा परो वा से दिज्जा, फासुयं लाभे संते पडिगाहिज्जा ३
 ॥सू० ४१॥ से भिक्खु वा (२) जाव से जं पुण पाणगं जाणिज्जा अणंतर-
 हियाए पुढ्वीए जाव संताणए उद्धट्टु (२) निक्खित्ते सिया, अभंजए भिक्खु-
 पडियाए उदउल्लेण वा ससिणिद्धेण वा सकसाएण वा मत्तेण वा सीओदगेण
 वा संभोइत्ता आहट्टु दलइज्जा, तहप्पगारं पाणगजायं अफासुयं नो
 पडिगाहिज्जा, एयं खलु तस्स भिक्खुस्स वा भिक्खुणीए वा सामग्गियं जाव
 सया जएज्जासि त्ति वेमि ॥सू० ४२॥

॥ इति सप्तम उद्देशकः ॥२-१-१-७॥

॥ अध्ययनं-१ :: उद्देशकः ८ ॥

से भिक्खु वा (२) जाव पविट्ठे समाणे से जं पुण पाणगजायं
 जाणिज्जा, तंजहा-अंबपाणगं वा १० अंबाडगपाणगं वा ११ कविट्टुपाणगं
 वा १२ माउलिंगपाणगं वा १३ मुहियापाणगं वा १४ दालिमपाणगं
 वा १५ खज्जुरपाणगं वा १६ नालियेरपाणगं वा १७ करीरपाणगं वा १८
 कोलपाणगं वा १९ आमलपाणगं वा २० चिन्नापाणगं वा २१ अन्नयरं वा
 तहप्पगारं पाणगजातं सअट्ठियं सकणायं सवीयं अस्संजए भिक्खुपडियाए
 ङ्खेण वा दूसेण वा वालगेण वा अविलियाण परिवीलियाण परिसावियाण
 आहट्टु दलइज्जा तहप्पगारं पाणगजायं अफासुयं लाभे संते नो पडिगाहिज्जा
 ॥सू० ४३॥ से भिक्खु वा (२) जाव पविट्ठे समाणे आगंतारेसु वा आरामागा-
 रेसु वा गाहावइगिहेसु वा परियावसेहेसु वा अन्नगंधाणि वा पाणगंधाणि वा
 सुरभिगंधाणि वा आवाय (२) से तत्थ आसायपडियाए मुच्छिए गिद्धे
 गट्टिए अज्भोववन्ने अहो गंधो (२) नो गंधमाघाइज्जा ॥सू० ४४॥ से
 भिक्खु वा (२) जाव से जं पुण जाणिज्जा सालुयं वा विरालियं वा
 सासवनालियं वा अन्नयरं वा तहप्पगारं आमगं असत्थपरिणयं अफासुयं नो

पडिगाहिजा १ । से भिक्खु वा (२) जाव से जं पुण जाणिज्जा पिप्पलिं वा पिप्पलचुराणां वा मिरियं वा मिरियचुराणां वा सिंगवेरं वा सिंगवेरचुराणां वा अन्नयरं वा तहप्पगारं वा आमगं वा असत्थपरिणायं अफासुयं नो पडिगाहिजा २, से भिक्खु वा (२) जाव से जं पुण पलंबजायं जाणिज्जा, तंजहा—अंबपलंबं वा अंबाडगपलंबं वा तालपलंबं वा भिज्झिभरिपलंबं वा सुरहिपलंबं वा सत्तरपलंबं वा अन्नयरं वा तहप्पगारं पलंबजायं आमगं असत्थपरिणायं अफासुयं नो पडिगाहिजा ३ । से भिक्खु वा २ जाव से जं पुण पवालजायं जाणिज्जा, तं जहा—आसोट्टपवालं वा निग्गोहपवालं वा पिलुंखुपवालं वा निप्पू(यू)रपवालं वा सल्लइपवालं वा अन्नयरं वा तहप्पगारं पवालजायं आमगं असत्थपरिणायं अफासुयं नो पडिगाहिजा ४ । से भिक्खु वा (२) जाव से जं पुण सरडुयजायं जाणिज्जा, तंजहा—सरडुयं वा (अंबसरडुयं वा अंबाडसरडुयं वा) कविट्टसरडुयं दाडिमसरडुयं विलसरडुयं अन्नयरं वा तहप्पगारं सरडुयजायं आमं असत्थपरिणायं अफासुयं जाव नो पडिगाहिजा ५ । से भिक्खु वा (२) जाव से जं पुण जाणिज्जा तंजहा—उंबरमंथुं वा नग्गोहमंथुं वा पिलुंखुमंथुं वा आसोत्थमंथुं वा अन्नयरं वा तहप्पगारं वा मंथुजायं आमयं दुरूक्कं साणुवीयं अफासुयं नो पडिगाहिजा ६ ॥सू० ४५॥ से भिक्खु वा (२) जाव समाणे से जं पुण जाणिज्जा आमडागं वा पूइपिन्नागं वा महं वा मज्झं वा सप्पि वा खोलं वा पुराणागं वा इत्थ पाणा अणुप्पसूयाइं जायाइं संबुद्धाइं अन्वुक्कंताइं अपरिणया इत्थ पाणा अविद्धत्था नो पडिगाहिजा ॥सू० ४६॥ से भिक्खु वा (२) जाव समाणे से जं पुण जाणिज्जा उब्बुमेरगं वा अंकरेलुगं वा कसेरुगं वा सिंघाडगं वा पूइआलुगं वा अन्नयरं वा तहप्पगारं आमगं असत्थपरिणायं जाव नो पडिगाहिजा १ । से भिक्खु वा (२) से जं पुण जाणिज्जा उप्पलं वा उप्पलनालं वा भिसं वा भिसमुणालं वा पुक्खलं पुक्खल-

विभंगं वा अन्नयरं वा तहप्पगारं जाव नो पडिगाहिजा २ ॥सू० ४७॥ से भिक्खु वा (२) जाव समाणे से जं पुण जाणिजा अग्गवीयाणि वा मूलवीयाणि वा खंधवीयाणि वा पोरवीयाणि वा अग्गजायाणि वा मूलजायाणि वा खंधजायाणि वा पोरजायाणि वा नन्नत्थ तक्कलिमत्थएणा वा तक्कलिसीसेणा वा नालियेरमत्थएणा वा खज्जुरीमत्थएणा वा तालमत्थएणा वा अन्नयरं वा तहप्पगारं आमं असत्थपरिणयं जाव नो पडिगाहिजा १ । से भिक्खु वा (२) जाव से जं पुण जाणिजा उच्छुं वा कण्णं वा अंगारियं वा संमिस्सं विगडूमियं वित्त(त्त)ग्गं वा कंदलीउसुगं अन्नयरं वा तहप्पगारं आमं असत्थपरिणयं जाव नो पडिगाहिजा २ । से भिक्खु वा (२) जाव से जं पुण जाणिजा लसुणां वा लसुणापत्तं वा लसुणानालं वा लसुणाकंदं वा लसुणाचोयगं वा अन्नयरं वा तहप्पगारं आमं असत्थपरिणयं जाव नो पडिगाहिजा ३ । से भिक्खु वा (२) जाव से जं पुण जाणिजा कणां वा कणाकुंडगं वा कणापूयलियं वा चाउलं वा चाउलपिट्ठं वा तिलं वा तिलपिट्ठं वा तिलपप्पडगं वा अन्नयरं वा तहप्पगारं आमं असत्थपरिणयं जाव लाभे संते नो पडिगाहिजा ५ । एवं खलु तस्स भिक्खुस्स भिक्खुणीए वा सामग्गियं जाव मया जण्जामि ति वेमि० ६ ॥सू० ४८॥

॥ इति अष्टम उद्देशकः ॥२-१-१-८ ॥



॥ अध्ययनं १ :: उद्देशकः ९ ॥

इह खलु पाइणां वा (४) संतेगइया सड्हा भवंति, गाहावई वा जाव कम्मकरी वा, तेसिं च गां एवं वुत्तपुव्वं भवइ—जे इमे भवंति समणा भगवंता सीलवंतो वयवंतो गुणावंतो संजया संबुडा बंभयारी उवरया मेहुणाओ धम्माओ, नो खलु एएसिं कप्पइ आहाकम्मिए असणो वा (४) भुत्तए वा पायए वा १। से जं पुणा इमं अम्हं अप्पणो अट्ठाए निट्ठियं तं असणां सब्बमेयं समणाणां निसिरामो, अविथाइं वयं पच्छा अप्पणो अट्ठाए असणां वा (४) चेइस्सामो २ । एयप्पगारं निग्घोसं सुच्चा निसम्म तहप्पगर असणां वा अफासुयं अणोसणिज्जं लाभे संते नो पडिगाहिज्जा ३ ॥सू० ४६॥ से भिक्खु वा (२) जाव समाणो वसमाणो वा गामाणुगामं वा दूइज्जमाणो से जं एणा जाणिज्जा गामं वा जाव रायहाणिं वा इमंसि खलु गामंसि वा रायहाणिंसि वा संतेगइयस्स भिक्खुस्स पुरेसंथुया वा पच्छासंथुया वा परिवसंति, तंजहा-गाहावई वा जाव कम्मकरी वा तहप्पगाराइं कुलाइं नो पुव्वामेव भत्ताए वा निक्खमिज्ज वा पविसेज्ज वा (२) १ । केवली बूया—आयाणमेयं, पुरा पेहाए तस्स परो अट्ठाए असणां वा (४) उवकरिज्ज वा उवक्खडिज्ज वा, अह भिक्खुणां पुव्वोवइट्ठा (४) जं नो तहप्पगाराइं कुलाइं पुव्वामेव भत्ताए वा पाणाए वा पविसिज्ज वा निक्खमिज्ज वा (२) २ । से तमाथाय एगंतम-वक्कमिज्जा (२,) अणावायमसंलोए चिट्ठिज्जा, से तत्थ कालेणां अणुपडिसि-ज्जा (२) तत्थियरेयरेहिं कुलेहिं सामुदाणियं एसियं वेसियं पिडवायं एसित्ता आहारं आहारिज्जा सिया से परो कालेण अणुपविट्ठस्स आहाकम्मियं असणां वा उवकरिज्ज वा उवक्खडिज्ज वा तं चेगइओ लुसिणीओ उवेहेज्जा, आहडमेव पच्चाइक्खिस्सामि, माइट्ठाणां संफासे, नो एवं करिज्जा ३ । से पुव्वामेव आलोइज्जा—आउसोत्ति वा भइणित्ति वा नो खलु मे कप्पइ आहाकम्मियं असणां वा (४) भुत्तए वा पायए वा, मा उवकरेहि मा उवक्खडेहि, से सेवं

वयंतस्स परो आहाकम्मियं असरां वा (४) उवक्खड्डावित्ता आहट्टु दलइज्जा तहप्पगारं असरां वा (४) अफासुयं जाव लाभे संते नो पडिगाहिज्जा ४ ॥सू० ५०॥ से भिक्खु वा (२) जाव से जं पुण जाणिज्जा मंमं वा मच्छं वा भज्जिज्जमाणां पेहाए तिल्लपूयं वा आएसाए उवक्खड्डिज्जमाणां पेहाए नो खच्छं (२) उवसंकमित्तु ओभासिज्जा, नन्नत्थ गिलाणणीसाए ॥सू० ५१॥ से भिक्खु वा (२) जाव समाणे अन्नयरं भोयणाजायं पडिगाहित्ता सुब्भि सुब्भि भुच्चा दुब्भि २ परिट्टवेइ, माइट्ठाणं संफासे नो एवं करिज्जा । सुब्भि वा दुब्भि वा सव्वं भुंजिज्जा नो किंचिवि परिट्टविज्जा (सव्वं भुज्जे न छड्डुए) ॥सू० ५२॥ से भिक्खु वा (२) जाव समाणे अन्नयरं पाणा- गजायं पडिगाहित्ता पुप्फं २, आविइत्ता कसायं २, परिट्टवेइ, माइट्ठाणं संफासे नो एवं करिज्जा, १ ॥ पुप्फं पुप्फेइ वा कसायं कसाइ वा सव्वमेयं भुंजिज्जा, नो किंचिवि परिट्टवेज्जा २ ॥सू० ५३॥ से भिक्खु वा (२) बहुपरियावन्नं भोयणाजायं पडिगाहित्ता बहवे साहम्मिया तत्थ वसंति संभोइया समणुन्ना अपरिहारिया अदूरगया तेसिं अणालोइया अणामंते परिट्टवेइ माइट्ठाणं संफासे, नो एवं करेज्जा १ । से तमायाए तत्थ गच्छिज्जा (२) से पुव्वामेव आलोइज्जा आउसंतो समणा ! इमे मे असरो वा पाणे वा (४) बहुपरियावन्ने तं भुंजह णां २ । से सेवं वयंतं परो वइज्जा-आउसंतो समणा ! आहारमेयं असरां वा (४) जावइयं (२) सरइ तावइयं (२) भुक्खामो वा पाहामो वा सव्वमेयं परिसडइ सव्वमेयं भुक्खामो वा पाहामो वा ३ ॥सू० ५४॥ से भिक्खु वा (२) से जं पुण जाणिज्जा असरां वा (४) परं समुद्धिस्स बहिया नीहडं जं परेहि असमणुन्नायं अणिसिट्ठं अफासुयं जाव नो पडिगाहिज्जा जं परेहिं समणुन्नायं सम्मं णिसिट्ठं फासुयं जाव पडिगा- हिज्जा, १ । एवं खलु तस्स भिक्खुस्स भिक्खुणीए वो सामग्गियं जाव सया जएज्जासि त्ति बेमि २ ॥सू० ५५॥

॥ अध्ययनं-१ :: उद्देशकः-१० ॥

से एगइयो साहारणं वा पिंडवायं पडिगाहिता ते साहम्मिए अणा-
 पुच्छिता जस्स जस्स इच्छइ तस्स तस्स खद्धं खद्धं दलइ, माइट्ठाणं संफासे,
 नो एवं करिज्जा १। से तमायाय तत्थ गच्छिज्जा २, एवं वइज्जा—आउसं-
 तो समणा ! संति मम पुरेसंथुया वा पच्छासंथुया तंजहा—आयरिए वा १,
 उवज्जाए वा २, पविती वा ३, थेरे वा ४, गणी वा ५, गणाहरे वा ६, गणा-
 वच्छेइए वा ७, अवियाइं एएसिं खद्धं खद्धं दाहामि, सेणोवं वयंतं परो वइज्जा—
 कामं खलु आउसो ! अहापज्जत्तं निसिराहि, जावइयं (२) परो वयइ
 तावइयं (२) निसिरिज्जा, सब्बमेवं परो वयइ सब्बमेयं निसिरिज्जा २ ।
 ॥सू० ५६॥ से एगइयो मणुन्नं भोयणाजायं पडिगाहिता पंतेण भोयणेण
 पलिच्छाएइ मा मेयं दाइयं संतं दट्ठूण सयमाइए आयरिए वा जाव गणा-
 वच्छेए वा; १। नो खलु मे कस्सइ किंचि दायव्वं सिया, माइट्ठाणं संफासे,
 नो एवं करिज्जा २। से तमायाए तत्थ गच्छिज्जा, (२) पुव्वामेव उत्तारणए
 हत्थे पडिग्गहं कट्ठ इमं खलुत्ति आलोइज्जा, नो किंचि वि णिगूहिज्जा ३।
 से एगइयो अन्नयरं भोयणाजायं पडिगाहिता भइयं (२) भुच्चा विवन्नं विर-
 समाहरइ, माइट्ठाणं संफासे, नो एवं करेज्जा ४ ॥सू० ५७॥ से भिक्खु
 वा (२) से जं पुण जाणिज्जा अंतरुच्छियं वा उच्छुगंडियं वा उच्छुचोयगं वा
 उच्छुमेरगं वा उच्छुसालगं वा उच्छुडालगं वा सिबलिं वा सिबलथालगं वा
 अस्सिं खलु पडिगाहियंसि अप्पे भोयणाजाए बहुउज्झियधम्मिए तहप्पगारं
 अंतरुच्छियं वा जाव सिबलवालगं वा अफासुअं जाव नो पडिगाहिज्जा १॥ से
 भिक्खु वा २, से जं पुण जाणिज्जा बहुअट्ठियं वा मंसं वा मच्छं वा बहुकट्यं
 अस्सिं खलु पडिगाहितंसि अप्पे सिया भोयणाजाए बहुउज्झियधम्मिए तहप्पगारं
 बहुअट्ठियं वा मंसं वा मच्छं वा बहुकट्यं वा लाभे संते जाव नो पडिगाहिज्जा २।
 से भिक्खु वा (२) जाव समाणे सिया णं परो बहुअट्ठिएणं मंसेण वा मच्छेण

वा उवनिमंतिज्जा—आउसंतो समणा ! अभिकंखसि बहुअट्टियं मंसं पडि-
गाहित्तए ? एयप्पगारं निग्घोसं सुच्चा निसम्म से पुव्वामेव आलोइज्जा—
आउसोत्ति वा (२) नो खलु मे कप्पइ बहुअट्टियं मंसं पडिगाहिगत्तए अभिकं-
खसि मे दाउं जावइयं तावइयं पुग्गलं दलयाहि, मा य अट्टियाइं ३। से सेवं वयं-
तस्स परो अभिहट्टु अंतो पडिग्गहंसि बहुअट्टियं मंसं परिभाइत्ता निहट्टु
दलइज्जा ४। तहप्पगारं पडिग्गहं परहत्थंसि वा परपायंसि वा अफासुयं अणो-
सण्णिज्जं लाभे संते जाव नो पडिगाहिज्जा ५। से आहन्न पडिगाहिए सिया
तं नोहित्ति वइज्जा नो अण्हित्ति वइज्जा ६। से तमायाय एगंतमवक्कमिज्जा
(२) अहे आरामंसि वा अहे उवस्सयंसि वा अप्पंडे जाव संताणए मंसगं
मच्छगं भुच्चा अट्टियाइं कंटए गहाय से तमायाय एगंतमवक्कमिज्जा (२) अहे
भामथंडिलंसि वा जाव पमज्जिय पमज्जिय परट्टुविज्जा ७ ॥सू० ५८॥ से भिक्खु
वा (२) जाव समाणे सिया से परो अभिहट्टु अंतो पडिग्गहे विलं वा लोणं
उब्भियं वा लोणं परिभाइत्ता नीहट्टु दलइज्जा, तहप्पगारं पडिग्गहं परहत्थंसि
वा परपायंसि वा अफासुयं जाव नो पडिगाहिज्जा १ । से आहन्न पडिगाहिए
सिया तं च नाइदूरगए जाण्णिज्जा, से तमायाए तत्थ गच्छिज्जा (२) पुव्वामेव
आलोइज्जा-आउसोत्ति वा (२) इमं किं ते जाणया दिन्नं उयाहु अजाणया २ ।
से य भण्णिज्जा—नो खलु मे जाणया दिन्नं, अजाणया दिन्नं, कामं खलु
आउसो ! इयाणिं निसिरामि, तं भुंजह वा णं परिभाएह वा णं तं परेहिं
समणुन्नायं समणुसट्ठं तत्रो संजयामेव भुंजिज्ज वा पीइज्ज वा ३ । जं च
नो संचाएइ भोत्तए वा पायए वा साहम्मिया तत्थ वसंति संभोइया समणुन्ना
अपरिहारिया अदूरगया, तेसिं अणुप्पयायव्वं सिया, नो जत्थ साहम्मिया जहेव
बहुपरियावन्नं कीरइ तहेव कायव्वं सिया ४ । एवं खलु तस्स भिक्खुस्स
भिक्खुणिए वा सामग्गियं जाव सया जएज्जासि त्ति वेमि ५ ॥सू० ५९॥

॥ अध्ययनं-१ :: उद्देशकः-११ ॥

भिक्षवागा नामेगे एवमाहंसु समागो वा वसमागो वा गामाणुगामं वा
दूइज्जमागो मणुन्नं भोयणाजायं लभित्ता से भिक्खु गिलाइ, से हंदह णं
तस्साहरह से य भिक्खु नो भुंजिजा तुमं चेव णं भुंजिजासि, से एगइओ
भोक्खामि त्ति कट्टु पलिउंदिय (२) आलोइज्जा, तं जहा-इमे पिंडे इमे
लोए इमे तित्ते इमे कडुयए इमे कसाये इमे अंबिले इमे महुरे, नो खलु इत्तो
किंचि गिलाणास्स सयइत्ति माइट्ठाणं सफासे, नो एवं करिज्जा १ । तहाठियं
आलोइज्जा जहाठियं गिलाणास्स सयइत्ति, तं तित्तयं तित्तएत्ति वा कडुयं
कडुयं कसायं कसायं अंबिलं अंबिलं महुरं महुरं त्ति वा २ ॥सू० ६०॥
भिक्षवागा नामेगे एवमाहंसु-समागो वा वसमागो वा गामाणुगामं दूइज्जमागो
वा मणुन्नं भोयणाजायं लभित्ता से य भिक्खु गिलाइ से हंदह णं तस्स
आहरह, से य भिक्खु नो भुंजिजा आहारिज्जा, से णं नो खलु मे अंतराए
आहरिस्सामि, इच्चेयाइं आयतणाइं उवाइक्कम्म ॥सू० ६१॥ अह भिक्खु
जाणिज्जा सत्तपिंडेसणाओ सत्त पाणोसणाओ-तत्थ खलु इमा पट्टमा पिंडेसणा-
असंसट्ठे हत्थे असंसट्ठे मत्ते, तहप्पगारेण असंसट्ठेण हत्थेण वा मत्तेण वा
असणां वा (४) सयं वा णं जाइज्जा परो वा से दिज्जा फासुयं पडिगाहिज्जा,
पट्टमा पिंडेसणा १ ॥ अहावरा दुच्चा पिंडेसणा-संसट्ठे हत्थे संसट्ठे मत्ते, तहेव
दुच्चा पिंडेसणा २ ॥ अहावरा तच्चा पिंडेसणा-इह खलु पाइणां वा (४) संते-
गइया सट्ठा भवंति-गाहावई वा जाव कम्मकरी वा, तेसि च णं अन्नयरेसु
विरुवरूवेसु भायणाजाएसु उवनिविस्वत्तपुव्वे सिया, तं जहा-थालंसि वा
पिट्ठरंसि वा सरगंसि वा परगंसि वा वरगंसि वा, अह पुणोवं जाणिज्जा-
असंसट्ठे हत्थे संसट्ठे मत्ते, संसट्ठे वा हत्थे असंसट्ठे मत्ते, से य पडिग्गह-
धारी सिया पाणिपडिग्गहिण वा, से पुव्वामेव आलोएज्जा-आउसोत्ति वा
भगिणि त्ति वा, एएण तुमं असंसट्ठेण हत्थेण संसट्ठेण मत्तेण संसट्ठेण

वा हत्थेण असंसट्ठेण मत्तेण अस्सि पडिग्गहगंसि वा पाणिंसि वा निहट्ठ उचित्तु दत्तयाहि तहप्पगारं भोयणजायं सयं वा णं जाइज्जा परो वा देज्जा, फासुयं जाव पडिगाहिज्जा, तइया पिंडेसणा ३ ॥ अहावरा चउत्था पिराडेसणा—से भिक्खु वा (२) से जं पुण जाणिज्जा पिहुयं वा जाव चाउलपलंबं वा अस्सि खलु पडिग्गहियंसि अण्णे पच्छाकम्मे अण्णे पज्जवाए, तहप्पगारं पिहुयं वा जाव चाउलपलंबं वा सयं वा णं जाइज्जा जाव पडिगाहिज्जा, चउत्था पिंडेसणा ४ ॥ अहावरा पंचमा पिंडेसणा—से भिक्खु वा (२) उग्गहियमेव भोयणजायं जाणिज्जा, तं जहा—सरावंसि वा डिंडिमंसि वा कोसगंसि वा, अह पुणेवं जाणिज्जा बहुपरियावन्ने पाणीसु दगलेवे, तहप्पगारं असणां वा (४) मयं वा णं जाएज्जा जाव पडिगाहिज्जा, पंचमा पिंडेसणा ५ ॥ अहावरा छट्ठा पिंडेसणा—से भिक्खु वा (२) पग्गहियमेव भोयणजायं जाणिज्जा, जं च सयट्ठाए पग्गहियं, जं च परट्ठाए पग्गहियं, तं पायपरियावन्नं तं पाणिपरियावन्नं फासुयं पडिगाहिज्जा, छट्ठा पिंडेसणा ६ ॥ अहावरा सत्तमा पिंडेसणा—से भिक्खु वा (२) जाव समारो बहु उज्झियधम्मियं भोयणजायं जाणिज्जा, जं चण्णे बहवे दुपयचउप्पयसमाणामहाणअतिहिकिविणवणीमगा नावकंखंति, तहप्पगारं उज्झियधम्मियं भोयणजायं सयं वा णं जाइज्जा परो वा से दिज्जा जावए फासुयं पडिगाहिज्जा, सत्तमा पिंडेसणा ७ ॥ इच्चेयाओ सत्त पिंडेसणाओ अहावराओ सत्त पाणेसणाओ ८ ॥ तत्थ खलु इमा पट्टमा पाणेसणा—असंसट्ठे हत्थे असंसट्ठे मत्ते, तं चेवं भाणियव्वं, नवरं चउत्थाए नाणात्तं ९-१ से भिक्खु वा (२) जाव समारो से जं पुण पाणगजायं जाणिज्जा, तं जहा—तिलोदगं वा तुसोदगं वा जवोदगं वा आयामं वा सोवीरं वा सुद्धवियडं वा अस्सि खलु पडिग्गहियंसि अण्णे पच्छाकम्मे तहेव पडिगाहिज्जा १० ॥ सू० ६२ ॥ इच्चेयासिं सत्तराहं पिंडेसणाणां सत्तराहं पाणेसणाणां अन्नयरं पडिमं पडिवज्जमारो नो एवं वइज्जा—मिच्छा-

पडिवन्ना खलु एए भयंतारो, अहमेगे सम्मं पडिवन्ने, जे एए भयंतारो एयात्रो पडिमात्रो पडिवज्जित्ता णं विहरंति जो य अहमंसि एयं पडिमं पडिवज्जित्ता णं विहरामि सञ्चेऽवि ते उ जिणाणाए उवट्टिया अन्नुन्नसमाहिए, एवं च णं विहरति, एयं खलु तस्स भिक्खुस्स भिक्खुणीए वा सामग्गियं जाव सया जएज्जामि त्ति वेमि ॥सू० ६३॥

॥ इति एकादशम उद्देशकः ॥ २-१-१-११ ॥

॥ इति प्रथममध्ययनम् ॥श्रु० २-चू० १-अ०१॥

२: शय्यैषणा-अध्ययनं २ :: उद्देशकः-१

से भिक्खु वा भिक्खुणी वा अभिकंखिज्जा उवस्सयं एसित्तये अणु-पविसित्ता गामं वा जाव रायहाणिं वा, से जं पुण उवस्सयं जाणिज्जा सअण्डं जाव ससंताणयं तहप्पगारे उवस्सए नो ठाणं वा सिज्जं वा निसीहियं वा चेइज्जा १ । से भिक्खु वा (२) से जं पुण उवस्सयं जाणिज्जा अप्पंडं जाव अप्पसंताणयं तहप्पगारे उवस्सए पडिलेहित्ता पमज्जित्ता तत्रो संजयामेव ठाणं वा (३) चेइज्जा २ । से जं पुण उवस्सयं जाणिज्जा अस्सि पडियाए एगं साहम्मियं समुद्दिस्स पाणाइं (४) समारब्भ समुद्दिस्स कीयं पामिच्चं अच्चिज्जं अणिसट्ठं अभिहडं आहट्ठु चेएइ, तहप्पगारे उवस्सए पुरिसंतर-कडे वा जाव अणासेविए वा नो ठाणं वा (३) चेइज्जा ३ ॥ एवं बहवे साहम्मिया एगं साहम्मिणिं बहवे साहम्मिणीत्रो ४ । से भिक्खु वा (२) से जं पुण उवस्सयं जाणिज्जा अस्संजए भिक्खुपडियाए बहवे समणमाहणअति-हिक्विणवणीमए पगणिय (२) समुद्दिस्स तं चेव भाणियव्वं ५ ॥ से भिक्खु वा (२) से जं पुण उवस्सयं जाणिज्जा, बहवे समणमाहणअतिहिक्विणवणी-मए पगणिय (२) समुद्दिस्स पाणाइं (४) जाव चेएत्ति, तहप्पगारे उवस्सए अपुरिसंतरकडे जाव अणासेविए नो ठाणं वा (३) चेइज्जा (३) ६ । अह पुणोवं

जाणिज्जा पुरिसंतरकडे जाव सेविए पडिलेहिता पमज्जिता तत्रो संजयामेव
चेइज्जा ७ ॥ से भिक्खू वा (२) से जं पुण उवस्सयं जाणिज्जा अस्संजए
भिक्खुपडियाए कडिए वा उक्कंबिए वा छन्ने वा लित्ते वा घट्ठे वा मट्ठे
वा संमट्ठे वा संपधूमिए वा तहप्पगारे उवस्सए अपुरिसंतरकडे जाव अणा-
सेविए नो ठाणं वा सेज्जं वा निसीहिं वा चेइज्जा, अह पुण एवं जाणिज्जा
पुरिसंतरकडे जाव आसेविए पडिलेहिता २, तत्रो चेइज्जा ८ ॥सू० ६१॥
से भिक्खू वा (२) से जं पुण उवस्सयं जाणिज्जा अस्संजए भिक्खुपडियाए
खुडियात्रो दुवारियात्रो महल्लियात्रो कुज्जा जहा पिंडेसणाए जाव संथारगं
संथारिज्जा बहिया वा निन्नक्खु तहप्पगारे उवस्सए अपुरिसंतरकडे जाव
अणासेविए ठाणं वा (३) चेइज्जा, अह पुणेवं जाणिज्जा पुरिसंतरकडे
आसेविए पडिलेहिता पमज्जिता, तत्रो संजयामेव जाव चेइज्जा १ । से
भिक्खू वा (२) से जं पुण उवस्सयं जाणिज्जा, अस्संजए भिक्खुपडियाए
उदग्गप्पसूयाणि कंदाणि वा मूलाणि वा पत्ताणि वा पुप्फाणि वा फलाणि
वा वीयाणि वा हरियाणि वा ठाणात्रो ठाणं साहरइ बहिया वा निराणाक्खु
तहप्पगारे उवस्सए अपुरिसंतरकडे जाव नो ठाणं वा (३) चेइज्जा,
अह पुण एवं जाणिज्जा पुरिसंतरकडे जाव चेइज्जा २ । से भिक्खू वा
(२) से जं पुण जाणिज्जा अस्संजए भिक्खुपडियाए पीढं वा फलगं वा
निस्सेणिं वा उडूखलं वा ठाणात्रो ठाणं साहरइ बहिया वा निराणाक्खु
तहप्पगारे उवस्सए अपुरिसंतरकडे जाव नो ठाणं वा सेज्जं वा निसी-
हियं वा चेइज्जा ३ । अह पुण एवं जाणिज्जा पुरिसंतरकरे जाव चेइज्जा
४ ॥सू० ६५॥ से भिक्खू वा (२) से जं पुण उवस्सयं जाणिज्जा, तंजहा-
खंधंसि वा मंचंसि वा मालंसि वा पासायंसि वा हम्मियतलंसि वा अन्नयरंसि
वा तहप्पगारंसि अंतलिक्खजायंसि, नन्नत्थ आगाढाणागाढेहि कारणेहि
ठाणं वा (३) नो चेइज्जा १ । से आहच्च चेइए सिया नो तत्थ सीत्रो-

दगवियडेण वा उसिणोदगवियडेण वा, हत्थाणि वा पायाणि वा अच्छी-
 णि वा दंताणि वा मुहं वा उच्छोलिज्ज वा पहोइज्ज वा, नो तत्थ ऊसहं
 पकरेज्जा, तंजहा-उच्चारं वा पासवणां वा खेलं वा सिंघाणां वा वंतं वा पित्तं
 वा पूयं वा सोणियं वा अन्नयरं वा मरीरावयवं वा २ । केवली ब्रूया
 आयाणमेयं, से तत्थ ऊसहं पगरेमाणो पयलिज्ज वा पवडेज्ज वा ३ । से तत्थ
 पयलमाणो वा पवडमाणो वा हत्थं वा जाव सीमं वा अन्नयरं वा कायंसि
 इंदियजालं लूसिज्ज वा पाणाणि वा (१) अभिहणिज्ज वा जाव ववरोविज्ज
 वा १। अथ भिक्खुणां पुव्वोवइट्ठा जाव जं तहप्पगारे उवस्सए अंतलिक्खजाए
 नो ठाणं वा (३) चेइज्जा ५ ॥सू० ६६॥ से भिक्खु वा (२) से जं
 पुण उवस्सयं जाणिज्जा सइत्थियं सखुहुं सपसुभत्तपाणां तहप्पगारे सागारिए
 उवस्सए नो ठाणं वा (३) चेइज्जा १। आयाणमेयं भिक्खुस्स गाहावइकुत्तेण
 सद्धिं संवसमाणस्स अलसगे वा विसूइया वा ङ्गुडी वा उव्वाहिज्जा अन्नयरे
 वा से दुक्खे रोगायंके समुपज्जिज्जा, अस्संजए कलुणपडियाए तं भिक्खुस्स
 गायं तिल्लेण वा घएण वा नवणीएण वा वसाए वा अब्भंगिज्ज वा
 मक्खिज्ज वा सिणारोण वा कक्केण वा लुहेण वा वरणेण वा चुरणेण
 वा पउमेण वा आघंसिज्ज वा पघंसिज्ज वा उव्वलिज्ज वा उवट्टिज्ज वा
 सीओदगवियडेण वा उसिणोदगवियडेण वा उच्छोलिज्ज वा (पहोएज्ज वा)
 पक्खालिज्ज वा सिणाविज्ज वा सिंचिज्ज वा दास्सा वा दासपरिणामं कट्ट
 अगणिकायं उज्जालिज्ज वा पज्जालिज्ज वा उज्जालित्ता कायं आयाविज्जा
 वा पयावेज्जा वा २। अह भिक्खुणां पुव्वोपइट्ठा एस पतिन्ना जं तहप्पगारे
 सागारिए उवस्सए नो ठाणं वा (३) चेइज्जा ३ ॥सू० ६७॥ आयाण-
 मेयं भिक्खुस्स सागारिए उवस्सए संवसमाणस्स इह खलु गाहावई वा जाव
 कम्मकरी वा अन्नमन्नं अक्कोसंति वा पचंति वा (बंधन्ति वा पचंति वा वहन्ति
 वा) रुंभंति वा उहविति वा, अह भिक्खुणां उच्चावयं मणां नियंछिज्जा,

एए खलु अन्नमन्नं अकोसंतु वा मा अकोसंतु जाव मा वा उद्वित्तु; अह भिक्खूणां पुब्बोवदिट्ठा एस पइन्ना जाव जं तहप्पगारे सागारिए उवस्सए नो ठाणां वा (३) चेइज्जा ॥सू० ६८॥ आयाणमेयं भिक्खुस्स गाहावइहिं सद्धिं संवसमाणास्स, इह खलु गाहावइं अप्पणो सयट्ठाए अगणिकायं उज्जालिज्ज वा पज्जालिज्ज वा विज्जविज्ज वा १। अह भिक्खू उच्चावयं मणां नियच्छिज्जा, एए खलु अगणिकायं उज्जालेंतु वा मा वा उज्जालेंतु, पज्जालितु वा मा वा पज्जालितु, अविज्जविंतु वा मा वा विज्जविंतु २। अह भिक्खूणां पुब्बोवदिट्ठा जाव जं तहप्पगारे उवस्सए नो ठाणां वा (३) चेइज्जा ३ ॥सू० ६९॥ आयाणमेयं भिक्खुस्स गाहावइहिं सद्धिं संवसमाणास्स, इह खलु गाहावइस्स कुंडले वा गुणे वा मणी वा मुत्तिए वा हिरराणेसु वा सुवराणेसु वा कडगाणि वा तुडियाणि वा तिसराणि वा पालंबाणि वा हारे वा अद्धहारे वा एगावली वा कणागावली वा मुत्तावली वा रयणावली वा तरुणीयं वा कुमारिं अलंकियविभूसियं पेहाए, १ । अह भिक्खू उच्चावयं मणां नियच्छेज्जा, एरिसिया वा सा नो वा एरिसिया-इय वा बूया इय वा णां मणां साइज्जा २। अह भिक्खूणां पुब्बोवदिट्ठा जाव जं तहप्पगारे उवस्सये नो ठाणां वा जाव चेइज्जा ३ ॥सू० ७०॥ आयाणमेयं भिक्खुस्स गाहावइहिं सद्धिं संवसमाणास्स, इह खलु गाहावइणीत्थो वा गाहावइधूयात्थो वा गाहावइ सुराहात्थो वा गाहावइधाइत्थो वा गाहावइदासीत्थो वा गाहावइकम्मफरीत्थो वा तासिं च णां एवं वुत्तपुव्वं भवइ—जे इमे भवंति समणा भगवन्तो जाव उवरया मेहुणात्थो धम्मात्थो, नो खलु एएसिं कप्पइ मेहुणाधम्मं परियारणाए आउट्टित्तए, जा य खलु एएहिं सद्धिं मेहुणाधम्मं परियारणाए आउट्टाविज्जा पुत्तं खलु सा लमिज्जा उयस्सिं तेयस्सिं वच्चस्सिं जसस्सिं संपराइयं आलोयणादरसणिज्जं, एयप्पगारं निग्घोसं सुच्चा निसम्म तासिं च णां अन्नयरी सही तं तवस्सिं भिक्खुं मेहुणाधम्मपडियारणाए आउट्टाविज्जा १। अह भिक्खूणां पुब्बोवदिट्ठा जाव जं तहप्पगारे सागारिए उवस्सए

ना ठाणां वा (३) चेइज्जा २। एयं खलु तस्स भिक्खुस्स भिक्खुणीए वा सामग्गियं जाव सया जएज्जासि त्ति बेमि ३ ॥सू० ७१॥

॥ इति प्रथम उद्देशकः ॥२-१-२-१॥

॥ अध्ययनं - २ :: उद्देशकः-२ ॥

गाहावइ नामेगे सुइसमापारा भवंति, से भिक्खु य असिणाणाए मोय-समापारे से तग्गंधे दुग्गंधे पडिकूले पडिलोमे यावि भवइ, जं पुव्वं कम्मं तं पच्छा कम्मं, जं पच्छा कम्मं तं पुरे कम्मं, तं भिक्खुपडियाए वट्टमाणा करिज्जा वा नो करिज्जा वा, अह भिक्खुणां पुव्वोवइट्ठा जाव ज तहप्पगारे उवस्सए नो ठाणां वा (२) जाव चेइज्जा ॥सू० ७२॥ आयाणामेयं भिक्खुस्स गाहावइहिं सद्धिं संवसमाणास्स इह खलु गाहावइस्स अप्पणो सयट्ठाए निरुवरूवे भोयणाजाए उवक्खडिए सिया, अह पच्छा भिक्खुपडियाए असणां वा (४) उवक्खडिज्ज वा उवकरिज्ज वा, तं च भिक्खु अभिकंखिज्जा भुत्तए वा पायए वा वियट्ठित्तए वा, अह भिक्खुणां पुव्वोवइट्ठा जाव जं नो तहप्पगारे उवस्सए ठाणां वा (३) चेइज्जा ॥सू० ७३॥ आयाणामेयं भिक्खुस्स गाहावइणा सद्धिं संवसमाणास्स इह खलु गाहावइस्स अप्पणो सयट्ठाए विरुवरूवाइं दारुयाइं भिन्नपुव्वाइं भवंति, अह पच्छा भिक्खुपडियाए विरुवरूवाइं दारुयाइं भिदिज्ज वा किणिज्ज वा पामिच्चेज्ज वा दारुणा वा दारुपरिणामं कट्ठु अगणिकायं उज्जालेज्ज वा पज्जालेज्ज वा तथ भिक्खु अभिकंखिज्जा आयावित्तए वा पयावित्तए वा वियट्ठित्तए वा, अह भिक्खुणां पुव्वोवइट्ठा जाव जं नो तहप्पगारे उवस्सए ठाणां वा (३) चेइज्जा ॥सू० ७४॥ से भिक्खु वा (२) उच्चारपासवणोण उवाहिज्जमाणो रात्रो वा वियाले वा गाहावइकुलस्स दुवारबाहं अवंगुणिज्जा, तेणो य तस्संधिचारी अणुपविसिज्जा, तस्स भिक्खुस्स नो कप्पइ एवं वइत्तए—अयं तेणो पविसइ वा नो वा पविसइ, उवल्लियइ वा नो वा

उवल्लियइ, आवयइ वा नो वा आवयइ, वयइ वा नो वा वयइ, तेण हडं
 अन्नेण हडं तस्स हडं अन्नस्स हडं अयं तेणो अयं उवचरण अयं हंता अयं
 इत्थमकासी, तं तवस्सिं भिवखुं अतेणं तेणंति संकइ, अह भिवखूणं पुव्वोव-
 इट्ठा जाव नो ठाणं वा (२) चेइज्जा ॥सू० ७५॥ से भिवखू वा (२) से जं
 पुण उवस्सयं जाणिज्जा तणपुंजेसु वा पलालपुंजेसु वा मअंडे जाव ससं-
 ताणए तहप्पगारे उवस्सए नो ठाणं वा (३) चेइज्जा १ । से भिवखू वा (२)
 से जं पुण उवस्सयं जाणिज्जा, तणपुंजेसु वा पलालपुंजेसु वा अप्पंडे जाव
 चेइज्जा २ ॥सू० ७६॥ से आगंतारेसु वा आरामागारेसु वा गाहावइकुलेसु
 वा परियावसहेसु वा अभिवखूणं २ साहम्मिण्हिं उवयमाणेहिं नो उवइज्जा
 ॥सू० ७७॥ से आगंतारेसु वा (४) जे भयंतारो उडु(उ)वद्धियं वा वासावा-
 सियं वा कप्पं उवाइणित्ता तत्थेव भुज्जो भुज्जो संवसंति, अयमाउसो ! काला-
 इक्कंतकिरियावि भवति १ ॥सू० ७८॥ से आगंतारेसु वा (४) जे भयंतारो
 उडु(उ)वद्धियं वासावासियं वा कप्पं उवाइणावित्ता तं दुगुणा दु(ति)-
 गुणेण वा अपरिहरित्ता तत्थेव भुज्जो भुज्जो संवसंति अयमाउसो ! उव-
 ट्ठाणकिरिया यावि भवति २ ॥सू० ७९॥ इह खलु पाइणं वा पडीणं वा
 दाहिणं वा उदीणं वा संतेगइया सट्ठा भवंति, तं जहा—गाहावई वा जाव
 कम्मकरीओ वा, तेसिं च णं आयारगोयरे नो सुनिसंते भवइ, तं सहह-
 भाणेहिं पत्तियमाणेहिं रोयमाणेहिं बहवे समण—माहण—अतिहि—क्विणवणी-
 मए समुद्दिस्स तत्थ तत्थ अगारीहिं अगाराइं चेइयाइं भवंति, तंजहा—आए-
 सणाणि वा आयतणाणि वा देवकुलाणि वा सहाओ वा पवाणि वा पणिय-
 गिहाणि वा पणियसालाओ वा जाणगिहाणि वा जाणसालाओ वा सुहा-
 कम्मंताणि वा दब्भकम्मंताणि वा वद्धकम्मंताणि वा वक्यकम्मंताणि वा वण-
 कम्मंताणि वा इंगालकम्मंताणि वा कट्टकम्मंताणि सुसाणकम्मंताणि वा सुरणा-
 गार-गिरिकंदर-संतिसेलोवट्ठाण-कम्मंताणि वा भवणगिहाणि वा, जे भयंतारो

तहप्पगाराइं आएसणाणि वा जाव गिहाणि वा तेहिं उवयमाणोहिं उवयंति
 अयमाउसो ! अभिक्कंतकिरिया यावि भवइ ३ ॥सू० ८०॥ इह खलु
 पाइणां वा (४) जाव रोयमाणोहिं बहवे समणमाहणअतिहिकिवणावणीमए
 समुद्दिस्स तत्थ तत्थ अगारिहिं अगाराइं चेइयाइं भवंति, तंजहा—आएस-
 णाणि वा जाव भवणागिहाणि वा जे भयंतारो तहप्पगाराइं आएसणाणि
 जाव भवणागिहाणि वा तेहि अणोवयमाणोहि उवयंति अयमाउसो !
 अणभिक्कंतकिरिया यावि भवइ ४॥ ॥सू० ८१॥ इह खलु पाइणां
 वा (४) जाव कम्मकरीओ वा, तेसिं च णां एवं वुत्तपुव्वं भवइ—जे इमे
 भवंति समणा भगवंतो जाव उवरया मेहुणाओ धम्माओ, नो खलु एएसि
 भयंताराणां कप्पइ आहाकम्मिए उवस्सए वत्थए, से जाणि इमाणि अम्हं
 अप्पणो सयट्ठाए चेइयाइं भवंति, तं जहा—आएसणाणि वा जाव भवणा-
 गिहाणि वा, सब्वाणि ताणि समणाणां निसिरामो, अवियाइं वयं पच्छा
 अप्पणो सयट्ठाए चेइस्सामो, तंजहा—आएसणाणि वा जाव भवणागिहाणि वा
 एयप्पगारं निग्घोसं सुच्चा निसम्म जे भयंतारो तहप्पगाराइं आएसणाणि
 वा जाव भवणागिहाणि वा उवागच्छंति इयराइयरेहिं पाहुडेहिं वट्ठंति, अय-
 माउसो ! वज्जकिरियावि भवइ ५॥ ॥सू० ८२॥ इह खलु पाइणां वा (४) सतेग-
 इया सट्ठा भवंति, तेसिं च णां आयारगोयरे जाव तं रोयमाणोहि बहवे समण-
 माहणअतिहि-किवणावणीमगे पगणिय (२) समुद्दिस्स तत्थ (२) अगा-
 रीहिं अगाराइं चेइयाइं भवंति, तंजहा—आएसणाणि वा जाव भवणागिहाणि
 वा, जे भयंतारो तहप्पगाराइं आएसणाणि वा जाव भवणागिहाणि वा,
 उवागच्छंति इयराइयरेहि पाहुडेहिं वट्ठंति, अयमाउसो ! महावज्जकिरियावि
 भवइ ६ ॥सू० ८३॥ इह खलु पाइणां वा (४) संतेगइया जाव तं सइहमा-
 णोहिं तं पत्तियमाणोहि तं रोयमाणोहि बहवे समणमाहणअतिहिकिवणावणीमगे
 पगणिय (२) समुद्दिस्स तत्थ (२) अगाराइं चेइयाइं भवंति तंजहा—आएण-

णाणि वा जाव भवणागिहाणि वा, जे भयंतारो तहप्पगाराणि आपस-
णाणि वा जाव भवणागिहाणि वा उवागच्छंति इयराइयरेहिं पाहुडेहि, अय-
माउसो ! सावज्जकिरिया यावि भवइ ७ ॥सू० ८४॥ इह खलु पाइणं वा
(४) जाव तं रोयमाणोहिं एगं समणजायं समुद्धिरस तत्थ (२) अगारीहि
अगाराइं चेइयाइं भवन्ति, तंजहा—आएसणाणि जाव गिहाणि वा महया
पुढ्वीकाय-समारंभेण जाव महया तसकायसमारंभेण महया विरुवरूवेहिं
पावकम्मकिच्चेहिं, तंजहा छायाण्यो लेवण्यो संथारदुवारपिहण्यो सीय्योदए
वा परट्टवियपुव्वे भवइ, अगणिकाये वा उज्जालियपुव्वे भवइ, जे भयंतरो
तहप्पगाराइं आपसणाणि वा जाव भवणागिहाणि वा उवागच्छंति इयराइय-
रेहिं, पाहुडेहिं वट्टंति दुपक्खं ते कम्मं सेवंति, अयमाउसो ! महासावज्जकिरिया
यावि भवइ ८ ॥सू० ८५॥ इह खलु पाइणं वा जाव तं रोयमाणोहिं अप्पणो
सयट्टाए तत्थ (२) अगारीहिं अगाराइं चेइयाइं भवन्ति, तंजहा-आएसणाणि
वा जाव भवणागिहाणि वा महया पुढ्वीकायसमारंभेणां जाव अगणिकाए
वा उज्जालियपुव्वे भवइ, जे भयंतारो तहप्पगाराइं आपसणाणि वा जाव
भवणागिहाणि वा उवागच्छंति इयराइयरेहिं पाहुडेहिं एगपक्खं ते कम्मं सेवंति,
अयमाउसो ! अप्पसावज्जकिरिया यावि भवइ ९ ॥ एवं खलु तस्स भिक्खुस्स
भिक्खुणीए वा सामग्गियं जाव सया जएज्जासि त्ति वेमि ॥सू० ८६॥

॥ इति द्वितीयोद्देशकः ॥ २-१-२-२ ॥

॥ अध्ययनं-२ :: उद्देशक-३ः ॥

से य नो सुलभे फासुए उंछे अहेसणिज्जे नो य खलु सुद्धे इमेहिं
पाहुडेहिं, तंजहा—छायाण्यो लेवण्यो संथारदुवारपिहण्यो पिंडवाए-
सणाण्यो, से य भिक्खु चरियारए ठारारए निसीहियारए सिज्जासंथार-
पिंडवाएसणारए, संति भिक्खुणो एवमक्खइणो उज्जुया नियागपडिबन्ना

अमायं कुञ्चमाणा वियाहिया, संतेगइया पाहुडिया उक्खित्तपुव्वा भवइ, एवं निक्खित्तपुव्वा भवइ, परिभाइयपुव्वा भवइ, परिभुत्तपुव्वा भवइ परिट्टुवियपुज्वा भवइ, एवं वियागरेमाणो समियाए वियागरेइ ? हंता भवइ ॥सू० ८७॥ से भिक्खु वा (२) से जं पुण उवस्सयं जाणिज्जा खुडिडयात्थो खुडडुवारियात्थो निययात्थो संनिरुद्धात्थो भवन्ति, तहप्पगारे उवस्सए रात्थो वा वियाले वा निक्खममाणो वा पविसमाणो वा पुरा हत्थेण वा पच्छा पाएण वा तत्थो संजयामेव निक्खमिज्ज वा (२) १। केवली ब्रूया आयाणमेयं, जे तत्थ समणाण वा माहणाण वा छत्तए वा मत्तए वा दंडए वा लट्ठिया वा भिसिया वा नालिया वा चेले वा चिलिमिली वा चम्मए वा चम्मकोसए वा चम्मछेयणए वा दुब्बद्धे दुन्निक्खित्ते अणिकंपे चलाचले भिक्खु य रात्थो वा वियाले वा निक्खममाणो वा (२) पयलिज्ज वा पवडेज्ज वा २ । से तत्थ पयलमाणो वा पवडेमाणो वा हत्थं वा पायं वा जाव इंदियजायं वा लूसिज्ज वा पाणाणि वा (४) अलिहणेज्ज वा जाव ववरोविज्ज वा ३। अह भिक्खुणां पुःवोवइट्ठं जाव जं तहपगारे उवस्सए पुरा हत्थेण वा पच्छा पाएणं वा तत्थो संजयामेव निक्खमिज्ज वा पविसिज्ज वा ४ ॥सू० ८८॥ से आगंतारेसु वा अणुवीय उवस्सयं जाइज्जा, जे तत्थ इसरे जे तत्थ समहिट्टाए ते उवस्सयं अणुन्नविज्जा कामं खलु आउसो ! अहालंदं अहापरिन्नायं वसिस्सामो जाव आउसंतो ! जाव आउसंतस्स उवस्सए जाव साहम्मियाइं ततो उवस्सयं गिहिहस्सामो तेण परं विहरिस्सामो ॥सू० ८९॥ से भिक्खु वा (२) जस्सुवस्सए संवसिज्जा तस्स पुव्वामेव नामगुत्तं जाणिज्जा, तत्थो पच्छा तस्स गिहे निमंतेमाणस्स वा अनिमंतेमाणस्स वा असणां वा (४) अफासुयं जाव नो पडिगाहेज्जा ॥सू० ९०॥ से भिक्खु वा (२) से जं पुण उवस्सयं जाणिज्जा, ससागारियं सागणियं सउदथं नो पन्नस्स निक्खमणापवेसाए जावअणुचिंताए तहप्पगारे उवस्सए नो ठाणां वा सेज्जं वा

निसीहियं वा चेइज्जा ॥सू० ११॥ से भिक्खू वा (२) से जं पुण उवस्सयं
 जाणिज्जा गाहावइकुलस्स मज्झमज्जेणं गंतुं पंथए पडिवद्धं वा नो
 पन्नस्स जाव चिंताए तहप्पगारे उवस्सए नो ठाणं वा सेज्जं वा
 निसीहियं वा चेइज्जा ॥सू० १२॥ से भिक्खू वा (२) से जं पुण उवस्सयं
 जाणिज्जा, इह खलु गाहावई वा कम्मकरीयो वा अन्नमन्नं अक्कोसंति वा जाव
 उद्वंति वा नो पन्नस्स जाव चिंताए सेवं नच्चा तहप्पगारे उवस्सए नो ठाणं वा
 जाव चेइज्जा ॥सू० १३॥ से भिक्खू वा (२) से जं पुण उवस्सयं जाणिज्जा
 इह खलु गाहावई वा कम्मअरीयो वा अन्नमन्नस्स गायं तिल्लेण वा नव-
 नीएण वा घएण वा वसाए वा अब्भंगेति वा मक्खेति वा नो पराणस्स
 जाव चिंताए तहप्पगारे उवस्सए नो ठाणं वा जाव चेइज्जा ॥सू० १४॥ से
 भिक्खू वा (२) से जं पुण उवस्सयं जाणिज्जा-इह खलु गाहावई वा जाव
 कम्मकरीयो वा अन्नमन्नस्स गायं सिणाणेण वा कक्केण वा लुहेण वा (वराणेण
 वा चुराणेण वा पउमेण वा आघंसंति वा पघंसंति वा उव्वलंति वा उव्वट्ठिति
 वा) नो पन्नस्स निक्खमण जाव चिंताए, तहप्पगारे उवस्सए नो ठाणं वा जाव
 चेइज्जा ॥सू० १५॥ से भिक्खू वा (२) से जं पुण उवस्सयं जाणिज्जा, इह खलु
 गाहावती वा जाव कम्मकरी वा अण्णमण्णस्स गायं सीयोदगवियडेण वा
 उसिणोदगवियडेण वा उच्छोलंति वा पहोयंति वा सिंचंति वा सिणावंति
 वा नो पन्नस्स जाव नो ठाणं वा जाव चेइज्जा ॥सू० १६॥ से भिक्खू वा
 वा से जं पुण उवस्सयं जाणिज्जा इह खलु गाहावई वा जाव कम्मकरीयो वा
 निगिणा ठिया निगिणा उल्लीणा मेहुणयम्मं विन्नविंति रहस्सियं वा मंतं
 मंतंति नो पन्नस्स जाव नो ठाणं वा (३) चेइज्जा ॥सू० १७॥ से भिक्खू
 वा (२) से ज पुण उवस्सयं जाणिज्जा आइन्नसंलिक्खं नो पन्नस्स जाव
 चिंताए जाव नो ठाणं वा (३) चेइज्जा ॥सू० १८॥ से भिक्खू वा (२)
 अभिकंखिज्जा संथारगं एसित्तए, से जं पुण संथारगं जाणिज्जा सअ्यं जाव

ससंताण्यं, तहप्पगारं संथारं लाभे संते नो पडिगाहिज्जा १॥ से भिक्खु वा (२) से जं पुण संथारयं जाणिज्जा अप्पंडं जाव संताणगगस्यं तहप्पगारं लाभे संते नो पडिगाहिज्जा २॥ से भिक्खु वा (२) से जं पुण संथारयं जाणिज्जा अप्पंडं जाव संताण्यं लहुयं अपाडिहारियं तहप्पगारं नो पडिगाहिज्जा ३॥ से भिक्खु वा (२) से जं पुण संथारगं जाणिज्जा, अप्पंडं जाव अप्पसंताणगं लहुयं पाडिहारियं नो अहावद्धं तहप्पगारं लाभे संते नो पडिगाहिज्जा ४ ॥ से भिक्खु वा (२) से जं पुण संथारगं जाणिज्जा अप्पंडं जाव संताणगं लहुयं पाडिहारियं अहावद्धं, तहप्पगारं संथारगं लाभे संते पडिगाहिज्जा ५ ॥सू० ११॥ इच्चेयाइं आयतणाइं उवाइक्कम-अह भिक्खु जाणिज्जा इमाइं चउहिं पडिमाहिं संथारगं एसित्तए, तत्थ खलु इमा पट्टमा पडिमा-से भिक्खु वा (२) उदिसिय (२) संथारगं जाइज्जा, तंजहा-इक्कडं वा कट्ठिणं वा जंतुयं वा परगं वा भोरगं वा तण्णगं वा सोरगं वा कुसं वा कुच्चगं वा पिप्पल्लगं वा पलालगं वा, से पुब्बामेव आलोइज्जा-आउ-सोत्ति वा भइणीत्ति वा दाहिसि मे इत्तो अन्नयरं संथारगं ? तहप्पगारं संथारगं सयं वा णं जाइज्जा, परो वा देज्जा फासुयं एसणिज्जं जाव पडिगाहिज्जा, पट्टमा पडिमा ॥ १ ॥सू० १००॥ अहावरा दुच्चा पडिमा-से भिक्खु वा (२) पेहाए संथारगं जाइज्जा, तंजहा-गाहावइं वा कम्मकरिं वा से पुब्बामेव आलोइज्जा-आउसोत्ति वा भइणीत्ति वा दाहिसि मे एत्तो अन्नयरं संथारगं ? तहप्पगारं संथारगं सयं वा णं जाइज्जा परो वा से देज्जा, फासुयं एसणिज्जं जाव पडिगाहिज्जा, दुच्चा पडिमा २ ॥ अहावरा तच्चा पडिमा-से भिक्खु वा (२) जस्सुवस्सए संवसिज्जा जे तत्थ अहासमन्ना-गए, तंजहा-इक्कडे इ वा जाव पलालेइ वा तस्स लाभे संवसिज्जा तस्सालाभे उक्कुडुए वा नेसज्जिए वा विहरिज्जा, तच्चा पडिमा ३ ॥सू० १०१॥ अहावरा चउत्था पडिमा-से भिक्खु वा (२) अहासंथडमेव संथारगं जाइज्जा,

तंजहा—पुढविसिलं वा कट्टुसिलं वा अहासंथडमेव, तस्स लाभे संते संव-
सिज्जा, तस्स अलाभे उक्कुडुए वा (२) विहरिज्जा, चउत्था पडिमा ४
॥सू० १०२॥ इच्चेयाणां चउराहं पडिमाणं अन्नयरं पडिमं पडिवज्जमाणो तं
चेव जाव अन्नोऽन्नसमाहीए एवं च णं विहरंति ॥सू० १०३॥ से भिक्खु
वा (२) अभिकंखिज्जा संथारगं पच्चप्पिणित्तए, से जं पुण सथारगं जाणिज्जा
सअंडं जाव ससंताणयं तहप्पगारं संथारगं नो पच्चप्पिणिज्जा ॥सू० १०४॥
से भिक्खु वा (२) अभिकंखिज्जा संथारगं पच्चप्पिणित्तए से जं पुण संथारगं
जाणिज्जा, अप्पंडं तहप्पगारं जाव संताणगं संथारगं पडिलेहिय (२)
पमज्जिय (२) आयाविय (२) विहुणिय (२) तत्रो संजयामेव पच्चप्पिणिज्जा
॥सू० १०५॥ से भिक्खु वा (२) समाणे वा वसमाणे वा गामाणुगामं
दूइज्जमाणो वा पुब्बामेव पन्नस्स उच्चारपासवणभूमिं पडिलेहिज्जा, केवली
बूया आयाणमेयं-अपडिलेहियाए उच्चारपासवणभूमीए, से भिक्खु वा (२)
रात्रो वा वियाले वा उच्चारपासवणं परिट्टवेमाणो पयलिज्ज वा पवडेज्ज वा
से तत्थ पयलमाणो वा (२) हत्थं वा पायं वा जाव लूसेज्ज वा पाणाणि
वा (४) जाव ववरोविज्जा; अह भिक्खुणां पुब्बोवइट्ठा जाव जं पुब्बामेव
पन्नस्स उच्चारपासवणभूमिं पडिलेहिज्जा ॥सू० १०६॥ से भिक्खु वा (२)
अभिकंखिज्जा सिज्जासंथारगभूमिं पडिलेहित्तए नन्नत्थ आयरियेण वा
उवज्जाएण वा जाव गणावच्छेएण वा बालेण वा वुड्ढेण वा सेहेण वा
गिसाणेण वा आएसेण वा अंतेण वा मज्जेण वा समेणे वा विसमेण वा
पवाएण वा निवाएण वा, तत्रो संजयामेव पडिलेहिय (२) पमज्जिय (२)
तत्रो संजयामेव बहुफासुयं सिज्जासंथारगं संथरिज्जा ॥सू० १०७॥ से
भिक्खु वा (२) बहुफासुअं सेज्जा संथारगं संथरित्ता अभिकंखिज्जा बहुफा-
सुए सिज्जासंथारए दुरुहित्तए ॥ से भिक्खु (२) बहुफासुए सेज्जासंथारए
दुरुहमाणो से पुब्बामेव ससीसोवरियं कायं पाएय पमज्जिय (२) तत्रो संज-

यापेव बहुफासुए सेज्जासंथारगे दुरुहित्ता तत्रो संजयामेव, बहुफासुए सेज्जासंथारए सइज्जा ॥सू० १०८॥ से भिक्खु वा (२) बहुफासुए सेज्जासंथारए सयमारो नो अन्नमन्नस्स हत्थेण हत्थं पाएण पायं काएण कायं आसाइज्जा से अणासायमारो तत्रो संजयामेव बहुफासुए सिज्जासंथारए सइज्जा ॥ से भिक्खु वा (२) उस्सासमारो वा नीसासमारो वा कासमारो वा ज्ञीयमारो वा जंभायमारो वा उड्डोए वा वायनिसग्गं वा करेमारो पुब्बामेव आसयं वा पोसयं वा पाण्डिणा परिपेहित्ता तत्रो संजयामेव ऊससिज्जा वा जाव वायनिसग्गं वा करेज्जा ॥सू० १०९॥ से भिक्खु वा (२) समा वेगया सिज्जा भविज्जा, विसमा वेगया सिज्जा भविज्जा, पवाया वेगया सिज्जा भविज्जा, निवाया वेगया सिज्जा भविज्जा, ससरक्खा वेगया सिज्जा भविज्जा, अप्पससरक्खा वेगया सिज्जा भविज्जा, सदंसमसगा वेगया सिज्जा भविज्जा, अप्पदंसमसगा वेगया सिज्जा भविज्जा, सपरिसाडा वेगया सिज्जा भविज्जा, अपरिसाडा वेगया सिज्जा भविज्जा, सउवसग्गा वेगया सिज्जा भविज्जा, निरुवसग्गा वेगया सिज्जा भविज्जा, तहप्पगाराहिं सिज्जाहिं संविज्जमाणाहिं पग्गहियतरागं विहारं विहरिज्जा नो किंचिविगिलाइज्जा, एवं खलु तस्स भिक्खुस्स भिक्खुणीए वा सामग्गियं जं सव्वट्ठेहिं सहिए सया जए त्ति वेमि ॥सू० ११०॥

॥ इति तृतीयोद्देशकः ॥ २-१-२-३ ॥

॥ इति द्वितीयमध्ययनम् ॥ श्रु०२-चू०१-अ०२ ॥

॥ ३: ईर्या-अध्ययनं ३ :: उद्देशकः १ ॥

अब्भुवगए खलु वासावासे अभिपवुट्ठे बहवे पाणा अभिसंभूया बहवे बीया अहुणाभिन्ना अंतरां से मग्गा बहुपाणा बहुबीया जाव ससंतागागा अणाभिक्कंता पंथा, नो विन्नाया मग्गा, सेवं नच्चा नो गामाणुगामं दूइज्जिज्जा, तत्रो संजयामेव वासावासं उवल्लिइज्जा ॥सू० १११॥ से

भिक्षु वा (२) से जं पुण जाणिज्जा गामं वा जाव रायहाणिं वा इमंसि खलु गामंसि वा जाव रायहाणिंसि वा नो महई विहारभूमी नो महई वियारभूमी नो सुलभे पीढफलगसिज्जासंथारगे नो सुलभे फासुए उंछे अहेसणिज्जे जत्थ बहवे समणमाहण-अतिहि-क्विण-वणीमगा उवागया उवागमिस्संति य अच्चाइन्ना वित्ती नो पन्नस्स निक्खमणे जाव चिताए, सेवं नच्चा तहप्पगारं गामं वा नगरं वा जाव रायहाणिं वा नो वासावासं उवल्लिइज्जा १॥ से भिक्षु वा (२) से जं पुण जाणिज्जा गामं वा जाव रायहाणिं वा इमंसि खलु गामंसि वा जाव वा महई विहारभूमी महई वियारभूमी सुलभे जत्थ पीढफलग-सिज्जासंथारगे सुलभे फासुए उंछे अहेसणिज्जे नो जत्थ बहवे समणमाहण-अतिहिक्विणवणीमगा उवागया उवागमिस्संति वा अप्पाइना वित्ती जाव रायहाणिं वा तत्रो संजयामेव वासावासं उवल्लिइज्जा ॥सू० ११२॥ अह पुणेवं जाणिज्जा-चत्तारि मासा वासावासाणं वीइक्कंता हेमंताणं य पंचदसरायकप्पे परिवुसीए, अंतरा से मग्गे बहुपाणा जाव ससंताणागा नो जत्थ बहवे जाव उवागमिस्संति, सेवं नच्चा नो गामाणुगामं दूइज्जिज्जा ॥ अह पुणेवं जाणिज्जा-चत्तारि मासा वासावासाणं वीइक्कंता, हेमंताणं य पंचदसराय कप्पे परिवुसिए, अंतरा से मग्गे अप्पंडा जाव ससंताणागा बहवे जत्थ समणमाहण-अतिहिक्विणवणीमगा उवागया उवागमिस्संति, सेवं नच्चा तत्रो संजयामेव गामाणुगामं दूइज्जिज्ज ॥सू० ११३॥ से भिक्षु वा (२) गामाणुगामं दूइज्जमाणो पुरत्रो जुगमायाए(यं) पेहमाणो दट्ठण तसे पाणे उच्छट्ठ पादं रीइज्जा, वित्तिरिच्छं वा कट्ठ पायं रीइज्जा, सइ परक्कमे संजयामेव परिकमिज्जा नो उज्जुयं गच्छिज्जा, तत्रो संजयामेव गामाणुगामं दूइज्जिज्जा १ ॥ से भिक्षु वा (२) गामाणुगामं दूइज्जमाणो अंतरा से पाणाणि वा बीयाणि वा हरियाणि वा उदए वा मट्ठिआ वा अविच्छत्थे सइ परक्कमे जाव नो उज्जुयं गच्छिज्जा, तत्रो संजयामेव गामाणुगामं

दूइज्जिज्जा ॥सू० ११४॥ से भिक्खु वा (२) गामाणुगामं दूइज्जमाणे अंतरा
 से विरुवरूवाणि पच्चंतिगाणि दसुगाययाणि मिलक्खूणि अणायरियाणि
 दुसन्नप्पाणि दुप्पन्नवणिज्जाणि अकालपडिबोहीणि अकालपरिभोइणि सइ
 लाढे विहाराए संथरमाणोहिं जाणवएहि नो विहारवडियाए(वत्तियाए)
 पवज्जिज्जा गमणाए १। केवली बूया-आयाणामेयं, तेणां बाला अयं तेणो
 अयं उवचरणे अयं ततो आगएत्ति कट्टु तं भिक्खुं अक्कोसिज्ज वा जाव उद-
 विज्ज वा वत्थं पडिग्गहं कंबलं पायपुच्छणां अच्चिदिज्ज वा भिदिज्ज वा
 वा अवहरिज्ज वा परिट्टविज्ज वा २ । अह भिक्खूणां पु० जं तहप्पगाराइं
 विरुवरूवाणि पच्चंतियाणि दस्सुगायतणाणि जाव विहारवत्तियाए नो
 पवज्जिज्ज वा गमणाए तत्रो संजयामेव गामाणुगामं दूइज्जिज्जा ॥सू०
 ११५॥ से भिक्खु वा (२) दूइज्जमाणे अंतरा से अरायाणि वा गणारायाणि
 वा जुवरायाणि वा दोरज्जाणि वा वेरज्जाणि वा विरुद्धरज्जाणि वा सइ लाढे
 विहाराए संथरमाणोहिं जाणवएहिं नो विहारवडियाए पवज्जेज्ज गमणाए,
 केवली बूया आयाणामेयं, ते णां बाला अयं तेणो तं चेव जाव गमणाए तत्रो
 संजयामेव गामाणुगामं, दूइज्जिज्जा ॥सू० ११६॥ से भिक्खु वा (२) गामाणुगामं
 दूइज्जमाणे अंतरा से विहं सिया, से जं पुण विहं जाणिज्जा एगहेण वा दुआहेण
 वा तिआहेण वा चउआहेण वा पंचाहेण वा पाउणिज्ज वा नो पाउणिज्ज
 वा तहप्पगारं विहं अणोगायगमणिज्जं सइ लाढे जाव गमणाए, केवली बूया
 आयाणामेयं, अंतरा से वासे सिया पाणोसु वा पणएसु वा बीएसु वा हरिएसु-
 वा उदएसु वा मट्टियाए वा अविच्छत्थाए, अह भिक्खूणां पुव्वोवइट्ठा जाव ज
 तहप्पगारं अणोगाहगमणिज्जं जाव नो पवज्जेज्ज गमणाए तत्रो संजयामेव
 गामाणुगामं दूइज्जिज्जा ॥सू० ११७॥ से भिक्खु वा (२) गामाणुगामं दूइ-
 ज्जमाणे अंतरा से नावासंतरिमे उदए सिया, से जं पुण नावं जाणिज्जा,
 असंजए अ भिक्खुपडियाए किणिज्ज वा पामिचेज्ज वा नावाए नावं परि-

णामं कट्टु थलात्रो वा नावं जलंसि त्रोगाहिजा जलात्रो वा नावं थलंसि
 उकसिजा पुराणं वा नावं उस्मिचिजा सन्नं वा नावं उप्पीलादिजा तहप्प-
 गारं नावं उडढगामिणिं वा अहेगामिणिं तिरियगामिणिं परं जोयणभेराए
 अद्धजोयणभेराए अप्पतरे वा भुज्जतरे वा नो दूरुहिजा गमणाए १। से
 विक्खु वा (२) पुञ्चामेव तिरिच्छसंपाइमं नावं जाणिजा, जाणित्ता से
 तमायाए एगंतमवकमिजा २, भराडगं पडिलेहिजा २, एगत्रो भोयणभंडगं
 करिजा २, ससीसोत्रियं कायं पाए पमज्जिजा सागारं भत्तं पच्चक्खाइजा,
 एगं पायं जले किञ्चा एगं पायं थले किञ्चा तत्रो संजयामेव नावं दूरुहिजा २
 ॥ सू० ११८॥ से भिक्खु वा (२) नावं दुरूहमारो नो नावाए पुरत्रो
 दुरूहिजा नो नावाए अग्गत्रो दुरूहिजा नो नावाए म्भत्रो दुरूहिजा
 नो वाहात्रो पगिज्जिय (२) अंगुलियाए उदिसिय (२), ओणमिय (२),
 उन्नमिय (२), निज्झाइजा १। सेणं परो नावागत्रो नावागयं वइजा-
 आउसंतो समणा ! एयं ता तुमं नावं उकसाहि वा दुक्साहि वा खिवाहि
 वा रज्जूयाए वा गहाय आकसाहि, नो से तं परिन्नं परिजाणिजा,
 तुसिणीत्रो उवेहिजा २। से णं परो नावागत्रो नावागय वइजा-आउसं-
 तो समणा ! नो संचाएसिं तुमं नावं उकसित्तए वा (३) रज्जूयाए वा गहाय
 आकसित्तए वा आहर एयं नावाए रज्जूयं सयं चैव णं वयं नावं उकसि-
 स्सामो वा जाव रज्जूए वा गहाय आकस्सिसामो नो से तं परिन्नं परियाणो-
 व्जा तुसिणीत्रो उवेहेज्जा ३। से णं परो नावागत्रो नावागयं वइजा
 आउसंतो समणा, एयं ता तुमं नावं आलित्तेण वा पीढएण वा वंसेण वा
 वलएण वा अवलुएण वा वाहेहि, नो से तं परिणं परिजाणिज्जा तुसि-
 णीत्रो उवेहेज्जा ४। से णं परो नावागत्रो नावागयं वइज्जा, एयं ता तुमं
 नावाए उदयं हत्थेण वा पाएण वा मत्तेण वा पडिग्गहेण वा नावाउस्सिंचणेण
 उस्सिंचाहि, नो से तं परिणं परिजाणिज्जा, से णं परो नावागत्रो नावा-

गयं वएजा आउसंतो समणा ! एयं तुमं नावाए उत्तिगं हत्थेण वा पाएण वा बाहुणा वा ऊरुणा वा उदरेण वा सीसेण वा काएण वा उस्सिचणेण वा चेत्येण वा मट्टियाए वा कुसपत्तएण वा कुविंदएण वा पिहेहि, नो से तं परिणं परिजाणिजा ५ । से भिक्खु वा (२) नावाए उत्तिगेण उदयं आसवमाणं पेहाए उवस्वरिं नावं कज्जलावेमाणिं पेहाए नो परं उवसंकमित्तु एवं बूया—आउसंतो ! गाहावइ एयं ते नावाए उदयं उत्तिगेण आसवइ उवस्वरिं नावा वा कज्जलावेइ, एयप्पगारं मणं वा दायं वा नो पुरयो कट्ठु विहरिजा, अप्पुस्सुए अबहिल्लेसे एगंतगएण अप्पाणं त्रिउसेज्जा, समाहीए, तयो संजयामेव नावासंतारिमे उदए अहारियं रीइज्जा, ६ । एयं खलु जाव सया जइज्जा सि त्तिवेमि, ७ ॥सू० ११६॥

॥ इति प्रथम उद्देशकः ॥२-१-३-१॥

॥ अध्ययनं-३ :: उद्देशकः २ ॥

से णं परो णावागयो नावागयं वइज्जा—आउसंतो समणा ! एयं ता तुमं छत्तगं वा जाव चम्मछेयणागं वा गिराहाहि, एयाणि तुमं विरूवरूवाणि सत्थजायाणि धारेहि, एयं ता तुमं दारगं वा पज्जेहि, नो से तं परिणं परिजाणिज्जा लुसिणीयो उवेहेज्जा ॥सू० १२०॥ से णं परो नावागयो नावागयं वएज्जा—आउसंतो ! एस णं समणे नावाए भंडभारिए भवइ, से णं बाहाए गहाय नावायो उदगंसि पक्खिविज्जा, एयप्पगारं निग्घोसं सुच्चा निसम्म से य चीवरधारी सिया खिप्पामेव चीवराणि उव्वेद्विज्ज वा निवेद्विज्ज वा उप्फेसं वा करिज्जा १ । अह पुण एवं जाणिज्जा, अभिकंतकूरकम्मा खलु बाला ब्राह्मिं गहाय नावायो उदगंसि पक्खिविज्जा, से पुव्वामेव वइज्जा—आउसंतो गाहावइ ! मा मेत्तो बाहाए गहाय नावायो उदगंसि पक्खिवह, सयं चेव णं अहं नावायो उदगंसि ओगाहिस्सामि २ । से शोव

वयंतं परो सहसा बलसा बाहाहिं गहाय उदयगंसि पक्खिविज्जा, तं नो सुमणो
 सिया नो दुम्मणो सिया नो उच्चावयं मणं नियंछिज्जा, नो तेसिं वालाणं घायाए
 वहाए समुट्ठिज्जा अप्पुस्सुए जाव समाहीए तत्रो संजयामेव उदगंसि पवज्जिज्जा
 ३ ॥सू० १२१॥ से भिक्खू वा (२) उदगंसि पवमाणो नो हत्थेण हत्थं
 पाएण पायं काएण कायं आसाइज्जा, से अणासायणाए अणासायमाणो तत्रो
 संजयामेव उदगंसि पविज्जा १ । से भिक्खू वा (२) उदगंसि पवमाणो नो उम्मु-
 ग्गनिमुग्गियं करिज्जा, मा मेयं उदगं कन्नेसु वा अच्छीसु वा नवकंसि वा मुहंसि
 वा परियावज्जिज्जा, तत्रो संजयामेव उदगंसि पविज्जा २ ॥ से भिक्खू वा
 (२) उदगंसि पवमाणो दुब्बलियं पाउणिज्जा खिप्पामेव उवहिं विगिंछिज्ज वा
 विसोहिज्ज वा, नो चेव णं साइज्जिज्जा ३ । अह पुण एवं जाणिज्जा,
 पारए सिया उदगात्रो तीरं पाउणित्तए, तत्रो संजयामेव उदउल्लेण वा
 ससिणिद्धेण वा काएण उदगतीरे चिट्ठिज्जा ४ ॥ से भिक्खू वा (२)
 उदउल्लं वा ससिणिद्धं वा कायं नो आमज्जिज्जा वा पमज्जिज्जा वा
 वा संलिहिज्जा वा निल्लिहिज्जा वा उव्वलिज्जा वा उवट्ठिज्जा वा आथा-
 विज्ज वा पयाविज्ज वा ५ । अह पुण एवं जाणिज्जा, विगत्रोदत्रो मे
 काए छिन्नसिणोहे काए तहप्पगारं कायं आमज्जिज्ज वा जाव पयाविज्ज वा,
 तत्रो संजयामेव गामाणुगामं दूइज्जिज्जा ६ ॥सू० १२२॥ से भिक्खू वा
 (२) गामाणुगामं दूइज्जमाणो नो परेहिं सद्धिं परिजविय (२) गामाणुगामं
 दूइज्जिज्जा, तत्रो संजयामेव गामानुगामं दूइज्जिज्जा ॥सू० १२३॥ से
 भिक्खू वा (२) गामाणुगामं दूइज्जमाणो अंतरा से जंघासंतारिमे उदगे
 सिया, से पुव्वामेव ससीसोवरियं कायं पाए य पमज्जिज्जा २,
 एणं पायं जले किच्चा एणं पायं थले किच्चा तत्रो संजयामेव जंघासंतारिमे
 उदगंसि अहारियं रीएज्जा १ । ॥ से भिक्खू वा (२) जंघासंतारिमे अहा-

रियं रीयमाणो नो हत्थेण हत्थं पादेण वा पादं काएण वा कायं आसा-
एजा, से अणालाइए अणासायमाणो तत्रो संजयामेव जंघासंतारिमे उदए
अहारियं रीएजा २॥ से भिक्खू वा (२) जंघासंतारिमे उदए अहारियं
रीयमाणो नो सायावडियाए नो परिदाहपडियाए महइमहालयंसि उदयंसि कायं
विउसिज्जा, तत्रो संजयामेव जंघासंतारिमे उदए अहारियं रीएजा ३। अह
पुण एवं जाणिज्जा पारए सिया उदगात्रो तीरं पाउणित्तए, तत्रो संजयामेव
उदउल्लेण वा ससिणिद्धेण वा काएण दगतीरए चिट्ठिजा ४॥ से भिक्खू वा
(२) उदउल्लं वा कायं ससिणिद्धं वा कायं नो आमज्जिज्ज वा नो पमज्जे-
ज्ज वा ५। अह पुण एवं जाणिज्जा विगत्रोदए मे काए छिन्नसिणोहे तह-
प्पगारं कायं आमज्जिज्ज वा जाव पयाविज्ज वा, तत्रो संजयामेव गामाणुगामं
दूइज्जिज्जा ६ ॥सू० १२४॥ से भिक्खू वा (२) गामाणुगामं दूइज्जमाणो
नो मट्टियागएहिं पाएहिं हरियाणि छिदिय (२), विकुज्जिय (२), विफा-
लिय (२), उम्मग्गेण हरियवहाए गच्छिज्जा, जमेयं पाएहिं मट्टियं खिप्पा-
मेव हरियाणि अवहरंतु, माइट्ठाणं संफासे, नो एवं करिज्जा से पुव्वामेव
अप्पहरियं मग्गं पडिलेहिज्जा, तत्रो संजयामेव गामा णुगामंदूइज्जिज्जा १।
से भिक्खू वा (२), गामाणुगामं दूइज्जमाणो अंतरा से वप्पाणि वा फलि-
हाणि वा पागाहाणि वा तोरणाणि वा अग्गलाणि वा अग्गलपासगाणि
वा गड्ढात्रो वा दरीत्रो वा सइ परक्कमे संजयामेव परिकमिज्जा नो उज्जु-
यं गच्छेज्जा २। केवली बूया-आयाणं एयं, से तत्थ परक्कममाणो पयलिज्ज
वा पवडिज्ज वा, से तत्थ पयलमाणो वा पवडेमाणो वा रुक्खाणि वा
गुच्छाणि वा गुम्माणि वा लयात्रो वा वल्लीत्रो वा तणाणि वा गहणाणि
वा हरियाणि वा अवलंबिय (२) उत्तरिज्जा, जे तत्थ पाडिपहिया उवाग-
च्छंति ते पाणी जाइज्जा, तत्रो संजयामेव अवलंबिय (२) उत्तरिज्जा तत्रो
संजयामेव गामाणुगामं दूइज्जिज्जा ३ ॥ से भिक्खू वा (२) गामाणुगामं

दूइज्जमाणो अंतरा से जवसाणि वा सगडाणि वा रहाणि वा सचक्राणि वा परचक्राणि वा से गां वा विरुवरुवं संनिरुद्धं पेहाए सइ परक्रमे संजयामेव नो उज्जुयं गच्छिज्जा, ४। से गां परो सेणागत्रो वइज्जा-आउसंतो ! एस गां समणे सेणाए अभिनिवारियं करेइ, से गां बाहाए गहाय आगसह, से गां परो बाहाहिं गहाय आगसिज्जा, तं नो सुमणे सिया जाव समाहीए तत्रो संजयामेव गामाणुगामं दूइज्जिज्जा ५ ॥सू० १२५॥ से भिक्खु वा (२) गामाणुगामं दूइज्जमाणो अंतरा से पाड्विहिया उवागच्छिज्जा, ते गां पाड्विहिया एवं वइज्जा—आउसंतो समणा ! केवइए एस गामे वा जाव राय-हाणी वा केवइया इत्थ आसा हत्थी गामपिंडोलगा मणुस्सा परिवसंति, से बहुभत्ते बहुउदए बहुजणे बहुजवसे से अप्पभत्ते अप्पुदए अप्पजणे अप्पजवसे एयप्पगाराणि पसिणाणि नो पुच्छिज्जा, एयप्पगाराणि पसिणाणि पुट्ठे वा अप्पुट्ठे वा नो वागरिज्जा १। एवं खलु तस्स भिक्खुस्स भिक्खुणीए वा सामग्गियं जं सव्वट्ठेहिं समिए सहिए सया जएत्ति वेमि २ ॥सू० १२६॥

॥ इति द्वितीयोद्देशकः ॥ २-१-३-२ ॥

॥ अध्ययनं ३ :: उद्देशकः ३ ॥

से भिक्खु वा गामाणुगामं दूइज्जमाणो अंतरा से वप्पाणि वा जाव दरीत्रो वा जाव कूडागाराणि वा पासायाणि वा नूमगिहाणि वा रुक्खगिहाणि वा पव्वयगिहाणि वा रुक्खं वा चेइयकडं थुभं वा चेइयकडं आएसणाणि वा जाव भवणागिहाणि वा नो बाहात्रो पगिज्जिय (२), अंगुलिआए उहिसिय (२), ओणमिय (२), उन्नमिय (२), निज्जमाइज्जा, तत्रो संजयामेव गामाणुगामं दूइज्जिज्जा १। से भिक्खु वा (२) गामाणुगामं दूइज्जमाणो अंतरा से कच्छाणि वा दवियाणि वा नूमाणि वा वलयाणि वा गहणाणि वा गहणाविदुग्गाणि वणाणि वा वणापव्वयाणि वा पव्वयविदुग्गाणि वा पव्वयगिहाणि वा, अगडाणि वा तलागाणि वा दहाणि वा नइत्रो वा

वावीत्रो वा पुक्खरिणीत्रो वा दीहियात्रो वा गुंजालियात्रो वा सराणि
वा सरपंतियाणि वा सरसरपंतियाणि वा नो बाहात्रो पगिज्भय (२); जाव
निज्भाइजा २। केवली बूया आयाणमेयं, जे तत्थ मिगा वा पसू वा
पक्खी वा सरीसिवा वा सीहा वा जलचरा वा थलचरा वा सहचरा वा सत्ता
ते उत्तसिज्ज वा वित्तसिज्ज वा वाडं वा सराणं वा कंखिज्जा, चारित्ति मे अयं
समणो ३। अह भिक्खुणां पुव्वोवइट्ठा पतिराणा जं नो बाहात्रो पगिज्भय (२)
निज्भाइजा; तत्रो संजयामेव आयरिउवज्भाएहिं सद्धिं गामाणुगामं दूइज्जिजा
४ ॥सू० १२७॥ से भिक्खु वा (२) आयरिउवज्भाएहिं सद्धिं गामाणुगामं
दूइज्जमाणो नो आयरियउवज्भायस्स हत्थेण वा हत्थं जाव अणासायमाणो
तत्रो संजयामेव आयरिउवज्भाएहिं सद्धिं जाव दूइज्जिज्जा १॥ से भिक्खु
वा आयरियउवज्भाएहिं सद्धिं दूइज्जमाणो अंतरा से पाडिवहिया उवाग-
च्छिज्जा, ते णं पाडिपाहिया से एवं वइज्जा—आउसंतो ! समणा ! के
तुव्वे ? कत्रो वा एह ? कहिं वा गच्छिहिह ? , जे तत्थ आयरिए वा
उवज्भाए वा से भासिज्ज वा वियागरिज्ज वा, आयरिउवज्भायस्स भासमा-
णास्स वा वियागरेमाणस्स वा नो अंतराभासं करिज्जा, तत्रो संजयामेव
गामाणुगामं दूइज्जिजा २। से भिक्खु वा (२) अहाराइणियं गामाणुगामं
दूइज्जमाणो नो राइणियस्स हत्थेण हत्थं जाव अणासायमाणो तत्रो संजयामेव
अहाराइणियं गामाणुगामं दूइज्जिज्जा ३। से भिक्खु वा (२) अहाराइणियं
गामाणुगामं दूइज्जमाणो अंतरा से पाडिवहिया उवागच्छिज्जा, ते णं पाडि-
पहिया एवं वइज्जा—आउसंतो ! समणा ! के तुव्वे ? , जे तत्थ सव्वराइ-
णिए से भासिज्ज वा वागरिज्ज वा, रायणियस्स भासमाणस्स वा वियागरे-
माणस्स वा नो अंतरा भासं भासिज्जा, तत्रो संजयामेव अहाराइणियाए
गामाणुगामं दूइज्जिज्जा ४॥ ॥सू० १२८॥ से भिक्खु वा (२) गामाणुगामं
दूइज्जमाणो अंतरा से पाडिवहिया उवागच्छिज्जा, ते णं पाडिपहिया एवं

वइज्जा—आउसंतो समणा ! अविद्याइं इत्तो पडिवहे पासह, तंजहा—मणुस्सं
वा गोणां वा महिसं वा पसुं वा पक्खिं वा सरीसिवं वा जलयरं वा
से आइक्खह दंसेह, तं नो आइक्खिज्जा नो दंसिज्जा, नो तस्स
तं परिन्नं परिजाणिज्जा, । तुसिणीए उवेहिज्जा, जाणां वा नो जाणांति
वइज्जा तत्रो संजयामेव गामाणुगामं दूइज्जिज्जा १ । से भिक्खु वा
(२) गामाणुगामं दूइज्जिज्जा अंतरा से पाडिपहिया उवागच्छेज्जा,
ते णां पाडिपहिया एवं वइज्जा—आउसंतो समणा ! अविद्याइं इत्तो पडिवहे
पासह उदग-पसूयाणि कंदाणि वा मूलाणि वा तथा पत्ता पुप्फा फला
वीया हरिया उदगं वा संनिहियं अगणि वा संनिखित्तं से आइक्खह
जाव दूइज्जिज्जा २॥ से भिक्खु वा (२) गामाणुगामं दूइज्जिज्जा अंतरा
से पाडिपहिया उवागच्छेज्जा, ते णां पाडिपहिया एवं वइज्जा—आउसंतो
समणा ! अविद्याइं इत्तो पडिवहे पासह जवसाणि वा जाव से णां वा विरू-
वरुवं संनिविट्ठं से आइक्खह जाव दूइज्जिज्जा ३॥ से भिक्खु वा (२)
गामाणुगामं दूइज्जिज्जा अंतरा पाडिपहिया एवं वइज्जा-आउसंतो समणा ! केवइए
इत्तो गामे वा जाव रायहाणि वा से आइक्खह जाव दूइज्जिज्जा ४॥ से
भिक्खु वा (२), गामाणुगामं दूइज्जिज्जा अंतरा से पाडिपहिया एवं वइज्जा-
आउसंतो समणा ! केवइ ए इत्ता गामस्स नगरस्स वा जाव रायहाणीए वा
मग्गे से आइक्खह, तहेव जाव दूइज्जिज्जा ५॥ ॥सू० १२१॥ से भिक्खु
(२) गामाणुगामं दूइज्जिज्जा अंतरा से गोणां वियालं पडिवहे पेहाए जाव
त्रित्तचिल्लडं वियालं पडिपहे पेहाए नो तेसि भीत्रो उम्मग्गेणां गच्छिज्जा,
नो मग्गात्रो उम्मग्गं संकमिज्जा, नो गहाणां वा वणां वा दुग्गं वा अणुप-
विसिज्जा, नो रुक्खंसि दूरुहिज्जा, नो महइमहालयंसि उदयंसि कायं विउ-
सिज्जा, नो वाडं वा सरणां वा सेणां वा सत्थं वा कंखिज्जा, अप्पुसुए जाव
समाहीए तत्रो संजयामेव गामाणुगामं दूइज्जिज्जा १॥ से भिक्खु वा (२)

गामाणुगामं दूइज्जमाणे अंतरा से विहं सिया, से जं पुण विहं जाणिज्जा इमंसि खलु विहंसि वहवे आमोसगा उवगरणपडियाए संपिंडिया गच्छिज्जा, नो तेसिं भीओ उम्मरगेण गच्छिज्जा जाव समाहीए तओ संजयामेव गामाणुगामं दूइज्जेज्जा २॥ ॥सू० १३०॥ से भिक्खु वा (२) गामाणुगामं दूइज्जमाणे अंतरा से आमोसगा संपिंडिया गच्छिज्जा, ते णं आमोसगा एवं वइज्जा-आउसंतो समणा । आहर एयं वत्थं वा पायं वा कंबलं वा पायपुच्छणं वा, देहि निक्खिवाहि, तं नो दिज्जा निक्खिवाज्जा, नो वंदिय (२) जाइज्जा, नो अंजलिं कट्ठु जाइज्जा, नो कलुणपडियाए जाइज्जा, धम्मियाए जायणाए जाइज्जा, तुसिणीयभावेण वा उवेहिज्जा, ते णं आमोसगा सयं करणिज्जं तिकट्ठु अकोसंति वा जाव उद्विंति वा वत्थं वा (४) अच्चिदिज्ज वा जाव परिट्ठविज्ज वा, तं नो गामसंसारियं कुज्जा, नो रायसंसारियं कुज्जा, नो परं उवसंकमित्तु बूया—आउसंतो गाहावइ । एए खलु आमोसगा उव-गरणपडियाए सयं करणिज्जं तिकट्ठु अकोसंति वा जाव परिट्ठवंति वा, एयप्पगारं मणं वा वायं वा नो पुरओ कट्ठु विहरिज्जा, अप्पुस्सुए जाव समाहीए तओ संजयामेव गामाणुगामं दूइज्जिज्जा । एयं खलु तस्स भिक्खुस्स भिक्खुणीए वा सामग्गियं जं सव्वट्ठेहिं समिए सहिए सया जइज्जासि त्ति वेमि ॥सू० १३१॥

॥ इति तृतीयोद्देशकः ॥ २-१-३-३ ॥

॥ इति तृतीयमध्ययनम् ॥ २-१-३ ॥

॥ ४ः भाषाजात-अध्ययनं ४ :: उद्देशकः १ ॥

से भिक्खु वा (२) इमाइं वयायाराइं सुच्चा निसम्म इमाइं अणायाराइं अणारियपुव्वाइं जाणिज्जा—जे कोहा वा वायं विउजति, जे माणा वा, जे मायाए वा, जे लोभा वा वायं विउंजंति, जाणओ वा फरुसं वयंति, अजा-णओ वा फरुसं वयंति, सव्वं चेयं सावज्जं वज्जिज्जा विवेगमायाए, धुवं चेयं

जाणिज्जा, अधुवं चयं जाणिज्जा, असणं वा (४) लभिय नो लभिय भुंजिय नो भुंजिय, अदुवा आगत्रो अदुवा नो आगत्रो, अदुवा एइ अदुवा नो एइ, अदुवा एहिइ अदुवा नो एहिइ, इत्थवि आगए इत्थवि नो आगए, इत्थवि एइ इत्थवि नो एति, इत्थवि एहिति इत्थवि नो एहिति १॥ अणुवीइ निट्टाभासी समियाए संजए भासं भासिज्जा, तंजहा—एगवयणं १, दुवयणं २, बहुवयणं ३, इत्थिवयणं ४, पुरिसवयणं ५, नपुंसगवयणं ६, अज्भत्थवयणं ७, उवणीयवयणं ८, अवणीयवयणं ९, उवणीय-अवणीयवयणं १०, अवणीयउवणीयवयणं ११, तीयवयणं १२, पडुप्पन्नवयणं १३, अणागयवयणं १४, पक्खवयणं १५, परुक्खवयणं १६, से एगवयणं वइस्सामीति एगवयणं वइज्जा जाव परुक्खवयणं वइस्सामिति परुक्खवयणं वइज्जा, इत्थी वेस पुरिसो वेस नपुसगं वेस एयं वा चयं अन्नं वा चयं अणुवीइ निट्टाभासी समियाए संजए भासं भासिज्जा, इच्चेयाइं आययणाइं उवातिकम्म २॥ अह भिक्खुणां जाणिज्जा चत्तारि भासज्जायाइं तंजहा—सच्चमेगं पढमं भासज्जायं १, बीयं मोसं २, तइयं सच्चामोसं ३, जं नेव सच्चं नेव मोसं नेव सच्चामोसं असच्चामोसं नाम तं चउत्थं भासजायं ४॥ से बेमि ३। जे अइया जे य पडुपन्ना जे अणागया अरहंता भगवंतो सव्वे ते एयाणि चेत्र चत्तारि भासज्जायाइं भासिंसु वा भासंति वा भासिस्संति वा पन्नविंसु वा पराणव्वंति वा पराणविसंति वा ४, सव्वाइं च गां एयाइं अचित्ताणि वराणमंताणि गंधमंताणि रसमंताणि फासमंताणि चत्रोवचइयाइं विप्परिणामधम्माइं भवंतीति अक्खायाइं ५॥ ॥सू० १३२॥ से भिक्खु वा (२) से जं पुण जाणिज्जा पुव्विं भासा अभासा भासिज्जमाणी भासा भासा, भासासमयवीइक्कंता च गां भासिथा भासा अभासा १॥ से भिक्खु वा (२) से जं पुण जाणिज्जा जा य भासा सच्चा १, जा य भासा मोसा २, जा य भासा सच्चामोसा ३, जा य भासा असच्चामोसा ४, तह-

ष्पगारं भासं सावज्जं सकिरियं कक्कसं कडुयं निट्ठुरं फरुसं अराहयकरिं
 छेयणाकरिं भेयणाकरिं परियावणाकरिं उहवणाकरिं भूओवघाइयं अभिकंख
 नो भासिज्जा २॥ से भिक्खु वा भिक्खुणी वा से जं पुण जाणिज्जा, जा
 य भासा सत्ता सुहुमा जा य भासा असत्तामोसा तहप्पगारं भासं असावज्जं
 जाव अभूओवघाइयं अभिकंख भासं भासिज्जा ३॥ ॥सू० १३३॥ से
 भिक्खु वा (२) पुमं आमंतेमाणे आमंतिए वा अपडिसुणोमाणे नो एवं वड्-
 ज्जा-होलित्ति वा गोलित्ति वा वसुलेत्ति कुपवखेत्ति वा घडदासित्ति वा
 साणेत्ति वा तेणित्ति वा चारिएत्ति वा माइत्ति वा मुसावाइत्ति वा, एयाइं तुमं
 ते जणागा वा, एयप्पगारं भासं सावज्जं सकिरियं जाव भूओवघाइयं अभि-
 कंख नो भासिज्जा १॥ से भिक्खु वा (२) पुमं आमंतेमाणे आमंतिए वा
 अप्पडिसुणोमाणे एवं वड्ज्जा-अमुगे इ वा आउसोत्ति वा आउसंतारोत्ति वा
 सावगेत्ति वा उवासगेत्ति वा धम्मिएत्ति धम्मपिएत्ति वा, एयप्पगारं भासं
 असावज्जं जाव अभिकंख भासिज्जा २॥ से भिक्खु वा (२) इत्थिं आमंते-
 माणे आमंतिए य अप्पडिसुणीमाणी नो एवं वड्ज्जा-होली इ वा गोलीति
 वा इत्थीगमेणां नेयध्वं ३॥ से भिक्खु वा (२) इत्थिं आमंतेमाणे आमंतिए
 य अप्पडिसुणोमाणी एवं वड्ज्जा-आउसोत्ति वा भइणित्ति वा भोइत्ति वा
 भगवइति वा साविगेत्ति वा उवासिएत्ति वा धम्मिएत्ति वा धम्मपिएत्ति
 वा, एयप्पगारं भासं असावज्जं जाव अभिकंख भासिज्जा ४॥
 ॥सू० १३४॥ से भिक्खु वा (२) नो एवं वड्ज्जा-नभोदेवित्ति वा गज्जदे-
 वित्ति वा विज्जुदेवित्ति वा पवुट्टुदेवेत्ति वा निवुट्टुदेवेत्ति वा पडउ वा
 वासं मा वा पडउ, निप्फज्जउ वा सस्सं मा वा निप्फज्जउ, विभाउ वा
 रयणी मा वा विभाउ, उदेउ वा सूरिए मा वा उदेउ, सो वा राया जयउ वा
 मा जयउ, नो एयप्पगारं भासं भासिज्जा पन्नवं १॥ से भिक्खु वा (२) अंत-
 लिक्खेत्ति वा गुज्जाणुचरिएत्ति वा संमुच्छिए वा निवइए वा पओ वड्ज्जा

बुट्टयलाहगेत्ति वा २। एयं खलु तस्स भिक्खुस्स भिक्खुणीए वा सामग्गियं
जं सञ्चट्ठेहिं समिए सहिए सया जइज्जासि त्तिवेमि ३ ॥सू० १३५॥

॥ इति प्रथम उद्देशकः ॥ २-१-४-१ ॥

॥ अध्ययनं-४ :: उद्देशकः- २ ॥

से भिक्खु वा (२) जहा वेगइयाइं रूवाइं पासिज्जा तहावि ताइं नो
एवं वइज्जा, तंजहा गंडी गंडीति वा कुट्टी कुट्टीति वा जाव महुमेहुणीति
वा हत्थच्छिन्नं हत्थच्छिन्नेति वा एवं पायच्छिन्नेति वा नक्कछिराणोइ वा कराणा-
च्छिन्नेइ वा उट्टुच्छिन्नेति वा जेयावन्ने तहप्पगारा एयप्पगाराहिं भासाहिं बइया
(२) कुप्पंति माणावा ते यावि तहप्पगाराहिं भासाहिं अभिकंख नो भासिज्जा १॥
से भिक्खु वा (२) जहा वेगइयाइं रूवाइं पासिज्जा तहावि ताइं एवं वइज्जा तंजहा-
ओयंसी ओयंसित्ति वा, तेयंसी तेयंसीति वा, जसंसी जसंसीइ वा, वच्चंसी वच्चं-
सीइ वा, अभिरुयंसी (२), पडिरुवंसी (२) पासाइयं (२), दरिसणिज्जं दरिस-
णीयत्ति वा, जे यावन्ने तहप्पगारा तहप्पगाराहिं भासाइं बुइया २ नो कुप्पंति
माणावा तेयावि तहप्पगारा एयप्पगाराहिं भासाहिं अभिकंख भासिज्जा २॥ से
भिक्खु वा (२) जहा वेगइयाइं रूवाइं पासिज्जा, तंजहा-वप्पाणि वा जाव
गिहाणि वा, तहावि ताइं नो एवं वइज्जा, तंजहा-सुकडे इ वा सुट्टुकडे इ
वा साहुकडे इ वा कल्लारो इ वा करणिज्जे इ वा, एयप्पगारं भासं सावज्जं
जाव नो भासिज्जा ३॥ से भिक्खु वा (२) जहा वेगइयाइं रूवाइं पासिज्जा,
तंजहा-वप्पाणि वा जाव गिहाणि वा तहावि ताइं एवं वइज्जा, तंजहा-आरं-
भकडे इ वा, सावज्जवडे इ वा, पयत्तकडे इ वा, पासाइयं पासाइए वा, दरि-
सणीयं दरिसणीयंति वा, अभिरुवं अभिरुवंति वा, पडिरुवं पडिरुवंति वा
एयप्पगारं भासं असावज्जं जाव भासिज्जा ४॥ ॥सू० १३६॥ से भिक्खु
वा (२) असणं वा (४) उवक्खडियं पेहाए, तहाविहं नो एवं वइज्जा तंजहा-

सुकडेत्ति वा सुट्टुकडे इ वा साहुकडे इ वा कल्लाणे इ वा करणिज्जे इ वा, एय्यप्पगारं भासं सावज्जं जाव नो भासिज्जा १॥ से भिक्खु वा (२), असरां वा (४) उववखड्डियं पेहाए एवं वड्डिजा, तंजहा-आरंभकडेत्ति वा सावज्जकडेत्ति वा, पयत्तकडे इ वा, भइयं भइति वा ऊसढं ऊसढे इ वा, रसियं (२), मणुन्नं (२), एय्यप्पगारं भासं असावज्जं जाव भासिज्जा २॥ ॥सू० १३७॥ से भिक्खु वा भिक्खुणी वा मणुस्सं वा गोणां वा महिसं वा मिगं वा पसुं वा पक्खिं वा सरीसिं वा जलचरं वा से तं परिवूढकायं पेहाए नो एवं वड्डिजा—थूले इ वा पसेइले इ वा चट्टे इ वा वड्डे इ वा पाइमे इ वा, एय्यप्पगारं भासं सावज्जं जाव नो भासिज्जा १॥ से भिक्खु वा भिक्खुणी वा मणुस्सं वा जाव जलयरं वा सेत्तं परिवूढकायं पेहाए एवं वड्डिजा—परिवूढकाएत्ति वा उवचियकाएत्ति वा थिरसंघयणात्ति वा चियमंस-सोणिएत्ति वा बहुपडिपुन्नइंदिइए-त्ति वा, एय्यप्पगारं भासं असावज्जं जाव भासिज्जा १॥ से भिक्खु वा (२) विरुवरूवात्थो गात्थो पेहाए नो एवं वड्डिजा, तंजहा—गात्थो दुब्भात्थोत्ति वा दम्मेत्ति वा गोरहत्ति वा वाहमत्ति वा रहजोग्गात्ति वा, एय्यप्पगारं भासं सावज्जं जाव नो भासिज्जा ३॥ से भिक्खु वा (२) विरुवरूवात्थो गात्थो पेहाए एवं वड्डिजा, तंजहा—जुवंग-वित्ति वा धेणुत्ति वा रसवड्डत्ति वा हस्से इ वा महल्ले इ वा महच्चए इ वा संवहणित्ति वा, एय्यप्पगारं भासं असावज्जं जाव अभिकंखं भासिज्जा १॥ से भिक्खु वा (२) तहेव गंतुमुज्जाणाइं पव्वयाइं वणाणि वा रुक्खा महल्ले पेहाए नो एवं वड्डिजा, तंजहा—पासायजोग्गात्ति वा तोरणजोग्गाइ वा मिहजोग्गाइ वा फलिहजोग्गाइ वा अग्गलजोग्गाइ वा नावाजोग्गाइ वा उद-गजोग्गाइ वा दोणजोग्गाइ वा पीढ-वंगवेर-नंगलकुलिय-जंतलट्टी-नाभि(लि)गं-डीआसणाजोग्गाइ वा संयणाजाणुवस्सयजोग्गाइ वा, एय्यप्पगारं भासं साव-ज्जं जाव नो भासिज्जा १॥ से भिक्खु वा (२) तहेव गंतुमुज्जाणाइं

पञ्चयाणि वणाणि य रूख महल्ला पेहाए एवं वइज्जा, तंजहा—जाइमंता इ वा
दीहवट्टा इ वा महालया इ वा पयायसाला इ वा विडिमसाला इ वा पासा-
इया इ वा जाव पडिरुवाति वा एयप्पगारं भासं असावज्जं जाव अभिकंख
भासिज्जा ६॥ से भिक्खु वा (२) बहुसंभूया वणाफला पेहाए तहावि ते नो
एवं वइज्जा, तंजहा—पक्का इ वा पायखज्जा इ वा, वेलोइया इ वा, थला
इ वा, वेहिया इ वा, एयप्पगारं भासं सावज्जं जाव नो भासिज्जा ७॥ से
भिक्खु वा (२) बहुसंभूया वणाफला अंवा पेहाए एवं वइज्जा, तंजहा—अ-
संथडा इ वा बहुनिवट्टिमफला इ वा बहुसंभूया इ वा भूयुरुचित्ति वा, एय-
प्पगारं भासं असावज्जं जाव भासिज्जा ८॥ से बहुसंभूया ओसही पेहाए
तहावि ताओ न एवं वइज्जा, तंजहा—पक्का इ वा, नीलीया इ वा, छवी-
इया इ वा, लाइमा इ वा, भज्जिमा इ वा बहुखज्जा इ वा, एयप्पगारं भासं
सावज्जं जाव नो भासिज्जा ९॥ से भिक्खु वा (२) बहुसंभूयाओ ओसहीओ
पेहाए तहावि एवं वइज्जा, तंजहा—रूढा इ वा, बहुसंभूया इ वा, थिरा इ
वा, ऊसढा इ वा, गन्धिया इ वा, पसूया इ वा, ससारा इ वा, एयप्पगारं भासं
असावज्जं जाव भासिज्जा १०॥ ॥सू० १३८॥ से भिक्खु वा (२) तह-
प्पगाराइं सद्दाइं सुण्णिज्जा तहावि एयाइं नो एवं वइज्जा, तंजहा—सुसद्देत्ति
वा, दुसद्देत्ति वा, एयप्पगारं भासं सावज्जं नो भासिज्जा ११॥ से भिक्खु वा
(२) तहावि ताइं एवं वइज्जा, तंजहा—सुसद्दं सुसद्दित्ति वा दुसद्दं दुस-
द्दित्ति वा एयप्पगारं असावज्जं जाव भासिज्जा, एवं रूवाइं किराहेत्ति वा ५,
गंधाइं सुरभि—गंधित्ति वा (२) रसाइं तित्ताणि वा (५) फासाइं कक्खडाणि
वा (८) २॥ ॥सू० १३९॥ से भिक्खु वा (२) वंता कोहं च माणं च
मायं च लोभं च अणुवीइ निट्ठाभासी निसग्गभासी अतुरियभासी विवेग-
भासी समियाए संजए भासं भासिज्जा ५॥ एवं खलु तस्स भिक्खुस्स-
भिक्खुणीए वा जाव सया जइज्जासि त्तिवेमि ॥सू० १४०॥

॥५॥ वस्त्रैषणा-अध्ययनं-५ :: उद्देशकः-१ ॥

से भिक्षु वा (२) अभिकंखिज्जा वत्थं एसित्तए, से जं पुण्ण वत्थं जाणिज्जा, तं जहा जंगियं वा भंगियं वा साणियं वा पोत्तगं वा, खोमियं वा तूलकडं वा, तहप्पगारं वत्थं वा जे निग्गंथे तरुणो जुगवं इत्तवं अप्पायंके थिरसंघ-यणे से एगं वत्थं धारिज्जा नो वीयं, जा निग्गंथि सा चत्तारिसंघाडीओ धारिज्जा, एगं दुहत्थवित्थारं दो तिहत्थवित्थाराओ एगं चउहत्थवित्थारं, तहप्पगारेहि वत्थेहि असंधिज्जमारोहि, अह पच्छा एगमेगं संसिविज्जा ॥सू० १४१॥

से भिक्षु वा (२) परं अद्धजोयणमेराए वत्थपडियाए नो अभिसंधारिज्ज गमणाए ॥सू० १४२॥ से भिक्षु वा (२) से जं पुण्ण वत्थं जाणिज्जा, अस्सिंपडियाए एगं साहम्मियं समुद्दिस्स पाणाइं जहा पिडेसणाए भाणियव्वं ॥ एवं बहवे साहम्मिया एगं साहम्मिणिं बहवे साहम्मिणीओ बहवे समणमा-हणा तहेव पुरिसंतरकडा जहा पिडेसणाए ॥सू० १४३॥ से भिक्षु वा (२) से जं पुण्ण वत्थं जाणिज्जा, असंजए भिक्षुपडियाए कीयं वा धोयं वा रत्तं वा घट्टं वा मट्टं वा संपधूमियं वा तहप्पगारं वत्थं अपुरिसंतरकडं जाव नो पडिग्गाहिज्जा, अह पुण्ण एवं जाणिज्जा, पुरिसंतरकडं जाव पडिगा-हिज्जा ॥सू० १४४॥ से भिक्षु वा (२) से जाइं पुण्ण वत्थाइं जाणिज्जा विरुवरूवाइं महद्धणमुल्लाइं, तंजहा-आइणगाणि वा सहिणाणि वा सहिणाकत्ताणाणि वा आयाणि वा कायाणि वा खोमियाणि वा दुगुल्लाणि वा पट्टाणि वा मलयाणि वा पन्नुन्नाणि वा अंसुयाणि वा चीणंसुयाणि वा देसराणाणि वा अमिलाणि वा गज्जफलाणि वा फालियाणि वा कोयवाणि वा कंवलगाणि वा पावराणि वा अन्नयराणि वा तहप्पगाराइं वत्थाइं महद्धण-मुल्लाइं लाभे संते नो पडिगाहिज्जा १। से भिक्षु वा (२) आइराणपाउरणाणि वत्थाणि जाणिज्जा, तंजहा-उदाणि वा पेसाणि वा पेसलाणि वा किराहमिगाइणगाणि वा नीलमिगाइणगाणि वा गोरमि-

गाईणगाणि कणागाणि वा कणागकंताणि वा कणागपट्टाणि वा कणागखड्याणि
 वा कणागफुसियाणि वा वग्धाणि वा विवग्धाणी वा (विगाणि वा) आभर-
 णाणि वा आभरणविचित्राणि वा, अन्नयराणि तहप्पगाराणि आईणपाउरु-
 णाणि वत्थाणि लाभे संते नो पडिग्गाहिज्जा-२ ॥सू० १४५॥ इच्चेइयाइं
 आयतणाइं उवाइकम्म अह भिक्खू जाणिज्जा चउहिं पडिमाहिं वत्थं एसिच्चए,
 तत्थ खलु इमा पट्टमा पडिमा, से भिक्खू वा (२) उहेसिय, वत्थं जाइज्जा,
 तं जहा—जंगियं वा जाव तूलकडं वा, तहप्पगारं वत्थं सयं वा ण जाइज्जा,
 परो वा णं देज्जा, फासुयं एसणीयं लाभे संते पडिग्गाहिज्जा, पट्टमा पडिमा
 १। अहावरा दुच्चा पडिमा से भिक्खू वा (२) पेहाए वत्थं जाइज्जा गाहावइ
 वा जाव कम्मकरी वा से पुब्बामेव आलोइज्जा—आउसोत्ति वा ३
 दाहिसि मे इत्तो अन्नयरं वत्थं ? तहप्पगारं वत्थं सयं वा णं जाइज्जा, परो
 वा देज्जा जाव फासुयं एसणीयं लाभे संते पडिग्गाहिज्जा, दुच्चा पडिमा २।
 अहावरा तच्चा पडिमा—से भिक्खू वा (२) सें जं पुण वत्थं जाणिज्जा, तंजहां
 अंतरिज्जं वा उत्तरिज्जं वा तहप्पगारं वत्थं सयं वा णं जाइज्जा जाव पडिग्गा-
 हिज्जा, तच्चा पडिमा ३। अहावरा चउत्था पडिमा—से भिक्खू वा (२)
 उज्जिमयधम्मियं वत्थं जाइज्जा जं चन्ने वहवे समणमाहणा अतिहि किवणा
 वणीमगा नावकंखंति तहप्पगारं उज्जिमयधम्मियं वत्थं सयं वा णं जाइज्जा, परो
 वा से दिज्जा, फासुयं जाव पडिग्गाहिज्जा, चउत्था पडिमा ४ ॥ इच्चेयाणं
 चउसहं पडिमाणं जहा पिंडेसणाए १॥ सिया णं एताए एसणाए एसमाणं
 परो वइज्जा—आउसंतो समणा ! इज्जाहि तुमं मासेण वा दूसराएण वा
 पंचराएण वा सुते सुतरं वा तो ते वयं अन्नयरं वत्थं दाहामो, एयप्पगारं
 निग्घोसं सुच्चा निसम्म से पुब्बामेव आलोइज्जा—आउसोत्ति वा भइशि च्चि
 पा, नो खलु मे कप्पइ एयप्पगारं संगारं पडिसुणित्तए, अभिकंखसि मे दाउं इया-
 णिमेव दलयाहि, से सेवं वयंतं परो वइज्जा—आउसंतो समणा ! आणुग-

च्छाहि तोत्ते वयं अन्नयरं वत्थं दाहामो, से पुव्वामेव आलोइज्जा—आउ-
सोत्ति वा भइणित्ति वा मा खलु मे कप्पइ संग्गुरवयणे पडिसुणित्तए
अभिकंखसि मे दाउं इयाणामेव दलयाहि, से सेवं वयंतं परो नेया वइज्जा
आउसोत्ति वा भइणित्ति वा आहारेयं वत्थं समणस्स दाहामो, अविद्याइं वयं
पच्छावि अण्णो सयट्ठाए पाणाइं (४) समारंभत्समुद्दिस्स जाक्क वेइस्सामो,
एयप्पगारं निग्घोसं सुच्चा निसम्म तहप्पगारं वत्थं अफासुयं जाव नो
पडिगाहिज्जा ३॥ सिया गां परो नेता वइज्जा—आउसोत्ति वा (३)
आहर एयं वत्थं सिणाणेण वा (४) जाव आघंसित्ता वा पघंसित्ता वा सम-
णस्स गां दाहामो, एयप्पगारं निग्घोसं सुच्चा निसम्म से पुव्वामेव आलोइज्जा
आउसोत्ति वा भयणित्ति वा मा एयं तुमं वत्थं सिणाणेण वा जाव पघंसाहि
वा, अभिकंखसि मे दातुं, एमेव दलयाहि, से सेवं वयंतस्स परो सिणाणेण
वा पघंसित्ता दलइज्जा तहप्पगारं वत्थं अफासुयं नो पडिगाहिज्जा ३।
से गां परो नेता वइज्जा—आउसोत्ति वा भइणित्ति वा आहर
एयं वत्थं सीओदगवियडेण वा उसिणोदगवियडेण वा उच्छोलेत्ता वा
पहोलेत्ता वा समणस्स गां दाहामो, एयप्पगारं निग्घोसं तहेव नवरं मा एयं
तुमं वत्थं सीओदगवियडेण वा उसिणोदगवियडेण वा उच्छोलेहि वा पहो-
लेहि वा, अभिकंखसि, सेसं तहेव जाव नो पडिगाहिज्जा ४॥ से गां परो
नेता वत्थं निसिरिज्जा, से पुव्वामेव आलोइज्जा—आउसोत्ति वा भइणि-
त्ति वा आहारेयं वत्थं कंदाणि वा जाव हरियाणि वा विसोहित्ता
समणस्स गां दाहामो, एयप्पगारं वत्थं निग्घोसं तहेव, नवरं मा एयाणि तुमं
कंदाणि वा जाव विसोहेहि, नो खलु मे कप्पइ एयप्पगारे वत्थे पडिगाहि-
त्तए, से सेवं वयंतस्स परो जाव विसोहित्ता दलइज्जा, तहप्पगारं वत्थं
अफासुयं जाव नो पडिगाहिज्जा ५॥ सिया से परो नेता वत्थं निसिरिज्जा,
से पुव्वामेव आलोइज्जा—आउसोत्ति वा भइणि त्ति वा तुमं चैव स

संतियं वत्थं अंतोअंतेणं पडिलेहिज्जिस्सामि, केवली बूया आयाणमेयं-
वत्थंतेण वद्धे सिया कुंडले वा गुणे वा हिरण्णो वा सुवराणो वा मणी वा
जाव रयणावली वा पाणे वा बीए वा हरिए वा, अह भिक्खू णं पुब्बोवइद्धा
जाव जं पुब्बामेव वत्थं अंतोअंतेण पडिलेहिज्जा ६ ॥ ॥सू० १४६॥
से भिक्खू वा (२) से जं पुण वत्थं जाणिज्जा, सअंडं जाव ससंताणं तहप्प-
गारं वत्थं अफासुयं जाव नो पडिगाहिज्जा १। से भिक्खू वा (२) से जं
पुण वत्थं जाणिज्जा, अप्पंडं जाव संताणं अनलं अथिरं अधुवं अधारणिज्जं
रोइज्जं तं न रुच्चइ तह अफासुयं जाव नो पडिगाहिज्जा २ ॥ से भिक्खू वा
(१) से जं पुण वत्थं जाणिज्जा, अप्पंडं जाव संताणं अलं थिरं धुवं धारणिज्जं
रोइज्जंतं रुच्चइ, तहप्पगारं वत्थं फासुयं जाव पडिगाहिज्जा ३। से भिक्खू वा
(२) नो नवए मे वत्थेत्ति कट्टु नो बहुदेसिएण सिणाणेण वा जाव पधं-
सिजा ४॥ से भिक्खू वा (२) नो नवए मे वत्थेत्ति कट्टु नो बहुदेसिएण
सिणाणेण वा तहेव सीओदगवियडेण वा (२) जाव पहोइज्जा ५॥ से
भिक्खू वा (२) दुब्भिगंधे मे वत्थेत्ति कट्टु नो बहुदेसिएण सिणाणेण
वा तहेव, बहुसीओदगवियडेण वा उस्सिणोदगवियडेण वा जाव पहो-
इज्जा ६॥ आलावओ ॥सू० १४७॥ से भिक्खू वा (२) अभिकंखिज्ज
वत्थं आयावित्तए वा पयावित्तए वा, तहप्पगारं वत्थं नो अणंतरहियाए
पुट्ठीए जाव संताणए आयाविज्ज वा पयाविज्ज वा (२) से भिक्खू वा
(२) अभिकंखेज्जा वत्थं आयावित्तए वा पयावित्तए वा, तहप्पगारं वत्थं
थूणंसि वा गिहेलुगंसि वा उसुयालंसि वा कामजलंसि वा अन्नयरे तहप्प-
गारे अंतलिक्खजाए दुक्कद्धे दुन्निक्खित्ते अणिकंपे चलाचले नो आयावि-
ज्ज वा नो पयाविज्ज वा २ से भिक्खू वा (२) अभिकंखेज्जा आयावि-
त्तए वा (२) तहप्पगारं वत्थं कुकियंसि वा भित्तंसि वा सिलंसि वा लेलुंसि
वा अन्नयरे वा तहप्पगारे अंतलिक्खजाए जाव नो आयाविज्ज वा

पयाविज्ज वा ३॥ से भिक्खु वा (२) वत्थं अभिकंखेज्जा आयावित्तए वा
 पयावित्तए वा तहप्पगारं वत्थं खंधंसि वा मंचंसि वा गालंसि वा पासायंसि
 वा हम्मियतलंसि वा अन्नयरे वा तहप्पगारे अंतलिक्खज्जाए जाव नो आया-
 विज्ज वा पयाविज्ज वा ४। से तमायाए एगंतमवक्कमिज्जा (२), अहे भामथं-
 डिल्लंसि वा जाव अन्नयरंसि वा तहप्पगारंसि थंडिल्लंसि पडिलेहिय (२)
 पमज्जिय (२) तत्रो संजयामेव वत्थं आयाविज्ज वा पयाविज्ज वा (५) एयं
 खलु तस्स जाव सया जइज्जासि त्ति वेमि ६॥ सू० १४८ ॥

॥ इति प्रथमोद्देशकः ॥२-१-५-१ ॥

॥ अध्ययनं - ५ :: उद्देशकः - २ ॥

से भिक्खु वा (२) अहेसणिज्जाइं वत्थाइं जाइज्जा अहापरिग्गहियाइं
 वत्थाइं धारिज्जा नो धोइज्जा नो रएज्जा नो धोयरत्ताइं वत्थाइं धारिज्जा
 अपलिउंचणाणो गामंतरेसु ओमचेलिए, एयं खलु वत्थधारिस्स सामग्गिअं १ ॥
 से भिक्खु वा गाहावइकुलं पविसिउकामे सव्वं चीवरमायाए गाहावइकुलं
 निक्खमिज्ज वा, पविसिज्ज वा, एवं बहिय विहारभूभिं वा वियारभूभिं
 वा गामाणुगामं वा दूइज्जिज्जा, २। अह पुण्ण एवं जाणिज्जा, तिब्बदेसियं
 वा वासं वासमाणं पेहाए जहापिडेसणाए नवरं सव्वं चीवरमायाए ३।
 ॥सू० १४९॥ से एगइओ मुहुत्तगं (२) पाडिहारियं वत्थं जाइज्जा जाव
 एगाहेण वा दुयाहेण वा तियाहेण वा चउयाहेण वा पंचाहेण वा विप्पवसिय
 (२) उवागच्छिज्जा नो तह वत्थं अप्पणो गिणिहज्जा नो अन्नमन्नस्स
 दिज्जा, नो पामिच्चं कुज्जा, नो वत्थेण वत्थपरिणामं करिज्जा, नो परं
 उवसंकमित्ता एवं वइज्जा-आउसंतो समणा ! अभिकंखसि वत्थं धारित्तए
 वा परिहरित्तए वा १ थिरं वा संतं नो पलिच्छिदिय (२) परट्टविज्जा, तह-
 प्पगारं वत्थं ससंधियं वत्थं तस्स चेव निसिरिज्जा नो णं साइज्जिज्जा १॥
 से एगइयो एयप्पगारं निग्घोसं सुच्चा निसम्म जे भयंतारो तहप्पगाराणि

वत्याणि संसंधियाणि मुहुत्तगं (२) जाव एगाहेण वा (५) विष्वसिय (२)
 उवागच्छति, तहपंगाराणि वत्याणि नो अन्नमन्नस्स
 दलयंति तं चैव जीव नो साइज्जंति, बहुवयसोणा भाणियव्वं, सेहंता अह-
 मवि मुहुत्तगं पाडिहारियं वत्थं जाइत्ता, जाव एगाहेण वा (५) विष्वसिय
 (२) उवागच्छिस्सामि, अविद्याइं एयं मनेव सिया, माइट्ठाणं संपासे नो एवं
 करिज्जा २ ॥ सू० १५० ॥ से भिक्खु वा (३) नो वराणमंताइं वत्थाइं
 विवराणाइं करिज्जा, विवराणाइं न वराणमंताइं करिज्जा, अन्नं वा वत्थं
 लभिस्सामि त्ति कट्टु नो अन्नमन्नस्स दिज्जा, नो पामिच्चं कुज्जा, नो वत्थेण
 वत्थपरिणामं कुज्जा, नो परं उवसंक्रमित्तु एवं वदेज्जा—आउसंतो समण !
 संमभिकंखसि मे वत्थं धारित्तए वा परिहरित्तए वा । थिरं वा संतं नो पलि-
 छिदिय (२) परिट्टविज्जा, जहा मेयं वत्थं पावगं परो मन्नइ, परं च णं
 अदत्तहारी पडिपहे पेहाए तस्स वत्थस्स नियाणाय नो तेसिं भीत्रो उम्म-
 ग्गेणं गच्छेज्जा, जाव अपुस्सुए, तत्रो संजयामेव गामाणुगामं दूइज्जिज्जा
 १ ॥ से भिक्खु वा (२) गामाणुगामं दूइज्जमारी अंतरा से विहं सिया, से
 जं पुणं विहं जाणिज्जा इमं सि खलु विहंसि बहवे आमोसगा वत्थपडियाए
 संपिडिया गच्छेज्जा, णो तेसिं भीत्रो उम्मग्गेणं गच्छेज्जा जाव गामा-
 णुगामं दूइज्जेज्जा ३ ॥ से भिक्खु वा (२) दूइज्जमारी अंतरा से आमोसगा
 पडियागच्छेज्जा, ते णं आमोसगा एवं वदेज्जा—आउसंतो समण !
 आहरेयं वत्थं देहि णि केखवाहि जहा रियाए णाणत्तं वत्थपडियाए ३ ॥ एयं
 खलु जाव सया जइज्जास्सि त्ति वेमि ४ ॥ सू० १५१ ॥

॥ इति द्वितीयोद्देशकः ॥ २-१-५-२ ॥

॥ इति पंचममध्ययनम् ॥ २-१-५ ॥

॥ ६ : पात्रैषणा-अध्ययनं ६ :: उद्देशकः १ ॥

से भिक्षु वा (२) अभिकंखिज्जा पायं एसित्तए, से जं पुण पादं जाणिज्जा, तंजहा—अलाउयपायं वा दारुपायं वा मट्टियापायं वा तहप्पगारं पायं जे निग्गंथे तरुणे जाव थिरसंघयणे से एगं पायं धारिज्जा नो बिईयं१॥ से भिक्षु वा (२) परं अद्धजोयणमेराए पायपडियाए नो अभिसंधारिज्जा गमणाए २॥ से भिक्षु वा (२) से जं पुण पायं धरिज्जा अस्सिंपडियाए एगं साहम्मियं समुद्दिस्स पाणाइं (४) जहा पिंडेसणाए चत्तारि आलावगा, पंचमे बहवे समणमाहणा पगणिय (२) तहेव ३॥ से भिक्षु वा (२) अस्संजए भिक्षुपडियाए बहवे समणमाहणा वत्थेसणाऽऽलावत्रो ४॥ से भिक्षु वा (२) से जाइं पुण पायाइं जाणिज्जा विरुवरूवाइं महद्दयणमुल्लाइं, तंजहा—अयपायाणि वा तउपायाणि वा तंवपायाणि वा सीसगपायाणि वा हिरसणपायाणि वा सुवराणपायाणि वा रीरिअपायाणि वा हारपुडपायाणि वा मणिक्कयकंसपायाणि वा संखसिंगपायाणि वा दंतपायाणि वा चेलपायाणि वा सेलपायाणि वा चम्मपायाणि वा अन्नयराइं वा तहप्पगाराइं विरुवरूवाइं महद्दयणमुल्लाइं पायाइं अफासुयाइं जाव नो पडिगाहिज्जा ५ ॥१५॥ से भिक्षु वा (२) से जाइं पुण पायाइं विरुवरूवाइं महद्दयणबंधणाइं तंजहा—अयबंधणाणि वा जाव चम्मबंधणाणि वा, अन्नयराइं तहप्पगाराइं महद्दयणबंधणाइं अफासुयाइं जाव नो पडिगाहिज्जा १। इन्वेयाइं आयत्तणाइं उवाइकम्म अह भिक्षु जाणिज्जा चउहिं पडिमाहिं पायं एसित्तए, तत्थ खलु इमा पढमा पडिमा—से भिक्षु वा (२) उद्दिसिय (२) पायं जाएज्जा, तंजहा—अलाउयपायं वा ३ तहप्पगारं पायं सयं वा णं जाइज्जा जाव पडिगाहिज्जा । पढमा पडिमा १। अहावरा दोच्चा पडिमा, से भिक्षु वा पेहाए पायं जाइज्जा, तंजहा—गाहावइं वा कम्मकर्रीं वा से पुव्वामेव आलोइज्जा आउसोत्ति वा भइणीत्ति वा ? दाहिसि मे इत्तो अन्नयरं पादं तंजहा—लाउयपायं वा ३, तहप्पगारं पायं सयं वा जाव पडि-

गाहिज्जा, दुच्चा पडिमा २ ॥ अहावरा तच्चा पडिमा, से भिक्खू वा (२) से जं पुण पायं जाणिज्जा संगइयं वा वेजइयंतियं वा तहप्पगारं पायं सयं वा जाव पडिगाहिज्जा, तच्चा पडिमा ३ । अहावरा चउत्था पडिमा—से भिक्खू वा (२) उज्झियधम्मियं जाएज्जा जावऽन्ने बहवे समणा जाव नाव-कंखंति तहप्पगारं जाएज्जा जाव पडिगाहिज्जा, चउत्था पडिमा ४ । इच्चे-इयाणां चउराहं पडिमाणां अन्नयरं पडिमं जहा पिडेसणाए २॥ से णं एयाए एसणाए एसमाणां पासित्ता परो वइज्जा, आउसंतो समणा ! एज्जासि तुमं मासेण वा जहा वत्थेसणाए, से णं परो नेता वदेज्जा,—आउसोत्ति वा भइणीत्ति वा ? आहारेयं पायं तिल्लेण वा घएण वा नवनीएण वा वसाए वा अच्चंगित्ता वा तहेव सिणाणादि तहेव सीओदगाइं कंदाइं तहेव ३॥ से णं परो नेता वदेज्जा—आउसंतो समणा ! मुहुत्तगं (२) जाव अच्चाहि ताव अम्हे असणां वा उवकरेंसु वा उवक्खडेंसु वा, तो ते वयं आउसो ? मपाणां सभोयणां पडिग्गहं दाहामो, तुच्छए पडिग्गहे दिन्ने समणास्स नो सुट्ठु साहु भवइ, से पुव्वामेव आलोइज्जा—आउसोत्ति वा भइणीत्ति वा ? नो खलु मे कप्पइ आहाकम्मिए असणो वा (४) भुत्तए वा; मा उवकरेहि मा उवक्खडेहि, अभिकंखसि मे दाउं एमेव दलयाहि, से सेवं वयंतस्स परो असणां वा (४) उवकरित्ता उवक्खडित्ता सपाणां सभोयणां पडिग्गहगं दलइज्जा, तहप्पगारं पडिग्गहगं अफासुयं जाव नो पडिगाहिज्जा ४॥ सिया से परो उवणित्ता पडिग्गहगं निसिरिज्जा, से पुव्वामेव आलोइज्जा आउसोत्ति वा भइणीत्ति वा ? तुमं चेव णं संतियं पडिग्गहगं अंतोअंतेणां पडिलेहिस्सामि २। केवली ब्रूया आयाणामेयं, अंतो पडिग्गहगंसि पाणाणि वा बीयाणि वा हरियाणि वा अह भिक्खूणां पुव्वोवइट्ठा एस पतिराणा जं पुव्वामेव पडिग्गहगं अंतोअंतेणां पडिलेहिज्जा, सअंडाइं सव्वे आलावगा भाणियव्वा जहा वत्थेसणाए, नाणात्तं तिल्लेण वा घएण वा नवनीएण वा

वसाए वा सिणाणादि जाव अन्नयरंसि वा तहप्पगारंसि थंडिलंसि
पडिलेहिय (२) पमज्जिय (२) तत्रो संजयामेव आमज्जिज्जा ६। एवं
खलु जाव सया जएज्जा त्तिवेमि ७ ॥सू० १५२॥

॥ इति प्रथमोद्देशकः ॥२-१-६-१॥

॥ अध्ययनं-६ :: उद्देशकः-२ ॥

से भिक्खु वा (२) गाहावइकुलं पिंडवायपडियाए पविट्ठे समाणे
पुव्वामेव पेहाए पडिग्गहं अवहट्ठु पाणे पमज्जिय रयं तत्रो संजयामेव,
गाहावइकुलं पिंडवायपडियाए निक्खमिज्ज वा पविसिज्ज वा केवली बूया,
आयाणामेयं ? अंतो पडिग्गहंसि पाणे वा बीए वा हरिए वा परियाव-
ज्जिज्जा, अह भिक्खूणां पुव्वोवइट्ठा एस पतिराणा, जं पुव्वामेव पेहाए पडि-
ग्गहं अवहट्ठु पाणे पमज्जिय रयं, तत्रो संजयामेव, गाहावइकुलं पिंडवायप-
डियाए निक्खमिज्ज वा २ ॥सू० १५३॥ से भिक्खु वा (२) जाव समाणे
सिया से परो आहट्ठु अंतो पडिग्गहंसि सीओदगं परिभाइत्ता नीहट्ठु
दलइज्जा, तहप्पगारं पडिग्गहं परहत्थंसि वा परपायंसि वा अफासुयं जाव
नो पडिगाहिज्जा, से य आहच्च पडिग्गहिए सिया खिप्पामेव उदगंसि
साहरिज्जा, से पडिग्गहमायाए पाणं परिट्ठुज्जिज्जा, ससिणिच्छाए वा भूमिए
नियमिज्जा १॥ से भिक्खु वा (२) उदउल्लं वा ससिणिच्छं वा पडिग्गहं नो
आमज्जिज्ज वा जाव पयाविज्ज वा, अह पुणा एवं जाणिज्जा, विगओदए मे
पडिग्गहए छिन्नंसिणेहे तहप्पगारं पडिग्गहं तत्रो संजयामेव आमज्जिज्ज वा
जाव पयाविज्ज वा २॥ से भिक्खु वा (२) गाहावाहकुलं, पविसिउकामे पडिग्गह-
मायाए गाहावइकुलं पिंडवायपडियाए पविसिज्ज वा निक्खमिज्ज वा, एवं बहिया
वियारभूमिं विहारभूमिं वा गामाणुगामं दूइज्जिज्जा, तिब्बदेसीयाए जहा
बिइयाए वत्थेसणाए नवरं इत्थ पडिग्गहे ३। एयं खलु तस्स भिक्खुस्स भिक्खु-

शीए वा सामगियं जं सव्वट्ठेहिं सहिए सया जएजासि त्तिवेमि ४ ॥

॥सू० १५४॥

॥ इति द्वितीयोद्देशकः ॥ २-१-६-२॥ इति षष्ठमध्ययनम् ॥ २--१--६ ॥

॥ ७: अवग्रहप्रतिमा-अध्ययनं ७ :: उद्देशकः १ ॥

समणे भविस्सामि अणुगारे अकिंचणो अपुणे अपसू परदत्तभोइ पावं कम्मं नो करिस्सामित्ति समुट्ठाए सव्वं भंते ? अदिन्नादाणां पच्चक्खामि, से अणुपविसित्ता गामं वा जाव रायहाणि वा नेव सयं अदिन्नं गिरिहज्जा नेवऽन्नेहिं अदिन्नं गिराहाविज्जा अदिन्नं गिरहंतेवि अन्ने न समणुजाणिज्जा, जेहिंवि सद्धिं संपव्वइए तेसिंपि जाइं छत्तगं वा जाव चम्मछेयणागं वा तेसि पुव्वामेव उग्गहं अणुणुन्नविय अपडिलेहिय (२) अपमज्जिय (२) नो उग्गिरिहज्जा वा परिगिरिहज्ज वा, तेसिं पुव्वामेव उग्गहं जाइज्जा अणुन्नविय पडिलेहिय पमज्जिय तत्रो संजयामेव उग्गिरिहज्ज वा परिगिरिहज्ज वा ॥सू० १५५॥ से आगंतारेसु वा (४) अणुवीइउग्गहं जाइज्जा, जे तत्थ इसरे जे तत्थ समहिट्ठए ते उग्गहं अणुन्नविज्जा-कामं खलु आउसो ? अहालंदं अहापरिन्नायं वसामो जाव आउसो ? जाव आउसंतस्स उग्गहे जाव साहम्मियाए ताव उग्गहं उग्गिरिहस्सामो, तेण परं विहरिस्सामो १॥ से किं पुण तत्थोग्गहंसि एवोग्गहियंसि जे तत्थ साहम्मिया संभोइया समणुन्ना उवागच्छिज्जा जे तेण सयमेसित्तए असणे वा (४) तेण ते साहम्मिया (२) उवनिमंतिज्जा, नो चेव गां परवडियाए ओगिज्झिय (२) उवनिमंतिज्जा २ ॥सू० १५६॥ से आगंतारेसु वा (४) जाव से किं पुण तत्थोग्गहंसि एवोग्गहियंसि जे तत्थ साहम्मिया अन्नसंभोइया समणुन्ना उवागच्छिज्जा जे तेण सयमेसित्तए पीढे वा फलए वा सिज्जा वा संथारए वा तेण ते साहम्मिए अन्नसंभोइए समणुन्ने उवनिमंतिज्जा नो चेव गां परवडियाए ओगिज्झिय उवनिमंतिज्जा १॥ से आगंतारेसु वा (४) जाव से किं पुण

तत्युग्गहंसि एवोग्गहियंसि जे तत्थ गाहावइणा वा गाहावइपुत्ताणा वा सूई
वा पिप्पलए वा कग्गासोहणाए वा नहच्छेयणाए वा तं अप्पणो एगस्स
अट्ठाए पाडिहारियं जाइज्जा नो अन्नमन्नस्स दिज्ज वा अणुपइज्ज वा,
सयंकरणिज्जंतिकट्टु २। से तमायाए तत्थ गच्छिज्जा (२) पुब्बामेव उता-
णाए हत्थे कट्टु भूमीए वा ठवित्ता इमं खलु इमं खलु त्ति आलोइज्जा, नो
चेव गां सयं पाणिणा परपाणिंसि पच्चप्पिणिज्जा ३ ॥सू० १५७॥ से भिक्खु
वा (२) से जं पुणा उग्गहं जाणिज्जा अणांतरहियाए पुढवीए जाव संताणाए तह-
प्पगारं उग्गहं नो उगिणिहज्ज वा पगिणिहज्ज वा १॥ से भिक्खु वा (२)
से जं पुणा उग्गहं जाणिज्जा, थूणांसि वा (४) तहप्पगारे अंतलिक्खजाए
दुब्बदधे जाव नो उगिणिहज्ज वा (२) २॥ से भिक्खु वा (२) से जं पुणा उग्गहं
जाणिज्जा, कुलियंसि वा (४) जाव नो उगिणिहज्ज वा (२) ३॥ से भिक्खु
वा (२) से जं पुणा उग्गहं जाणिज्जा खंधंसि वा अन्नयरे वा तहप्पगारे जाव
नो उग्गहं उगिणिहज्ज वा (२) ४॥ से भिक्खु वा (२) से जं पुणा उग्गहं
जाणिज्जा ससागारियं सागणियं सउदयं सइत्थिं सक्खुड्डुपसुभत्तपाणां नो
पन्नस्स निक्खमणापवेसे जाव धम्माणुओगचिंताए, सेवं नच्चा तहप्पगारे
उवस्सए ससागारिए जाव सक्खुड्डुपसुभत्तपाणे नो उवग्गहं उगिणिहज्ज
वा (२) ५॥ से भिक्खु वा (२) से जं पुणा उग्गहं जाणिज्जा गाहावइ-
कुलस्स मज्झमज्जेणां गंतुं पंथे पडिबद्धं वा नो पन्नस्स जाव सेवं नच्चा
तहप्पगारे उवस्सए नो उग्गहं उगिणिहज्ज वा (२) ६॥ से भिक्खु वा
(२) से जं पुणा उग्गहं जाणिज्जा, इह खलु गाहावइ वा जाव कम्मकरीओ
वा अन्नमन्नं अक्कोसंति वा तहेव तिल्लादि सिणाणादि सीओदगविय-
डादि निगिणाइ वा जहा सिज्जाए आलावगा, नवरं उग्गहवत्तव्वया ७॥
से भिक्खु वा (२) से जं पुणा उग्गहं जाणिज्जा, आइन्नसंलिक्खे नो
पन्नस्स जाव चिंताए तहप्पगारे उवस्सए नो उग्गहं उगिणिहज्ज वा (२)

८॥ एयं खलु जाव सया जएज्जासि त्ति वेमि ६॥ ॥सू० १५८॥

॥ इति प्रथमांदेशकः ॥२-१-७-१॥

॥ अध्ययनं-७ :: उद्देशकः-२ ॥

से आगंतारेसु वा (४) अणुवीइ उग्गहं जाइज्जा, जे तत्थ इसरे समाहिट्टाए ते उग्गहं अणुन्नविज्जा कामं खलु आउसो ! अहालंदं अहापरिन्नायं वसामो जाव आउसो ! जाव आउसंतस्स उग्गहे जाव साहम्मिआए ताव उग्गहं उग्गिगिहस्सामो तेण परं विहरिस्सामो ॥ से किं पुण तत्थ उग्गहंसि एवोग्गहियंसि ? जे तत्थ समणाण वा माहणाण वा दंडए वा छत्तए वा जाव चम्मछेदणए वा तं नो अंतोहितो वाहिं नीणिज्जा वहियाओ वा नो अंतो पविसिज्जा, सुत्तं वा नो पडिबोहिज्जा, नो तेसि किंचिवि अप्पत्तियं पडिणीयं करिज्जा ॥ सू० १५९ ॥

से भिक्खु वा (२) अभिकंखिज्जा अंबवणां उवागच्छित्तए जे तत्थ इसरे जे तत्थ समाहिट्टाए, ते उग्गहं अणुजाणाविज्जा—कामं खलु जाव विहरिस्सामो, से किं पुण तत्थोग्गहंसि एवोग्गहियंसि अह भिक्खु इच्छिज्जा अंबं भुत्तए वा से जं पुण अंबं जाणिज्जा सअंडं ससंताणां तहप्पगारं अंबं अफासुयं जाव नो पडिगाहिज्जा १॥ से भिक्खु वा (२) से जं पुण अंबं जाणिज्जा अप्पंडं अप्पसंताणां अतिरिच्छञ्चिन्नं अव्योच्छिन्नं अफासुयं जाव नो पडिगाहिज्जा २॥ से भिक्खु वा (२) से जं पुण अंबं जाणिज्जा, अप्पंडं वा जाव संताणां तिरिच्छञ्चिन्नं उच्छिन्नं फासुयं पडिगाहिज्जा ३ ॥

से भिक्खु वा (२) अभिकंखिज्जा, अंबभित्तगं वा अंबपेसियं वा अंबचोयगं वा अंबसालगं वा अंबडालगं वा भुत्तए वा पायए वा, से जं पुण जाणिज्जा अंबभित्तगं वा (५) सअंडं ससंताणां अफासुयं जाव नो पडिगाहिज्जा ४॥ से भिक्खु वा (२) से जं पुण जाणिज्जा अंबं वा अंबभित्तगं वा अप्पंडं जाव

संताणगं अतिरिच्छच्छिन्नं वा अदोच्छिन्नं वा अफासुयं जाव नो पडिगाहिज्ज
 ५॥ से भिक्खु वा (२) से जं पुण जाणिज्जा अंबडालगं वा अप्पंडं वा (५)
 तिरिच्छच्छिन्नं बुच्छिन्नं फासुयं जाव पडिगाहिज्जा ६॥ से भिक्खु वा (२)
 अभिकंखिज्जा उच्छुवणां उवागच्छित्तए, जे तत्थ इसरे जाव उग्गहंसि ७॥
 अह भिक्खु इच्छिज्जा उच्छुं भुत्तए वा पायए वा, से जं उच्छुं जाणिज्जा
 सअंडं जाव नो पडिगाहिज्जा अतिरिच्छच्छिन्नं तहेव, तिरिच्छच्छिन्नेऽपि
 तहेव ८॥ से भिक्खु वा (२) से जं पुण अभिकंखिज्जा अंतरुच्छुयं वा उच्छुगंडियं
 वा उच्छुचोयगं वा उच्छुसालगं वा उच्छुडालगं वा भुत्तए वा पायए वा ९॥
 से जं पुण जाणिज्जा अंतरुच्छुयं वा जाव डालगं वा सअंडं जाव नो पडि-
 गाहिज्जा १०॥ से भिक्खु वा से जं पुण जाणिज्जा अंतरुच्छुयं वा जाव डालगं वा
 अप्पंडं वा जाव नो पडिगाहिज्जा, अतिरिच्छच्छिन्नं ॥ तहेव तिरिच्छच्छिन्नं पडि-
 गाहिज्जा ११॥ से भिक्खु वा (२) अभिकंखिज्जा, ल्हसणावणां उवागच्छित्तए तहेव
 तिन्निवि आलावगा, नवरं ल्हसुणां १२॥ से भिक्खु वा (२) अभिकंखिज्जा
 ल्हसुणां वा ल्हसुणाकंदं वा ल्हसुणांचोयगं वा ल्हसुणानालगं वा भुत्तए वा (२)
 से जं पुण जाणिज्जा लसुणां वा जाव लसुणावीयं वा सअंडं जाव नो पडिगाहिज्जा
 १३॥ एवं अतिरिच्छच्छिन्नेऽपि तिरिच्छच्छिन्ने जाव पडिगाहिज्जा ॥सू० १६०॥
 से भिक्खु वा (२) आगंतरेसु वा (४) जावोग्गहियंसि जे तत्थ गाहावइणा
 वा गाहावइपुत्ताणा वा इच्चेयाइं आयत्तणाइं उवाइक्कम्म, अह भिक्खु
 जाणिज्जा, इमाहिं सत्तहिं पडिमाहिं उग्गहं उग्गिगिहत्तए, तत्थ खलु इमा
 पढमा पडिमा-से आगंतरेसु वा (४) अणुवीइ उग्गहं जाइज्जा जाव
 विहरिस्सामो पढमा पडिमा १ । अहावरा दुच्चा पडिमा जस्स णां भिक्खुस्स
 एवं भवइ-अहं च खलु अन्नेसिं भिक्खुणां अट्ठाए उग्गहं उग्गिगिहस्सामि,
 अणोसिं भिक्खुणां उग्गहे उग्गहिए उवल्लिसामि, दुच्चा पडिमा २ ।
 अहावरा तच्चा पडिमा-जस्स णां भिक्खुस्स एवं भवइ-अहं च खलु अन्नेसिं

भिक्षुणा अट्टाए उग्गहं उग्गिगिहस्सामि, अन्नेसिं च उग्गहे उग्गहिए नो उवल्लिस्सामि, तच्चा पडिमा ३ । अहावरा चउत्था पडिमा-जस्स गां भिक्षुस्स एवं भवइ-अहं च खलु अन्नेसि भिक्षुणां अट्टाए नो उग्गहं उग्गिगिहस्सामि, अन्नेसिं च उग्गहे उग्गहिए उवल्लिस्सामि, चउत्था पडिमा ४ । अहावरा पंचमा पडिमा-जस्स गां भिक्षुस्स एवं भवइ-अहं च खलु अप्पणो अट्टाए उग्गहं च उग्गिगिहस्सामि नो दुराहं नो तिराहं नो चउराहं, नो पंचराहं, पंचमा पडिमा ५ । अहावरा छट्ठा पडिमा-से भिक्षु वा (२) जस्स एव उग्गहे उवल्लिइज्जा, जे तत्थ अहासमन्नागए तं जहा-इक्कडे वा जाव पलाले वा तस्स लाभे संवसिज्जा, तस्स अलाभे उक्कुडुओ वा नेसज्जिओ वा विहरिज्जा, छट्ठा पडिमा ६ । अहावरा सत्तमा पडिमा-जे भिक्षु वा (२) अहासंथडमेव उग्गहं जाइज्जा, तंजहा--पुढविसिलं वा कट्टुसिलं वा अहासंथडमेव तस्स लाभे संते संवसिज्जा, तस्स अलाभे उक्कुडुओ वा नेसज्जिओ वा विहरिज्जा, सत्तमा पडिमा ७ । इच्चेयांसिं सत्तराहं पडिमाणं अन्नयरं जहा पिंडेसणाए ॥सू० १६१॥ सुयं मे आउसंतेणां भगवया एवमक्खायं—इह खलु थेरेहिं भगवंतेहिं पंचविहे उग्गहे पन्नत्ते, तंजहा—देविंदउग्गहे १, रायउग्गहे २, गाहावइउग्गहे ३, सागारियउग्गहे ४, साहम्मियउग्गहे ५, एवं खलु तस्स भिक्षुस्स भिक्षुणाए वा सामरिगयं जं सव्वट्ठेहिं सहिए सया जएज्जासि तिबेमि, उग्गहपडिमा सम्मत्ता ॥सू० १६२॥

॥ इति द्वितीय उद्देशकः ॥ २-१-७-२ ॥

॥ इति सप्तममध्ययनम् ॥ २-१-७ ॥ मूलतः षोडशमध्ययनम् ॥१६॥

॥ इति प्रथमा चूला ॥ श्रु० २-चू० १ ॥

॥ २: सप्तसप्तिका-द्वितीया चूला ॥

॥ १: स्थान—अध्ययनं १ ॥

से भिक्षु वा (२) अभिकंखेज्जा ठाणं ठइत्तए, से अणुपविसिज्जा गामं वा जाव रायहाणिं वा, से जं पुण्ण ठाणं जाणिज्जा—सत्रंडं जाव समकडासंताणायं तं तहप्पगारं ठाणं अफासुयं अणोसणिज्जं लाभे संते नो पडिगाहिज्जा, एवं सिज्जागमेण नेयव्वं जाव उदयपसूयाइं ति १॥ इच्चेयाइं आयतणाइं उवाइकम्म (२) अह भिक्षु इच्छिज्जा चउहिं पडिमाहिं ठाणं ठइत्तए, तत्थिमा पढमा पडिमा ॥ अचित्तं खलु उवसज्जेज्जा अवलंबिज्जा काएण विपरिकम्माइ (म्मिज्जा) सवियारं ठाणं ठइस्सामि, पढमा पडिमा । अहावरा दुच्चा पडिमा—अचित्तं खलु उवसज्जेज्जा अवलंबिज्जा काएण विपरिकम्माइ नो सवियारं ठाणं ठइस्सामित्ति, दुच्चा पडिमा । अहावरा तच्चा पडिमा—अचित्तं खलु उवसज्जेज्जा अवलंबिज्जा नो काएण विपरिकम्माइ नो सवियारं ठाणं ठइस्सामित्ति, तच्चा पडिमा । अहावरा चउत्था पडिमा—अचित्तं खलु उवसज्जेज्जा अवलंबिज्जा नो काएण नो परकमाइ नो सवियारं ठाणं ठइस्सामित्ति वोसट्टकाए वोसट्टकेसमंसुलो-मनहे संनिरुद्धं वा ठाणं ठइस्सामित्ति, चउत्था पडिमा । इच्चेयासिं चउराहं पडिमारां जाव पग्गहियतरायं विहरिज्जा, नो किंचिवि वइज्जा २। एयं खलु तस्म भिक्षुस्स जाव जइज्जासि तिबेमि ३ ॥सू० १६३॥ ठाणासत्तिकयं सम्मत्तं ॥

॥ इति प्रथममध्ययनम् ॥ २ श्रु०-२ चू०-१ अ० आदितः ८ ॥

॥ :: निषीधिका-अध्ययनं २ ॥

से भिक्खु वा (२) अभिकंखिज्जा निसीहियं फासुयं गमणाए, से पुण्ण निसीहियं जाणिज्जा—सअंडं सपाणां जाव मक्कडसंताणयं तहप्पगारं अफासुयं लाभे संते नो चेइस्सामि १॥ से भिक्खु वा (२) अभिकंखेज्जा निसीहियं गमणाए, से पुण्ण निसीहियं अप्पपाणां अप्पवीअं जाव सताणयं तहप्पगारं निसीहियं फासुयं चेइस्सामि, एवं सिज्जागमेणां नेयव्वं जाव उदय-प्पसूयाइं २॥ जे तत्थ दुवग्गा तिवग्गा चउवग्गा पंचवग्गा वा अभिसंधारिंति निसीहियं गमणाए ते नो अन्नमन्नस्स कायं आलिंजिज्ज वा विलिंजिज्ज वा चुं बिज्ज वा दंतेहिं वा नहेहिं वा अळ्ळिदिज्ज वा बुच्चिंदिज्ज वा ३ । एयं खलु तस्स भिक्खुस्स भिक्खुणीए वा सामग्गियं जं सव्वट्ठेहिं सहिए समिए सया जएजा, सेयमिणां मन्निजासि त्तिवेमि ४ ॥सू० १६४॥ निसीहियासत्तिकयं॥

॥ इति द्वितीयमध्ययनम् ॥ २-२-२-९ ॥

॥ ३ :: उच्चारप्रश्रवणा-अध्ययनं ३ ॥

से भिक्खु वा (२) उच्चारपासवणाकिरियाए उच्चाहिज्जमारो सयस्स पायपुंछणास्स असइए तत्रो पच्छा साहम्मियं जाइज्जा १॥ से भिक्खु वा (२) से जं पुण्ण थंडिल्लं जाणिज्जा सअंडं सपाणां जाव मक्कडसंताणयं तहप्पगारं सि थंडिल्लं नो उच्चारपासवणां वोसिरिज्जा २॥ से भिक्खु वा (२) से जं पुण्ण थंडिल्लं जाणिज्जा, अप्पपाणां जाव संताणयं तहप्पगारं सि थंडिल्लं सि उच्चारपासवणां वोसिरिज्जा ३ । से भिक्खु वा (२) से जं थंडिल्लं जाणिज्जा, अस्सिपडियाए एगं साहम्मियं समुद्दिस्स वा, अस्सिपडियाए बहवे साहम्मिया समुद्दिस्स, अस्सिपडियाए एगं साहम्मिणि समुद्दिस्स, अस्सिपडियाए बहवे साहम्मिणीओ समुद्दिस्स, अस्सिपडियाए बहवे समणमाहणावणीमगा पगणिय (२) समुद्दिस्स पाणाइं (४) जाव उद्देसियं चेएइ

तहप्पगारं थंडिल्लं पुरिसंतरकडं जाव बहियानीहडं वा अनीहडं वा
 अन्नयरंसि वा तहप्पगारंसि थंडिलंसि उच्चारपासवणां नो वोसिरिज्जा ४॥
 से भिक्खू वा (२) से जं पुणा थंडिलं जाणिज्जा, बहवे समणमाहणाक्किवणा-
 वणीमग-अतिही-समुद्दिस्स पाणाइं भूयाइं जीवाइं सत्ताइं जाव उद्देसियं
 चेएइ, तहप्पगारं थंडिलं पुरिसंतरगडं जाव बहियाअनीहडं अन्नयरंसि वा
 तहप्पगारंसि थंडिल्लंसि नो उच्चारपासवणां वोसिरिज्जा, अह पुणा एव
 जाणिज्जा--अपुरिसंतरगडं जाव बहिया नीहडं अन्नयरंसि वा तहप्पगारंसि
 थंडिलंसि उच्चारपासवणां वोसिरिज्जा ५॥ से भिक्खू वा (२) से जं पुणा थंडिलं
 जाणिज्जा, अस्सिंपडियाए कयं वा कारियं वा पामिच्चियं वा छन्नं वा घट्टं
 वा मट्टं वा लित्तं वा संमट्टं वा संपधूवियं वा अन्नयरंसि वा तहप्पगारंसि
 थंडिलंसि नो उच्चारपासवणां वोसिरिज्जा ६॥ से भिक्खू वा (२) से जं
 पुणा थंडिलं जाणेज्जा, इह खलु गाहावइ वा गाहावइपुत्ता वा कंदाणिं
 वा जाव हरियाणि वा अंतराओ वा बाहिं नीहरंति बहियाओ वा अंतो
 साहरंति अन्नयरंसि वा तहप्पगारंसि थंडिलंसि नो उच्चारपासवणां वोसिरिज्जा
 ७॥ से भिक्खू वा (२) से जं पुणा थंडिलं जाणेज्जा खंधंसि वा पीढंसि
 वा मंचंसि वा मालंसि वा (हम्मियतलंसि वा अट्टालंसि वा) अट्टंसि वा
 पासायंसि वा अन्नयरंसि वा थंडिलंसि नो उच्चारपासवणां वोसिरिज्जा ८॥
 से भिक्खू वा (२) से जं पुणा थंडिलं जाणिज्जा, अणांतरहियाए पुढवीए
 ससीणिद्धाए पुढवीए ससरक्खाए पुढवीए मट्टियाए मक्कडाए (मट्टियाकम्म-
 कडाए) चित्तमंताए सिलाए चित्तमंताए खेलुयाए कोलावासंसि वा दारुयंसि
 वा जीवपइट्टियंसि वा जाव मक्कडासंताणयंसि वा अन्नयरंसि वा तहप्पगारंसि
 थंडिलंसि नो उच्चारपासवणां वोसिरिज्जा ९॥ ॥सू० १६५॥ से भिक्खू वा
 (२) से जं पुणा थंडिलं जाणेज्जा-इह खलु गाहावइ वा गाहावइपुत्ता वा कंदाणिं
 वा जाव बीयाणि वा परिसाडिंसु वा परिसाडिति वा परिसाडिस्संति वा

अन्नयरंसि वा तहप्पगारंसि थंडिलंसि नो उच्चारपासवणं वोसिरिज्जा ॥ से भिक्खु वा (२) से जं पुण जाणिज्जा १॥ इह खलु गाहावई वा गाहावइ-
 पुत्ता वा सालीणि वा वीहीणि वा मुग्गाणि वा मासाणि वा कुलत्थाणि
 वा जवाणि वा जवजवाणि वा पइरिसु वा पइरिति वा पइरिस्सति वा
 अन्नयरंसि वा तहप्पगारंसे थंडिलंसि नो उच्चारपासवणं वोसिरिज्जा २॥ से
 भिक्खु वा (२) से जं पुण थंडिलं जाणिज्जा, आमोयाणि वा घासाणि वा
 भिलुयाणि वा विज्जुलयाणि वा खाणुयाणि वा कड्याणि वा पगडाणि
 वा दरीणि वा पदुग्गाणि वा समाणि वा २ अन्नयरंसि वा तहप्प-
 गारंसि थंडिलंसि नो उच्चारपासवणं वोसिरिज्जा ३॥ से भिक्खु वा
 (२) से जं पुण थंडिल्लं जाणिज्जा माणुसरंधणाणि वा महिसकर-
 णाणि वा वसहकरणाणि वा अस्सकरणाणि का कुक्कुडकरणाणि
 वा मक्कडकरणाणि वा हयकरणाणि वा लावयकरणानि वा वट्टय-
 करणाणि तित्तिरकरणाणि वा कवोयकरणाणि वा कविंजलकरणाणि
 वा अन्नयरंसि वा तहप्पगारंसि थंडिलंसि नो उच्चारपासवणं
 वोसिरिज्जा ४॥ से भिक्खु वा (२) से जं पुण थंडिलं जाणेज्जा
 वेहाणसट्ठाणेसु वा गिद्धपट्ठाणेसु वा तरुपडणट्ठाणेसु वा मेरुपडणठ-
 णेसु वा विसभिक्खणयट्ठाणेसु वा अगणिपडणट्ठाणेसु वा अन्नयरंसि वा
 तहप्पगारंसि थंडिलंसि नो उच्चारपासवणं वोसिरिज्जा ५॥ से भिक्खु वा
 (२) से जं पुण थंडिलं जाणिज्जा, आरामाणि वा उज्जाणाणि वा वणाणि
 वा वणसंडाणि वा देवकुलाणि वा सभाणि वा पवाणि वा अन्नयरंसि वा
 तहप्पगारंसि वा नो उच्चारपासवणं वोसिरिज्जा ६॥ से भिक्खु वा (२)
 से जं पुण थंडिलं जाणिज्जा, अट्टालयाणि वा चरियाणि वा दाराणि वा
 गोपुराणि वा अन्नयरंसि वा तहप्पगारंसि थंडिलंसि नो उच्चारपासवणं
 वोसिरिज्जा ७॥ से भिक्खु वा (२) से जं पुण थंडिलं जाणेज्जा, तिगाणि

वा चउक्काणि वा च्चराणि वा चउम्मुहाणि वा अन्नयरंसि वा तहप्पगारंसि
नो उच्चारपासवणं वोसिरिज्जा ८॥ से भिक्खू वा (२) से जं पुण थंडिलं
जाणोज्जा इंगालदाहेसु खारदाहेसु वा मडयदाहेसु वा मडयथूभियासु वा
मडयचेइएसु वा अन्नयरंसि वा तहप्पगारंसि वा थंडिलंसि नो उच्चारपासवणं
वोसिरिज्जा ९॥ से भिक्खू वा (२) से जं पुण थंडिलं जाणोज्जा, नइयाय-
तणोसु वा पंकाययणोसु वा ओघाययणोसु वा सेयणावहंसि वा अन्नयरंसि वा
तहप्पगारंसि थंडिलंसि नो उच्चारपासवणं वोसरिज्जा १०॥ से भिक्खू वा
से जं पुण जाणोज्जा नवियासु वा मट्टियखाणिआसु नावयासु गोप्प-
हेलियासु वा गवाणीसु वा खाणीसु वा अन्नयरंसि वा तहप्पगारंसि
थंडिलंसि नो उच्चारपासवणं वोसिरिज्जा, ११॥ से भिक्खू वा (२) से जं
पुण थंडिलं जाणोज्जा, डागवच्चंसि वा सागवच्चंसि वा मूलगवच्चंसि वा
हत्थंकरवच्चंसि वा अन्नयरंसि वा तहप्पगारंसि थंडिलंसि नो उच्चारपास-
वणं वोसिरिज्जा १२॥ से भिक्खू वा (२) से जं पुण थंडिलं जाणोज्जा,
असणावणंसि वा सणावणंसि वा धायइवणंसि वा केयइवणंसि वा अंबवणंसि वा
असोगवणंसि वा नागवणंसि वा पुन्नागवणंसि वा चुल्लगवणंसि वा अन्नयरेसु
तहप्पगारेसु पत्तोवेएसु वा पुफोवेएसु वा फलोवेएसु वा बीओवेएसु वा
हरिओवेएसु वा नो उच्चारपासवणं वोसिरिज्जा १३॥ सू० १६६॥ से
भिक्खू वा(२) सयपायवं वा परपायवं वा गहाय से तमायाए एगंतम-
वक्कमे अणावायंसि असंलोयंसि अप्पपाणंसि जाव मक्कडासंताणयंसि
अहारामंसि वा उवस्सयंसि तत्रो संजयामेव उच्चारपासवणं वोसिरिज्जा, से
तमायाए एगंतमवक्कमे अणावाहंसि जाव संताणयंसि अहारामंसि वा
भामथंडिल्लंसि वा अन्नयरंसि वा तहप्पगारंसि थंडिल्लंसि अचित्तंसि तत्रो
संजयामेव उच्चारपासवणं वोसिरिज्जा, एयं खलु तस्स जाव सया जइज्जासि
॥सू० १६७॥ त्तिव्वेमि ॥ उच्चारपासवणासत्तिकत्रो सम्मतो ॥

॥ इति तृतीयमध्ययनम् ॥२-२-३-१० ॥

॥ ४ : शब्द-अध्ययनं ४ ॥

से भिक्खु वा (२) मुङ्गसद्दाणि वा नंदीसद्दाणि वा भल्लरीसद्दाणि वा अन्नयराणि वा तहप्पगाराणि विरुवरूवाइं सद्दाइं वितताइं कन्नसोयणपडियाए नो अभिसंधारिज्जा गमणाए १॥ से भिक्खु वा (२) अहावेगइयाइं सद्दाइं सुणोइ, तं-वीणासद्दाणि वा विपंचीसद्दाणि वा पिप्पी- (बद्धी)सगसद्दाणि वा तूणयसद्दाणि वा वण(वीणि)यसद्दाणि वा तुंबवीणि- यसद्दाणि वा ढंङ्गसद्दाइं अन्नयराइं तहप्पगाराइं विरुवरूवाइं सद्दाइं वितताइं कण्णसोयपडियाए नो अभिसंधारिज्जा गमणाए २॥ से भिक्खु वा (२) अहावेगइयाइं सद्दाइं सुणोइ, तंजहा-तालसद्दाणि वा कंसता- लसद्दाणि वा लत्तियसद्दाणि वा गोधियसद्दाणि वा किरिकिरियासद्दाणि वा अन्नयराणि वा तहप्पगाराणि विरुवरूवाइं सद्दाणि कण्णसोयपडियाए नो अभिसंधारेज्जा गमणाए ३॥ से भिक्खु वा (२) अहावेगइयाइं सद्दाणि सुणोइ तंजहा-संखसद्दाणि वा वेणुसद्दाणि वा वंससद्दाणि वा खरमुहि- सद्दाणि वा परिपिरियासद्दाणि वा अन्नयराइं तहप्पगाराइं विरुवरूवाइं सद्दाइं भुसिराइं कन्नसोयपडियाए नो अभिसंधारेज्जा गमणाए ४ ॥सू० १६८॥ से भिक्खु वा (२) अहावेगइयाइं सद्दाइं सुणोइ तंजहा-वप्पाणि वा फलिहाणि वा जाव सराणि वा सागराणि वा सरसरपंतियाणि वा अन्नयराइं वा तहप्पगाराइं विरुवरूवाइं सद्दाइं कण्णसोयपडियाए नो अभिसंधारिज्जा गमणाए १॥ से भिक्खु वा (२) अहावेगइयाइं सद्दाइं सुणोइ तंजहा-कच्छाणि वा ग्गमाणि वा गहणाणि वा वणाणि वा वण्णदुग्गाणि पव्वयाणि वा पव्वयदु- ग्गाणि वा अन्नयराइं वा तहप्पगाराइं विरुवरूवाइं सद्दाइं सो य पडियाए नो अभिसंधारिज्जा गमणाए २॥ से भिक्खु वा (२) अहावेगइयाइं सद्दाइं सुणोइ, तंजहा-गामाणि वा नगराणि वा निग्गमाणि वा रायहाणाणि वा आसम-

पट्टासंनिवेशाणि वा अन्नयराइं तहप्पगाराइं सदाइं नो अभिधारेजा गमणाए ३॥ से भिक्खु वा (२) अहावेगइयाइं सदाइं सुगोइ, तंजहा-आरामाणि वा उज्जाणाणि वा वणाणि वा वणासंडाणि वा देवकुलाणि वा सर्भाणि वा पवाणि वा अन्नयराइं तहप्पगाराइं सदाइं नो अभिसंधारेजा गमणाए ४॥ से भिक्खु वा (२) अहावेगइयाइं सदाइं सुगोइ, तंजहा-अट्टाणि वा अट्टालयाणि वा चरियाणि वा दाराणि वा गोपुराणि वा अन्नयराइं तहप्पगाराइं सदाइं नो अभिसंधारिजा गमणाए ५॥ से भिक्खु वा (२) अहावेगइयाइं सदाइं सुगोइ, तंजहा-तियाणि वा चउक्काणि वा चच्चराणि वा चउम्मुहाणि वा अन्नयराइं तहप्पगाराइं सदाइं नो अभिसंधारिजा गमणाए ६॥ से भिक्खु वा (२) अहावेगइयाइं सदाइं सुगोइ, तंजहा-महिसकरणाट्टाणाणि वा वसभकरणाट्टाणाणि वा अस्सकरणाट्टाणाणि वा जाव कविंजलकरणाट्टाणाणि वा अन्नयराइं तहप्पगाराइं नो अभिसंधारिजा गमणाए ७॥ से भिक्खु वा (२) अहावेगइयाइं सदाइं सुगोइ तंजहा-महिसजुद्धाणि वा जाव कविंजलजुद्धाणि वा अन्नयराइं तहप्पगाराइं सदाइं नो अभिसंधारिजा गमणाए ८॥ से भिक्खु वा (२) अहावेगइयाइं सदाइं सुगोइ तंजहा-पूव्वजूहियठणाणि वा हयजूहियठणाणि वा गयजूहियठणाणि वा अन्नयराइं तहप्पगाराइं नो अभिसंधारिजा गमणाए ९ ॥सू० १६१॥ से भिक्खु वा (२) जाव सुगोइ, तंजहा-अक्खाइयठणाणि वा माणुम्माणियट्टाणाणि वा महताऽऽहयनट्ट-गीय-वाइय-तंती-तलताल-तुडिय-पडुप्पवाइयट्टाणाणि वा अन्नयराइं वा तहप्पगाराइं सदाइं नो अभिसंधारेजा गमणाए १॥ से भिक्खु वा (२) जाव सुगोइ, तंजहा-कलहाणि वा डिवाणि वा डमराणि वा दोरजाणि वा वेरजाणि वा विरुद्धरजाणि अन्नयराइं वा तहप्पगाराइं सदाइं नो अभिसंधारेजा गमणाए २॥ से भिक्खु वा (२) जाव सुगोइ, खुडियं दारियं परिभूत्तमंडियं अलंकियं निवुज्जमणाणि पेहाए एगं वा पुंरिसं वहाए नीणिज्ज-

माणां पेहाए अन्नयराइं वा तहप्पगाराइं नो अभिसंधारिजा गमणाए ३॥ से भिक्खु वा (२) अन्नयराइं विरुवरूवाइं महासवाइं एवं जाणेजा तंजहा--बहु-सगडाणि वा बहुरहाणि वा बहुमिलक्खूणि वा बहुपच्चंताणि वा अन्नयराइं वा तहप्पगाराइं विरुवरूवाइं महासवाइं कन्नसोयपडियाए नो अभिसंधारिजा गमणाए ४॥ से भिक्खु वा (२) अन्नयराइं विरुवरूवाइं महस्सवाइं एवं जाणेजा, तंजहा--इत्थीणि वा पुरिसाणि वा थेराणि वा डहराणि वा मज्झिमाणि वा आभरणविभूसियाणि वा गायंताणि वा वायंताणि वा नच्चं-ताणि वा हसंताणि वा रमंताणि वा मोहंताणि वा विपुलं असणं पाणं खाइमं साइमं परिभुजंताणि वा परिभायंताणि वा विच्छड्डियमाणाणि वा विगोवयमाणाणि वा अन्नयराइं वा तहप्पगाराइं विरुवरूवाइं महस्सवाइं कन्नसोयपडियाए नो अभिसंधारेजा गमणाए ५॥ से भिक्खु वा (२) नो इहलोइएहिं सद्देहिं नो परलोइएहि सद्देहिं नो सुएहिं सद्देहिं नो असुएहिं सद्देहिं नो दिट्ठेहिं सद्देहिं नो अदिट्ठेहिं सद्देहिं नो कंतेहिं सद्देहिं सज्जिजा नो गिज्झिजा नो मुज्झिजा नो अज्झोववज्झिजा ६॥ एयं खलु तस्स जाव जएजासि ति वेमि ७ ॥सू० १७०॥ सहसत्तिकत्रो ॥

॥ इति चतुर्थमध्ययनम् ॥ २-२-४-११ ॥

॥ ५ : रूप—अध्ययनं ५ ॥

से भिक्खु वा (२) अहावेगइयाइं रूवाइं पासइ, तंजहा--गंधिमाणि वा वेदिमाणि वा घूरिमाणि वा संघाइमाणि वा कट्टकम्माणि वा पोत्थकम्माणि वा वित्तकम्माणि वा मणिक्कम्माणि वा दंतकम्माणि वा (मालकम्माणि वा) पत्तच्छिज्जकम्माणि वा विविहाणि वा वेदिमाइं अन्नयराइं तहप्पगाराइं विरुवरूवाइं चक्खुदंसाणपडियाए नो अभिसंधारिज गमणाए, एवं नायवं जहा सहपडिमा संवा वाइत्तवज्जा रूवपडिमावि ॥सू० १७१॥ पंचमं सत्तिकर्यं ॥

॥ इति पंचममध्ययनम् ॥ २-२-५-१२ ॥

॥ ६ : परक्रिया—अध्ययनं ६ ॥

परकिरियं अज्मत्थियं संसेसियं नो तं सायए नो तं नियमे, सिया
 से परो पाए आमज्जिज्ज वा पमज्जिज्ज वा नो तं सायए नो तं नियमे १।
 से सिया परो पायाइं संवाहिज्ज वा पलिमदिज्ज वा नो तं सायए नो तं
 नियमे २। से सिया परो पायाइं कुसिज्ज वा रज्ज वा नो तं सायए नो तं
 नियमे ३। से सिया परो पायाइं तिल्लेण वा घएण वा वसाए वा मक्खिज्ज
 वा अब्भंगिज्ज वा नो तं सायए (२) ४। से सिया परो पायाइं लुद्धेण वा
 कक्केण वा चुन्नेण वा वराणेण वा उल्लोढिज्ज वा उव्वलिज्ज वा नो तं
 सायए (२) ५। से सिया परो पायाइं सीओदगवियडेण वा २ उच्छोलिज्ज
 वा पधोविज्ज वा नो तं सायए (२) ६। से सिया परो पायाइं अन्नयरेण
 विलेवणाजाएण आलिपिज्ज वा विलिपिज्ज वा नो तं सायए (२) ७। से
 सिया परो पायाइं अन्नयरेण धूवणाजाएण धूविज्ज वा पधूविज्ज वा नो तं
 सायए (२) ८। से सिया परो पायाओ आणुयं वा कंठयं वा नीहरिज्ज वा
 विसोहिज्ज वा नो तं सायए (२) ९। से सिया परो पायाओ पूयं वा सोणियं
 वा नोहरिज्ज वा विसोहिज्ज वा नो तं सायए (२) १०। से सिया परो कायं
 आमज्जेज्ज वा पमज्जिज्ज वा नो तं सायए नो तं नियमे ११। से सिया परो कायं
 लोट्टेण वा संवाहिज्ज वा पलिमदिज्ज वा नो तं सायए (२) १२। से सिया
 परो कायं तिल्लेण वा घएण वा वसाए वा मक्खिज्ज वा अब्भंगिज्ज वा
 नो तं सायए (२) १३। से सिया परो कायं लुद्धेण वा कक्केण वा चुराणे
 ण वा वराणेण वा उल्लोढिज्ज वा उव्वलिज्ज वा नो तं सायए (२) १४। से
 सिया परो कायं सीओदगवियडेण वा उसिणोदगवियडेण वा उच्छो-
 लिज्ज वा पधोविज्ज वा नो तं सायए (२) १५। से सिया परो कायं
 अन्नयरेण विलेवणाजाएण आलिपिज्ज वा विलिपिज्ज वा नो तं सायए (२)

१६। से सिया परो कायं अन्नयरेण ध्वणजाएण ध्विज्ज वा पविज्ज वा नो तं सायए (२) १७। से सिया परो कायंसि वणं आमज्जिज्ज वा पमज्जिज्ज वा नो तं सायए (२) से सिया परो कायंसि वणं संवाहिज्ज वा पलिमहिज्ज वा नो तं सायए (२) १८। से सिया परो कायंसि वणं तिल्लेण वा धएण वा वसाए वा मक्खिज्ज वा अम्भंगिज्ज वा नो तं सायए (२) १९। से सिया परो कायंसि वणं लुद्धेण वा (४) उल्लोद्धिज्ज वा उव्वलेज्ज वा नो तं सायए (२) २०। से सिया परो कायंसि वणं सीओदगवियडेण वा उसिणोदगवियडेण वा उच्छोलिज्ज वा पधोविज्ज वा नो तं सायए २१। से सिया परो कायंसि वणं वा गंडं वा अरइं वा पुलइयं वा भगंदलं वा अन्नयरेणं सत्थजाएणं अच्चिदिज्ज वा विच्चिदिज्ज वा नो तं सायए (२) २२। से सिया परो अन्नयरेणं सत्थजाएणं आच्चिदिक्का वा विच्चिदिक्का वा पूयं वा सोणियं वा नीहरिज्ज वा विसोहिज्ज वा नो तं सायए (२) २३। से सिया परो कायंसि गंडं वा अरइं वा पुलइयं वा भगंदलं वा आमज्जिज्ज वा पमज्जिज्ज वा नो तं सायए (२) २४। से सिया परो कायंसि गंडं वा (४) संवाहिज्ज वा पलिमहिज्ज वा नो तं सायए (२) २५। से सिया परो कायंसि गंडं वा (४) तिल्लेण वा (३) मक्खिज्ज वा अम्भंगिज्ज वा नो तं सायए (२) २६। से सिया परो गंडं वा (४) लुद्धेण वा (४) उल्लोद्धिज्ज वा उव्वलिज्ज वा नो तं सायए (२) २७। से सिया परो गंडं वा (४) सीओदगवियडेण वा उसिणोदगवियडेण वा उच्छोलिज्ज वा पधोविज्ज वा नो तं सायए (२) २८। से सिया परो कायंसि गंडं वा (४) अन्नयरेणं सत्थजाएणं अच्चिदिज्ज वा विच्चिदिज्ज वा अन्नयरेणं सत्थजाएणं अच्चिदिक्का वा विच्चिदिक्का वा पूयं वा सोणियं वा नीहरिज्ज वा विसोहिज्ज वा नो तं सायए (२) २९। से सिया परो कायंसि सेयं वा जल्लं वा नीहरिज्ज वा विसोहिज्ज वा नो तं सायए (२) ३०। से

सिया परो अच्छिमलं वा कराणमलं वा दंतमलं वा नहमलं वा
नीहरिज्ज वा विसोहिज्ज वा नो तं सायए (२) ३१। से सिया परो दीहाइं
आलाइं दीहाइं वा रोमाइं दीहाइं भमुहाइं दीहाइं कक्खरोमाइं दीहाइं वत्थिरोमाइं
कप्पिज्ज वा संठविज्ज वा नो तं सायए (२) ३२ । से सिया परो सीसाओ
लिक्खं वा जूयं वा नीहरिज्ज वा विसोहिज्ज वा नो तं सायए (२) ३३ ।
से सिया परो अंकंसि वा पलियंकंसि वा तुयट्टावित्ता पायाइं आमज्जिज्ज वा
पमज्जिज्ज वा, एवं हिट्ठिमो गमो पायाइणां भाणियव्वो (२) ३४। से सिया
परो अंकंसि वा पलियंकंसि वा तुयट्टावित्ता हारं वा अद्धहारं वा उरत्थं
वा गेवेयं वा मउडं वा पालंबं वा सुवन्नसुत्तं वा आविहिज्ज वा पिणाहिज्ज
वा नो तं सायए (२) ३५। से सिया परो आरामंसि वा उज्जाणांसि वा
नीहरित्ता वा पविसित्ता वा पायाइं आमज्जिज्ज वा पमज्जिज्ज वा नो तं
सायए (२) ३६ । एवं नेयव्वा अन्नमन्नकिरियावि ३७ ॥सू० १७२॥
से सिया परो सुद्धेणां वइबलेणा वा तेइच्छं आउट्टे, से सिया परो असुद्धेणां
वइबलेणां तेइच्छं आउट्टे १॥ से सिया परो गिलाणास्स सच्चित्ताणि वा
कंदाणि वा मूलाणि वा तथाणि वा हरियाणि वा खणित्तु कड्ढित्तु वा
कट्ठावित्तु वा तेइच्छं आउट्टाविज्ज नो तं साइए (२) २ । कडुवेयणा पाणाभूय-
जीवसत्ता वेयणां वेइंति २। एवं खलु तस्स भिक्खुस्स भिक्खुणीए वा साम-
ग्गियं जं सब्बट्ठेहिं सहिए समिए सया जए सेयमिणां मन्निज्जासि ३।
॥सू० १७३॥ त्तिवेमि ॥ छट्टओ सत्तिकओ ॥

॥ इति षष्ठमध्ययनम् ॥ २--२--६--१३ ॥



॥ ७ : अन्योन्यक्रिया-अध्ययनं ७ ॥

से भिक्खु वा (२) अन्नमन्नकिरियं अज्मत्थियं संसेइयं नो तं सायए
(२) । से अन्नमन्नं पाए आमज्जिज्ज वा पमज्जिज्ज वा नो तं साइए (२) । सेसं
तं चेव, एयं खलु जाव जइज्जासि त्तिवेमि ॥सू० १७४॥

॥ इति सप्तममध्ययनम् ॥ श्रु०२-चू०२-अ०७ मूलतः २३ ॥

॥ इति द्वितीया चूला ॥ २-२ ॥

॥ तृतीय चूलिका-भावना अध्ययनं १ ॥

तेणं कालेणं तेणं समएणं समणे भगवं महावीरे पंचहत्थुत्तरे यावि
हुत्था, तंजहा-हत्थुत्तराइं चुए, चइत्ता गव्वं वक्कंते, हत्थुत्तराहिं गव्वमात्रो
गव्वं साहरिए, हत्थुत्तराहि जाए, हत्थुत्तराहिं सब्बत्रो सब्बत्ताए मुंडे
भवित्ता अगारात्रो अणगारियं पव्वइए, हत्थुत्तराहिं कसिणे पडिपुन्ने
अव्वाघाए निरावरणे अणंते अणुत्तरे केवलवरणाणदंसणे समुप्पन्ने, साइणां
भगवं परिनिव्वुए ॥सू० १७५॥ समणे भगवं महावीरे इमाए ओसिप्पिणीए
सुसमसुसमाए समाए वीइक्कंताए, सुसमाए समाए वीइक्कंताए, सुसम-दुस्स-
माए समाए वीइक्कंताए, दुस्समसुसमाए समाए बहु विइक्कंताए, पन्नहत्तरीए
वासेहिं मासेहिं य अद्धनवमेहिं सेसेहिं जे से गिम्हाणां चउत्थे मासे अट्टमे
पक्खे आसादसुद्धे तस्स णं आसादसुद्धस्स छट्ठीपक्खेणं हत्थुत्तराहिं नक्खत्तेणं
जोगमुवागएणं महाविजयसिद्धत्थं पुप्फुत्तरवरपुंडरीयदिसासोवत्थियवद्ध-
माणात्रो महाविमाणात्रो वीसं सागरोवमाइं आउयं पालयित्ता, आउवख-
एणं ठिइक्कएणं भवक्खएणं चुए चइत्ता, इह खलु जंवुहीवे णं दीवे भारहे
वासे दाहिणाड्ढभरहे दाहिणमाहाणकुंडपुरसंनिवेसंमि उरुभदत्तस्स माहाणस्स
कोडालसगोत्तस्स देवाणांदाए माहणीं जालंधरस्स गुत्ताए सीहुव्वभदभूएणं
अप्पाणेणं कुच्चिसि गव्वं वक्कंते १। समणे भगवं महावीरे तिन्नाणोवगए

यावि हुत्था, चइस्सामित्ति जाणइ चुएमित्ति जाणइ चयमाणे न याणोइ,
सुहुमे णं से काले पन्नते २ । तत्रो णं समणे भगवं महावीरे
हियाणुकंपएणां (अणुकंपएणां) देवेणां जीयमेयंतिकट्टु जे से वासाणां तच्चे मासे
पंचमे पक्खे आसोयबहुले तस्स णां आसोयबहुलस्स तेरसीपक्खेणां
हत्थुत्तराहिं नक्खत्तेणां जोगमुवागएणां बासीहिं राइंदिएहिं वइक्कंतेहिं
तेसीइमस्स राइदियस्स परियाए वट्टमाणे दाहिणमाहणाकुंडपुरसंनिवेशात्थो
उत्तरखत्तियकुंडपुरसंनिवेशंसि नायाणां खत्तियाणां सिद्धत्थस्स खत्तियस्स
कामवगुत्तस्स तिसलाए खत्तियाणीए वासिट्टमगुत्ताए असुभारां पुग्गलारां
अवहारं करित्ता सुभारां पुग्गलारां पक्खेवं करित्ता कुच्छिसि गब्भं
साहरइ, जे वि य से तिसलाए खत्तियाणीए कुच्छिसि गब्भे तंपि य
दाहिणमाहणाकुंडपुरसंनिवेशंसि उसभदत्तस्स माहणास्स कोडालसगोत्तस्स
द्वेवानंदए माहणीए जालंधरायणागुत्ताए कुच्छिसि गब्भं साहरइ ३। समणे
भगवं महावीरे तिन्नाणेवगए यावि होत्था-साहरिज्जिस्सामित्ति जाणइ साह-
रिज्जमाणे न याणइ साहरिएमित्ति जाणइ समणाउसो ४। तेणां कालेणां
तेणां समएणां तिसलाए खत्तियाणीए अहऽन्नया कयाइ नवराहं मासाणां
बहुपडिपुन्नाणां अद्धट्टमाणाराइंदियाणां वीइक्कंताणां जे से गिम्हाणां पढमे
मासे दुच्चे पक्खे चित्तसुद्धे तस्स णां चित्तसुद्धस्स तेरसीपक्खेणां हत्थु-
त्तराहिं नक्खत्तेणां जोगोवगाएणां-समणां भगवं महावीरं अरोग्गा अरोग्गं
पसूया ५। जराणां राइं तिसला खत्तियाणी समणां भगवं महावीरं अरोया
अरोयं पसूया, तराणां राइं भवणावइवाणमंतरजोइसियविमाणवासिदेवेहिं
देवीहिं य उवयंतेहिं उप्पयंतेहिं संपयंतेहि य एगे महं दिव्वे देवुज्जोए देवस-
न्निवाए देवकहक्कहए उप्पिजलगभूए यावि हुत्था ६। जराणां रयणिं तिस-
ला खत्तियाणी समणां भगवं महावीरं अरोया अरोयं पसूया तराणां रयणि
बहवे देवा य देवीत्थो य एगं महं अमयवासं च १ गंधवासं च २ चुन्नवासं

च ३ पुष्पवासं च ४ हिरन्नवासं च ५ रयणावासं च ६ वारिसु ७ जराणां
 रयणिं तिसला खत्तियाणी समणां भगवं महावीरं अरोया अरोयं पसूया,
 तसणां रयणिं भवणावइ-वाणामंतरजोइसियविमाण्वासिणां देवा य देवीच्यो
 य समणास्स भगवच्यो महावीरस्स सूइकम्माइं तित्थयराभिसेयं च करिसु =
 जच्यो णां पभिइ भगवं महावीरे तिसलाए खत्तियाणीए कुच्चिंसि गव्वं
 आग(हु)ए तच्यो णां पभिइ तं कुलं विपुलेणां हिरणोणां सुवन्नेणां धरोणां
 धन्नेणां माणिक्केणां मुत्तिणां संखसिलप्पवालेणां अइव (२) परिवड्ढइ १।
 तच्यो णां समणास्स भगवच्यो महावीरस्स अम्मापियरो एयमट्टं जाणित्ता
 निव्वत्तइआहंसि बुक्कंतंमि सुइभूयंसि विपुलं अमणापाणाखाइमन्नाइमं उवक्ख-
 डाविति (२) मित्तनाइसयणासंबंधिवग्गं उवनिमंतंति उवनिमंतित्ता वहवे समणा-
 माहणा-किवणा-वणीमगाहिं भिच्छुंडगपंडरगाइणा विच्छुडुंति विग्गोविति
 विस्साणित्ति दायारेसु दाणां, पजभाइंति विच्छुडित्ता विग्गोवित्ता विस्साणित्ता
 दायारेसु णां दायं पजभाइत्ता मित्तनाइसयणासंबंधिवग्गं भुंजाविति मित्तनाइसय-
 सयणासंबंधिवग्गं भुंजावित्ता मित्तनाइसयणासंबंधिवग्गेणा इमहेयारुवं नामधि-
 ज्जं कारविति-जच्यो णां पभिइ इमे कुमारे तिसलाए खत्तियाणीए कुच्चिंसि
 गव्वं आहूए तणो णां पभिइ इमं कुलं विपुलेणां हिरणोणां संखसिलप्प-
 वालेणां अतीव (२) परिवड्ढइ ता होउ णां कुमारे वद्धमारो १०। तच्यो णां
 समणो भगवं महावीरे पंचधाइ-परिवुडे, तंजहा-खीरधाइए १ मज्जणाधाइए
 २ मंडणाधाइए ३ खेलावणाधाइए ४ अंकधाइए ५, अंकाच्यो अंकं साहरि-
 जमारो रम्मे मणिक्कुट्टिमत्ते गिरिकंदरसमुत्तीणोविव चंपयपायवे अहाणा-
 पुव्वीए संबड्ढइ ११। तच्यो णां समणो भगवं महावीरे विन्नायपरिणायमित्ते
 विणियत्तवालभावे अप्पुसुयाइं उरालाइं माणास्सगाइं पंचलवखणाइं काम-
 भोगाइं सहपरिसरसरूवगंधाइं परियारेमारो एवं च णां विहरइ १२॥
 ॥सू० १७६॥ समणो भगवं महावीरे कासवगुत्ते तस्स णां इमे तिन्नि

नामधिजा एवमहिज्जंति, तंजहा—अम्मापिउसंति वद्धमारो १ सहसंमुइए
समगो २, भीभं भयभेरवं उरालं अवेलयं परीसह—सहत्तिकट्टु देवेहि से
नामं कयं समगो भगवं महावीरे ३-१ समणस्स गां भगवओ महावीरस्स
पिया कासवगुत्तेणां तस्स गां तिन्नि नामधिजा एवमहिज्जंति तंजहा—सिद्धत्थे
इ वा, सिज्जंसे इ वा, जसंसे इ वा, २। समणस्स गां भगवओ महावीरस्स
अम्मा वासिट्ठरस गुत्ता तीसे गां तिन्नि नामधिजा एवमहिज्जंति तंजहा—
तिसत्ताइ वा, विदेहदिन्ना इ वा, पियकारिणी इ वा ३। समणस्स गां भग-
वओ महावीरस्स पिन्निअए, सुपासे कासवगुत्तेणां ४। समणस्स गां भगवओ
महावीरस्स जिट्ठे भाया नंदिवद्धरो कासवगुत्तेणां ५। समणस्स गां भगवओ
महावीरस्स जेट्ठा भइणी सुदंस्सणा कासवगुत्तेणां ६। समणस्स गां भगवओ
महावीरस्स भज्जा जसोथा कोडिन्नागुत्तेणां ७। समणस्स गां भगवओ महा-
वीरस्स धूया कासवगोत्तेणां, तीसे गां दो नामधिजा एवमहिज्जंति—अणु-
ज्जा इ वा, पियदंस्सणा इ वा ८। समणस्स गां भगवओ महावीरस्स नत्तूइ
कोसिया गुत्तेणां, तीसे गां दो नामधिजा अणुमहिज्जंति तंजहा—सेसवइ इ
वा, जसवइ इ वा ९ ॥सू० १७७॥ समणस्स गां भगवओ महावीरस्स
अम्मापियरो पासावच्चिज्जा समणोवासगा यावि हुत्था, ते गां बहुइं वासाइं
समणोवासगपरियागं पालइत्ता इण्हं जीवनिकायाणां सारक्खणानिमित्तं
आलोइत्ता निंदित्ता गरिहित्ता पडिकमित्ता अहारिहं उत्तरगुणपायच्छिताइं
पडिवजित्ता कुससंधारगं दुरूहित्ता भत्तं पच्चक्खायंति (२) अपच्छिमाए
मारणांतियाए संलेहणासरीरए भुसियसरीरा कालमासे कालं किच्चा तं
सरीरं विष्पजहित्ता अच्चुए कण्णे देवत्ताए उववन्ना, तओ गां आजक्खणां
भवक्खणां ठित्तिक्खणां चुए चइत्ता महाविदेहे वासे चरमेणां उस्सागोणां
मिज्जिस्संति बुज्जिस्संति मुच्चिस्संति परिनिव्वाइस्संति सब्बदुक्खाणामंतं
करिस्संति ॥सू० १७८॥ तेणां कालेणां (२) समगो भगवं महावीरे नाए

नायपुत्ते नायकुलनिव्वत्ते विदेहे विदेहदिन्ने विदेहजच्चे विदेहसूमाले तीसं
 वासाइं विदेहंसित्ति(हेत्ति)कट्टु अगारमज्जे वसित्ता अम्मापिउहिं कालगएहिं
 देवलोगमणुपत्तेहि संमत्तपइन्ने चिच्चा हिरन्नं, चिच्चा सुवन्नं, चिच्चा बलं,
 चिच्चा वाहरां, चिच्चा धणाकणागरयणा-संतसारसावइज्जं विच्छड्डित्ता विग्गो-
 वित्ता विस्साणित्ता दायारेसु रां दाइत्ता परिभाइत्ता संवच्छरं दलइत्ता जे से
 हेमंताणां पढमे मासे पढमे पक्खे मग्गसिरबहुले तस्स रां मग्गसिरबहुलस्स
 दसमीपक्खेणां हत्थुत्तराहिं नक्खत्तएणां जोगोवगएणां अभिनिक्खमणाभिष्पाए
 यावि हुत्था १। संवच्छरेणा होहिइ अभिनिक्खमरां तु जिणवरिंदस्स । तो
 अत्थसंपयाणां पवत्तइ पुव्वसूराओ ॥ १ ॥ एणा हिरन्नकोडी अट्ठेव-
 अण्णाणा सयसहस्सा । सूरुदयमाइयं दिज्जइ जा पायरासुत्ति ॥ २ ॥ तिन्नेव
 य कोडिसया अट्टासीइं च हुंति कोडीओ । असिइं च सयसहस्सा एयं
 संवच्छरे दिन्नं ॥ ३ ॥ वेसमाणकुंडधारी देवा लोगंतिया महिड्डीया । बोहिति
 य तित्थयरं पन्नरससु कम्मभूमीसु ॥ ४ ॥ वंभंमि य कपंमी बोधव्वा कणह-
 राइणो मज्जे । लोगंतिया विमाणा अट्टसु वत्था असंखिजा ॥ ५ ॥ एए
 देवनिक्काया भगवं बोहिति जिणवरं वीरं । सव्वजगज्जीवहियं अरिहं । तित्थं
 पवत्तेहे ॥ ६ ॥ २ । तओ रां समणस्स भगवओ महादीरस्स अभिनिक्ख-
 मणाभिष्पायं जाणित्ता भवणावइवाणमंतरजोइसियविमाणवासिणो देवा य
 देवीओ य सएहिं (२) रूवेहि, सएहि (२) नेवत्थेहिं, सएहिं (२) चिधेहिं
 सव्विड्डीए सव्वजुइए सव्वबलसमुदएणां, सयाइं (२) जाणाविमाणाइं-
 दुरूहंति सयाइं (२), जाणाविमाणाइं दुरूहित्ता अहावायराइं पुग्गलाइं परि-
 साडंति (२), अहासुहुमाइं पुग्गलाइं परियाइं ति (२), उड्डं उप्पयंति उड्डं-
 उप्पइत्ता ताए उक्किट्टाए सिग्घाए चवलाए तुरियाए दिव्वाए देवगइए अहे-
 रां ओवयमाणा (२), तिरिएणां असंखिजाइं दीवसमुहाइं वीइक्कममाणा (२),
 जेणोव नंजुड्डीवे दीवे तेणोव उवागच्छंति (२), जेणोव उत्तरखत्तियकुंडपुरसं-

निवेशे तेणोव उवागच्छंति (२) जेणोव उत्तरखत्तियकुंडपुरसंनिवेशस्स उत्तरपुर-
 च्छिमे दिसिभाए तेणोव भत्ति वेगेण ओवइया ३। तत्रो णं सक्के देविंदे देव-
 राया सणियं (२) जाणविमाणं पट्टवेति सणियं (२) जाणविमाणं पट्टवेत्ता
 सणियं (२) जाणविमाणाओ पच्चोरुहइ (२) सणियं (२) एगंतमवक्कमइ एगंतम-
 वक्कमिक्का महया वेउव्विएणां समुग्घाएणां समोहणाइ (२) एगं महं नाणामणिकणा-
 गरयणाभत्तिचित्तं सुभं चारु कंतरूवं देवच्छंदयं विउव्वइ ४। तस्स णं देव-
 च्छंदयस्स बहुमज्झदेसभाए एगं महं सपायपीढं नाणामणिकणांयरयणाभत्तिचित्तं
 सुभं चारु कंतरूवं सीहासणां विउव्वइ (२) जेणोव समणो भगवं महावीरे
 तेणोव उवागच्छइ (२) समणां भगवं महावीरं तिक्खुत्तो आयाहिरां
 पयाहिरां करेइ (२) समणां भगवं महावीरं वंदइ नमंसइ (२) समणां भगवं
 महावीरं गहाय जेणोव देवच्छंदए तेणोव उवागच्छइ ५। सणियं (२)
 पुरत्थाभिमुहं सीहासणो णिसीयावेइ सणियं (२) निसीयावित्ता सयपागसह-
 स्सपागेहिं तिल्लेहिं अब्भगेइ (२) गंधकासाइएहि उल्लोलेइ (२) सुद्धोदएणा
 मज्जावेइ (२) जस्स णां मुल्लं सयसहस्सेणां तिपडोलत्तिट्टिएणां साहिएणां
 सीतेण गोसीसरत्त—चंदणोणां अणुलिंपइ (२) इसिं निस्सासवायवोज्झं
 वरनयरपट्टाणुगयं कुसलनरपमंसियं अस्सलालापेलवं छेयारियकणांगखइयं-
 तकम्मं हंसलक्खणां पट्टजुयलं नियंसावेइ (२) हारं अद्धहारं उरत्थं नेवत्थं
 एगावलिं पालंबसुत्तं पट्टमउडरयणामालाउ आविंधावेइ आविंधावित्ता गंधिम-
 वेढिमपूरिमसंधाइमेणां मल्लेणां कण्णरुक्खमिव समलंकरेइ (२) ता दुच्चंपि
 महया वेउव्वियसमुग्घाएणां समोहणाइ (२) एगं महं चंदप्पहं सिबियं
 सहस्सवाहणियं विउव्वति ६। तंजहा—ईहामिग-उसभ-तुरग-नर-मकर-
 विहग-वानर-कुंजर-रु-सरभ-चमर-सहूल-सीह-वणालय भत्तिचित्तं—लय-
 विजाहरमिहुणा-जुयल-जंत-जोग-जुत्तं, अचीसहस्समालिणीयं सुनिरुवियं
 मिसिमिसितरूवग-सहस्स-कलियं इसिं भिसमाणां भिम्मिसमाणां चक्खुल्लो-

यणालेसं मुत्ताहलमुत्ताजालंतरोविष्यं तवणीय-पवरलंबूस-पलंबंत-मुत्तदामं
हारद्धहारभूसण-समोण्यं अहियपिच्छणिज्जं पउमलयभत्तिचित्तं असोगलय-
भत्तिचित्तं कुंदलयभत्तिचित्तं नाणालयभत्तिविरइयं सुभं चारु कंतरूवं नाणाम-
णिपंचवन्न-घंटा-पडायपडिमंडियग्गसिहरं पासाइयं दरिसणिज्जं सुखं, ७ ।

सीया उवणीया जिणवरस्स-जरमरण-विप्पमुक्कस्स ।

ओसत्तमल्लदामा जलथलयदिव्वकुसुमेहिं ॥ १ ॥

सिबियाइ मज्झयारे दिव्वं वररयणारूवचिंचइयं ।

सीहासणां महरिहं सपायपीढं जिणवरस्स ॥ २ ॥

आलइयमालमउडो भासुरबुंदी वराभरणधारी ।

खोमियवत्यनियत्थो जस्स य मुल्लं सयसहस्सं ॥ ३ ॥

छट्ठेण उ भत्तेणं अज्झवसारोण सुंदरेण जिणो ।

लेसाहि विसुज्झंतो आरुहई उत्तमं सीयं ॥ ४ ॥

सीहासणे निविट्ठो सकीसाणा य दोहि पासेहिं ।

वीयंति चामराहिं मणिरयणाविचित्त-दंडाहिं ॥ ५ ॥

पुंवि उक्खित्ता माणुसेहिं साहट्ठु रोमकूवेहिं ।

पच्छा वहंति देवा सुरअसुरा गरुलनागिंदा ॥ ६ ॥

पुरओ सुरा वहंती असुरा पुण दाहिणांमि पासंमि ।

अवरे वहंति गरुला नागा पुण उत्तरे पासे ॥ ७ ॥

वणसंडं व कुसुमियं पउमसरो वा जहा सरयकाले ।

सोहइ कुसुमभरेणां इय गगणयलं सुरगणोहिं ॥ ८ ॥

सिद्धत्थवणां व जहा कणयारवणां व चंपयवणां वा ।

सोहइ कुसुमभरेणां इय गगणयले सुरगणोहिं ॥ ९ ॥

वरपडहभेरिभल्लरि-संखसय-सहस्सिणहिं तूरेहिं ।

गयणयले धरणियले तूरनिनाओ परमरम्मो ॥ १० ॥

ततविततं घणभुसिरं आउज्जं चउव्विहं बहुविहीयं ।

वाइंति तत्थ देवा बहूहिं आनट्टगसएहिं ॥ ११ ॥

तेरां कालेरां तेरां समएणां जे से हेमंताणां पढमे मासे पढमे पक्खे मग्गसिरबहुले तस्स णां मग्गसिरबहुलस्स दसमीपक्खेणां सुव्वएणां दिवसेरां विजएणां मुहुत्तेणां हत्थुत्तरानक्खत्तेरां जोगोवगएणां पाइणागामिणीए छायाए वियत्ताए विइयाए पोरिसीए छट्ठेणां भत्तेणां अपाणाएणां एगसाडगमायाए चंदप्पभाए सिवियाए सहस्सवाहिणियाए सदेवमाणुयासुराए परिसाए समणि-ज्जमाणो उत्तरखत्तिय-कुंडपुरसंनिवेशस्स मज्झमज्जेणां निगच्छइ (२) जेणोव नायसंडे उज्जाणो तेणोव उवागच्छइ (२) इंसिं रयणिप्पमाणां अच्चोप्पेरां भूमि-भाएणां सणियं (२) चंदप्पभं सिवियं सहस्सवाहिणिं ठ्वेइ (२), सणियं (२) चंपप्पभाओ सीयाओ सहस्सवाहिणीओ पच्चोयरइ (२), सणियं (२) पुरत्था-भिमुहे सीहासणो निसीयइ आभरणांलंकारं ओमुअइ १। तओ णां वेसमणो देवे भत्तुव्वायपडिओ भगवओ महावीरस्स हंसलक्खणोणां पडेणां आभरणा-लंकारं पडिच्छइ, १०। तओ णां समणो भगवं महावीरे दाहिणोणां दाहिणां वामेणां वामं पंचमुट्ठियं लोयं करेइ ११। तओ णां सक्के देविंदे देवराया समणस्स भगवओ महावीरस्स जन्नवायपडिए वइरामएणां थालेणां केसाइं पडिच्छइ (२) अणुजाणोसि भंते त्तिकट्टु खीरोयसागरं साहरइ, १२। तओ णां समणो जाव लोयं करित्ता सिद्धाणां नमुक्कारं करेइ (२), सब्बं मे अकरणिज्जं पावकम्मं त्तिकट्टु सामाइयं चरित्तं पडिवज्जइ २ देवपरिसं च मणुयपरिसं च आलिक्खचित्तभूयमिव ठ्वेइ १३। दिव्वो मणुस्सघोसो तुरियनिनाओ य सक्कवयणोणां । खिप्पामेव निलुक्को जाहे पडि-वज्जइ चरित्तं ॥१॥ पडिवज्जित्तु चरित्तं अहोणिसं सब्बपाणाभूयहियं । साहट्टु लोमपुलया सब्बे देवा निसामिति ॥ २-१४ । तओ णां समणस्स भगवओ महावीरस्स सामाइयं खओवसमियं चरित्तं पडिवन्नस्स मणुपज्जवनाणो

नामं नागो समुप्पन्ने अड्ढाइज्जेहिं दीवेहिं दोहि य समुद्देहिं सन्नीणां पंचि-
दियाणां पज्जत्ताणां वियत्तमणसाणां मणोगयाइं भावाइं जाणेइ १५ । तत्रो णं
समणो भगवं महावीरे पव्वइए समाणो मित्तनाइं सयणासंबंधिवग्गं पांडविस-
ज्जेइ, (२), इमं एयारूवं अभिग्गहं अभिगिराहइ—वारस वासाइं वोसट्टकाए
त्रियत्तदेहे जे केइ उवसग्गा समुप्पज्जंति, तंजहा—दिग्वा वा माणुस्सा वा
तेरिच्छिया वा, ते सव्वे उवसग्गे समुप्पन्ने समाणो सम्मं सहिस्सामि खमि-
स्सामि अहिआसइस्सामि १६। तत्रो णं समणो भगवं महावीरे इमं एयारूवं
अभिग्गहं अभिगिरिहत्ता वोसिट्टचत्तदेहे दिवसे मुहुत्तसेसे कुम्मारगामं
समणुपत्ते १७। तत्रो णं समणो भगवं महावीरे वोसिट्टचत्तदेहे अणुत्तरेणां
आलएणां अणुत्तरेणां विहारेणां एवं संजमेणां पग्गहेणां संवरेणां तवेणां वंभ-
चेरवासेणां खंतीए मुत्तीए समिइए गुत्तीए तुट्टीए ठाणेणां कमेणां सुचरियफल-
निव्वाणमुत्तिमग्गेणां अप्पाणां भावेमाणे विहरइ, एवं वा विहरमाणस्स जे
केइ उवसग्गा समुप्पज्जंति—दिग्वा वा माणुस्सा वा त्तिरिच्छिया वा, ते
सव्वे उवसग्गे समुप्पन्ने समाणो अणाउले अव्वहिए अदीणमाणसे तिविह-
माणवयणाकायगुत्ते सम्मं सहइ खमइ तितिकखइ अहियासेइ १८। तत्रो णं
समाणस्स भगवत्रो महावीरस्स एणां विहारेणां विहरमाणस्स वारस वासा
वीइक्कंता तेरसमस्स य वासस्स परिआए वट्टमाणस्स जे से गिम्हारां दुच्चे
मासे चउत्थे पक्खे वइसाहसुद्धे तरस रां वेसाहसुद्धस्स दसमीपक्खेणां सुव्व-
एणां दिवसेणां विजएणां मुहुत्तेणां हत्थुत्तराहिं नक्खत्तेणां जोगोवगंएणां
पाइणगामिणीए छायाए वियत्ताए पोरिसीए जंभियगामस्स नगरस्स
बहिया नइए उज्जुवालियाए उत्तरकूले सामागस्स गाहावइस्स कट्टकरांसि
उड्ढंजाणुअहोसिरस्स भाणकोट्टोवगयस्स वेयावत्तस्स चेइयस्स उत्तरपुरच्छि-
मे दिसीभागे सालरुक्खस्स अदूरसामंते उक्कडुयस्स गोदोहियाए आयावणाए
आयावेमाणस्स छट्ठेणां भत्तेणां अपाणएणां सुक्कज्जभारांतरियाए वट्टमाणस्स

निव्वारो कसिरो पडिपुन्ने अब्वाहए निरावरणे अण्ते अणुत्तरे केवलवरणा-
 णदंसरो समुप्पन्ने १६। से भगवं अरहं जिणे (जाणए) केवली सब्वन्नू
 सब्वभावदरिसी सदेवमणुयासुरस्स लोगस्स पज्जाए जाणइ, तंजहा--आगइं
 गइं ठिइं चयणं उववायं भुत्तं पीयं कडं पडिसेवियं आविकम्मं, र्होकम्मं
 लवियं क्हियं मणोमाणसियं सब्वलोए सब्वजीवाणं सब्वभावाइं जाणमाणे
 पासमाणे एवं च णं विहरइ २०। जराणं दिवसं समणस्स भगवओ महावीरस्स
 निव्वारो कसिरो (त्तच्चणो, निच्चणे) जाव सुमुप्पन्ने तराणं दिवसं भवणा-
 वइवाणमंतर-जोइसियविमाणवासिदेवेहि य देवीहिं उवयंतेहिं जाव उप्पिज-
 ल्गम्भूए यावि हुत्था २१। तओ णं समणे भगवं महावीरे उप्पन्नवरणा-
 दंसणाधरे अप्पाणं च लोगं च अभिसमिक्ख पुच्चं देवाणं धम्ममाइक्खइ २२।
 ततो पच्छा मणुस्साणं, तओ णं समणे भगवं महावीरे उप्पन्ननाणादस-
 णाधरे गोयमाइणं समणाणं पंच महव्वयाइं सभावणाइं छज्जीवनिकाया
 आतिकखति भासइ परूवेइ, तं-पुढवीकाए जाव तसकाए, पढमं भंते ! मह-
 व्वयं पच्चक्खामि सब्वं पाणाइवायं से सुहुमं वा बायरं वा तसं वा थावरं
 वा नेव सयं पाणाइवायं करिज्जा (३) जावज्जीवाए तिविहं तिविहेणं मणसा
 चयसा कायसा तस्सं भंते पडिक्कमामि निंदामि गरिहामि अप्पाणं वोसिरामि
 २३। तस्सिमाओ पंचभावणाओ भवंति, तत्थिमा पढमा भावणा-इरियासमिए
 से निग्गंथे नो अणइरियासमिएत्ति, केवली बूया-अणइरियासमिए से निग्गंथे
 पाणाइं भूयाइं जीवाइं सत्ताइं अभिहणिज्ज वा वत्तिज्ज वा परियाविज्ज वा
 लेसिज्ज वा उद्विज्ज वा, इरियासमिए से निग्गंथे नो इरिया-असमिइत्ति
 पढमा भावणा १। अहाव्वरा दुच्चा भावणा-मणं परियाणइ से निग्गंथे, जे य
 मणे पावणं सावज्जे सकिरिए अराहयकरे छेयकरे भेयकरे अहिगरणिए
 पाउसिए पारियाविए पाणाइनाइए भूओवघाइए, तहप्पगारं मणं नो पधा-
 रिज्जा गमणाए, मणं परिजाणइ से निग्गंथे, जे य मणे अपावएत्ति दुच्चा

भावणा २। अहावरा तच्चा भावणा-वइं परिजाणइ से निग्गंथे, जा य वइ पाविया सावज्जा सकिरिया जाव भूओवघाइया तहप्पगारं वइं नो उच्चारिज्जा, जे वइं परिजाणइ से निग्गंथे, जाव वइ अपावियत्ति तच्चा भावणा ३। अहावरा चउत्था भावणा-आयाणभंडमत्तनिक्खेवणासमिए, से निग्गंथे, नो अणापभंडमत्त-निक्खेवणासमिए, केवली बूया-आयाण-भंडमत्तनिक्खेवणासमिए से निग्गंथे पाणाइं भूयाइं जीवाइं सत्ताइं अभिहणिज्जा वा जाव उद्विज्ज वा, तम्हा आयाणभंडमत्तनिक्खेवणासमिए से निग्गंथे, नो आयाणभंडमत्तनिक्खेवणा-असमिएत्ति चउत्था भावणा ४। अहावरा पंचमा भावणा-आलोइय-पाणभोयणभोइ से निग्गंथे नो अणालोइय-पाणभोयणभोइ केवली बूया-अणालोइयपाणभोयणभोइ से निग्गंथे पाणाणि वा (४) अभिहणिज्ज वा जाव उद्विज्ज वा, तम्हा आलोइय पाणभोयणभोइ से निग्गंथे नो अणालोइयपाणभोयणभोइति पंचमा भावणा ५। २४। एयावता महव्वए सम्मं काएणा फासिए पालिए तीरिए किट्टिए अवट्टिए आणाए आराहिए यांवि भवइ, पढमे भंते ! महव्वए पाणाइवायाओ वेरमाणं २५॥ अहावरं दुच्चं महव्वयं पच्चक्खामि, सव्वं मुसावायं वइदोसं, से कोहा वा लोहा वा भया वा हासा वा नेव सयं मुसं भासिज्जा नेवन्नेणं मुसं भासाविज्जा अन्नंपि मुसं भासंतं न समणुमन्निज्जा तिविहं तिविहेण मणासा वयसा कायसा, तस्स भंते ! पडिक्कमामि जाव वोसिरामि २६॥ तस्सिमाओ पंच भावणाओ भवंति-तत्थिमा पढमा भावणा-अणुवीइभासी से निग्गंथे नो अणुवीइभासी केवली बूया-अणुवीइभासी से निग्गंथे समावज्जिज्ज मोसं वयणाए, अणुवीइभासी से निग्गंथे नो अणुवीइभासित्ति पढमा भावणा १। अहावरा दुच्चा भावणा कोहं परियाणइ से निग्गंथे नो कोहणे सिया, केवली बूया-कोहप्पत्ते कोहत्तं समावइज्जा मोसं वयणाए, कोहं परियाणइ से निग्गंथे न य कोहणे सियत्ति दुच्चा भावणा २। अहावरा तच्चा

भावणा-लोभं परियाण्ड से निग्गंथे नो अ लोभणए सिया, केवली बूया-
लोभपत्ते लोभी समावइज्जा मोसं वयणाए, लोभं परियाण्ड से निग्गंथे नो
य लोभणए सियात्ति तच्चा भावणा ३। अहावरा चउत्था भावणा-भयं
परिजाण्ड से निग्गंथे नो भयभीरुए सिया, केवली बूया-भयपत्ते भीरुसमा-
वइज्जा मोसं वयणाए, भयं परिजाण्ड से निग्गंथे नो भयभीरुए सिया
चउत्था भावणा ४। अहावरा पंचमी भावणा-हासं परियाण्ड से निग्गंथे
नो य हासणए सिया, केवली बूया-हासपत्ते हासी समावइज्जा मोसं वयणाए,
हासे परियाण्ड से निग्गंथे नो हासणए सियात्ति पंचमी भावणा ५-२७ ।
एतावता दोच्चे महव्वए सम्मं काएण फासिए जाव आणए आराहिए
यावि भवइ दुच्चे भंते महव्वए २८। अहावरं तच्चं भंते ! महव्वयं पच्च-
क्खामि सव्वं अदिन्नादाणां, से गामे वा नगरे वा रन्ने वा अण्णं वा बहुं
वा अण्णुं वा थूलं वा चित्तमंतं वा अचित्तमंतं वा नेव सयं अदिन्नं
गिरिहज्जा नेवन्नेहिं अदिन्नं गिराहाविज्जा अदिन्नं अन्नंपि गिरहंतं न
समणुजाणिज्जा जावज्जीवाए जाव वोसिरामि २९। तस्सिमात्त्रो पंच भाव-
णात्त्रो भवंति, तत्थिमा पट्टमा भावणा-अणुवीइ मिउग्गहं जाइ से निग्गंथे
नो अणुणुवीइ मिउग्गहं जाइ से निग्गंथे, केवली बूया-अणुणुवीइ
मिउग्गहं जाइ निग्गंथे, अदिन्नं गिराहेज्जा, अणुवीइ मिउग्गहं जाइ से
निग्गंथे नो अणुणुवीइ मिउग्गहं जाइत्ति पट्टमा भावणा १। अहावरा दुच्चा
भावणा-अणुन्नविय पाणभोयणभोइ से निग्गंथे नो अणुणुन्नविय पाणभो-
यणभोइ, केवली बूया अणुणुन्नविय पाणभोयणभोइ से निग्गंथे अदिन्नं
भुंज्जिजा, तम्हा अणुणुन्नविय पाणभोयणभोइ से निग्गंथे नो अणुणुन्नविय
पाणभोयणभोइत्ति दुच्चा भावणा २। अहावरा तच्चा भावणा-निग्गंथेणां
उग्गहंसि उग्गहियंसि एतावताव उग्गहणसीलए सिया, केवली बूया-निग्गं-
थेणां उग्गहंसि अणुग्गहियंसि एतावता अणुग्गहणसीले अदिन्नं अगिरिह-

ज्ञा, निग्गंथेणां उग्गहं उग्गहियंसि एतावताव उग्गहणासीलएति तच्चा भावणा
 ३। अहावरा चउत्था भावणा-निग्गंथेणां उग्गहंसि उग्गहियंसि अभि-
 वखणां (२) उग्गहणासीलए सिया, केवली बूया निग्गंथेणां उग्गहंसि उ अभि-
 वखणां (२) अणुग्गहणासीले अदिन्नं गिरिहज्जा, निग्गंथे उग्गहंसि उग्ग-
 हियंसि अभिवखणां (२) उग्गहणासीलएत्ति चउत्था भावणा ४। अहावरा
 पंचमा भावणा-अणुवीइ मिउग्गहजाइ से निग्गंथे साहम्मिएसु, नो अणु-
 णुवीइ मिउग्गहजाइ, केवली बूया-अणुणुवीइ मिउग्गहजाइ से निग्गंथे
 साहम्मिएसु अदिन्नं उगिरिहज्जा अणुवीइ-मिउग्गहजाइ से निग्गंथे साह-
 म्मिएसु नो अणुणुवीइ मिउग्गहजाती इइ पंचमा भावणा ५-३० । एता-
 वया तच्चे महव्वए सम्मं काएण फासिए जाव आणाए आराहए यावि
 भवइ, तच्चं भंते । महव्वयं ३१ । अहावरं चउत्थं महव्वयं पच्चक्खामि
 सव्वं मेहुणां से दिव्वं वा माणुस्सं वा तिरिक्खजोणियं वा नेव सयं मेहुणां
 गच्छेज्जा तं चेवं अदिन्नादाणावत्तव्वया भाणियव्वा जाव वोसिरामि ३२ ।
 तस्सिमाओ पंच भावणाओ भवंति, तत्थिमा पढमा भावणा-नो निग्गंथे
 अभिवखणां (२) इत्थीणां कंहं कहित्तए सिया, केवली बूया-निग्गंथे णां
 अभिवखणां (२) इत्थीणां कंहं कहेमाणो संतिभेया संतिविभंगा संतिकेवली-
 पन्नत्ताओ धम्माओ भंसिज्जा, नो निग्गंथेणां अभिवखणां (२) इत्थीणां कंहं
 कहित्तए सियत्ति पढमा भावणा १। अहावरा दुच्चा भावणा-नो निग्गंथे
 इत्थीणां मणोहराइं (२) इंदियाइं आलोइत्तए निज्झाइत्तए सिया, केवली बूया-
 निग्गंथेणां इत्थीणां मणोहराइं (२) इंदियाइं आलोएमाणो निज्झाएमाणो संति-
 भेया संतिविभंगा जाव धम्माओ भंसिज्जा, नो निग्गंथे इत्थीणां मणोहराइं
 (२) इंदियाइं आलोइत्तए निज्झाइत्तए सियत्ति दुच्चा भावणा २। अहावरा
 तच्चा भावणा-नो निग्गंथे इत्थीणां पुव्वरयाइं पुव्वकीलियाइं सुमरित्तए सिया,
 केवली बूया-निग्गंथेणां इत्थीणां पुव्वरयाइं पुव्वकीलियाइं सरमाणो संतिभेयां

जाव भंसिज्जा, नो निग्गंथे इत्थीणां पुव्वरयाइं पुव्वकीलियाइं सरित्तए सियत्ति तच्चा भावणा ३। अहावरा चउत्था भावणा-नाइमत्तपाणाभोयणाभोइ से निग्गंथे न पणीयरभोयणाभोइ से निग्गंथे, केवली बूया-अइमत्तपाणाभोयणाभोयणाभोइ से निग्गंथे पणियरसभोयणाभोइ संतिभेया जाव भंसिज्जा, नाइमत्तपाणाभोयणाभोइ से निग्गंथे नो पणीयरसभोयणाभोइ त्ति चउत्था भावणा ४। अहावरा पंचमा भावणा-नो निग्गंथे इत्थीपसुपंडगसंसत्ताइं सयणासणाइं सेवित्तए सिया, केवली बूया-निग्गंथे णं इत्थीपसुपंडगसंसत्ताइं सयणासणाइं सेवेमाणो संतिभेया जाव भंसिज्जा, नो निग्गंथे इत्थीपसुपंडगसंसत्ताइं सयणासणाइं सेवित्तए सियत्ति पंचमा भावणा ५-३३। एतावया चउत्थे महव्वए सम्मं काएणा फासिए जाव आराहिए यावि भवइ, चउत्थं भंते ! महव्वयं ३४। अहावरं पंचमं भंते ! महव्वयं सव्वं परिग्गहं पच्चक्खामि से अण्णं वा बहुं वा अण्णं वा थूलं वा चित्तमंतमचित्तं वा नेव सयं परिग्गहं गिरिहज्जा नेवन्नेहि परिग्गहं गिरहाविज्जा अन्नंपि परिग्गहं गिरहंतं न समणुजाणिज्जा जाव वोसिरामि ३५। तस्सिमात्थो पंच भावणात्थो भवंति, तत्थिमा पढमा भावणा-सोयत्थो णं जीवे (मणुन्ना) मणुन्नाइं सहाइं सुणोइ मणुन्नामणुन्नेहिं सहेहि नो सज्जिज्जा नो रज्जिज्जा नो गिज्जेज्जा नो मुज्झि(च्छे)ज्जा नो अज्झोवव-ज्जिज्जा नो विणिघायमावज्जेज्जा, केवली बूया-निग्गंथे णं मणुन्नामणुन्नेहिं सहेहिं सज्जमाणो रज्जमाणो जाव विणिघायमावज्जमाणो संतिभेया संतिवि-भंगा संतिकेवल्लिपन्नत्तात्थो धम्मात्थो भंसिज्जा; न सक्का न सोउं सद्दा, सोतविसयमागया । रागदोसा उ जे तत्थ, से भिक्खु परिवज्जए ॥ १ ॥ सोयत्थो जीवे मणुन्नामणुन्नाइं सहाइं सुणोइ पढमा भावणा १ । अहावरा दुच्चा भावणा-चक्खुत्थो जीवो मणुन्नामणुन्नाइं रूवाइं पासइ मणुन्नामणुन्नेहिं रूवेहिं सज्जमाणो जाव विणिघायमावज्जमाणो संतिभेया जाव भंसिज्जा, न सक्का रूवमहट्ठ, चक्खुविसयमागयं । रागदोसा उ जे

तत्थ, ते भिक्खु परिवज्जे ॥ १ ॥ चक्खुत्थो जीवो मणुन्नामणुन्नाइं रुवाइं पासइ, दुच्चा भावणा । अहावरा तच्चा भावणा—घ्राणत्थो जीवे मणुन्नामणुन्नाइं गंधाइं अग्घायइ मणुन्नामणुन्नेहि गंधेहिं नो सज्जिजा नो रज्जिजा जाव नो विणिघायमावज्जिजा, केवली बूया-मणुन्नामणुन्नेहिं गंधेहिं सज्जमारो जाव विणिघायमावज्जमारो संतिभेया जाव भंखिजा, न सक्का गंधमग्घाउं; नासा-विसयमागयं । रागदोसा उ जे तत्थ, ते भिक्खु परिवज्जे ॥ १ ॥ घ्राणत्थो जीवो मणुन्नामणुन्नाइं गंधाइं अग्घाइत्ति-तच्चा भावणा ३ । अहावरा चउत्था भावणा—जिब्भात्थो जीवो मणुन्नामणुन्नाइं रसाइं अस्साएइ, मणुन्नामणुन्नेहिं रसेहिं नो सज्जिजा जाव नो विणिघायमावज्जिजा, केवली बूया—निग्गंथेणं मणुन्नामणुन्नेहिं रसेहिं सज्जमारो जाव विणिघायमावज्जमारो संतिभेया जाव भंसिजा,—न सक्का रसमस्माउं, जीहाविसयमागयं । रागदोसा उ जे तत्थ, ते भिक्खु परिवज्जे ॥ १ ॥ जीहात्थो जीवो मणुन्नामणुन्नाइं रसाइं अस्साएइत्ति चउत्था भावणा ४ । अहावरा पंचमा भावणा—फासत्थो जीवो मणुन्नामणुन्नाइं फासाइं पडिसेवेएइ मणुन्नामणुन्नेहिं फासेहिं नो सज्जिजा जाव नो विणिघायमावज्जिजा, केवली बूया—निग्गंथेणं मणुन्ना—मणुन्नेहिं फासेहिं सज्जमारो जाव विणिघायमावज्जमारो संतिभेया संतिविभंगा संति-केवलीपन्नत्तात्थो धम्मात्थो भंसिजा, न सक्का फासमवेएउं, फासविसयमागयं । रागदोसा उ जे तत्थ ते भिक्खु परिवज्जे ॥ १ ॥ फासत्थो जीवो मणुन्नामणुन्नाइं फासाइं पडिसेवेएत्ति पंचमा भावणा ५ । ३६। एतावता पंचमे महव्वते सम्मं अत्रट्टिए आणाए आराहिए यावि भवइ, पंचमं भते । महव्वयं ३७। इव्वेएहिं पंचमइज्जएहिं पण्णवीसाहि य भावणाहिं संप्पन्ने अणागारे अहाल्लुयं अहाकप्पं अहामग्गं सम्मं काएण फासित्ता पालित्ता तीरित्ता किट्टित्ता आणाए आराहित्ता यावि भवइ ३८ ॥सू० १७६॥

॥ इति तृतीयचूला-भावनाऽध्ययनम् ॥ श्रु० २ चू०-३ मूलतः-२४ ॥

॥ चतुर्थं चूला-विमुक्त्यध्ययनं ॥

अणिच्चमावासमुविंति जंतुणो, पलोयए सुच्चमिणं अणुत्तरं ।
 उविसिरे विन्नु अगारबंधणां, अभीरु आरंभपरिगहं चए ॥१॥
 तहागयं भिक्खुमरांतसंजयं, अणोलिसं विन्नु चरंतमैसणां ।
 तुदंति वायाहि अभिइवं नरा, सरेहिं संगामगयं व कुंजरं ॥२॥
 तहप्पगारेहिं जणेहिं हीलिए, ससइफासा फरुसा उइरिया ।
 तित्तिक्खए नाणी अदुट्टुचेअसा गिरिव्व वाएण न संपवेयए ॥३॥
 उवेहमाणो कुसलेहिं संवंसे, अकंतदुक्खी तसथावरा दुही ।
 अलूसए सब्बसहे महामुणी, तहा हि से सुस्समाणे समाहिए ॥४॥
 विऊनए धम्मपयं अणुत्तरं, विणीयतराहस्स मुणिसस भायओ ।
 समाहियस्सग्गिसिहा व तेयसा, तवो य पन्ना य जसो य वड्डइ ॥५॥
 दिसोदिसंणंतजिणेण ताइणा, महव्वया खेमप गा पवेइया ।
 महागुरू निस्सयरा उइरिया, तमेव तेउत्तिदिसं पगासगा ॥६॥
 सिएहिं भिक्खु असिए परिव्वए, असज्जमित्थीसु चइज्ज पूयणां ।
 अणिसिओ लोगमिणं तहा परं, न मिज्जइ कामगुणेहिं पंडिए ॥७॥
 तहा विमुक्कस्स परिन्नचारिणो, धिइमओ दुक्खखमस्स भिक्खुणो ।
 विसुज्जभइ जंसि मलं पुरेकडं, समीरियं रूपमलं व जोइणा ॥८॥
 से इ परिन्नासमयंमि वट्टइ, निराससे उवरय मेहुणा चरे ।
 भुयंगमे जुन्नतयं जहा चए विमुच्चइ से दुहसिज्ज माहणे ॥९॥
 जमाहु ओहं सलिलं अपारयं, महासमुदं व भुयाहि दुत्तरं ।
 अहे य णं परिजाणाहि पंडिए, से इ मुणी अंतकडेत्ति बुच्चइ ॥१०॥

जहा हि बद्धं इह माणावेहिं, जहा य तेसिं तु विमुक्खयाहिए ।
 अहा तथा बंध विमुक्ख जे विऊ, से हु मुणी अंतकडेत्ति बुच्चइ ॥११॥
 इमंमि लोए परए य दोसुवि, न विज्जइ बंधण जस्स किंचि वि ।
 से हु निरालंबणमप्पइट्टिए, कलंकली भावपहं विमुच्चइ ॥१२॥ त्तिवेमि

॥ इति चतुर्थ-चूला-विमुक्त्यध्ययनम् ॥श्रु०२-चू०४-मूलतः--२५

॥ इति द्वितीय-श्रुतस्कन्धः ॥ २ ॥

॥ इति श्रीमदाचारांग-सूत्रम् ॥

॥ ग्रंथाग्रं-२५५४ ॥



॥ अहम् ॥

गणधरदेव श्रीमत्सुधर्मस्वामिनिर्मितं

॥ श्रीमत्सूत्रकृताङ्गम् ॥

॥ अथ समयाख्ये प्रथमाध्ययने प्रथमोद्देशकः ॥

बुद्धिजति तिउ(तिकु)ट्टिजा, बंधणं परिजाणिया । किमाह बंधणं वीरो, किंवा जाणं तिउट्टई ? ॥१॥ चित्तमन्तमचित्तं वा, परिगिज्भ किस्सामवि । अन्नं वा अणुजाणाइ, एवं दुक्खा ण मुचइ ॥२॥ सयं तिवायए पाणो, अदुवाऽन्नेहिं घायए । हरांतं वाऽणुजाणाइ, वेरं वडढइ अप्पणो ॥३॥ जस्सि कुले समुप्पन्ने, जेहिं वा संवसे नरे । ममाइ लुप्पई बाले, अरणो अरणोहि मुच्छिइ ॥४॥ वित्तं सोयरिया चेत्तु, सव्वमेयं न ताणइ । संखाए जीविअं चेवं, कम्मणा उ तिउट्टइ ॥५॥ एए गंथे विउक्कम्म, एगे समणमाहणा । अयारांता विउस्सित्ता, सत्ता कामेहि माणावा ॥६॥ संति पंच महब्भूया, इहमेगेसिमाहिया । पुढ्वी आउ तेऊ वा, वाउ आगासपंचमा ॥७॥ एए पंच महब्भूया, तेव्वो एगोत्ति आहिया । अह तेसिं विणासेणां, विणासो होइ देहिणो ॥८॥ जहा य पुढ्वीथूभे, एगे नाणाहि दीसइ । एवं भो ! कसिणो लोए, विन्नू नाणाहि दीसइ (वडढइ) ॥९॥ एवमेगेत्ति जप्पंति, मंदा आरंभणिस्सिअ । एगे किच्चा सयं पावं, तिक्खं दुक्खं (तेणां तिक्खं) नियच्छइ ॥१०॥ पत्तेअं कसिणो आया, जे बाला जे अ पंडिअ । संति पिच्चा न ते संति, नत्थि सत्तोववाइया ॥११॥ नत्थि पुणो व पावे वा, नत्थि लोए इतो वरे । सरीरस्स विणासेणां, विणासो होइ देहिणो ॥१२॥ कुब्बं च कारयं चेव, सव्वं कुब्बं न विज्जई । एवं अकारअो अप्पा, एवं ते उ पगब्भिअ १३॥ जे ते उ वाइणो एवं, लोए तेसिं कअो सिय ! । तमाअो ते तमं जंति, मंदा आरंभ

निस्सिया ॥१४॥ संति पंच महब्भूया, इहभेगेसि आहिया । आयळट्टो पुणो
 आहु, आया लोगे य सासए ॥१५॥ दुहत्रो ण विणस्संति, नो य उप्पज्जए
 असं । सव्वेऽवि सव्वहा भावा, नियत्तीभावमागया ॥१६॥ पंच खंधे वयंत्तेगे,
 बाला उ खणजोइणो । अणणो अणणणो गोवाहु, हेउयं च अहेउयं ॥१७॥
 पुढ्वी आउ तेऊ य, तहा वाऊ य एगत्रो । चत्तारि धाउणो रूवं, एवमा-
 हंसु आवरे ॥१८॥ अणारमावसंतावि, अरणणा वावि पव्वया । इमं दरिस-
 णामावराणा, सव्वदुक्खा विमुच्चई ॥१९॥ ते णावि संधिं णच्चा णं, न ते
 धम्मवित्रो जणा । जे ते उ वाइणो एवं, न ते ओहंतराऽऽहिया ॥२०॥ ते
 णावि संधिं णच्चा णं, न ते धम्मवित्रो जणा । जे ते उ वाइणो एवं, न
 ते संसारपारगा ॥२१॥ ते णावि संधिं णच्चा णं, न ते धम्मवित्रो जणा ।
 जे ते उ वाइणो एवं, न ते गव्वभस्स पारगा ॥२२॥ ते णावि संधिं णच्चा
 णं, न ते धम्मवित्रो जणा । जे-ते उ वाइणो एवं, न ते जम्मस्स पारगा
 ॥२३॥ ते णावि संधिं णच्चा णं, न ते धम्मवित्रो जणा । जे ते उ वाइणो
 एवं, न ते दुक्खस्स पारगा ॥२४॥ ते णावि संधिं णच्चा णं, न ते धम्म-
 वित्रो जणा । जे ते उ वाइणो एवं, न ते मारस्स पारगा ॥२५॥ नाणा-
 विहाइं दुक्खाइं, अणुहोति पुणो पुणो । संसारचकवालंमि, मच्चुवाहिजरा-
 कुले ॥२६॥ उच्चावयाणि गच्छंता, गव्वभेस्संति णंतसो । नायपुत्ते महा-
 वीरे, एवमाह जिणोत्तमे ॥२७॥ इति बेमि ॥

॥ इति प्रथमाध्ययने प्रथमोद्देशकः ॥१-१॥

॥ अथ प्रथमाध्ययने द्वितीय उद्देशकः ॥

आघायं पुण एगेसिं, उववराणा पुढो जिया । वेदयंति सुहं दुक्खं,
 अदुवा लुप्पंति ठाणत्रो ॥१॥ न तं सयं कडं दुक्खं, कत्रो अन्नकडं च
 णं ? । सुहं वा जइवा दुक्खं, सेहियं वा असेहियं ॥२॥ सयं कडं न

अरगोहिं, वेदयंति पुढो जिया । संगइअं तं तहा तेसिं, इहमेगेसि आहिअं
 ॥३॥ एवमेयाणि जंपंता, बाला पंडिअमाणिणो । निययानिययं संतं, अया-
 णंता अबुद्धिया ॥४॥ एवमेगे उ पासत्था, ते भुज्जो विप्पगब्भिया । एवं
 उवट्टि(पवट्टि)आ संता, ण ते दुक्खविमोक्खया ॥५॥ जविणो मिगा
 जहा संता, परिताणोण वज्जिया । असंकिआइं संकंति, संकिआइं असंकिणो
 ॥६॥ परियाणिआणि संकंता, पासिताणि असंकिणो । अरणाणभयसंवि-
 ग्गा, संपलित्ति तहिं तहिं ॥७॥ अह तं पवेज्ज बज्झं, अहे बज्झस्स वा वए
 मुच्चेज्ज पयपासाओ (पयपासाई), तं तुमं दे ण देहए ॥८॥ अहिअप्पाअहि
 यपराणाणे, विसमंतेणुवागते । स बद्धे पयपासेणं, तत्थ घायं नियच्छइ ॥९॥
 एवं तु समणा एगे, मिच्छदिट्ठी अणारिया । असंकिआइं संकंति, संकिआइं
 असंकिणो ॥१०॥ धम्मपराणवणा जा सा, तं तु संकंति मूढगा । आरंभाइं
 न संकंति, अविअत्ता अकोविया ॥११॥ सब्बप्पगं विउक्कस्सं, सब्बं णुमं
 विह्वणिया । अप्पत्तिअं अकम्मंसे, एयमट्ठं मिगे चुए ॥१२॥ जे एयं नाभि-
 जाणंति, मिच्छदिट्ठी अणारिया । मिगा वा पासबद्धा ते, घायमेसंति णंतसो
 ॥१३॥ माहणा समणा एगे, सब्बे नाणं सयं वए । सब्बलोगेअवि जे पाणा,
 न ते जाणंति किंचण ॥१४॥ मिलक्खु अमिलक्खुस्स, जहा वुत्ताणुभासए
 ण हेउं से विजाणाइ, भासिअं तअणुभासए ॥१५॥ एमवन्नाणिया नाणं,
 वयंतावि सयं सयं । निच्छयत्थं न याणंति, मिलक्खुव्व अओहिया ॥१६॥
 अन्नाणियाणं वीमंसा, अरणाणे ण (नाणे नो व) विनियच्छइ । अप्पणो
 य परं नालं, कुतो अन्नाणुसासिउं ? ॥१७॥ वणे मूढे जहा जंतू, मूढे
 णेयाणुगामिए । दोवि एए अकोविया, तिव्वं सोयं नियच्छइ ॥१८॥ अंधो
 अंधं पहं णित्तो, दूरमद्धाणु गच्छइ । आवज्जे उप्पहं जंतू, अदुवा पंथाणुगामिए
 ॥१९॥ एवमेगे णियायट्ठी, धम्मंमाराहगा वयं । अदुवा अहम्ममावज्जे, ण
 ते सज्जज्जुयं वए ॥२०॥ एवमेगे वियक्काहिं, नो अन्नं पज्जुवासिया ।

अप्पणो य वियक्काहिं, अयमंजूहिं दूमई ॥२१॥ एवं तकाइ साहिंता, धम्मा-
 धम्मे अकोविया । दुक्खं ते नाइत्तुटंति, सउणी पंजरं जहा ॥२२॥ सयं
 सयं पसंसंता, गरहंता परं वयं । जे उ तत्थ विउस्संति, संसारं ते विउ-
 स्सिया ॥२३॥ अहावरं पुरक्खायं, किरियावाइदरिसणं । कम्मचिंतापणट्ठाणं
 दुक्खखंधस्स वड्डणं (संसारस्स पवड्डणं) ॥२४॥ जाणं काएणऽणाउट्ठी, अउहो
 जं च हिंसति । पुट्ठो संवेदइ परं, अवियत्तं खु सावज्जं ॥२५॥ संतिमे तउ
 आयाणा, जेहिं कीरइ पावगं । अभिक्कमा य पेसा य, मणसा अणुजाणिया
 ॥२६॥ एते उ तउ आयाणा, जेहिं कीरइ पावगं । एवं भावविसोहीए,
 निव्वाणमभिगच्छइ ॥२७॥ पुत्तं पिया समारब्भ, आहारेज्ज असंजए ।
 भुंजमाणो य मेहावी, कम्मणा नोवलिप्पइ ॥२८॥ मणसा जे पउस्संति,
 चित्तं तेसिं ण विज्जइ । अणवज्जमतहं तेसिं, ण ते संबुड्चारिणो ॥२९॥
 इच्चेयाहि य दिट्ठीहिं, सातागारवणिस्सिया । सरणांति मन्नमाणा, सेवंती
 पावगं जणा ॥३०॥ जहा अस्साविणिं णावं, जाइअंधो दुरूहिया । इच्छई
 (इच्छिज्जा) पारमागंतुं, अंतरा य विसीयई ॥३१॥ एवं तु समणा एगे,
 मिच्छदिट्ठी अणारिया । संसारपारकंखी ते, संसारं अणुपरियट्ठंति ॥३२॥

स्तिवेमि ॥ गाथाग्रं ॥५६॥ इति प्रथमाध्ययने द्वितीयोद्देशकः ॥१-२॥

॥ अथ प्रथमाध्ययने तृतीयोद्देशकः ॥

जं किंचि उ पूइकडं, सट्ठीमागंतुभीहियं । सहस्संतरियं भुंजे, दुपक्खं
 चेव सेवइ ॥ १ ॥ तमेव अवियाणंता, विसमंसि अकोविया । मच्छा वेसा-
 लिया चेव, उदगस्सऽभियागमे ॥ २ ॥ उदगस्स पभावेणं, सुक्कं सिग्घं तमिति
 उ(सुक्कंमि घातमिति उ) ढंकेहि य कंकेहि य, आमिसत्थेहिं ते दुढी ॥ ३ ॥
 एवं तु समणा एगे, वट्टमाणसुहेसिणो । मच्छा वेसालिया चेव, घातमेस्संति
 णंतसो ॥ ४ ॥ इणमन्नं तु अन्नाणं, इहमेगेसि आहियं । देवउत्ते अयं

लोप, बंधउत्तेति आवरे ॥ ५ ॥ ईसरेण कडे लोए, पहाणाइ तहावरे ।
जीवाजीवसमाउत्ते, सुहदुक्खसमन्निए ॥ ६ ॥ सयंभुणा कडे लोए, इति वुत्तं
महसिणा । मारेण संथुया माया, तेण लोए असासए ॥ ७ ॥ माहणा समणा
एणे, आह अंडकडे जगे । असो तत्तमकासी य, अयाणांता मुसं वदे ॥ ८ ॥
सएहिं परियाएहिं, लोयं बूया कडेति य । तत्त ते ण विजाणंति (नाभिजा-
णंति) ण विणासी कयाइवि ॥ ९ ॥ अमणुन्नसमुप्पायं, दुक्खमेव विजा-
णिया । समुप्पायमजाणांता, कहं नायति संवर ? ॥ १० ॥ सुद्धे अपावए
आया, इहमेगेसिमाहियं । पुणां किड्ढापदांसेरां, सो तत्थ अवरज्झई ॥ ११ ॥
इह संवुडे मुणी जाए, पब्बा होइ अपावए । वियडंबु जहा भुज्जो, नीरयं
सरयं तहा ॥ १२ ॥ एताणुवीति मेधावी. बंधचेरेण ते वसे । पुढो पावाउया
सव्वे, अक्खायारो सयं सयं ॥ १३ ॥ सए सए उवट्ठाणे, सिद्धिमेव न
अन्नहा । अहो इहेव वसवत्ता, सव्वकामसमप्पिए ॥ १४ ॥ सिद्धा य ते
अरोगा य, इहमेगेसिमाहियं । सिद्धिमेव पुरो काउं, सासए गढिआ नरा
॥ १५ ॥ असंवुडा अणादीयं, भमिहिंति पुणो पुणो । कप्पकालमुवज्जंति,
ठाणा आसुरकिव्विसिया ॥ १६ ॥

॥ इति वेमि ॥ अं० ७५ ॥ इति प्रथमाध्ययने तृतीयोद्देशकः १-१॥

॥ अथ प्रथमाध्ययने चतुर्थ उद्देशकः ॥

एते जिया भो । न सरणां, बाला पडियमाणिणो (जत्थ बालेज्वसी-
यति) । हिच्चा रां पुव्वसंजोगं, सिया किच्चोवएसगा ॥ १ ॥ तं च भिक्खु
परिन्नाय, वियं तेसु ण मुच्छए । अणुक्खसे अप्पलीणे, मज्जेण मुणि जावए
॥ २ ॥ सपरिग्गहा य सारंभा, इहमेगेसिमाहियं । अपरिग्गहा अणारंभा,
भिक्खु तारां परिव्वए ॥ ३ ॥ कडेसु घासमेसेज्जा, विऊ दत्तेसणां चरे ।
अगिद्धो विप्पमुक्को अ, ओमारां परिवज्जए ॥ ४ ॥ लोगवायं णिसामिज्जा,

इहमेगेसिमाहियं । विपरीयपन्नमंभूयं, अन्नउत्तं तयाणुयं ॥५॥ अणान्ते
 निइए लोए, सासए ण विणस्सती । अंतवं गिइए लोए, इति धीरोऽति-
 पासइ ॥ ६ ॥ अपरिमाणां वियाणाई, इहमेगेसिमाहियं । सब्वत्थ सपरिमाणां,
 इति धीरोऽतिपासई ॥ ७ ॥ जे केइ तसा पाणा, त्रिट्ठंति अदु थावरा ।
 परियाए अत्थि से अंजू, जेणा ते तसथावरा ॥ ८ ॥ उरालं जगतो जोगं,
 विवज्जासं पलिति य । सब्वे अकं तदुक्खा य, अत्रो सब्वे अहिंसिता ॥ ९ ॥
 एयं खु नाणिणो सारं, जन्न -हिंसइ किंचण । अहिंसासमयं चेव, एतावन्तं
 वियाणिथा ॥ १० ॥ बुसिए य विगयगेही (विगयगिद्धी य) आयाणीयं
 संरक्खए (आयाणां सं (सम्म)रक्खए) । वरिआसणासेज्जासु, भत्तपाणे अ
 अंतसो ॥ ११ ॥ एतेहिं तिहिं ठाणेहिं, मंजए सततं मुणी । उक्कसं जलणं गूमं,
 मज्झत्थं च विगिंचए ॥ १२ ॥ समिए उ सया साहु, पंचसंवरसंबुडे । सिएहि
 असिए भिक्खू, आमोक्खाय परिव्वएज्जासि ॥ १३ ॥ त्तिवेमि ॥

॥ इति प्रथमाध्ययने चतुर्थोद्देशकः ॥१-४॥ इति प्रथमाध्ययनम् ॥१॥

॥ अथ वैतालीयाख्ये द्वितीयाध्ययने प्रथमोद्देशकः ॥

संबुज्झह किं न बुज्झह?, संबोही खलु पेच्च दुल्लहा । णो हूवणमंति
 राइत्रो, नो सुलभं पुणारावि जीवियं ॥१॥ डंहरा बुद्धा य पासह गब्भत्था
 वि चयंति साणावा । सेणे जह वट्टयं हरे एवं आउखयंमि तुट्टई (जीवाण
 जीवियं) ॥२॥ मायाहि पियाहिं लुप्पइ, नो सुलहा सुगई य पेच्चत्रो ।
 एयाइं भयाइं पेहिया, आरम्भा विरमेज्ज सुव्वए सुट्टिए ॥३॥ जमिणां जगती
 पुढा जगा, कम्महि लुप्पंति पाणिणो । सयमेव कडेहिं गाहइ, णो तस्स
 मुच्चेज्जऽपुट्टयं ॥४॥ देवा गंधर्वरक्खसा, असुरा भूमिवरा सरिसिवा । राया
 नरसेट्टिमाहणा, ठाणा तेऽवि चयंति दुक्खिया ॥५॥ कामेहिं ण संथवेहि
 गिद्धा (कामे हि य संथवे हि य) कम्ममहा कालेण जंतवो । ताले जइ

बंधाच्चुए, एवं आउखयंमि तुद्रती ॥६॥ जे यात्रि बहुस्सुए सिया
 (सुई), धम्मिय माहणाभिकखुए सिया । अभिण्णमकडेहिं मुच्छिए, तिव्वं ते
 कम्मेहिं किच्चती ॥७॥ अह पास विवेगमुट्टिए, अवितिन्ने इह भासई धुवं ।
 णाहिसि आरं कच्चो परं वेहासे कम्मेहिं किच्चती ॥८॥ जइ वि य णिगणे
 किंसे चरे, जइविय भुंजिय मासमंतसो । जे इह मायाइ मिज्जई, आगंता गव्भाय
 णंतसो ॥९॥ पुरिसोरम पावकम्मुणा, पलियंतं मणुयाण जीवियं । सन्ना
 इह काममुच्छिया, मोहं जंति नरा असंबुडा ॥१०॥ जययं विहराहि जोगवं
 अणुपाणा पंथा डुरुत्तरा । अणुसासणंमेव पक्कमे, वीरेहिं संमं पवेइयं ॥११॥
 विरया वीरा समुट्टिया, कोहकायरियाइपीसणा । पाणे ण हंति सब्वसो,
 पावाचो विरयांसभिनिव्वुडा ॥१२॥ णवि ता अहमेव लुप्पए, लुप्पंती
 लोअंसि पाणिणो । एवं सहिएहि पासए, अणिहे से पुट्ठे अहियासए
 ॥१३॥ धुणिया कुलियं व लेववं, क्खिए देहमणासणा इह । अविहिंसामेव
 पव्वए, अणुधम्मो मुणिया पवेदितो ॥१४॥ सजणी जह पंसुगुडिया, विहु-
 णिय धंसयई सियं रयं । एवं दवियोवहाणावं, कम्मं खवइ तवस्सिमाहणे
 ॥१५॥ उट्टियमणगारमेसणां, समणां ठाणठियं तवस्सिणां । डहरा बुद्धा य
 पत्थए, अवि सुस्से ण य तं लभेज्ज णो ॥१६॥ जइ कालुणियाणि कासिया,
 जइ रोयंति य पुत्तकारणा । दवियं भिक्खुं समुट्टियं, णो लव्वंति ण
 संठवित्तए ॥१७॥ जइविय कामेहि लाविया, जइ गोज्जाहि ण बंधिउं घरं ।
 जइ जीविय नावकंखए, णो लव्वंति ण संठ(सराण)वित्तए ॥१८॥ सेहंति
 य णं ममाइणो, माय पिया य सुया य भारिया । पोसाहि ण पासचो तुमं,
 लोग परंपि जहासि पोसणो ॥१९॥ अन्ने अन्नेहिं मुच्छिया, मोहं जंति
 णारा असंबुडा । विसमं विसमेहिं गाहिया, ते पावेहिं पुणो पगव्विभया ॥२०॥
 तम्हा दवि इक्खं पंडिए, पावाचो विरतेसभिणिव्वुडे । पणए वीरं महाविहिं,
 सिद्धिपहं णोआउयं धुवं ॥२१॥ वेयालियमग्गमागचो, मणवयसाकायेण

संबुडो । चिच्चा वित्तं च णायत्रो, आरंभं च सुसंबुडे चरे ॥२२॥

त्तिवेमि ॥ गाथाग्रं १२० ॥ इति द्वितीयाध्ययने प्रथमोद्देशकः ॥२-१॥

॥ अथ द्वितीयाध्ययने द्वितीय उद्देशकः ॥

तयसं व जहाइ से रयं, इति संखाय मुणी ण मज्जई । गोयन्नतरेण
 माहणो (जे विऊ) अहसेयकरी अनंसी(सि) इंखिणी ॥१॥ जो परिभवइ परं
 जणां, संसारे परिवत्तई महं (चिरं) । अहु इंखिणिया उ पाविया, इति संखाय
 मुणी ण मज्जई ॥२॥ जे यावि अणायगे सिया, जेविय पेसगपेसए सिया ।
 जे मोणपयं उवट्टिए, णो लज्जे समयं सया(SS)यरे ॥३॥ सम अन्नयरम्मि
 संजमे, संसुद्धे समणे परिव्वए । सिअ (जे) यावकहा समाहिए, दविए,
 कालमकासि पंडिए ॥४॥ दूरं अणुपस्सिया मुणी, तीतं धम्ममणागयं तहा ।
 पुट्ठे परुसेहिं माहणो, अवि हराणू समयंमि रीयइ (समयाहियासए) ॥५॥
 पराणसमत्ते (पराहसमत्थे) सया जए, समताधम्ममुदाहरे मुणी । सुहुमे उ सया
 अल्लुमए, णो कुज्जे (कुप्पे) णो माणि माहणो ॥६॥ बहुजणाणामणांमि संबुडो,
 सब्वट्ठेहिं णारे अणिसिए । हरए व मया अणाविले, धम्मं पादुरकासि
 कासवे ॥७॥ बहवे पाणा पुढो सिया, पत्तेयं समयं समी(उवे)हिया । जो
 मोणपइ उवट्टिते, विरतिं तत्थ अकामि पंडिए ॥८॥ धम्मस्स य पारए मुणी,
 आरंभस्स य अंतए ठिए । सोयंति य णं ममाइणो, णो लव्भंति णियं
 परिग्गहं सोउण तयं उवट्टियं, केइ गिही विग्घेण उट्टिया । धम्मंमि अणु-
 त्तरे मुणी, तंपि जिणिज्ज इमेण पंडिए ॥९॥ इहलोगदुहावहं विऊ, परलोगे
 य दुहं दुहावहं । विद्धंसणाधम्ममेव तं, इति विज्जं कोऽगारमावसे ? ॥१०॥
 महयं पालिगोव जाणिया, जावि य वंदणापूयणा इहं । सुहुमे सल्ले दुरुद्धरे,
 विउमंता पयहिज्ज संथवं (पलिमंथ महं वियाणिया, जाविय वंदणापूयणा इहं ।
 सुहुमं सल्लं दुरुद्धरं, तंपि जिणो एएण पंडिए) ॥११॥ एगे चरे अणुमासणो,

सयणो एगे समाहिए सिया । भिक्खु उवहाणावीरिए, वइगुत्ते अज्झत्तसंबुडो
 ॥१२॥ णो पीहे ण यावपगुणो, दारं सुन्नघरस्स संजए । पुट्ठे ण उदाहरे
 वयं, ण समुच्छे णो संथरे तणां ॥१३॥ जत्थत्थमिए अणाउले, समविसमाइं
 मुणीऽहियासए । चरगा अदुवावि भेरवा, अदुवा तत्थ सरीसिवा सिया ॥१४॥
 तिरिया मणुया य दिव्वगा, उवसग्गा तिविहाऽहियासिया । लोमादीयं ण
 हारिसे, सुन्नागारगत्तो महामुणी ॥१५॥ णो अभिकंखेज्ज जीवियं, नोऽविय
 पूयणापत्थए सिया । अब्भत्थमुविंति भेरवा, सुन्नागारगयस्स भिक्खुणो
 ॥१६॥ उवणीयतरस्स ताइणो, भयमाणस्स विविक्कमासणां । सामाइयमाहु तस्स
 जं, जो अप्पाणा भए ण दंसए ॥१७॥ उसिणोदगतत्तभोइणो, धम्मट्ठि-
 यस्स मुणिसस्स हीमतो । संसग्गि असाहु राइहिं, असमाही उ तहागयस्सवि
 ॥१८॥ अहिगरणाकडस्स भिक्खुणो, वयमाणस्स पसज्ज दारुणां । अट्ठे
 परिहायती बहु, अहिगरणां न करेज्ज पंडिए ॥१९॥ सीओदग पडि दुगुं-
 छिणो, अपडिराणास्स लवावसप्पिणो । सामाइयमाहु तस्म जं, जो गिहिम-
 त्तेऽसणां उ भुंजती ॥२०॥ ण य संखयमाहु जीवियं, तहविय बालजणो
 पगम्भइ । बाले पापेहिं मिज्जती, इति संखाय मुणी ण मज्जती ॥२१॥ छंदेणा
 पले इमा पया, बहुमाया मोहेणा पाउडा । वियडेणा पलिति माहणो, सीउराहं
 वयसाऽहियासए ॥२२॥ कुजए अपराजिए जहा, अक्खेहि कुमलेहिं दीवयं ।
 कडमेव गहाय णो कलिं, ने तीयं नो चेव दावरं ॥२३॥ एवं लोगंमि ताइणा,
 बुइए जे धम्मे अणुत्तरे । तं गिराह हियंति उत्तमं, कडमिव सेसवहाय
 पंडिए ॥२४॥ उत्तर मणुयाणा आहियां, गामधम्मा इइ मे अणुस्सुर्यं । जंसी
 विरता समुट्ठिया, कासवस्म अणुधम्मचारिणो ॥२५॥ जे एय चरंति आहियं,
 नाएणां महया महेसिणा । ते उट्ठिय ते समुट्ठिया, अन्नोन्नं सारंति धम्मओ
 ॥२६॥ मा पेह पुरा पणामए, अभिकंखे उवहिं धुणित्तए । जे दूमण तेहिं णो
 णया, ते जाणांति समाहिमाहियं ॥२७॥ णो काहिँ होज्ज संजए, पासणिए

ण य संपसारण । नच्चा धम्मं अणुत्तरं, कयकिरिए णयावि मामए ॥२८॥ छन्नं
च पसंस णो करे, न य उक्कोस पगास माहणे । तेसिं सुविवेगमाहिए, पणया
जेहिं सुजोसिअं धुयं ॥२९॥ अणिहे (अणहे) सहिए सुसंबुडे, धम्मट्ठी उवहा-
णवीरिए । विहरेज्ज समाहिइंदिए, अत्ताहिअं खु दुहेण लब्भइ ॥३०॥ ण
हि णूण पुरा अणुस्सुतं (अवितहं), अदुया तं तह णो समुट्ठियं । मुणिएणा
सामाइआहितं, नाएणां जगसव्वदंसिणा ॥३१॥ एवं मत्ता महंतरं, धम्ममिणां
सहिया बहू जणा । गुरुणो छंदाणुवत्तगा, विरया तिन्न महोघमाहितं ॥३२॥
तिवेमि ॥ (गाथात्रयम् १५२)

॥ इति द्वितीयाध्ययने द्वितीयोद्देशकः ॥२-२॥

॥ अथ द्वितीयाध्ययने तृतीयोद्देशकः ॥

संबुडकम्मस्स भिक्खुणो, जं दुक्खं पुट्टं अवाहिए । तं संजमअोऽ-
वचिज्जई, मरणां हेच वयंति पांडिया ॥ १ ॥ जे विन्नवणाहिज्जोसिया,
संतिन्नेहिं सभं विथाहिया । तम्हा उड्ढंति पासहा (उड्ढं तिरियं अहे तथा),
अदक्खु कामाइ रोगवं ॥ २ ॥ अभां वणिएहिं आहियं, धारंती राईणिया
इहं । एवं परमा महव्वया, अत्तसाया उ सरा, भोयणा ॥ ३ ॥ जे इह साया-
णुगा नरा, अज्जोववन्नाकामेहि मुच्छिया । किन्नोण सभं पगब्भिया, न
वि जाणंति समाहिमाहितं ॥ ४ ॥ वाहेण जहा व विच्छए, अबले होइ
गवं पत्रोइए । से अंतसो अपथाण, नाइवहइ अबले विसीयति ॥ ५ ॥
एवं कामेसणां विऊ, अज्ज सुए पयहेज्ज संयं । कामी कामे ण कामए, लद्धे
वावि अलद्ध कराहुई ॥ ६ ॥ मा पच्छ अत्ताधुता भो, अच्चेही अणुसास
अप्पगं । अहियं च अत्ताहु सोयती, से थणतां परिदेवती बहू ॥ ७ ॥ इह
जीवियमेव पासहा, तरुण एव (दुब्बल) वाससयस्स तुट्ठती । इत्तरवासे य
बुज्झह, गिद्धनरा कामेसु मुच्छिया ॥८॥ जे इह आरंभनिस्सिया आतदंडा एगं-

तल्लूमागा । गंता ते पावलोगयं, चिररायं आसुरियं दिसं ॥ १६ ॥ एण य
संखयमाहु जीवितं, तहवि य बालजणो पगब्भई । पच्चुप्पन्नेण कारियं, को
दट्ठुं परलोयमागते ? ॥ १७ ॥ अदक्खुव दक्खुवाहियं, (तं) सहहसु अद-
क्खुदंसणा । । हंदि हु सुनिरुद्धदंसणो, मोहणिज्जेण कडेण कम्पुणा
॥ १८ ॥ दुक्खी मोहे पुणो पुणो, निव्विदेज्ज सिलोगपूयणां । एवं सहिते-
ऽहिपासए, आयतुलं पाणोहिं संजए ॥ १९ ॥ गारंपिअ आवसे नरे, अणु-
पुअं पाणोहिं संजए । समता सब्बत्थ सुअते, देवाणां गच्छे सलोगयं ॥ २० ॥
सोच्चा भगवाणुसामणां, मच्चे तत्थ करेज्जुवकमं । सब्बत्थ विणीयमच्छरे,
उज्जं भिक्खु विसुद्धमाहरे ॥ २१ ॥ सब्बं नच्चा अहिट्ठए, धम्मट्ठी उवहाण-
वीरिए । गुत्ते जुत्ते सदाजए, आयपरे परमायतट्ठिते ॥ २२ ॥ वित्तं पसवो य
नाइअो, तं बाले सरणां ति मन्नइ । एते मम तेसुत्री अहं, नो ताणां सरणां
न विज्जई ॥ २३ ॥ अअभागमितंमि वा दुहे, अहवा उक्कमिते भवंतिए ।
एगस्स गती य आगती, विट्ठुमंता सरणां ण मन्नई ॥ २४ ॥ सब्बे सयकम्म-
कप्पिया, अवियत्तेण दुहेण पाणोणो । हिंडंति भयाउत्ता सदा, जाइजरा-
मरणोहिऽभिदुता ॥ २५ ॥ इणमेव खणां वियाणिया, णो सुलभं बोहिं च
आहितं । एवं सहिएऽहिपानए, (अहियासए) आह जिणो इणमेव सेसगा
॥ २६ ॥ अभविंसु पुरावि भिक्खुवो, आएमावि भवंति सुअता । एयाइं
गुणाइं आहु ते, कासवस्स अणुधम्मचारिणो ॥ २७ ॥ तिविहेणवि पाण
मा हणो, आयहिते अणियाण संबुडे । एवं सिद्धा अणांतनो, संपइ जे अ
अणागयावरे ॥ २८ ॥ एवं से उदाहु अणुत्तरनाणी अणुत्तरदंसी अणुत्तर-
नाणादंसणधरे । अरहा नायपुत्ते भगवं वेसालिए वियाहिए ॥ २९ ॥
त्तिवेमि ॥ (गाथाग्रं. १७४)

॥ अथोपसर्गपरिज्ञाख्ये तृतीयाध्ययने प्रथमोद्देशकः ॥

सूरं मराण्डं अप्पाणं, जाव जेयं न पस्सती । जुज्झंतं ददधम्माणां,
 सिंसुपालो व महारहं ॥१॥ पयाता सूरा रणासीसे, संगामंमि उवट्टिते ।
 माया पुत्तं न याणाड, जेएणा परिविच्छए ॥२॥ एवं सेहेवि अप्पुट्ठे,
 भिक्खुवारियाअक्कोविए । सूरं मराणाति अप्पाणां, जाव लूहं न सेवए ॥३॥
 जया हेमंतमासंमि, सीतं कुसइ सदायगं (सव्वगं) । तत्थ मंदा विसीयंति,
 रज्जहीणा व सत्तिया ॥४॥ पुट्ठे गिम्हाहितावेणां, विमणे सुपिवासिए ।
 तत्थ मंदा विसीयंति, मच्छा अप्पोदए जहा ॥५॥ सदा दत्तेसणा दुवखा,
 जायणा दुप्पणोल्लिया । कम्मत्ता दुव्वभा चव, इचाहंसु पुट्ठोजणा ॥६॥
 एते सइ अचायंता, गासेसु रागरेसु वा । तत्थ मंदा विसीयंति, संगामंमिव
 भीरुया ॥७॥ अप्पेगे खुधियं भिक्खुं, सुणी डंसति लूमए । तत्थ मंदा
 विमीयंति, तेउपुट्ठा व पाणिसो ॥८॥ अप्पेगे पडिभासंति, पडिपंथियमागता ॥
 पडियारगता एते, जे एते एव जीविणो ॥९॥ अप्पेगे वइ जुंजंति, नगिणा
 पिट्ठेनगाहमा । सुंडा कंठुविण्णट्ठंगा, उज्जल्ला असमाहिता ॥१०॥ एवं
 विण्णडिवन्नेगे, अप्पणा उ अजाणया । तमाओ ते तमं जंति, मंदा मोहेण
 पाउडा ॥११॥ पुट्ठो य दंममसहि, तराफासमचाइया । न से दिट्ठे परे
 लोए, जइ परं मराणं मिया ॥१२॥ संतत्ता केसलोएणां, वंभचेरपराइया ।
 तत्थ मंदा विसीयंति, मच्छा विट्ठा व (पविट्ठा) केयणे ॥१३॥ आयदंडसमा-
 यारे, मिच्छासंठियभावणा । हरिसप्पओममावत्ता, केइ लूमंतिऽनारिया
 । १४॥ अप्पेगे पलियंते मि, चारो चोरोत्ति सुव्वयं । वंधंति भिक्खुयं चाला,
 कमायवयणोहि य ॥१५॥ तत्थ दंडेण संवीते, मुट्ठिया अट्टु फलेण वा ।
 नान्तीणां मग्गी वान्ते, इत्थी वा कुट्टगामिणी ॥१६॥ एते भो ! कसिणा
 फादा, फस्सा दुरहियामया । हत्थी वा सरसंविता, कीवाज्वस गया गिहं

(तिव्वसड्ढे गया गिहं) ॥१७॥

॥ तिवेमि ॥ इति तृतीयाध्ययने प्रथमोद्देशकः ॥३-१॥ (गाथाग्रं० १९१)

॥ अथ तृतीयाध्ययने द्वितीयोद्देशकः ॥

अहिमे सुहुमा संग्गा, भिक्खुणां जे दुरुत्तरा । जत्थ एगे विसीयंति,
 ण वयंति जवित्तए ॥१॥ अप्पेगे नायत्रो (नायगा) दिस्स, रोयंति परिव्वा-
 रिया । पोस णो ताय ! पुट्ठोऽसि, कस्स ताय ! जहासि णो ? ॥२॥ पिया
 ते थेरत्रो तात !, ससा ते खुड्डिया इमा । भायरो ते सगा तात !, सोयरा
 कि जहासि णो ? ॥३॥ मायरं पियरं पोस, एं लोगो भविस्सति । एवं
 खुलोइयं ताय !, जे पालंति य मायरं ॥४॥ उत्तरा (उत्तमा) महुरूल्लावा, पुत्ता
 ते तात ! खुड्डिया । भारिया ते णवा तात !, मा सा अन्नं जणां गमे ॥५॥
 एहि ताय !, घरं जाभो, मा य कम्मे सहा वयं । वित्तिंयं पि ताय ! पासामो,
 जामु ताव सयं गिहं ॥६॥ गंतुं ताय ! पुणो गच्छे, ण तेणापमणो सिया ।
 अकामगं परिकम्मं, को ते वारेउमरिहति ? ॥७॥ जं किंचि अण्णं तात !,
 तं पि मव्वं समीकनं (उत्तारितं) । हिरण्णां ववहाराइ, तं पि दाहामु ते वयं
 ॥८॥ इव्वेव णं सुसेहंति, कालुणीयस्समुट्ठिया । विवद्धो नाइसंगेहिं, ततो-
 ऽगारं पहावइ ॥९॥ जहा रुक्खं वणो जायं, मालुया पडिवंधई । एव णं
 पडिवंधंति, णातत्रो असमाहिणा ॥१०॥ विवद्धो नातिसंगेहिं, हत्थीवावी
 नवग्गहे । पिट्ठतो परिमप्पंति, सुयगोव्व अदूरए ॥११॥ एते संग्गा मणूसाणं,
 पाताला व अतारिमा । कीवा जत्थ य किस्संति, नाइसंगेहिं मुच्छिया ॥१२॥
 ॥१२॥ तं च भिक्खु परिन्नाय, सव्वे संग्गा महासत्ता । जीवियं नावकंखिज्जा,
 सोच्चा धम्ममणुत्तरं ॥१३॥ अहिमे (अहो इमे) संति आवट्ठा, कासवेणां पवे-
 इया । बुद्धा जत्थावसप्पंति, सीयंति अणुहा जहिं ॥१४॥ रायाणो रायऽमवा
 य, माहणा अदुव खत्तिया । निमंतयंति भोगेहिं, भिक्खुयं साहुजीविणां

॥१५॥ हृत्थस्सरहजाणोहि, विहारगमणोहि य । भुज भोगे इमे
सग्धे, महरिसी ! पूजयामु तं ॥१६॥ वृत्यगधमलकारं, इत्थीत्रो सय-
णाणि य । भुंजाहिमाइ भोगाइं, आउसो ! पूजयामु तं ॥१७॥ जो
तुमे नियमो चिराणो, भिक्खुभावंमि सुव्वया ! । अगारमावसंतस्स, सव्वो
संविज्जए तहा ॥१८॥ चिरं दूइज्जमाणस्स, दोसो दाणिं कुतो तव ? । इच्चेव
णां निमंतंति, नीवारेण व सूयरं ॥१९॥ चोइया भिक्खचरियाए, अचयंता
जवित्तए । तत्थ मंदा विसीयंति, उज्जाणांसि व दुव्वला ॥२०॥ अचयंता
व लूहेणां, उवहाणेण तज्जिया । तत्थ मंदा विसीयंति, उज्जाणांसि जरग्गवा
॥२१॥ एवं निमंतणां लद्धुं, मुच्छिया गिद्ध इत्थीसु । अज्झोववन्ना कामेहिं
चोइज्जंता गया गिहं ॥२२॥

॥ तिचेमि ॥ इति तृतीयाध्ययने द्वितीयोद्देशकः ॥३-२॥

॥ अथ तृतीयाध्ययने तृतीयोद्देशकः ॥

जहा संगामकालंमि पिट्ठतो भीरुवेहइ । वलयं गहरांणामं, को जाणइ
पराजयं ? ॥ १ ॥ मुहुत्ताणां मुहुत्तस्स मुहुत्तो होइ तारिसो । पराजियाव्व-
सप्पामो, इति भीरु उवेहइ ॥ २ ॥ एवं तु समणा एगे, अबलं नच्चाण
अप्पगं । अणागयं भयं दिस्स, अवि(अव)कप्पंतिमं सुयं ॥ ३ ॥ को जाणइ
विऊ(या)वानं, इत्थीत्रो उदगाउ वा । चोइज्जंता पव्वसामो, ण णो अत्थि
पक्कप्पियं ॥ ४ ॥ इच्चेव पडिलेहंति, वल- (वलाइ) पडिनेहिणो ।
चित्तिगिच्छसमावन्ना, पंथाणां च अकोविया ॥ ५ ॥ जे उ संगामकालंमि,
नाया सूरपुरंगमा । णो ते पिट्ठमुवेहिंति, कि परं मरणां सिया ? ॥ ६ ॥
एवं समुट्ठिए भिक्खु, वोसिज्जाऽगारवंधणां । आरंभं तिरियं कट्टु, अत्तत्ताए
परिव्वए ॥ ७ ॥ तमेगे परिभासंति, भिक्खुयं साहुजीविणां । जे एवं परिभा-
संति, अंतए ते समाहिए ॥ ८ ॥ संवद्धसमकप्पा उ. अन्नमन्नेसु मुच्छिया ।

पिंडवायं गिलाणास्स, जं सारेह दलाह य ॥ ९ ॥ एवं तुब्भे सरागत्था,
 अन्नमन्नमणुव्वसा । नट्टसप्पहसब्भावा, संसारस्स अपारगा ॥ १० ॥ अह
 ते परिभासेज्जा, भित्त्तु मोकखविसारए । एवं तुब्भे पभामंता, दुपवखं चव
 सेवह ॥ ११ ॥ तुब्भे भुंजह पाएसु, गिलाणो अभिहडंमि था । तं च
 बीयोदगं भोच्चा, तमुद्दिस्सादि जं कडं ॥ १२ ॥ लिच्चा तिच्चाभित्तावेणं,
 उज्झिया असमाहिया । नातिकंहुइयं सेयं, अरुयस्सावरज्झती ॥ १३ ॥
 तत्तेण अणुमिद्धा ते, अपडिन्नेण जाणया । ण एस णियए मग्गे, अस-
 मिक्खा वती क्कित्ती ॥ १४ ॥ एरिसा जा वई एसा, अग्गवे णुव्व करिसिता ।
 गिहिणो अभिइडं सेयं, भुंजितं ण उ भिक्खुणं ॥ १५ ॥ धम्मपन्नवणा जा
 सा, सारंभा ण विमोहिया । ण उ एयाहिं दिट्ठीहिं, पुव्वमासि पग्गप्पिअं
 ॥ १६ ॥ सब्बाहिं अणुजुत्तीहि, अचयंता जवित्तए । ततो वायं णिराकिच्चा,
 ते भुज्जोवि पग्गम्भिया ॥ १७ ॥ रागदोसाभिमूयप्पा, मिच्छत्तेणं अभिहुत्ता ।
 आउस्से सराणं जंति, टंक्का इव पव्वयं ॥ १८ ॥ बहुगुणप्पगप्पाइं, कुज्जा
 अत्तमसाहि । जेणज्जे णो विरुज्जेज्जा, तेण तं तं समायरे ॥ १९ ॥ इमं
 च धम्ममादाय, कासवेण पवेइयं । कुज्जा भिक्खु गिलाणास्स, अगिलाए
 समाहिए ॥ २० ॥ संखाय पेसलं धम्मं, दिट्ठिमं परिनिव्वुडे । उवसग्गे
 नियामित्ता, आमोक्खाए परिव्वएज्जाऽसि ॥ २१ ॥ त्तिवेमि

॥ इति तृतीयाध्ययने तृतीयोद्देशकः ॥३-३॥ (गाथाग्रं २३४)

॥ अथ तृतीयाध्ययने चतुर्थोद्देशकः ॥

आहंसु महापुरिमा, पुब्बि तत्तवोधणा । उदएण सिद्धिमावन्ना,
 तत्तय मदो विसीयति ॥ १ ॥ अभुंजिया नमी विदेही, रामगुत्ते य भुंजिया ।
 बाहुए उदगं भोच्चा, तहा नारायणो रिसी ॥ २ ॥ आसिले देविले चव,
 दीवायण महारिसी । पारासरे दगं भोच्चा, बीयाणि हरियाणि य ॥ ३ ॥

एने पुत्रं महापुरिसा, आहिता इह संमता । भोत्रां वीत्रोदगं सिद्धा, इति
मेयमगुस्सुत्रं ॥ ४ ॥ तत्थ मंदा विसीत्रांति, वाहच्छिन्ना व गद्दभा । पिट्टतो
परिसुप्पंति, पिट्टसुप्पी य संममे ॥ ५ ॥ इहमेगे उ भासति (मन्नंति), सातं
सातेण विज्जती । जे तत्थ आरियं मग्गं, परमं च समाहिए (यं) ॥ ६ ॥
मा एयं अवमन्नंता, अप्पेणं लुं पहा वहुं । एतस्स (उ) अमोक्खाए, अत्रो-
हारिव्व जूरह ॥ ७ ॥ पाणाइवाते वट्टंता, सुसावादे असंजता । अदिन्ना-
दागो वट्टंता, मेहुणो य परिग्गहे ॥ ८ ॥ एवमेगे उ पासत्था, पन्नवंति
अणारिया । इत्थीवसं गया बाला, जिणाम्माणपरम्मुहा ॥ ९ ॥ जहा गंडं
पित्तागं वा, परिपीलेज्ज सुहुत्तगं । एवं विन्नवणित्थीसु, दोसो तत्थ कत्रो
सिया ? ॥ १० ॥ जहा मंधादए नाम, थिमित्रं भुंजती दगं । एवं विन्नव-
णित्थीसु, दोसो तत्थ कत्रो सिया ? ॥ ११ ॥ जहा विहंगमा पिंगा,
थिमित्रं भुंजती दगं । एवं विन्नवणित्थीसु, दोसो तत्थ कत्रो सिया !
॥ १२ ॥ एवमेगे उ पामत्था, मिच्छादिट्ठी अणारिया । अज्झोववन्ना
कामेहिं, पूयणा इव तल्लए ॥ १३ ॥ अणगयमपरसंता, पच्चुप्पन्नगवेसगा ।
ते पच्छा परितप्पंति, खीणो आउंसि जोव्वणो ॥ १४ ॥ जेहिं काले परिक्कतं,
न पच्छा परितप्पए । ते थीरा वंधणुम्मुक्का, नावकंखंति जीवित्रं ॥ १५ ॥
जहा नई वेयरणी, दुत्तरा इह संमता । एवं लोगंसि नारीत्रो, दुत्तरा
अनईसया ॥ १६ ॥ जेहिं नारीणं मंजंगा, पूयणा पिट्टतो कता । सब्वमेयं
निराकिच्चा, ते ठिथा सुममाहिए ॥ १७ ॥ एते त्रोधं तरिस्संति, समुहं वव-
हारिणो । जत्थ पाणा विसन्नामि, किच्चवंती सयकम्मणा ॥ १८ ॥ तं च भिवखु
परिसाणाय, सुव्वते ममिते चरे । सुमावायं च वज्जिजा अदिन्नादाणां च
वोप्पिरे ॥ १९ ॥ उट्टमहे तिरियं वा, जे केई तसथावरा । सब्वत्थ विरतिं
वुज्जा, संति निव्वरणं माहियं ॥ २० ॥ इमं च धम्ममादाय, कासवेण पवेदितं ।
वुज्जा भिक्खुं गिजाणन्त, अगिल्लए नमाहिए ॥ २१ ॥ संखाय पेसलं धम्मं,

दिष्टिमं परिनिव्वुडे । उवसग्गे नियामित्ता, आमोक्खाए परिव्वएज्जासि ॥२२॥
त्तिवेमि ॥ इति तृतीयाध्ययने चतुर्थोद्देशकः ॥३-४॥ इति तृतीयमध्ययनम् ॥३॥

॥ अथ चतुर्थे स्त्रीपरिज्ञाध्ययने प्रथमोद्देशकः ॥

जे मायरं च पियरं च, विप्पजहाय पुव्वसंजोगं । एगे सहिते चरि-
स्सामि, आरतमेहुणो विवित्तेसु (विवित्तेसि) ॥१॥ सुहुमेणं तं परिकम्म,
छन्नपएण इत्थिओ मंदा । उव्वायंपि ताउ जाणसु (जाणंति), जहा लिस्संति
भिक्खुणो एगे ॥२॥ पासे भिसं णिसीयंति अभिक्खणं पोसवत्थं परिहिंति ।
कायं अहेवि दंसंति, बाहू उद्धट्टु कक्खमणुव्वजे ॥३॥ सयणासणेहिं
जोगेहि इत्थिओ एगता णिमंतंति । एयाणि चव से जाणे, पासाणि
विरुवख्खाणि ॥४॥ नो तासु चक्खु संधेज्जा, नोविय साहसं समभिजाणे ।
णो सहियंपि विहरेज्जा, एवमप्पा सुरक्खिओ होइ ॥५॥ आमंतिय उस्सविया
भिक्खुं आयसा निमंतंति । एताणि चव से जाणे, सहाणि विरुवख्खाणि
॥६॥ मणवधणेहिं गेगेहिं, कलुण विणीयमुवगसित्ताणं । अदु मंजुलाइं
भासंति, आणवयंति भिन्नकहाहिं ॥७॥ सीहं जहा व कुणिमेणं, निव्वभयमेग-
चरंति पासेणं । एवित्थियाउ बंधंति, संबुडं एगतियमणगारं ॥८॥ अह तत्थ
पुणो णमयंती, रहकारो व गोमि आणुपुव्वीए । बद्धे मिए व पासेणं,
फंदंते वि ण मुच्चए ताहे ॥९॥ अह सेऽणुत्तप्पई पच्छा, भोच्चा पायसं व
विसमिस्सं । एवं विवे(विवा)गमादाय, संदासो नवि कप्पए दविए ॥१०॥
तम्हा उ वज्जए इत्थी, विसलित्तं व कंठगं नच्चा । ओए कुलाणि वसवत्ती,
आघाते ण सेवि णिग्गंथे ॥ ११॥ जे एयं उंछं अणुगिद्धा, अन्नयरा हुंति
कुसीलाणं । सुतवस्सिएवि से भिक्खू, नो विहरे सह णमित्थीसु ॥ १२॥
अवि धूयराहि सुरहाहिं, धातीहिं अदुव दासीहिं । महतीहिं वा कुमारीहि,
संथवं से न कुज्जा अणगारे ॥ १३॥ अदु णाइणं च सुहीणं वा, अप्पियं

दट्टु एगता होति । गिद्धा सत्ता कामेहिं, रक्खणपोसणो मणुस्सोऽसि
 ॥ १४ ॥ समणांपि दट्टुदासीणां (समणां दट्टु णु दासीणां) तत्थवि ताव एगे
 कुप्पंति । अदुवा भोयणोहिं णत्थेहिं, इत्थीदोसं संकिणो होंति ॥ १५ ॥
 कुच्चति संथवं ताहिं, पम्भट्टा समाहिजोगेहिं । तम्हा समणा ण समेते, आय-
 हियाए सगिणसेज्जाओ ॥ १६ ॥ बहवे गिहाइं अवहट्टु, मिस्सी-
 भावं पत्थुया (पराणाता) य एगे । धुवमग्गमेव पवयंति, वायावीरियं
 कुसीलाणां ॥ १७ ॥ सुद्धं रवति परिसाए, अह रहस्समि दुक्कडं करेति ।
 जाणांति य णं तहाविहा, माइल्ले महासडेऽयंति ॥ १८ ॥ सयं दुक्कडं च
 न वदति, आइट्ठोवि पक्कत्थति वाले । वेयाणावीइ मा कासी, चोइज्जंतो
 गिलाइ से भुज्जो ॥ १९ ॥ ओसियावि इत्थिपोसेसु, पुरिसा इत्थिवेयखेदन्ना ।
 पराणासमन्निता वेगे, नारीणां वसं उवकसंति ॥ २० ॥ अवि हत्थपादच्छेदाए,
 अदुवा वद्धमंसउक्कंते । अवि तेयसाभितावणाणि, तच्छियखारसिचणाइं च
 ॥ २१ ॥ अदु करणाणासच्छेदं, कंठच्छेदणां तितिवखंती । इति इत्थ
 पावसंतत्ता, नय विति पुणो न काहिति ॥ २२ ॥ सुतमेतमेवमेगेसिं,
 इत्थीवेदेति हु सुयक्खायं । एवंपि ता वदित्ताणां, अदुवा कम्मणा अवकरेति
 ॥ २३ ॥ अन्नं मणोण चिंतेति, वाया अन्नं च कम्मणा अन्नं । तम्हा ण
 सहह भिक्खु, बहुमायाओ इत्थिओ णच्चा ॥ २४ ॥ जुवती समणां बूया,
 विचित्तलंकारवत्थगाणि परिहित्ता । विरता चरिस्सहं रुक्खं (मौनं), धम्म-
 माइक्ख णो भयंतारो ॥ २५ ॥ अदु साविया पवाणां, अहमंसि साहम्मिणी य सम-
 णाणां । जलुकुंभे जहा उवज्जोई, संवासे विदू विसीएज्जा ॥ २६ ॥ जलुकुंभे
 जोइउवगूढे, आसुऽभितत्ते णासमुवयाइ । एवित्थियाहिं अणगारा, संवासेण
 णासमुवयंति ॥ २७ ॥ कुच्चंति पावगं कम्मं, पुट्टा वेगेवमाहिंसु । नोऽहं
 करेमि पावंति, अकेसाइणी ममेसत्ति ॥ २८ ॥ बालस्स मंदयं बीयं, जं च
 कडं अवजाणई भुज्जो । दुग्गां करेइ से पावं, पूयणाकामो विसन्नेसी

॥ २६ ॥ संलोकशिज्जमणागारं, आयगयं निमंतरोणाहंसु । वत्थं च ताइ !
पायं वा, अन्नं पाणागं पंडिग्गाहे ॥ ३० ॥ शीवारमेवं बुज्जेजा, णो इच्छे
अगारमागंतुं । बद्धे विसयपासेहिं, मोहमावज्जइ पुणो मंदे ॥ ३१ ॥
त्तिवेमि (गाथाग्रं २८७)

॥ इति चतुर्थाध्ययने प्रथमोद्देशकः ॥ ४-१ ॥

॥ अथ चतुर्थाध्ययने द्वितीयोद्देशकः ॥

ओए सया ण रज्जेजा, भोगकामी पुणो विरज्जेजा । भोगे सम-
णाणा सुगोह, जह भुंजंति भिक्खुणो एगे ॥ १ ॥ अह तं तु भेदमावन्नं,
मुच्छित्तं भिक्खुं काममतिवट्ठं । पलिभिंदिया णं तो पच्छा, पादुच्छट्ठु
मुद्धि पहणांति ॥ २ ॥ जइ केसिआ णं मए भिक्खू, णो विहरे सह णमि-
त्थीए । केसाणाविह लुं चिस्सं, नन्नत्थ मए चरिज्जासि ॥ ३ ॥ अह णं
से होई उवलद्धो, तो पेसंति तहाभूएहिं । अलाउच्छेदं पेहेहि, वग्गुफलाइं
आहराहिति ॥ ४ ॥ दारूणि सागपागाए अन्नपागाय, पज्जोओ वा भवि-
स्सती राओ । पाताणि य (पोताणि य) मे रयावेहि, एहि ता मे पिट्ठओमहे
॥ ५ ॥ वत्थाणि य मे पडिलेहेहि, अन्नं पाणां च आहराहिति । गंधं (गंथं) च
रओहरणां च, कासवगं च मे समणुजाणाहि ॥ ६ ॥ अदु अंजणि
अलंकारं, कुकययं (कुक्कुडयं-घर्घरं) मे पयच्छाहि । लोद्धं च लोद्धकुसुमं
च, वेणुपलासियं च गुलियं च ॥ ७ ॥ कुट्ठं तगरं च अगरुं, संपिट्ठं
सम्मं उसिरेणां । तेल्लं मुहभिंजाए (भिराडलिजाए-भिलिजए) वेणुफलाइं
सन्निधानाए ॥ ८ ॥ नंदीउराणागाइं पाहराहि, वृत्तोवाणाहं च जाणाहि ।
सत्थं च सूवच्छेजाए, आणीलं च वत्थयं रयावेहि ॥ ९ ॥ सुफाणि
च सागपागाए, आमलगाइं दगाहरणां च । तिलगकरणिमंजणासलागं,
घिसु मे दिहूणयं विजाणोहि ॥ १० ॥ मंडासगं च फाणिहं च,

सीहलिपासगं च आणाहि । आदंशगं च पयच्छाहि, दंतपवखालणं
 पवेसाहि ॥ ११ ॥ पूयफलं तंबोलयं, सूईसुत्तगं च जाणाहि । कोसं च
 मोयमेहाए, सुप्पुक्खल्लगं च खारगालणं च ॥ १२ ॥ चंदालगं च करगं
 च, वच्चघरं च आउसो ! खणाहि । सरपाययं च जायाए, गोरहगं च
 सामणोराए ॥ १३ ॥ घडिगं च सडिंडिमयं च, चेलगोलं कुमारभूयाए ।
 वासं समभिआवराणां, आवसहं च जाण भत्तं च ॥ १४ ॥ आसंदियं च
 नवसुत्तं, पाउल्लाई संकमट्टाए । अदु पुत्तदोहलट्टाए, आणप्पा हवंति दासा
 वा ॥ १५ ॥ जाए फले समुप्पन्ने, गेराहसु वा रां अहवा जहाहि । अहं
 पुत्तपोसिणो एगे, भारवहा हवंति उट्टा वा ॥ १६ ॥ राओवि उट्टिया संता,
 दारगं च संअवंति धाई वा । सुहिरामणा वि ते संता, वत्थथोवा हवंति हंसा
 वा ॥ १७ ॥ एवं बहुहिं कयपुठ्वं, भोगत्थाए जेऽभियावन्ना । दासे मिइव
 पेसे वा, पसुभूतेव से ण वा केई ॥ १८ ॥ एवं खु तासु विन्नप्पं, संथवं
 संवासं च वज्जेजा । तज्जातिआ इमे कामा, वज्जकरा य एवमवखाए ॥ १९ ॥
 एयं भयं ण सेयाय, इइ से अप्पगं निरुंभित्ता । णो इत्थि णो पसुं
 भिक्खू, णो सयं पाणिणा णिलिज्जेजा ॥ २० ॥ सुविसुद्धलेसे मेहावी,
 परकिरिअं च वज्जे नाणी । मणासा वयसा कायेणां, सब्बफाससहे आणगारे
 ॥ २१ ॥ इच्चेवमाहु से वीरे, धुअरए धुअमोहे (धुअराजमग्गे) से भिक्खू ।
 तम्हा अज्जत्थविसुद्धे, सुविमुक्के (विहरे) आमोवखाए परिव्वएज्जा सि
 ॥ २२ ॥ त्तिवेमि ॥ (गाथाग्रं ३०६)

॥ इति चतुर्थाध्ययने द्वितीयोद्देशकः ॥ ४-२॥ इति चतुर्थाध्ययनम् ४॥



॥ अथ पञ्चमे नरकविभक्त्यध्ययने प्रथमोद्देशकः ॥

पुच्छिरसऽहं केवलियं महेसिं, कंहं भितावा णारगा पुरत्था ? । अजा-
 गात्रो मे मुण्णि ब्रूहि जाण, कंहिं नु बाला नरयं उविंति ? ॥१॥ एवं मए
 पुट्ठे महाणुभावे, इणमोऽव्वी कासवे आसुपन्ने । पवेदइस्सं दुहमट्टुदुग्गं,
 आदीणियं दुक्कडियं (दुक्कडिणां) पुरत्था ॥२॥ जे केइ बाला इह जीवियट्ठी,
 पावाइं कम्माइं करंति रुद्धा । ते घोररूवे तमिसंधयारे, तिब्वाभितावे नरए पडंति
 ॥३॥ तिब्वं तसे पाणिणो थावरे य, जे हिंसती आयसुहं पडुच्चा । जे
 लूमए होइ अदत्तहारी, ण सिवखती सेयवियस्स किंचि ॥४॥ पागब्भिमि
 पाणे बहुणां तिवाति, अनिब्बते घातमुवेति बाले । णिहो णिसं गच्छति
 अंतकाले, अहोसिरं कट्टु उवेइ दुग्गं ॥५॥ हणं छिंदह भिंदह णं दहेति,
 सहो सुणिता परहम्मियाणां । ते नारगात्रो भयभिन्नसन्ना, कंखंति कन्नाम
 दिसं वयामो ! ॥६॥ इंगालरासिं जलियं सजोतिं, तत्तोवमं भूमिमणुकमंता ।
 ते डब्भं णा कलुणां थणांति, अरहस्सरा तत्थ चिरट्ठितीया ॥७॥ जइ ते
 सुया वेयरणी भिदुग्गा, णिसिआो जहा खुर इव तिक्खसोया । तरंति ते
 वेयरणीं भिदुग्गां, उसुचोइया सत्तिसु हम्ममाणा ॥८॥ कीलेहिं विज्भंति
 असाहुकमा, नावं उविंते सइविप्पहूणा । अन्ने तु सूलाहिं तिसूलियाहिं,
 दीहाहिं विद्धूणा अहेकरंति ॥९॥ केसिं च थंधित्तु गले सिलाआो, उदगंसि
 बोलंति महालयंसि । कलंबुयावालुय मुम्मुरे य, लोलंति पच्चंति अ तत्थ
 अन्ने ॥ १० ॥ अ(आ)सूरियं नाम महाभितावं, अंधंतमं दुप्पतरं महंतं ।
 उड्हं अहेअं तिरियं दिसासु, समाहिआो (समूसिआो) जत्थऽगणी भियाई
 ॥ ११ ॥ जंसी गुहाए जलणोऽतिउट्ठे, अविजाणआो डब्भइ लुत्तपराणो ।
 सया य कलुणां पुणं घम्मठाणां, गाढोवणीयं अतिदुक्खधम्मं ॥ १२ ॥ चत्तारि
 अगणीआो समारभित्ता, जहिं कूरकम्माऽभितविंति बालं । ते तत्थ चिट्ठंतऽ-

भित्त्पमाणा, मच्छा व जीवंतुवजोतिपत्ता ॥ १३ ॥ संतच्छृणां नाम महाहि-
 तावं, ते नारया जत्थ असाहुकम्मा । हत्थेहिं पाएहि य बंधिऊणां, फलगं व
 तच्छंति कुहाडहत्था ॥ १४ ॥ रुहिरे पुणो वच्चसमुस्सिअंगे, भिन्नुत्तमंगे
 वरिवत्तयंता । पयंति णं गोरइए फुरंते, सजीवमच्छे व अयोक्वल्ले ॥ १५ ॥
 नो चेव ते तत्थ मसीभवन्ति, ण मिज्जती तिब्बभिवेयणाए । तमाणुभागं
 अणुवेदयंता, दुक्खंति दुक्खी इह दुक्खेणां ॥ १६ ॥ तहिं च ते लोलणासंपगाढे,
 गाढं सुतत्तं अगणिं वयंति । न तत्थ सायं लहती भिदुग्गे, अरहिया
 (अरब्भिया) भितावा तहवी तविंति ॥ १७ ॥ से सुच्चई नगरवहे व सहे,
 वुहोवणीयाणि पयाणि तत्थ । उदिराणकम्माण उदिराणकम्मा, पुणो पुणो ते
 मरहं दुहेति ॥ १८ ॥ पाणोहिं णं प्राव विअोजयंति, तं भे पवक्खामि
 जहातेहेणां । दंइ हिं तत्था सरयंति बाला, सव्वेहिं दंडेहि पुराकरहि ॥ १९ ॥
 ते हम्ममाणा णारगे पडंति, पुन्ने दुरूवस्स महाभितावे । ते तत्थ चिट्ठंति
 दुरूवभक्खी, लुट्ठंति कम्मोवगया किमोहिं ॥ २० ॥ सया कसिणां पुण
 घम्मठाणां, गाढोवणीयं अतिदुक्खधम्मं । अंडूसु पक्खिप्प विहत्तु देहं, वेहेणा
 सीसं सेअभितावयंति ॥ २१ ॥ च्छिंदंति बालस्स खुरेणा नवकं, उट्ठेवि
 च्छिंदंति दुवेवि करणो । जिब्भं विणिक्कस्स विहत्थिमिच्चं, तिक्खाहिं सूला-
 हिअभितावयंति ॥ २२ ॥ ते तिप्पमाणा तलसंपुडंव, राइंदियं तत्थ थणांति
 बाला । गलंति ते सोणिअपूयमंसं, पज्जोइया खारपइच्छियंगा ॥ २३ ॥
 जइ ते सुता लोहितपूअपाई, बालागणी तेअगुणा परेणां । कुंभी महंता-
 हियपोरसीया, समूसिता लोहियपूअपुराणा ॥ २४ ॥ पक्खिप्प तासुं पययंति
 बाले, अट्ठस्सरे ते कलुणां रसंते । तरहाइया ते तउतंवत्तं, पज्जिज्जमाणा-
 अत्तरं रसंति ॥ २५ ॥ अप्पेणा अप्पं इह वंचइत्ता, भवाहमे पुब्बसते सहस्से
 । चिट्ठंति तत्था बहुक्करकम्मा, जहा कडं कम्म तहासि भारे ॥ २६ ॥
 ममज्जिणित्ता कलुमं अणज्जा, इट्ठेहिं कंतेहि य विप्पहूणा । ते दुब्भिगंधे

कसिणो य फासे, कम्मोवगा कुणिमे आवसंति ॥ २७ ॥ त्तिवेमि ॥
(गाथाग्रं ३३६)

॥ इति पञ्चमध्ययने प्रथमोद्देशकः ॥ ५-१॥

॥ अथ पञ्चमाध्ययने द्वितीयोद्देशकः ॥

अहावरं सासयदुक्खधम्मं, तं भे पवक्खामि जहात्तहेणां । बाला
जहा दुक्कडकम्मकारी, वेदंतिं कम्माइं पुरेकडाइं ॥ १ ॥ हत्थेहिं पाएहि य
बंधिऊणां, उदरं विकत्तंति खुरासिएहिं । गिरिहत्तु बालस्स विहत्तु देहं,
वद्धं थिरं पिट्ठतो उद्धरंति ॥ २ ॥ बाहू पक्कत्तंति (पक्कप्पंत्ति) य मूलतो से,
थूलं वि ामं मुहे आडहंति । रहंसि जुत्तं सरयंति बालं, आरुस्स विज्ज्मंति
तुदेणा पिट्ठे ॥ ३ ॥ अयं व तत्तं जलियं सजोइ, तऊवमं भूमिमणुक्कमंता ।
ते डज्जमाणा कलुणां थणांति, उसुत्तोइया तत्तजुगेषु जुत्ता ॥ ४ ॥ बाला
बला भूमिमणुक्कमंता, पविज्जलं लोहपहं च तत्तं । जंसीऽभिदुग्गंसि पव-
ज्जमाणा, पेसेव दंडेहिं पुराकरंति ॥ ५ ॥ ते संपगादंसि पवज्जमाणा,
सिल्लाहिं हम्मंति निपातिणीहिं । संतावणी नाम चिरट्ठितीया, संतप्पती
जत्थ असाहुक्कम्मा ॥ ६ ॥ कंडूसु पक्खिप्प पयंति बालं, ततोवि दड्ढा पुणा
उप्पयंति । ते उड्ढकाएहिं पक्खज्जमाणा, अवरैहिं खज्जंति सणप्फएहिं ॥ ७ ॥
समूसियं नाम विधूमगणां, जं सोयत्ता कलुणां थणांति । अहोसिरं कट्ठ
विगत्तिऊणां, अयं व सत्थेहिं समोसवेंति ॥ ८ ॥ समूसिया तत्थ विस्सूणि-
यंगा, पक्खीहिं खज्जंति अत्रोमुहेहिं । संजीमणी नाम चिरट्ठितीया, जंसी
पया हम्मइ पावचेया ॥ ९ ॥ तिक्खाहिं सूलाहि निवाययंति (भितावयंति)
वसोगयं सावययं व लद्धं । ते सूलविद्धा कलुणां थणांति, एगंतदुक्खं दुहत्तो
गिलाणा ॥ १० ॥ सया जलं नाम निहं महंतं, जंसी जलंतो अगणी अक्कट्ठो ।
चित्ठंति बद्धा बहुक्कूरक्कम्मा, अरहस्सरा केइ चिरट्ठितीया ॥ ११ ॥ चिया

महंतीउ समारभित्ता, ह्रुव्भंति ते तं कलुणां रसंतं । आवट्टती तत्थ असा-
हुकम्मा, सप्पी जहा पडि थं जोइमज्जे ॥ १२ ॥ सदा कसिणां पुणा धम्मशणां
गाढोवणीयं अइदुक्खधम्मं । हत्थेहिं पाएहि य बंधिऊणां, सत्तुव्व डंडेहिं
समारभंति ॥ १३ ॥ भंजंति बालरस वहेणा पुट्टी, सीसंपि भिंदंति अत्रो-
घणेहिं । ते भिन्नदेहा फलगं व तच्छा, तत्ताहिं आराहिं णियोजयंति
॥ १४ ॥ अभिजुंजिया रुह असाहुकम्मा, उसुचोइया हत्थिवहं वहंति ।
एगं दुरुहित्तु दुवे ततो वा, आरुस्स विज्भंति ककाणत्रो से ॥ १५ ॥
वाला बला भूमिमणाकमंता, पविज्जलं कंटइलं महंतं । विवद्धतप्पेहिं विव-
राणाचित्ते, समीरिया कोट्टबलि करिंति ॥ १६ ॥ वेतालिए नाम महाभितावे,
एगायते पव्वयमंतलिवखे । हम्मंति तत्था बहुकूरकम्मा, परं सहस्साणा
मुहुत्तगाणां ॥ १७ ॥ संवाहिया दुक्कडिणो थणांति, अहो य रात्रो परित-
प्पमाणा । एगंतकूडे नरेण मंते, कूडेणा तत्था विसमे हता उ ॥ १८ ॥
भंजंति णां पुव्वमरी सरोसं, समुग्गरे ते मुसले गहेतुं । ते भिन्नदेश रुहिरं
वपंता, ओमुद्दगा धरणितले पडंति ॥ १९ ॥ अणासिया नाम महासि-
याला, पागन्भिणो तत्थ सयायकोवा । खज्जंति तत्था बहुकूरकम्मा, अदूरगा
संकलियाहि बद्धा ॥ २० ॥ सयाजला नाम नदी भिदुग्गा, पविज्जलं
लोहविलीणतत्ता । जंसी भिदुग्गंसि पवज्जमाणा, एगायस्ताणाकमणां करेति
॥ २१ ॥ एयाइं फासाइं फुसंति बालं, निरंतरं तत्थ चिरट्टितीयं । णा हम्म-
माणास्स उ होइ ताणां, एगो सयं पच्चणुहोइ दुक्खं ॥ २२ ॥ जं जारिसं
पुव्वमकासि कम्मं, तमेव आगच्छति संपराए । एगंतदुक्खं भवमज्जणित्ता, वेदंति
दुक्खी तमणांतदुक्खं ॥ २३ ॥ एताणि सोच्चा णारगाणि धीरे, न हिंसए किंचण
मव्वलोए । एगंतदिट्ठी अपरिग्गहे उ, बुज्जिज्ज लोयस्स वसं न गच्छे ॥ २४ ॥
एवं तिरिवखे मणुयासु(म)रेसुं, चतुरन्तणांतं तयणाव्विवागं । स सव्वमेयं
इति वेदइत्ता, कंखेज्ज कालं धुयमायरेज्ज ॥ २५ ॥ त्तियेमि (गाथाग्रं ३६१) ।
॥ इति पञ्चमाध्ययने द्वितियोद्देशकः ॥ ५-२॥ ॥ इति पञ्चमाध्ययनम् ॥ ५ ॥

॥ अथ श्रीवीरस्तुत्याख्यं षष्ठमध्ययनम् ॥

पुच्छिस्सु रां समणा माहणा य, अगारिणो या परतित्थिया य ।
 से केइ गोगंतहियं धम्ममाहु, अणोलिसं साहु ममिक्खयाए ॥ १ ॥ कहं च
 णाणां कह दंसणां से, सीलं कहं नायसुतस्स आसी ? । जाणासि रां
 भिक्खु जहातहेणां, अहासुतं ब्रूहि जहा णिसंतं ॥ २ ॥ खेयन्नए से कुसला-
 सुपन्ने (कुसले महेसी), अरांतनाणी य अरांतदंसी । जसंसिणो चक्खुपहे
 ठियरस, जाणाहि धम्मं च धिइं च पेहि ॥ ३ ॥ उद्धं अहेयं तिरियं दिसासु,
 तसा य जे थावर जे य पाणा । से णिच्चणिच्चेहि समिक्ख पन्ने, दीवे व
 धम्मं समियं उदाहु ॥ ४ ॥ से सब्बदंसी अभिभूयनाणी, णिरामगंधे धिइमं
 ठितप्पा । अणुत्तरे सब्बजगंसि विज्जं, गंधा अतीते अभए अणाऊ ॥ ५ ॥
 से भूइपरणो अणिएअचारी, ओहंतरे धीरे अरांतचक्खु । अणुत्तरं तप्पति
 सूरिए वा, वइरोयणिंदे व तमं पगासे ॥ ६ ॥ अणुत्तरं धम्ममिणां जिणाणां,
 शोया मुणी कासव आसुपन्ने । इंदेव देवाणा महाणुभावे, सहस्सणोता दिवि
 रां विसिट्ठे ॥ ७ ॥ से पन्नया अक्खयसागरे वा, महोदही वावि अरांतपारे ।
 । अणाइले वा अकसाइ मुक्के (भिक्खु), सब्बेव देवाहिवई जुईमं ॥ ८ ॥
 से वीरिएणां पडिपुन्नवीरिए, सुदंसणो वा णगसब्बसेट्ठ । सुरालए वासि(दि)-
 मुदागरे से, विरायए गोगगुणोववेए ॥ ९ ॥ सयं सहस्साण उ जोयणाणां,
 तिकंडगे पंडगवेजयंते । से जोयणो णवणावते सहरसे, उद्धुस्सितो हेट्ठ
 सहस्समेगं ॥ १० ॥ पुट्ठे णभे चिट्ठइ भूमिवट्ठिए, जं सूरिया अणुपरिव-
 ट्ठयंति । से हेमवन्ने बहुनंदणो य, जंसी रतिं वेदयंती महिंदा ॥ ११ ॥ से
 पव्वए सहमहप्पगासे, विरायती कंत्तणमट्ठवन्ने । अणुत्तरे गिरिसु य
 पव्वदुग्गे गिरीवरे से जल्लिएव भोमे ॥ १२ ॥ महीइ मज्झमि टित्ठे णाणिंदे,
 पन्नायते सूरियसुद्धलेसे । एवं सिरीए उ स. भूरिवन्ने, मणोरमे जोयइ

अचिमाली ॥ १३ ॥ सुदंसणरसेव जसो गिरिस्स, पवुच्चई महतो पव्वयस्स ।
 एतोवमे समणो नायपुत्ते, जातीजसोदंसणानासीले ॥ १४ ॥ गिरीवरे
 वा निसहाऽऽययाणां, स्यए व सेट्ठे वलयायताणां । तत्रोवमे से जगभूइपन्ने,
 मुणीणा मज्जे तमुदाहु पन्ने ॥ १५ ॥ अणुत्तरं धम्ममुईरइत्ता, अणुत्तरं
 भाणवरं भियाइ । सुसुक्कसुवकं अपगंडसुवकं, संखिंदुएगंतवदातसुवकं
 ॥ १६ ॥ अणुत्तरगं परमं महेसी, असेसकम्मं स विसोहइत्ता । सिद्धिं
 गतिं (गते) साइमाणंतपत्ते, नाणेण सीलेण य दंसणेण ॥ १७ ॥ रुक्खेसु
 णाते जह सामली वा, जस्सि रति वेययती सुवन्ना । वणेसु वा णंदणमाहु
 सेट्ठं, नाणेण सीलेण य भूतिपन्ने ॥ १८ ॥ थणियं व सहाण अणुत्तरे
 उ, चंदो व ताराण महाणुभावे । गंधेसु वा चंदणमाहु सेट्ठं, एवं मुणीणां
 अपडिन्नमाहु ॥ १९ ॥ जहा सयंभू उदहीण सेट्ठे, नाणेसु वा धरणिंदमाहु
 सेट्ठे । खोत्रोदए वा रस वेजयंते, तवोवहाणे मुणिवेजयंते ॥ २० ॥
 हत्थीसु एरावणमाहु णाए, सीहो मिगाणां सलिलाण गंगा । पक्खीसु
 वा गरुले वेणुदेवो, निव्वाणवादीणिह णायपुत्ते ॥ २१ ॥ जोहेसु णाए
 जह वीससेणे, पुप्फेसु वा जह अरविंदमाहु । खत्तीण सेट्ठे जह
 दंतवक्के, इसीण सेट्ठे तह वद्धमाणे ॥ २२ ॥ दाणाण सेट्ठं अभय-
 प्पयाणां, सच्चेसु वा अणवज्जं वयंति । त्वेसु वा उत्तमं बंभचेरं,
 लोगुत्तमे समणो नायपुत्ते ॥ २३ ॥ ठिईण सेट्ठा लवसत्तमा वा, सभा सुहम्मा
 व सभाण सेट्ठा । निव्वाणसेट्ठा जह सब्बधम्मा, ण णायपुत्ता परमत्थि नाणी
 ॥ २४ ॥ पुढोवमे धुणइ विगयणेही, न सणिणहिं कुव्वति आसुपन्ने ।
 तरिउं समुहं व महाभवोघं, अभयंकरे वीर अणंतचक्खु ॥ २५ ॥ कोहं च
 माणां च तहेव मायं, लोभं चउत्थं अज्भत्थदोसा । एआणि वंता अरहा
 महेसी, ण कुव्वई पाव ण कारवेइ ॥ २६ ॥ किरियाकिरियं वेणइयाणुवायं,
 अराणाणियाणां पडियच्च ठाणां । से सब्बवायं इति वेयइत्ता, उवट्टिए संजम-

दीहरायं ॥ २७ ॥ से वारिया इत्थी सराइभत्तं, उवहाणव्वं दुक्खखयट्टयाए ।
 लोगं विदित्ता आरं परं च, सव्वं पभू वारिय सव्ववारं ॥ २८ ॥
 सोच्चा य धम्मं अरहंतभासियं, समाहितं अट्टपदोवसुद्धं । तं सहहाणा
 (सदहंता) य जणा अणाऊ, इंदा व देवाहिव आगमिस्संति ॥ २९ ॥
 त्तिवेमि (गाथाग्रं ३१०)

॥ इति षष्ठमध्ययनम् ॥ ६ ॥

॥ अथ कुशीलपरिभाषाख्यं सप्तममध्ययनम् ॥

पुढवो य आऊ अगणी य वाऊ, तण रुक्ख बीया य तसा य पाणा ।
 जे अंडया जे य जराउ पाणा, संसेयया जे रसयाभिहाणा ॥ १ ॥
 एयाइं कायाइं पवेदिताइं, एतेसु जाणे पडिलेह सायं । एतेण(हिं) काएण-
 (हिं) य आयदंडे, एतेसु या विप्परियासुविंति ॥ २ ॥ जाईपहं अणुपरिव-
 ट्टमारो, तसथावरेहिं विणिघायमेति । से जाति जातिं बहुकूरकम्मे, जं कुव्वती
 मिज्जति तेण बाले ॥ ३ ॥ अस्सिं च लोए अदुवा परत्था, सयग्गसो वा
 त्तह अन्नहा वा । संमारमावन्न परं परं ते, बंधंति वेदंति य दुन्नियाणि
 ॥ ४ ॥ जे मायरं वा पियरं च हिच्चा, समणव्वए अगणिं समारभिज्जा ।
 अहाहु से लोए कुसीलधम्मे, भूताइं जे हिंसति आयसाते ॥ ५ ॥ उज्जा-
 लत्रो पाण निवातएज्जा, निव्वावत्रो अगणि निवायवेज्जा । तम्हा उ मेहावि
 समिक्ख धम्मं, ण पंडिए अगणिं समारभिज्जा ॥ ६ ॥ पुढवीवि जीवा
 आऊवि जीवा, पाणा य संपाइम संपयंति । संसेयया कट्टसमस्सिया य, एते
 दहे अगणिं समारभंते ॥ ७ ॥ हरियाणि भूताणि विलंबगाणि, आहार
 देहा य पुढो सियाई । जे छिंदती आयसुहं पडुच्च, पागव्वि पाणे बहुणां
 तिवाती ॥ ८ ॥ जातिं च बुद्धिं च विणासयंते, बीयाइं अस्संजय आयदंडे ।
 अहाहु से लोए अणज्जधम्मे, बीयाइ जे हिंसति आयसाते ॥ ९ ॥

गव्भाइं मिज्जंति बुयावुयाणा, णारा परे पंचसिहा कुमारा । जुवाणागा
 मज्झिम थेरगा (मज्झिम पोरुसा) य, चयंति ते आउखए पलीणा ॥ १० ॥
 संवुज्झहा जंतवो ! माणुसत्तं, दट्ठुं भयं तालिसेणां अलंभो । एगंतदुवखे
 जरिए व लोए, सकम्मुणा विप्परियासुवेइ ॥ ११ ॥ इहेग मूढा पवयंति
 मोक्खं, आहारसंपज्जावज्जगोणां (आहारसंपंचयवज्जगोणां, आहारयो पंचक-
 वज्जगोणां) । एगे य सीओदगसेवगोणां, हुएणा एगे पवयंति मोक्खं ॥ १२ ॥
 पाओमिणाणादिसु णत्थि मोक्खो, खारस्स लोणास्स अणामएणां । ते मज्ज-
 मंसं लसणां च भोच्चा, अन्नत्थ वासं परिकप्पयंति ॥ १३ ॥ उदगेणा जे
 सिद्धिमुदाहरंति, सायं च पायं उदगं फुसंता । उदगस्स फासेणा सिया य
 सिद्धी, सिज्झिसु पाणा बहवे दगंसि ॥ १४ ॥ मच्छा य कुम्मा य सिरीसिवा
 य, मग्गू य उट्ठा(ट्ठा) दगरखसा य । अट्ठाणमेयं कुसला वयंति, उदगेणा
 जे सिद्धिमुदाहरंति ॥ १५ ॥ उदयं जइ कम्ममलं हरेज्जा, एवं सुहं इच्छामि-
 त्तमेव । अंधं व गेयारमणुस्सरित्ता, पाणाणि चेवं विणिहंति मंदा ॥ १६ ॥
 पावाइं कम्माइं पकुव्वतो हि, सिओदगं तू जइ तं हरिज्जा । सिज्झिसु एगे
 दगसत्तवाती, मुसं वयंते जलसिद्धिमाहु ॥ १७ ॥ हुतेणा जे सिद्धिमुदाहरंति,
 सायं च पायं अगणिं फुसंता । एवं सिया सिद्धि हवेज्ज तम्हा, अगणिं
 फुसंताण कुकम्मिणांपि ॥ १८ ॥ अपरिक्ख दिट्ठं ण हु एव सिद्धी, एहिति
 ते घायमवुज्झमाणा । भूएहिं जाणां पडिलेह सातं, विज्जं गहायं तसथा-
 वरेहिं ॥ १९ ॥ थणांति लुप्पंति तसंति कम्मी, पुढो जगा परिसंखाय भि-
 क्खु । तम्हा विऊ विरतो आयगुत्ते, दट्ठुं तसे या पडिसंहरेज्जा ॥ २० ॥
 जे धम्मलद्धं विणिहाय भुंजे, वियडेणा साहट्ठु य जे सिणाइं । जे धोवती
 लूसयतीव वत्थं, अहाहु से णागणियस्स दूरे ॥ २१ ॥ कम्मं परिन्नाय
 दगंसि धीरे, वियडेणा जीविज्ज य आदिमोक्खं । से बीयकंदाइ अमुंज-
 माणे, विरते सिणाणाइसु इत्थियासु ॥ २२ ॥ जे मायरं च पियरं च हिच्चा;

गारं तहा पुत्तपसुं धणां च । कुलाइं जे धावइ साउगाइं, अहाहु से
सामणियस्स दूरे ॥ २३ ॥ कुलाइं जे धावइ साउगाइं, आघाति धम्मं उदरा-
णुगिद्धे । अहाहु से आयरियाण सयंसे, जे लावएज्जा असणस्स हेऊ
॥ २४ ॥ णिखम्म दीणो परभोयणांमि, मुहमंगलीए उदराणुगिद्धे । नीवार-
गिद्धेव महावराहे, अदूरए एहिइ घातमेव ॥ २५ ॥ अन्नस्स पाणस्सिहलो-
इयस्स, अणुप्पियं भासति सेवमाणो । पासत्थयं चैव कुसीलयं च, निस्सारए
होइ जहा पुलाए ॥ २६ ॥ अराणात्पिंडेणहियासएज्जा, णो पूयणां तवसां
आवहेज्जा । सद्देहिं रुवेहिं असज्जमाणां, सब्बेहिं कामेहिं विणीय गेहिं
॥ २७ ॥ सब्बाइं संगाइं अइच्च धीरे, सब्बाइं दुक्खाइं तित्तिक्खमाणे ।
अखिले अगिद्धे अणिएयचारी, अभयंकरे भिक्खु अणाविलप्पा ॥ २८ ॥
भारस्स जत्ता (जाता) मुण्णि भुंजएज्जा, कंखेज्ज पावस्स विवेग भिक्खु ।
दुक्खेण पुट्ठे धुयमाइएज्जा, संगामसीसे व परं दमेज्जा ॥ २९ ॥ अवि
हम्ममाणो फलगावतट्ठी, समागमं कंखति अंतकस्स । णिधूय कम्मं ण
पवंचुवेइ, अक्खक्खए वा सगडं तिबेमि ॥ ३० ॥ (गाथाग्रं ४०२)

॥ इति सप्तममध्ययनम् ॥ ७ ॥

॥ अथ अष्टमं श्रीवीर्याध्ययनम् ॥

दुहा वेयं सुयक्खायं, वीरियंति पवुच्चई । किं नु वीरस्स वीरत्तं, क्हं
चेयं पवुच्चई ? ॥ १ ॥ कम्ममेगे पवेदंति, अकम्मं वावि सुब्बया । एतेहिं
दोहि ठाणोहिं, जेहिं दीसति मच्चिया ॥ २ ॥ पमायं कम्ममाहंसु, अण्णमायं
तहाअवरं । तब्भावादेसअओ वावि, बालं पंडियमेव वा ॥ ३ ॥ सत्थमेगे तु
सिक्खंता (सिक्खंति), अतिवायाय पाणिणां । एगे मंते अहिज्जंति, पाणा-
भूयविहेडिणो ॥ ४ ॥ माइणो कट्ठु माया य, कामभोगे समारभे (आरंभाय
तिवट्ठइ) । हंता छेत्ता पगब्भित्ता, आयसायाणुगामिणो ॥ ५ ॥ मणसा

वयसा चैव, कायसा चैव अंतसो । आरत्रो परत्रो वावि, दुहावि य असं-
 जया ॥ ६ ॥ वेराइं कुब्बई वेरी, तत्रो वेरेहिं रज्जती । पावोवगा य आरंभा,
 दुक्खफासा य अंतसो ॥ ७ ॥ संपरायं णियच्छंति, अत्तदुक्कडकारिणो ।
 रागदोसस्सिया बाला, पावं कुब्बंति ते वहुं ॥ ८ ॥ एयं सकम्मवीरियं,
 बालारां तु पवेदितं । इत्तो अकम्मविरियं, पंडियारां सुणोह मे ॥ ९ ॥
 दव्विए वंधणुमुक्के, सव्वत्रो छिन्नबंधणो । पणोल्ल पावकं कम्मं, सल्लं
 कंतति अंतसो (सल्लं कंतइ अप्पणो) ॥ १० ॥ नेयाउयं सुयक्खायं,
 उवादाय समीहए । भुज्जो भुज्जो दुहावासं, असुहत्तं तहा तहा ॥ ११ ॥
 ठाणी विविहठाणाणि, चइस्संति ण संसत्रो । अणियते अयं वासे
 (अनिइए य संवासे), णायएहिं सुहीहि य ॥ १२ ॥ एवमादाय मेहावी,
 अप्पणो गिद्धिमुद्धरे । आरियं उवसंपज्जे, सव्वधम्मकोवि यं ॥ १३ ॥
 सह संमइए णञ्जा, धम्मसारं सुणोत्तु वा । समुवट्टिए उ अणगारे (उवट्टिए
 य मेहावी), पक्खवायपावए ॥ १४ ॥ जं किंचुवकमं जाणे (णच्च),
 आउक्खेमस्स अप्पणो । तस्सेव अंतरा खिप्पं, सिक्खं सिक्खेज्ज पंडिए
 ॥ १५ ॥ जहा कुम्मे सअंगाइं, सए देहे समाहरे । एवं पावाइं मेधावी,
 अज्जप्पेण समाहरे ॥ १६ ॥ साहरे हत्थपाए य, मणां पंचे(सव्वे)दियाणि
 य । पावकं च परीसामं, भासादोमं च तारिसं ॥ १७ ॥ अणु मारां च मायं
 च, तं पडिन्नाय पंडिए (अइमारां च मायं च तं परिणाय पंडिए), (सुयं मे
 इहमेगोसिं । एयं वीरस्स वीरियं), (आयतट्ठं सुआदाय, एवं वीरस्स वीरियं),
 सातागारवणिहुए, उवसंते णिहं चरे ॥ १८ ॥ पाणे य णाइवाएज्जा, अदिन्नंपिय
 णादए । सादियं ण मुसं वूया, एस धम्मे वुसीमत्रो ॥ १९ ॥ अतिकम्मंति
 वायाए, मणासा वि न पत्थए । सव्वत्रो संबुडे दंते, आयाणं सुसमाहरे
 ॥ २० ॥ कडं च कज्जमारां च, आगमिस्सं च पावगं । सव्वं तं णाणुजाणांति,
 आयगुत्ता जिइंदिया ॥ २१ ॥ जे याबुद्धा महाभागा, वीरा असमत्तदंरिणो ।

असुद्धं तेसिं परक्कंतं, सफलं होइ सव्वसो ॥२२॥ जे य बुद्धा महाभागा,
वीरा सम्मत्तदंसिणो । सुद्धं तेसिं परक्कंतं, अफलं होइ सव्वसो ॥२३॥
तेसिंपि तवो ण (इ) सुद्धो, निक्खंता जे महाकुला । जन्ने वन्ने वियाणंति,
न सिलोगं पवेज्जए ॥२४॥ अप्पपिंडासि पाणासि, अप्पं भासेज्ज सुव्वए ।
खंतेऽभिनिव्वुडं दंते, वीतगिद्धी सदा जए ॥२५॥ भाणजोगं सवाहट्टु,
कायं विउसेज्ज सव्वसो । तित्तिक्खं परमं णच्चा, आमोक्खाए परिव्वएज्जासि
॥२६॥ (गाथाग्रं० ४४६) त्तिवेमि ॥

॥ इति चोर्याडयमष्टममध्ययनम् ॥८॥

॥ अथ धर्माख्यं नवममध्ययनम् ॥

कयरे धम्मे अक्खाए, माहणोण मतोमता । अंजु धम्मं जहातच्चं, जिणाणं
तं सुणोह मे (जणागा तं सुणोह मे) ॥१॥ माहणा खत्तिया वेस्सा, चंडाला अदु
बोक्कसा । एसिया वेसिया सुद्धा, जे य आरंभणिस्सिया ॥२॥ परिग्गहनिवि-
ट्ठाणं, पावं (वेरं) तेसिं पवड्डई । आरंभसंभिया कामा, न ते दुक्खविमोयगा
॥३॥ आघायकिच्चमाहेउं, नाइओ विसएसिणो । अन्ने हरंति तं वित्तं, कम्मी
कम्मेहिं किच्चती ॥४॥ माया पिया राहुसा भाया, भज्जा पुत्ता य ओरसा ।
नालं ते तव ताणाय, लुप्पंतस्स सकम्मुणा ॥५॥ एयमट्टं सपेहाए, परमट्टा-
णुगामियं । निम्ममो निरहंकारो, चरे भिक्खू जिणाहियं ॥ ६ ॥ चिच्चा
वित्तं च पुत्ते य, णाइओ य परिग्गहं । चिच्चा ण अंतगं सोयं, (चिच्चा-
णाऽऽंतगं सोयं) निरवेक्खो परिव्वए ॥ ७ ॥ पुट्ठी उ अगणी वाऊ,
तणरुक्खा सवीयगा । अंडया पोयजराऊ, रससंसेयउब्भिया ॥ ८ ॥ एतेहिं
छहिं काएहिं, तं विज्जं परिजाणिया । मणसा कायवक्केणां, णारंभी ण
परिग्गही ॥ ९ ॥ मुसावायं बहिद्धं च, उग्गहं च अजाइया । सत्थादाणाइं
लोगंसि, तं विज्जं परिजाणिया ॥ १० ॥ पलिउंचणां भयणां च, थंडित्तु-

यणाणि या । धूणादाणाइं लोगंसि, तं विज्जं परिजाणिया ॥ ११ ॥
 घोयणां रयणां चैव, बत्थीकम्मं विरेयणां । वमणंजणा पलीमंथं, तं विज्जं
 परिजाणिया ॥ १२ ॥ गंधमल्लमिणाणां च, दंतपक्खालणां तहा । परिग्ग-
 हित्थिकम्मं च, तं विज्जं परिजाणिया ॥ १३ ॥ उद्देसियं कीयगडं, पामिच्चं
 चैव आहडं । पूयं अणोसण्णिज्जं च, तं विज्जं परिजाणिया ॥ १४ ॥
 आसूणिमविखराणं च, गिद्धुवघायकम्मणं । उच्छोलणां च कक्कं च, तं
 विज्जं परिजाणिया ॥ १५ ॥ संपसारी कयकिरिए, पसिणायतणाणि य ।
 सागारियं च पिंडं च, तं विज्जं परिजाणिया ॥ १६ ॥ अट्टावयं न सिविखजा,
 वेहाईयं च णो वए । हत्थकम्मं विवायं च, तं विज्जं परिजाणिया ॥ १७ ॥
 पाणहाओ य इत्तं च, णालीयं बालवीयणां । परकिरियं अन्नमन्नं च, तं
 विज्जं परिजाणिया ॥ १८ ॥ उच्चारं पासवणां, हरिण्णु ण करे मुणी ।
 वियडेणा वावि साहट्टु, णायमेजा(वमज्जे) कयाइवि ॥ १९ ॥ परमत्ते
 अन्नपाणां, ण भुंजेज्ज कयाइवि । परवत्थं अचेलोऽवि, तं विज्जं परि-
 जाणिया ॥ २० ॥ आसंदी पलियंके य, णिसिज्जं च गिहंतरे । संपुच्छणां
 सरणां वा, तं विज्जं परिजाणिया ॥ २१ ॥ जसं कित्तिं सलोयं च, जा य
 वंदणापूयणा । सब्वलोयंसि जे कामा, तं विज्जं परिजाणिया ॥ २२ ॥
 जेणोहं णिव्वहे भिक्खु, अन्नपाणां तहाविहं । अणुप्पयाणामन्नेसिं, तं विज्जं
 परिजाणिया ॥ २३ ॥ एवं उदाहु निग्गंथे. महावीरे महामुणी । अणांतना-
 णादंसी से, धम्मं देसितवं सुतं ॥ २४ ॥ भासमाणो न भासेजा, गोव वंफेज्ज
 मम्मयं । मातिट्टाणां विवज्जेज्जा, अणुचितिय वियागरे ॥ २५ ॥ तत्थिमा-
 तइया भासा, जं वदिताऽणुत्पती । जं इन्नं तं न वत्तव्वं, एसा आणा
 णियंठिया ॥ २६ ॥ होलावायं सहीवायं, गोयावायं च नो वदे । तुमं
 तुमंति अमणुन्नं, सब्वसो तं ण वत्तए ॥ २७ ॥ अकुसीले सया भिक्खु,
 गोव संसगियं भए । सुहरूवा तत्थुवस्सग्गा, पडिबुज्जेज्ज ते विऊ ॥ २८ ॥

नन्नत्थ अंतराएणां, परगेहे ण णिसीयए । गामकुमारियं किड्डं, नातिवेलं
हसे मुणी ॥ २६ ॥ अणुस्सुत्तो (अणुस्सित्तो) उरालेसु, जयमाणो परिव्वए ।
चरियाए अप्पमत्तो, पुट्टो तत्थऽहियासए ॥ ३० ॥ हम्ममाणो ण कुप्पेज्ज,
वुच्चमाणो न संजले । सुमणो अहियासिज्जा, ण य कोलाहलं करे ॥ ३१ ॥
लद्धे कामे ण पत्थेज्जा, विवेगे एव(स)माहिए । आयरियाइं सिक्खेज्जा, बुद्धाणां
अंतिए सया ॥ ३२ ॥ सुस्सूसमाणो उवासेज्जा, सुप्पन्नं सुतवस्सियं । वीरा जे
अत्तपन्नेसी, धित्तिमन्ता जिइंदिया ॥ ३३ ॥ गिहे दीवमपासंता, हरिसा-
दाणिया नरा । ते वीरा बंधणुमुक्का, नावकंखंति जीवियं ॥ ३४ ॥ अगिद्धे
सइहासेसु, आरंभेसु अणुस्सिए । सब्बं तं समयातीतं, जमेतं लवियं बहु
॥ ३५ ॥ अइमाणं च मायं च, तं परिणाराय पंडिए । गारदाणिय
सव्वारिणा, शिब्बारिणां संधए मुणिए ॥ ३६ ॥ (गाथाग्रं ४८२) त्तिवेमि ॥

॥ इति नवममध्ययनम् । ९ ॥

॥ अथ दशमं श्रीसमाध्याख्यमध्ययनम् ॥

आधं मईमं मणुवीय धम्मं, अञ्जू समाहिं तमिणां सुणोह । अपडिन्न
भिक्षु उ समाहिपत्ते, अणियाणा भूतेसु परिव्वएज्जा ॥ १ ॥ उड्डं अहे यं
तिरियं दिसासु, तमा य जे आवर जे य पाणा । हत्थेहिं पाएहिं य संज-
मित्ता, अदिन्नमन्नेसु य णो गंहेज्जा ॥ २ ॥ सुयक्खायधम्मे वित्तिगिच्छ-
तिरणो, लाढे चरे आयतुले पयासु । आयं न कुज्जा इह जीवियट्ठी, चयं
न कुज्जा सुतवस्सि भिक्षु ॥ ३ ॥ सव्विदियाभिनिव्वुडे पयासु, चरे मुणी
सव्वतो विप्पमुक्के । पासाहि पाणो य पुटोवि सत्ते, दुक्खेणा अट्टे परित्प-
माणो ॥ ४ ॥ एतेसु बाले य (एवं तु बाले) पकुब्बमाणो, आवट्टेती (आउ-
ट्टेति) कम्मसु पावएसु । अतिरायतो कीरति पावकम्मं, निउंजमाणो उ
करेइ कम्मं ॥ ५ ॥ आदीणवित्तीव (आदीणभूइवि) करेति पावं, मंता उ

एगंतसमाहिमाहु । बुद्धे समाहीय रते विवेगे, पाणातिवाता विरते ठियप्पा
 (ठियच्चि) ॥६॥ सव्वं जगं तू समयानुपेही, पियमप्पियं कस्सइ णो करेज्जा ।
 उट्ठाय दीणो य पुणो विसन्नो, संपूयणां चैव सिलोयकामी ॥ ७ ॥ आहा-
 कडं चैव निकाममीणो, नियामचारी य विसरणमेसी । इत्थीसु सत्ते य पुढो
 य वाले, परिग्गहं चैव पकुब्बमाणो ॥ ८ ॥ वेराणुगिद्धे (आरंभसत्तो णिचयं
 करेति, इत्थो चुते स इह(से दुह)मट्टदुग्गं । तम्हा उ मेधावि समिक्ख धम्मं,
 चरे मुणी सव्वउ विप्पमुक्के ॥ ९ ॥ आयं ण कुज्जा इह जीवियट्ठी, अस-
 जमाणो य परिव्वएज्जा । णिसम्मभासी य विणीय गिद्धिं, हिंसन्नियं वा ण
 कडं करेज्जा ॥ १० ॥ आहाकडं वा ण णिकामएज्जा, णिकामयंते य ण
 संथवेज्जा । धुणो उरालं अणुवेहमाणो, विच्चाण सोयं अणुवेक्खमाणो
 ॥ ११ ॥ एगत्तमेयं अभिपत्थएज्जा, एवं पणोवखो न मुसंति पासं । एसप्प-
 मोवखो अमुसे वरेवि, अक्रोहणो सचरते तवस्सी ॥ १२ ॥ इत्थीसु या
 आरय मेहुणात्थो, परिग्गहं चैव अकुब्बमाणो । उच्चावएसुं विसएसु ताई,
 निस्संसयं भिक्खु समाहिपत्ते ॥ १३ ॥ अरइं रइं च अभिभूय भिक्खु,
 तणाइफासं तह सीयफासं । उराहं च दंसं चऽहियासएज्जा, सुब्धिं व दुब्धिं
 व तितिक्खएज्जा ॥ १४ ॥ गुत्तो वईए य समाहिपत्तो, लेसं समाहट्ठु
 परिवएज्जा । गिहं न छाए णवि छायाएज्जा, संमिस्सभावं पयहे पयासु
 ॥ १५ ॥ जे केइ लोगंमि उ अकिरियआया, अन्नेण पुट्ठा धुयमादिसंति ।
 आरंभसत्ता गदित्ता य लोए, धम्मं ण जाणांति विमुक्खहेउं ॥ १६ ॥ पुढो
 य छंदा इह माणवा उ, किरियाकिरीयं च पुढो य वायं । जायस्स बालस्स
 पकुब्ब देहं (जायाए बालस्स पगब्भणाए), पवड्ढती वेरमसंजतस्स ॥ १७ ॥
 आउक्खयं चैव अणुब्भमाणो, ममाति से साहसकारि मंदे । अहो य रात्थो
 परितप्पमाणो, अट्ठेसु मूढे अजरामरेव्व ॥ १८ ॥ जहाहि वित्तं पसवो य
 सव्वं, जे वंधवा जे य पिया य मित्ता । लालप्पती सेऽवि य (गंधमुर्वेति)

एइ मोहं, अन्ने जणा तंसि हरंति वित्तं ॥ १९ ॥ सीहं जहा खुड्ढमिगा
 चरंता, दूरे चरंती परिसंकमाणा । एवं तु मेहावि समिक्ख धम्मं, दूरेण
 पावं परिवज्जएज्जा ॥ २० ॥ संबुज्जमारो उ णारे मतीमं, पावाउ अप्पाण
 निवट्टएज्जा । हिंसप्पसूयाइं दुहाइं मत्ता, वेराणुबंधीणि महब्भयाणि (निव्वा-
 णभूए व परिव्वएज्जा) ॥ २१ ॥ मुसं न बूया मुणि अत्तगामी, णिच्चाण-
 मेयं कसिणां समाहिं । सयं न कुज्जा न य कारवेज्जा, करंतमन्नंपि य णाणु-
 जाणे ॥ २२ ॥ सुद्धे सिया जाए न दूसएज्जा, अमुच्छिण्ण ए य अज्भोव-
 वन्ने । धितिमं विमुक्के ण य पूयणट्ठी, न सिलोयगामी य परिव्वएज्जा
 ॥ २३ ॥ निक्खम्म गेहाउ निरावकंखी, कायं विउसेज्ज नियाणच्छिन्ने । णो
 जीवियं णो मरणाभिकंखी, चरेज्ज भिक्खू वलया विमुक्के ॥ २६ ॥
 त्तिवेमि ॥ (गाथाग्रं-५८०)

॥ इति दशममध्ययनम् ॥१०॥

॥ अथ एकादशं श्रीमार्गाध्ययनम् ॥

कयरे मग्गे अक्खाए, माहरोणां मईमता । जं मग्गं उज्जु पावित्ता,
 ओहं तरति दुत्तरं ॥१॥ तं मग्गं गुत्तरं सुद्धं, सब्बदुक्खविमोक्खणां ।
 जाणासिणां जहा भिक्खू !, तं णो बूहि महामुणी ॥२॥ जइ णो केइ
 पुच्छिज्जा, देवा अदुव माणुसा । तेसिं तु कयरं मग्गं, आइक्खेज्ज ? कहाहि
 णो ॥३॥ जइ वो केइ पुच्छिज्जा, देवा अदुव माणुसा । तेसिमं पडिसा-
 हिज्जा, मग्गत्तरं सुणेह मे (तेसिं तु इमं मग्गं, आइक्खेज्ज सुणेह मे) ॥४॥
 अणुपुञ्जेण महाघोरं, कासवेण पवेइयं । जमादाय इत्थो पुब्बं, समुहं ववहा-
 रिणो ॥५॥ अतरिंसु तरंतेगे, तरिस्संति अणागया । तं सोच्चा पडिवक्खामि,
 जंतवो तं सुणेह मे ॥६॥ पुढवीज्जीवा पुढो सत्ता, आउजीवा तहाज्जणी ।
 वाउजीवा पुढो सत्ता, जणारुक्खा सब्बीकणा ॥७॥ अहावरा तसा पाणा, एवं

छकाय आहिया । एतावए (इत्ताव एव जीवकाए, नावरे विज्जती काए
 (कए) (णावरे कोइ विज्जई) ॥२॥ सव्वाहिं अणुजुत्तीहिं, मतिमं पडिलेहिया ।
 सव्वे अवकंतदुखा य, अतो सव्वे न हिंसया ॥१॥ एयं खु णाणियो सारं,
 जं न हिंसति कंचण । अहिंसा समयं चैव, एतावंतं विजाणिया ॥१०॥
 उड्हं अहे य तिरियं, जं केइ तसथावरा । सव्वत्थ विरतिं विज्जा, संति
 निव्वाणमाहियं ॥११॥ पभू दोसे निराकिच्चा (निरिविखत्ता), ण विरुज्जेज्ज
 केणई । मणसा वयसा चैव, कायसा चैव अंतसो ॥१२॥ संबुडे
 से महापन्ने, धीरे दत्तेसणं चरे । एसणासमिए णिच्चं, वज्जयंते अणो-
 सणं ॥१३॥ भूयाइं च समारंभ, तमुद्दिस्सा (भूयाइं समारंभ, समुद्दिस्सा)
 य जं कडं । तारिसं तु ण गिरंहेज्जा, अन्नपाणं सुसंजए ॥१४॥ पूईकम्मं
 न सेविज्जा, एस धम्मे वुसीमत्थो । जं किंचि अभिकंखेज्जा, सव्वसो तं न
 कप्पए ॥१५॥ हणंतं णाणुजाणोज्जा, आयगुत्ते जिइंदिए । ठाणाइं संति
 सद्धीणं, गामेसु नगरेसु वा ॥१६॥ तहा गिरं समारब्भ, अत्थि पुराणंति
 णो वए । अहवा णत्थि पुराणंति, एवमेयं महब्भयं ॥१७॥ दाणाट्टया य जे
 पाणा, हम्मंति तसथावरा । तेसिं सारक्खणाट्टाए, तम्हा अत्थित्ति णो वए
 ॥१८॥ जेमिं तं उवकप्पंति, अन्नपाणं तहाविहं । तेसिं लाभंतरायंति, तम्हा
 णत्थित्ति णो वए ॥१९॥ जे य दाणं पसंसंति, वहमिच्छंति पाणियां ।
 जे य णं पडिसेहंति, वित्तिच्छेयं करंति ते ॥२०॥ दुहत्थोवि ते ण भासंति,
 अत्थि वा नत्थि वा पुराणो । आयं रयस्स हेच्चा णं, निव्वाणं पाउणंति
 ते ॥२१॥ निव्वाणं परमं बुद्धा, णक्खत्ताण व चंदिमा । तम्हा सदा जए
 दंते, निव्वाणं संधए मुणी ॥२२॥ बुज्जमाणाण पाणाणं, किच्चंताण
 सकम्मणा । आयाति साहु तं दीवं, प्रतिट्ठेसा पवुच्चई ॥२३॥ आयगुत्ते
 सया दंते, छिन्नसोए अणासवे । जे धम्मं सुद्धमक्खाति, पडिपुन्नमणोलिसं
 ॥२४॥ तमेव अविजाणंता, अबुद्धा बुद्धमाणियो । बुद्धा मोत्ति य मन्नंता,

अंत एते समाहिए ॥२५॥ ते य बीओदगं चैव, तमुद्दिस्सा य जं कडं ।
 भोच्चा भाणं भियायंति, अखेयन्नाऽ[अ]समाहिया ॥२६॥ जहा टंका य
 कंका य, कुलला मग्गुका सिही । मच्छेसणं भियायंति, भाणं ते कलुसा-
 धमं ॥२७॥ एवं तु समणा एगे, मिच्छद्दिट्ठी अणारिया । विसएसणं
 भियायंति, वंका वा कलुसाहमा ॥२८॥ सुद्धं मग्गं विराहित्ता, इहमेगे उ
 दुम्मती । उम्मग्ग(ग्गेण)गता दुक्खं, धायमेसंति तं तहा ॥२९॥ जहा आसा-
 विणिं नावं, जाइअंधो दुरूहिया । इच्छई पारमागंतुं, अंतरा य विसीयति
 ॥३०॥ एवं तु समणा एगे, मिच्छद्दिट्ठी अणारिया । सोयं कसिणमावन्ना,
 आगंतारो महब्भयं ॥३१॥ इमं च धम्ममादाय कासवेण पवेदितं । तरे सोयं
 महाघोरं, अत्तत्ताए परिव्वए (कुज्जा भिक्खु गिलाणस्स अगिलाए समाहिए)
 ॥३२॥ विरए गामधम्मेहिं, जे केई जगई जगा । तेसिं अत्तुवमायाए, धामं
 कुव्वं परिव्वए ॥३३॥ अइमाणं च, तं परिन्नाय पंडिए । सब्बमेयं गिरा-
 किच्चा, गिग्वाणं संधए मुणी ॥३४॥ संधए (सद्देहे) साहुधम्मं च, पावधम्मं
 गिराकरे । उवहाणवीरिए भिक्खु, कोहं माणं ण पत्थए (च वज्जए) ॥३५॥
 जे य बुद्धा अतिक्कंता, जे य बुद्धा अणागया । संति तेसिं पइट्ठाणं, भूयाणं
 जगती जहा ॥३६॥ अह णं वयमावन्नं, फासा उच्चावया फुसे । ण तेसु
 विणिहराणोज्जा, वाएण व महागिरी ॥३७॥ संबुडे से महापन्ने, धीरे बुद्धे
 दत्तेसणं चरे । निव्वुडे कालमाकंखी, एयं केवलिणो मयं ॥३८॥ तिबेमि ।
 (गाथाअं ५४६)

॥ इति एकादशमध्ययनम् ॥११॥



॥ अथ द्वादशं श्रीसप्तसरणाध्ययनम् ॥

चत्वारि समोसरणाणिमाणि, पावाद्भुया जाइं पुढो वयंति । किरियं
 अकिरियं विणियंति तइयं, अन्नाणमाहंसु चउत्थमेव ॥१॥ अरणाणिया
 ता कुसलावि संता, अमंथुया णो वितिगिच्छतिन्ना । अकोविया आहु
 अकोवियेहिं, अणाणुवीइत्तु मुसं वयंति ॥२॥ सच्चं असच्चं इति चितयंता,
 असाहु साहुत्ति उदाहरंता । जेमे जणा वेणाइया अरोगे, पुढावि भावं
 विणइंसु णाम ॥३॥ अणोवसंखा इति ते उदाहु, अट्ठे स ओभासइ अम्ह
 एवं । लवावसंकी य अणागएहिं, णो किरियमाहंसु अकिरियवादी ॥४॥
 साम्मिस्सभावं च गिरा गहीए, से मुम्मुई होइ अणाणुवाई । इमं दुपक्खं
 इमपेगक्खं, आहंसु छलायतणं च कम्मं ॥५॥ ते एवमक्खंति अबुज्झ-
 माणा, विरुवरूवाणि अकिरियवाई । जे मायइत्ता बहवे मणासा, भमंति
 संसारमणोवदग्गं ॥६॥ णाइत्तो उएइ ण अत्थमेति, ण चंदिमा वड्ढति हायतो
 वा । सल्लिला ण संदंति ण वंति वाया, वंभो णियतो कसिणे हु लोए
 ॥७॥ जहाहि अंधे सह जोतिणावि, रूवाइं णो पस्सति हीणोत्ते । संतंषि
 ते एवमकिरियवाई, किरियं ण पस्संति निरुद्धपन्ना ॥८॥ संवच्छरं सुविणं
 लक्खणं च, निमित्तदेहं च उप्पाइयं च । अट्ठंगमेयं बहवे अहिता, लोगंसि
 जाणंति अणागताइं ॥९॥ केई निमित्ता तहिया भवन्ति, केसिंचि तं विप्प-
 डिएति णाणं (माणां) । ते विज्जभावं अणाहिज्जमाणा, आहंसु विज्जापरिमो-
 क्खमेव (जाणामु लोगंसि वयंति मंदा) ॥१०॥ ते एवमक्खंति समिच्च लोगं, तहां
 तहा (गया)ममणा माहंणा यं । सयं कंडं णाऽन्नकंडं च हुक्खं, आहंसु विज्जा-
 चरणां पमोक्खं ॥११॥ ते चक्खु लोगंसिह णायगा उ, मग्गाणुसासंति हितं
 पयाणं । तहा तहा सासयमाहु लोए, जंसी पया माणाव ! संपगादा ॥१२॥
 जे रक्खसा वा जमलोइया वा, जे वा सुरा गंधव्वा य काया । आगास-

गामी य पुटोसिया जे, पुणो पुणो विप्परियासुवेति ॥१३॥ जमांडु ओहं
 सलिलं अपारगं, जाणाहि णं भवगहणं दुमोक्खं । जंसी विसन्ना विसयं-
 गणाहिं, दुहंओऽवि लोयं अणुसंवरंति ॥१४॥ न कम्मणा कम्म खवेति
 बाला, अकम्मणा कम्म खवेति धीरा । मेधाविणो लोभमयावतीता, संतो-
 सिणो नो पकरंति पावं (संतोसिणो लोभमयावतीता) ॥१५॥ ते तीयउप्पन्न-
 मणागयाइं, लोगस्स जाणंति तहागयाइं । गोतारो अन्नेसि अणन्नगोया,
 बुद्धा हु ते अंतकडा भवंति ॥१६॥ ते गोद कुव्वंति ण कारवंति, भूताहि-
 संकाइ दुगुंछमाणा । सया जता विप्पणमंति धीरा, विगणत्ति(गणाय) धीरा
 य हवंति (वीरा य भवंति) एगे ॥१७॥ डहरे य पाणे बुड्ढे य पाणे, ते
 आत्तओ पासइ (तुल्लए) सब्वलोए । उव्वेहती लोगमिणं महंतं, बुद्धेऽपमत्तेसु
 परिव्वएज्जा ॥१८॥ जे आयओ परओ वावि णच्चा, अलमप्पणो होंति
 अलं परेसिं । तं जोइभूतं च सयावसेज्जा, जे पाउकुज्जा अणुवीति धम्मं
 ॥१९॥ अत्ताण जो जाणति जो य लोगं, गइं च जो जाणइ णागइं च ।
 जो सासय जाण असासयं च, जातिं मरणं च जणोववायं ॥२०॥ अहोऽवि
 सत्ताण विउट्टुणं च, जो आसवं जाणति संवरं च । दुवखं च जो जाणति
 निज्जरं च, सो भासिउमरिहइ किरियवादं ॥२१॥ सहेसु रूवेसु अमज्ज-
 माणो, गंधेसु रसेसु अदुस्समाणे । णो जीवितं णो मरणाहिकंखी, आया-
 णगुत्ते वलया विमुक्के ॥२२॥ त्तिवेमि ॥ (गाथाग्रं ५६८)

॥ इति द्वादशममध्ययनम् ॥१२॥

॥ अथ त्रयोदशं श्रीयाथातथ्याध्ययनम् ॥

आहत्तहीयं तु पवेयइस्सं, नाणप्पकारं पुरिसस्स जातं । सओ अ
 धम्मं असओ असीलं, संतिं असंतिं करिस्सामि पाउं ॥ १ ॥ अहो य राओ
 अ समुट्टिण्हिं, तहागण्हिं पड्डिलब्भ धम्मं । समाहिमाघातमजोसयंता,

सत्थारमेवं फरुसं वयंति ॥ २ ॥ विसोहियं ते अणुकाहयंते, जे आतभावेण
 वियागरेजा । अट्टाणिए होइ बहूगुणाणां (होति बहुनिवेशो), जे णाणसंकाइ
 मुसं वदेजा ॥ ३ ॥ जे यावि पुट्टा पलिउंचयंति, आयाणमद्रं खलु वंच-
 यित्ता (यन्ति) । असाहुणो ते इह साहुमाणी, मायणिण एसंति अणंतवातं
 ॥ ४ ॥ जे कोहणो होइ जगट्टभासी, विओसियं जे उ उदीरएजा । अंधे व
 से दंडपहं गहाय, अविओसिए धासति पावकम्मी ॥ ५ ॥ जे विग्गहीए
 अन्नायभासी, न से समे होइ अमंभपत्ते । ओ(उ)वायकारी य हरीमणो य,
 एगंतदिट्ठी (एगंतसट्ठी) य अमाइरूवे ॥ ६ ॥ से पेसले सुहुमे पुरिसजाए,
 जच्चणिए चेव सुउज्जुयारे । बहंपि अणुसासिए जे तहच्चा, समे हु से होइ
 अमंभपत्ते ॥ ७ ॥ जे यावि अप्पं वसुमंति मत्ता, संखाय वायं अपरिक्ख
 कुजा । तवेण वाऽहं सहिउत्ति मत्ता, अणुणां जणां पस्मति त्रिवभूयं ॥ ८ ॥
 एगंतकूडेण उ से पलेइ ण विज्जती मोणपयंसि गोत्ते । जे माणुणट्ठेण
 विउक्कसेजा, वसुमन्नतरेण अबुज्जमाणो ॥ ९ ॥ जे माहणो खत्तियजायए वा,
 तहुग्गपुत्ते तह लेच्छई वा । जो पव्वईए परदत्तभाई, गोत्ते ण जे थंभति
 (थंभभि) माणवद्धे ॥ १० ॥ न तस्स जाई व कुलं व ताणां, णाणत्थ
 विजाचरणां सुचिराणां । णिवखम्म से मेवइगारिमग्गं(कम्मं), ण से पारए होइ
 विभोयणाए ॥ ११ ॥ णिकिंचणो भिक्खु सुलूहजीवी, जे गारवं होइ सलो-
 गगामी । आजीवमेयं तु अबुज्जमाणो, पुणो पुणो विपरियासुवेति ॥ १२ ॥
 जे भासवं भिक्खु सुसाहुवादी, पडिहाणवं होइ विसारए य । आगाहपरणो
 सुविभावियप्पा, अन्नं जणां पन्नया परिहवेजा ॥ १३ ॥ एवं ण से होइ
 समाहिपत्ते, जे पन्नवं भिक्खु विउक्कसेजा । अहवाऽवि जे ला(लो)भमया-
 वलित्ते, अन्नं जणां खिसति बालपन्ने ॥ १४ ॥ पन्नामयं चेव तवोमयं च,
 णिन्नामए गोयमयं च भिक्खु । आजीवगं चेव चउत्थमाहु, से पंडिए उत्तम-
 पोग्गले से ॥ १५ ॥ एयाइं मयाइं विगिंच धीरां, ण ताणि सेवते सुधीर-

धम्मा । ते सब्वगोत्तावगया महेसी, उच्चं अगोत्तं च गतिं वयंति ॥ १६ ॥
 भिक्खु मुयच्चे तह(सूय)दिट्ठधम्मे, गामं च गागरं च अणुप्पविस्सा । से
 एसणां जाणमणोसणां च, अन्नस्स पाणास्स अणाणुगिद्धे ॥ १७ ॥ अरतिं
 रतिं च अभिभूय भिक्खु, बहूजणे वा तह एगचारी । एगंतमोणेण विया-
 गरेज्जा, एगस्स जंतो गतिरागती य ॥ १८ ॥ सयं समेवा अदुवाऽवि सोच्चा,
 भासेज्ज धम्मं हिययं पयाणां । जे गरहिया सणियाणुप्पयोगा, ण ताणि
 सेवंति सुधीरधम्मा ॥ १९ ॥ केसिंचि तक्काइ अबुज्ज्ज भावं, खुदं पि गच्छेज्ज
 असदहाणे । आउस्स कालाइयारं वघाए, लद्धाणुमारो य परेसु अट्ठे
 ॥ २० ॥ कम्मं च छंदं च विगिंच धीरे, विणइज्ज उ सब्वत्रो (सुब्वत्रो)
 पाव(आय)भावं । खुवेहिं लुप्पंति भयावहेहिं, विज्जं गहाया तसथावरेहिं
 ॥ २१ ॥ न पूयणां चैव सिलोयकामी, पियमणियं कस्सइ णो करेज्जा ।
 सब्वे अणुट्ठे परिवज्जयंते, अणाउले या अकसाइ भिक्खु ॥ २२ ॥ आह-
 त्थीयं समुपेहमारो सब्वेहिं पाणेहिं णिहाय दंडं । णो जीवियं णो मरणा-
 हिकंखी, मेहावि वलयविष्णुक्के (परिव्वएज्जा वलयाविमुक्के) ॥ २३ ॥

त्तिवेमि ॥ (गाथाग्रं-५९१) इति त्रयोदशमध्ययनम् ॥ १३ ॥

॥ अथ ग्रन्थनामकं चतुर्दशमध्ययनम् ॥

गंथं विहाय इह सिक्खमाणो, उट्ठाय सुवंधवेरं वसेज्जा । ओवाय-
 कारी विणायं सुसिक्खे, जे छेय विप्पमायं न कुज्जा ॥१॥ जहा दियापोतम-
 पत्तजातं, सावासगा पविउं मन्नमाणां । तमचाइयं तरुणमपत्तजातं, दंकाइ
 अव्वत्तगमं हरेज्जा ॥२॥ एवं तु सेहंपि अपुट्ठधम्मं, निस्सारियं वुसिमं मन्न-
 माणा । दियस्स द्वायं व अपत्तजायं, हरिसु णां पावधम्मा अरणे ॥३॥
 ओसाणामिच्छे मणुए समाहिं, अणोसिए णांतकरिंति णच्चा । ओभासमारो
 दवियस्स वित्तं, ण णिक्कसे बहिया आसुपन्नो ॥४॥ जे ठाणत्रो य सयणा-

सगो य, परकमे यावि सुसाहुजुत्ते । समितीसु गुत्तीसु य आयपन्ने, वियाग-
रिते य पुढो वएजा ॥५॥ सदाणि सोच्चा अदु भेरवाणि, अणासवे तेसु
परिव्वएजा । निहं च भिक्खु न पमाय कुजा, कहंकहं वा वितिगिच्छतिन्ने
॥६॥ डहरेण बुढेणणुसासिए उ, रातिणिणणावि समव्वएणां । सम्मं तयं
(समं गतं) थिरतो णाभिगच्छे, णिज्जंतए वादि अपारए से ॥७॥ विउट्टितेणां
समयाणुसिट्ठे, डहरेण बुढेण उ चोइए य । अच्चुट्टियाए घडदासिए वा,
अगारिणां वा समयाणुसिट्ठे ॥८॥ ण तेसु कुज्जे ण य पव्वहेजा, ण यावि
किंची फरुसं वदेजा । तहा करिस्संति पडिस्सुणोज्जा, सेयं खु मेयं ण पमाय
कुजा ॥९॥ वणांसि मूदस्स जहा अमूद, मग्गाणुसासंति हितं पयाणां ।
तेगोव (तेणावि) मज्झं इणामेव सेयं, जं मे बुहा समणुसासयंति ॥१०॥
अहातेण मूदेण अमूदगस्स, कायव्व पूया सविसेमजुत्ता । एत्थोवमं तत्थ
उदाहु वीरे, अणुगम्म अत्थं उवणोति सम्मं ॥११॥ गेता जहा अंधकारंसि
रात्थो, मग्गं ण जाणाति अपस्समाणे । से सूरिअस्स अब्भुग्गमेणां, मग्गं
वियाणाइ पगासियंसि ॥१२॥ एवं तु सेहेवि अपुट्ठधम्मे, धम्मं न जाणाइ
अबुज्झमाणे । से कोविए जिणवयणेण पच्छा, सूरुदए पासति चक्खुणोव
॥१३॥ उड्ढं अहेयं तिरियं दिसासु, तसा य जे थावरा जे य पाणा ।
सया जए तेसु परिव्वएजा, मणप्पत्थोमं अविकंपमाणे ॥१४॥ कालेण
पुच्छे समियं पयासु, आइवखमाणो दवियस्स वित्तं । तं सोयकारी य पुढो
पवेसे, संखा इमं केवलियं समाहिं ॥१५॥ अस्सि सुठ्ठिच्चा तिविहेण तायी,
एणसु या संति निरोहमाहु । ते एवमवखंति तिलोगदंसी, ण भुज्जमेयंति
पमायसंगं ॥१६॥ निसम्म से भिक्खु समीहियट्ठं, पडिभाणावं होइ विसा-
रण य । आयाणअट्ठी वोदाणामोणां, उवेच्च सुद्धेण उवेति मोक्खं (न उवेइ
मारं) ॥१७॥ संखाइ धम्मं च वियागरंति, बुद्धा हु ते अंतकरा भवंति । ते
पारगा दोराहवि मोयणाए, संसोधितं पराहमुदाहरंति ॥१८॥ णो छाये

णोऽविय लूसएजा, माणां ण सेवेज पगासणां च । ण यावि पन्ने परिहास
कुजा, ण याऽऽसियावाय वियागरेजा ॥१९॥ भूताभिसंकाइ दुगुंन्डमाणे,
ण । णव्वहे रंतपदेण गोयं । ण किंचि मिच्छे मणुए पयासुं, असाहु-
धम्माणि ण रंवेज्जा ॥२०॥ हासं पि णो संधति पावधम्मे, ओए तहीयं
फरुसं वियाणे । णो तुच्छए णो य विकंथइज्जा, अणाइले या अकसाइ
भिक्षू ॥२१॥ संकेज्ज याऽसंकितभाव भिक्षू, विभज्जवायं च वियागरेजा ।
भासादुयं धम्मसमुट्टितेहिं, वियागरेजा समया सुपन्ने ॥२२॥ अणुगच्छ-
माणे वितहं विजाणे, तहा तहा साहु अककसेणां । ण कथई भास विहिं-
सइज्जा, निरुद्धगं वावि न दीहइज्जा ॥२३॥ समालवेजा पडिपुन्नभासी,
निसामिया समियाअट्टइसी । आणाइ सुद्धं वयणां भिउंजे, अभिसंधए
पावविवेग भिक्षू ॥२४॥ अहाबुइयाइं सुसिक्खएजा, जइज्जया णातिवेलं
वदेज्जा । से दिट्ठिमं दिट्ठि ण लूसएजा, से जाणई भासिउं तं समाहिं
॥२५॥ अलूसए णो पच्छन्नभासी, णो सुत्तमत्थं च करेज्ज ताई । सत्था-
रभत्ती अणुवीइ वायं, सुयं च सभ्मं पडिवाययेजा(यंति) ॥२६॥ से सुद्धसुत्ते
उवहाणावं च, धम्मं च जे विंदति तत्थ तत्थ । आदेज्जवक्के कुसले वियत्ते,
स अरिइइ भासिउं तं समाहिं ॥ २७ ॥ तिबेमि ॥ (गाथाग्रं ५१८)

॥ इति षतुर्दशमध्ययनम् ॥ १४ ॥

॥ अथ आदानीयनामकं पञ्चदशमध्ययनम् ॥

जमतीतं पडुपन्नं, आगमिस्सं च णायओ । सव्वं मन्नति तं ताई,
दंसणावरणांतए ॥ १ ॥ अंतए वितिमिच्छाए, से जाणति अणोलिसं ।
अणोलिसस्स अक्खाया, ण से होइ तहिं तहिं ॥ २ ॥ तहिं तहिं सुय-
क्खायं, से य सच्चे सुआहिए । सया सच्चेण संपन्ने, मित्तिं भूएहि
कप्पए ॥ ३ ॥ भूएहिं न विरुज्जेजा, एस धम्मे बुसीमंओ । बुसिमं जगं

परिन्नाय, अस्मिं जीवितभावणा ॥ ४ ॥ भावणाजोगसुद्धप्पा, जले गावा
व आहिया । नावा व तीरसंपन्ना, सव्वहुक्खा तिउट्टइ ॥ ५ ॥ तिउट्टइ उ
मेधावी, जाणं लोगंसि पावगं । लुट्टंति पावकम्माणि, नवं कम्ममकुव्वत्थो
॥ ६ ॥ अकुव्वत्थो गावं गात्थि, कम्मं नाम विजाणाइ । विन्नाय से महावीरे,
जेण जाई गा मिज्जई ॥ ७ ॥ गा मिज्जई महावीरे, जस्स नत्थि पुरेकडं ।
वाउव्व जालमव्वेति, पिया लोगंसि इत्थिओ ॥ ८ ॥ इत्थिओ जे गा
सेवंति, आइसोक्खा हु ते जणा । ते जणा बंधणुम्मुक्का, नावकंखंति जीवियं
॥ ९ ॥ जीवितं पिट्ठोओ किञ्चा, अंतं पावंति कम्मणां । कम्मणा संमुहीभूता,
जे मग्गमणासासई ॥ १० ॥ अणासासणं पुढो पाणी, वसुमं पूयणासु (स)
ते । अणासए जते दंते, दढे आरयमेहुणो ॥ ११ ॥ णीवारे व गा लीएज्जा,
ळिन्नसोए अणाविले । अणाइले सया दंते, संधिं पत्ते अणोलिसं ॥ १२ ॥
अणोलिसस्स खेयन्ने, गा विरुज्झिज्ज केणाइ । मणासा वयसा चव, कायसा
चव चक्खुमं ॥ १३ ॥ से हु चक्खु मणास्साणं, जे कंखाए य अंतए ।
अंतेण खुरो वहती, चक्कं अंतेण लोड्ढती ॥ १४ ॥ अंताणि धीरा सेवंति,
तेण अंतकरा इह । इह माणुस्सए ठाणो, धम्ममाराहिउं णारा ॥ १५ ॥
णिट्ठियट्ठा व देवा वा, उत्तरीए इयं सुयं । सुयं च मेयमेगेसिं अमणास्सेसु
णो तहा ॥ १६ ॥ अंतं करंति दुक्खाणां, इहमेगेसि आहियं । आघायं पुण
एगेसिं, दुल्लभेय्यं समुस्सए ॥ १७ ॥ इओ विद्धंसमाणस्स, पुणो संवोहि दुल्लभा
दुल्लहाओ तहच्चाओ, जे धम्मट्ठं वियागरे ॥ १८ ॥ जे धम्मं सुद्धमक्खंति,
पडिपुन्नमणोलिसं । अणोलिसस्स जं ठाणं, तस्स जम्मकहा कओ ? ॥ १९ ॥
कओ कंयाइ मेधावी, उप्पज्जंति तहागया । तहागया अप्पडिन्ना, चक्खु
लोगस्सणुत्तरा ॥ २० ॥ अणुत्तरे य ठाणो से, कासवेण पवेदिते । जं
किन्वा णिवुडा एगे, निट्ठं पावंति पंडिया ॥ २१ ॥ पंडिए वीरियं लद्धुं,
निग्घायाय पवत्तगं । धुणो पुव्वकडं कम्मं, गावं वाऽवि गा कुव्वती ॥ २२ ॥

ण कुब्जती महावीरे, अणुपुब्जकडं रयं । रयसा संमुहीभूता, कम्मं हेचाण जं
मयं ॥२३॥ जं मयं सब्बसाहूणं, तं मयं सल्लगत्तणं । साहइत्ताण तं तिन्ना, देवा
वा अभविस्सु ते ॥२४॥ अभविंस्सु पुरा वी(धी)रा, आगमिस्सावि सुब्बता ।
दुन्निवोहस्स मग्गस्स, अंतं पाउकरा तिन्ने ॥२५॥ त्तिवेमि । (गाथाग्रं ६४३)

॥ इति पञ्चदशमध्ययनम् ॥ १५ ॥

॥ अथ षोडशं श्रीगाथाध्ययनम् ॥

अहाह भगवं—एवं से दंते दविए वोसट्टकाएत्ति वच्चे माहणोत्ति वा
१ समणोत्ति वा २ भिक्खुत्ति वा ३ णिग्गंथेत्ति वा ४ पडिआह—भंते !
कहं नु दंते दविए वोसट्टकाएत्ति वच्चे माहणोत्ति वा समणोत्ति वा भिक्खुत्ति
वा णिग्गंथेत्ति वा ? तं नो बूहि महामुणी ! ॥ इतिविरिए सब्बपावकम्मिहिं
पिज्जदोसकलहं ० अब्भक्खाणं ० पेसुन्नं ० परपरिवायं ० अरतिरतिं ० माया-
मोसं ० मिच्छादंसणसल्लविरए समिए सहिए सया जए णो कुज्जे णो माणी
माहणोत्ति वच्चे १ ॥ एत्थवि समणो अणिस्सिए अणियाणो आदाणं च
अतिवायं च मुसावायं च बहिद्धं च कोहं च माणं च मायं च लोहं च पिज्जं
च दोसं च इच्चेव जत्थो जत्थो आदाणं अप्पणो पद्दोसहेऊ तत्थो तत्थो
आदाणातो पुब्बं पडिविरते पाणाइवायात्थो सिआदंते दविए वोसट्टकाए समणोत्ति
वच्चे २ ॥ एत्थवि भिक्खु अणुत्तए विणीए नामए दंते दविए वोसट्टकाए
संविधुणीय विरूवरूवे परीसहोवसग्गे अज्जप्पजोगसुद्धादाणो उवट्टिए
ठिअप्पा संखाए परदत्तभोई भिक्खुत्ति वच्चे ३ ॥ एत्थवि णिग्गंथे एगे एग-
विऊ बुद्धे संछिन्नसोए सुसंजते सुसमिते सुसामाइए आयवायपत्ते विऊ
दुहत्थोवि सोयपलिच्छिन्ने णो पूयासकारलाभट्ठी धम्मट्ठी धम्मविऊ णिया-
गपडिवन्ने समि(म)यं चरे दंते दविए वोसट्टकाए निग्गंथेत्ति वच्चे ४ ॥
से एवमेव जाणह जमहं भयंतारो ॥ त्तिवेमि ।

॥ इति षोडशमध्ययनम् ॥ १६ ॥ प्रथमः श्रुतस्कन्धः समाप्तः ॥ १ ॥

अथ श्री सूत्रकृतांगे द्वितीयः श्रुतस्कन्धः ।

॥ अथ प्रथमं पौण्डरीकाख्याध्ययनम् ॥

सुयं मे आउसंतेणं भगवया एवमक्खायं—इह खलु पोंडरीए गाम-
ज्जयणो, तस्स णं अयमट्ठे पराणत्ते—से जहाणामए पुक्खरिणी सिया
बहुउदगा बहुसेया बहुपुक्खला लद्धट्ठा पुंडरिकिणी पासादीया दरिसणीया
अभिरूवा पडिरूवा, तीसे णं पुक्खरिणीए तत्थ तत्थ देसे देसे तहिं तहिं
बहवे पउमवरपोंडरीया बुइया, अणुपुब्बुट्ठिया ऊसिया रुइला वराणमंता गंध-
मंता रसमंता फासमंता पासादीया दरिसणीया अभिरूवा पडिरूवा, तीसे णं
पुक्खरिणीए बहुमज्जदेसभाए एगे महं पउमवरपोंडरीए बुइए, अणुपुब्बुट्ठिए
उस्सिते रुइले वन्नमंते गंधमंते रसमंते फासमंते पासादीए जाव पडिरूवे १।
सव्वावंति च णं तीसे पुक्खरिणीए तत्थ तत्थ देसे देसे तहिं तहिं बहवे
पउमवरपोंडरीया बुइया अणुपुब्बुट्ठिया ऊसिया रुइला जाव पडिरूवा,
सव्वावंति च णं तीसे णं पुक्खरिणीए बहुमज्जदेसभाए एगं महं पउमवर-
पोंडरीए बुइए अणुपुब्बुट्ठिए जाव पडिरूवे २॥सू० १॥ अह पुरिसे पुरित्थि-
माओ दिसाओ आगम्म तं पुक्खरिणीं तीसे पुक्खरिणीए तीरे ठिच्चा पासति
तं महं एगं पउमवरपोंडरीयं अणुपुब्बुट्ठियं ऊसियं जाव पडिरूवं १। तए
णं से पुरिसे एवं वयात्ती—अहमंसि पुरिसे खेयन्ने वुसलेपं डित्ते वियत्ते
मेहांवी अबाले मग्गत्ये मग्गविऊ मग्गस्स गतिपरक्कमराणू अहमेयं पउमव-
रपोंडरीयं उन्निक्खविस्सामित्ति कट्टु इति बुया (बुच्चा) से पुरिसे अभिक्कमेति
तं पुक्खरिणीं, जावं जावं च णं अभिक्कमेइ तावं तावं च णं महंते उदए
महंते सेए पहीणो तीरं अपत्ते पउमवरपोंडरीयं णो हव्वाए णो पाराए,
अंतरा पुक्खरिणीए सेयंसि निसराणो पढमे पुरिसजाए ! २ ॥सू० २॥ अहावरे

दोच्चे पुरिसजाए, अह पुरिसे दक्खिणाओ दिसाओ आगम्म तं पुक्खरिणिं तीसे पुक्खरिणीए तीरे ठिच्चा पासति तं महं (महन्तं) एगं पउमवरपोंडरीयं अणुपुब्बुट्टियं पासादीयं जाव पडिरुवं १। तं च एत्थ एगं पुरिसजातं पासति पहीणतीरं अपत्तपउमवरपोंडरीयं णो हव्वाए णो पाराए अंतरा पोक्खरिणीए सेयंसि णिसन्नेसु, तए णं से पुरिसे (तं पुरिसं) एवं वयासी-अहो णं इमे (अयं) पुरिसे अखेयन्ने अकुसले अपंडिए अवियत्ते अमेहावी बाले णो मग्गत्ये णो मग्गविऊ णो मग्गस्स गतिपरक्कमराणू जन्नं एस पुरिसे, अहं खेयन्ने कुसले जाव पउमवरपोंडरीयं उन्निक्खेविस्सामि ३। णो य खलु एयं पउमवरपोंडरीयं एवं उन्निक्खेवियव्वं जहा णं एस पुरिसे मन्ने, अहमंसि पुरिसे खेयन्ने कुसले पंडिए वियत्ते मेहावी अबाले मग्गत्ये मग्गविऊ मग्गस्स गतिपरक्कमराणू अहमेयं पउमवरपोंडरीयं उन्निक्खेविस्सामित्ति-कट्टु इति वुच्चा से पुरिसे अभिक्कमे तं पुक्खरिणिं, जावं जावं च णं अभिक्कमेइ तावं तावं च णं हिते उदए महंते सेए पहीणे तीरं अपत्ते पउमवरपोंडरीयं णो हव्वाए णो पाराए अंतरा पोक्खरिणीए सेयंसि णिसन्ने दोच्चे पुरिसजाते ४॥ ३ ॥ अहावरे तच्चे पुरिसजाते, अह पुरिसे पच्चत्थिमाओ दिसाओ आगम्म तं पुक्खरिणिं तीसे पुक्खरिणीए तीरे ठिच्चा पासति तं एगं महं पउमवरपोंडरीयं अणुपुब्बुट्टियं जाव पडिरुवं १। ते तत्थ दोन्नि पुरिसजाते पासति पहीणे तीरं अपत्ते पउमवरपोंडरीयं णो हव्वाए णो पाराए जाव सेयंसि णिसन्ने २। तए णं से पुरिसे एवं वयासी-अहो णं इमे पुरिसा अखेयन्ना अकुसला अपंडिया अवियत्ता अमेहावी बाला णो मग्गत्था णो मग्गविऊ णो मग्गस्स गतिपरक्कमराणू जं णं एते पुरिसा एवं मन्ने-अम्हे एतं पउमवरपोंडरीयं उणिक्खेविस्सामो ३। नो य खलु एयं पउमवरपोंडरीयं एवं उन्निक्खेवेतव्वं जहा णं एए पुरिसा मन्ने, अहमंसि पुरिसे खेयन्ने कुसले पंडिए वियत्ते मेहावी अबाले मग्गत्ये मग्गविऊ

मग्गस्स गतिपरक्कमराणू अहमेयं पउमवरपोंडरीयं उन्निक्खिविस्सामित्ति कट्ठु
इति बुच्चा से पुरिसे अभिक्कमे तं पुक्खरिणिं जावं जावं च णां अभिक्कमे
तावं तावं च णां महंते उदए महंते सेए जाव अंतरा पोक्खरिणीए सेयंसि
णिन्स, नेतच्चे पुरिसजाए १॥ सूत्रं ४ ॥ अहावरे चउत्थे पुरिसजाए,
अह पुरिसे उत्तरात्थो दिसात्थो आगम्म तं पुक्खरिणिं, तीसे पुक्खरिणीए
तीरे टिच्चा पासति तं महं एगं पउमवरपोंडरीयं अणुपुब्बुट्टियं जाव पडिख्वं १।
ते तत्थ तिन्नि पुरिसजाते पासति पहीणे तीरं अपत्ते जाव सेयंसि णिसन्ने २।
तए णां से पुरिसे एवं वयासी-अहो णां इमे पुरिसा अखेयन्ना जाव णो
मग्गस्स गतिपरक्कमराणू जराणां एते पुरिसा एवं मन्ने-अम्हे एतं पउमवर-
पोंडरीयं उन्निक्खिविस्सामो ३। णो य खलु एयं पउमवरपोंडरीयं एवं उन्नि-
क्खेवेयव्वं जहा णां एते पुरिसा मन्ने, अहमंसि पुरिसे खेयन्ने जाव मग्गस्स
गतिपरक्कमराणू, अहमेयं पउमवरपोंडरीयं उन्निक्खिविस्सामित्ति कट्ठु इति
बुच्चा से पुरिसे तं पुक्खरिणिं जावं जावं च णां अभिक्कमे तावं तावं च णां
महंते उदए महंते सेए जाव णिसन्ने, चउत्थे पुरिसजाए १॥ सूत्रं ५ ॥
अह भिक्खु लूहे तीरट्ठी खेयन्ने जाव गतिपरक्कमराणू अन्नतरात्थो दिसात्थो
वा अणुदिसात्थो वा आगम्म तं पुक्खरिणिं तीसे पुक्खरिणीए तीरे टिच्चा
पासति तं महं एगं पउमवरपोंडरीयं जाव पडिख्वं १। ते तत्थ चत्तारि पुरिस-
जाए पासति पहीणे तीरं अपत्ते जाव पउमवरपोंडरीयं णो हव्वाए णो
पाराए अंतरा पुक्खरिणीए सेयंसि णिसन्ने २। तए णां से भिक्खु एवं
वयासी-अहो णां इमे पुरिसा अखेयन्ना जाव णो मग्गस्स गतिपरक्कमराणू,
जं एते पुरिसा एवं मन्ने अम्हे एयं पउमवरपोंडरीयं उन्निक्खिविस्सामो ३।
णो य खलु एयं पउमवरपोंडरीयं एवं उन्निक्खेवेतव्वं जहा णां एते पुरिसा
मन्ने, अहमंसि भिक्खु लूहे तीरट्ठी खेयन्ने जाव मग्गस्स गतिपरक्कमराणू,
अहमेयं पउमवरपोंडरीयं उन्निक्खिविस्सामित्ति कट्ठु- इति बुच्चा से

भिक्षु णो अभिक्कमे तं पुक्खरिणिं तीसे पुक्खरिणीए तीरे ठिच्चा सहं
कुज्जा-उप्पयाहि खलु भो पउमवरपोंडरीया ! उप्पयाहि अह से उप्पतित्ते
पउमवरपोंडरीए ४॥ सूत्रं ६॥ किट्टिए नाए समणाउसो ! अट्ठे पुण से जाणि-
तव्वे भवति, भंतेत्ति समणां भगवं महावीरं निग्गंथा य निग्गंथीओ य वंदंति
नमंसंति वंदेत्ता नमंसित्ता एवं वयासि-किट्टिए नाए समणाउसो ! अट्ठं पुण से
ण जाणामो समणाउसोत्ति, समणे भगवं महावीरे ते य बहवे निग्गंथे य
निग्गंथीओ य आमतेत्ता एवं वयासी-हंत समणाउसो ! आइक्खामि विभावेमि
किट्ठेमि पवेदेमि सअट्ठं महेउं सनिमित्तं भुज्जो भुज्जो उवदंसेमि से बेमि ॥
॥सूत्रं ७॥ लोयं च खलु मए अप्पाहट्टु समणाउसो ! सा पुक्खरिणी बुइया,
क्कम्मं च खलु मए अप्पाहट्टु समणाउसो ! से उदए बुइए, कामभोगे य खलु
मए अप्पाहट्टु समणाउसो ! से सेए बुइए, जणां जाणावयं च खलु मए अप्पा-
हट्टु समणाउसो ! ते बहवे पउमवरपोंडरीया बुइया, रायाणां च खलु मए
अप्पाहट्टु समणाउसो ! से एगे महं पउमवरपोंडरीए बुइए, अन्नउत्थिया य
खलु मए अप्पाहट्टु समणाउसो ! ते चत्तारि पुरिसजाया बुइया, धम्मं च
खलु मए अप्पाहट्टु समणाउसो ! से भिक्षु बुइए, धम्मतित्थं च खलु मए
अप्पाहट्टु समणाउसो ! से तीरे बुइए, धम्मकहं च खलु मए अप्पाहट्टु
समणाउसो ! से सहं बुइए, निव्वाणां च खलु मए अप्पाहट्टु समणाउसो !
से उप्पाए बुइए, एवमेयं च खलु मए अप्पाहट्टु समणाउसो ! से एवमेयं बुइयं
॥सूत्रं ८॥ इह खलु पाईणां वा पडीणां वा उदीणां वा दाहिणां वा संतेग-
तिया मणुस्सा भवंति अणुपुव्वेणां लोगं उववन्ना, तंजहा-आरिया वेगे
अणारिया वेगे उच्चागोत्ता वेगे णीयागोया वेगे कायमंता वेगे रहस्समंता
वेगे सुवन्ना वेगे दुव्वन्ना वेगे सुरूवा वेगे दुरूवा वेगे १। तेसिं च णां मणु-
याणां एगे राया भवइ, महया(महा)हिमवंत-मलय-मंदरमहिंदसारे अच्चंतविसुद्ध-
रायकुलवंसप्पसूते निरंतररायलक्खणविराइयंगमंगे बहुयणावहुमाणपूइए सब्ब-

गुणममिद्धे खत्तिए मुद्दिए मुद्धाभिसित्ते माउपिउसुजाए दयप्पिए सीमंकरे
सीमंधरे खेमंकरे खेमंधरे मणुस्सिते जणावयपिया जणावयपुरोहिए सेउकरे
केउकरे नरपवरे पुरिसपवरे पुरिससीहे पुरिसआसीविसे पुरिसवरपोंडरीए
पुरिसवरगंधहत्थी अड्ढे दित्ते वित्ते विच्छिन्नविउल-भवणासयणासणा-जाणा-
वाहणाइराणे बहुधावहुजातरुवरतए आओगपओगसंपउत्ते विच्छिड्डियंपउर-
भत्तपाणे बहुदासीदास-गोमहिस-गवेलगप्पभूते पडिपुराणाकोसकोट्टागाराहाराए
वलवं दुव्वल्लपत्रामित्ते ओहयकंटयं निहयकंटयं मलियकंटयं उद्धियकंटयं
अकंटयं ओहयमत्तू निहयसत्तू मलियसत्तू उद्धियसत्तू निजियसत्तू पराइय-
सत्तू ववगयदुब्भिसख-मारिमयविप्पमुक्कं रायवन्नओ जहा उववाइए जाव
पसंतडिंडमरं रज्जं पसाहेमाणे विहरति २। तस्स णं रत्तो परिसा भवइ-
उग्गा उग्गपुत्ता भोगा भोगपुत्ता इवखागाइ इवखागाइपुत्ता नाया नायपुत्ता
कोरव्वा कोरव्वपुत्ता भट्टा भट्टपुत्ता माहणा माहणापुत्ता लेच्छइ लेच्छइपुत्ता
पसत्थारो पसत्थपुत्ता सेणावई सेणावइपुत्ता ३। तेसि च णं एगतीए सद्धी
भवइ कामं तं समाणा वा माहणा वा संपहारिंसु गमणाए, तत्थ अन्नतरेणं
धम्मेणं पन्नत्तारो वयं इमेणं धम्मेणं पन्नवइस्सामो से एवमायाणाह भयंतारो
जहा मए एस धम्मे सुयक्खाए सुपन्नत्ते भवइ, तंजहा-उड्ढं पादतला अहे
केसग्गमत्थया तिरियं तयपरियंते जीवे एस आयापज्जवे केसिणे एस जीवे
जीवति एस मए णो जीवइ, सरीरे धरमाणे धरइ विणाट्टंमि य णो धरइ,
एयंतं जीवियं भवति, आदहणाए परेहिं निज्जइ, अगणिभामिए सरीरे
कओतवन्नाणि अट्टीणि भवंति, आसंदीपंचमा पुरिसा गामं पचागच्छंति ४।
एवं असंते असंविज्जमाणे जेसिं तं असंते असंविज्जमाणे तेसिं तं सुयक्खायं
भवति-अन्नो भवति जीवो अन्नं सरीरं, तम्हा, ते एवं नो विपडिवे-
दंति-अयमाउसो ! आया दीहेति वा हस्सेति वा परिमंडलेति वा कट्टेति वा
तंसेति वा चउरंसेति वा आयतेति वा छलंसिएति वा अट्टंसेति वा, किंराहेति

वा णीलेति वा लोहियहालिद्दे जाव सुक्विल्लेति वां, सुव्भिगंधेति वा दुव्भि-
गधेति वा, तितेति वा कड्डुएति वा कसाएति वा अंबिलेति वा जाव महुरेति
वां, कक्खडेति वा मउएति वा गुरुएति वा लहुएति वा सिएति वा उसिणोति
वा निद्धेति वा लुक्खेति वा, ५। एवं असंते असंविज्जमाणो जेसिं तं सुय-
क्खायं भवति—अन्नो जीवो अन्नं सरीरं, तम्हा ते णो एवं उवल्लभंति से
जहाणामए केइ पुरिसे कोसीओ असिं अभिनिव्वट्टित्ता णां उवदंसेज्जा अय-
माउसो ! असी अयं कोसी, एवमेव णत्थि केइ पुरिसे अभिनिव्वट्टित्ता णां
उवदंसेइ (उवदंसेत्तारो) अयमाउसो ! आया इयं सरीरं ६। से जहाणामए केइ
पुरिसे मुंजाओ इसियं अभिनिव्वट्टित्ता णां उवदंसेज्जा अयमाउसो ! मुंजे इयं
इसियं, एवमेव नत्थि केइ पुरिसे उवदंसेत्तारो अयमाउसो ! आया इयं सरीरं ७।
से जहाणामए केइ पुरिसे मंसाओ अट्ठिं अभिनिव्वट्टित्ता णां उवदंसेज्जा अय-
माउसो । मंसे अयं अट्ठी, एवमेव नत्थि केइ पुरिसे उवदंसेत्तारो अयमाउसो !
आया इयं सरीरं ८। से जहाणामए केइ पुरिसे करयलाओ आमलकं अभि-
निव्वट्टित्ता णां उवदंसेज्जा अयमाउसो ! करतले अयं आमलए, एवमेव णत्थि
केइ पुरिसे उवदंसेत्तारो अयमाउसो ! आया इयं सरीरं । से जहाणामए केइ
पुरिसे दहियो नवनीयं अभिनिव्वट्टित्ता णां उवदंसेज्जा अयमाउसो ! नवनीयं
अयं तु दही, एवमेव णत्थि केइ पुरिसे जाव सरीरं ९। से जहाणामए केइ
पुरिसे तिलेहितो तिल्लं अभिनिव्वट्टित्ता णां उवदंसेज्जा अयमाउसो ! तेल्लं
अयं पिन्नाए, एवमेव जाव सरीरं १०। से जहाणामए केइ पुरिसे इक्खूतो
खोतरसं अभिनिव्वट्टित्ता णां उवदंसेज्जा अयमाउसो ! खोतरसे अयं छोए,
एवमेव जाव सरीरं ११। से जहाणामए केइ पुरिसे अरणीतो अग्गिं अभि-
निव्वट्टित्ता णां उवदंसेज्जा अयमाउसो ! अरणी अयं अग्गी, एवमेव जाव
सरीरं १२। एवं असंते असंविज्जमाणो जेसिं तं सुयक्खायं भवति, तंजहा अन्नो
जीवो अन्नं सरीरं । तम्हा ते मिच्छा १३। से हंता तं हण्णह खण्णह छण्णह

डहह पयह आलुं पह विलुं पह सहसाकारेह विपरामुसह, एतावताव जीवे गार्थि
 परलोए, ते णो एवं विप्पडिवेदेति, तंजहा—किरियाइ वा अकिरियाइ वा सुक-
 डेइ वा दुक्केइ वा कल्लाणेइ वा पावएइ वा साहुइ वा असाहुइ वा सिद्धीइ
 वा असिद्धीइ वा निरएइ वा अनिरएइ वा, एव ते विरुवरूवेहिं कम्मसमारं-
 भेहिं विरुवरूवाइं कामभोगाइं समारभंति भोयणाए १४॥ एवं एगे पाग-
 ळ्भिया णिक्खम्म मामगं धम्मं पन्नवेति, तं सदहमाणा तं पत्तियमाणा तं
 रोएमाणा साहु सुयक्खाए समणेति वा माहणेति वा कामं खलु आउसो !
 तुमं पूययामि, तंजहा—असणेण वा पाणेण वा खाइमेण वा साइमेण वा
 वत्थेण वा पडिग्गहेण वा कंवल्लेण वा पायपुंछणेण वा तत्थेगे पूयणाए
 समाउट्टिसु तत्थेगे पूयणाए निकाइंसु १५॥ पुव्वमेव तेसिं णायं भवति—
 समणा भविस्सामो अण्णारा अकिंचणा अपुत्ता (अपत्ता) अपसू परदत्तभोइणो
 भिक्खुणो पावं कम्मं णो करिस्सामो समुट्ठाए ते अप्पणा अप्पडिविरया
 भवंति, सयमाइयंति अन्नेवि आदियावेति अन्नंपि आयतंतं समणुजाणंति,
 एवमेव ते इत्थिकामभोगेहिं मुच्छिया गिद्धा गढिया अज्भोववन्ना लुद्धा राग-
 दोसवसट्ठा, ते णो अप्पाणां समुच्छेदेति ते णो परं समुच्छेदेति ते णो
 अराणाइं पाणाइं भूताइं जीवाइं सत्ताइं समुच्छेदेति, पहीणा पुव्वमंजोगं
 आयरियं मग्गं असंपत्ता इति ते णो हव्वाए णो पाराए अंतरा कामभोगेसु
 विसन्ना इति पढमे पुरिसजाए तज्जीवतच्छरीरएत्ति आहिए १६ ॥ सूत्रं ६ ॥
 अहावरे दोच्चे पुरिसजाए पंचमहव्भूतिएत्ति आहिज्जइ, इह खलु पाइणं
 वा (६) संतेगतिया मणुस्सा, भवंति अणुपुव्वेणां लोयं उववन्ना, तंजहा—
 आरिया वेगे अण्णारिया वेगे एवं जाव दुरूवा वेगे, तेसिं च णं महं
 एगे राया भवइ महया० एवं चेव णिरवसेमं जाव सेणावइपुत्ता, तेसिं च णं
 एगतिए सद्धी भवति कामं तं समणा य माहणा य पहारिंसु गमणाए, तत्थ
 अन्नयरेणां धम्मेणां पन्नत्तारो वयं इमेणां धम्मेणां पन्नवइस्सामो से एवमायाणाह

भयंतारो । जहा मए एस धम्मे सुअक्खाए (जाव) सुपन्नत्ते भवति १॥ इह खलु
 पंच महब्भूता, जेहिं नो विज्जइ किरियाति वा अकिरियाति वा, सुक्खेति वा
 दुक्खेति वा, कल्लाणेति वा पावएति वा, साहुति वा असाहुति वा, सिद्धीति वा
 असिद्धीति वा, जाव णिरएति वा, अणिरएति वा, अवि अंतसो तण्णमायमवि
 २॥ तं च पिहुइ सेणं पुढोभूतसमवातं जाणेज्जा, तंजहा-पुढवी एगे महब्भूते
 आऊ दुच्चे महब्भूते तेऊ तच्चे महब्भूते वाऊ चउत्थे महब्भूते आगासे
 पंचमे महब्भूते, इच्चेते पंच महब्भूया अण्णिम्मिया अण्णिम्माविता अकडा णो
 कित्तिमा णो कडगा अणाइया अण्हणा अवंभा अपुरोहिता सतंता सासता
 आयद्धट्ठा, पुण एगे एवमाहु-सतो णत्थि विणासो असतो णत्थि संभवो
 ३॥ एतावताव जीवकाए, एतावताव अत्थिकाए, एतावताव सब्वलोए, एतं
 मुहं लोगस्स करणयाए, अवियंतसो तण्णमायमवि ४॥ से किणं किणावेमाणो
 हणं घायमाणो पयं प्रयावेमाणो अवि अंतसो पुरिसमवि कीणित्ता घायइत्ता
 एत्थंपि जाणाहि णत्थित्थदोमो, ते णो एवं विप्पडिवेदेति, तंजहा-किरियाइ
 वा जावअणिरएइ वा, एवं ते विरूवरूवेहिं कम्मसमारंभेहिं विरूवरूवाइं
 कामभोगाइं समारभंति भांयणाए, एवमेव ते अणारिया विप्पडिवन्ना तं
 सहहमाणा तं पत्तियमाणा जाव इति, ते णो हव्वाए णो पाराए, अंतरा
 कामभोगेसु जाव विसराणा, दोच्चे पुरिसजाए पंचमहब्भूतिएत्ति आहिए ५॥
 सूत्रं १०॥ अहावरे तच्चे पुरिसजाए ईसरकारणिए इति आहिज्जइ, इह खलु
 पांदीणां वा (६) सतेगतिया मणुस्सा भवंति अणुपुब्बेणां लोयं उववन्ना, तं०-
 आरिया वेगे जाव तेसिं च णं महंते एगे राथा भवइ जाव सेणावइपुत्ता,
 तेसिं च णं एगतीए सद्धी भवइ, कामं तं समणा य माहणा य पहारिसु
 गमणाए जाव जहा मए एस धम्मे सुअक्खाए सुपन्नत्ते भवइ १॥ इह खलु
 धम्मा पुरिसादिया पुरिसोत्तरिया पुरिसप्पणीया पुरिमसंभूया पुरिसपज्जोतिता
 पुरिसअभिसमराणागया पुरिसमेव अभिभूय चित्ठंति, से जहाणामए गंडे

सिया सरीरे जाए सरीरे संबुड्ढे सरीरे अभिसमराणागए सरीरमेव अभिभूय चिट्ठति, एवमेव धम्मा पुरिसादिया जाव पुरिसमेव अभिभूय चिट्ठंति २ । से जहाणामए अरई सिया सरीरे जाया सरीरे संबुड्ढा सरीरे अभिसमराणागया सरीरमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ३ । से जहाणामए वम्मिए सिया पुढविजाए पुढविसंबुड्ढे पुढविअभिसमराणागए पुढविमेव अभिभूय चिट्ठइ । एवमेव धम्मावि पुरिसादिया जाव पुरिसमेव अभिभूय चिट्ठंति ४ । से जहाणामए रुक्खे सिया पुढविजाए पुढविसंबुड्ढे पुढविअभिसमराणागए पुढविमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ५ । से जहाणामए पुक्खरिणी सिया पुढविजाया जाव पुढविमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ६ । से जहाणामए उदगपुक्खले सिया उदगजाए जाव उदगमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ७ । से जहाणामए उदगबुब्बुए सिया उदगजाए जाव उदगमेव अभिभूय चिट्ठति, एवमेव धम्मावि पुरिसादिया जाव पुरिसमेव अभिभूय चिट्ठंति ८ ॥ जंपिय इमं समणाणां शिग्गंधाणां उद्धिट्ठं पणीयं वियंजियं दुवालसंगं गण्णिपिड्यं, तंजहा-आयारो सूयगडो जाव दिट्ठिवातो, सच्चमेवं मिच्छा, ण एयं तहियं, ण एयं आहातहियं, इमं सच्चं इमं तहियं इमं आहातहियं, ते एवं सन्नं कूब्बंति, ते एवं सन्नं संठ्वंति, ते एवं सन्नं सोवड्ढयंति, तमेवं ते तज्जाइयं दुक्खं णातिउट्ठंति सउणी पंजरं जहा ९ ॥ ते णो एवं विप्पडिवेदंति, तंजहा-किरिया इ वा जाव अणिरए इ वा, एवामेव ते विरूवरूवेहिं कम्मममारंभेहिं विरूवरूवाइं कामभोगाइं समारंभंति-भोयणाए, एवामेव ते अणारिया विप्पडिवन्ना एवं सहमाणा जाव इति ते-णो हव्वाए णो पाराए, अंतरा कामभोगेसु विसराणोत्ति, तच्चे पुरिसजाए

ईसरकारणिएत्ति आहिए १० ॥सूत्रं ११॥ अहावरे चउत्थे पुरिसजाए णिय-
 तिवाइएत्ति आहिज्जइ, इह खलु पाईणं वा (६) तहेव जाव सेणावइपुत्ता वा, तेसिं
 च णं एगतीए सट्ठी भवइ, कामं तं समणा य माहणा य संपहारिंसु गमणाए
 जाव मए एस धम्मे सुअक्खाए सुपन्नत्ते भवइ १ ॥ इह खलु दुवे पुरिसा भवन्ति-
 एगे पुरिसे किरियमाइक्खइ एगे पुरिसे णोकिरियमाइक्खइ, जे य पुरिसे किरि-
 यमाइक्खइ जे य पुरिसे णोकिरियमाइक्खइ दोवि ते पुरिसा तुल्ला एगट्ठा, कार-
 णमावन्ना २ ॥ बाले पुण एवं विप्पडिवेदेति कारणमावन्ने अहमंसि दुक्खामि
 वा सोयामि वा जूरामि वा तिप्पामि वा पीडामि वा परितप्पामि वा अहमेय-
 मकासि परो वा जं दुक्खइ वा सोयइ वा जूरइ वा तिप्पइ वा पीडइ वा परि-
 तप्पइ वा परो एवमकासि, एवं से बाले सकारणां वा परकारणां वा एवं विप्प-
 डिवेदेति कारणमावन्ने ३ ॥ मेहावी पुण एवं विप्पडिवेदेति कारणमावन्ने-अह-
 मंसि दुक्खामि वा सोयामि वा जूरामि वा तिप्पामि वा पीडामि वा परितप्पामि
 वा, णो अहं एवमकासि, परो वा जं दुक्खइ वा जाव परितप्पइ वा णो
 परो एवमकासि, एवं से मेहावी सकारणां वा परकारणां वा एवं विप्पडिवेदेति
 कारणमावन्ने, ४ ॥ से बेमि पाईणं वा (६) जे तसथावरा पाणा ते एवं
 संघायमागच्छंति ते एवं विपरियासमावज्जंति ते एवं विवेगमागच्छंति ते
 एवं विहाणमगच्छंति ते एवं संगतियंति उवेहाए, णो एवं विप्पडिवेदेति, तं
 जहा-किरियाति वा जाव (णिरएत्ति वा) अणिरएत्ति वा, एवं ते विरुवरू-
 वेहिं कम्मसमारंभेहिं विरुवरूवाइं कामभोगाइं सभारभंति भोयणाए ५ ॥
 एवमेव ते अणारिया विप्पडिवन्ना तं सइहमाणा जाव इति ते णो हव्वाए
 णो पाराए अंतरा कामभोगेसु विसराणा ६ । चउत्थे पुरिसजाए णियइ-
 वाइएत्ति आहिए, ॥ इच्चेते चत्तारि पुरिसजाया णाणापन्ना णाणाच्छंदा
 णाणासीत्ता णाणादिट्ठी णाणारुई णाणारंभा णाणाअज्भवसाणसंजुत्ता
 पहीणपुव्वसंजोगा आरियं मग्गं असंपत्ता इति ते णो हव्वाए णो पाराए

अंतरा कामभोगेषु विसरणा = ॥ सूत्रं १२ ॥ सेवेमि पाईणं वा (६) संतेगतिया मणुस्सा भवंति, तंजहा—आरिया वेगे अणारिया वेगे उच्चागोया वेगे णीया-गोया वेगे, कायमंता वेगे, रहस्समंता वेगे, सुवन्ना वेगे, दुवन्ना वेगे, सुरूवा वेगे । दुरूवा वेगे १ । तेसि च णं जणंजाणवयाइं खेत्तवत्थूणि परिग्गहियाइं भवंति, तं० अण्यरा वा भुज्जरा वा, तहप्पगारेहिं कूलेहिं आगम्म अभिभूय एगे भिक्खारियाए समुट्ठिता सतो वावि एगे णायत्थो य (अणायत्थो) य उवगरणं च विप्पजहाय भिक्खारियाए समुट्ठिता असतो वावि एगे णायत्थो (अणायत्थो) य उवगरणं च विप्पजहाय भिक्खारियाए समुट्ठिता, [जे ते सतो वा असतो वा णायत्थो य अणायत्थो य उवगरणं च विप्पजहाय भिक्खारियाए समुट्ठिता] २ । पुव्वमेव तेहिं णायं भवइ, तंजहा—इह खलु पुरिसे अन्नमन्नं ममट्ठाए एवं विप्पडिवेदेति, तं जहा—खेत्तं मे वत्थू मे हिरराणां मे सुवन्नं मे धणां मे धराणां मे कंसं मे दूमं मे विपुलधणा-कणागरयणा-मणि-मोत्तिय-संखसिलप्पवाल-रत्तरयणासंतसारसावतेयं मे सदा मे रूवा मे गंधा मे रसा मे फासा मे, एते खलु मे कामभोगा अहमवि एतेसिं ३ ॥ से मेहावी पुव्वामेव अण्यणो एवं समभिजारोज्जा, तंजहा—इह खलु मम अन्नयरे दुक्खे रोयातंके समुप्पज्जेज्जा अणिट्ठे अकंते अण्णिए असुभे अमणुन्ने अमणामे दुक्खे णो सुहे से हंता भयंतारो ! कामभोगाइं मम अन्नयरं दुक्खं रोया-तंके परियाइयह अणिट्ठं अकंतं अण्णियं असुभं अमणुन्नं अमणामं दुक्खं णो सुहं, ताइहं दुक्खामि वा सोयामि वा जूरामि वा तिप्पामि वा पीडामि वा परित्पामि वा इमात्थो मे अणायरात्थो दुक्खात्थो रोगातंकात्थो पडि-मोयह अणिट्ठत्थो अकंतात्थो अण्णियात्थो असुभात्थो अमणुन्नात्थो अमणा-मात्थो दुक्खात्थो णो सुहात्थो, एवामेव णो लंछपुव्वं भवइ ४ । इह खलु कामभोगा णो ताणाए वा णो सरणाए वा, पुरिसे वा एगता पुव्वि काम-भोगे विप्पजहति, कामभोगा वा एगता पुव्वि पुरिसं विप्पजहंति, अन्ने

खलु कामभोगा अन्नो अहमंसि, से किमंग पुण वयं अन्नमन्नेहिं कामभोगेहिं मुच्छामो ?, इति संखाए णं वयं च कामभोगेहिं विप्पजहिस्सामो ५। से मेहावी जाणोज्जा बहिरंगमेतं, इयमेव उवणीयतरागं, तंजहा-माया मे पिता मे भाया मे भगिणी मे भज्जा मे पुत्ता मे धूता मे पेसा मे नत्ता मे सुराहा मे सुही मे पिया मे सहां मे सयणासंगंथसंथुया मे, एते खलु मम गायत्रो अहमन्नि एतेसिं, एवं से मेहावी पुव्वामेव अप्पणा एवं समभिजाणोज्जा ६। इह खलु मम अन्नयरे दुक्खे रोयातंके समुपज्जेज्जा अणिट्ठे जाव दुक्खे णो सुहे, से हंता भयंतारो ! गायत्रो इमं मम अन्नयरं दुक्खं रोयातंके परियाइयामि अणिट्ठं जाव णो सुहं ७। ताऽहं दुक्खामि वा सोयामि वा जाव परित्पामि वा, इमात्रो मे अन्नयरातो दुक्खात्रो रोयातंकात्रो परिमोएह अणिट्ठात्रो जाव णो सुहात्रो, एवमेव णो लद्धपुव्वं भवइ, तेसिं वावि भयंताराणां मम गाययाणां अन्नयरे दुक्खे रोयातंके समुपज्जेज्जा अणिट्ठे जाव णो सुहे, से हंता अहमेतेसिं भयंताराणां गाययाणां इमं अन्नयरं दुक्खं रोयातंके परियाइयामि अणिट्ठं जाव णो सुहं ८। मा मे दुक्खंतु वा जाव मा मे परित्पंतु वा, इमात्रो णं अणायरात्रो दुक्खातो रोयातंकात्रो परिमोएमि अणिट्ठात्रो जाव णो सुहात्रो, एवमेव णो लद्धपुव्वं भवइ, अन्नस्स दुक्खं अन्नो न परियाइयति अन्नेण कडं अन्नो नो पडिसंवेदेति पत्तेयं जायति पत्तेयं मरइ पत्तेयं चयइ पत्तेयं उववज्जइ पत्तेयं भंभा पत्तेयं सन्ना पत्तेयं मन्ना एवं विन्नू वेदणा ९। इह खलु ग्णातिसंजोगा ग्णा ताणाए वा-णो सरणाए वा, पुरिसे वा एगता पुव्वि ग्णातिसंजोए विप्पजहति, ग्णातिसंजोगा वा एगता पुव्वि पुरिसं विप्पजहति, अन्ने खलु ग्णातिसंजोगा अन्नो अहमंसि, से किमंग पुण वयं अन्नमन्नेहिं ग्णातिसंजोगेहिं मुच्छामो ?, इति संखाए णं वयं ग्णातिसंजोगं विप्पजहिस्सामो १०। से मेहावी जाणोज्जा बहिरंगमेयं, इयमेव उवणीयतरागं, तंजहा-हत्था मे पाया मे वाहा मे ऊरू मे उदरं मे

सीसं मे सीलं मे आऊ मे बलं मे वराणो मे तथा मे छाया मे सोयं मे चक्षु मे घ्राणं मे जिह्वा मे फासा मे ममाइज्जइ, वयाउ पडिजूरइ, तंजहा—आउओ बलाओ वराणाओ तथाओ छायाओ सोयाओ जाव फासाओ, सुसंधितो संधी विसंधीभवइ, वलियतरंगे गाए भवइ, किगहा केसा पलिया भवन्ति, तंजहा—जंपि य इमं सरीरगं उरालं आहारोवइयं एयंपि य अणुपु-व्वेणं विप्पजहियव्वं भविस्सति ११। एयं संखाए से भिक्खु भिक्खायरियाए समुट्टिए दुहओ लोगं जाणेज्जा, तंजहा—जीवा चैव अजीवा चैव, तसा चैव थावरा चैव १२ ॥ सूत्रम् १३ ॥

इह खलु गारत्था सारंभा सपरिग्गहा, संतेगतिया समणा माहणावि सारंभा सपरिग्गहा, जे इमे तसा थावरा पाणा ते सयं समारंभति अन्नेणावि समारंभावेति अराणंपि समारभंतं समणुजाणंति १॥ इह खलु गारत्था सारंभा सपरिग्गहा, संतेगतिया समणा माहणावि सारंभा सपरिग्गहा, जे इमे कामभोगा मचित्ता वा अचित्ता वा ते सयं परिगिरहंति अन्नेणावि परिगिरहावेति अन्नंपि परिगिरहंतं समणुजाणंति २ ॥ इह खलु गारत्था सारंभा सपरिग्गहा, संतेगतिया समणा माहणावि सारंभा सपरिग्गहा, अहं खलु अणारंभे अपरिग्गहे, जे खलु गारत्था सारंभा सपरिग्गहा, संतेगतिया समणा माहणावि सारंभा सपरिग्गहा, एतेसिं चैव निस्साए बंधचेरवासं वसिस्सामो, कस्स णं तं हेउं ?, जहा पुव्वं तथा अवरं जहा अवरं तथा पुव्वं, अंजू एते अणुवरया अणुवट्टिया पुणारवि तारिसगा चैव ३ ॥ जे खलु गारत्था सारंभा सपरिग्गहा, संतेगतिया समणा माहणावि सारंभा सपरिग्गहा, दुहतो पावाइं कुव्वंति इत संखाए दोहिवि अंतेहिं अदिस्समाणो इति भिक्खु रीएज्जा ४ ॥ से बेमि पाईणं वा ६ जाव एवं से परिगणायकम्मे, एवं से ववेयकम्मे, एवं से विअंतरकारए भवतीति मक्खायं ५ ॥सूत्रं १४॥

तथ खलु भगवता ह्यजीवनिकाय हेऊ पराणात्ता, तंजहा-पुढ्वीकाए जाव तसकाए, से जहाणामए मम अस्सायं दंडेण वा अट्टीण वा मुट्टीण वा लेलूण वा क्वालेण वा आउट्टिज्जमाणस्स वा हम्ममाणस्स वा तज्जिज्जमाणस्स वा ताडिज्जमाणस्स वा, परियाविज्जमाणस्स वा किलामिज्जमाणस्स वा उह्विज्जमाणस्स वा जाव लोमुक्खणाणामायमवि हिंसाकारगं दुक्खं भयं पडिसंवेदेमि १ । इच्चेवं जाण सव्वे जीवा सव्वे भूता सव्वे पाणा सव्वे सत्ता दंडेण वा जाव क्वालेण वा आउट्टिज्जमाणा वा हम्ममाणा वा तज्जिज्जमाणा वा ताडिज्जमाणा वा परियाविज्जमाणा वा किलामिज्जमाणा वा उह्विज्जमाणा वा जाव लोमुक्खणाणामायमवि हिंसाकारगं दुक्खं भयं पडिसंवेदेंति, एवं नच्चा सव्वे पाणा जाव सत्ता ण हंतव्वा ण अज्जावेयव्वा ण परिघेतव्वा ण परितावेयव्वा ण उह्वेयव्वा २ ॥ से बेमि जे य अतीता जे य पडुप्पन्ना जे य आगमिस्सा अरिहंता भगवंतो सव्वे ते एवमाइक्खंति एवं भासंति एवं पराणवेंति एवं परूवेंति-सव्वे पाणा जाव सत्ता ण हंतव्वा ण अज्जावेयवा ण परिघेतव्वा ण परितावेयव्वा ण उह्वेयव्वा एस धम्मं धुवे णीतिए सासए समिच्च लोगं खेयन्नेहिं पवेदिए, एवं से भिक्खु विरते पाणातिवायातो जाव विरते परिग्गहातो णो दंतपक्खालणोणं दंते पक्खालेज्जा णो अंजणं णो वमणं णो धूवणो णो तं परिआविएज्जा ३ ॥ से भिक्खु अकिरिए अलूसए अकोहे अमारो अमाए अलोहे उवसंते परिनिब्बुडे णो आसंसं पुरतो करेज्जा इमेण मे दिट्ठेण वा सुएण वा मएण वा विन्नाएण वा इमेण वा सुचरियतवनियमबंभचेरवासेण इमेण वा जायामायावत्तिएणं धम्मं इत्थो चुए पेच्चा देवे सिया कामभोगाण वसवत्ती सिद्धे वा अदुक्खमसुभे एत्थवि सिया एत्थवि णो सिया ४ ॥ से भिक्खु सह्हेहिं अमुच्छिए रूवेहिं अमुच्छिए गंधेहिं अमुच्छिए रसेहिं अमुच्छिए फासेहिं अमुच्छिए विरए कोहात्थो माणात्थो मायात्थो लोभात्थो पेज्जात्थो

दोसात्रो कलहात्रो अन्वक्खाणात्रो पेसुन्नात्रो परपरिवायात्रो अरइरईत्रो
 मायासोसात्रो मिच्छादंसणसल्लात्रो इति से महतो आयाणात्रो उवसंते उव-
 ट्टिए पडिविरते से भिक्खू ५ ॥ जे इमे तसथावरा पाणा भवन्ति ते णो
 सयं समारंभइ णो वज्जणोहिं समारंभावेति अन्ने समारंभंतेवि न समणु-
 जाणांति इति से महतो आयाणात्रो उवसंते उवट्टिए पडिविरते से भिक्खू
 ६ ॥ जे इमे कामभोगा सचित्ता वा अचित्ता वा ते णो सयं परिगिराहति
 णो अन्नेणं परिगिराहावेति अन्नं परिगिराहंतंपि ण समणुजाणांति इति से
 महतो आयाणात्रो उवसंते उवट्टिए पडिविरते से भिक्खू ७ ॥ जंपिय इमं
 संपराइयं कम्मं कज्जइ, णो तं सयं करेति णो अराणाणं कारयेति अन्नंपि
 करेत्तं ण समणुजाणाइ इति, से महतो आयाणात्रो उवसंते उवट्टिए पडि-
 विरते ८ ॥ से भिक्खू जाणेजा अमणं वा ४ अस्सि पडियाए एगं
 साहम्मियं ममुद्दिस्स पाणाइं भूताइं जीवाइं सत्ताइं समारंभ समुद्दिस्स कीतं
 पामिच्चं अच्चिज्जं अणिसट्ठं अभिहडं आहट्टुद्देसियं तं चेतियं सिया
 तंजहा अप्पणो पुत्ताईणाट्टाए जाव आएमाए पुट्ठो पहेणाए सामासाए पाय-
 रासाए संणिहिसंणिचत्रो किज्जइ, इहएतेसिं माणावाणं भोयणाए (अह पुण
 एवं जाणेजा विज्जति तेसिं परकमं जस्सट्टाए चेइयं सिआ तंजहा—अप्पणो
 पुत्ताणं धूयाणं सुराहाणं धाईणं णातीणं राईणं दामाणं दासीणं कम्मकराणं
 कम्मकरीणं आएसाणं पुट्ठोपहेणाए सामासाए पातरासाए सन्निहीसन्निचए
 किज्जइ इहमेगेमिं माणावाणं भोयणाए) णो सयं भुंजइ णो अराणेणं भुंजा-
 वेति अन्नंपि, भुंजंतं ण समणुजाणाइ इति, से महतो आयाणात्रो उवसंते
 उवट्टिए पडिविरते ९ ॥ तत्थ भिक्खू परकडं परणिट्ठितमुग्गमुप्पायणोसणा-
 सुद्धं सत्थाईयं सत्थपरिणामियं अविहिसियं एसियं वेसियं सामुदाणियं पत्तमसणं
 कारणाट्टा पमाणजुत्तं अक्खोवज्जावणालेवणभूयं संजमजायामयावत्तिं यं विल्लमिंव
 पन्नगंभूतेणं अप्पाणेणं आहारं आहारेजा अन्नं अन्नकाले पाणं पाणकाले

वत्थं वत्थकाले लेणां लेणाकाले सयणां सयणाकाले १०॥ से भिक्खु मायन्ने
 अन्नयरं दिसं अणुदिसं वा पडिवन्ने धम्मं आइक्खे विभए किट्ठे उवट्टिएसु
 वा अणुवट्टिएसु वा सुस्सूसमारोसु पवेदए, संतिविरतिं उवसमं निव्वाणं सोय-
 वियं अज्जवियं मद्दवियं लाघवियं अणुतिवातियं सव्वेसि पाणाणां सव्वेसि भूताणां
 जाव सत्ताणां अणुवाइं किट्ठए धम्मं ११॥ से भिक्खु धम्मं किट्ठमारो णो अन्नस्स
 हेउं धम्ममाइक्खेज्जा, णो पाणास्स हेउं धम्ममाइक्खेज्जा, णो वत्थस्स हेउं
 धम्ममाइक्खेज्जा, णो लेणास्स हेउं धम्ममाइक्खेज्जा, णो सयणास्स हेउं धम्म-
 माइक्खेज्जा, णो अन्नेसिं विरूवंरूवाणां कामभोगाणां हेउं धम्ममाइक्खेज्जा,
 अगिलाए धम्ममाइक्खेज्जा, नन्नत्थं कम्मनिज्जरट्ठाए धम्ममाइक्खेज्जा १२॥ इह
 खलु तस्स भिक्खुस्स अंतिए धम्मं सोच्चा णिसम्मं उट्टारोणां उट्टाय
 वीरा अस्सि धम्मे समुट्टिया जे तस्स भिक्खुस्स अंतिए धम्मं सोच्चा णिसम्म
 सम्मं उट्टारोणां उट्टाय वीरा अस्सि धम्मे समुट्टिया ते एवं सव्वोवगता ते एवं
 सव्वोवर(ग)ता ते एवं सव्वोवसंता ते एवं सव्वत्ताए परिनिव्वुडत्तिवेमि १३॥
 एवं से भिक्खु धम्मट्ठी धम्मविऊ णियागपडिवरणो से जहेयं बुतियं अडुवा
 पत्ते पउमवरंपोंडरीयं अडुवां अपत्ते पउमवरंपोंडरीयं, एवं से भिक्खु परिगणा-
 यकम्मे परिगणायसंगे परिगणायगेहवासे उवसंते समिए सहिए सया जए,
 सेवं वयणिज्जे, (वत्तव्वे) तंजहा-समणेति वा माहणेति वा खंतेति वा
 दंतैति वा गुत्तेति वा मुत्तेति वा इसीति वा सुणीति वा कतीति वा विऊति वा
 भिक्खुति वा लूहेति वा तीरट्ठीति वा चरणाकरणापारविउत्तिवेमि १४ ॥सूत्र-१५॥

॥ इति प्रथममध्ययनम् ॥ श्रुतस्कंधः २ः अ०१ ॥



॥ अथ द्वितीयं क्रियास्थानाख्याध्ययनम् ॥

सुयं मे आउसंतेणं भगवया एवमक्खायं-इह खलु किरियाठाणो
 णामज्झयणो पराणत्ते, तस्स णं अयमट्ठे-इह खलु संजूहेणं दुवे ठाणो एवमा-
 हिज्जंति, तंजहा-धम्मे चेव अधम्मे चेव उदसंते चेव अणुवसंते चेव १॥
 तत्थ णं जे से पढमस्स ठाणस्स अहम्मपक्खस्स विभंगे तस्स णं अयमट्ठे
 पराणत्ते, इह खलु पाईणं वा ६ संतेगतिया मणुस्सा भवंति, तंजहा-आरियो
 वेगे अणारिया वेगे उच्चागोया वेगे णीयागोया वेगे कायमंता वेगे रहस्समंता
 वेगे सुवराणा वेगे दुव्वराणा वेगे सुरूवा वेगे दुरूवा वेगे २॥ तेसिं च णं
 इमं एताख्वं दडसमादाणं संपेहाए तंजहा-गोरइएसु वा तिरिक्खजोणिएसु
 वा मणुस्सेसु वा देवेसु वा जे यावन्ने तहप्पगारा पाणा विन्नू वेयणं वेयंति
 ३॥ तेसिं पि य णं इमाइं तेरस्स किरियाठाणाइं भवंतीति एवमक्खायं, तं-
 जहा-अट्ठादंडे १ अणुट्ठादंडे २ हिंसादंडे ३ अकम्हादंडे ४ दिट्ठीविपरिया-
 सियादंडे ५ मोसवत्तिए ६ अदिनादाणावत्तिए ७ अज्झथवत्तिए ८ माणाव-
 त्तिए ९ मित्तदोसवत्तिए १० मायावत्तिए ११ लोभवत्तिए १२ इरियावहिए
 १३ ॥सूत्रं १६॥

पढमे दंडसमादाणो अट्ठादंडवत्तिएत्ति आहिज्जइ, से जहाणामए केइ
 पुरिसे आयहेउं वा णाइहेउं वा अगारहेउं वा परिवारहेउं वा मित्तहेउं वा
 णागहेउं वा भूतहेउं वा जक्खहेउं वा तं दंडं तसथावरेहिं पाणहि सयमेव
 णिसिरिति अणोणवि णिसिरावेति अणोपि णिसिरंतं समणुजाणइ, एवं
 खलु तस्स तप्पत्तियं सावज्जंति आहिज्जाइ, पढमे दंडसमादाणो अट्ठादंडव-
 त्तिएत्ति आहिए ॥ सूत्रं १७ ॥

अहावरे दोच्चे दंडसमादाणो अणुट्ठादंडवत्तिएत्ति आहिज्जइ, से जहा-
 णामए केइ पुरिसे जे इमे तसा पाणा भवंति ते णो अच्चाए णो अजिणाए

णो मंसाए णो सोणियाए एवं हियाए पित्ताए वसाए पिच्छाए पुच्छाए
 बालाए सिंगाए विसाणाए दंताए दाढाए गहाए गहारुणिए अट्टीए अट्टिमं-
 जाए णो हिंसिसु मेत्ति णो हिंसंति मेत्ति णो हिंसिस्संति मेत्ति णो पुत्तपो-
 सणाए णो पसुपोसणायाए णो अगारपरिवूहणाताए णो समणमाहणावत्तणाहेउं
 णो तस्स सरीरगस्स किंचि विपरियादित्ता भवंति, से हंता छेत्ता भेत्ता लुं प-
 इत्ता विलुं पइत्ता उद्वइत्ता उज्झिउं बाले वेरस्स आभागी भवति, अणट्टादंडे
 १॥ से जहाणामए केइ पुरिसे जे इमे थावरा पाणा भवंति, तंजहा-इकडा इ
 वा कडिणा इ वा जंतुगा इ वा परगा इ वा मोक्खा इ वा तणा इ वा कुसा इ वा
 कुच्छगा इ वा फवगा इ वा पलाला इ वा, ते णो पुत्तपोसणाए णो पसुपोस-
 णाए णो अगारपडिवूहणायाए णो समणमाहणापोसणायाए णो तस्स सरीर-
 गस्स किंचि विपरियाइत्ता भवंति, से हंता छेत्ता भेत्ता लुं पइत्ता विलुं पइत्ता उद्व-
 इत्ता उज्झिउं बाले वेरस्स आभागी भवति, अणट्टादंडे २॥ से जहाणामए
 केइ पुरिसे कच्छंसि वा दहंसि वा उदगंसि वा दवियंसि वा वलयंसि वा
 ग्गमंसि वा गहणंसि वा गहणविदुग्गंसि वा वणंसि वा वणविदुग्गंसि वा
 पवयंसि वा पवयविदुग्गंसि वा तणाइं ऊसविय ऊसविय सयमेव अगणिकायं
 णिसिरति अरणोणवि अगणिकायं णिसिरावेति अणापि अगणिकायं
 णिसिरितं समणुजाणइ अणट्टादंडे, एवं खलु तस्स तप्पत्तियं सावज्जन्ति आहि-
 ज्जइ, दोच्चे दंडसमादाणे अणट्टादंडवत्तिएत्ति आहिए ३॥ सूत्रम् १८ ॥

अहावरे तच्चे दंडसमादाणे हिंसादंडवत्तिएत्ति आहिज्जइ, से जहा-
 णामए केइ पुरिसे ममं वा ममिं वा अन्नं वा अन्निं वा हिंसिसु वा हिंसइ
 वा हिंसिस्सइ वा तं दंडं तसथावरेहिं पाणोहि सयमेव णिसिरति अरणोणवि
 णिसिरावेति अन्नपि णिसिरितं समणुजाणइ हिंसादंडे, एवं खलु तस्स
 तप्पत्तियं सावज्जन्ति आहिज्जइ, तच्चे दंडसमादाणे हिंसादंडवत्तिएत्ति
 आहिए ॥ सूत्रम् १९ ॥

अहावरे चउत्थे दंडसमादागो अकस्मात् दराडवत्तिएत्ति आहिज्जइ, से जहाणामए केइ पुरिसे कच्छंसि वा जाव वण(पव्वय)विदुग्गंसि वा मियवत्तिए मियसंक्खे मियपणिहागो मियवहाए गंता एए मियत्तिकारुं अन्नयरस्स मियस्स वहाए उसुं आयामेत्ता सां णिसिरेज्जा, स मियं वहिस्सामित्ति कट्टु त्तिरं वा वट्टुं वा चडगं वा लावगं वा कवोयगं वा कविं वा कविजलं वा विंधित्ता भवइ, इह खलु से अन्नस्म अट्टाए अराणं फुसति अकम्हादंडे ॥ से जहाणामए केइ पुरिसे मालीणि वा वीहीणि वा कोइवाणि वा कंगूणि वा परगाणि वा रालाणि वा णिलिज्जमारो अन्नयरस्स तरास्स वहाए सत्थं णिसिरेज्जा, से सामगं (मयणागं मुगुणागं) तरागं कुमुदुगं वीही- ऊसियं कलेसुयं तरां छिदिस्सामित्ति कट्टु सालिं वा वीहिं वा कोइवं वा कंगुं वा परगं वा रालयं वा छिदिता भवइ, इति खलु से अन्नस्स अट्टाए अन्नं फुसति अकम्हादंडे, एवं खलु तस्स तप्पत्तियं सावज्जे आहिज्जइ, चउत्थे दंडसमादागो अकम्हादंडवत्तिए आहिए २॥ सूत्रम् २० ॥

अहावरे पंचमे दंडसमादागो दिट्ठिविपरियासियादंडवत्तिएत्ति आहि- ज्जइ, से जहाणामए केइ पुरिस माईहि वा पिईहिं वा भाईहिं वा भगिणीहिं वा भजाहिं वा पुत्तेहिं वा धूताहिं वा सुराहाहिं वा सद्धिं संवसमारो मित्तं अमित्तमेव मन्नमारो मित्ते ह्यपुव्वे भवइ दिट्ठिविपरियासियादंडे ॥ से जहा- णामए केइ पुरिसे गामघायंसि वा णागरघायंसि वा खेड० कळ्वड० मडव- घायंसि वा दोणामुहघायंसि वा पट्टणाघायंसि वा आसमघायंसि वा सन्निवे- सघायंसि वा निग्गमघायंसि वा रायहाणिघायंसि वा अतेणां तेणामित्ति मन्न- मारो अतेणो ह्यपुव्वे भवइ दिट्ठिविपरियासियादंडे, एवं खलु तस्स तप्पत्तियं सावज्जंति आहिज्जइ, - पंचमे दंडसमादागो दिट्ठिविपरियासियादंडवत्तिएत्ति आहिए ॥ सूत्रम् २१ ॥

अहावरे छट्ठे किरियट्टाणो मोसावत्तिएत्ति आहिज्जइ, से जहाणामए केइ पुरिसे आयहेउं वा णाइहेउं वा अगारहेउं वा परिवारहेउं वा सयमेव मुसं वयति अरणोणावि मुसं वाएइ मुसं वयंतंपि अरणं समणुजाणइ, एवं खलु तस्स तप्पत्तियं सावज्जंति आहिज्जइ, छट्ठे किरियट्टाणो मोसावत्तिएत्ति आहिए ॥ सूत्रम् २२ ॥

अहावरे सत्तमे किरियट्टाणो अदिन्नादाणावत्तिएत्ति आहिज्जइ, से जहाणामए केइ पुरिसे आयहेउं वा जाव परिवारहेउं वा सयमेव अदिन्नं आदियइ अन्नेणावि अदिन्नं आदियावेति अदिन्नं आदियंतं अन्नं समणुजाणइ, एवं खलु तस्स तप्पत्तियं सावज्जंति आहिज्जइ, सत्तमे किरियट्टाणो अदिन्नादाणावत्तिएत्ति आहिए ॥ सूत्रम् २३ ॥

अहावरे अट्टमे किरियट्टाणो अज्झत्थवत्तिएत्ति आहिज्जइ, से जहाणामए केइ पुरिसे णत्थि णं केइ किंचि विसंवादेति सयमेव हीणो दीणो दुट्ठे दुम्मणो ओहयमसंकप्पे चिंतासोगरसंपविट्ठे करतलपल्हत्थमुहे अट्टज्झाणावगए भूमिगयदिट्ठिए भियाइ, तस्स णं अज्झत्थया असंसइया चत्तारि ठाणा एवमहिज्जइ (ज्जंति) तंजहा—कोहे माणो माया लोहे, अज्झत्थमेव कोहमाणामायालोहे, एवं खलु तस्स तप्पत्तियं सावज्जंति आहिज्जइ, अट्टमे किरियट्टाणो अज्झत्थवत्तिएत्ति आहिए ॥ सूत्रम् २४ ॥

अहावरे णवमे किरियट्टाणो माणावत्तिएत्ति आहिज्जइ, से जहाणामए केइ पुरिसे जातिमएणा वा कुलमएणा वा बलमएणा वा रूवमएणा वा तवमएणा वा सुयमएणा वा लाभमएणा वा इस्सरियमएणा वा पन्नामएणा वा अन्नतरेणा वा मयट्टाणोणं मत्ते समाणो परं हीलेति निंदेति खिंसति गरहति परिभवइ अवमरणोति, इत्तरिए अयं, अहमंसि पुणा विसिट्ठजाइकुलबलाइगुणोववेए, एवं अप्पाणां समुक्कसे, देहच्चुए कम्मबित्तिए अवसे पयाइ, तंजहा—गव्माओ गव्मं ४ जम्माओ जम्भं माराओ मारं णारगाओ णारगं चंडे थद्धे चवले

मणी यावि भवइ, एवं खलु तस्स तप्पत्तियं सावज्जंति आहिज्जइ, णवमे किरियाठणो माणावत्तिएत्ति आहिए ॥सूत्रम् २५॥

अहावरे दसमे किरियट्ठाणो मित्तदोसवत्तिएत्ति आहिज्जइ, से जहाणामए केइ पुरिसे माईहिं वा पितीहिं वा भाईहिं वा भइणीहिं वा भज्जाहिं वा धूयाहिं वा पुत्तेहिं वा सुरहाहिं वा सद्धिं संवसमाणो तेसिं अन्नयरंसि अहालहुगंसि अवरहंसि सयमेव गरुयं दंडं निवत्तेति, तंजहा-सीओदगवियडंसि वा कायं उच्छोलित्ता भवति, उसिणोदगवियडेण वा कायं ओसिंचित्ता भवति, अगणिकाएणां कायं उवडहित्ता भवति, जोत्तेण वा वेत्तेण वा वा गोत्तेण वा तयाइ वा [कराणोण वा छियाए वा] लयाए वा अन्नयरेण वा दवरएण पासाइं उहालित्ता भवति, दंडेण वा अट्टीण वा सुट्टीण वा लेलूण वा क्वालेण वा कायं आउट्टित्ता भवति, तहप्पगारे पुरिसजाए संवसमाणो दुम्मणा भवति, पवसमाणो सुमणा भवति, तहप्पगारे पुरिसजाए दंडपासी दंडगुरुए दंडपुरक्खे अहिए इमंसि लोगंसि अहिए परंसि लोगंसि संजलणो कोहणो पिट्टिमंसि यावि भवति, एवं खलु तस्स तप्पत्तियं सावज्जंति आहिज्जति, दसमे किरियट्ठाणो मित्तदोसवत्तिएत्ति आहिए ॥सूत्रम् २६॥

अहावरे एकारसमे किरियट्ठाणो माणावत्तिएत्ति आहिज्जइ, जे इमे भवंति-गूढायारा तमोकसिया उल्लुगपनलहुया पव्वयगुरुया ते आयरियावि संता अणारियाओ भासाओवि पउज्जंति, अन्नहामंतं अप्पाणां अन्नहा मन्नंति, अन्नं पुट्टा अन्नं वागरंति, अन्नं आइक्खियव्वं अन्नं आइक्खंति १ ॥ से जहाणामए केइ पुरिसे अंतोसल्ले तं सल्लं णो सयं णिहरति णो अन्नेण णिहरावेति णो पडिविद्धंसेइ, एवमेव निराहवेइ, अविउट्टमाणो अंतो-अंतो रियइ २ । एवमेव माई मायं कट्टु णो आलोएइ णो पडिक्खेइ णो णिंदइ णो गरहइ णो विउट्टइ णो विसोहेइ णो अकरणाए अक्खुट्ठेइ णो अहारिहं तवोकम्मं पायच्छित्तं पडिवज्जइ, माई अस्सि लोए पन्नायाइ माइ

परंसि लोए पुणो पुणो पचायाइ निदइ गरहइ पसंसइ णिच्चरइ नियट्टइ
णिमिरियं दंडं छाएति, माई असमाहडसुहलेस्से यावि भवइ, एवं खलु तस्स
तप्पत्तियं सावज्जति आहिज्जइ, एकारसमे किरियट्ठाणे मायावत्तिएत्ति
आहिए ३ ॥ सूत्रं २७ ॥

अहावरे बारसमे किरियट्ठाणे लोभवत्तिएत्ति आहिज्जइ, जे इमे
भवन्ति, तंजहा-आरन्निया आवसहिया गामंतिया कराहुईरहस्सिया णो
बहुसंजया णो बहुपडिविरया सव्वपाणाभूतजीवसत्तेहिं ते अप्पणो सच्चामोसाई
एवं विउंजंति, अहं ण हंतव्वो अन्ने हंतव्वा अहं ण अज्जावेयव्वो अन्ने
अज्जावेयव्वा अहं ण परिघेतव्वो अन्ने परिघेतव्वा अहं ण परितावेयव्वो
अन्ने परितावेयव्वा अहं ण उद्वेयव्वो अन्ने उद्वेयव्वा १ । एवमेव ते
इत्थिकामेहिं मुच्छिया गिद्धा गढिया गरहिया अज्ज्भोववन्ना जाव वासाइं
चउपंचमाइं छइसमाइं अप्पयरो वा भुज्जयरो वा भुंजित्तु भोगभोगाइं काल-
मासे कालं किञ्चा अन्नयरेसु आसुरिएसु किब्बिसिएसु ठाणेसु उववत्तारो
भवन्ति २ । ततो विप्पमुच्चमाणो भुज्जो भुज्जो एलमूयत्ताए तमूयत्ताए जाइमूयत्ताए
पचायन्ति, एवं खलु तस्स तप्पत्तियं सावज्जंति आहिज्जइ, दुवालसमे किरिय-
ट्ठाणे लोभवत्तिएत्ति आहिए ३ ॥ इच्चेयाइं दुवालस किरियट्ठाणाइं दविण्णं
समाणेण वा माहणेण वा सम्मं सुपरिजाण्णिव्वाइं भवन्ति ४ ॥ सूत्रं २८ ॥

अहावरे तेरसमे किरियट्ठाणे इरियावहिएत्ति आहिज्जइ, इह खलु
अत्तत्ताए संबुडस्स अण्णारस्स ईरियासमियस्स भासासमियस्स एसणासमि-
यस्स आयाणभंडमत्तणिक्खेवणासमियस्स उच्चारपासमाणखेलसिंघाणजल्लपारि-
ट्ठावणियासमियस्स मणसमियस्स वयसमियस्स कायसमियस्स मणगुत्तस्स वय-
गुत्तस्स कायगुत्तस्स गुत्तस्स गुत्तिंदियस्स गुत्तवंभयारिस्स आउत्तं गच्छमाणस्स
आउत्तं त्रिट्ठमाणस्स आउत्तं णिसीयमाणस्स आउत्तं तुयट्टमाणस्स आउत्तं
भुंजमाणस्स आउत्तं भासमाणस्स आउत्तं वत्थं पडिग्गहं कंवलं पायपुंछणां

गिराहमाणस्स वा णिक्खिवमाणस्स वा जाव चक्खुपम्हणिवायमवि अत्थि विमाया सुहुमा किरिया ईरियावहिया नाम कज्जइ १ । सा पढमसमए बद्धा पुट्टा वित्तीयसमए वेइया तइयसमए णिज्जिराणा सा बद्धा पुट्टा उदीरिया वेइया णिज्जिराणा सेयकाले अकम्मे यावि भवति, एवं खलु तस्स तप्पत्तियं साव-
ज्जंति आहिज्जइ, तेरसमे किरियट्टाणे ईरियावहिएत्ति आहिज्जइ २ ॥ से वेमि जे य अतीता जे य पडुपन्ना जे य आगमिस्सा अरिहंता भगवंता सव्वे ते एयाइं चेव तेरस किरियट्टाणाइं भासिंसु वा भासेंति वा भासिस्संति वा पन्नविंसुं वा पन्नविंति वा पन्नविस्संति वा, एवं चेव तेरसमं किरियट्टाणां सेविंसु वा सेवंति वा सेविस्संति वा ३॥ सूत्रं २६॥

अदुत्तरं च णं पुरिसविजयं विभंगमाइक्खिस्सामि, इह खलु णाणाप-
राणाणं णाणाळंदाणं णाणासीलाणं णाणादिट्ठीणं णाणारूईणं णाणारंभाणं
णाणाज्भवसाणसंजुत्ताणं णाणाविहपावसुयज्भयणं एवं भवइ, तंजहा—भोमं
उप्पायं सुविणं अंतलिक्खं अंगं सरं लक्खणं वंजणं इत्थिलक्खणं पुरिस-
लक्खणं हयलक्खणं गयलक्खणं गोणालक्खणं मिट्ठलक्खणं कुक्कडलक्खणं
तित्तिरलक्खणं वट्टगलक्खणं लावयलक्खणं चकलक्खणं छत्तलक्खणं
चम्मलक्खणं दंडलक्खणं असिलक्खणं मणिलक्खणं कागिणिलक्खणं सुभ-
गाकरं दुब्भगाकरं गव्भकरं मोहणकरं आहव्वणिं पागसासणिं दव्वहोमं खत्तिय-
विज्जं चंद्ररियं सूररियं सुक्करियं बहस्सइरियं उक्कापायं दिसादाहं मिय-
चक्कं वायसपरिमंडलं पंसुवुट्ठिं केसवुट्ठिं मंसवुट्ठिं रुहिरवुट्ठिं वेतालं अद्ध-
वेतालं ओसोवणिं तालुगघाडणिं सोवाणिं सोवरिं दामिलिं कालिं गोरिं
गंधारिं ओवतणिं उप्पयणिं जंभणिं थंभणिं लेसणिं आमयकरणिं विसल्ल-
करणिं पक्कमणिं अंतद्धाणिं आयमिणिं, एवमाइआओ विज्जाओ अन्नस्स हेउं
पउंजंति, पाणस्स हेउं पउंजंति वत्थस्स हेउं पउंजंति लेणस्स हेउं पउंजंति
सयणस्स हेउं पउंजंति । अन्नेसिं वा विरूवरूवाणं कामभोगाणं हेउं पउंजंति,

तिरिच्छं ते विज्जं सेवेति, ते अणारिया विप्पडिवन्ना कालमासे कालं किञ्चा
अन्नयराइं आसुरियाइं किन्विसियाइं अण्णइं उववत्तारो भवंति, ततोऽपि
विप्पमुच्चमाणा भुज्जो एलमूयताए तमअंधयाए पच्चयंति ॥सूत्रं ३०॥

से एगइत्थो आयहेउं वा णायहेउं वा सयणहेउं वा अणारहेउं वा
परिवारहेउं वा नायगं वा सहवासियं वा णिस्साए अदुवा अणुगामिए १
अदुवा उवचरेए २ अदुवा पडिपहिए ३ अदुवा संधिच्छेदए ४ अदुवा गंठि-
च्छेदए ५ अदुवा उरब्भिए ६ अदुवा सोवरिए ७ अदुवा वागुरिए ८ अदुवा
साउणिए ९ अदुवा मच्छिए १० अदुवा गोघायए ११ अदुवा गोवालेए
१२ अदुवा सोवणिए (सेयणए) १३ अदुवा सोवणियंतिए १४-१ ॥ से एग-
इत्थो अणुगामियभावं पडिसंधाय तमेव अणुगामियाणुगामियं हंता छेत्ता
भेत्ता लुंपइत्ता विलुंपइत्ता उद्वइत्ता आहारं आहारेति, इति से महया पावेहिं
कम्मेहिं अत्ताणं उवखाइत्ता भवइ २॥ से एगइत्थो उवचरयभावं पडिसंधाय
तमेव उवचरियं हंता छेत्ता भेत्ता लुंपइत्ता विलुंपइत्ता उद्वइत्ता आहारं
आहारेति, इति से महया पावेहिं कम्मेहिं अत्ताणं उवखाइत्ता भवइ ३॥
से एगइत्थो पाडिपहियभावं पडिसंधाय तमेव पाडिपहे ष्ठिवा हंता छेत्ता भेत्ता
लुंपइत्ता विलुंपइत्ता उद्वइत्ता आहारं आहारेति, इति से महया पावेहिं
कम्मेहिं अत्ताणं उवखाइत्ता भवइ ४॥ से एगइत्थो संधिच्छेदगभावं पडिसं-
धाय तमेव संधिं छेत्ता भेत्ता जाव इति से महया पावेहिं कम्मेहिं अत्ताणं
उवखाइत्ता भवइ ५॥ से एगइत्थो गंठिच्छेदगभावं पडिसंधाय तमेव गंठिं छेत्तां
भेत्ता जाव इति से महया पावेहिं कम्मेहिं अत्ताणं उवखाइत्ता भवइ ६॥ से
एगइत्थो उरब्भियभावं पडिसंधाय उरब्भं वा अण्णतरं वा तसं पाणं हंता
जाव उवखाइत्ता भवइ । एसो अभिलावो सव्वत्थ ७॥ से एगइत्थो सोयरि-
यभावं पडिसंधाय महिसं वा अण्णतरं वा तसं पाणं जाव उवखाइत्ता भवइ
८॥ से एगइत्थो वागुरियभावं पडिसंधाय मियं वा अण्णतरं वा तसं पाणं

हंता जाव उक्खाइत्ता भवइ ९॥ से एगइत्रो सउणियभावं पडिसंधाय सउणिं वा अरण्णतरं वा तसं पाणं हंता जाव उक्खाइत्ता भवइ १०॥ से एगइत्रो मच्छियभावं पडिसंधाय मच्छं वा अरण्णतरं वा तसं पाणं हंता जाव उक्खाइत्ता भवइ ११॥ से एगइत्रो गोवायभावं पडिसंधाय तमेव गोणं वा अरण्णयरं वा तसं पाणं हंता जाव उक्खाइत्ता भवइ १२॥ से एगइत्रो गोवालभावं पडिसंधाय तमेव गोवालं (गोणं) वा परिजविय परिजविय हंता जाव उक्खाइत्ता भवइ १३॥ से एगइत्रो सोवणियभावं पडिसंधाय तमेव सुण्णं वा अन्नयरं वा तसं पाणं हंता जाव उक्खाइत्ता भवइ १४॥ से एगइत्रो सोवणियंतियभावं पडिसंधाय तमेव मणुस्सं वा अन्नयरं वा तसं पाणं हंता जाव आहारं आहारेति, इति से महया पावेहिं कम्मेहिं अत्ताणं उक्खाइत्ता भवइ १५॥ सूत्रं ३१ ॥

से एगइत्रो परिसामज्जात्रो उट्टिता अहमेयं हणामित्ति कट्टु तित्तिरं वा वट्टुं वा लावगं वा कवोयगं वा कविंजलं वा अन्नयरं वा तसं पाणं हंता जाव उक्खाइत्ता भवइ १ ॥ से एगइत्रो केणइ आयाणोणं विरुद्धे समाणे अदुवा खलदाणोणं अदुवा सुराथालएणं गाहावतीण वा गाहावइपुत्ताण वा सयमेव अगणिकाएणं सस्साइं भामेइ अन्नेणवि अगणिकाएणं सस्साइं भामावेइ अगणिकाएणं सस्साइं भामंतंपि अन्नं समणुजाणइ इति से महया पावकमेहिं अत्ताणं उक्खाइत्ता भवइ २ ॥ से एगइत्रो केणइ आयाणोणं विरुद्धे समाणे अदुवा खलदाणोणं अदुवा सुराथालएणं गाहावतीण वा गाहावइपुत्ताण वा उट्टाण वा गोसाण वा घोडगाण वा गहभाण वा सयमेव घूरात्रो कप्पेति अन्नेणवि कप्पावेति कप्पंतंपि अन्नं समणुजाणइ इति से महया जाव भवइ ३ ॥ से एगइत्रो केणइ आयाणोणं विरुद्धे समाणे अदुवा खलदाणोणं अदुवा सुराथालएणं गाहावतीण वा गाहावइपुत्ताण वा उट्टसालात्रो वा गोणसालात्रो वा घोडगसालात्रो वा गहमसालात्रो

वा कंटकबोदियाए पडिपेहिता सयमेव अगणिकाएणां भामेइ अन्नेणवि
 भामावेइ भामंतंपि अन्नं समणुजाणइ इति से महया जाव भवइ ४ ॥ से
 एगइयो केणइ आयागोणां विरुद्धे समागो अदुवा खलदागोणां अदुवा सुरा-
 थालएणां गाहावतीणा वा गाहावइपुत्ताण वा कुंडलं वा मणिं वा मोत्तियं
 वा सयमेव अवहरइ अन्नेणवि अवहरावइ अवहरंतंपि अन्नं समणुजाणइ
 इति से महया जाव भवइ ५ ॥ से एगइयो केणइवि आदागोणां विरुद्धे
 समागो अदुवा खलदागोणां अदुवा सुराथालएणां समणाण वा माहणाण वा
 छत्तगं वा दंडगं वा भंडगं वा मत्तगं वा लट्ठिं वा भिसिगं वा चेलगं वा
 चिलिमिलिगं वा चम्मयं वा छेयणागं वा चम्मकोसियं वा सयमेव अवहरति
 जाव समणुजाणइ इति से महया जाव उवक्खाइत्ता भवइ ६ ॥ से एगइयो
 णो वितिगिंछइ तं०—गाहावतीणा वा गाहावइपुत्ताण वा सयमेव अगणि-
 काएणां त्रयोसहीयो भामेइ जाव अन्नंपि भामंतं समणुजाणइ इति से महया
 जाव उवक्खाइत्ता भवति ७ ॥ से एगइयो णो वितिगिंछइ, तं०—गाहावतीणा
 वा गाहावइपुत्ताण वा उट्टाण वा गोणाण वा घोडगाण वा गहभाण वा सय-
 मेव वूरायो कप्पेइ अन्नेणवि कप्पावेति अन्नंपि कप्पंतं समणुजाणइ० ८ ॥ से
 एगइयो णो वितिगिंछइ तं०—गाहावतीणा वा गाहावइपुत्ताण वा अट्टसालात्रो
 वा जाव गहभसालात्रो वा कंटकबोदियाहिं पडिपेहिता सयमेव अगणिकाएणां
 भामेइ जाव समणुजाणइ ९ ॥ से एगइयो णो वितिगिंछइ, तं०—गाहावतीणा
 वा गाहावइपुत्ताण वा जाव मोत्तियं वा सयमेव अवहरइ जाव समणुजाणइ०
 १० ॥ से एगइयो णो वितिगिंछइ तं०—समणाण वा माहणाण वा छत्तगं
 वा दंडगं वा जाव चम्मच्छेदणागं वा सयमेव अवहरइ जाव समणुजाणइ
 इति से महया जाव उवक्खाइत्ता भवइ ११ ॥ से एगइयो समणां वा माहणां
 वा दिस्सा णाणाविहेहिं पावक्कमेहिं अत्ताणां उवक्खाइत्ता भवइ, अदुवा णां
 अच्छराए आफालित्ता भवइ, अदुवा णां फरुसं वदित्ता भवइ, कालेणवि से

अणुपविट्टस्स असणां वा पाणां वा जाव णो द्वावेत्ता भवइ १२ ॥ जे इमे भवन्ति वोनमंता भास्वकंता अलसगा वसलगा किद्वणागा समणागा पव्वयंति ते इणामेव जीवितं धिजीवितं संपडिबूहेति, नाइ ते परलोगस्स अट्टाए किंचिवि सिलीसंति, ते दुक्खंति ते सोयंति ते जूरंति ते तिप्पंति ते पिट्टंति ते परित्पंति ते दुक्खणाजूरणामोयणातिप्पणापिट्टणापरित्पणावहबंधणापरिकिले-साथो अप्पडिविरया भवंति, ते महया आरंभेणां ते महया समारंभेणां ते महया आरंभसमारंभेणां विरुवखुवेहिं पावकम्मकिच्चेहिं उरालाईं माणास्स-गाइं भोगभोगाईं भुंजित्तारो भवंति, तंजहा-अन्नं अन्नकाले पाणां पाणा-काले वत्थ वत्थकाले लेणां लेणाकाले सयणां सयणाकाले सपुव्वावरं च णां राहाए कयवलिकम्मे कयकोउयमंगलपायच्छित्ते सिरसा राहाए कंठमालाकडे आविद्धमणिसुवन्ने कप्पियमालामउली पडिवद्धसरीरे वग्घारियसोणिसुत्तग-मल्लदामकलावे अहतवत्थपरिहिए चंद्रणोक्खित्तगायसरीरे महतिमहालिया-ए कूडागारसालाए महतिमहालयंसि सीहासणांसि इत्थीगुम्मसंपरिवुडे सव्व-राइणां जोइणा भियायणोणां महयाहयनट्टगीयवाइयतंतीतलतालतुडिय-घणमुंणपडपवाइयरवेणां उरालाईं मणास्सगाइं भोगभोगाईं भुंजमाणो विह-रइ १३ । तस्स णां एगमवि आणावेमाणस्स जाव चत्तारि पंच जणा अवुत्ता चेव अट्टभुट्टंति, भणह देवाणुप्पिया ! किं करेमो ? किं आहरेमो ? किं उवणेमो ? किं आचिट्टामो ! किं भे हिय इच्छियं ? किं भे आसगस्स सयइ ? १४ ॥ तमेव पासित्ता अणारिया एवं वयंति-देवे खलु अयं पुरिसे, देवमिणाए खलु अयं पुरिसे, अन्नेवि य णां उवजीवंति, तमेव पासित्ता आरिया वयंति-अभिवकंतकूरकम्मे खलु अयं पुरिसे अतिधुन्ने अइयायस्सवे दाहिणागामिए नेरइए कगाहपक्खिए आगमिस्साणां दुल्लहवोहि-याए यावि भविस्सइ १५ ॥ इच्चेयस्स अणास्स उट्टिया वेगे अभिगिज्झंति अणुट्टिया वेगे अभिगिज्झंति अभिज्झंभाउरा अभिगिज्झंति, एस अणो

अणारिए अकेवले अप्पडिपुन्ने अणायउए असंसुद्धे अमल्लगत्तणे अस्सिद्धिमग्गे अमुत्तिमग्गे अनिब्बाणमग्गे अणिज्जाणमग्गे असव्वदुक्खपहीणमग्गे एगंतमिच्छे असाहु एस खलु पढमस्स ठाणस्स अधम्मपक्खस्स विभंगे एवमाहिए १६ ॥सूत्रं ३२॥

अहावरे दोच्चस्स ट्ठाणस्स धम्मपक्खस्स विभंगं एवमाहिज्जइ, इह खलु पाईणं वा पडीणं वा उदीणं वा दाहिणं वा सतेगइया मणुस्सा भवंति, तंजहा-आयरिया वेगे अणारिया वेगे उच्चागोया वेगे णीयागोया वेगे कायमंता वेगे रहस्समंता वेगे सुवन्ना वेगे दुवन्ना वेगे सुरूवा वेगे दुरूवा वेगे, तेसिं च णं खेत्तत्थूणि परिग्गाहियाइं भवंति, एसो आलावगो जहा पोंडरीए तहा गौतब्बो, तेणोव अभिलावेण जाव सव्वोवसंता सव्वत्ताए परिनिब्बुडेत्तिवेमि ॥ एस ठाणे आरिए केवले जाव सव्वदुक्खपहीणमग्गे एगंतसम्मे साहु, दोच्चस्स ठाणस्स धम्मपक्खस्स विभंगे एवमाहिए ॥सूत्रं ३३॥

अहावरे तच्चस्स ट्ठाणस्स मिससगस्स विभंगे एवमाहिज्जइ, जे इमे भवंति आरणिगाया आवसहिया गामणियंतिया कग्गहुईरहस्सिता जाव ते तत्रो विप्पमुच्चमाणा भुज्जो एलमूयत्ता एतमूत्ताए पच्चायंति, एस ठाणे अणारिए अकेवले जाव असव्वदुक्खपहीणमग्गे एगंतमिच्छे असाहु, एस खलु तच्चस्स ठाणस्स मिससगस्स विभंगे एवमाहिए ॥सूत्रं ३४॥

अहावरे पढमस्स ठाणस्स अधम्मपक्खस्स विभंगे एवमाहिज्जइ-इह खलु पाईणां वा ४ संतेगतिया मणुस्सा भवंति-गिहत्था महिच्छा महारंभा महापरिग्गहा अधम्मिया अधम्माणुराणा अधम्मिट्ठा अधम्मक्खाई अधम्मपायजीविणो अधम्मपविलोई अधम्मपलज्जणा अधम्मसीलसमुदायारा अधम्मेणां चेव वित्तिं कप्पेमाणा विहरंति १ ॥ हण च्छिंद भिंद विगत्तगा लोहियपाणी चंडा रुद्धा खुद्धा साहस्सिया उक्कुं चणवंचणामायणियडिकूडकवडसाइसंपत्त्रो-गबहुला दुस्मीला दुव्वया दुप्पडियाणांदा असाहु, सव्वात्त्रो पाणाइवायात्त्रो

अप्पडिविरया जावजीवाए जाव सव्वाओ परिग्गहाओ अप्पडिविरया जाव-
 जीवाए, सव्वाओ कोहाओ जाव मिच्छादंसणासल्लाओ अप्पडिविरया,
 सव्वाओ राहाणुम्महावराणागगंधविलेवणासहफरिसरसरुवगंधमल्लालंकाराओ
 अप्पडिविरया जावजीवाए, सव्वाओ सगडरहजाणजुग्गगिल्लिथिल्लिसिया-
 संदमाणियासयणासणाजाणावाहाणभोगभोयणापवित्थरविहीओ अप्पडिविरया
 जावजीवाए, सव्वाओ कयविक्रयमासद्धमासरुवगसंववहाराओ अप्पडिविरया
 जावजीवाए, सव्वाओ कयविक्रयमासद्धमासरुवगसंववहाराओ अप्पडिविरया
 जावजीवाए, सव्वाओ हिरणासुवराणाधराणामणिमोत्तियसंखसिलप्पवाला-
 ओ अप्पडिविरया जावजीवाए, सव्वाओ कूडतुलकूडमाणाओ अप्पडिविरया
 जावजीवाए, सव्वाओ आरंभसमारंभाओ अप्पडिविरया जावजीवाए,
 सव्वाओ कारणाकारावणाओ अप्पडिविरया जावजीवाए, सव्वाओ पयाणपया-
 वणाओ अप्पडिविरया जावजीवाए, सव्वाओ कुट्टणापिट्टणातज्जणाताडणावह-
 बंधपरिकिलेसाओ अप्पडिविरया जावजीवाए, २ ॥ जे आवराणे तहप्पगारा
 सावजा अओहिया कम्मंता परपाणापरियावणाकरा जे अणाारिएहिं कज्जंति
 ततो अप्पडिविरया जावजीवाए, से जहाणामए केइ पुरिसे कलममसूरतिल-
 मुग्गमासनिप्फावकुलत्थआलिसंदगपलिमंथगमादिएहिं अयते कूरे मिच्छादंडं
 पउंजंति ३ । एवमेव तहप्पगारे पुरिसजाए तित्तिरवट्टगलावगकवोतक-
 विंजलमियमहिसवराहगाहगोहकुम्मसिरिसिवमादिएहिं अयते कूरे मिच्छा-
 दंडं पउंजंति ४ । जावि य से बाहिरिया परिसा भवइ, तंजहा-दासे इ वा
 पेसे इ वा भयए इ वा भाइल्ले इ वा कम्मकरणे इ वा भोगपुरिसे इ वा
 तेसिंपि य णं अन्नयरंसि वा अहालहुगंसि अवराहंसि सयमेव गरुयं दंडं
 निवत्तेइ, तंजहा-इमं दंडेह इमं मुंडेह इमं तज्जेह इमं तालेह इमं अदुयबंधणां
 करेह इमं नियलबंधणां करेह इमं हड्डिवंधणां करेह इमं चारगबंधणां करेह
 इमं नियलजुयलसंकोइयमोडियं करेह इमं हत्थच्छिन्नयं करेह इमं पायच्छिन्नयं

करेह इमं कन्नद्धिगणयं करेह इमं नक्त्रोद्वसीसमुहच्छिन्नयं करेह वेयगच्छहियं
 अंगच्छहियं पक्खाफोडियं करेह इमं गणयणुप्पाडियं करेह इमं दंसणुप्पाडियं
 वसणुप्पाडियं जिम्भुप्पाडियं ओलंबियं करेह घसियं करेह वोलियं करेह
 सूलाइयं करेह सूलाभिन्नयं करेह खारवत्तियं करेह वज्जवत्तियं करेह
 सीहपुच्छियगं करेह वसभपुच्छियगं करेह दवग्गि(कडग्गि)दड्डयंगं कागणिमं-
 सखावियगं भत्तपाणानिरुद्धगं इमं जावजीवं वहबंधणं करेह इमं अन्नयरेणं
 असुभेणं कुमारेणं मारेह ५॥ जावि य से अविंभतरिया परिसा भवइ,
 तंजहा-माया इ वा पिया इ वा भाया इ वा भगिणी इ वा भज्जा इ वा पुत्ता इ वा
 धूता इ वा सुराहा इ वा, तेसिंपि य णं अन्नयरंसि अहालहुगंसि अवरहंसि
 सयमेव गरुयं दंडं शिवत्तेइ, सीओदगवियडंसि उच्छोलित्ता भवइ जहा
 मित्तदोसवत्तिणं जाव अहिणं परंसि लोगंसि, ते दुक्खंति सोयंति जूरंति तिप्पंति
 पिट्टंति परितप्पंति ते दुक्खणसोयणजूरणतिप्पणपिट्टणपरितप्पणवहबंधणपरि-
 किलेसाओ अपडिविरया भवंति ६॥ एवमेव ते इत्थिकामेहिं मुच्छिया गिद्धा
 गढिया अज्जोववन्ना जाव वामाइं चउपंचमाइं छइसमाइं वा अप्पतरो वा
 भुज्जतरो वा कालं भुंजित्तु भोगभोगाइं पविसुइत्ता वेरायतणाइं संचिणित्ता
 बहूइं पावाइं कम्माइं उस्सन्नाइं संभारकडेणं कम्मणा से जहाणामए अयगोले
 इ वा सेलगोले इ वा उदगंसि पक्खित्ते समाणे उदगतलमइवइत्ता अहे धर-
 णितलपइट्टाणे भवइ ७ । एवमेव तहप्पगारे पुरिसजाते वज्जबहुले धूतबहुले
 पंक्कबहुले वेरबहुले अप्पत्तियबहुले दंभवहुले गियडिबहुले साइवहुले अयसबहुले
 उस्सन्नतमपाणवाती कालमासे कालं किच्चा धरणितलमइवइत्ता अहे णारगत-
 लपइट्टाणे भवइ ८॥ सूत्रं ३५॥ ते णं णारगा अंतो वट्टा वाहिं चउरंसा अहे
 खुरप्पसंठाणसंठिया णिच्चंधतमसा (णिच्चंधकारतमसा) ववगयगहचंदसूरन-
 क्खत्तजोइसप्पहा मेदवसामंसरुहिरपूयपडलचिक्खिल्लित्ताणुलेवणात्ता असुई
 वीसा परमदुब्धिगंधा कराहा अगणिवन्नाभा क्खखडफासा दुरहियासा असुभा

गारगा असुभा गारएसु वेयणात्रो १॥ गो चैव गारएसु नेरइया गिहायंति
 वा पयलायंति वा सुइं वा रतिं वा धिति वा मतिं वा उवलभंते, ते गां
 तत्थ उज्जलं विउलं पगाढं कडुयं कक्कसं चंडं दुक्खं दुग्गं तिक्खं दुरहियासं
 गोरइया वेयणां पच्चणुभवमाणा विहरंति २ ॥ सूत्रं ३६॥ से जहाणामए
 रुक्खे सिया पव्वयग्गे जाए मूले छिन्ने अग्गे गरुए जत्रो गिराणां
 जत्रो विसमं जत्रो दुग्गं तत्रो पवडति, एवामेव तहप्पगारे पुरिसजाए
 गव्भातो गव्भं जम्मातो जम्मं मारात्रो मारं गारगात्रो गारगं दुक्खात्रो
 दुक्खं दाहियागामिए गोरइए कराहपक्खिए आगमिस्साणां दुल्लभवोहिए यावि
 भवइ १॥ एस ठाणे अणारिए अकेवले जाव असव्वदुक्खपहीणमग्गे एगंत-
 मिच्छे असाहू पढमस्स ठाणस्स अधम्मपक्खस्स विभंगे एवमाहिए २॥
 सूत्रं ३७॥ अहावरे दोच्चस्स ठाणस्म धम्मपक्खस्स विभंगे एवमाहिज्जइ-इह
 खलु पाइणां वा ४ संतेगतिया मणुस्मा भवंति, तंजहा-अणारंभा अपरि-
 ग्गहा धम्मिया धम्माणुया धम्मिट्ठा जाव धम्मेणां चैव वित्ति कप्पेमाणा
 विहरंति, सुसीला सुव्वया सुप्पडियाणांदा सुसाहू सब्बता पाणातिवायात्रो
 पडिविरया जावजीवाए जाव जे यावन्ने तहप्पगारा सावज्जा अबोहिया
 कम्मंता परपाणपरियावणकरा कज्जंति ततो विपडिविरता जावजीवाए १ ॥
 से जहाणामए अणगारा भगवतो ईरियासमिया भासाममिया एसणासमिया
 आयाणाभंडमत्तणिक्खेवणासमिया उच्चारपासवणखेलसिंघाणजल्लपारिट्ठावणि-
 याममिया मणसमिया वयसमिया कायसमिया मणगुत्ता वयगुत्ता कायगुत्ता
 गुत्ता गुत्तिंदिया गुत्तवंभयारी अकोहा अमाणा अमाया अलोभा संता पसंता
 उवसंता परिणिव्वुडा अणासवा अग्गंथा छिन्नमोया विरुवलेवा कंसपाइ
 व मुक्कतोया संखो इव गिरंजणा जीव इव अपडिहयगती गगणातलंपिव
 निरालंवणा वाउरिव अपडिबद्धा सारदसलिलं व सुद्धहियया पुक्खरपत्तं व
 निरुवलेवा कुम्भो इव गुत्तिंदिया विहग इव विप्पमुक्का खग्गिविसाणां व

सुद्धह्रियया पुक्खरपत्तं व निरुवलेवा कुम्भो इव गुत्तिदिया विहग इव विप्प-
मुक्का खग्गिविमाणं व एगजाया भारंडपक्खीव अप्पमत्ता कुंजरो इव
सोंडीरा वसभो इव जातत्थामा सीहो इव दुद्धरिसा मंदरो इव अप्पकंपा
सागरो इव गभीरा चंदो इव सोमलेसा सूरु इव दित्ततेया जच्चकंचाणं
(कण्णं) व जानरूवा वसुंधरा इव सब्बहासविसहा सुहुयहुयासणो विव
तेयसा जलंता ॥ एत्थि एं तेसिं भगवंताणं कत्थपि पडिबंधे भवइ, से पडि-
बंधे चउव्विहे पराणत्ते, तंजहा—अंडए इ वा पोयए इ वा उग्गहे इ वा पग्गहे
इ वा जन्नं जन्नं दिसं इच्छंति तन्नं तन्नं दिसं अपडिवद्धा सुइ-
भूया लहुभूया अप्पगंथा संजमेणं तवसा अप्पाणं भवेमाणा विहरंति ॥
तेसिं एं भगवंताणं इमा एतारूवा जायामायावित्ती होत्था, तंजहा—चउत्थे
भत्ते छट्ठे भत्ते अट्ठमे भत्ते दसमे भत्ते दुवालसमे भत्ते चउदसमे भत्ते अद्धमा-
सिए भत्ते मासिए भत्ते दोमासिए तिमासिए चाउम्मासिए पंचमासिए छम्मा-
सिए अट्ठत्तरं च एं उक्खित्तचर ग णिक्खित्तचरया उक्खित्तणिक्खित्तचरगा
अंतचरगा पंतचरगा लूहचरगा समुदाणचरगा संसट्ठचरगा असंसट्ठचरगा
तज्जातसंसट्ठचरगा दिट्ठलाभिया अदिट्ठलाभिया पुट्ठलाभिया अपुट्ठलाभिया
भिकखलाभिया अभिकखलाभिया अन्नायचरगा उवनिहिया संखादत्तिया
परिमितपिंडवाइया सुद्धेसणिया अंतहारा पंतहारा अरसाहारा विरसाहारा
लूहाहारा तुब्बाहारा अंतजीवी पंतजीवी आयंबिलिया पुरिमद्धिया निव्वि-
गइया अमज्जमंसासिणो णो णियामरसभोई ठाणाइया पडिमाठाणाइया उक्क-
डुआसणिया गोसज्जिया वीरासणिया दंडायतिया लगंडसाइणो अप्पा-
उडा अगत्तया अकंडुया अणिट्ठुहा एवं जहोववाइए धुतकेसमंसुरोमनहा
सब्बगायपडिकम्मविप्पमुक्का चिट्ठंति २॥ ते एं एतेणं विहारेणं विहरमाणा
बहूइं वासाइं सामन्नपरियागं पाउणंति २ बहुबहु आवाहंसि उप्पन्नंसि वा
अणुप्पन्नंसि वा बहूइं भत्ताइं पच्चक्खन्ति पच्चक्खाइत्ता बहूइं भत्ताइं अणसणाए

छेदिति अणसणाए छेदित्ता जस्सट्टाए कीरति नग्गभावे मुंडभावे अराहा-
 णभावे अदंतवणागे अरुत्तए अणोवाहणाए भूमिसेजा फलगसेजा कट्ठसेजा
 केसलोए बंभचेरवासे परघरपवेसे लद्धावलद्धे माणावमाणणाथो हील-
 णाथो निंदणाथो खिसणाथो गरहणाथो तज्जणाथो तालणाथो उच्चावया
 गामकंडगा बावीसं परीसहोवसग्गा अहियामिज्जंति तमट्ठं आराहंति,
 तमट्ठं आराहित्ता चरमेहिं उस्सासनिस्सासेहिं अणंतं अणुत्तरे निव्वाघातं
 निरावरणां कसिणां पडिपुराणां केवलवरणाणादंसणां समुप्पाडेंति, समुप्पाडित्ता
 ततो पच्छा मिज्झंति बुज्झंति मुच्चंति परिणिव्वायंति सब्बदुक्खारां अंतं
 करेंति ३। एगच्चाए पुण एगे भयंतारो भवंति, अवरं पुण पुच्चकम्मावसेसेरां
 कालमासे कालं किच्चा अन्नयरेसु देवलोएसु देवत्ताए उववत्तारो भवंति,
 तंजहा-महड्डिएसु महज्जुतिएसु महापरकमेसु महाजसेसु महावलेसु महाणु-
 भावेसु महासुक्खेसु ते रां तत्थ देवा भवंति महड्डिया महज्जुतिया जाव
 महासुक्खा हारविराइयवच्छा कडगतुडियथंभियभुया अंगयकुंडलमट्ठगंडय-
 लकन्नपीढधारी विचित्तहत्थाभरणा विचित्तमालामउलिमउडा कल्लाणगंधपव-
 रवत्थपरिहिया कल्लाणगपवरमल्लाणुलेवणाधरा भासुरवोदी पलंभवणमालधरा
 दिव्वेरां रूवेरां दिव्वेरां वन्नेरां दिव्वेरां गंधेरां दिव्वेरां फासेरां दिव्वेरां
 संघाएरां दिव्वेरां संठाणोरां दिव्वाए इड्डीए दिव्वाए जुत्तीए दिव्वाए पभाए
 दिव्वाए छायाए दिव्वाए अच्चाए दिव्वेरां तेएरां दिव्वाए लेसाए दस दिसाथो
 उज्जोवेमाणा पभासेमाणा गइकल्लाणा ठिइकल्लाणा आगमेसिभइथा यावि भवंति,
 एस ठाणो आथरिए जाव सब्बदुक्खपहीणमग्गे एगंतसम्मे सुसाहू । दोच्चस्स
 ठाणस्स धम्मपक्खस्स विभंगे एवमाहिए ४ ॥ सूत्रं ३८॥ अहावरे तच्चस्स ठाण-
 स्स मीसगस्स विभंगे एवमाहिज्जइ—इह खलु पाईणां वा, ४ संतेगतिया मणुस्सा
 भवंति, तंजहा—अप्पिच्छा अप्पारंभा अप्पपरिग्गहा धम्मिया धम्माणुया
 जाव धम्मेणां चैव वित्तिं कप्पेमाणा विहरंति सुसीला सुव्वया सुपडियाणांदा साहू

एगच्चात्रो पाणाइवायात्रो पडिविरता जावजीवाए एगच्चात्रो अप्पडिविरया
जाव जे यावराणे तहप्पगारा सावज्जा अबोहिया कम्मंता परपाणपरितावण-
करा कज्जंति ततोवि एगच्चात्रो अप्पडिविरया १॥ से जहाणामए समणो-
वासगा भवंति अभिगयजीवाजीवा उवलद्धपुण्णपावा आसवसंवरवेयणाणि-
ज्जराकिरियाहिगराणबंधमोक्खकुसला असहेज्ज(जा)देवासुरनागसुवराणजवस्वर-
क्खसकिंनरकिंपुरिसगरुलंगंधवमहोरगाइएहिं देवगणोहिं निग्गंथात्रो पावय-
णात्रो अण्णइकमणिज्जा इणामेव निग्गंथे पावयणे णिस्संकिया णिवकंखिया
निव्वितिगिच्छा लद्धट्ठा गहियट्ठा पुच्छियट्ठा विणिच्छियट्ठा अभिगयट्ठा
अट्ठिमिंजपेम्माणुरागरत्ता अयमाउसो । निग्गंथे पावयणे अट्ठे अयं परमट्ठे
सेसे अण्णट्ठे उसियफलिहा अवंगुयदुवारा अचियत्तंतेउरपरघरपवेमा चाउह-
सट्ठमुद्धिट्ठपुरिणामासिणीसु पडिपुन्नं पोसहं सम्मं अण्णपालेमाणा समणे
निग्गंथे फासुएसणिज्जेणं असणपाणखाइमसाइमेणं वत्थपडिग्गहकंबलपाय-
पुंछणोणं ओसहभेसज्जेणं पीठफलगसेज्जासंथारणं पडिलाभेमाणा बहूहिं
सीलव्वयगुणवेरमाणपच्चक्खाणपोसहोववासेहिं अहापरिग्गहिएहिं तवोकम्महिं
अप्पाणं भावेमाणा विहरंति २॥ ते णं एयारूवेणं विहारेणं विहरमाणा
बहूइं वासाइं समणोवासगपरियागं पाउणंति पाउणित्ता आवाहंसि उप्पन्नंसि
वा अण्णुप्पन्नंसि वा बहूइं भत्ताइं पच्चक्खायंति बहूइं भत्ताइं पच्चक्खाएत्ता बहूइं
भत्ताइं अण्णसणाए छेदेन्ति बहूइं भत्ताइं अण्णसणाए छेइत्ता आलोइयपडि-
क्कंता समाहिपत्ता कालमासे कालं किच्चा अन्नयरेसु देवलोएसु देवत्ताए
उववत्तारो भवंति, तंजहा—महड्डिएसु महज्जुइएसु जाव महासुक्खेसु
सेसं तहेव जाव एस ठाणे आयरिए जाव एगंतसम्मे साहू । तच्चस्स
ठाणस्स मिसगस्स विभंगे एवं आहिए ३ ॥ अविरइं पडुच्च बाले
आहिज्जइ, विरइं पडुच्च पंडिए आहिज्जइ, विरयाविरइं पडुच्च बालपंडिए
आहिज्जइ, तत्थ णं जा सा सब्वतो अविरइं एस ठाणे आरंभट्ठाणे

अणारिए जाव असव्वदुक्खप्पहीणमग्गे एगंतमिच्छे असाहू, तत्थ णं
 जा सा सव्वतो विरई एस ठगो अणारंभट्ठगो अरिए जाव सव्वदुक्खप्पहीण-
 मग्गे एगंतसम्मे साहू, तत्थ णं जा सा सव्वत्रो विरयाविरई एस ठगो
 अरंभणोअरंभट्ठगो एस ठगो अरिए जाव सव्वदुक्खप्पहीणमग्गे एगंतसम्मे
 साहू ४॥ सूत्रं ३६ ॥ एवमेव समणुगम्ममाणा इमेहिं चेव दोहिं ठगोहिं
 समोअरंति, तंजहा—धम्मे चेव अधम्मे चेव उवसंते चेव अणुवसंते चेव,
 तत्थ णं जे से पढमस्स ठाणस्स अधम्मपक्खस्म विभंगे एवमाहिए, तत्थ णं
 इमाइं तिन्नि तेवट्ठइं पावाडुयसयाइं भवंतीति मक्खायं(याइं), तंजहा—किरिया-
 वाइंणं अकिरियावाइंणं अन्नाणियवाइंणं वेणुइयवाइंणं, तेऽवि परिनिव्वाण-
 माहंसु, तेऽवि मोक्खमाहंसु तेऽवि लवंति, सावगा ! तेऽवि लवंति साव-
 इत्तारो ॥ सूत्रम् ४० ॥ ते सव्वे पावाउया आदिकरा धम्माणां णाणापन्ना
 णाणाळंदा णाणासीला णाणादिट्ठी णाणाहूई णाणारंभा णाणाजभवसाणा-
 संजुत्ता एगं महं मंडलिबंधं किञ्चा सव्वे एगत्रो चिट्ठंति १॥ पुरिसे य साग-
 णियाणां इंगालाणां पाइं बहुपडिपुन्नं अत्रोमएणां संडासएणां गहाय ते सव्वे
 पावाउए आइगरे धम्माणां णाणापन्ने जाव णाणाजभवसाणासंजुत्ते एवं
 वयासी—हंभो पावाउया ! आइगरा धम्माणां णाणापन्ना जाव णाणाअजभ-
 वसाणासंजुत्ता ! इमं ताव तुब्भे सागणियाणां इंगालाणां पाइं बहुपडिपुन्नं
 गहाय मुहुत्तयं मुहुत्तगं पाणिणा धरेह, णो बहुसंडासगं संसारियं कुज्जा णो
 बहुअग्गियंभणियं कुज्जा णो बहु साहम्मियवेयावडियं कुज्जा णो बहुपरध-
 म्भियवेयावडियं कुज्जा उज्जुया णियागपडिवन्ना अमायं कुव्वमाणा पाणि
 पसारेह, इति बुच्चा से पुरिसे तेसि पावाडुयाणां तं सागणियाणां इंगालाणां
 पाइं बहुपडिपुन्नं अत्रोमएणां संडासएणां गहाय पाणिंसु णिसिरति २। तए
 णं ते पावाडुया आइगरा धम्माणां णाणापन्ना जाव णाणाजभवसाणासंजुत्ता
 पाणिं पडिसाहरंति, तए णं से पुरिसे ते सव्वे पावाउए आदिगरे धम्माणां

जाव णाणाञ्भवसाणसंजुत्ते एवं वयासी-हंभो पावाडुया ! आइगरा धम्माणं
 णाणापन्ना जाव णाणाञ्भवमाणसंजुत्ता ! कम्हा णं तुब्भे पाणिं पडिसाहरह ?,
 पाणिं नो डहिज्जा, दड्ढे किं भविस्सइ ?, दुक्खं दुक्खंति मन्नमाणा पडिसा-
 हरह, एस तुला एम पमाणो एस समोसरणो, पत्तेयं तुला पत्तेयं पमाणो
 पत्तेयं समोसरणो ३। तत्थ णं जे ते समणा माहणा एवमातिक्खंति जाव
 परूवेति-सव्वे पाणा जाव सव्वे सत्ता हंतव्वा अजावेयव्वा परिघेतव्वा परि-
 तावेयव्वा किलामेतव्वा उह्वेतव्वा, ते आगंतुछेयाए ते आगंतुभेयाए जाव ते
 आगंतुजाइजराभरणजोणिजम्मणसंसारपुणव्वगव्वमव्वामभवपवंचकलंकलीभा-
 गिणो भविस्संति ४। ते बहूणां दंडणाणां बहूणां मुंडणाणां तज्जणाणां तालणाणां
 अंदुबंधणाणां जाव घोलणाणां माइमरणाणां पिइमरणाणां भाइमरणाणां भगि-
 णीमरणाणां भज्जापुत्तधूतसुराहामरणाणां दारिदाराणां दोहग्गाणां अप्पियसंवा-
 साराणां पियविप्पयोगाणां बहूणां दुक्खदोम्मणस्साराणां आभागिणो भविस्संति,
 अणादियं च णं अणवयग्गं दीहमद्धं चाउरंतसंसारकंतारं भुज्जो भुज्जो
 अणुपरियट्टिस्संति, ते णो सिक्किस्संति णो बुक्किस्संति जाव णो सव्व-
 दुक्खाणां अंतं करिस्संति, एस तुला एस पमाणो एस समोसरणो पत्तेयं
 तुला पत्तेयं पमाणो पत्तेयं समोसरणो ५ ॥ तत्थ णं जे ते समणा माहणा
 एवमाइक्खंति जाव परूवेति-सव्वे पाणा सव्वे भूया सव्वे जीवा सव्वे सत्ता
 ण हंतव्वा णा अजावेयव्वा णा परिघेतव्वा णा उह्वेतव्वा ते णो आगंतु
 छेयाए ते णो आगंतुभेयाए जाव जाइजराभरणजोणिजम्मणसंसारपुणव्व-
 वगव्वमव्वामभवपवंचकलंकलीभागिणो भविस्संति, ते णो बहूणां दंडणाणां
 जाव णो बहूणां मुंडणाणां जाव बहूणां दुक्खदोम्मणस्साराणां णो भागिणो
 भविस्संति, अणादियं च णं अणवयग्गं दीहमद्धं चाउरंतसंसारकंतारं भुज्जो
 भुज्जो णो अणुपरियट्टिस्संति, ते सिक्किस्संति जाव सव्वदुक्खाणां अंतं
 करिस्संति ६ ॥ सूत्रं ४१॥ इच्चेतेहिं चारसहिं किरियाठाग्गेहिं वट्टमाणा

जीवा णो सिञ्चिसु णो बुञ्चिसु णो मुञ्चिसु णो परिणिव्वाइंसु जाव णो
 सव्वदुक्खाणां अंतं करेसु वा णो करेति वा णो करिस्संति वा १॥ एयसि
 च्चैव तेरसमे किरियाठणो वट्टमाणा जीवा सिञ्चिसु बुञ्चिसु मुञ्चिसु परिणि-
 व्वाइंसु जाव सव्वदुक्खाणां अंतं करेसु वा करेति वा करिस्संति वा २॥ एवं
 से भिक्खु आयट्ठी आयहिते आयगुत्ते आयजोगे आयपरक्कमे आयरक्खिण्ण
 आयाणुकंपए आयनिफ्फेडए आयाणमेव पडिसाहरेज्जासि त्तिवेमि ३॥
 ॥ सूत्रं ४२ ॥

॥ इति द्वितीयमध्ययनम् ॥ श्रु०२-अ०२ ॥

॥ अथ द्वितीयश्रुतस्कन्धे तृतीयमाहारपरिज्ञाध्ययनम् ॥

सुयं मे आउसंतेणं भगवया एवमक्खायं—इह खलु आहारपरिणा-
 नामज्झयणं, तस्स णं अयमट्ठे—इह खलु पाईणं वा ४ सव्वतो सव्वावन्ति च
 णं लोगंसि चत्तारि वीयकाया एवमाहिज्जन्ति, तंजहा—अग्गवीया मूलवीया
 पोखीया खंधवीया, (वणस्सइकाइयाणां पंचविहा बीजवक्कंती एवमाहिज्जइ,
 तंजहा—अग्गमूलपोखखंधवीयरुहा छट्ठावि एणेंदिया समुच्छिमा वीया
 जायंते) तेसिं च णं अहावीणां अहावगासेणं इहेगतिया सत्ता पुढ्वी-
 जोणिया पुढ्वीसंभवा पुढ्वीवुक्कमा तज्जोणिया तस्संभवा तदुवक्कमा कम्मो-
 वगा कम्मणियाणोणां तत्थवुक्कमा णाणाविहजोणियासु पुढ्वीसु रुक्खत्ताए
 विउट्ठंति १ ॥ ते जीवा तेसिं णाणाविहजोणियाणां पुढ्वीणां सिणोहमाहा-
 रेंति, ते जीवा आहारेंति पुढ्वीसरीरं आउसरीरं तेउसरीरं वाउसरीरं वण-
 स्सइसरीरं २ ॥ णाणाविहाणं तसथावराणं पाणाणं सरारं अचित्तं कुव्वंति
 परिविद्धत्थं तं सरीरं पुव्वाहारियं तथाहारियं विपरिणायं सारुवियकडं संतं
 ३ ॥ अवरेज्जि य णं तेसिं पुढ्विजोणियाणां रुक्खाणां सरीरा णाणावराणा
 णाणागंधा णाणारसा णाणाफासा णाणासंठाणसंठिया णाणाविहसरीरपुग्गल-

विउन्विता ते जीवा कम्मोववन्नगा भवंतिमिमांसायं ४ ॥सूत्रं ४३॥ अहा-
वरं पुरस्खायं इहेगतिया सत्ता रुक्खजोणिया रुक्खसंभवा रुक्खबुक्कमा तज्जो-
णिया तस्संभवा तदुवक्कमा कम्मोवगा कम्मनियाणोणं तत्थबुक्कमा पुढ्वी-
जोणिएहिं रुक्खेहि रुक्खत्ताए विउट्ठंति, ते जीवा तेसिं पुढ्वीजोणियाणं
रुक्खाणं सिणोहमाहारेंति, ते जीवा आहारेंति पुढ्वीसरीरं आउतेउवाउवणा-
स्सइसरीरं णाणाविहाणं तसथावराणां पाणाणां सरीरं अचित्तं कुब्बंति
परिविद्धत्थं तं सरीरं पुव्वाहारियं तथाहारियं विपरिणामियं सारुविकडं
संतं अवरेवि य रां तेसिं रुक्खजोणियाणां रुक्खाणां सरीरा णाणावराणा
णाणागंधा णाणारसा णाणाफासा णाणासंठाणासंठिया णाणाविहसरीर-
पुग्गलविउन्विता ते जीवा कम्मोववन्नगा भवंतीमिमांसायं ॥सूत्रं ४४॥
अहावरं पुरस्खायं इहेगतिया सत्ता रुक्खजोणिया रुक्खसंभवा रुक्खबुक्कमा
तज्जोणिया तस्संभवा तदुवक्कमा कम्मोवगा कम्मणियाणोणं तत्थबुक्कमा
रुक्खजोणिएसु रुक्खत्ताए विउट्ठंति, ते जीवा तेसिं रुक्खजोणियाणां
रुक्खाणं सिणोहमाहारेंति, ते जीवा आहारेंति पुढ्वीसरीरं आउतेउवाउवणा-
स्सइसरीरं तसथावराणां पाणाणां सरीरं अचित्तं कुब्बंति, परिविद्धत्थं तं
सरीरं पुव्वाहारियं तथाहारियं विपरिणामियं सारुविकडं संतं अवरेऽवि य
रां तेसिं रुक्खजोणियाणां रुक्खाणां सरीरा णाणावन्ना जाव ते जीवा
कम्मोववन्नगा भवंतीमिमांसायं ॥सूत्रं ४५॥ अहायरं पुरस्खायं इहेगइया
सत्ता रुक्खजोणिया रुक्खसंभवा रुक्खबुक्कमा तज्जोणिया तस्संभवा तदुवक्कमा
कम्मोवगा कम्मनियाणोणां तत्थबुक्कमा रुक्खजोणिएसु रुक्खेसु मूलत्ताए कंद-
त्ताए खंधत्ताए तयत्ताए सालत्ताए पवालत्ताए पत्तत्ताए पुप्फत्ताए फलत्ताए
वीयत्ताए विउट्ठंति, ते जीवा तेसिं रुक्खजोणियाणां रुक्खाणां सिणोहमाहा-
रेंति, ते जीवा आहारेंति, पुढ्वीसरीरं आउतेउवाउवणास्सइसरीरं णाणा-
विहाणां तसथावराणां पाणाणां सरीरं अचित्तं कुब्बंति परिविद्धत्थं तं

सरीरं जाव सारुविकडं संतं, अवरेऽवि य रां तेसिं रुक्खजोणियाणां
मूलाणां कंदाराणां खंधाराणां तयाणां सालाणां पवालाराणां जाव वीयाणां सरीरा
णाणावराणां णाणागंधा जाव णाणाविहसरीरपुग्गलविउब्बिया ते जीवा
कम्मोववन्नगा भवंतितीमक्खायं ॥सूत्रं ४६॥ अहावरं पुरक्खायं इहेगतिया
सत्ता रुक्खजोणिया रुक्खसंभवा रुक्खबुक्कमा तज्जोणिया तस्संभवा तदुवक्कमा
कम्मोववन्नगा कम्मनियाणां तत्थबुक्कमा रुक्खजोणिएहिं रुक्खेहिं अज्जारो-
हत्ताए विउट्ठंति, ते जीवा तेसिं रुक्खजोणियाणां रुक्खाणां सिणोहमाहारंति,
ते जीवा आहारंति पुढ्वीसरीरं जाव सारुविकडं संतं, अवरेवि य रां तेसिं
रुक्खजोणियाणां अज्जारुहाणां सरीरा णाणावन्ना जावमक्खायं ॥सूत्रं ४७॥
अहावरं पुरक्खायं इहेगतिया सत्ता अज्जारोहजोणिया अज्जारोहसंभवा
जाव कम्मनियाणां तत्थबुक्कमा रुक्खजोणिएसु अज्जारोहेसु अज्जा-
रोहत्ताए विउट्ठंति, ते जीवा तेसिं रुक्खजोणियाणां अज्जारोहाणां
सिणोहमाहारंति, ते जीवा पुढ्वीसरीरं जाव सारुविकडं संतं, अव-
रेवि य रां तेसिं अज्जारोहजोणियाणां अज्जारोहाणां सरीरा णाणा-
वन्ना जावमक्खायं ॥सूत्रं ४८॥ अहावरं पुरक्खायं इहेगतिया सत्ता अज्जा-
रोहजोणिया अज्जारोहसंभवा जाव कम्मनियाणां तत्थबुक्कमा अज्जारोह-
जोणिएसु (अज्जारोहेसु) अज्जारोहत्ताए विउट्ठंति, ते जीवा तेसिं अज्जा-
रोहजोणियाणां अज्जारोहाणां सिणोहमाहारंति, ते जीवा आहारंति पुढ-
विसरीरं आउसरीरं जाव सारुविकडं संतं, अवरेऽवि य रां तेसिं अज्जा-
रोहजोणियाणां अज्जारोहाणां सरीरा णाणावन्ना जावमक्खायं ॥सूत्रं ४९॥
अहावरं पुरक्खायं इहेगतिया सत्ता अज्जारोहजोणिया अज्जारोहसंभवा
जाव कम्मनियाणां तत्थबुक्कमा अज्जारोहजोणिएसु अज्जारोहेसु मूलत्ताए
जाव वीयत्ताए विउट्ठंति ते जीवा तेसिं अज्जारोहजोणियाणां अज्जारोहाणां
सिणोहमाहारंति जाव अवरेऽवि य रां तेसिं अज्जारोहजोणियाणां मूलाणां

जाव बीयाणां सरीरा णाणावन्ना जावमवखायं ॥सूत्रं ५०॥ अहावरं पुरक्खायं
इहेगतिया सत्ता पुढविजोणिया पुढविसंभवा जाव णाणाविहजोणियासु पुढ-
वांसु तणत्ताए विउट्टंति, ते जीवा तेसिं णाणाविहजोणियाणां पुढवीणां सिणो-
हमाहारेंति जाव ते जीवा कम्मोववन्ना भवंतीतिमक्खायं ॥सूत्रं ५१॥ एवं पुढ-
विजोणिएसु तणोसु तणत्ताए विउट्टंति जावमवखायं ॥सूत्रं ५२॥ एवं तण-
जोणिएसु तणोसु तणत्ताए विउट्टंति, तणजोणियं तणसरीरं च आहारेंति
जावमक्खायं १ ॥ एवं तणजोणिएसु तणोसु मूलत्ताए जाव बीयत्ताए
विउट्टंति ते जीवा जाव एवमक्खायं २ ॥ एवं ओसहीणावि चत्तारि
आलावगा ३ ॥ एवं हरियाणावि चत्तारि आलावगा ४ ॥सूत्रं ५३॥ अहा-
वरं पुरक्खायं इहेगतिया सत्ता पुढविजोणिया पुढविसंभवा जाव कम्मनिया-
णोणां तत्थवुक्कमा णाणाविहजोणियासु पुढवीसु आयत्ताए वायत्ताए कायत्ताए
कूहणत्ताए कंदुकत्ताए उव्वेहणियत्ताए निव्वेहणियत्ताए सच्चत्ताए छत्तग-
त्ताए वासाणियत्ताए कूरत्ताए विउट्टंति, ते जीवा तेसिं णाणाविहजोणियाणां
पुढवीणां सिणोहमाहारेंति, तेवि जीवा आहारेंति पुढविसरीरं जाव संतं,
अवरेऽवि य णां तेसिं पुढविजोणियाणां आयत्तारां जाव कूराणां सरीरा
णाणावरणा जावमवखायं, एगो चैव आलावगो सेसा तिरिणा णत्थि
१ ॥ अहावरं पुरक्खायं इहेगतिया सत्ता उदगजोणिया उदगसंभवा
जाव कम्मनियाणोणां तत्थवुक्कमा णाणाविहजोणिएसु उदएसु रुक्खत्ताए
विउट्टंति, ते जीवा तेसिं णाणाविहजोणियाणां उदगाणां सिणोहमाहारेंति,
ते जीवा आहारेंति पुढविसरीरं जाव संतं, अवरेऽवि य णां तेसिं उदगजो-
णियाणां रुक्खारां सरीरा णाणावरणा जावमवखायं २ ॥ जहा पुढविजोणि-
याणां रुक्खारां चत्तारि गमा अज्झारुहाणावि तहेव, तणाणां ओसहीणां
हरियाणां चत्तारि आलावगा भाणियव्वा एक्केक्के ३ ॥ अहावरं पुरक्खायं
इहेगतिया सत्ता उदगजोणिया उदगसंभवा जाव कम्मणियाणोणां तत्थवुक्कमा

णाणाविहजोणिएसु उदएसु उदगत्ताए अवगत्ताए पणगत्ताए सेवालत्ताए
 कलंबुगत्ताए हडत्ताए कसेरुगत्ताए कच्छभाणियत्ताए उप्पलत्ताए पउमत्ताए कुमु-
 यत्ताए नलिणत्ताए सुभगत्ताए सोगंधियत्ताए पोंडरियमहापोंडरियत्ताए सय-
 पत्ताए सहस्सपत्ताए एवं कल्हारकोंकणयत्ताए अरविंदत्ताए तामरसत्ताए
 भिसभिसमुणालपुक्खलत्ताए पुक्खलच्छिभगत्ताए विउट्टंति, ते जीवा तेसिं
 णाणाविहजोणियारां उदगारां सिणोहमाहारेंति, ते जीवा आहारेंति पुढ्वी-
 सरीरं जाव संतं, अवरेऽवि य रां तेसिं उदगजोणियारां उदगारां जाव पुक्ख-
 लच्छिभगारां सरीरा णाणावराणा जावमक्खायं, एगो चैव आलावगो ४॥
 सूत्रं ५४ ॥ अहावरं पुरक्खायं इहेगतिया सत्ता तेसिं चैव पुढ्वीजोणिएहिं
 रुक्खेहिं रुक्खजोणिएहिं रुक्खेहिं रुक्खजोणिएहिं मूलेहि जाव बीएहिं रुक्ख-
 जोणिएहिं अज्जारोहेहिं अज्जारोहजोणिएहिं अज्जारुहेहिं अज्जारोह-
 जोणिएहिं मूलेहिं जाव बीएहिं पुढ्विजोणिएहिं तणोहिं तणजोणिएहिं तणोहिं
 तणजोणिएहिं मूलेहिं जाव बीएहिं एवं ओसहीहिवि तिन्नि आलावगा १। एवं
 हरिएहिवि तिन्नि आलावगा २। पुढ्विजोणिएहिवि आएहिं काएहिं जाव
 कूरेहिं उदगजोणिएहिं रुक्खेहिं रुक्खजोणिएहिं रुक्खेहिं रुक्खजोणिएहिं मूलेहिं
 जाव बीएहिं एवं अज्जारुहेहिवि तिरिणा ३। तणोहिंपि तिरिणा आलावगा ४।
 ओसहीहिंपि तिरिणा ५। हरिएहिंपि तिरिणा ६ उदगजोणिएहिं उदएहिं अव-
 एहिं जाव पुक्खलच्छिभएहिं तसपाणत्ताए विउट्टंति ६॥ ते जीवा तेसिं पुढ्वी-
 जोणियारां उदगजोणियारां रुक्खजोणियारां अज्जारोहजोणियारां तण-
 जोणियारां ओसहीजोणियारां हरियजोणियारां रुक्खारां अज्जारुहारां
 तणारां ओसहीरां हरियारां मूलारां जाव बीयारां आयारां कायारां जाव
 कुरवा(कूरा)रां उदगारां अवगारां जाव पुक्खलच्छिभगारां सिणोहमा-
 हारेंति ७। ते जीवा आहारेंति पुढ्वीसरीरं जाव संतं ८। अवरेऽवि य रां
 तेसिं रुक्खजोणियारां अज्जारोहजोणियारां तणजोणियारां ओसहिजो-

यासां हरियजोणियासां मूलजोणियासां कंदजोणियासां जाव बीयजोणियासां
 आयजोणियासां कायजोणियासां जाव कूरजोणियासां उदगजोणियासां
 अवगजोणियासां जाव पुक्खलच्छिभगजोणियासां तसपाणासां सरीरा
 णाणावरणा जावमक्खायं १॥ सूत्र ५५ ॥ अहावरं पुरक्खायं णाणावि-
 हारां मणुस्सासां तंजहा—कम्मभूमगासां अकम्मभूमगासां अंतरदीवगासां
 आरियासां मिलक्खुयासां, तेसिं च सां अहावीएसां अहावगासेसां इत्थीए
 पुरिसस्स य कम्मकडाए जोणिए एत्थ सां मेहुणवत्तियाए [व] णामं संजोगे
 समुप्पज्जइ, ते दुहओवि सिणोहं संचिरांति १। तत्थ सां जीवा इत्थित्ताए
 पुरिसत्ताए णपुंसगत्ताए विउट्ठंति, ते जीवा माओउयं पिउसुक्कं तं तदुभयं
 संसट्ठं कलुसं किंविंसं तं पढमत्ताए आहारमाहारेंति, ततो पच्छा जं से
 माया णाणाविहाओ रसविहीओ आहारमाहारेंति ततो एगदेसेसां ओयमा-
 हारेंति, आणुपुव्वेण बुद्धा पलिपागमणुपवन्ना ततो कायातो अभिनिवट्टमाणा
 इत्थि वेगया जणयंति पुरिसं वेगया जणयंति णपुंसगं वेगया जणयंति २।
 ते जीवा डहरा समाणा माउक्खीरं सपिं आहारेंति, आणुपुव्वेसां बुद्धा
 ओयसां कुम्मासं तसथावरे य पाणे, ते जीवा आहारेंति पुढविसरीरं जाव
 सारूविकडं संतं, अवरेऽवि य सां तेसिं णाणाविहारां मणुस्सगासां कम्मभू-
 मगासां अकम्मभूमगासां अंतरदीवगासां आरियासां मिलक्खूसां सरीरा
 णाणावरणा भवंतीतिमक्खायं ३॥ सूत्रं ५६ ॥ अहावरं पुरक्खायं णाणा-
 विहारां जलचरासां पचिंदियतिरिक्खजोणियासां, तंजहा—मच्छासां जाव
 सुंसुमारसां, तेसिं च सां अहावीएसां अहावगासेसां इत्थीए पुरिसस्स य
 कम्मकडा तहेव जाव ततो एगदेसेसां ओयमाहारेंति, आणुपुव्वेसां बुद्धा
 पलिपागमणुपवन्ना ततो कायाओ अभिनिवट्टमाणा अंडं वेगया जणयंति
 पोयं वेगया जणयंति से अंडे उब्भिज्जमाणे इत्थि वेगया जणयंति पुरिसं
 वेगया जणयंति नपुंसगं वेगया जणयंति ते जीवा डहरा समाणा आउसि-

शोहमाहारैति आणुपुञ्जेषां बुद्ध्या वणस्मदिकायं तसथावरे य पाणो, ते जीवा
 आहारैति पुढ्विसरीरं जाव संतं, आवरेऽवि य सां तेसिं णाणाविहाणां
 जलचरपंचिंदियतिरिक्खजोणियाणां मच्छाणां सुंसुमारणां सरीरा णाणा-
 वराणा जावमक्खायं १॥ अहावरं पुरक्खायं णाणाविहाणां चउप्पयथलयर-
 पंचिंदियतिरिक्खजोणियाणां, तंजहा-एगखुराणां दुखुराणां गंडीपदाणां सणफ-
 याणां, तेसिं च णं अहावीएणां अहावगासेणां इत्थिपुरिमस्म य कम्म जाव मेहुणा-
 वत्तिए णामं संजोगे समुप्पज्जइ, ते दुहत्थो सिणोहं संचिंणंति, तत्थ णं जीवा
 इत्थित्ताए पुरिसत्ताए जाव विउट्ठंति, ते जीवा मात्थोउयं पिउसुक्कं एवं
 जहा मणुस्साणां इत्थिपि वेगया जणयंति पुरिसंपि नपुंसगंपि, ते जीवा
 डहरा समाणा माउक्खीरं सपिं आहारैति आणुपुञ्जेषां बुद्ध्या वणस्मदिकायं
 तसथावरे य पाणो, ते जीवा आहारैति पुढ्विसरीरं जाव संतं, आवरेऽवि य
 सां तेसिं णाणाविहाणां चउप्पयथलयरपंचिंदियतिरिक्खजोणियाणां एगखुराणां
 जाव सणफयाणां सरीरा णाणावराणा जावमक्खायं २। अहावरं पुरक्खायं
 णाणाविहाणां उरपरिसप्पथलयरपंचिंदियतिरिक्खजोणियाणां, तंजहा-अहीणां
 अयगराणां आसालियाणां महोरगाणां, तेसिं च सां अहावीएणां अहावगासेणां
 इत्थीए पुरिस जाव एत्थ णं मेहुणा० एवं तं चव, नाणात्तं अंडं वेगइया
 जणयंति पोयं वेगइया जणयंति, से अंडे उब्भिज्जमाणो इत्थि वेगइया
 जणयंति पुरिसंपि णपुंसगंपि, ते जीवा डहरा समाणा वाउकायमाहारैति
 आणुपुञ्जेषां बुद्ध्या वणस्मदिकायं तसथावरपाणो, ते जीवा आहारैति पुढ-
 विसरीरं जाव संतं, आवरेऽवि य सां तेसिं णाणाविहाणां उरपरिसप्पथलयर-
 पंचिंदियतिरिक्ख० अहीणां जाव महोरगाणां सरीरा णाणावराणा णाणां-
 गंधा जावमक्खायं ३ ॥ अहावरं पुरक्खायं णाणाविहाणां भुयपरिसप्पथल-
 यरपंचिंदियतिरिक्खजोणियाणां, तंजहा-गोहाणां नउलाणां सीहाणां सरडाणां
 सट्ठाणां मरवाणां खराणां घरकोडलियाणां विस्संभराणां, मुसगाणां मंगुसाणां

पयलाइयाणां विरालियाणां जोहाराणां चउप्पाइयाणां, तेसिं च गां अहावीएणां
 अहावगासेणां इत्थीए पुरिसस्स य जहा उरपरिसप्पाणां तथा भाणियव्वं
 जाव सारूविकडं संतं, अवरेश्वि य गां तेसिं गाणाविहाणां भुयपरिसप्पपंचिं-
 दियथलयरतिरिक्खाणां तं० गोहाणां जावमक्खायं ४ ॥ अहावरं पुरक्खायं
 गाणाविहाणां खहचरपंचिंदियतिरिक्खजोगियाणां तंजहा-चम्मपक्खीणां लोम-
 पक्खीणां समुग्गपक्खीणां विततपक्खीणां तेसिं च गां अहावीएणां अहावगा-
 सेणां इत्थीए जहा उरपरिसप्पाणां, नाणत्तं ते जीवा डहरा समाणा माउगात्त-
 सिणोहमाहारेंति आणुपुव्वेणां बुद्धा वणस्सतिकायं तसथावरे य पाणे, ते
 जीवा आहारेंति पुढ्विसरीरं जाव संतं, अवरेश्विय गां तेसिं गाणाविहाणां
 खहचरपंचिंदियतिरिक्खजोगियाणां चम्मपक्खीणां जावमक्खायं ५ ॥सूत्रं
 ५७॥ अहावरं पुरक्खायं इहेगतिया सत्ता गाणाविहजोगिया गाणाविह-
 संभवा गाणाविहवुक्कमा तज्जोगिया तस्संभवा तदुवक्कमा कम्मोवगा कम्मणि-
 याणेणां तत्थवुक्कमा गाणाविहाणां तसथावराणां पोग्गलाणां सरीरेसु वा
 सचित्तेसु वा अचित्तेसु वा अणुसूयत्ताए विउट्टंति, ते जीवा तेसिं गाणा-
 विहाणां तसथावराणां पाणाणां सिणोहमाहारेंति, ते जीवा आहारेंति पुढ-
 विसरीरं जाव संतं, अवरेश्वि य गां तेसिं तसथावरजोगियाणां अणुसूय-
 गाणां सरीरा गाणावराणां जावमक्खायं ॥ एवं दुरूवसंभवत्ताए ॥ एवं
 खुरदुगत्ताए ॥सूत्रं ५८॥ अहावरं पुरक्खायं इहेगतिया सत्ता गाणाविह-
 जोगिया जाव कम्मणियाणेणां तत्थवुक्कमा गाणाविहाणां तसथावराणां
 पाणाणां सरीरेसु सचित्तेसु वा अचित्तेसु वा तं सरीरं वायसंमिद्धं वा
 वायसंगहियं वा वायपरिग्गहियं उड्ढवाएसु उड्ढभागी भवति अहेवाएसु
 अहेभागी भवति तिरियवाएसु तिरियभागी भवति, तंजहा-ओसा हिमए
 महिया करए हरतणुए सुद्धोदए, ते जीवा तेसिं गाणाविहाणां तस-
 थावराणां पाणाणां सिणोहमाहारेंति, ते जीवा आहारिंति पुढ्विसरीरं

जाव संतं, अवरेश्वि य गां तेसिं तसथावरजोणियाणां ओसाणां जाव सुद्धोदगाणां सरीरा गाणावरणा जावमक्खायं १ ॥ अहावरं पुरक्खायं इहेगतिया सत्ता उदगजोणिया उदगसंभवा जाव कम्मणियाणां तत्थवुक्कमां तसथावरजोणिएसु उदएसु उदगत्ताए विउट्टंति, ते जीवा तेसिं तसथावरजोणियाणां उदगाणां सिणोहमाहारेंति, ते जीवा आहारेंति पुढविसरीरं जाव संतं, अवरेश्वि य गां तेसिं तसथावरजोणियाणां उदगाणां सरीरा गाणावरणा जावमक्खायं २ ॥ अहावरं पुरक्खायं इहेगतिया सत्ता उदगजोणियाणां जाव कम्मनियाणां तत्थवुक्कमा उदगजोणिएसु उदएसु उदगत्ताए विउट्टंति, ते जीवा तेसिं उदगजोणियाणां उदगाणां सिणोहमाहारेंति, ते जीवा आहारेंति पुढविसरीरं जाव संतं, अवरेश्वि य गां तेसिं उदगजोणियाणां उदगाणां सरीरा गाणावन्ना जावमक्खायं ३ ॥ अहावरं पुरक्खायं इहेगतिया सत्ता उदगजोणियाणां जाव कम्मनियाणां तत्थवुक्कमा उदगजोणिएसु उदएसु तमपाणात्ताए विउट्टंति, ते जीवा तेसिं उदगजोणियाणां उदगाणां सिणोहमाहारेंति, ते जीवा आहारेंति पुढविसरीरं जाव संतं, अवरेश्वि य गां तेसिं उदगजोणियाणां तसपाणाणां सरीरा गाणावरणा जावमक्खायं ४ ॥सूत्रं ५६॥ अहावरं पुरक्खायं इहेगतिया सत्ता गाणाविहजोणिया जाव कम्मनियाणां तत्थवुक्कमा गाणाविहाणां तसथावराणां पाणाणां सरीरेसु सचित्तेसु वा अचित्तेसु वा अगणिकायत्ताए विउट्टंति, ते जीवा तेसिं गाणाविहाणां तसथावराणां पाणाणां सिणोहमाहारेंति, ते जीवा आहारेंति पुढविसरीरं जाव संतं, अवरेश्वि य गां तेसिं तसथावरजोणियाणां अगणीणां सरीरा गाणावरणा जावमक्खायं, सेसा तिन्नि आलावगा जहा उदगाणां १ ॥ अहावरं पुरक्खायं इहेगतिया सत्ता गाणाविहजोणियाणां जाव कम्मनियाणां तत्थवुक्कमा गाणाविहाणां तसथावराणां पाणाणां सरीरेसु सचित्तेसु वा अचित्तेसु वा वाउक्कायत्ताए विउट्टंति, जहा अगणीणां तहा भाणियव्वा, चत्तारि गमा २ ॥सूत्रं ६०॥

अहावरं पुरक्खायं इहेगतिया सत्ता णाणाविहजोगिया जाव कम्मनियारोणं
तत्थवुक्कमा णाणाविहाणं तसथावराणं पाणाणं सरीरेसु वा सचित्तेसु वा अचि-
त्तेसु वा पुढवित्ताए सक्करत्ताए वालुयत्ताए इमात्रो गाहात्रो अणुगंतवात्रो-
'पुढवी य सक्करा वालुया य उवले सिला य लोणासे । अय तउय तंव सीसग
रूप सुवराणे य वइरे य ॥१॥ हरियाले हिंगुलए मणोसिला सासगंजणपवाले ।
अव्भपडलव्भवालुय बायरकाए मणिविहाणा ॥ २ ॥ गोमेज्जए य रुयए अंके
फलिहे य लोहियक्खे य । मरगयमसारगल्ले भुयमोयग इंदणीले य ॥ ३ ॥
चंदणा गेरुय हंसगव्भ पुलए सोगंधिए य बोद्धव्वे । चंदण्णम वेरुलिए जलकंते
सूरकंते य ॥ ४ ॥ एयात्रो एएसु भाणियव्वात्रो गाहात्रो जाव सूरकंत-
त्ताए विउट्टंति, ते जीवा तेसिं णाणाविहाणं तसथावराणं पाणाणं सिणोह-
माहारेंति, ते जीवा आहारेंति पुढवीसरीरं जाव संतं, अवरेऽवि य णं तेसिं
तसथावरजोगियाणं पुढवीणं जाव सूरकंताणं सरीरा णाणावराणा जावम-
क्खायं, सेसा तिगिणा आलावगा जहा उदगाणं ॥ सूत्रं ६१ ॥ अहावरं
पुरक्खायं सव्वे पाणा सव्वे भूता सव्वे जीवा सव्वे सत्ता णाणाविहजोगिया
णाणाविहसंभवा णाणाविहवुक्कमा सरीरजोगिया सरीरसंभवा सरीरवुक्कमा
सरीराहारा कम्मोवगा कम्मनियाणा कम्मगतीया कम्मठिइया कम्मणा चेव
विप्परियासमुवेति ॥ से एवमायाणह से एवमायाणित्ता आहारगुत्ते सहिए
समिए सया जए त्तिवेमि ॥ सूत्रं ६२ ॥

॥ इति तृतीयमध्ययनम् ॥ श्रु० २ । अ० ३ ॥



॥ अथ द्वितीयश्रुतस्कन्धे चतुर्थं प्रत्याख्यानाध्ययनम् ॥

सुयं मे आउसंतेणं भगवया एवमस्वायं-इह खलु पञ्चस्वाणकिरिया-
णामज्जयणो, तस्स णं अयमट्ठे पराणत्ते-आया अपञ्चस्वाणी यावि भवति,
आया अकिरियाकुसले यावि भवति, आया मिच्छासंठिए यावि भवति, आया
एगंतदंडे यावि भवति, आया एगंतबाले यावि भवति, आया एगंतसुत्ते
यावि भवति, आया अवियारमणवयणकायवक्के यावि भवति, आया अप्प-
डिहयअपञ्चस्वायपावकम्मे यावि भवति, एस खलु भगवता अस्वाए असं-
जते अविरते अप्पडिहयपञ्चस्वायपावकम्मे सकिरिए असंबुडे एगंतदंडे एगंत-
बाले एगंतसुत्ते, से बाले अवियारमणवयणकायवक्के सुविणमवि ण पस्सति,
पावे य से कम्मे कज्जइ ॥ सूत्रं ६३ ॥ तत्थ चोयए पन्नवगं एवं वयासि-
असंतएणं मणोणं पावएणं असंतियाए वतीए पावियाए असंतएणं काएणं
पावएणं अहणंतस्स अमणक्खस्स अवियारमणवयकायवक्कस्स सुविणमवि
अपस्सओ पावकम्मे णो कज्जइ, कस्स णं तं हेउं ?, चोयए एवं ववीति-
अन्नयरेणं मणोणं पावएणं मणवत्तिए पावे कम्मे कज्जइ, अन्नयरीए वतिए
पावियाए वतिवत्तिए पावे कम्मे कज्जइ, अन्नयरेणं काएणं पावएणं कायवत्तिए
पावे कम्मे कज्जइ, हणंतस्स समणक्खस्स सवियारमणवयकायवक्कस्स सुविण-
मवि पासओ एवंगुणजातीस्स पावे कम्मे कज्जइ १। पुणारवि चोयए एवं
ववीति-तत्थ णं जे ते एवमाहंसु-असंतएणं मणोणं पावएणं असंतियाए
वतिए पावियाए असंतएणं काएणं पावएणं अहणंतस्स अमणक्खस्स अवि-
यारमणवयणकायवक्कस्स सुविणमवि अपस्सओ पावे कम्मे कज्जइ, तत्थ णं
जे ते एवमाहंसु मिच्छा ते एवमाहंसु २। तत्थ पन्नवए चोयगं एवं वयासी-
तं सम्मं जं मए पुवं वुत्तं, असंतएणं मणोणं पावएणं असंतियाए वतिए
पावियाए असंतएणं काएणं पावएणं अहणंतस्स अमणक्खस्स अवियारमण-
वयणकायवक्कस्स सुविणमवि अपस्सओ पावे कम्मे कज्जति, तं सम्मं, कस्स

णं तं हेतुं ? , आचार्य आह—तथ खलु भगवया वृज्जीवणिकायहेतु पराणत्ता, तंजहा—पुढविकाइया जाव तसकाइया, इच्चेएहिं वृहिं जीवणिकाएहिं आया अप्पडिहयपच्चक्खायपावकम्मे निच्चं पसढविउवायचित्तदंडे, तंजहा—पाणातिवाए जाव परिग्गहे कोहे जाव मिच्छादंसणासल्ले ३॥ आचार्य आह—तथ खलु भगवया वहए दिट्ठंते पराणत्ते, से जहाणामए वहए सिया गाहावइस्स वा गाहावइपुत्तस्स वा रराणो वा रायपुरिसस्स वा खणं निदाय पविसिस्सामि खणं लद्धूणं वहिस्सामि (अप्पणो अक्खणयाए तस्स वा पुरिसस्स छिद्दं अलभमाणो णो वहेइ तं जया मे खणो भविस्सइ तस्स पुरिसस्स छिद्दं लभिस्सामि तथा मे से पुरिसे अवस्सं वहेयव्वे भविस्सइ एवं मणो पहारेमाणो) पहारेमाणो से किं नु हु नाम से वहए तस्स गाहावइस्स वा गाहावइपुत्तस्स वा रराणो वा रायपुरिस(पुत्त)स्स वा खणं निदाय पविसिस्सामि खणं लद्धूणं वहिस्सामि पहारेमाणो दिया वा रात्रो वा सुत्ते वा जागरमाणो वा अमित्तभूए मिच्छासंठित्ते निच्चं पसढविउवायचित्तदंडे भवति ? , एवं वियागरेमाणो समियाए वियागरे ? चोयए—हंता भवति ४ ॥ आचार्य आह—जहा से वहए तस्स गाहावइस्स वा तस्स गाहावइपुत्तस्स वा रराणो वा रायपुरिसस्स वा खणं निदाय पविसिस्सामि खणं लद्धूणं वहिस्सामि पहाारेमाणो दिया वा रात्रो वा सुत्ते वा जागरमाणो वा अमित्तभूए मिच्छासंठित्ते निच्चं पसढविउवायचित्तदंडे, एवमेव बालेवि सव्वेसिं पाणाणं जाव सव्वेसिं सत्ताणं दिया वा रात्रो वा सुत्ते वा जागरमाणो वा अमित्तभूए मिच्छासंठित्ते निच्चं पसढविउवायचित्तदंडे, तं०—पाणातिवाए जाव मिच्छादंसणासल्ले, एवं खलु भगवया अस्खाए असंजए अवरिणए अप्पडिहयपच्चक्खायपावकम्मे सकिरिए असंबुडे एगंतदंडे एगंतबाले एगंतसुत्ते यावि भवइ, से बाले अवियारमणवयणाकायवक्के सुविणमवि ण पस्सइ पावे य से कम्मे कज्जइ ५ ॥ जहा से वहए तस्स वा गाहावइस्स जाव तस्स वा रायपुरिसस्स पत्तेयं पत्तेयं चित्तसमादाए

दिया वा रात्रो वा सुत्ते वा जागरमाणो वा अमित्तभूए मिच्छासंठिते निच्चं पसद्विउवायचित्तदंडे भवइ, एवमेव बाले सव्वेसिं पाणाणां जाव सव्वेसिं संत्ताणां पत्तेयं पत्तेयं चित्तसमादाए दिया वा रात्रो वा सुत्ते वा जागरमाणो वा अमित्तभूते मिच्छासंठिते निच्चं पसद्विउवायचित्तदंडे भवइ ६ ॥

॥सूत्रं ६४॥ णो इणाट्ठे समट्ठे [चोदकः] इह खलु बहवे पाणा० जे इमेणं सरीरममुस्सएणां णो दिट्ठा वा सुया वा नाभिमया वा विन्नाया वा जेसिं णो पत्तेयं पत्तेयं चित्तसमायाए दिया वा रात्रो वा सुत्ते वा जागरमाणो वा अमित्तभूते मिच्छासंठिते निच्चं पसद्विउवायचित्तदंडे तंजहा—पाणातिवाए जाव मिच्छादंमाणसल्ले ॥सूत्रं ६५॥ आचार्य आह—तत्थ खलु भगवया दुवे दिट्ठंता पणात्ता, तंजहा—सन्निदिट्ठंते य असन्निदिट्ठंते य, से किं तं सन्निदिट्ठंते ?, जे इमे सन्निपंचिदिया पज्जत्तगा एतेसिं णं छजीवनिकाए पडुच्च तंजहा—पुढवीकायं जाव तसकायं, से एगइत्थो पुढवीकाएणां किच्चं करेइवि कारवेइवि, तस्स णं एवं भवइ—एवं खलु अहं पुढवीकाएणां किच्चं करेमिवि कारवेमिवि, णो चं व णं से एवं भवइ इमेण वा इमेण वा, से एतेणं पुढवीकाएणां किच्चं करेइवि कारवेइवि से णं तातो पुढवीकायात्थो असंजयअविरयअप्पडिहयपच्चक्खायपावकम्मे यावि भवइ, एवं जाव तसकाए ति भाणियव्वं, से एगइत्थो छजीवनिकाएहिं किच्चं करेइवि कारवेइवि, तस्स णं एवं भवइ—एवं खलु छजीवनिकाएहिं किच्चं करेमिवि कारवेमिवि, णो चं व णं से एवं भवइ—इमेहिं वा इमेहिं वा, से य तेहिं छहिं जीवनिकाएहिं जाव कारवेइवि, से य तेहिं छहिं जीवनिकाएहिं असंजयअविरयअप्पडिहयपच्चक्खायपावकम्मे तं० पाणातिवाए जाव मिच्छादंमाणसल्ले, एस खलु भगवया अक्खाए असंजए अविरए अप्पडिहयपच्चक्खायपावकम्मे सुविणमवि अपस्सत्थो पावे य से कम्मे कज्जइ, से तं सन्निदिट्ठंते ? ॥ से किं तं असन्निदिट्ठंते ?, जे इमे असन्निणो पाणा तंजहा—

पुढवीकाइया जाव वणारसइकाइया छट्टा वेगइया तसा पाणा, जेसिं णो तका
इ वा सन्ना ति वा पन्ना ति वा मणा(णो)ति वा वई इ वा, सयं वा करणाए
अन्नेहिं वा कारावेत्तए करंतं वा समणुजाणित्तए, तेऽवि णं बाले सव्वेसिं
पाणाणां जाव सव्वेसिं सत्ताणं दिया वा रात्रो वा सुत्ते वा जागरमाणो वा
अमित्तभूता मिच्छासंठिया निच्चं पसढविउवातचित्तदंडा तंजहा—पाणाइवाते
जाव मिच्छादंसणमल्ले, इच्चेव जाव णो चेव मणो णो चेव वई पाणाणां
जाव सत्ताणं दुक्खणायए सोयणायए जूरणायए तिप्पणायए पिट्टणायए परि-
तप्पणायए ते दुक्खणसोयणजावपरितप्पणवहबंधणपरिकिलेसात्रो अप्पडि-
विरया भवंति २ ॥ इति खलु से असन्निणोऽवि सत्ता अहोनिंसिं पाणातिवाए
उवक्खाइज्जंति जाव अहोनिंसिं परिग्गहे उवक्खाइज्जंति जाव मिच्छादंसण-
सल्ले उवक्खाइज्जंति, [एवं भूतवादी] सव्वजोणियावि खलु सत्ता सन्निणो हुच्चा
असन्निणो होंति असन्निणो हुच्चा सन्निणो होंति, होच्चा सन्नी अदुवा
असन्नी, तत्थ से अविविचित्ता अविधूणित्ता असंमुच्छित्ता अणणुतावित्ता
असन्निकायात्रो वा सन्निकायं संकमंति सन्निकायात्रो वा असन्निकायं
संकमंति, सन्निकायात्रो वा सन्निकायं संकमंति असन्निकायात्रो वा अस-
न्निकायं संकमंति, जे एए सन्नि वा असन्नि वा सव्वे ते मिच्छायारां
निच्चं पसढविउवायचित्तदंडा, तंजहा—पाणातिवाए जाव मिच्छादंसणसल्ले,
एवं खलु भगवया अक्खाए असंजए अविरए अप्पडिहयप्पच्चक्खायपावकम्मे
सकिरिए असंबुडे एगंतदंडे एगंतबाले एगंतसुत्ते से बाले अवियारमाणवयण-
कायवक्के सुविणमवि ण पासइ पावे य से कम्मे कज्जइ ३ ॥सूत्रं ६६॥
चोदकः—से किं कुब्बं किं कारवं कहां संजयविरयप्पडिहयपच्चक्खायपावकम्मे
भवइ ?, आचार्य आह—तत्थ खलु भगवया छज्जीवणिकाय हेऊ पराणात्ता,
तंजहा—पुढवीकाइया जाव तसकाइया, से जहाणामए मम अस्सातं डंडेण
वा अट्टीण वा मुट्टीण वा लेलूण वा कवालेण वा आतोडिज्जमाणस्स वा

जाव उवहविज्जमाणास्स वा जाव लोमुक्खणाणामायमवि हिंसाकारं दुक्खं भयं पडिसंवेदेमि, इच्चेवं जाण सव्वे पाणा जाव सव्वे सत्ता दंडेण वा जाव क्वालेण वा आतोडिज्जमाणा वा हम्ममाणे वा तज्जिज्जमाणे वा तालिज्जमाणे वा जाव उवहविज्जमाणे वा जाव लोमुक्खणाणामायमवि हिंसाकारं दुक्खं भयं पडिसंवेदेंति, एवं णच्चा सव्वे पाणा जाव सव्वे सत्ता न हंतव्वा जाव ण उह्वेयव्वा, एस धम्मे धुवे णिइए सासए समिच्च लोगं खेयन्नेहिं पवेदिए, एवं से भिक्खु विरते पाणाइवायातो जाव मिच्छादंसणासल्लाओ, से भिक्खु णो दंतपक्खालणोणं दंते पक्खालेज्जा, णो अंजणं णो वमणं णो धूवणित्तं पिआइते, से भिक्खु अकिरिए अलूमए अकोहे जाव अलोभे उवसंते परि- निव्वुडे, एस खलु भगवया अक्खाए संजयविरयपडिहयपच्चक्खायपावकम्मे अकिरिए संबुडे एगंतपंडिए भवइ त्तिवेमि ॥ सूत्रं ६७ ॥

॥ इति चतुर्थमध्ययनम् ॥ २-४ ॥

॥ अथ पञ्चममाचारश्रुताध्ययनम् ॥

आदाय बंधवेरं च, आसुपन्ने इमं वइ । अस्सि धम्मे अणायारं, नायरेज्ज क्याइवि ॥१॥ अणादीयं परिन्नाय, अणवदग्गेति वा गुणो । सासयमसासए वा, इति दिट्ठि न धारए ॥२॥ एएहिं दोहिं ठणोहिं, ववहारो ण विज्जई । एएहिं दोहिं ठणोहिं, अणायारं तु जाणए ॥३॥ समुच्छि(ज्ज)हिति सत्थारो, - सव्वे पाणा अणोलिसा । गंठिगा वा भवि- स्संति, सासयंति व णो वए ॥४॥ एएहिं दोहिं ठणोहिं, ववहारो ण विज्जइ । एएहिं दोहिं ठणोहिं, अणायारं तु जाणए ॥५॥ जे केइ खुद्दगा पाणा, अदुवा संति महालया । सरिसं तेहिं वेरंति, असरिसंती य णो वदे ॥६॥ एएहिं दोहिं ठणोहिं, ववहारो ण विज्जई । एएहिं दोहिं ठणोहिं, अणायारं तु जाणए ॥७॥ अहाकम्माणि (अहाकडाणि) भुंजंति, अणाम-

रणो सकम्पुणा । उवलित्तेति जाणिजा, अणुवलित्तेति वा पुणो ॥८॥
 एएहिं दोहिं ठणोहिं, ववहारो ण विज्जई । एएहिं दोहिं ठणोहिं, अणा-
 यारं तु जाणए ॥९॥ जमिदं ओरालमाहारं, कम्मगं च तहेव य (तमेव तं) ।
 सव्वत्थ वीरियं अत्थि, णत्थि सव्वत्थ वीरियं ।१०॥ एएहिं दोहिं
 ठणोहिं, ववहारो ण विज्जई । एएहिं दोहिं ठणोहिं, अणायारं तु
 जाणए ॥ ११ ॥ णत्थि लोए आलोए वा, णोवं सन्नं निवेसए । अत्थि लोए
 अलोए वा, एवं सन्नं निवेसए ॥ १२ ॥ णत्थि जीवा अजीवा वा, णोवं
 सन्नं निवेसए । अत्थि जीवा अजीवा वा, एवं सन्नं निवेसए
 ॥१३॥ णत्थि धम्मे अधम्मे वा, णोवं सन्नं निवेसए । अत्थि धम्मे
 अधम्मे वा, एवं सन्नं निवेसए ॥१४॥ णत्थि बंधे व मोक्खे वा, णोवं सन्नं
 निवेसए । अत्थि बंधे व मोक्खे वा, एवं सन्नं निवेसए ॥१५॥ णत्थि पुणो
 व पावे वा, णोवं सन्नं निवेसए । अत्थि पुणो व पावे वा, एवं सन्नं
 निवेसए ॥१६॥ णत्थि आसवे संवरे वा, णोवं सन्नं निवेसए । अत्थि
 आसवे संवरे वा, एवं सन्नं निवेसए ॥१७॥ णत्थि वेयणा णिज्जरा वा, णोवं
 सन्नं निवेसए । अत्थि वेयणा णिज्जरा वा, एवं सन्नं निवेसए ॥१८॥
 णत्थि किरिया अकिरिया वा, णोवं सन्नं निवेसए । अत्थि किरिया अकि-
 रिया वा, एवं सन्नं निवेसए ॥१९॥ णत्थि कोहे व माणो वा, णोवं सन्नं
 निवेसए । अत्थि कोहे व माणो वा, एवं सन्नं निवेसए ॥२०॥ णत्थि माया
 व लोभे वा, णोवं सन्नं निवेसए । अत्थि माया व लोभे वा, एवं सन्नं
 निवेसए ॥२१॥ णत्थि पेज्जे व दोसे वा, णोवं सन्नं निवेसए । अत्थि
 पेज्जे व दोसे वा, एवं सन्नं निवेसए ॥२२॥ णत्थि चाउरंते संसारे, णोवं
 सन्नं निवेसए । अत्थि चाउरंते संसारे, एवं सन्नं निवेसए ॥२३॥ णत्थि
 देवो व देवी वा, णोवं सन्नं निवेसए । अत्थि देवो व देवी वा, एवं सन्नं
 निवेसए ॥२४॥ णत्थि सिद्धी असिद्धी वा, णोवं सन्नं निवेसए । अत्थि

सिद्धी असिद्धी वा, एवं सन्नं निवेसए ॥२५॥ एत्थि सिद्धी नियं ठाणं,
 गोवं सन्नं निवेसए । अत्थि सिद्धी नियं ठाणं, एवं सन्नं निवेसए ॥२६॥
 एत्थि साहू असाहू वा, गोवं सन्नं निवेसए । अत्थि साहू असाहू वा, एवं
 सन्नं निवेसए ॥२७॥ एत्थि कल्लाण पावे वा, गोवं सन्नं निवेसए ।
 अत्थि कल्लाण पावे वा, एवं सन्नं निवेसए ॥२८॥ कल्लाणो पावए वावि,
 ववहारो ए विज्जइ । जं वेरं तं न जाणंति, समणा बाल पंडिया ॥२९॥
 असेसं अक्खयं वादि, सव्वदुक्खेति वा पुणो । वज्झा पाणा न वज्झत्ति,
 इति वायं न नीसरे ॥३०॥ दीसंति निभियप्पाणो (समियायारा), भिवखुणो
 साहुजीविणो । एए (तेवि) मिच्छोवजीवंति, इति दिट्ठिं न धारए ॥३१॥
 दक्खिणाए पडिलंभो, अत्थि वा एत्थि (अत्थि एत्थि त्ति) वा पुणो । ए
 वियागरेज्ज मेहावी, संतिमग्गं च वूहए ॥३२॥ इच्चेएहिं ठाणोहिं, जिणादि-
 टेठेहिं संजए । धारयंते उ अप्पाणं, आमोवखाए परिवएज्जासि ॥३३॥
 त्तिवेमि ॥

॥ इति पञ्चममध्ययनम् ॥२-५॥

॥ अथ षष्ठमार्द्रकीयाध्ययनम् ॥

पुराकडं अह ! इमं सुणोह, एगंतयारी समणो पुरासी । से
 भिवखुणो उवणोत्ता अणोणे, आइक्खतिरिंह पुढो विथरेणं ॥१॥
 साऽऽजीविया पट्टविताऽथिरेणं, सभागथो गणथो भिवखुमज्जे । आइ-
 क्खमाणो बहुजन्नमत्थं, न संधयाती अवरेण पुच्चं ॥२॥ एगंतमेवं अहुवा
 वि इरिंह, दोऽवराणमन्नं न समेति जग्हा । पुट्ठिं च इरिंह च अणागतं
 वा, एगंतमेवं पडिसंधयाति ॥३॥ समिच्च लोगं तसथावराणं, खेमंकरे
 समणो माहणो वा । आइक्खमाणोवि सहस्स मज्जे, एगंतयं सारयती तहऽच्चे
 ॥४॥ धम्मं कहंतस्स उ एत्थि दोसो, खंतस्स दंतस्स जित्तिदियरस ।

भासाय दोसे य विवज्जगस्स, गुणे य भासाय णिसेवगस्स ॥५॥ महव्वए
 पंच अणुव्वए य, तहेवं पंचासव संवरे य । विरतिं इहस्सामणियंमि
 पुराणे (पन्ने), लवावसक्की समणेत्तिवेमि ॥६॥ सीओदगं सेवउ बीयकायं,
 आहायकम्मं तह इत्थियाओ । एगंतचारिस्सिह अम्ह धम्मे, तवस्सिणो णाभि-
 समेति पावं ॥७॥ सीतोदगं वा तह बीयकायं, आहायकम्मं तह इत्थियाओ ।
 एयाइं जाणं पडिसेवमाणा, अगारिणो अस्समणा भवंति ॥८॥ सिया य
 बीओदग इत्थियाओ, पडिसेवमाणा समणा भवंतु । अगारिणोऽवी समणा
 भवंतु, सेवंति उ तेऽवि तहप्पगारं ॥९॥ जे यावि बीओदगभोति भिक्खु, भिक्खं
 विहं जायति जीवियट्ठी । ते णातिसंजोगमप्पविहाय, कायोवगा एंतकरा भवंति
 ॥१०॥ इमं वयं तु तुम पाउकुव्वं, पावाइणो गरिहसि सब्ब एव । पावाइणो पुढो
 किट्ठयंता, सयं सयं दिट्ठि करेति पाउ ॥११॥ ते अन्नमन्नस्स उ गरहमाणा,
 अक्खंति भो समणा माहणा य । सतो य अत्थी असतो य णत्थी,
 गरहामो दिट्ठि ण गरहामो किंचि ॥१२॥ ण किंचि रूवेणऽभिधारयामो,
 सदिट्ठिमगं तु करेमु पाउं । मग्गे इमे किट्ठिणं आरिण्हिं, अणुत्तरे सप्पुरि-
 सेहिं अंजू ॥१३॥ उड्ढं अहेयं तिरियं दिसासु, तसा य जे थावर जे य पाणा ।
 भूयाहिसंकाभि दुगुंछमाणा, णो गरहती बुसिमं किंचि लोए ॥१४॥
 आगंतगारे आरामगारे, समणे उ भीते ण उवेति वासं । दक्खा डु सती
 बहवे मणुस्सा, ऊणातिरित्ता य लवालवा य ॥१५॥ मेहाविणो सिविस्वय
 बुद्धिमंता, सुत्तेहि अत्थेहि य णिच्छयन्ना (णिच्छियन्नू) । पुच्छिसु मा णो
 अणुगार एगे (अन्ने), इति संकमाणो ण उवेति तत्थ ॥१६॥ णो कामकिच्चा
 ण य बालकिच्चा, रायाभिओगेण कुओ भएणं । वियागरेज्ज पसिणं नवावि,
 सकामकिच्चेण्हि आरियाणं ॥१७॥ गंता च तत्था अडुवा अगंता, विया-
 गरेज्जा समियाऽऽसुपन्ने । अणारिया दंसणओ परित्ता, इति संकमाणो ण उवेति
 तत्थ ॥१८॥ पन्नं जहा वणिए उदयट्ठी, आयस्स हेउं पगरेति संगं । तऊवमे

समणो नायपुत्ते, इच्चेव मे होति मती वियक्का ॥१६॥ नवं न कुज्जा विट्ठणो
पुराणां, चिच्चाऽमइं ताइ य साह एवं । एतोवया वंभवतित्ति बुत्ता, तस्सो-
दयट्ठी समणोत्तिवेमि ॥२०॥ समारभंते वणिया भूयगामं, परिग्गहं चैव ममा-
यमाणा । ते णानिसंजोगमविप्पहाय, आयस्स हेउं पगरंति संगं ॥२१॥
वित्तेसिणो मेहुणासंपगाढा, ते भोयणाट्ठा वणिया वयंति । वयं तु कामेसु
अज्भोववन्ना, अणारिया पेमरसेसु गिद्धा ॥२२॥ आरंभगं चैव परिग्गहं
च, अविउस्सिया णिस्सिय आयदंडा । तेसिं च से उदए जं वयासी, चउरं-
ताणंताय दुहाय णोह ॥२३॥ गोगंत णच्चंतिव थोदए सो, वयंति ते दो
विगुणोदयंमि । से उदए सातिमणंतपत्ते, तमुदयं साहयइ ताइ णाई ॥२४॥
अहिंसयं सब्बपयाणुकंपी, धम्मे ठियं कम्मविवेगहेउं । तमायदंडेहिं समायरंता,
अबोहीए ते पडिखुवमेयं ॥२५॥ पिन्नागपिंडीमवि विद्ध सूले, केइ पएज्जा
पुरिसे इमेत्ति । अलाउयं वावि कुमारएत्ति, स लिप्पती पाणिवहेणा अम्हं
॥२६॥ अहवावि विद्धूण मिलक्खु सूले, पिन्नागबुद्धीइ नरं पएज्जा । कुमा-
रगं वावि अलाउयंति, न लिप्पइ पाणिवहेणा अम्हं ॥२७॥ पुरिसं च
विद्धूण कुमारगं वा, सूलंमि केई पए जायतेए । पिन्नाय पिंडं सतिमारुहेत्ता,
बुद्धाण तं कप्पति पारणाए ॥२८॥ सिणायगाणं तु दुवे सहस्से, जे भोयए
णियए भिवखुयाणं । ते पुन्नखंधं सुमहं जिणित्ता, भवंति आरोप्य महंतमत्ता
॥२९॥ अजोगरूवं इह संजयाणं, पावं तु पाणाणा पसज्भ काउं । अबोहिए
दोराहवि तं असाहु, वयंति जे यावि पडिस्सुणंति ॥३०॥ उट्ठं अहेयं तिरियं
दिसासु, विन्नाय लिंगं तसथावराणं । भूयाभिसंकाइ दुगुंछमाणो, वदे करेज्जा
व कुत्थो विहस्सथी ? ॥३१॥ पुरिसेत्ति विन्नत्ति न एवमत्थि, अणारिए से
पुरिसे तहा हु । को संभवो ? पिन्नागपिंडियाए, वायावि एसा बुइया अमच्चा
॥३२॥ वायाभियोगेण जमावहेज्जा, णो तारिसं वायमुदाहरिज्जा । अट्ठा-
णमयं वयाणं गुणाणं, णो दिविस्वए ब्रय सुरालमेयं ॥३३॥ लच्छे अट्ठे अहो

एव तुब्धे, जीवाणुभागे सुविचिंति ए व । पुब्धं समुद्दं अवरं च पुट्ठे, उलो-
इए पाणितले ठिए वा ॥३४॥ जीवाणुभागं सुविचिंतयंता, आहारिया अन्न-
विहीय सोहिं । न विद्यागरे छन्नपत्रोपजीवि, एसोऽणुधम्मो इह संजयाणं
॥३५॥ सिणायगाणं तु दुवे सहस्से, जे भोयए नियए भिक्खुयाणं । असं-
जए लोहियपाणि से ऊ, णियच्छति गरिहमिहेव लोए ॥३६॥ थूलं उरब्धं
इह मारियाणं, उद्दिट्ठभत्तं च पगप्पएत्ता । तं लोणतेल्लेण उवक्खडेत्ता, सपि-
प्पलीयं पगरंति मंसं ॥३७॥ तं भुंजमाणा पिसितं पभूतं, णो उवल्लिप्पामो
वयं रएणं । इच्चेवमाहंसु अणुज्जधम्मा, अणारिया बाल रसेसु गिद्धा ॥३८॥
जे यावि भुंजंति तहप्पगारं, सेवंति ते पावमजाणमाणा । मणं न एयं
कुसला करेती, वायावि एसा बुइया उ मिच्छा ॥३९॥ सव्वेसिं जीवाण दय-
ट्टयाए, सावज्जदोसं परिवज्जयंता । तस्संकिणो इसिणो नायपुत्ता, उद्दिट्ठभत्तं
परिवज्जयंति ॥४०॥ भूयाभिसंकाएँ दुगुंछमाणा, सव्वेसिं पाणाण निहाय
दंडं । तम्हा ण भुंजंति तहप्पगारं, एसोऽणुधम्मो इह संजयाणं ॥४१॥ निग्गंथ-
धम्मंमि इमं समाहिं, अस्सि सुठिच्चा अणिहे चरेजा । बुद्धे मुणी सीलगुणो-
ववेए, अच्चत्थतं (त्रो) पाउणाती सिलोगं ॥४२॥ सिणायगाणं तु दुवे सहस्से,
जे भोयए णियए माहणाणं । ते पुन्नखंधे सुमहज्जणित्ता, भवंति देवा इति
वेयवात्रो ॥४३॥ सिणायगाणं तु दुवे सहस्से, जे भोयए णियए कुलाल-
याणं । से गच्छति लोलुवसंपगाढे, विव्वाभितावी णारगाभिसेवी ॥४४॥
दयावरं धम्म दुगुंछमाणा, वहावहं धम्म पसंसमाणा । एगंपि जे भोययती
असीलं, णिवो णिसं जाति कुत्रो सुरेहिं ? ॥४५॥ दुइत्रोवि धम्मंमि
समुट्ठियामो, अस्सि सुठिच्चा तह एसकालं । आयारसीले बुइएह नाणी, ण
संपंरायंमि विसेसमत्थि ॥४६॥ अक्खत्तखुवं पुरिसं महंतं, सणात्तणं अक्खय-
मव्वयं च । सव्वेसु भूतेसुवि सव्वतो से, चंदो व ताराहिं समत्तख्वे
॥४७॥ एवं ण मिज्जंति ण संसरंती, ण माहणा खत्तिय वेस पेसा ।

कीडा य पक्खी य सरीसिवा य, नरा य सव्वे तह देवलोगा ॥४८॥
 लोयं अयाणित्तिह केवलेणां, कहंति जे धम्ममजाणमाणा । णासंति अप्पाण
 परं च णट्ठा, संसार घोरंमि अणोरपारे ॥४९॥ लोयं विजाणंतिह केवलेणां,
 दुन्नेण नाणेण समाहिजुत्ता । धम्मं समत्तं च कहंति उ, तारंति अप्पाण परं
 च तिन्ना ॥५०॥ जे गरहियं णाणमिहावसंति, जे यावि लोए चरणोववेया ।
 उदाहडं तं तु समं मईए, अहाउसो विप्परियासमेव ॥५१॥ संवच्छरेणावि
 एगमेगं, बाणेण मारेउ महागयं तु । सेसाण जीवाण दयट्टयाए, वासं वयं
 वित्ति पक्कयामो ॥५२॥ संवच्छरेणावि य एगमेगं, पाणं हणांता अणियत्त-
 दोसा । सेसाण जीवाण वहेण लग्गा, सिया य थोवं गिहिणोऽवि तम्हा
 ॥५३॥ संवच्छरेणावि य एगमेगं, पाणं हणांता समणंव्वएसु । आयाहिए
 पुरिसे अणज्जे, ण तारिसे केवलिणो भवंति ॥५४॥ बुद्धस्स आणाएँ इमं
 समाहिं, अस्सि सुट्ठिच्चा तिविहेण ताई । तरिउं समुहं व महाभवेधं, आया-
 णवं धम्ममुदाहरेज्जा ॥५५॥ त्तिवेमि ॥

॥ इति षष्ठमध्ययनम् ॥ २-६ ॥

॥ अथ सप्तमं नालन्दीयाध्ययनम् ॥

तेणां कालेणां तेणां समएणां रायगिहे नामं नयरे होत्था, रिद्धिस्थिमित-
 समिद्धे वराणओ जाव पडिख्वे, तस्स णं रायगिहस्स नयरस्स बहिया उत्तर-
 पुरच्छिमे दिसीभाए, (एत्थ णं) नालंदानामं बाहिरिया होत्था, अणोगभवणा-
 सयसन्निविट्ठा जाव पडिख्वा ॥सू० ६८॥ तत्थ णं नालंदाए बाहिरियाए लेवे
 नामं गाहावई होत्था, अड्ढे दित्ते वित्ते विच्छिराणाविपुलभवणासयणासणा-
 जाणावाहणाइरणो बहुधणावहुजायरुवरजते आओगपओगसंपउत्ते विच्छड्डियं-
 पउरभत्तपाणे बहुदासी दासगोमहिसगवेलगप्पभूए बहुजणास्स अपरिभूए (जाव)
 यावि होत्था ॥ से णं लेवे नामं गाहावई समणोवासए यावि होत्था, अभि-

गयजीवाजीवे जाव विहरइ, निग्गंथे पावयणो निस्संकिए निक्कंखिए निव्वित्ति-
गिच्छे लद्धट्ठे गहियट्ठे पुच्छियट्ठे विणिच्छियट्ठे अभिगहियट्ठे अट्ठिमिजा-
पेमाणुरागरत्ते, अयमाउसो ! निग्गंथे पावयणो अयं अट्ठे अयं परमट्ठे सेसे
अणट्ठे, उस्सियफलिहे अण्णावयदुवारे चियत्तंतेउरप्पवेसे चाउहसट्ठमुद्धिट्ठपुराण-
मासिणीसु पडिपुन्नं पोसहं सम्मं अण्णुपालेमाणो समणो निग्गंथे तहाविहेणं एस-
णिज्जेणं असण्णपाणखाइमसाइमेणं पडिलाभेमाणो बहूहिं सीलव्वयगुणविरमण-
पच्चक्खाणपोसहोववासेहिं अण्णाणं भावेमाणो एवं च णं विहरइ ॥सू० ६१॥ तस्स
णं लेवस्स गाहावइस्स नालंदाए बाहिरियाए उत्तरपुरच्छिमे दिसिभाए एत्थ
णं सेसदविया नामं उदगसाला होत्था, अण्णोगखंभसयसन्निविट्ठा पासादीया
जाव पडिख्वा, तीसे णं सेसदवियाए उदगसालाए उत्तरपुरच्छिमे दिसिभाए,
एत्थ णं हत्थिजामे नामं वणसंडे होत्था, किराहे वण्णत्थो वणसंडस्स
॥सू० ७०॥ तेस्सिं च णं गिहपदेसंमि भगवं गोयमे विहरइ, भगवं च णं
अहे आरामंसि । अहे णं उदए पेढालपुत्ते भगवं पासावच्चिज्जे नियंठे
मेयज्जे गोत्तेणं जेणोव भगवं गोयमे तेणोव उवागच्छइ, उवागच्छइत्ता भगवं
गोयमं एवं वयासी-आउसंतो ! गोयमा अत्थि खलु मे केइ पदेसे पुच्छि-
यव्वे, तं च (मे) आउसो ! अहासुयं अहादरिसियं मे वियागरेहि सवायं,
भगवं गोयमे उदयं पेढालपुत्तं एवं वयासी-अवियाइ आउसो ! सोच्चा
निसम्म जाणिस्सामो सवायं, उदए पेढालपुत्ते भगवं गोयमं एवं वयासी
॥सू० ७१॥ आउसो ! गोयमा अत्थि खलु कुमारपुत्तिया नामं समण्णा
निग्गंथा तुम्हाणं पवयणं पवयमाणा गाहावइं समणोवासगं उव-
संपन्नं एवं पच्चक्खावेंति-ण्णाराणत्थं अभिओणं गाहावइचोरग्गहणविमो-
क्खाणयाए तसेहिं पाणोहिं णिहाय दंडं, एवं राहं पच्चक्खंताणं दुप्पच्चक्खायं
भवइ, एवं राहं पच्चक्खावेमाणाणं दुपच्चक्खावियव्वं भवइ, एवं ते परं पच्च-
क्खावेमाणा अतियरंति सयं पतिण्णं, कस्स णं तं हेउं ?, संसारिया खलु

पाणा थावरावि पाणा तप्तत्ताए पच्चायंति, तसावि पाणा थावरत्ताए पच्चा-
यंति, थावरकायात्रो विप्पमुच्चमाणा तसकायंसि उववज्जंति, तसकायात्रो
विप्पमुच्चमाणा थावरकायंसि उववज्जंति, तेसिं च णं थावरकायंसि उवव-
राणाणं ठाणमेयं घत्तं ॥सू० ७२॥ एवं रहं पच्चक्खंताणां सुपच्चक्खायं
भवइ, एवं रहं पच्चक्खावेमाणाणं सुपच्चक्खावियं भवइ, एवं ते परं
पच्चक्खावेमाणा णातियरंति सयं पइराणं, णराणत्थ अभिओगेणं गाहा-
वइचोरग्गहणाविमोक्खणायाए तसभूणहिं पाणोहिं णिहाय दंडं, एवमेव सइ
भामाए परक्कमे विज्जमाणे जे ते कोहा वा लोहा वा परं पच्चक्खावेति
अयंपि णो उवएसे णो णोआउए भवइ, अविआइं आउसो ! गोयमा !
तुब्भंपि एवं रोयइ ? ॥सू० ७३॥ सवायं भगवं गोयमे ! उदयं पेढालपुत्तं
एवं वयासी-आउसंतो ! उदगा नो खलु अग्हे एयं रोयइ, जे ते समणा
वा माहणा वा एवमाइक्खंति जाव परूवेति णो णलु ते समणा वा
णिग्गंथा वा भासं भामंति, अणुतावियं खलु ते भासं भासंति, अच्चाइक्खंति
खलु ते समणे समणोवासए वा, जेहिवि अन्नेहिं जीवेहिं पाणोहिं भूएहिं
सत्तेहिं संजमयंति ताणवि ते अच्चाइक्खंति, कस्स णं तं हेउं ?, संमारिया
खलु पाणा, तसावि पाणा थावरत्ताए पच्चायंति थावरावि पाणा तसत्ताए
पच्चायंति तप्तकायात्रो विप्पमुच्चमाणा थावरकायंसि उववज्जंति थावर-
कायात्रो विप्पमुच्चमाणा तसकायंसि उववज्जंति, तेसिं च णं तसकायंसि
उववन्नाणं ठाणमेयं अघत्तं ॥सू० ७४॥ सवायं उदए पेढालपुत्ते भगवं गोयमं
एवं वयासी-कयरे खलु ते आउसंतो गोयमा ! तुब्भे वयह तमा पाणा तसा
आउ अन्नहा ? सवायं भगवं गोयमे उदयं पेढालपुत्तं एवं वयासी-आउसंतो
उदगा ! जे तुब्भे वयह तप्तभूता पाणा, तसा ते वयं वयामो तसा पाणा,
जे वयं वयामो तमा पाणा ते तुब्भे वयह तप्तभूया पाणा, एए संति दुवे
ठाणा तुद्धा एगट्टा. किमाउमो ! इमे भे सुप्पणीयतराए भवइ तप्तभूया पाणा

तसा, इमे भे दुष्पणीयतराए भवइ-तसा पाणा तसा, ततो एगमा-
उसो ! पडिकोसह एककं अभिणंदह, अयंपि भेदो से णो णोआउए
भवइ १ ॥ भगवं च णं उदाहु-संतैगइया मणुस्सा भवन्ति, तेसिं च
णं एवं वुत्तपुब्बं भवइ-णो खलु वयं संचाएमो सुंडा भवित्ता अगाराओ
अणगारियं पव्वइत्तए, सांवयं गहं अणुपुब्बेणं गुत्तस्स लिसिस्सामो, ते
एवं संखंति ते एवं संखं ठवयंति ते एवं संखं ठवयंति नन्नत्थ अभि-
ओएणं गाहावइचोरगहणविमोक्खणयाए तसेहिं पाणोहिं निहाय दंडं,
तंपि तेसिं कुसलमेव भवइ २ ॥सू० ७५॥ तसावि वुच्चंति तसा तससंभार-
कडेणं कम्मुणा णामं च णं अब्भुवगयं भवइ, तसाउयं च णं पलिक्खीणं
भवइ, तसकायट्ठिइया ते तओ आउयं विप्पजहंति, ते तओ आउयं विप्प-
जहित्ता थावरत्ताए पच्चायंति १ । थावरावि वुच्चंति थावरा थावरसंभार-
कडेणं कम्मुणा णामं च णं अब्भुवगयं भवइ, थावराउयं च णं पलिक्खीणं
भवइ, थावरकायट्ठिइया ते तओ आउयं विप्पजहंति तओ आउयं विप्प-
जहित्ता भुज्जो परलोइयत्ताए पच्चायंति, ते पाणावि वुच्चंति, ते तसावि
वुच्चंति ते महाकाया ते चिरट्ठिइया २ ॥सूत्रं ७६॥ सवायं उदए पेदालपुत्ते
भयवं गोयमं एवं वयासी-आउसंतो गोयमा ! णत्थि णं से केइ परियाए
जराणं समणोवासगस्स एगपाणातिवायविरएवि दंडे निक्खित्ते, कस्स णं तं
हेउं ?, संसारिया खलु पाणा, थावरावि पाणा तसत्ताए पच्चायंति, तसावि
पाणा थावरत्ताए पच्चायंति, थावरकायाओ विप्पमुच्चमाणा सव्वे तमकायंसि
उववज्जंति, तसकायाओ विप्पमुच्चमाणा सव्वे थावरकायंसि उववज्जंति,
तेसिं च णं थावरकायंसि उववन्नाणं ठाणमेयं घत्तं ॥१॥ सवायं भगवं गोयमे
उदयं पेदालपुत्तं एवं वयासी-णो खलु आउसो ! अस्माकं वत्तव्वएणं तुब्भं
चेव अणुप्पवादेरां अत्थि णं से परियाए जे णं समणोवासगस्स सव्वपाणोहिं
सव्वभूएहि मव्वजीवेहिं सव्वमत्तेहि दंडे निक्खित्ते भवइ, कस्स णं तं हेउं ?,

संसारिया खलु पाणा, तसावि पाणा थावरत्ताए पचायंति, थावरावि पाणा तसत्ताए पचायंति, तसकायात्रो विप्पमुच्चमाणा सव्वे थावरकायंसि उववज्जंति, थावरकायात्रो विप्पमुच्चमाणा सव्वे तसकायंसि उववज्जंति, तेसिं च गां तसकायंसि उववन्नाणां ठाणमेयं अघत्तं, ते पाणावि बुच्चति, ते तसावि बुच्चंति, ते महाकाया ते चिरट्ठिइया, ते बहुयरगा पाणा जेहिं समणोवासगस्स सुपच्चक्खायं भवति, ते अप्पयरागा पाणा जेहिं समणोवासगस्स अपच्चक्खायं भवइ, से महया तसकायात्रो उवसंतस्स उवट्ठियस्स पडिविरयस्स जन्नं तुब्भे वा अन्नो वा एवं वदह-णात्थि गां से केइ परियाए जंसि समणोवासगस्स एगपाणाएवि दंडे णिक्खित्ते, अयंपि भेदे से णो गोयाउए भवइ २॥ सूत्रं ७७॥ भगवं च गां उदाहु नियंठा खलु पुच्छियव्वा-आउसंतो ! नियंठा इह खलु संतेगइया मणुस्सा भवंति, तेसिं च एवं बुत्तपुव्वं भवइ-जे इमे मुंडे भवित्ता आगारात्रो अणगारियं पव्वइए, एमिं च गां आमराणांताए दंडे णिक्खित्ते, जे इमे अगारमावसंति एएसिं गां आमराणांताए दंडे णो णिक्खित्ते, केई च गां समणा जाव वासाइं चउपंचमाइं छट्ठइसमाइं अप्पयरो वा भुज्जयरो वा देसं दूईजित्ता अगारमावसेज्जा ?, हंतावसेज्जा, तस्स गां तं गारत्थं वहमाणस्स से पच्चक्खाणो भंगे भवइ ?, णो तिणट्ठे समट्ठे, एवमेव समणोवासगस्सवि तसेहिं पाणोहिं दंडे णिक्खित्ते, थावरेहिं पाणोहिं दंडे णो णिक्खित्ते, तस्स गां तं थावरकायं वहमाणस्म से पच्चक्खाणो णो भंगे भवइ, से एवमायाणाह ? णियंठा !, एवमायाणियव्वं १॥ भगवं च गां उदाहु नियंठा खलु पुच्छियव्वा-आउसंतो नियंठा ! इह खलु गाहावई वा गाहावइपुत्तो वा तहप्पगारेहिं कुत्तेहि आगम्म धम्मं सवणावत्तियं उवसंकमेज्जा ?, हंता उवसंकमेज्जा, तेसिं च गां तहप्पगाराणां धम्मं आइक्खियव्वे ?, हंता आइक्खियव्वे, किं ते तहप्पगारं धम्मं सोच्चा णिमम्म एवं वएज्जा-इणा-मेव निग्गंथं पावयणां सव्वं अणुत्तरं केवलियं पडिपुाणां संसुद्धं गोयाउयं

सल्लकत्तणं सिद्धिमग्गं मुत्तिमग्गं निज्जाणमग्गं निव्वाणमग्गं अविहमसंदिद्धं
 सब्बदुक्खप्पहीणमग्गं, एत्थं ठिया जीवा सिज्झंति बुज्झंति मुच्चंति परिणि-
 व्वायंति सब्बदुक्खाणमंतं करेति, तमाणाए तहा गच्छामो तहा चिद्धामो तहा
 णिसियामो तहा तुयद्धामो तहा भुंजामो तहा भासामो तहा अब्भुद्धामो तहा
 उट्ठाए उट्ठेमोत्ति पाणाणं भूयाणं जीवाणं सत्ताणं संजमेणं संजमामोत्ति
 वएज्जा ?, हंता वएज्जा, किं ते तहप्पगारा कप्पंति, पव्वावित्तए ?, हंता
 कप्पंति, किं ते तहप्पगारा कप्पंति मुंडावित्तए ?, हंता कप्पंति, किं ते तहप्प-
 गारा कप्पंति सिक्खावित्तए ? हंता कप्पंति, किं ते तहप्पगारा कप्पंति उव-
 ट्ठावित्तए ?, हंता कप्पंति, तेसिं च णं तहप्पगाराणं सब्बपाणेहि जाव सब्ब-
 सत्तेहिं दंडे णिक्खित्ते ?, हंता निक्खित्ते, से णं एयारूवेणं विहारेणं विह-
 रमाणा जाव वासाइं चउपंचमाइं छट्ठइसमाइं वा अप्पयरो वा भुज्जयरो वा
 देसं दूइज्जेत्ता अगारं वएज्जा ?, हंता वएज्जा, तस्स णं सब्बपाणेहिं जाव
 सब्बसत्तेहिं दंडे णिक्खित्ते ?, णो इणाट्ठे समट्ठे, से जे से जीवे जस्स परेणं
 सब्बपाणेहिं जाव सब्बसत्तेहिं दंडे णो णिक्खित्ते, से जे से जीवे जस्स
 आरेणं सब्बपाणेहिं जाव सत्तेहिं दंडे णिक्खित्ते, से जे से जीवे जस्स
 इयाणि सब्बपाणेहिं जाव सत्तेहिं दंडे णो णिक्खित्ते भवइ, परेणं असंजए
 आरेणं संजए, इयाणि असंजए, असंजप्पस्स णं सब्बपाणेहिं जाव सत्तेहिं
 दंडे णो णिक्खित्ते भवइ, से एवमायाणाह ? णियंठ !, से एवमायाणियव्वं
 २॥ भगवं च णं उदाहु णियंठ खलु पुच्छियव्वा-आउसंतो ! नियंठ इह
 खलु परिव्वाइया वा परिव्वाइयाथो वा अन्नपरेहितो नित्थाययणेहितो
 आगम्म धम्मं सवणावत्तियं उवसंकमेज्जा ? हंता उवसंकमेज्जा, किं तेसिं
 तहप्पगारेणं धम्मे आइक्खियव्वे ?, हंता आइक्खियव्वे, तं चेव उवट्ठावित्तए
 जाव कप्पंति ? हंता कप्पंति, किं ते तहप्पगारा कप्पंति संभुंजित्तए ? हंता
 कप्पंति, तेणं एयारूवेणं विहारेणं विहरमाणा तं चेव जाव अगारं वएज्जा ?,

हंता वएजा, ते शां तहप्पगारा कप्पंति संभुजित्तए ? , णो इणाट्ठे समट्ठे, से जे से जीवे जे परेणं नो कप्पंति संभुजित्तए, से जे से जीवे आरेणं कप्पंति संभुजित्तए, से जे से जीवे जे इयाणीं णो कप्पंति संभुजित्तए, परेणं अस्समणे आरेणं समणे, इयाणिं अस्समणे, अस्समणेणं सद्धिं णो कप्पंति समणाणं निग्गंथाणं संभुजित्तए, से एवमायाणाह ? णियंठा !, से एवमायाणियव्वं ३॥ सूत्रं ७८ ॥ भगवं च शां उदाहु संतेगइया समणोवासगा भवंति, तेसिं च शां एवं वुत्तपुव्वं भवइ-णो खलु वयं संचाएमो मुंडा भवित्ता अगाराओ अणागारियं पव्वइत्तए, वयं शां चाउइसट्ठमुद्धिट्ठपुराणमासिणीसु पडिपुराणं पोसहं सम्मं अणुपालेमाणा विहरिस्सामो, थूलगं पाणाइवायं पच्चक्खाइस्सामो, एवं थूलगं मुसावायं थूलगं अदिन्नादाणं थूलगं मेहुणं थूलगं परिग्गहं पच्चक्खाइस्सामो, इच्छापरिमाणं करिस्सामो, दुविहं तिविहेरां, मां खलु ममट्ठाए किंचि करेह वा करावेह वा तत्थवि पच्चक्खाइस्सामो, ते शां अभोच्चा अपिच्चा असिणाइत्ता आसंदीपेदीयाओ पच्चाइत्ता, ते तहा कालगया कि वत्तव्वं सिया-सम्मं कालगत्तत्ति ? , वत्तव्वं सिया, ते पाणावि वुच्चंति ते तसावि वुच्चंति ते महाकाया ते चिरट्ठिइया, ते बहुतरगा पाणा जेहिं समणोवासगस्स सुपच्चक्खायं भवइ, ते अप्पयरागा पाणा जेहिं समणोवासगस्स अपच्चक्खायं भवइ, इति से महयाओ जराणं लुब्भे वयह तं चेव जाव अयंपि भेदे से णो णोयाउए भवइ १॥ भगवं च शां उदाहु संतेगइया समणोवासगा भवंति, तेसिं च शां एवं वुत्तपुव्वं भवइ, णो खलु वयं संचाएमो मुंडा भवित्ता अगाराओ जाव पव्वइत्तए, णो खलु वयं संचाएमो चाउइसट्ठमुद्धिट्ठपुराणमासिणीसु जाव अणुपालेमाणा विहरित्तए, वयं शां अपच्छिममारणंतियं संलेहणाजूसणाजूसिया भत्तपाणं पडियाइक्खिया जाव कालं अणवकंखमाणा विहरिस्सामो, सव्वं पाणाइवायं पच्चक्खाइस्सामो जाव सव्वं परिग्गहं पच्चक्खाइस्सामो तिविहं तिविहेरां, मा खलु ममट्ठाए किंचिवि

जाव आसंदीपेढियात्रो पच्चोरुहित्ता एते तहा कालगया, किं वत्तव्वं सिया-
संमं कालगयत्ति ?, वत्तव्वं मिया, ते पाणावि बुच्चंति जाव अयंपि भेदे
से णो गोयाउए भवइ २॥ भगवं च रां उदाहु संतेगइया मणुस्सा भवंति,
तंजहा-महइच्छा महारंभा महापरिग्गहा अहम्मिया जाव दुप्पडियारांदा
जाव सव्वात्रो परिग्गहात्रो अप्पडिविरया जावजीवाए, जेहिं समणोवा-
सगस्स आयाणसो आमरणांताए दंडे णिविखत्ते, ते ततो आउगं विप्पजहंति,
ततो भुज्जो सगमादाए दुग्गइगामिणो भवंति, ते पाणावि बुच्चंति ते
तसावि बुच्चंति ते महाकाया ते चिराट्टिइया ते बहुयरगा आयाणसो, इति से
महयात्रो रां जराणां तुब्भे वदह तं चैव अयंपि भेदे से णो गोयाउए भवइ
३॥ भगवं च रां उदाहु संतेगइया मणुस्सा भवंति, तंजहा-अणारंभा अफ-
रिग्गहा धम्मिया धम्माणया जाव सव्वात्रो परिग्गहात्रो पडिविरया जाव-
जीवाए, जेहिं समणोवासगस्स आयाणसो आमरणांताए दंडे णिविखत्ते ते
तत्रो आउगं विप्पजहंति ते तत्रो भुज्जो सगमादाए सोग्गइगामिणो भवंति,
ते पाणावि बुच्चंति जाव णो गोयाउए भवइ ४॥ भगवं च रां उदाहु संतेग-
इया मणुस्सा भवंति, तंजहा-अप्पेच्छा अप्पारंभा अप्पपरिग्गहा धम्मिया
धम्माणया जाव एगच्चात्रो परिग्गहात्रो अप्पडिविरया, जेहिं समणोवासगस्स
आयाणसो आमरणांताए दंडे णिविखत्ते, ते तत्रो आउगं विप्पजहंति, ततो
भुज्जो सगमादाए सोग्गइगामिणो भवंति, ते पाणावि बुच्चंति जाव णो गोयाउए
भवइ ५॥ भगवं च रां उदाहु संतेगइया मणुस्सा भवंति, तंजहा-आरणिणया
आवसहिया गामणियंतिया कराहुई रहस्सिया, जेहिं समणोवासगस्स आया-
णसो आमरणांताए दंडे णिविखत्ते भवइ, णो बहुसंजया णो बहुपडिविरया
पाणभूयजीवसत्तेहिं, अप्पणा सच्चामोसाइं एवं एवं विउंजंति (विप्पडिवेदंति)
अहं ण हंतव्वो अन्ने हंतव्वा, जाव कालमासे कालं किच्चा अन्नयराइं
आसुरियाइं किंविस्सियाइं जाव उववत्तारो भवंति, तत्रो विष्णुमुच्चमाणा

भुजो एलमुयत्ताए तमोख्वत्ताए पचायंति, ते पाणावि बुच्चंति जाव णो
 शोयाउए भवइ ६॥ भगवं च णां उदाहु संतेगइया पाणा दीहाउया जेहि
 समणोवासगस्स आयाणसो आमरणांताए जाव दंडे णिक्खित्ते भवइ, ते
 पुव्वामेव कालं करेति, करित्ता पारलोइयत्ताए पचायंति, ते पाणावि
 बुच्चंति ते तमावि बुच्चंति ते महाकाया ते चिरट्टिइया ते दीहाउया ते बहु-
 यरगा, जेहिं समणोवासगस्स सुपच्चक्खायं भवइ, जाव णो शोयाउए भवइ७॥
 भगवं च णां उदाहु संतेगइया पाणा समाउया जेहिं समणोवासगस्स आया-
 णसो आमरणांताए जाव दंडे णिक्खित्ते भवइ, ते मयंमेव कालं करेति
 करित्ता पारलोइयत्ताए पचायंति, ते पाणावि बुच्चंति तमावि बुच्चंति ते
 महाकाया ते समाउया ते बहुयरगा जेहिं समणोवासगस्स सुपच्चक्खायं
 भवइ, जाव णो शोयाउए भवइ ८॥ भगवं च णां उदाहु संतेगइया पाणा
 अप्पाउया, जेहिं समणोवासगस्स आयाणसो आमरणांताए जाव दंडे
 णिक्खित्ते भवइ, ते पुव्वामेव कालं करेति करित्ता पारलोइयत्ताए पचायंति,
 ते पाणावि बुच्चंति ते तमावि बुच्चंति ते महाकाया ते अप्पाउया ते बहु-
 यरगा पाणा, जेहिं समणोवासगस्स सुपच्चक्खायं भवइ, जाव णो शोयाउए
 भवइ ९॥ भगवं च णां उदाहु संतेगइया समणोवासगा भवंति, तेसिं च णां
 एवं बुत्तपुवं भवइ-णो खलु वयं संचाएमो मुंडे भवित्ता जाव पव्वइत्ताए,
 णो खलु वयं संचाएमो चाउइसट्टमुद्धिट्टुपुण्णामासिणीसु पडियुराणां पोसहं
 अणुपालित्ताए, णो खलु वयं संचाएमो अपच्छिमं जाव विहरित्ताए, वयं च
 णां सामाइयं देसावगासियं पुरत्था पाईणां वा पडिणां वा दाहिणां वा उदीणां
 वा एतावता जाव सव्वपाणोहिं जाव सव्वसत्तेहिं दंडे णिक्खित्ते सव्वपाणभू-
 यजीवसत्तेहिं खेमंकरे अहमंसि, तत्थ आरेणां जे तसा पाणा जेहिं समणो-
 वासगस्स आयाणसो आमरणांताए दंडे णिक्खित्ते, तत्रो आउं विप्पजहंति
 विप्पजहित्ता तत्थ आरेणां चैव जे तसा पाणा जेहिं समणोवासगस्स

आयाणसो जाव तेसु पच्चायंति, जेहिं समणोवासगस्स सुपच्चक्खायं भवइ, ते पाणावि जाव अयंपि भेदे से णो गोयाउए भवइ १० । सूत्रं ७१॥ तत्थ आरेणं जे तसा पाणा जेहिं समणोवासगस्स आयाणसो आमरणांताए दंडे णिक्खित्ते ते तत्रो आउं विप्पजहंति विप्पजहिता तत्थ आरेणं चैव जाव थावरा पाणा जेहिं समणोवासगस्स अट्टाए दंडे अणिक्खित्ते अणट्टाए दंडे णिक्खित्ते तेसु पच्चायंति, तेहिं समणोवासगस्स अट्टाए दंडे अणिक्खित्ते अणट्टाए दंडे णिक्खित्ते ते पाणावि बुच्चंति ते तसा ते चिरट्टिइया जाव अयंपि भेदे से णो गोयाउए भवइ १ ॥ तत्थ जे आरेणं तसा पाणा जेहिं समणोवासगस्स आयाणसो आमरणांताए दंडे निक्खित्ते तत्रो आउं विप्पजहंति विप्पजहिता तत्थ परेणं जे तसा थावरा पाणा जेहिं समणोवासगस्स आयाणसो आमरणांताए दंडे निक्खित्ते ते जाव तेसु पच्चायंति, तेहिं समणोवासगस्स सुपच्चक्खायं भवइ, ते पाणावि जाव अयंपि भेदे से णो गोयाउए भवइ २ ॥ तत्थ जे आरेणं थावरा पाणा जेहिं समणोवासगस्स अट्टाए दंडे अणिक्खित्ते अणट्टाए निक्खित्ते ते तत्रो आउं विप्पजहंति विप्पजहिता तत्थ आरेणं चैव जे तसा पाणा जेहिं समणोवासगस्स आयाणसो आमरणांताए जाव तेसु पच्चायंति तेसु समणोवासगस्स सुपच्चक्खायं भवइ, ते पाणावि जाव अयंपि भेदे से णो गोयाउए भवइ ३ ॥ तत्थ जे ते आरेणं जे थावरा पाणा जेहिं समणोवासगस्स अट्टाए दंडे अणिक्खित्ते अणट्टाए णिक्खित्ते, ते तत्रो आउं विप्पजहंति विप्पजहिता ते तत्थ आरेणं चैव जे थावरा पाणा जेहिं समणोवासगस्स अट्टाए दंडे अणिक्खित्ते अणट्टाए णिक्खित्ते तेसु पच्चायंति, तेहिं समणोवासगस्स अट्टाए अणट्टाए ते पाणावि जाव अयंपि भेदे से णो गोयाउए भवइ ४॥ तत्थ जे ते आरेणं थावरा पाणा जेहिं समणोवासगस्स अट्टाए दंडे अणिक्खित्ते अणट्टाए णिक्खित्ते तत्रो आउं विप्पजहंति विप्पजहिता तत्थ परेणं जे तसथावरा पाणा जेहिं समणोवासगस्स

आयाणसो आमरणांताए जाव तेसु पञ्चायंति तेहिं समणोवासगस्स सुपच्च-
 क्खायं भवइ, ते पाणावि जाव अयंपि भेदे से णो णोयाउए भवइ ५॥ तत्थ
 जे ते परेणं तसथावरा पाणा जेहिं समणोवासगस्स आयाणसो आमरणांताए
 जाव ते तथो आउं विप्पजहति विप्पजहिंत्ता तत्थ आरेणं जे तसा पाणा जेहिं
 समणोवासगस्स आयाणसो आमरणांताए जाव तेसु पञ्चायंति, तेहिं समणो-
 दासगस्स सुपच्चक्खायं भवइ, ते पाणावि जाव अयंपि भेदे से णो णोयाउए भवइ
 ६ ॥ तत्थ जे ते परेणं तसथावरा पाणा जेहिं समणोवासगस्स आयाणसो आम-
 रणांताए जाव ते तथो आउं विप्पजहंति विप्पजहिंत्ता तत्थ आरेणं जे थावरा
 पाणा जेहिं समणोवासगस्स अट्टाए दंडं अणिक्खित्ते अणट्टाए णिविखत्ते
 तेसु पञ्चायंति, जेहिं समणोवासगस्स अट्टाए अणिक्खित्ते अणट्टाए
 णिविखत्ते जाव ते पाणावि जाव अयंपि भेदे से णो णोयाउए भवइ ७ ॥
 तत्थ ते परेणं तसथावरा पाणा जेहिं समणोवासगस्स आयाणसो आमर-
 णांताए जाव ते तथो आउं विप्पजहंति विप्पजहिंत्ता ते तत्थ परेणं चैव जे
 तसथावरा पाणा जेहिं समणोवासगस्स आयाणसो आमरणांताए जाव तेसु पञ्चा-
 यंति, जेहिं समणोवासगस्स सुपच्चक्खायं भवइ, ते पाणावि जाव अयंपि भेदे से
 णो णोयाउए भवइ = ॥ भगवं च णं उदाहु णं एतं भूयं ण एतं भव्वं ण एतं
 भविस्संति जराणं तसा पाणा वोच्छिज्जिहिंति थावरा पाणा भविस्संति, थावरा
 पाणावि वोच्छिज्जिहिंति तसा पाणा भविस्संति, अवोच्छिज्जिहिं तसथावरेहि
 पाणेहि जराणं तुव्भे वा अन्नो वा एवं वदह-णत्थि णं से केइ
 परियाए जाव णो णोयाउए भवइ ८ ॥ सूत्रं ८० ॥ भगवं च णं उदाहु
 आउसंतो ! उदगा जे खलु समणं वा माहणं वा परिभासेइ मित्ति मन्नंति
 आगमित्ता णाणं आगमित्ता दंसणं आगमित्ता चरित्तं पावाणं कम्माणं
 अकरणायाए से खलु परलोगपलिमंथत्ताए चिट्ठइ, जे खलु समणं वा माहणं
 वा णो परिभासेइ मित्ति मन्नंति आगमित्ता णाणं आगमित्ता दंसणं

आगमिन्ना चरित्तं पावाणां कम्माणां अकरणायाए से खलु परलोगविमुद्धीए विट्ठइ, तए णां से उदए पेढालपुत्ते भगवं गोयमं अणादायमाणे जामेव दिमिं पाउम्भूते तामेव दिमिं पहारेत्थ गमणाए १ ॥ भगवं च णां उदाहु आउसंतो उदगा ! जे खलु तहाभूतस्स समाणस्स वा माहाणस्स वा अंतिए एगमवि आरियं धम्मियं सुवयणां सोच्चा निसम्म अप्पणो चैव सुहुमाए पडिलेहाए अणुत्तरं जोगखेमपयं लंभिए समाणे सोवि ताव तं आदाइ परिजाणोति वंदति नमंसति सक्कारेइ संमाणेइ जाव कल्लाणां मंगजं देवयं चेइयं पज्जुवासति २ ॥ तए णां से उदए पेढालपुत्ते भगवं गोयमं एवं वयासी-एतेसि णां भंते ! पदाणां पुब्बिं अन्नाणायाए असवणायाए अबोहिए अणाभिगमेणां अदिट्ठाणां असुयाणां अमुयाणां अविन्नाथाणां अव्वोगडाणां अण्णिवूढाणां अविच्छिन्नाणां अण्णिसिट्ठाणां अण्णिवूढाणां अणुवहारियाणां एयमट्ठं णो सहहियं णो पत्तियं णो रोइयं, एतेसि णां भंते ! पदाणां एरिंह जाणायाए सवणायाए बोहिए जाव उवहारणायाए एयमट्ठं सहहामि पत्तियामि रोएमि एवमेव से जहेयं तुब्भे वदह ३ ॥ तए णां भगवं गोयमे उदयं पेढालपुत्तं एवं वयासी-सह हाहि णां अज्जो ! पत्तियाहि णां अज्जो ! रोएहि णां अज्जो ! एवमेयं जह णां अम्हे वयामो, तए णां से उदए पेढालपुत्ते भगवं गोयमं एवं वयासी-इच्छामि णां भंते ! तुब्भं अंतिए चाउज्जामाअो धम्माअो पंचमहव्वइयं सपडिक्कमर धम्मं उवसंपज्जित्ताणां विहरित्तए ४ ॥ तए णां से भगवं गोयमे उदयं पेढालपु गहाय जेणोव समाणे भगवं महावीरे तेणोव उवागच्छइ, उवागच्छइर तए णां से उदए पेढालपुत्ते समाणां भगवं महावीरं तिक्खुत्तो आयाहिय पयाहिरां करेइ, तिक्खुत्तो आयाहिरां पयाहिरां करित्ता वंदइ नमंसति, वंत्ता नमंसित्ता एवं वयासी-इच्छामि णां भंते ! तुब्भं अंतिए चाउज्जामाअ धम्माअो पंचमहव्वइयं सपडिक्कमरां धम्मं उवसंपज्जित्ता णां विहरित्त ५ ॥ तए णां समाणे भगवं महावीरे उदयं एवं वयासी-अहासुहं देवा

प्रिया ! मा पडिबन्धं करेहि, तए सां से उदए पेढालपुत्ते समणस्स भगवत्थो
 महावीरस्स अंतिए चाउज्जामात्थो धम्मात्थो पंचमहव्वइयं सपडिक्कमसां धम्मं
 उयसंपज्जित्ता सां विहारइ त्तिवेमि ६ ॥ सूत्रं ८१ ॥ इति नालंदइज्जं सुत्तमं
 अञ्जयसां ममत्तं । इति सूयगडांगवी वसुयक्खंधो समत्तो ॥ त्रंथाग्रं ० २१०० ॥

। इति सप्तममध्ययनम् ॥२७॥ इति द्वितीयः श्रुतस्कन्धः ॥२॥

इति द्वितीयं सूत्रकृताङ्गम् ॥२॥



॥ १ ॥ अर्धमः ॥ १ ॥ अर्धमः ॥ १ ॥ अर्धमः ॥ १ ॥

॥ १ ॥ गणधरदेव श्रीमत्सुधर्मस्वामिनिर्मितम् ॥ १ ॥

॥ श्रीमत्स्थानाङ्गसूत्रम् ॥

॥ १ ॥ अथ प्रथममेकस्थानाख्यसुधर्मसूत्रम् ॥ १ ॥

॥ सुये मे आउसे ॥ तेषां भगवता एवमववाये ॥ सू० १ ॥ एगे आयां

॥ सू० २ ॥ एगे दंडे ॥ सू० ३ ॥ एगा किरिया ॥ सू० ४ ॥ एगे लोए

॥ सू० ५ ॥ एगे अलीए ॥ सू० ६ ॥ एगे धम्मे ॥ सू० ७ ॥ एगे अधम्मे

॥ सू० ८ ॥ एगे वेधे ॥ सू० ९ ॥ एगे मोक्खे ॥ सू० १० ॥ एगे पुराणे

॥ सू० ११ ॥ एगे पावे ॥ सू० १२ ॥ एगे आसवे ॥ सू० १३ ॥ एगे संवरे

॥ सू० १४ ॥ एगा वेयणा ॥ सू० १५ ॥ एगा निजरा ॥ सू० १६ ॥ ॥ १ ॥

एगे जीवे पाण्डिकेणां (पाण्डिकवणां) सरीरणां ॥ सू० १७ ॥ एगा जीवाणां

अपरिआइत्तां विगुव्वणां ॥ सू० १८ ॥ एगे मणे ॥ सू० १९ ॥ एगा वई

॥ सू० २० ॥ एगे कायवायामे ॥ सू० २१ ॥ एगा उप्पा ॥ सू० २२ ॥ एगा

वियती ॥ सू० २३ ॥ एगा वियवा ॥ सू० २४ ॥ एगा गती ॥ सू० २५ ॥

एगा आगती ॥ सू० २६ ॥ एगे वयणा ॥ सू० २७ ॥ एगे उववाए ॥ सू० २८ ॥

एगा तक्का ॥ सू० २९ ॥ एगा सन्ना ॥ सू० ३० ॥ एगा मन्ना ॥ सू० ३१ ॥

एगा विन्नु ॥ सू० ३२ ॥ एगा वेयणा ॥ सू० ३३ ॥ एगा छेयणां

॥ सू० ३४ ॥ एगा मेयणा ॥ सू० ३५ ॥ एगे मरेणां अतिमसारीरियाणां

॥ सू० ३६ ॥ एगे संसुद्धे अहाभूए पत्ते ॥ सू० ३७ ॥ एगे (गे) दुक्खे (एगे

हव्वे) जीवाणां (एगे) भूए ॥ सू० ३८ ॥ एगा अहम्मपडिमा जं से

(जंसे) आयां पडिक्खिलेसति ॥ सू० ३९ ॥ एगा धम्मपडिमा जं से आया-

पज्जवजाए ॥ सू० ४० ॥ एगे मणे देवासुरमाणुयाणां तसि तसि समयंसि एगा-
वई ॥ एगे कायवायामे ॥ सू० ४१ ॥ एगे उट्टाणां कम्मदलवारियहुकारव-

क्रमे देवासुरमणुयाणां तंसि २ समयंसि ॥सू० ४२॥ एगे नाणे, एगे दंसणे, एगे
 चरित्ते ॥सू० ४३॥ एगे समए ॥सू० ४४॥ एगे पएसे एगे परमाणू ॥सू० ४५॥
 एगा सिद्धी । एगे सिद्धे । एगे परिनिव्वारणे । एगे परिनिव्वुए ॥सू० ४६॥
 एगे सहे । एगे रूवे । एगे गंधे । एगे रसे । एगे फासे । एगे सुव्विभसहे । एगे
 दुव्विभसहे । एगे सुरूवे । एगे दुरूवे । एगे दीहे । एगे हस्से (रहस्से) । एगे
 वटटे । एगे तंसे । एगे चउरंसे । एगे पिहुले । एगे परिमंडले । एगे किराहे ।
 एगे णीले । एगे लोहिए । एगे हलिहे । एगे सुक्किले । एगे सुव्विभगंधे । एगे
 दुव्विभगंधे । एगे तित्ते । एगे कडुए । एगे कसाए । एगे अंबिले । एगे महुरे । एगे
 कक्खडे जाव लुक्खे ॥सू० ४७॥ एगे पाणातिवाए जाव एगे परिग्गहे ।
 एगे कोधे जाव लोभे । एगे पेज्जे एगे दोसे जाव एगे परपरिवाए । एगा
 अरतिरती । एगे मायामोसे । एगे मिच्छेदंसणासल्ले ॥सू० ४८॥ एगे
 पाणाइवायवेरमणे जाव परिग्गहवेरमणे । एगे कोहविवेगे जाव मिच्छा-
 दंसणासल्लविवेगे ॥सू० ४९॥ एगा असप्पिणी । एगा सुसमसुसमा जाव एगा
 दुसमदुसमा । एगा उस्सप्पिणी एगा दुस्समदुस्समा जाव एगा सुसमसुसमा ।
 ॥सू० ५०॥ एगा नेरइयाणां वग्गणा एगा असुरकुमारणां वग्गणा चउवीस-
 दंडओ जाव वेमाणियाणां वग्गणा । एगा भवसिद्धीयाणां वग्गणा एगा
 अभवसिद्धीयाणां वग्गणा एगा भवसिद्धिनेरइयाणां वग्गणा एगा अभवसि-
 द्धियाणां शोरतियाणां वग्गणा, एवं जाव एगा भवसिद्धियाणां वेमाणियाणां
 वग्गणा । एगा अभवसिद्धियाणां वेमाणियाणां वग्गणा । एगा सम्म-
 हिट्ठियाणां वग्गणा एगा मिच्छहिट्ठियाणां वग्गणा एगा सम्मामिच्छ-
 हिट्ठियाणां वग्गणा । एगा सम्महिट्ठियाणां शोरइयाणां वग्गणा एगा
 मिच्छहिट्ठियाणां शोरइयाणां वग्गणा एगा सम्मामिच्छहिट्ठियाणां शोरइयाणां
 वग्गणा, एवं जाव थणियकुमारणां वग्गणा । एगा मिच्छादिट्ठियाणां
 पुदविकाइयाणां वग्गणा एवं जाव वणास्सइकाइयाणां । एगा सम्महिट्ठियाणां

वेइंदियारां वग्गणा एगा मिच्छद्दिट्ठियारां वेइंदियारां वग्गणा, एवं तेइंदि-
यारांपि चउरिंदियाणावि । सेसा जहा नेरइया जाव एगा सम्ममिच्छद्दिट्ठि-
यारां वेमाणियारां वग्गणा ॥ एगा कराहपक्खियारां वग्गणा, एगा सुक्क-
पक्खियारां वग्गणा, एगा कराहपक्खियारां शेरइयारां वग्गणा, एगा सुक्क-
पक्खियारां शेरइयारां वग्गणा, एवं चउवीस(मा)दंडयो भाणियव्वो । एगा
कराहलेसाणां वग्गणा एगा नीललेसाणां वग्गणा एवं जाव सुक्कलेसाणां
वग्गणा, एगा कराहलेसाणां नेरइयाणां वग्गणा जाव काउलेसाणां शेरइयाणां
वग्गणा, एवं जस्स जइ लेसाओ, भवणावइवाणमंतरपुढविआउवणस्सइकाइ-
यारां च चत्तारि लेसाओ तेउवाउवेइंदियतिइंदियचउरिंदियाणां तिन्नि
लेसाओ, पंचिंदियतिरिक्खजोणियारां मणुस्साणां हल्लेसाओ, जोतिसियाणां
एगा तेऊलेसा, वेमाणियाणां तिन्नि उवरिम्.लेसाओ । एगा कराहलेसाणां
भवसिद्धियाणां वग्गणा, एगा कराहलेसाणां अभवसिद्धियाणां वग्गणा एवं
छसुवि लेसासु दो दो पयाणि भाणियव्वाणि । एगा कराहलेसाणां
भवसिद्धियाणां शेरइयाणां वग्गणा एगा कराहलेसाणां अभवसिद्धियाणां
शेरइयाणां वग्गणा एवं जस्स जत्ति लेसाओ तस्स ततियाओ भाणि-
यव्वाओ जाव वेमाणियाणां । एगा कराहलेसाणां सम्मद्दिट्ठियाणां वग्गणा,
एगा कराहलेसाणां मिच्छद्दिट्ठियाणां वग्गणा, एगा कराहलेसाणां सम्मा-
मिच्छद्दिट्ठियाणां वग्गणा, एवं छसुवि लेसासु जाव वेमाणियाणां जेसिं
जदि दिट्ठीओ । एगा कराहलेसाणां कराहपक्खियारां वग्गणा, एगा कराह-
लेसाणां सुक्कपक्खियारां वग्गणा, जाव वेमाणियाणां जस्स जत्ति लेसाओ एए
अट्ट चउवीसदंडया ॥ एगा तित्थसिद्धाणां वग्गणा, एवं जाव एगा एक-
सिद्धाणां वग्गणा एगा अणिकसिद्धाणां वग्गणा एगा पढमसमयसिद्धाणां
(अपढमसमयसिद्धाणां) वग्गणा एवं जाव अणांतसमयसिद्धाणां वग्गणा ॥ एगा
परमाणुपोग्गलाणां वग्गणा एवं जाव एगा अणांतपएसियाणां खंधाणां

वृक्षगणाः । एगः एगपणसोऽगद्वारां पोग्गलारां वग्गणा जाव एगः असंखेज्जं
 पुणसोऽगद्वारां पोग्गलारां वग्गणा । एगः एगसमयठितियाणां पोग्गलारां
 वग्गणा जाव असंखेज्जसमयठितियाणां पोग्गलारां वग्गणा । एगः एगगुण-
 कालगारां पोग्गलारां वग्गणा, जाव एगः असंखेज्जं । एगः अणंतगुण-
 कालगारां पोग्गलारां वग्गणा । एवं वराणां गंधारसां फासां भाणियव्वा
 जाव एगः अणंतगुणलुक्खारां पोग्गलारां वग्गणा । एगः जहन्नपणसियारां
 खंधारां वग्गणा । एगः उक्कस्सपणसियारां खंधारां वग्गणा । एगः अज-
 हन्नुक्कस्सपणसियारां खंधारां वग्गणा । एवं जहन्नोऽगद्वाराणां उक्कोसोऽग-
 द्वाराणां अजहन्नुक्कोसोऽगद्वाराणां जहन्नठितियाणां उक्कस्सठितियाणां अज-
 हन्नुक्कोसठितियाणां जहणगुणकालगाराणां उक्कस्सगुणकालियाणां अजहन्नु-
 कस्सगुणकालगाराणां एवं वराणां गंधारसफासाणां वग्गणा । भाणियव्वा जाव
 एगः अजहन्नुक्कस्सगुणलुक्खाराणां पोग्गलारां वग्गणा । सू० ५१ ।
 एगो जंबुदीवे २० सक्वदीवेसमुहाणां जाव अणंतगुलगां च किंचिविसेसाहिए
 परिकखेवैणं । सू० ५२ । एगो समणे भगवं महावीरे इमीसे ओसपिणीए
 चउव्वीमांए तित्थेगाराणां चरमं तित्थयरे सिद्धे बुद्धे मुत्ते जाव सक्वदृक्खप्पहीणे
 । सू० ५३ । अणुत्तसेवकाइयाणां देवाणां एगां रयणीं उड्ढं उव्वत्तेणं पन्नत्ता
 । सू० ५४ । अदाणक्खत्ते एगतारे पन्नत्ते चित्ताणव्वत्ते एगतारे पं० साती-
 णव्वत्ते एगतारे पं० । सू० ५५ । एगपदेसोऽगद्वारां पोग्गलां अणंतां पन्नत्तां
 एवमेगसमयठितियां एगगुणकालगां पोग्गलां अणंतां पन्नत्तां जाव एगगु-
 णलुक्खां पोग्गलां अणंतां पन्नत्ता । सू० ५६ ।

एगद्वारां समत्तं

॥ अथ द्वितीयं द्विस्थानकाख्यमध्ययनम् ॥

जदत्थि (जहित्थं) णं लोणे तं सब्बं दुपत्थोत्थारं (दुपडायारं) तंजहा—
 जीवच्चेव, अजीवच्चेव । तसे चव थावरे चव १, सजोगियच्चेव अजोगि-
 यच्चेव २, सांउयच्चेव अणाउयच्चेव ३, सइंदियच्चेव, अण्णिए चव ४,
 सवेयगा चव अवेयगा चव ५, सरुवि चव अरुवि चव ६, सपोग्गला
 चव अपोग्गला चव ७, संसारसमावन्नगा चव अससारसमावन्नगा चव
 ८, सामया चव असामया चव ९, ॥ सू० ५७ ॥ आगासा चव नोआ-
 गासा चव । धम्मे चव अधम्मे चव ॥ सू० ५८ ॥ बधे चव मोक्खे चव
 १ पुन्ने चव पावे चव २ आसवे चव संवरे चव ३ वेयणा चव निज्जरा
 चव ४ ॥ सू० ५९ ॥ दो किरियाओ पन्नत्ताओ, तंजहा—जीवकिरिया
 चव अजीवकिरिया चव (चिय) १, जीवकिरिया दुविहा पन्नत्ता, तंजहा—
 सम्मत्तकिरिया चव, मिच्छत्तकिरिया चव २, अजीवकिरिया दुविहा पन्नत्ता,
 तंजहा—इरियावहिया चव संपराइगा चव ३, दो किरियाओ पन्नत्ताओ
 तंजहा—काइया चव अहिगरणिया चव ४, काइया किरिया दुविहा
 पन्नत्ता तंजहा—अणुवरयकायकिरिया चव, दुप्पउत्तकायकिरिया चव ५,
 अहिकरणिया किरिया दुविहा पन्नत्ता, तंजहा—सजोयणाधिकरणिया
 चव णिअत्तणाधिकरणिया चव ६, दो किरियाओ पन्नत्ताओ तंजहा—
 पाउसिया चव पारियावणिया चव ७, पाउसिया किरिया दुविहा पन्नत्ताओ
 तंजहा—जीवपाउसिया चव अजीवपाउमिया चव ८, पारियावणिया
 किरिया दुविहा पन्नत्ता तंजहा—सहत्थपारियावणिया चव परहत्थपारिया-
 वणिया चव ९, दो किरियाओ पन्नत्ता तंजहा—पाणातिवायकिरिया चव
 अपन्नक्खाणकिरिया चव १०, पाणातिवायकिरिया दुविहा पन्नत्ता तंजहा—
 सहत्थपाणातिवायकिरिया चव परहत्थपाणातिवायकिरिया चव ११, अप-

च्चस्वाणकिरिया दुविहा पन्नत्ता तंजहा—जीवअपचस्वाणकिरिया चैव
 अजीवअपचस्वाणकिरिया चैव १२, दो किरियाथो पन्नत्ताथो तंजहा—
 आरंभिया चैव परिग्गहिया चैव १३, आरंभिया किरिया दुविहा पन्नत्ता
 तंजहा—जीवआरंभिया चैव अजीवआरंभिया चैव १४, एवं परिग्गहि-
 यावि १५, दो किरियाथो पन्नत्ताथो तंजहा—मायावत्तिया चैव मिच्छा-
 दंसणवत्तिया चैव १६, मायावत्तिया किरिया दुविहा पन्नत्ता तंजहा—आय-
 भाववंकणाता चैव परभाववंकणाता चैव १७, मिच्छादंसणवत्तिया किरिया
 दुविहा पन्नत्ता तंजहा—उणाइरित्तमिच्छादंसणवत्तिया चैव तच्चइरित्तमिच्छा-
 दंसणवत्तिया चैव १८, दो किरियाथो पन्नत्ताथो तंजहा—दिट्ठिया चैव
 पुट्ठिया चैव, १९, दिट्ठिया किरिया दुविहा पन्नत्ता तंजहा—जीवदिट्ठिया
 चैव अजीवदिट्ठिया चैव २०, एवं पुट्ठियावि २१, दो किरियाथो पन्नत्ताथो
 तंजहा—पाडुच्चिया चैव सामंतोवणिवाइया चैव २२, पाडुच्चिया किरिया
 दुविहा पन्नत्ता तंजहा—जीवपाडुच्चिया चैव अजीवपाडुच्चिया चैव २३, एवं
 सामंतोवणिवाइयावि २४, दो किरियाथो पन्नत्ताथो तंजहा—साहत्थिया चैव
 गोसत्थिया चैव २५, साहत्थियाकिरिया दुविहा पन्नत्ता तंजहा—जीवसाहत्थिया
 चैव अजीवसाहत्थिया चैव २६, एवं गोसत्थियावि २७, दो किरियाथो
 पन्नत्ताथो तंजहा—आणवणिया चैव वेयारणिया चैव २८, जहेव गोसत्थि-
 याथो २९—३०, दो किरियाथो पन्नत्ताथो तंजहा—अणाभोगवत्तिया चैव
 अणवकंखवत्तिया चैव ३१, अणाभोगवत्तिया किरिया दुविहा पन्नत्ता
 तंजहा—अणाउत्तआइयणाता चैव अणाउत्तपमज्जणाता चैव ३२, अणवकंख-
 वत्तिया किरिया दुविहा पन्नत्ता तंजहा—आयसरोरअणवकंखवत्तिया चैव
 परसरीरअणवकंखवत्तिया चैव ३३, दो किरियाथो पन्नत्ताथो तंजहा—
 पिज्जवत्तिया चैव दोसवत्तिया चैव ३४, पेज्जवत्तिया किरिया दुविहा पन्नत्ता
 तंजहा—मायावत्तिया चैव लोभवत्तिया चैव ३५, दोसवत्तिया किरिया दुविहा

पन्नत्ता तंजहा-कोहे चैव माणो चैव ३६, ॥सू० ६०॥ दुविहा गरिहा पन्नत्ता
तंजहा-माणसा वेगे (माणसाऽवेगे) गरहति । वयसा वेगे गरहति । अहवा गरहा
दुविहा पन्नत्ता तंजहा-दीहं वेगे अद्धं गरहति, रहस्सं वेगे अद्धं गरहति
॥सू० ६१॥ दुविहे पच्चक्खाणो पन्नत्ते तंजहा-माणसा वेगे पच्चक्खाति वयसा वेगे
पच्चक्खाति, अहवा पच्चक्खाणो दुविहे पन्नत्ते तंजहा-दीहं वेगे अद्धं पच्चक्खाति
रहस्सं वेगे अद्धं पच्चक्खाति ॥सू० ६२॥ दोहिं ठाणोहिं संपन्ने अणगारे
अणादीयं अणवयग्गं दीहमद्धं चाउरंतसंसारकंतरं वीतिवतेज्जा, तंजहा-
विज्जाए चैव चरणोण चैव ॥सू० ६३॥ दो ठाणाइं अपरियाणित्ता आया
णो केवलिपन्नत्तं धम्मं लभेज्ज सवणयाए, तंजहा-आरंभे चैव परिग्गहे चैव
१, दो ठाणाइं अपरियादित्ता आया णो केवलं बोधिं बुब्भेज्जा तंजहा-आरंभे
चैव परिग्गहे चैव २, दो ठाणाइं अपरियाइत्ता आया नो केवलं मुंडे
भवित्ता आगारात्थो अणगारिथं पव्वइज्जा तंजहा-आरंभे चैव परिग्गहे चैव
३, एवं णो केवलं बंभचेरवासमावसेज्जा ४, णो केवलेणं संजमेणं संजमेज्जा ५,
नो केवलेणं संवरेणं संवरेज्जा ६, नो केवलमाभिणिवाहियणाणं उप्पाडेज्जा
७, एवं सुयनाणं ८ अ्रोहिनाणं ९ मणपज्जवनाणं १० केवलनाणं ११
॥सू० ६४॥ दो ठाणाइं परियादित्ता आया केवलिपन्नत्तं धम्मं लभेज्ज
सवणयाए, तंजहा-आरंभे चैव परिग्गहे चैव, एवं जाव केवलनाणमुप्पाडेज्जा
॥सू० ६५॥ दोहिं ठाणोहिं आया केवलिपन्नत्तं धम्मं लभेज्ज सवणयाए तंजहा-
सोच्च च्चैव अभिसमेच्च च्चैव जाव केवलनाणं उप्पाडेज्जा ॥सू० ६६॥ दो समात्थो
पन्नत्तात्थो, तंजहा-अ्रोसप्पिणी समा चैव उस्सप्पिणी समा चैव ॥सू० ६७॥
दुविहे उम्मार पन्नत्ताए तंजहा-जक्खावेसे चैव मोहणिज्जस्स चैव कम्मस्स
उदएणं, तत्थ णं जे से जक्खावेसे से णं सुहवेयतराए चैव सुहविमोयतराए
चैव, तत्थ णं जे से मोहणिज्जस्स कम्मस्स उदएणं से णं दुहवेयतराए चैव
दुहविमोयतराए चैव ॥सू० ६८॥ दो दंडा पन्नत्ता तंजहा-अट्टादंडे

चैव, अण्टादंडे चैव, ॥ नेरइयाणं दौ दंडा पन्नत्ता तंजहा-अट्टादंडे य,
 अण्टादंडे अय, एव चउवीसा दंडयो जाव वेमाणियाणं ॥ सू ७ ६६ ॥
 दुविहे दंसरो पन्नत्ते तंजहा-सम्महंसरो चैव मिच्छादंसरो चैव १,
 सम्महंसरो दुविहे पन्नत्ते तंजहा-णिसंगसम्महंसरो चैव अभिगमसम्म-
 हंसरो चैव २, णिसंगसम्महंसरो दुविहे पन्नत्ते तंजहा-पडिवाई चैव
 अपडिवाई चैव ३, अभिगमसम्महंसरो दुविहे पन्नत्ते तंजहा-पडिवाई चैव
 अपडिवाई चैव ४, मिच्छादंसरो दुविहे पन्नत्ते तंजहा-अभिगमहियमिच्छा-
 दंसरो चैव ५, अण्णमिगहियमिच्छादंसरो चैव ६, अभिगमहियमिच्छादंसरो
 दुविहे पन्नत्ते तंजहा-सपज्जवसिते चैव अपज्जवसिते चैव ७, एवमण्णमिग-
 हितमिच्छादंसरो अवि ७ ॥ सू ७ ७० ॥ दुविहे नाणो पन्नत्ते तंजहा-पच्चक्खे
 चैव परोक्खे चैव ८, पच्चक्खे नाणो दुविहे पन्नत्ते तंजहा-केवलनाणो चैव
 णोकेवलनाणो चैव ९, केवलणाणो दुविहे पन्नत्ते तंजहा-भवत्थकेवलनाणो
 चैव १०, सिद्धकेवलणाणो चैव ११, भवत्थकेवलणाणो दुविहे पन्नत्ते तंजहा-सजो-
 गिभवत्थकेवलणाणो चैव १२, अजोगिभवत्थकेवलणाणो चैव १३, सजोगिभव-
 त्थकेवलणाणो दुविहे पन्नत्ते तंजहा-पटमसमयसजोगिभवत्थकेवलणाणो चैव
 अपटमसमयसजोगिभवत्थकेवलणाणो चैव १४, अहवा चरिमसमयसजोगिभ-
 वत्थकेवलणाणो चैव १५, अचरिमसमयसजोगिभवत्थकेवलनाणो चैव १६, एव
 अजोगिभवत्थकेवलनाणो अवि ७ ७ ॥ सिद्धकेवलणाणो दुविहे पन्नत्ते तंजहा-
 अण्णतरसिद्धकेवलणाणो चैव १७, परंपरसिद्धकेवलनाणो चैव १८, अण्णतरसिद्ध-
 केवलनाणो दुविहे पन्नत्ते तंजहा-एकारांतरसिद्धकेवलणाणो चैव अण्णकारा-
 तरसिद्धकेवलणाणो चैव १९, परंपरसिद्धकेवलनाणो दुविहे पन्नत्ते तंजहा-
 संकपरंपरसिद्धकेवलणाणो चैव अण्णकपरंपरसिद्धकेवलणाणो चैव २०, णोके-
 वलणाणो दुविहे पन्नत्ते तंजहा-ओहिणाणो चैव २१, मण्णपज्जवणाणो चैव २२,
 ओहिणाणो दुविहे पन्नत्ते तंजहा-भवपच्चइए चैव खओवसमिण चैव २३,

दोगहं भवपञ्चइए पन्नत्ते तंजहा--देवारां चैव नेरइयारां चैव १४, दोगहं खओव-
समिए पन्नत्ते तंजहा—मणुस्सारां चैव पंचिंदियतिरिक्खजोणियारां चैव १५,
मणपज्जवणाणे दुविहे पन्नत्ते तंजहा--उज्जुमति चैव विउलमति चैव १६,
परोक्खे णाणे दुविहे पन्नत्ते, तंजहा--आभिणिवोहियणाणे चैव सुयनाणे चैव-
१७, आभिणिवोहियणाणे दुविहे पन्नत्ते तंजहा-सुयनिस्सिए चैव असुय-
निस्सिए चैव १८, सुयनिस्सिए दुविहे पन्नत्ते तंजहा--अत्थोग्गहे चैव
वंजणोग्गहे चैव १९, असुयनिस्सितेऽपि एमेव २०, सुयनाणे दुविहे पन्नत्ते
तंजहा—अंगपविट्ठे चैव अंगवाहिरे चैव २१, अंगवाहिरे दुविहे पन्नत्ते
तंजहा—आवस्सए चैव आवस्सयवइरित्ते चैव २२, आवस्सयवतिरित्ते दुविहे
पन्नत्ते तंजहा—कालिए चैव उक्कालिए चैव २३ ॥सू० ७१॥ दुविहे धम्मे
पन्नत्ते तंजहा—सुयधम्मे चैव चरित्तधम्मे चैव, सुयधम्मे दुविहे पन्नत्ते तंजहा-
सुत्तसुयधम्मे चैव, अत्थसुयधम्मे चैव, चरित्तधम्मे दुविहे पन्नत्ते तंजहा--अगार-
चरित्तधम्मे चैव अणगारचरित्तधम्मे चैव, दुविहे संजमे पन्नत्ते तंजहा—सराग-
संजमे चैव वीतरागसंजमे चैव, सरागसंजमे दुविहे पन्नत्ते तंजहा—सुहुमसंपराय-
सरागसंजमे चैव बादरसंपरायसरागसंजमे चैव, सुहुमसंपरायसरागसंजमे दुविहे
पन्नत्ते, तंजहा—पढमसमयसुहुमसंपरायसरागसंजमे चैव अपढमसमयसु०,
अथवा चरमसमयसु० अचरिमसमयसु०, अहवा सुहुमसंपरायसरागसंजमे
दुविहे पन्नत्ते तंजहा—संकिलेसमाणाए चैव विसुज्जमणाए चैव, बादरसंपराय-
सरागसंजमे दुविहे पन्नत्ते तंजहा—पढमसमयबादर० अपढमसमयबादरसं०,
अहवा चरिमसमय० अचरिमसमय०, अहवा बायरसंपरायसरागसंजमे दुविहे
पन्नत्ते तंजहा—पडिवाति चैव अपडिवाति चैव, वीयरगसंजमे दुविहे पन्नत्ते
तंजहा--उवसंतकसायवीयरगसंजमे चैव खीणाकसायवीयरगसंजमे चैव, उव-
संतकसायवीयरगसंजमे दुविहे पन्नत्ते तं जहा--पढमसमयउवसंतकसायवीत-
रागसंजमे चैव अपढमसमयउव०, अहवा चरिमसमयउव० अचरिमसमयउव०,

खीणकसायवीतरागसंजमे दुविहे पन्नत्ते तंजहा-छउमत्थखीणकसायवीयरग-
 संजमे चैव केवलिखीणकसायवीयरगसंजमे चैव, छउमत्थखीणकसायवीय-
 रागसंजमे दुविहे पन्नत्ते तंजहा-सयंबुद्धछउमत्थखीणकसाय० बुद्धवोहियछ-
 उमत्थ०, सयंबुद्धछउमत्थ० दुविहे पन्नत्ते तंजहा—पढमसमय० अपढमसमय०
 अहवा चरिमसमय० अचरिमसमय०, बुद्धवोहियछउमत्थखीण० दुविहे
 पन्नत्ते तंजहा—पढमसमय० अपढमसमय०, अहवा चरिमसमय० अचरिम-
 समय०, केवलिखीणकसायवीतरागसंजमे दुविहे पन्नत्ते तंजहा—सजोगि-
 केवलिखीणकसाय० संजमे अजोगिकेवलि खीणकसायवीयरग०, सजोगि-
 केवलिखीणकसायसंजमे दुविहे पन्नत्ते तंजहा—पढमसमय० अपढमसमय०, अहवा
 चरिमसमय० अचरिमसमय०, अजोगिकेवलिखीणकसाय० संजमे दुविहे
 पन्नत्त तंजहा—पढमसमय० अपढमसमय० अहवा चरिमसमय० अचरिम-
 समय० ॥सू० ७२॥ दुविहा पुढविकाइया पन्नत्ता तंजहा—सुहुमा चैव
 वायरा चैव १, एवं जाव दुविहा वणस्सइकाइया पन्नत्ता तंजहा—सुहुमा चैव
 वायरा चैव ५, दुविहा पुढविकाइया पन्नत्ता तंजहा—पज्जत्तगा चैव अपज्जत्तगा
 चैव ६, एवं जाव वणस्मइकाइया १०, दुविहा पुढविकाइया पन्नत्ता तंजहा—
 परिणया चैव अपरिणया चैव ११, एवं जाव वणस्सइकाइया १५, दुविहा
 दव्वा पन्नत्ता तंजहा—परिणता चैव अपरिणता चैव १६, दुविहा पुढवि-
 काइया पन्नत्ता तंजहा—गतिसमावन्नगा चैव अगइसमावन्नगा चैव १७, एवं
 जाव वणस्सइकाइया २१, दुविहा दव्वा पन्नत्ता तंजहा—गतिसमावन्नगा चैव
 अगतिसमावन्नगा चैव २२, दुविहा पुढविकाइया पन्नत्ता तंजहा—अरांतरो-
 गाढा चैव परंपरोगाढा चैव २३, जाव दुविहा दव्वा पन्नत्ता तंजहा—अरांत-
 रोगाढा चैव परंपरोगाढा चैव २८ ॥सू० ७३॥ दुविहे काले पन्नत्ते
 तंजहा—ओसप्पिणीकाले चैव उम्सप्पिणीकाले चैव, दुविहे आगासे पन्नत्ते
 तंजहा—लोगागासे चैव अलोगागासे चैव, ॥सू० ७४॥ गोरइयासां दो

सरीरगा पन्नत्ता तंजहा-अब्भंतरगे चैव बाहिरगे चैव, अब्भंतरए कम्मए बाहिरए वेउव्विए, एवं देवारां भाणियव्वं, पुढवीकाइयाणां, दो सरीरगा पन्नत्ता तंजहा-अब्भंतरगे चैव बाहिरगे चैव अब्भंतरगे कम्मए बाहिरगे ओरालियगे, जाव वणास्सइकाइयाणां, बेइंदियाणां दो सरीरा पन्नत्ता तंजहा-अब्भंतरए चैव बाहिरए चैव, अब्भंतरगे कम्मए, अट्टिमंससोणितवद्धे बाहिरए ओरालिए, जाव अउरिंदियाणां, पंचिंदियतिरिक्खजोणियाणां दो सरीरगा पन्नत्ता तंजहा-अब्भंतरगे चैव बाहिरगे चैव, अब्भंतरगे कम्मए, अट्टिमंससोणियराहारुद्धिरावद्धे बाहिरए ओरालिए, मणुस्साणवि एवं-चैव । विग्गहगइसमावन्नगाणां नेरइयाणां दो सरीरगा पन्नत्ता तंजहा-तेए चैव कम्मए चैव, निरन्तरं जाव वेमाणियाणां, नेरइयाणां दोहिं ठाणहिं सरारुपत्ती सिया, तंजहा-रागेण चैव दोसेण चैव, जाव वेमाणियाणां, नेरइयाणां दुट्ठाण-निव्वतिए सरीरगे पन्नत्ते तंजहा-रागनिव्वत्तिए चैव, दोसनिव्वत्तिए चैव जाव वेमाणियाणां, दो काया पन्नत्ता तंजहा-तसकाए चैव थावरकाए चैव, तसकाए दुवित्ते पन्नत्ते तंजहा-भवसिद्धिए चैव अभवसिद्धिए चैव, एवं थावरकाएऽवि ॥सू० ७५॥ दो दिमाओ अभिगिज्झ कप्पति णिग्गंथाण वा णिग्गंथीण वा पव्वावित्तए-पाईणं चैव उदीणं चैव, एवं मुंडावित्तए सिक्खावित्तए उवट्ठावित्तए संभुजित्तए संवसित्तए सज्झायमुहिसित्तए सज्झायं समुहिसित्तए सज्झायमणु-ज.णित्तए आलोइत्तए पडिक्कमित्तए निंदित्तए गरहित्तए विउट्टित्तए विसोहित्तए अकरणायाए अब्भुट्टित्तए आहारिहं पायच्छित्तं तवोकम्मं पडिवज्जित्तए, दो दिसातो अछिगिज्झ कप्पति णिग्गंथाण वा गिग्गंथीण वा अपच्छिम्ममार-णांतियसंलेहणाजूसणाजूसियाणां भत्तपाणपडियाइक्खिताणां पाओवगताणां कालं अणवकंखमाणाणां विहरित्तए, तंजहा-पाईणं चैव उदीणं चैव ॥सू० ७६॥

॥ द्विस्थानकाध्ययने-२ :: उद्देशकः २ ॥

जे देवा उड्डोववन्नगा कप्पोववन्नगा विमाणोववन्नगा चारोववन्नगा चार-
द्वितीया गतिरतिया गतिसमावन्नगा, तेसिणां देवाणां सता समितं जे पावे कम्मे
कज्जति तत्थगतावि एगतिया वेयणां वेदेंति अन्नत्थगतावि एगतिया वेयणां
वेदेंति, गोरइयाणां सता समियं जे पावे कम्मे कज्जति तत्थगतावि एगतिया
वेयणां वेदेंति अन्नत्थगतावि एगतिआ वेयणां वेदेंति, जाव पंचेंदियतिरिक्ख-
जोणियाणां मणुस्साणां सता समितं जे पावे कम्मे कज्जति इहगतावि एग-
तिता वेयणां वेयंति अन्नत्थगतावि एगतिया वेयणां वेयंति, मणुस्सवज्जा सेसा
एकगमा ॥सू० ७७॥ नेरतिता दुगतिया दुयागतिया पन्नत्ता तंजहा-नेरइए
२ सु उववज्जमाणो मणुस्सेहितो वा पंचेंदियतिरिक्खजोणिएहितो वा
उववज्जेज्जा, से चेव गां से नेरइए गोरइयत्तं विप्पजहमाणो मणुस्सत्ताए वा
पंचेंदियतिरिक्खजोणियत्ताए वा गच्छेज्जा, एवं असुरकुमारावि, णवरं, से
चेव गां से असुरकुमारे असुरकुमारत्तं विप्पजहमाणो मणुस्सत्ताए वा तिरिक्ख-
जोणियत्ताए वा गच्छेज्जा, एवं सन्वदेवा, पुढविकाइया दुगतिया दुयाग-
तिया पन्नत्ता तंजहा-पुढवीकाइए पुढवीकाइएसु उववज्जमाणो पुढवीकाइएहितो
वा णोपुढवीकाइएहितो वा उववज्जेज्जा, से चेव गां से पुढविकाइए पुढवीका-
इयत्तं विप्पजहमाणो पुढवीकाइयत्ताए वा णोपुढवीकाइयत्ताए वा गच्छेज्जा, एवं
जाव मणुस्सा ॥सू० ७८॥ दुविहा नेरइया पन्नत्ता, तंजहा-भवसिद्धिया
चेव अभवसिद्धिया चेव, जाव वेमाणिया १ । दुविहा नेरइया पन्नत्ता
तंजहा-अण्णंतरोववन्नगा चेव परंपरोववन्नगा चेव जाव वेमाणिया २ ।
दुविहा गोरइया पन्नत्ता, तंजहा-गतिसमावन्नगा चेव अगतिसमावन्नगा चेव,
जाव वेमाणिया ३ । दुविहा नेरइया पन्नत्ता तंजहा-पढमसमओववन्नगा चेव
अपढमसमओववन्नगा चेव जाव वेमाणिया ४ । दुविहा नेरइया पन्नत्ता

तंजहा-आहारगा चैव अणाहारगा चैव, एवं जाव वेमाणिया ५ । दुविहा गौरइया पन्नत्ता तंजहा-उस्सासगा चैव णोउस्सासगा चैव, जाव वेमाणिया ६ । दुविहा नेरइया पन्नत्ता तंजहा-सइंदिया चैव अणिदिया चैव, जाव वेमाणिया ७ । दुविहा नेरइया पन्नत्ता तंजहा-पज्जत्तगा चैव अपज्जत्तगा चैव, जाव वेमाणिया ८ । दुविहा नेरइया पन्नत्ता तंजहा-सन्नि चैव असन्नि चैव, एवं पंचेदिया सव्वे विगलिंदियवज्जा, जाव वाणमंतरा (वेमाणिया) ९ । दुविहा नेरइया पन्नत्ता तंजहा-भासगा चैव अभासगा चैव, एवमेगिदियवज्जा सव्वे १० । दुविहा नेरइया पन्नत्ता तंजहा-सम्महिद्वीया चैव मिच्छहिद्वीया चैव, एगिंदियवज्जा सव्वे ११ । दुविहा नेरइया पन्नत्ता तंजहा-परित्तसंसारिता चैव अणंतसंमारिया चैव, जाव वेमाणिया १२ । दुविहा नेरइया पन्नत्ता तंजहा-संखेज्जकालसमयट्ठितीया (संखेज्जकालट्ठिइया) चैव असंखेज्जकालसमयट्ठितीया चैव, एवं पंचेदिया एगिंदियविगलिंदियवज्जा जाव वाणमंतरा १३ । दुविहा नेरइया पन्नत्ता तंजहा-सुलभवोधिया चैव दुलभवोधिया चैव, जाव वेमाणिया १४ । दुविहा नेरइया पन्नत्ता तंजहा-करहपक्खिया चैव सुक्कपक्खिया चैव, जाव वेमाणिया १५ । दुविहा नेरइया पन्नत्ता तंजहा-चरिमा चैव अचरिमा चैव, जाव वेमाणिया १६ ॥सू० ७६॥ दोहिं ठणोहिं आया अधोलोगं जाणइ पासइ तंजहा-समोहतेणं चैव अप्पाणेणं आया अहेलोगं जाणइ पासइ, असमोहतेणं चैव अप्पाणेणं आया अहेलोगं जाणइ पासइ, आधोहिं समोहतासमोहतेणं चैव अप्पाणेणं आया अहेलोगं जाणइ पासइ एवं तिरियलोगं २ उड्ढलोगं ३ केवलकप्पं लोगं ४ । दोहिं ठणोहिं आया अधोलोगं जाणइ पासइ तंजहा-विउव्वितेणं चैव अप्पाणेणं आता अधोलोगं जाणइ पासइ, अविउव्वितेणं चैव अप्पाणेणं आता अधोलोगं जाणइ पासइ, आहोधिं विउव्वियाविउव्वितेणं चैव अप्पाणेणं आता अधोलोगं जाणइ (पासइ) १, एवं तिरियलोगं २ उड्ढलोगं ३ केवलकप्पं

लोगं ४ । दोहिं ठगोहिं आया सदाइं सुगोइ, तंजहा-देसेणवि आया सदाइं सुगोइ सव्वेणवि आया सदाइं सुगोति, एवं रुवाइं पासइ, गंधाइं अग्घाति, रसाइं आसादेति, फासाइं पडिसंवेदेति ५ । दोहिं ठगोहिं आया ओभासइ, तंजहा-देसेणवि आया ओभासइ सव्वेणवि आया ओभासति, एवं पभासति विकुव्वति परियारेति भासं भासति आहारेति परिणामेति वेदेति निज्जरेति ६ । दोहिं ठगोहिं देवे सदाइं सुगोइ, तंजहा-देसेणवि देवे सदाइं सुगोति, सव्वेणवि देवे सदाइं सुगोइ, जाव निज्जरेति १४ । मरुया देवा दुविहा पन्नत्ता तंजहा-एगसरीरे चैव विसरीरे चैव, एवं किन्नरा किंपुरिसा गंधव्वा णागकुमारा सुवन्नकुमारा अग्गिगुमारा वायुकुमारा ८, देवा दुविहा पन्नत्ता तंजहा-एगसरीरे चैव विसरीरे चैव । ॥सू० ८०॥

॥ द्विस्थानकस्य द्वितोयोद्देशकः समाप्तः ॥२-२ ॥

॥ अध्ययनं-२ उद्देशकः ३ ॥

दुविहे सद्दे पन्नत्ते तंजहा-भासासद्दे चैव णोभासासद्दे चैव, भासासद्दे दुविहे पन्नत्ते तंजहा-अक्खरसंबद्धे चैव नोअक्खरसंबद्धे चैव, णोभासामद्दे दुविहे पन्नत्ते तंजहा-आउज्जसद्दे चैव णोआउज्जसद्दे चैव, आउज्जसद्दे दुविहे पन्नत्ते तंजहा-तते चैव वितते चैव, तते दुविहे पन्नत्ते तंजहा-घणो चैव भुमिरे चैव, एवं विततेऽवि, णोआउज्जसद्दे दुविहे पन्नत्ते तंजहा-भूमणसद्दे चैव नोभूमणसद्दे चैव, णोभूमणसद्दे दुविहे पन्नत्ते तंजहा-तालसद्दे चैव लत्तिआसद्दे चैव, दोहिं ठगोहिं सद्दुप्पाते सिया, तंजहा-साहन्नं-ताणं चैव पुग्गलाणं सद्दुप्पाए सिया, भिज्जंताणं चैव पोग्गलाणं सद्दुप्पाए सिया ॥सू० ८१॥ दोहिं ठगोहिं पोग्गला साहरणंति, तंजहा-सइं वा पोग्गला साहन्नंति, परेण वा पोग्गला साहन्नंति १ । दोहिं ठगोहिं पोग्गला भिज्जंति तंजहा-सइं वा पोग्गला भिज्जंति परेण वा पोग्गला

भिज्जति २ । दोहिं अणोहिं पोग्गला परिसडंति, तंजहा--सइं वा पोग्गला परिसडंति परेण वा पोग्गला परिसाडिज्जंति ३ एवं परिवडंति ४ विद्धं-संति ५ । दुविहा पोग्गला पन्नत्ता तंजहा--भिन्ना चैव अभिन्ना चैव १, दुविहा पांग्गला पन्नत्ता तंजहा--भेउरधम्मा चैव नोभेउरधम्मा चैव २, दुविहा पोग्गला पन्नत्ता तंजहा--परमाणुपोग्गला चैव नोपरमाणुपोग्गला चैव ३, दुविहा पांग्गला पन्नत्ता तंजहा--सुहुमा चैव बायरा चैव ४, दुविहा पोग्गला पन्नत्ता तंजहा--बद्धपासपुट्टा चैव नोबद्धपासपुट्टा चैव ५, दुविहा पोग्गला पन्नत्ता, तंजहा--परियादितच्चेव अपरियादितच्चेव ६. दुविहा पोग्गला पन्नत्ता तंजहा--अत्ता चैव अणत्ता चैव ७, दुविहा पांग्गला पन्नत्ता तंजहा--इट्टा चैव अण्णिट्टा चैव ८, एवं कंता ९ पिरा १० मणुन्ना ११ मणामा १२, ॥सू० ८२॥ दुविहा सदा पन्नत्ता तंजहा--अत्ता चैव अणत्ता चैव, १ एवमिट्टा जाव मणामा ६ । दुविहा रूवा पन्नत्ता तंजहा--अत्ता चैव अणत्ता चैव, जाव मणामा, एवं गंधा रसा फासा, एवमिक्किम्के छ आलावगा भाणियव्वा ॥सू० ८३॥ दुविहे आयारे पन्नत्ते तंजहा--णाणायारे चैव नोनाणायारे चैव १, णोनाणायारे दुविहे पन्नत्ते तंजहा--दंसणायारे चैव नोदंसणायारे चैव २, नोदंसणायारे दुविहे पन्नत्ते तंजहा--चरितायारे चैव नोचरितायारे चैव ३, णोचरितायारे दुविहे पन्नत्ते तंजहा--त्तायारे चैव वीरियायारे चैव ४ । दो पडिमात्रो पन्नत्तात्रो तंजहा--समाहिपडिमा चैव उवहाणपडिमा चैव १, दो पडिमात्रो पन्नत्तात्रो तंजहा--विवेगपडिमा चैव विउसग्गपडिमा चैव २, दो पडिमात्रो पन्नत्तात्रो तंजहा--भइा चैव सुभइा चैव ३, दो पडिमात्रो पन्नत्तात्रो तंजहा--महाभइा चैव सव्वतोभइा चैव ४, दोप डिमात्रो पन्नत्तात्रो तंजहा--खुड्डिया चैव मोयपडिमा, महल्लिया चैव मोयपडिमा ५, दो पडिमात्रो पन्नत्तात्रो तंजहा--जवमज्झा चैव चंदपडिमा, वइरमज्झा चैव चंदपडिमा ६, दुविहे सामा-इए पन्नत्ते तंजहा--अणारसामाइए चैव अणणारसामाइए चैव ॥सू० ८४॥

दोराहं उववाए पन्नत्ते तंजहा-देवाण चैव नेरइयाण चैव १ दोराहं उव्वट्टणा
 पन्नत्ता तंजहा-गोरइयाण चैव भवणावासीण चैव २ दोराहं चयणे पन्नत्ते
 तंजहा-जोइसियाण चैव वेमाणियाण चैव ३ दोराहं गब्भवक्कती पन्नत्ता
 तंजहा-मणुस्साण चैव पंचेंदियतिरिक्खजोणियाण चैव ४ दोराहं गब्भत्थाणं
 आहारे पन्नत्ते तंजहा-मणुस्साण चैव पंचेंदियतिरिक्खजोणियाण चैव ५
 दोराहं गब्भत्थाणं बुद्धी पन्नत्ता तंजहा-मणुस्साण चैव पंचेंदियतिरिक्खजो-
 णियाण चैव ६ एवं निब्बुद्धी ७ विगुव्वणा ८ गतिपरियाए ९ समुग्घाते १०
 कालसंजोगे ११ आयाती १२ मरणे १३ दोराहं छविपव्वा (छवियत्ता) पन्नत्ता
 तंजहा-मणुस्साण चैव पंचेंदियतिरिक्खजोणियाण चैव १४ दो सुक्कसोणि-
 तसंभवा पन्नत्ता तंजहा-मणुस्सा चैव पंचेंदियतिरिक्खजोणिया चैव १५ दुविहा
 ठिनी पन्नत्ता तंजहा-कायट्टिती चैव भवट्टिती चैव १६ दोराहं कायट्टिती पन्नत्ता
 तंजहा-मणुस्साण चैव पंचेंदियतिरिक्खजोणियाण चैव १७ दोराहं भवट्टिती
 पन्नत्ता तंजहा-देवाण चैव नेरइयाण चैव १८ दुविहे आउए पन्नत्ते तंजहा-
 अच्चाउए चैव भवाउए चैव १९ दोराहं अच्चाउए पन्नत्ते तंजहा-मणुस्साण
 चैव पंचेंदियतिरिक्खजोणियाण चैव २० दोराहं भवाउए पन्नत्ते तंजहा-
 देवाण चैव गोरइयाण चैव २१ दुविहे कम्मे पन्नत्ते तंजहा-पदेसकम्मे चैव
 अणुभावकम्मे चैव २२ दो अहाउयं पालेंति तंजहा-देवच्चेव नेरइयच्चेव
 २३ दोराहं आउयसंवट्टए पन्नत्ते तंजहा-मणुस्साण चैव पंचेंदियतिरिक्खजोणि-
 याण चैव २४ ॥सू० ८५॥ जंबूहीवे दीवे मंदरस्स पव्वयस्स उत्तरदाहियोणं दो
 वामा पन्नत्ता तंजहा-बहुसमतुल्ला अविसेसमणाणात्ता अन्नमन्नं णातिवट्टंति
 आयामविक्खंभसंठाणपरिणाहणं तंजहा-भरहे चैव एरवए चैव, एवमेणाम-
 हिलावेणं हिमवए चैव हेरन्नवते चैव, हरिवासे चैव रम्मयवासे चैव, जंबूहीवे
 दीवे मंदरस्स पव्वयस्स पुरच्छिमपन्नत्थियेणं दो खित्ता पन्नत्ता तंजहा-बहु-
 ममतुल्ला अविसेस जाव पुव्वविदेहं चैव अवरदिदेहे चैव, जंबूमंदरस्स

पव्वयस्स उत्तरदाहियोगां दो कुराओ पन्नत्ताओ तंजहा-बहुसमतुल्लाओ जाव देवकुरा चैव उत्तरकुरा चैव, तत्थ गां दो महतिमहालया महादुमा पन्नत्ता तंजहा-बहुसमतुल्ला अविसेसमणाणात्ता अन्नमन्नं गाइवटंति आया-मविक्खंभुच्चतोव्वेहसंठाणपरिणाहेणां तंजहा-कूडसामली चैव जंबू चैव सुदं-सणा । तत्थं गां दो देवा महिड्डिया जाव महासोक्खा महेसक्खा पलिओ वमट्ठितीया परिवसन्ति, तंजहा-गरुले चैव वेणुदेवे अणादिते चैव जंबूदी-वाहिवती ॥सू० = ६॥ जंबूमंदरस्स पव्वयस्स य उत्तरदाहियोगां दो वासहर-पव्वया पन्नत्ता तंजहा-बहुसमतुल्ला अविसेसमणाणात्ता अन्नमन्नं गातिवटंति आयामविक्खंभुच्चतोव्वेहसंठाणपरिणाहेणां, तंजहा-चुल्लहिमवंते चैव सिहरि-चैव, एवं महाहिमवंते चैव रुप्पिचैव, एवं णिसडे चैव णीलवंते चैव, जंबू-मंदरस्स पव्वयस्स उत्तरदाहियोगां हेमवंतेरराणावतेसु वासेसु दो वट्टवेतड्ड-पव्वता पन्नत्ता तंजहा-बहुसमतुल्ला अविसेसमणाणात्ता जाव सहावाती चैव वियडावाती चैव, तत्थ गां दो देवा महिड्डिया जाव पलिओवमट्ठितीया परिवसन्ति तंजहा-साती चैव पभासे चैव, जंबूमंदरस्स उत्तरदाहियोगां हरिवा-सरम्मतेसु वासेसु दो वट्टवेयड्डपव्वया पन्नत्ता तंजहा-बहुसमतुल्ला जाव गंधा-वाती चैव मालवंतपरियाए चैव, तत्थ गां दो देवा महिड्डिया महजुईया चैव जाव पलिओवमट्ठितीया परिवसन्ति, तंजहा-अरुणे चैव परमे चैव, जंबूमं-दरस्स पव्वयस्स दाहियोगां देवकुराए पुव्वावरे पासे एत्थ गां आसक्खंधगसरिसा अद्धचंदसंठाणसंठिया (अवद्धचंदसंठाणसंठिया) दो ववखारपव्वया पन्नत्ता तंजहा-बहुसमा जाव सोमणासे चैव विज्जुप्पभे चैव, जंबूमंदरस्स पव्वयस्स उत्तरेण उत्तरकुराए पुव्वावरे पासे एत्थ गां आसक्खंधगसरिसा अद्धचंदसंठाणसंठिया दो ववखारपव्वया पन्नत्ता तंजहा-बहु० जाव गंधमायणे चैव मालवंते चैव, जंबूमंदरस्स पव्वयस्स उत्तरदाहियोगां दो दीहवेयड्डपव्वया पन्नत्ता तंजहा-बहुसम-तुल्ला जाव भारहे चैव दीहवेयड्डे एरावते चैव दीहवेयड्डे, भारहए गां दीह-

वेंयड्ढे दो गुहायो पन्नत्तायो तंजहा-बहुसमतुल्लाओ अविसेसमणात्ताओ
 अन्नमन्नं गातिवट्टंति आयामविक्रवंभुच्चत्तसंठाणपरिणाहेणं, तंजहा-तिमिसगुहां
 चैव खंडगपवायगुहा चैव, तत्थ गां दो देवा महिद्धिया जाव पलियोवमट्टितीया
 परिवसंति, तंजहा-कयमालए चैव नट्टमालए चैव, एरावयए गां दीहवेयड्ढे दो
 गुहायो पन्नत्ताओ तंजहा-बहुसमतुल्ला जाव कयमालए चैव नट्टमालए चैव ।
 जंबूमंदरस्स पव्वयस्स दाहिणोणं चुल्लहिमवंते वासहरपव्वए दो कूडा पन्नत्ता
 तंजहा-बहुसमतुल्ला जाव विक्रवंभुच्चत्तसंठाणपरिणाहेणं, तंजहा-चुल्लहिमवं-
 तकूडे चैव वेसमणकूडे चैव, जंबूमंदरदाहिणोणं महाहिमवंते वासहरपव्वए दो
 कूडा पन्नत्ता तंजहा-बहुसमतुल्ला जाव महाहिमवन्तकूडे चैव वेरुलि-
 यकूडे चैव, एवं निसडे वासहरपव्वए दो कूडा पन्नत्ता तंजहा-बहुसमतुल्ला
 जाव निसडकूडे चैव रुयंगप्पमे चैव । जंबूमंदरस्स पव्वयस्स उत्तरेणं नीलवंते
 वासहरपव्वए दो कूडा पन्नत्ता तंजहा-बहुसमतुल्ला जाव तंजहा-नीलवंतकूडे
 चैव उवदंसणकूडे चैव, एवं रुप्पिमि वासहरपव्वए दो कूडा पन्नत्ता तंजहा-
 बहुसमतुल्ला जाव तंजहा-रुप्पिकूडे चैव मणिकंचणकूडे चैव, एवं सिहरिमि
 वासहरपव्वते दो कूडा पन्नत्ता तंजहा-बहुसमतुल्ला जाव तंजहा-सिहरिकूडे
 चैव, तिगिंछिकूडे चैव ॥सू० ८७॥ जंबूमंदरस्स उत्तरदाहिणोणं चुल्लहिमवंत-
 सिहरीसु वासहरपव्वयेसु दो महद्दहा पन्नत्ता तंजहा-बहुसमतुल्ला अविसेस-
 मणात्ता अराणमराणं गातिवट्टंति, आयामविक्रवंभउव्वेहसंठाणपरिणाहेणं,
 तंजहा-पउमद्दहे चैव पुंडरीयद्दहे चैव, तत्थ गां दो देवयाओ महिद्धियाओ
 जाव पलियोवमट्टितीयाओ परिवसंति, तंजहा-सिरी चैव लच्छी चैव, एवं
 महाहिमवंतरुप्पीसु वासहरपव्वएसु दो महद्दहा पन्नत्ता तंजहा-बहुसमतुल्ला
 जाव तंजहा-महापउमद्दहे चैव, महापुंडरीयद्दहे चैव, देवताओ हिरिच्चेव
 बुद्धिच्चेव, एवं निसडनीलवंतेसु तिगिंछिद्दहे चैव केसरिद्दहे चैव, देवताओ
 धिती चैव कितिच्चेव, जंबूमंदरस्स दाहिणोणं महाहिमवंताओ वासहरपव्व-

यात्रो महापउमइहात्रो (दहात्रो) दो महाणईत्रो पवहंति, तंजहा-
 रोहियच्चेव हरिकंतच्चेव, एवं निसदात्रो वासहरपव्वतात्रो तिगिंद्धिदहात्रो
 दो महानईत्रो पवहंति तंजहा-हरिच्चेव सीत्रोत्रच्चेव, जंबूमंदरस्स उत्तरेणं
 नीलवंतात्रो वासहरपव्वतात्रो केसरिदहात्रो दो महानईत्रो पवहंति, तंजहा-
 सीता चेव नारिकंता चेव, एवं रूपीत्रो वासहरपव्वतात्रो महापोंडरीयदहात्रो
 दो महानईत्रो पवहंति, तंजहा-णारकंता चेव रूपकूला चेव, जंबूमंदरदाहि-
 ग्गोणं भरहे वासे दो पवायदहा पन्नत्ता तंजहा-बहुसमतुल्ला जाव तंजहा-गंगप्प-
 वातदहे चेव सिंधुप्पवायदहे चेव । एवं हिमवए वासे दो पवायदहा पन्नता
 तंजहा-बहुसमतुल्ला जाव तंजहा-रोहियप्पवातदहे चेव रोहियंसपवातदहे
 चेव, जंबूमंदरदाहिग्गोणं हरिवासे वासे दो पवायदहा पन्नता तंजहा-बहुसम-
 तुल्ला तंजहा-हरिपवातदहे चेव हरिकंतपवातदहे चेव, जंबूमंदरउत्तरदाहिग्गोणं
 महाविदेहवासे दो पवायदहा पन्नता बहुसमतुल्ला जाव सीत्रप्पवातदहे चेव
 सीतोदप्पवायदहे चेव, जंबूमंदरस्स उत्तरेणं रम्मए वासे दो पवायदहा पन्नता
 तंजहा-बहुसमतुल्ला जाव नरकंतप्पवायदहे चेव णारीकंतप्पवायदहे चेव,
 एवं हेरन्नवते वासे दो पवायदहा पन्नता तंजहा-बहुसमतुल्ला सुवन्नकूलप्प-
 वायदहे चेव रूपकूलप्पवायदहे चेव, जंबूमंदरउत्तरेणं एरवए वासे दो पवाय-
 दहा पन्नत्ता बहुसमतुल्ला जाव रत्तप्पवायदहे चेव रत्तावइप्पवायदहे चेव, जंबू-
 मंदरदाहिग्गोणं भरहे वासे दो महानईत्रो पन्नत्तात्रो बहुसमतुल्ला जाव गंगा चेव
 सिंधू चेव, एवं जथा पवातदहा एवं णईत्रो भाणियव्वात्रो, जाव एरवए वासे
 दो महानईत्रो पन्नत्तात्रो-बहुसमतुल्लात्रो जाव रत्ता चेव रत्तवती चेव ॥सू०८८॥
 जंबुद्वीवे २ भरहेरवएसु वासेसु तीताए उस्सप्पिणीए सुसमदूसमाए समाए दो
 सागरोवमकोडाकोडीत्रो काले होत्था १। एवमिमीसे । त्रोसप्पिणीए जाव
 पन्नत्ते २। एवं आगमिस्साए उस्सप्पिणीए जाव भविस्सति ३। जंबुद्वीवे दीवे
 भरहेरवएसु वासेसु तीताए उस्सप्पिणीए सुसमाए समाए मणुया दो गाउयाइं

उड्डं उच्चतेणं होत्था ४। दोन्नि य पलित्रोवमाइं परमाउं पालइत्था ५। एवमि-
मीसे ओसप्पिणीए जाव पालयित्था ६। एवमागमेस्साते उस्सप्पिणीए जाव
पालिस्संति ७। जंबुद्वीवे दीवे भरहेरवएसु वासेसु एगसमये एगजुगे (एगजुगे
एगसमये) दो अरिहंतवंसा उप्पज्जिसु वा उप्पज्जंति वा उप्पज्जिस्संति वा ८।
एवं चक्कवट्टिवंसा ९। दसारवंसा १०। जंबूभरहेरवएसु एगसमते दो अर-
हंता उप्पज्जिसु वा उप्पज्जंति वा उप्पज्जिस्संति वा ११। एवं चक्कवट्टिणो १२।
एवं बलदेवा एवं वासुदेवा (दसारवंसा) जाव उप्पज्जिसु वा उप्पज्जंति वा
उप्पज्जिस्संति वा १३। जंबू० दोसु कुरासु मणुआ सया सुसमसुसममुत्तमिड्ढिं
पत्ता पच्चणुव्वभवाणा विहरंति, तंजहा-देवकुराए चैव उत्तरकुराए चैव १४।
जंबूद्वीवे दीवे दोसु वासेसु मणुआ सया सुसमुत्तमं इड्ढिं पत्ता पच्चणुव्वभवाणा
विहरंति तंजहा-हरिवासे चैव रम्मगवासे चैव १५। जंबूद्वीवे दीवे दोसु
वासेसु मणुआ सया सुसमदुममुत्तममिड्ढिं पत्ता पच्चणुव्वभवाणा विहरंति तं-
जहा-हेमवए चैव एरन्नवए चैव १६। जंबूद्वीवे दीवे दोसु खित्तेसु मणुआ
सया दूसमसुसममुत्तममिड्ढिं पत्ता पच्चणुव्वभवाणा विहरंति, तंजहा-पुव्ववि-
देहे चैव अवरविदेहे चैव १७। जंबूद्वीवे दीवे दोसु वासेसु मणुआ छव्विहंपि
कालं पच्चणुव्वभवाणा विहरंति, तंजहा-भरह चैव एरवते चैव १८।
॥सू० ८९॥ जंबूद्वीवे दीवे दो चंदा पभासिसु वा पभासंति वा पभासिस्संति
वा, दो सूरिआ तविंसु वा तवंति वा तविस्संति वा, दो कत्तिया, दो रोहि-
णीओ, दो मगसिराओ, दो अद्दाओ, एवं भाणियव्वं । “कत्तियं रोहिणिं”
अमगसिरं अद्दायं अपुणव्वसू अ पूसो य । तत्तोऽवि अस्सलेसा महा य
दो ९-१० फग्गुणीओ य ॥१॥ १ हत्थो १२ चित्ता १३ साई १४ विसाहा तहय
होति १५ अणुराहा । १६ जेट्ठा १७ मूलो १८ पुव्वा य आसादा १९ उत्तरा चैव ॥२॥
२०-२१-२२ अभिईसवणधणिट्ठा २३ सयभिसया दो य होति २४-२५ भइवया । २६ रेवति
२७ अस्सिणि २८ भरणी नेतव्वा आणुपुव्वीए ॥३॥ एवं गाहाणुसारेणं गोयव्वं

जाव दो भरणीथो । दो अग्नी दो पयावती दो सोमा दो रुहा दो अदिती
दो बहस्सती दो सप्पी दो पीती दो भगा दो अज्जमा १० दो सविता
दो तट्टा दो वाऊ दो इंदग्गी दो मिता दो इंदा दो निरती दो आऊ दो
विस्सा दो बम्हा २० दो विरहू दो वसू दो वरुणा दो अया दो विविद्धी
दो पुस्सा दो अस्सा दो यमा २८ । दो इंगालगा दो वियालगा दो लोहि-
तक्खा दो सण्णिवरा दो आहुणिया दो पाहुणिया दो कणा दो कणगा दो
कणकणगा दो कणगविताणगा १० दो कणगसंताणगा दो सोमा दो
सहिया दो आसासणा दो कज्जोवगा दो कब्बडगा दो अयकरगा दो दुंदु-
भगा दो संखा दो संखवन्ना २० दां संखवन्नाभा दो कंसा ४० दो कंस-
वन्ना दो कंसवन्नाभा दो रुपी दो रुपभासा दो णीला दो णीलोभासा
दो भासा दो भासरासी ३० दो तिला दो तिलपुप्फवरणा ३० दो दगा दो
दगपंचवन्ना दो काका दो कक्कंधा दो इंदग्गी (वा) दो धूमकेऊ दो हरी दो
पिंगला ४० दो बुद्धा दो सुका दो बहस्सती दो राहू दो अगत्थी दो माण-
वगा दो कासा दो फासा दो धुरा दां पमुहा ५० दो वियडा दो विसंधी दो
नियल्ला दो पइल्ला दो जडियाइलगा दो अरुणा दो अग्गिल्ला दो काला दो
महाकालगा दो सोत्थिया ६० दो सोवत्थिया दो वद्धमाणगा (दो पूसस-
माणगा दो अंकुसा) दो पलंबा दो निच्चालोगा दो णिच्चुज्जोता दो सयंपभा
दो ओभासा दो सेयंकरा दो खेमंकरा दो आभंकरा ७० दो पभंकरा दो
अपराजिता दो अरया दो असोगा दो विगतसोगा दो विमला दो वितत्ता
दो वितत्था दो विसाला दो साला ८० दो सुव्वता दो अणियट्टा दो एगजडी
दो दुजडी दो करकरिगा दो रायग्गला दो पुप्फकेतू दो भावकेऊ ८८॥सू०
१०॥ जंबुहीवस्स णं दीवस्स वेइया दो गाउयाइं उद्धं उच्चत्तेणं पन्नत्ता । लवणे णं
समुहे दो जोयणसयसहस्साइं चक्कवालविक्खंभेणं पन्नत्ते । लवणस्स णं समुहस्स
वेतिया दो गाउयाइ उद्धं उच्चत्तेणं पन्नत्ता ॥सूत्रं ११॥ धायइसंडे दीवे पुर-

च्छिमद्रेणं मंदरस्स पव्वयस्स उत्तरदाहियोणं दो वासा (पन्नत्ता) बहुसमतुल्ला जाव भरहे चैव एरवए चैव १। एवं जहा जंबुद्वीवे तथा एत्थवि भाणियव्वं जाव दोसु वासेसु मणुया छ्विहंपि कालं पच्चणुभवमाणा विहरंति, तंजहा- भरहे चैव एरवते चैव, णवरं कूडसामली चैव धायइरुक्खे चैव, देवा गरुले चैव वेणुदेवे सुदंसणो चैव २। धाततीसंडदीव-पच्चच्छिमद्रे णं मंदरस्स पव्वय- स्स उत्तरदाहियोणं दो वासा पन्नत्ता बहुसमतुल्ला जाव भरहे चैव एरवए चैव जाव छ्विहंपि कालं पच्चणुभवमाणा विहरंति भरहे चैव एरवए चैव, णवरं कूडसामली चैव महाधाततीरुक्खे चैव, देवा थरुले चैव वेणुदेवे पिय- दंसणो चैव ३। धायइसंडे णं दीवे दो भरहाइं दो एरवयाइं दो हेमवयाइं दो हेरन्नवयाइं दो हरिवासाइं दो स्मगरामाइं दो पुव्वविदेहाइं दो अवरविदेहाइं दो देवकुराओ दो देवकुरुमहदुमा १० दो देवकुरुमहदुमवासी देवा दो उत्तरकुराओ दो उत्तरकुरुमहदुमा दो उत्तरकुरुमहदुमवासी देवा दो चुल्लहिमवंता दो महा- हिमवंता दो निसहा दो नीलवंता दो रुप्पी दो सिहरी (२०) दो सहावाती दो सहावातवासी साती देवा दो वियडावाती दो वियडावातिवासी पभासा देवा दो गंधावाती दो गंधावातिवासी अरुणा देवा दो मालवंतपरियागा दो मालवंतपरियागावासी पउमा देवा दो मालवंता दो चित्तकूडा (३०) दो पम्ह- कूडा दो नल्लिणकूडा दो एगसेला दो तिकूडा दो वेसमणकूडा दो अंजणा दो मातंजणा दो सोमणसा दो विज्जुप्पभा दो अंकावती (४०) दो पम्हावती दो आसीविसा दो सुहावहा दो चंदपव्वता दो सूरपव्वता दो णागपव्वता दो देवपव्वया दो गंधमायणा दो उसुगारपव्वया दो चुल्लहिमवंतकूडा (५०) दो वेसमणकूडा दो महाहिमवंतकूडा दो वेरुलियकूडा दो निसहकूडा दो रुग्गकूडा दो नीलवंतकूडा दो उवदंसणकूडा दो रुप्पिकूडा दो मणिकंचण- कूडा दो सिहरिकूडा (६०) दो तिगिच्छिकूडा दो पउमदहा दो पउम- दहवासिणीओ सिरीदेवीओ दो महापउमदहा दो महापउमदहवासिणीओ

हिरीतो देवीयो (६५) एवं जाव दो पुंडरीयइहाँ दो पोंडरीयइहवासिणीयो
लच्छीदेवीयो, दो गंगात्रायइहा जाव दो रत्नवतिपवातइहा दो रोहियायो
(७०) जाव दो रूपकूलातो दो गाहवतीयो दो दहवतीयो दो पंकवतीयो
वेगवतीयो दो तत्तजलायो दो मत्तजलायो दो उम्तजलायो दो खीरो-
यायो खारोदायो दो सीहसीयासोतायो दो अंतोवाहिणीयो (८०) दो
उम्मिमालिणीयो दो फेणगंभीरमालिणीयो दो गंभीरफेणमालिणीयो दो
कच्छा दो सुकच्छा दो महाकच्छा दो कच्छगावती दो आवत्ता दो
मंगलावत्ता दो पुक्खला (९०) दो पुक्खलावई दो वच्छा दो सुवच्छा दो
महावच्छा दो वच्छगावती दो रम्मा दो रम्मगा दो रमणिजा दो मंगलावती
दो पम्हा (१००) दो सुपम्हा दो महपम्हा दो पम्हागावती दो संखा दो
णालिणा दो कुमुया दो स(ण)लिला(णा)वती दो वप्पा दो सुवप्पा दो महा-
वप्पा (११०) दो वप्पागावती दो वग्गू दो सुवग्गू दो गंधिला दो गंधिलावती
३२ दो खेमायो दो खेमपुरीयो दो रिट्टाओ दो रिट्टपुरीओ दो खग्गीतो
(१२०) दो मंजुसाओ दो ओसधीओ दो पोंडरिगिणीओ दो सुमीमाओ
दो कुंडलाओ दो अपराजियाओ दो पभंकराओ दो अंकावईओ दो पम्हा-
वईओ दो सुभाओ (१३०) दो रयणसंचयाओ दो आसंपुराओ दो सीह-
पुराओ दो महापुराओ दो विजयपुराओ दो अपराजिताओ दो अवराओ
दो असोयाओ दो विगयसोगाओ दो विजयातो (१४०) दो वेजयंतीओ दो
जयंतीओ दो अपराजियाओ दो चक्रपुराओ दो खग्गपुराओ दो अवज्जाओ
दो अउज्जाओ ३२ दो भइसालवणा दो रांदणावणा दो सोणसवणा (१५०)
दो पंडगवणाइं दो पंडुकंबलसिलाओ दो अतिपंडुकंबलसिलाओ दो रत्त-
कंबलसिलाओ दो अइरत्तकंबलसिलाओ दो मंदरा दो मंदरचूलिताओ
(१५७) धायतिसंडस्स रां दीवस्स वेदिया दो गाउयाइं उट्टमुचत्तेणं पन्नत्ता
५। (सूत्रं १२) कालोदस्स रां समुहरस्स वेइया दो गाउयाइं उट्टं उचत्तेणं

पन्नत्ता १। पुक्खरवरदीवहृपुरच्छिमद्धेणं मंदरस्स पव्वयस्स उत्तरदाहिणोणं दो
 वासा पन्नत्ता बहुसमतुल्ला जाव भरहे चैव एरवण चैव तहव जाव दो कुराओ
 पन्नत्ताओ देवकुरा चैव उत्तरकुरा चैव २। तत्थ णं दो महतिमहालता महद्दुमा
 पन्नत्ता तंजहा-कूडसामली चैव पउमरुक्खे चैव, देवा गरुले चैव वेणुदेवे
 पउमे चैव, जाव छव्विहंपि कालं पच्चणुभवमाणा विहरंति ३। पुक्खरवरदीवहृ-
 पच्चच्छिमद्धे णं मंदरस्स पव्वयस्स उत्तरदाहिणोणं दो वासा पन्नत्ता तंजहा-
 तहव णाणत्तं कूडसामली चैव महापउमरुक्खे चैव, देवा गरुले चैव वेणुदेवे
 पुंडरीण चैव ४। पुक्खरवरदीवहृ णं दीवे दो भरहाइं दो एरवयाइं
 जाव दो मंदरा दो मंदरचूलियाओ ५। पुक्खरवरस्स णं दीवस्स वेइया
 दो गाउयाइं उड्डमुच्चत्तेणं पन्नत्ता ६। सव्वेसिंपि णं दीवसमुद्दाणं वेदि-
 याओ दो गाउयाइं उड्डमुच्चत्तेणं पराणत्ताओ ७ (सू० ६३)। दो असुर-
 कुमारिंदा पन्नत्ता, तं जहा-चमरे चैव वली चैव १ दो णागकुमारिंदा
 पराणत्ता, तंजहा-धरणो चैव भूयाणंदे चैव २। दो सुवन्नकुमारिंदा पन्नत्ता
 तंजहा-वेणुदेवे चैव वेणुदाली चैव ३। दो विज्जुकुमारिंदा पन्नत्ता तंजहा-
 हरिच्चैव हरिस्सहे चैव ४। दो अग्गिकुमारिंदा पन्नत्ता तंजहा-अग्गिसिहे
 चैव अग्गिमाणवे चैव ५। दो दीवकुमारिंदा पन्नत्ता तंजहा-पुन्ने चैव विसिट्ठे
 चैव ६। दो उदहिकुमारिंदा पन्नत्ता तंजहा-जलकंते चैव जलप्पभे चैव ७।
 दो दीसाकुमारिंदा पन्नत्ता तंजहा-अमियगती चैव अमितवाहणो चैव ८। दो
 वातकुमारिंदा पन्नत्ता तंजहा-वेलंबे चैव पभंजणो चैव ९। दो थणियकुमा-
 रिंदा पन्नत्ता तंजहा-घोसे चैव महाघोसे चैव १०। दो पिसाइंदा पन्नत्ता-
 तंजहा-काले चैव महाकाले चैव ११। दो भूइंदा पन्नत्ता तंजहा-सुरूवे
 चैव पडिरूवे चैव १२। दो जक्खिंदा पन्नत्ता, तंजहा-पुन्नभद्दे चैव माणि-
 भद्दे चैव १३। दो रक्खसिंदा पन्नत्ता तंजहा-भीमे चैव महाभीमे चैव १४।
 दो किन्नरिंदा पन्नत्ता, तंजहा-किन्नरे चैव किंपुरिसे चैव १५। दो किंपुरि-

सिंदा पन्नत्ता तंजहा-सप्पुरिसे चैव महापुरिसे चैव १६ । दो महोरगिंदा पन्नत्ता तंजहा-अतिकाए चैव महाकाए चैव १७ । दो गंधव्विदा पन्नत्ता तंजहा-गीतरती चैव गीयजसे चैव १८ । दो अणपन्निदा पन्नत्ता तंजहा-संनिहिए चैव सामराणे चैव १९ । दो पणपन्निदा पन्नत्ता तंजहा-धाए चैव विहाए चैव २० । दो इसिवाइंदा पन्नत्ता तंजहा-इसिच्चेव इसिवाले चैव २१ । दो भूतवाइंदा पन्नत्ता, तंजहा-इस्सरे चैव महिस्सरे चैव २२ । दो कंदिंदा पन्नत्ता तंजहा-सुवच्छे चैव विसाले चैव २३ । दो महाकंदिंदा पन्नत्ता तंजहा-हस्से चैव हस्सरती चैव २४ । दो कुभंडिंदा पन्नत्ता तंजहा-सेए चैव महासेए चैव २५ । दो पतइंदा पन्नत्ता तंजहा-पतए चैव पतयवई चैव २६ । जोइसियाणां देवाणां दो इंदा पन्नत्ता तंजहा-चंदे चैव सूरे चैव २७ । सोहम्मीसाणेसु गां कप्पेसु दो इंदा पन्नत्ता तंजहा-सक्के चैव ईसाणे चैव २८ । एवं सणांकुमारमाहिंदेसु कप्पेसु दो इंदा पन्नत्ता तंजहा-सणांकुमारे चैव माहिंदे चैव २९ । बंभलोगलंतएसु गां कप्पेसु दो इंदा पन्नत्ता तंजहा-बंभे चैव लंतए चैव ३० । महासुकसहस्सारेसु गां कप्पेसु दो इंदा पन्नत्ता तंजहा-महासुकके चैव सहस्सारे चैव ३१ । आणयपाणतारणाच्चुतेसु गां कप्पेसु दो इंदा पन्नत्ता तंजहा-पाणते चैव अच्चुते चैव ३२ । महासुकसहस्सारेसु गां कप्पेसु विमाणा दुवराणा पन्नत्ता तंजहा-हालिहा चैव सुकिला चैव ३३ । गोविज्जगाणां देवा गां दो रयणीयो उड्डमुच्चतेणां पन्नत्ता ३४ ।

॥सू० ६४॥

॥ इति द्वितीयस्थाने तृतीयोद्देशकः समाप्तः ॥ २-३ ॥

॥ अथ द्वितीयस्थाने चतुर्थोद्देशकः ॥

समयाति वा आवलियाति वा जीवाति या अजीवाति या पवुञ्चति १,
 आणापाणाति वा थोवेति वा जीवाति या अजीवाति या पवुञ्चति २,
 खण्णाति वा लवाति वा जीवाति या अजीवाति या पवुञ्चति ३, एवं मुहु-
 त्ताति वा अहोरत्ताति वा ४, पक्खाति वा मासाति वा ५, उडूति वा अय-
 ण्णाति वा ६, संवच्छराति वा जुगाति वा ७, वाससयाति वा वासमहस्साइ
 वा ८, वाससतमहस्साइ वा वासकोडीइ वा ९, पुव्वंगाति वा पुव्वाति वा
 १०, तुडियंगाति वा तुडियाति वा ११, अडडंगाति वा अडडाति वा
 १२, अव्वंगाति वा अव्वाति वा १३, हूहूअंगाति वा हूहूयाति वा
 १४, उप्पलंगाति वा उप्पलाति वा १५, पउमंगाइ वा पउमाति वा १६,
 णालिणंगाति वा णालिणाति वा १७, अच्छणिकुरंगाति वा अच्छणितुराति
 वा १८, अउअंगाति वा अउआति वा १९, णउअंगाति वा णउआति वा
 २०, पउतंगाति वा पउताति वा २१, चूलितंगाति वा चूलिताति वा २२,
 सीसपहेलियंगाति वा सीसपहेलियाति वा २३, पलिओवमाति वा सामरो-
 वमाति वा २४, उस्सप्पिणीति वा ओसप्पिणीति वा जीवाति या अजीवाति
 या पवुञ्चति २५, १। गामाति वा णगराति वा निगमाति वा रायहाणीति
 वा २। खेडाति वा कच्चडाति वा ३। मडवाति वा दोणमुहाति वा ४। पट्ट-
 णाति वा आगराति वा ५। आसमाति वा संवाहाति वा ६। संनिवेसाइ वा
 घोसाइ वा ७। आरामाइ वा उज्जाणाति वा ८। वणाति वा वणसंडाति वा
 ९। वावीइ वा पुक्खरणीति वा १०। सराति वा सरपंतीति वा ११। अग-
 डाति वा तलागाति वा १२। दहाति वा णदीति वा १३। पुढवीति वा उद-
 हीति वा १४। वातखंधाति वा उवासंतराति वा १५। बलताति वा विग्ग-
 हाति वा १६। दीवाति वा समुद्दाइ वा १७। वेलाति वा वेतीताति वा १८।

दाराति वा तोरणाति वा १६ । शोरतिताति वा शोरतितावासाति वा जाव
वेमाणियाइ वा वेमाणियावासाति वा ४३। कप्पाति वा कप्पविमाणावासाति
वा ४४ । वासाति वा वासधरपञ्चताति वा ४५ । कूडाति वा कूडगाराति वा
४६। विजयाति वा रायहाणीइ वा जीवाति या अजीवाति या पबुच्चति
४७, २। छाताति वा आतवाति वा, दोसिणाति वा अंधगाराति वा, ओमा-
णाति वा उम्माणाति वा, अतिताणगिहाति वा उज्जाणगिहाति वा, अदलिं-
नाति वा सण्णिप्पवाताति वा जीवाति या अजीवाति या पबुच्चइ ३। दो रासी
पन्नत्ता तंजहा— जीवरासी चैव अजीवरासी चैव ४ ॥ सूत्रं ६५॥ दुविहे बंधे
पन्नत्ते तंजहा—पेज्जबंधे चैव दोसबंधे चैव १। जीवाणं दोहिं ठणोहिं पावं कम्मं
बंधंति तंजहा—रागेण चैव दोसेण चैव २। जीवा णं दोहिं ठणोहिं पावं
कम्मं उदीरेंति, तंजहा—अब्भोवगमिताते चैव वेतणाते, उवकमिताते चैव
वेयणाते ३। एवं वेदेंति एवं णिज्जरेति—अब्भोवगमिताते चैव वेयणाते उवक-
मिताते चैव वेयणाते ४ ॥सूत्रं ६६॥ दोहिं ठणोहिं आता सरीरं फुसित्ताणं
णिज्जाति, तंजहा—देसेणवि आता सरीरं फुसित्ताणं णिज्जाति, सब्बेणवि
आया सरीरं फुसित्ताणं णिज्जाति १। एवं फुरित्ताणं एवं फुडित्ता एवं संव-
ट्टित्ता एवं निव्वट्टित्ता २॥सूत्रं ६७॥ दोहिं ठणोहिं आता केवल्लिपन्नत्तं
धम्मं लभेज्जा सवणाताते, तंजहा—खतेण चैव उवसमेण चैव १। एवं
जाव मणापज्जवनाणं उप्पाडेज्जा तंजहा—खतेण चैव उवसमेण चैव २।
॥सूत्रं ६८॥ दुविहे अद्धोवमिणं पन्नत्ते तंजहा—पलिओवमे चैव सागरोवमे
चैव, से किं तं पलिओवमे ?, पलिओवमे—जं जोयणाविच्छिन्नं, पल्लं
एगाहियप्परुद्धाणं । होज्ज निरंतरणिचितं भरितं वालग्गकोडीणं ॥ १ ॥
वाससए वामसए एक्केक्के अवहडंमि जो कालो । सो कालो
बोद्धव्वो उवमा एगस्स पल्लस्स ॥२॥ एणसिं पल्लाणं कोडाकोडी हवेज्ज
दसगुणिता । तं सागरोवमस्स उ एगस्स भवे परीमाणं ॥ ३ ॥ सू० ६९ ॥

दुविहे कोहे पन्नते तंजहा-आयपइट्टिते चैव परपइट्टिए चैव, एवं नेरइयाणं जाव वेमाणियाणं, एवं जाव मिच्छादंसणसल्लं ॥सू० १००॥ दुविहा संसारसमा-
 वन्नगा जीवा पन्नत्ता तंजहा-तसा चैव थावरा चैव १। दुविहा सब्वजीवा पन्नत्ता
 तंजहा-सिद्धा चैव अमिद्धा चैव २। दुविहा सब्वजीवा पराणत्ता तंजहा-
 सइंदिया चैव अण्णिदिया चैव ३। एवं एसा गाहा फासेतव्वा जाव ममरीरी
 चैव असरीरी चैव ४। 'सिद्धसइंदियकाए जोगे वेए कमाय लेसा य । णाणु-
 वओगाहारे भासग चरिमे य समरीरी ॥ १ ॥' ॥सू० १०१॥
 दो मरणाइं समणोणं भगवता महावीरेणं समणाणं णिग्गंथाणं णो णिच्चं
 वन्नियाइं णो णिच्चं कित्तियाइं णो णिच्चं बुइयाइं (पुइयाइं) णो णिच्चं
 पसत्थाइं णो णिच्चं अब्भणुन्नायाइं भवंति, तंजहा-वलायमरणो चैव वसट्ट-
 मरणो चैव १ एवं णियाणमरणो चैव तव्भवमरणो चैव २ गिरिपडणो
 चैव तरुपडणो चैव ३ जलप्पवेसे चैव जलणप्पवेसे चैव ४ विस-
 भक्खणो चैव सत्थोवाडणो चैव ५, १। दो मरणाइं जाव णो णिच्चं
 अब्भणुन्नायाइं भवंति, कारणेण पुण्ण अप्पडिक्कुट्टाइं, तंजहा-वेहाणसे चैव
 गिद्धपट्टे चैव ६, २। दो मरणाइं समणोणं भगवया महावीरेणं समणाणं
 निग्गंथाणं णिच्चं वन्नियाइं जाव अब्भणुन्नायाइं भवंति, तंजहा-पाओवगमणो
 चैव भत्तपच्चक्खणो चैव ७, २। पाओवगमणो दुविहे पन्नत्ते तंजहा-णीहा-
 रिमे चैव अनीहारिमे चैव णियमं अपडिक्कमे ८, ४। भत्तपच्चक्खणो दुविहे
 पन्नत्ते तंजहा-णीहारिमे चैव अणीहारिमे चैव, णियमं सपडिक्कमे ९, ५॥ सू०
 १०२॥ के अयं लोणे ?, जीवच्चेव अजीवच्चेव, के अणंता लोए ?,
 जीवच्चेव अजीवच्चेव, के सासया लोणे ?, जीवच्चेव अजीवच्चेव ॥सू०
 १०३॥ दुविहा बोधी पन्नत्ता तंजहा-णाणवोधी चैव दंसणवोधी चैव,
 दुविहा बुद्धा पन्नत्ता तंजहा-णाणबुद्धा चैव दंसणबुद्धा चैव, एवं मोहे, मूढा
 ॥ सू० १०४॥ गाणावरणिज्जे कम्मे दुविहे पन्नत्ते तंजहा-देसनाणावर-

णिज्जे चेव सर्वणाणावरणिज्जे चेव १। दरिसणावरणिज्जे कम्मे एवं चेव
 २। वेयणिज्जे कम्मे दुविहे पन्नत्ते तंजहा-मातावेयणिज्जे चेव असातावेय-
 णिज्जे चेव ३। मोहणिज्जे कम्मे दुविहे पन्नत्ते तंजहा-दंसणामोहणिज्जे चेव
 चरित्तमोहणिज्जे चेव ४। आउए कम्मे दुविहे पन्नत्ते तंजहा-अद्धाउए चेव
 भवाउए चेव ५। णामे कम्मे दुविहे पन्नत्ते तंजहा-सुभणामे चेव असुभणामे चेव
 ६। गोत्ते कम्मे दुविहे पन्नत्ते तंजहा-उच्चागोते चेव णीयागोते चेव ७। अंत-
 राइए कम्मे दुविहे पन्नत्ते तंजहा-पडुच्चुपन्नविणासिए चेव पिहितआगामिपहं
 (आगामिपहं, आयसपहं) = ॥ सूत्र १०५ ॥ दुविहा मुच्छा पन्नत्ता
 तंजहा-पेज्जवत्तिता चेव, दोसवत्तिता चेव, पेज्जवत्तिया मुच्छा दुविहा
 पन्नत्ता तंजहा-माए चेव लोभे चेव, दोसवत्तिया मुच्छा दुविहा पन्नत्ता तंजहा-
 कोहे चेव माणे चेव ॥ सू० १०६ ॥ दुविहा आराहणा पन्नत्ता तंजहा-
 धम्मिताराहणा चेव केवलिआराहणा चेव, धम्मियाराहणा दुविहा पन्नत्ता
 तंजहा-सुयधम्माराहणा चेव चरित्तधम्माराहणा चेव, केवलिआराहणा दुविहा
 पन्नत्ता तंजहा-अंतकिरिया चेव कप्पविमाणोववत्तिया चेव ॥ सू० १०७ ॥
 दो तित्थगरा नीलुप्पलसमा वन्नेणं पन्नत्ता तंजहा-मुणिसुव्वए चेव अरिट्ठ-
 नेमी चेव, दो तित्थयरा पियंगुमामा वन्नेणं पन्नत्ता तंजहा-मल्ली चेव पासे
 चेव, दो तित्थयरा पउमगोरा वन्नेणं पन्नत्ता तंजहा-पउमप्पहे चेव वासुपुज्जे
 चेव, दो तित्थगरा चंदगोरा वन्नेणं पन्नत्ता तंजहा-चंदप्पभे चेव पुप्फदत्ते चेव
 ॥ सू० १०८ ॥ सच्चप्पवायपुव्वस्स णं दुवे वत्थू पन्नत्ते, ॥ सू० १०९ ॥
 पुव्वाभद्वया-णावस्सत्ते दुतारे पन्नत्ते, उत्तरभद्वया-णावस्सत्ते दुतारे पराणत्ते, एवं
 पुव्वफग्गुणी उत्तराफग्गुणी ॥ सू० ११० ॥ अंतो णं मणुस्सखेत्तस्स दो
 समुहा पन्नत्ता तंजहा-लवणे चेव कालोदे चेव ॥ सू० १११ ॥ दो चक्कवट्ठी
 अपरिचत्तकामभोगा कालमासे कालं किच्चा अहेसत्तमाए पुढ्वीए अप्पत्ति-
 ट्ठाणे णए नेरइत्ताए उववन्ना तंजहा-सुभूमे चेव बंभदत्ते चेव ॥ सू०

११२॥ असुरिन्दवज्जियाणां भवणवासीणां देवाणां देसूणां दो पलित्त्रोवमाइं ठिती पन्नत्ता, सोहम्मे कप्पे देवाणां उक्कोसेणां दो सागरोवमाइं ठिती पन्नत्ता, ईसाणो कप्पं देवाणां उक्कोसेणां सातिरेगाइं दो सागरोवमाइं ठिती पन्नत्ता, सणांकुमारे कप्पे देवाणां जहन्नेणां दो सागरोवमाइं ठिती पन्नत्ता, माहिंदे कप्पे देवाणां जहन्नेणां साइरेगाइं दो सागरोवमाइं ठिती पन्नत्ता ॥सू० ११३॥ दोसु कप्पेसु कप्पत्थियात्रो पन्नत्तात्रो, तजहा—सोहम्मे चेव ईसाणो चेव ॥सू० ११४॥ दोसु कप्पेसु देवा तेउलेस्सा पन्नत्ता, तंजहा—सोहम्मे चेव ईसाणो चेव ॥सू० ११५॥ दोसु कप्पेसु देवा कायपरियारगा पन्नत्ता तंजहा—सोहम्मे चेव ईसाणो चेव, दोसु कप्पेसु देवा फासपरियारगा पन्नत्ता तंजहा—सणांकुमारे चेव माहिंदे चेव, दोसु कप्पेसु देवा रूवपरियारगा पन्नत्ता तंजहा—बंभलोगे चेव लंतगे चेव, दोसु कप्पेसु देवा सहपरियारगा पन्नत्ता तंजहा—महासुक्के चेव सहस्सारे चेव, दो इंदा मणपरियारगा पन्नत्ता तंजहा—पाणए चेव अच्चुए चेव ॥सू० ११६॥ जीवा णां दुट्ठाणाणिव्वत्तिए पोग्गले पाव-कम्मत्ताए चिणिसु वा चिणांति वा चिणास्संति वा, तंजहा—तसकायनिव्वत्तिए चेव थावरकायनिव्वत्तिए चेव, एवं उवचिणिसु वा उवचिणांति वा उवचि-णिस्संति वा, बंधिसु वा बंधंति वा बंधिस्संति वा, उदीरिसु वा उदीरंति वा उदीरिस्संति वा, वेदंसु वा वेदंति वा वेदिस्संति वा, णिज्जरिसु वा णिज्ज-रिंति वा णिज्जरिस्संति वा ॥सू० ११७॥ दुपएसिता खंधा अणांता पन्नत्ता, दुपदेसोगाढा पोग्गला अणांता पन्नत्ता एवं जाव दुगुणालुक्खा पोग्गला अणांता पन्नत्ता ॥सू० ११८॥ दुट्ठाणां समत्तं ॥

॥ इति चतुर्थोद्देशकाः ॥२-४॥ इति द्वितीयं द्विस्थानकाध्ययनम् ॥२॥

॥ अथ तृतीयं त्रिस्थानकायध्यनम् ॥ प्रथमोद्देशकः ।

तत्रो इंदा पणत्ता तंजहा-णांमिदे ठ्वणिंदे दंविंदे, तत्रो इंदा पन्नत्ता तंजहा-णांमिंदे दंसणिंदे चरिंदिंदे, तत्रो इंदा पन्नत्ता तंजहा-देविंदे अहुरिंदे मणुस्सिंदे ॥सू० ११६॥ तिविहा विउव्वणा पन्नत्ता तंजहा-बाहिरते पोग्गले परियात्ता एगा विकुव्वणा, बाहिरए पोग्गले अपरिया-दित्ता एगा विकुव्वणा, बाहिरए पोग्गले परियादित्तावि अपपरियादित्तावि एगा विकुव्वणा १। तिविहा विगुव्वणा पन्नत्ता तंजहा-अव्भंतरए पोग्गले परियात्ता एगा विकुव्वणा, अव्भंतरे पोग्गले अपरियादित्ता एगा विकुव्वणा, अव्भंतरए पोग्गले परियादित्तावि अपरितादित्तावि एगा विकुव्वणा २। तिविहा विकुव्वणा पन्नत्ता तंजहा-बाहिरव्भंतरए पोग्गले परियात्ता एगा विकुव्वणा, बाहिरव्भंतरए पोग्गले अपरियात्ता एगा विगुव्वणा, बाहिरव्भंतरए पोग्गले परियात्तावि अपरियात्तावि एगा विउव्वणा ३। ॥सू० १२०॥ तिविहा नेरइया पन्नत्ता तंजहा-कतिसंचिता अकतिसंचिता अवत्तव्वगसंचिता, एवमेगिदियवज्जा जाव वेमाणिया ॥सू० १२१॥ तिविहा परियारणा पन्नत्ता तंजहा-एगे देवे अन्ने देवे अन्नेसि देवाणं देवीओ अ अभिजुंजिय २ परियारेति, अप्पणिज्जिआओ देवीओ अभिजुंजिय २ परियारेति, अप्पणामेव अप्पणा विउव्विय २ परियारेति १। एगे देवे णो अन्ने देवा णो अराणंसिं देवाणं देवीओ अभिजुंजिय २ परियारेति, अत्त-णिज्जिआओ देवीओ अभिजुंजिय २ परियारेइ, अप्पणामेव अप्पणा विउ-व्विय २ परियारेति २। एगे देवे णो अन्ने देवा णो अराणंसिं देवाणं देवीओ अभिजुंजिय २ परितारेति, णो अप्पणिज्जिताओ देवीओ अभि-जुंजिय २ परितारेति, अप्पणामेव अप्पणां विउव्विय २ परितारेति ३। ॥सू० १२२॥ तिविहे मेहुणे पन्नत्ते तंजहा-दिव्वे माणुस्सते तिरिक्ख-

जोगीते, तत्रो मेहुणं गच्छंति तंजहा—देवा मणुस्मा तिरिख्वजोशिता,
ततो मेहुणं सेवन्ति तंजहा—इत्थी पुरिसा णपुंसगा ॥सू० १२३॥ तिविहे
जोगे पन्नत्ते तंजहा—मणजोगे वतिजोगे कायजोगे, एवं शोरतिताणं विग-
लिंदियवज्जाणं जाव वेमाणियाणं १। तिविहे पत्रोगे पन्नत्ते तंजहा—मणप-
त्रोगे वतिपत्रोगे कायपत्रोगे, जहा जोगो विगलिंदियवज्जाणं तथा पत्रो-
गोऽपि २। तिविहे करणे पन्नत्ते तंजहा—मणकरणे वतिकरणे कायकरणे
एवं विगलिंदियवज्जं जाव वेमाणियाणं ३। तिविहे करणे पन्नत्ते तंजहा—
आरंभकरणे संरंभकरणे समारंभकरणे, निरंतरं जाव वेमाणियाणं ४ सू०
१२४॥ तिहिं ठाणेहिं जीवा अप्पाउत्ताते कम्मं पगरंति, तंजहा—पाणे अति-
वात्तिता भवति, मुसं वइत्ता भवइ, तहारूवं समणं वा माहणं वा अफासुएणं अणो-
सणिज्जेणं असणपाणखाइमसाइमेणं पडिलाभित्ता भवइ, इच्चेतेहि तिहिं
ठाणेहिं जीवा अप्पाउत्ताते कम्मं पगरंति १। तिहिं ठाणेहिं जीवा दीहा-
उत्ताते कम्मं पगरंति, तंजहा—णो पाणे अतिवात्तिता भवइ, णो मुसं
वत्तिता भवति, तथारूवं समणं वा माहणं वा फासुएमणिज्जेणं असणपाण-
खाइमसाइमेणं पडिलाभेत्ता भवइ, इच्चेतेहिं तिहिं ठाणेहिं जीवा दीहाउत्ता-
ए कम्मं पगरंति २। तिहिं ठाणेहि जीवा असुभदीहाउत्ताए कम्मं पगरंति,
तंजहा—पाणे अतिवात्तिता भवइ, मुसं वइत्ता भवइ, तहारूवं समणं वा
माहणं वा हीलेत्ता णिंदित्ता खिंसेत्ता गरहित्ता, अवमाणित्ता अन्नयरेणं
अमणुन्नेणं अपीतिकारतेणं असणपाणखाइमसाइमेणं पडिलाभेत्ता भवइ,
इच्चेतेहिं तिहिं ठाणेहि जीवा असुभदीहाउत्ताए कम्मं पगरंति ३। तिहि
ठाणेहिं जीवा सुभदीहाउत्ताते कम्मं पगरंति, तंजहा—णो पाणे अति-
वात्तिता भवइ, णो मुसं वदित्ता भवइ, तहारूवं समणं वा माहणं वा वंदित्ता
नमंसित्ता सकारित्ता समारोत्ता कल्लाणं मंगलं देवतं चेतितं पज्जुवासेत्ता
मणुन्नेणं पीतिकारणं असणपाणखाइमसाइमेणं पडिलाभेत्ता भवइ, इच्चे-

तेहिं तिहिं अणोहिं जीवाः सुहृदीहाउतत्तात्ते कम्मं पगरंति ॥सू० १२५॥
ततो गुतीतो पन्नत्तात्थो, तंजहा—मणगुत्ती वतिगुत्ती कायगुत्ती १। संजय-
मणुस्साणं ततो गुत्तीत्थो पन्नत्तात्थो तंजहा—मणगुत्ती वइगुत्ती कायगुत्ती २।
तत्थो अगुत्तीत्थो पन्नत्तात्थो तंजहा—मणअगुत्ती वइअगुत्ती कायअगुत्ती ३।
एवं नेरइताणं जाव थणियकुमाराणं ४। पंचिंदियतिरिक्खजोणियाणं असंजत-
मणुस्साणं वाणमंतराणं जोइमियाणं वेमाणियाणं ५। तत्थे दंडा पन्नत्ता
तंजहा—मणदंडे वयदंडे कायदंडे ६। नेरइयाणं तत्थो दंडा पराणत्तां, तंजहा—
मणदंडे वइदंडे कायदंडे ७। विगल्लिंदियवज्जं जाव वेमाणियाणं ८ ॥सू०
१२६॥ तिविहा गरहा पन्नत्ता तंजहा—मणसा वेगे गरहति, वयसा वेगे
गरहति, कायसा वेगे गरहति पावाणं कम्माणं अकरायाए १। अथवा
गरहा तिविहा पन्नत्ता तंजहा—दीहंपेगे अद्धं गरहति, रहस्संपेगे अद्धंगर-
हति, कायंपेगे पडिसाहरति पावाणं कम्माणं अकरायाए २। तिविहे पच्च-
क्खाणे पन्नत्ते तंजहा—मणसा वेगे पच्चक्खाति वयसा वेगे पच्चक्खाति कायसा
वेगे पच्चक्खाइ, एवं जहा गरहा तहा पच्चक्खाणेवि दो आलावगा भाणि-
यव्वा ३ ॥सू० १२७॥ ततो रुक्खा पन्नत्ता तंजहा—पत्तोवते फलोवते
पुण्णोवते १। एवामेव तत्थो पुरिसजाता पन्नत्ता तंजहा—पत्तोवारुक्खसा-
माणा पुण्णोवारुक्खसामाणा फलोवारुक्खसामाणा २। ततो पुरिसजाया
पन्नत्ता तंजहा—नामपुरिसे ठवणपुरिसे दव्वपुरिसे ३। तत्थो पुरिसजाया
पन्नत्ता तंजहा—नाणपुरिसे दंसणपुरिसे चरित्तपुरिसे ४। तत्थो पुरिसजाया
पन्नत्ता तंजहा—वेदपुरिसे चिंधपुरिसे अभिलावपुरिसे ५। तिविहा पुरिसजाया
पन्नत्ता तंजहा—उत्तमपुरिसा मज्झिमपुरिसा जहन्नपुरिसा ६। उत्तमपुरिसा
तिविहा पन्नत्ता तंजहा—धम्मपुरिसा भोगपुरिसा कम्मपुरिसा, धम्मपुरिसा
अरिहंता भोगपुरिसा चक्खट्ठी कम्मपुरिसा वासुदेवा ७। मज्झिमपुरिसा
तिविहा पन्नत्ता तंजहा—उग्गा भोगा रायन्ती ८। जहन्नपुरिसा तिविहा

पन्नत्ता तंजहा-इसा भयगा भातिलगा ६ ॥सू० १२८॥ तिविहा मच्छा
 पन्नत्ता तंजहा-ग्रंडया पोत्रया संमुच्छिमा १। ग्रंडगा मच्छा तिविहा
 पन्नत्ता तंजहा-इथी पुरिसा णपुंसगा २। पोतया मच्छा तिविहा पन्नत्ता
 तंजहा-इथी पुरिसा णपुंसगा ३। तिविहा पक्खी पन्नत्ता तंजहा-ग्रंडया
 पोत्रया संमुच्छिमा ४। ग्रंडया पक्खी तिविहा पन्नत्ता तंजहा-इथी पुरिसा
 णपुंसगा ५। पोतजा पक्खी तिविहा पन्नत्ता तंजहा-इथी पुरिसा णपुंसगा
 ६। एवमेतेणं अभिलावेणं उरपरिसप्पावि ७। भाणियव्वा ७। भुजपरिसप्पावि
 ८। भाणियव्वा ८ ॥सू० १२९॥ एवं चैव तिविहा इथीत्रो पन्नत्तात्रो तंजहा-
 तिरिक्खजोणित्थीत्रो जोणियात्रो मणुस्सिथीत्रो देवित्थीत्रो १। तिरिक्ख-
 जोणित्थीत्रो इथीत्रो तिविहात्रो पन्नत्तात्रो तंजहा-जलचरीत्रो थलचरीत्रो
 खहचरीत्रो २। मणुस्सिथीत्रो तिविहात्रो पन्नत्तात्रो तंजहा-कम्मभूमि-
 यात्रो अकम्मभूमियात्रो अंतरदीविगात्रो ३। तिविहा पुरिसा पन्नत्ता
 तंजहा-तिरिक्खजोणीपुरिसा मणुस्सपुरिसा देवपुरिसा ४। तिरिक्खजोणि-
 पुरिसा तिविहा पन्नत्ता तंजहा-जलचरा थलचरा खेचरा ५। मणुस्सपुरिसा
 तिविहा पन्नत्ता तंजहा-कम्मभूमिगा अकम्मभूमिगा अंतरदीविगा ६। तिविहा
 नपुंसगा पन्नत्ता तंजहा-गौरतियनपुंसगा तिरिक्खजोणियनपुंसगा मणुस्स-
 जोणियनपुंसगा ७। तिरिक्खजोणियनपुंसगा तिविहा पन्नत्ता तंजहा-
 जलयरा थलयरा खहयरा ८। मणुस्सनपुंसगा तिविहा पन्नत्ता तंजहा-
 कम्मभूमिगा अकम्मभूमिगा अंतरदीविगा ९ ॥सू० १३०॥ तिविहा
 तिरिक्खजोणिया पन्नत्ता तंजहा-इथी पुरिसा नपुंसगा ॥सू० १३१॥
 नेरइयाणं तत्रो लेसात्रो पन्नत्तात्रो तंजहा-करहलेसा नीललेसा काउलेसा
 १। असुरकुमाराणं तत्रो लेसात्रो संकिलिट्ठात्रो पन्नत्तात्रो तंजहा-करह-
 लेसा नीललेसा काउलेसा २। एवं जाव थणियकुमाराणं ११। एवं पुढवि-
 क्कइयाणं १२। आउवणास्सतिकाइयाणवि १३-१४। तेउकाइयाणं १५। वाउ-

काइयाणं १६। वैदियाणं १७। तैदियाणं १८। चउरिंदियाणावि १९। तत्रो
 लेस्सा जहा नेरइयाणं । पंचिदियतिरिक्खजोगियाणं तत्रो लेसात्रो संकि-
 लिट्ठात्रो पन्नत्तात्रो तंजहा-करहलेसा नीललेसा काउलेसा २०। पंचिदिय-
 तिरिक्खजोगियाणं तत्रो लेसात्रो असंकिलिट्ठात्रो पन्नत्तात्रो तंजहा-तेउ-
 लेसा पम्हलेसा सुकलेसा २१। एवं मणुस्साणावि २२। वाणमंतराणं जहा
 असुरकुमाराणां २३। वेमाणियाणं तत्रो लेस्सात्रो पन्नत्तात्रो तंजहा-तेउ-
 लेसा पम्हलेसा सुकलेसा २४ ॥सू० १३२॥ तिहिं ठगोहिं तारारूवे
 चलिजा तंजहा-विकुञ्जमाणो वा परियारेमाणो वा ठणात्रो वा ठाणं संक-
 ममाणो तारारूवे चलेजा १। तिहिं ठगोहिं देवे विज्जुतारं करेजा तंजहा-
 विकुञ्जमाणो वा परियारेमाणो वा तहारूवस्स समास्स वा माहास्स वा
 इहिं जुत्तिं जसं बलं वीरियं पुरिसकारपरकमं उवदंसेमाणो देवे विज्जुतारं
 करेजा २। तिहिं ठगोहिं देवे थणियसद्दं करेजा तंजहा-विकुञ्जमाणो, एवं
 जहा विज्जुतारं तहेव थणियसद्दं पि ३।सू० १३३। तिहिं ठगोहिं
 लोगंधयारे सिया तंजहा-अरिहंतेहिं वोच्छिज्जमाणोहिं, अरिहंतपन्नत्ते
 धम्मे वोच्छिज्जमाणो, पुव्वगते वोच्छिज्जमाणो १। तिहिं ठगोहिं लोगु-
 ज्जोते सिया तंजहा-अरहंतेहिं जायमाणोहिं, अरहंतेसु पव्वयमाणोसु,
 अरहंताणं णाणुप्पायमहिमासु २। तिहिं ठगोहिं देवंधकारे सिया तंजहा-
 अरहंतेहिं वोच्छिज्जमाणोहिं, अरहंतपन्नत्ते धम्मे वोच्छिज्जमाणो, पुव्व-
 गते वोच्छिज्जमाणो ३। तिहिं ठगोहिं देवुज्जोते सिया तंजहा-अरहंतेहिं
 जायमाणोहिं, अरहंतेहिं पव्वयमाणोहिं, अरहंताणं णाणुप्पायमहिमासु ३।
 तिहिं ठगोहिं देवसंनिवाए सिया तंजहा-अरिहंतेहिं जायमाणोहिं, अरिहं-
 तेहिं पव्वयमाणोहिं, अरिहंताणं नाणुप्पायमहिमासु ४। एवं देवुक्कलियां षा
 देवकहकहए ७। तिहिं ठगोहिं देविंदा माणुसं लोगं हव्वमाणच्छंति तंजहा-
 अरहंतेहिं जायमाणोहिं, अरहंतेहिं पव्वयमाणोहिं, अरहंताणं णाणुप्पायम-

हिमासु ८। एवं सामाणिया ९। तायतीसगा १०। लोगयाला देवा ११।
 अग्गमहिशीयो देवीयो १३। परिसोववन्नगा देवा १३। अणियाहिवई देवा
 १४। आयरक्खा देवा १५। माणुसं लोगं हव्वमागच्छंति । तिहिं ठाणोहिं
 देवा अब्भुट्टिजा, तंजहा—अरहंतेहिं जायमागोहिं जाव तं चव १६। एवमा-
 सणाइं चलेजा १७। सीहणातं करेजा १८। चेलुक्खेवं करेजा १९। तिहिं
 ठाणोहिं देवाणं चेइयरुक्खा चलेजा तंजहा—अरहंतेहिं तं चव २०। तिहिं
 ठाणोहिं लोगंतिया देवा माणुसं लोगं हव्वमागच्छिजा, तंजहा—अरहंतेहिं
 जायमागोहिं, अरहंतेहिं पव्वयमाणोहिं, अरहंताणं गाणुप्पायंमहिमासु २१।
 ॥सू० १३४॥ तिगहं दुप्पडियारं समणाउसो ! तंजहा—अम्मापिउणो १
 भट्टिस्स २ धम्मायरिस्स ३, संपातोजवि य णं केइ पुरिसे अम्मापियरं सयपा-
 गसहस्सपागेहिं तिल्लेहिं अंभंगेत्ता सुरभिणा गंधट्टणं उव्वट्टिता तिहिं
 उदगेहिं मजावित्ता सब्वालंकारंविभूमियं करेत्ता मणुन्नं थालीपागसुद्धं
 अट्टारसवंजणाउलं भोयणं भोयावेत्ता जावजीवं पिट्टिवडेंसियाए परिवहेजा,
 तेणावि तस्स अम्मापिउस्स दुप्पडियारं भवइ, अहे णं से तं अम्मापियरं
 केवलपन्नत्ते धम्मे आघवइत्ता पन्नवित्ता परुवित्ता ठावित्ता भवति, तेणामेवं
 तस्स अम्मापिउस्स सुप्पडितारं भवति समणाउसो ! १। केइ महच्चे दरिहं
 समुक्कसेजा, तए णं से दरिहे समुक्किट्ठे समागो पच्छा पुरं च णं विउलभो-
 गसमितिसमन्नागते यावि विहरेजा, तए णं से महच्चे अन्नया कयाइ दरि-
 हीहूए समागो तस्स दरिइस्स अंतिए हव्वमागच्छेजा, तए णं से दरिहे
 तस्स भट्टिस्स सब्बस्समवि दलयमाणो तेणावि तस्स दुप्पडियारं भवति, अहे
 णं से तं भट्टिं केवलपन्नत्ते धम्मे आघवइत्ता पन्नवइत्ता परुवइत्ता ठावइत्ता
 भवति, तेणामेव तस्स भट्टिस्स सुप्पडियारं भवति २। केति तहारुवस्स समाणस्स
 वा माहाणस्स वा अंतिए एगंमवि आशरियं धम्मियं सुवयणा सोच्चा निसम्मं
 कालमासे कालं किच्चा अन्नथरेसु देवलोएसु देवत्ताए उववन्ने, तए णं से

देवे तं धम्मायरियं दुब्भिकखातो वा देसातो सुभिक्ष्वं देसं साहरेज्जा, कंता
 रात्रो वा शिक्कंतारं करेज्जा, दीहकालिएणां वा रोगांतंकेणां अभिभूतं
 ममाणां विमोएज्जा, तेणावि तस्स धम्मायरियस्स दुप्पडियारं भवति, अधे णं
 से तं धम्मायरियं केवलपन्नत्तात्रो धम्मात्रो भट्ठं समाणां भुज्जोवि केवलि-
 पन्नत्ते धम्मे आववत्तित्ता जाव ठवत्तित्ता भवति, तेणामेव तस्स धम्मायरि-
 यस्स सुप्पडियारं भवति ३ ॥सू० १३५॥ तिहिं ठगोहिं संपराणे अणगारे
 अणादीयं अणवदग्गं दीहमद्धं चाउरंतं संसारकंतारं वीईवएज्जा, तंजहा-
 अणिदाणयाए दिट्ठिसंपन्नयाए जोगवाहियाए ॥सू० १३६॥ तिविहा ओस-
 प्पिणी पन्नत्ता तंजहा-उक्कोसा मज्झिमा जहन्ना १। एवं छप्पि समात्रो
 भाणियव्वात्रो, जाव दुममदूसमा ७। तिविहा उस्सप्पिणी पन्नत्ता तंजहा
 उक्कोसा मज्झिमा जहन्ना ८। एवं छप्पि समात्रो भाणियव्वात्रो
 जाव सुममसुममा १४ ॥ सू० १३७ ॥ तिहिं ठगोहिं अच्छिन्ने
 पोग्गले चलेज्जा तंजहा-आहारिज्जमाणो वा पोग्गले चलेज्जा, विकु-
 व्वमाणो वा पोग्गले चलेज्जा, ठणातो वा ठणां संकामिज्जमाणो पोग्गले
 चलेज्जा १। तिविहे उवधी पन्नत्ते तंजहा-कम्मोवही सरीरोवही बाहिरभंड-
 मतोवही २। एवं असुरकुमाराणां भाणियव्वं ३। एवं एगिंदियनेरइयवज्जं
 जाव वेमाणियाणां ४। अहवा तिविहे उवधी पन्नत्ते तंजहा-सच्चित्ते अचित्ते
 मीसए, एवं गोरइयाणां निरंतरं जाव वेमाणियाणां ५। तिविहे परिग्गहे पन्नत्ते
 तंजहा-कम्मपरिग्गहे सरीरपरिग्गहे बाहिरभंडमत्तपरिग्गहे ६। एवं असुर-
 कुमाराणां ७। एवं एगिंदियनेरतिथवज्जं जाव वेमाणियाणां ८। अहवा तिविहे
 परिग्गहे पन्नत्ते तंजहा-सच्चित्ते अचित्ते मीसए, एवं नेरतियाणां ९। निरंतरं
 जाव वेमाणियाणां १० ॥सू० १३८॥ तिविहे पणिहाणे पन्नत्ते तंजहा-मणा-
 पणिहाणे वयपणिहाणे कायपणिहाणे, एवं पंचिंदियाणां जाव वेमाणियाणां,
 तिविहे सुप्पणिहाणे पन्नत्ते तंजहा-मणासुप्पणिहाणे, वहसुप्पणिहाणे, काय-

सुप्पणिहारो, संजयमणुस्साणं तिविहे सुप्पणिहारो पन्नत्ते तंजहा-मणसुप्पणि-
 हारो, वइसुप्पणिहारो कायसुप्पणिहारो, तिविहे दुप्पणिहारो पन्नत्ते तंजहा-
 मणदुप्पणिहारो वइदुप्पणिहारो कायदुप्पणिहारो, एवं पंचिंदियाणं जाव वेमा-
 णियारां ॥सू० १३१॥ तिविहा जोणि पन्नत्ता तंजहा-सीता उमिणा सीत्रो-
 सिणा १। एवं एगिंदियाणं विगलिंदियाणं तेउकाइयवज्जाणं संमुच्छिमपंचिं-
 दियतिरिक्खजोणियारां संमुच्छिममणुस्साण य २। तिविहा जोणी पन्नत्ता
 तंजहा-सचित्ता अचित्ता मीसिया ३। एवं एगिंदियाणं विगलियाणं संमुच्छि-
 मपंचिंदियतिरिक्खजोणियारां संमुच्छिममणुस्साण य ४। तिविधा जोणी
 पन्नत्ता तंजहा-संबुडा वियडा संबुडवियडा ५। तिविहा जोणी पन्नत्ता
 तंजहा-कुमुन्नया संखावत्ता वंसीपत्तिया, कुमुन्नया रां जोणी उत्तमपुरिस-
 माऊरां, कुमुन्नयाते रां जोणीए ६। तिविहा उत्तमपुरिसा गव्वं वक्कमंति,
 तंजहा-अरहंता चक्कवट्टी बलदेववासुदेवा ७। संखावत्ता जोणी इत्थोर-
 यणस्म, संखावत्ताए रां जोणीए बहवे जीवा य पोग्गला य वक्कमंति विउ-
 वक्कमंति चयंति उव्वज्जंति नो चैव रां निफ्फज्जंति, वंसीपत्तिया रां जोणी
 पिहज्जणस्स, वंसीपत्तियाए रां जोणीए बहवे पिहज्जणो गव्वं वक्कमंति ८
 ॥सू० १४०॥ तिविहा तणवणस्सइकाइया पन्नत्ता तंजहा-संखेज्जजीविता अमं-
 खेज्जजीविता अणांतजीविया ॥सू० १४१॥ जंबुद्दीवे दीवे भारहे वासे तत्रो
 तित्था पन्नत्ता तंजहा-मागहे वरदामे पभासे १। एवं एरवएवि २। जंबुद्दीवे
 दीवे महाविदेहे वासे एगमेगे चक्कवट्टिविजये ततो तित्था पन्नत्ता तंजहा-मागहे
 वरदामे पभासे ३। एवं धायइसंडे दीवे पुरच्छिमद्धेवि ६, पच्चत्थिमद्धेवि ११,
 पुक्खरवरदीवद्धपुरच्छिमद्धेवि १२ पच्चत्थिमद्धेवि १५ ॥सू० १४२॥
 जंपुद्दीवे २ भरहेरवएसु वासेसु तीताए उस्सप्पिणीते सुसमाए समाए तिन्नि
 सागरोवमकोडाकोडीत्रो कालो हुत्था १। एवं त्रोसप्पिणीए नवरं पन्नत्ते २।
 आगमिस्साने उस्सप्पिणीए भविस्सति ३। एवं धायइसंडे पुरच्छिमद्धे पच्च-

त्थिमद्धेवि १। एवं पुक्खरवरदीवद्धपुरच्छिमद्धे पच्चत्थिमद्धेवि कालो भाणि-
यव्वो १५। जंबुदीवे दीवे भरहेरवएसु वासेसु तीताते उस्सप्पिणीते सुसम-
सुसमाते समाए मणुया तिरिणा गाउयाइं उद्धं उच्चत्तेणं तिन्नि पलिओवमाइं
परमाउं पालइत्था १। एवं इमीसे ओसप्पिणीते २। आगमिस्साए उस्सप्पि-
णीए ३। जंबुदीवे दीवे देवकुरुत्तरकुरासु मणुया तिरिणा गाउयाइं उद्धं उच्च-
त्तेणं पन्नत्ता तिन्नि पलिओवमाइं परमाउं पालयंति ४। एवं जाव पुक्खरवर-
दीवद्धपच्चत्थिमद्धे २०। जंबुदीवे दीवे भरहेरवएसु वासेसु एगमेगाते ओस-
प्पिणीउस्सप्पिणीए तओ वंसाओ उप्पज्जिसु वा उप्पज्जंति वा उप्पज्जिस्संति
वा तंजहा-अरहंतवसे चक्खवट्टिवसे दसारवंसे २१। एवं जाव पुक्खरवरदी-
वद्धपच्चत्थिमद्धे २५। जंबुदीवे दीवे भरहेरवएसु वासेसु एगमेगाए ओसप्पि-
णीउस्सप्पिणीए तओ उत्तमपुरिसा उप्पज्जिसु वा उप्पज्जंति वा उप्पज्जिस्संति
वा तंजहा-अरहंता चक्खवट्टी बलदेववासुदेवा २६। एवं जाव पुक्खरवरदी-
वद्धपच्चत्थिमद्धे ३०। तओ अहाउयं पालयंति तंजहा-अरहंता चक्खवट्टी बल-
देववासुदेवा ३१। तओ मज्झिममाउयं पालयंति तंजहा-अरहंता चक्खवट्टी
बलदेववासुदेवा ३२ ॥सू० १४३॥ बायरतेउकाइयाणं उकोसेणं तिन्नि
राइंदियाइं ठिती पन्नता । बायरवाउकाइयाणं उकोसेणं तिन्नि वाससहस्साइं
ठिती पन्नत्ता ॥सू० १४४॥ अह भंते ! सालीणं वीहीणं गोधूमाणं जवाणं
जवजवाणं एतेसि णं धन्नाणं कोट्टाउत्ताणं पल्लाउत्ताणं मंचाउत्ताणं मालाउ-
त्ताणं ओलित्ताणं लिताणं लंछियाणं मुहियाणं पिहिताणं केवइयं कालं
जोणि संचिट्ठति ? गोयमा ! जहराणेणं अंतोमुहुत्तं उकोसेणं तिरिणा
संवच्छराइं, तेणं परं जोणी पमिलायति, तेणं परं जोणी पविद्धंसति, तेणं
परं जोणी विद्धंसति, तेणं परं बीए अवीए भवति, तेणं परं जोणीवोच्छेदो
पन्नत्तो ॥सू० १४५॥ दोच्चाए णं सक्करप्पभाए पुढवीए गोरइयाणं उकोसेणं
तिरिणा सागरोवमाइं ठिती पन्नत्ता १, तच्चाए णं वालुयप्पभाए पुढवीए

जहन्नेणं गोरइयाणं तिन्नि सागरोवमाइं ठिती पराणत्ता २ ॥सू० १४६॥
 पंचमाए णं धूमप्पमाए पुढ्वीए तिन्नि निरयात्राससयसहस्सा पन्नत्ता, तिसु णं
 पुढ्वीसु गोरइयाणं उमिणवेयणा पन्नत्ता तंजहा-पढ्माए दोच्चाए तच्चाए,
 तिसुणं पुढ्वीसु गोरइया उमिणवेयणं पन्नणुभवमाणा विहरंति-पढ्माए
 दोच्चाए तच्चाए ॥सू० १४७॥ ततो लोगे समा सपक्खि सपडिदिसि-पन्नत्ता
 तंजहा-अप्पइट्ठारो णारए जंबुइवे दीवे सव्वट्ठसिद्धे महाविमाणो, तत्रो लोगे
 समा सपक्खि सपडिदिसि पन्नत्ता तंजहा-सीर्मतए णं णारए समयक्खेत्ते ईसी-
 पन्भारा पुढ्वी ॥सू० १४८॥ तत्रो समुद्दा पगईए उद्गरसेणं पन्नत्ता
 तंजहा-कालोदे पुक्खरोदे सयंभुरमणो ३, तत्रो समुद्दा बहुमच्छकच्छभाइराणा
 पन्नत्ता तंजहा-लवणे कालोदे सयंभुरमणो ॥सू० १४९॥ तत्रो लोगे
 णिस्सीला णिव्वता णिग्गुणा निम्मेरा, णिप्पच्चक्खाणपोसहोववासा काल-
 मासे कालं किच्चा अहे सत्तमाए पुढ्वीए अप्पतिट्ठारो णारए गोरइयत्ताए उव-
 वज्जंति, तंजहा-रायाणो मंडलीया जे य महारंभा कोडुंभी । तत्रो लोए
 सुसीला सुव्वया सग्गुणा समेरा मपच्चक्खाणपोसहोववामा कालमासे कालं
 किच्चा सव्वट्ठसिद्धे महाविमाणो देवत्ताए उववत्तारो भवंति, तंजहा-रायाणो
 परिचत्तकामभोगा सेणावती प्रसत्थारो । सू० १५०॥ वंमलोगलंतएसु णं
 कप्पेसु विम्राणा तिवराणा पन्नत्ता तंजहा-किराहा नीला लोहिया, आणय-
 पाणायारणच्छुत्तेसु णं कप्पेसु देवाणं भवधारणिज्जसरीरा उक्कोसेणं तिरिण
 रयणीत्रो उद्धं उच्चत्तेणं पराणत्ता ॥सू० १५१॥ तत्रो पन्नत्तीत्रो कालेणं
 अहिज्जंति, तंजहा-चंद्रपन्नत्ती सूरपन्नत्ती दीवसागरपन्नत्ती ॥सू० १५२॥
 तिट्ठारणस्स पढ्मो उद्देसो समत्तो ॥

इति त्रिस्थानकस्य प्रथमोद्देशकः ॥३-१॥

॥ अथ अध्ययनं ३ उद्देशकः २ ॥

तिविहे लोगे पन्नत्ते तंजहा-शाणलोगे ठवणलोगे दव्वलोगे १।
 तिविधे लोगे पन्नत्ते तंजहा-शाणलोगे दंसणलोगे चरित्तलोगे २। तिविहे
 लोगे पन्नत्ते तंजहा-उद्धलोगे अहोलोगे तिरियलोगे ३ ॥सू० १५३॥
 धमरस्स गां असुरिदरस असुरकुमाररत्तो ततो परिसातो पन्नत्तात्थो तंजहा-
 समिता चंडा जाया, अविंभतरिता समिता मज्झिमता चंडा बाहिरता जाया
 १। चमरस्स गां असुरिदस्स असुरकुमाररत्तो सामाणित्ताणां देवाणां ततो परि-
 सातो पन्नत्तात्थो तंजहा-समिता जहेव चमरस्स २। एवं तायत्तीसगाणवि,
 लोगपालाणां तुंवा तुडिया पव्वा, एवं अग्गमहिसीणावि, बलिस्सवि एवं
 चेव, जाव अग्गमहिसीणां ३। धरणास्स य सामाणियतायत्तीसगाणां च समिता
 चंडा जाता, लोगपालाणां अग्गमहिसीणां ईसा तुडिया दहरहा, जहा धर-
 णस्म तथा सेसाणां भवणावासीणां ४। कालस्स गां पिसाइंदस्स पिसायरराणो
 तत्थो परिसात्थो पन्नत्तात्था तंजहा-ईसा तुडिया दहरहा ५। एवं सामा-
 णियअग्गमहिसीणां, एवं जाव गीयरतिगीयजसाणां ६। चंदस्स गां जोतिसिं-
 दस्स जोतिसरत्तो ततो परिसातो पन्नत्तात्थो तंजहा-तुंवा तुडिया पव्वा ७।
 एवं सामाणियअग्गमहिसीणां, एवं सूरस्सवि ८। सक्कस्स गां देविंदस्स देवरत्तो
 ततो परिसात्थो पन्नत्तात्थो तंजहा-समिता चंडा जाया ९। एवं जहा चमरस्स
 जाव अग्गमहिसीणां, एवं जाव अच्चुतस्स लोगपालाणां १० ॥सू० १५४॥
 ततो जामा पन्नत्ता तंजहा-पढमे जामे मज्झिमे जामे पच्छिमे जामे, तिहिं
 जामेहिं आता केवल्लिपन्नत्तं धम्मं लभेज्ज सवणाताते-पढमे जामे मज्झिमे
 जामे पच्छिमे जामे, एवं जाव केवल्लनाणां उपाहेज्जा पढमे जामे मज्झिमे
 जामे पच्छिमे जामे । ततो वया पन्नत्ता तंजहा-पढमे वते मज्झिमे वते
 पच्छिमे वए, तिहिं वतेहि आया केवल्लिपन्नत्तं धम्मं लभेज्ज सवणायाए,

तंजहा-पठमे वृते मञ्जिभमे वृते पञ्चिमे वृते, एसो चैव गमो णोयव्वो, जाव
 केवलनाणांति ॥सू० १५५॥ तिविधा बोधी पन्नत्ता तंजहा-णाणवोधी
 दंसणावोधी चरित्तवोधी १। तिविहा बुद्धा पन्नत्ता तंजहा-णाणवुद्धा
 दंसणावुद्धा चरित्तबुद्धा २। एवं मोहे ३। सूद्धा ४ ॥सू० १५६॥ तिविहा
 पव्वज्जा पन्नत्ता तंजहा-इहलोगपडिवद्धा परलोगपडिवद्धा दुहतोपडि-
 बद्धा १। तिविहा पव्वज्जा पन्नत्ता तंजहा-पुरतो पडिवद्धा मग्गतो
 पडिवद्धा दुहत्थो पडिवद्धा २। तिविहा पव्वज्जा पन्नत्ता तंजहा-तुयावइत्ता
 पुयावइत्ता बुत्थावइत्ता ३। तिविहा पव्वज्जा पन्नत्ता तंजहा-उत्तातपव्वज्जा
 अक्खातपव्वज्जा संगारपव्वज्जा ४ ॥सू० १५७॥ तत्रो णियंठा णोसंरणोवउत्ता
 पन्नत्ता तंजहा-पुलाए णियंठे सिणाए १। ततो णियंठा सन्नणोसरणोव-
 उत्ता पन्नत्ता तंजहा-बउसे पडिसेवणाकुमीले कसायकुसीले २ ॥सू०
 १५८॥ तत्रो सेहभूमीत्रो पन्नत्तात्रो तंजहा-उक्कोसा मञ्जिभमा जहन्ना,
 उक्कोसा ऋग्मासा, मञ्जिभमा चउमासा, जहन्ना सत्तराइंदिया २। ततो थेर-
 भूमीत्रो पन्नत्तात्रो तंजहा-जाइथेरे सुत्तथेरे परियायथेरे, सट्ठिवासजाए समणे
 णिग्गंथे जातिथेरे, ठाणंग(ठाण)समवायधरे णं समणे णिग्गंथे सुयथेरे, वीसं-
 वासपरियाए णं समणे णिग्गंथे परियायथेरे ३ ॥सू० १५९॥ ततो पुरिस-
 जाया पन्नत्ता तंजहा-सुमणे दुम्मणे णोसुमणेणोदुम्मणे १। ततो पुरिस-
 जाया पन्नत्ता तंजहा-गंता णामेगे सुमणे भवति, गंता णामेगे दुम्मणे
 भवति, गंता णामेगे णोसुमणेणोदुम्मणे भवति २। तत्रो पुरिसजाया पन्नत्ता
 तंजहा-जामीतेगे सुमणे भवति, जामीतेगे दुम्मणे भवति, जामीतेगे णोसु-
 मणेणोदुम्मणे भवति ३। एवं जाइस्सामीतेगे सुमणे भवति ३-४। ततो पुरिसा
 जाया पन्नत्ता तंजहा-अगंता णामेगे सुमणे भवति ३-५। ततो पुरिसजाया
 पन्नत्ता तंजहा-ण जामि एगे सुमणे भवति ३-६। ततो पुरिसजाया पन्नत्ता
 तंजहा-ण जाइस्सामि एगे सुमणे भवति ३-७। एवं आगंता णामेगे सुमणे

भवति ३-८। एमितेगे सुमणे भवति ३। एस्सामिति एगे सुमणे भवति ३
 एवं एएणं अभिजावेणं--'गंता य अगंता(य) १ आगंता खलु तथा अणा
 गंता २। त्रिट्ठित्तमत्रिट्ठित्ता ३, णिसित्तिता चेव नो चेव ४ ॥ १ ॥ हंता य
 अहंता य ५ त्तिदित्ता खलु तथा अत्तिदित्ता ६। बूत्तिता अबूत्तिता ७
 भासित्ता चेव णो चेव ८ ॥ २ ॥ दच्चा य अदच्चा य ९ भुंजित्ता खलु तथा
 अंभुंजित्ता १०। लंभित्ता अलंभित्ता ११ पिइत्ता चेव नो चेव १२ ॥
 ॥ ३ ॥ सुत्तिता असुत्तिता १३ जुज्झित्ता खलु तथा अजुज्झित्ता १४ ॥
 जत्तिता अजयित्ता य १५ पराजिणित्ता य नो चेव १६ ॥ ४ ॥ सद्दा १७
 रूवा १८ गंधा १९ रसा य २० फासा २१ (२१×६=१२६+१=१२७) तंहव
 ठाणा य। निस्सीलस्स गरहिता पसत्था पुण्ण सीलवतस्स ॥ ५ ॥ एवमिवकेवके
 तिन्नि उ तिन्नि उ आलावगा भाणियव्वा, सहं सुणेत्ता णामेगे सुमणे
 भवति ३ एवं सुणेमीति ३ सुणिस्सामीति ३, एवं असुणेत्ता णामेगे सुमणे
 भवति ३ न सुणेमीति ३ ण सुणिस्सामीति ३, एव रूवाइं गंधाइं रसाइं
 फासाइं, एक्केक्के छ छ आलावगा भाणियव्वा १२७ आलावगा भवंति
 ॥सू० १६०॥ तत्रो ठाणा णिस्सीलस्स निव्वयस्स णिग्गुणस्स णिम्मेरस्स
 णिप्पच्चक्खाणपोसहोववासस्स गरहिता भवंति तंजहा--अस्सि लोगे गरहिते
 भवइ उववाते गरहिए भवइ आयाती गरहिता भवति, ततो ठाणा सुसीलस्स
 सुव्वयस्स सगुणस्स सुमेरस्स सपच्चक्खाणपोसहोववासस्स पसत्था भवंति,
 तंजहा--अस्सि लोगे पसत्थे भवति उववाए पसत्थे भवति आजाती पसत्था
 भवति ॥सू० १६१॥ तिविधा संसारसमावन्नगा जीवा पन्नत्ता तंजहा--इत्थी
 पुरिसा नपुंसगा १। तिविहा सब्बजीवा पन्नत्ता तंजहा--सम्मदिट्ठी मिच्छा-
 दिट्ठी सम्मामिच्छदिट्ठी य २। अहवा तिविहा सब्बजीवा पन्नत्ता तंजहा--पज-
 त्तगा अपजत्तगा णोपजत्तगाणोपजत्तगा ३। एवं--सम्मदिट्ठिपरित्तापजत्तग
 सुहुमसन्निभत्रिया य ४ ॥सू० १६२॥ तिविधा लोमट्ठी पन्नत्ता तंजहा--

आगासपइट्टिए वाते वातपतिट्टिए उदही उदहिपतिट्टिया पुढ्वी, तत्रो दिसात्रो
 पन्नत्तात्रो तंजहा-उद्धा अहा तिरिया १, तिहि दिसाहिं जीवाणं गती
 पन्नत्ति, उद्धाए अहाते तिरियाते २, एवं आगती ३ वक्कंती ४ आहारे
 ५ बुद्धी ६ णिबुद्धी ७ गतिपरियाते = समुग्याते ८ कालसंजोगे ९० दंस-
 णाभिगमे ११, णाणाभिगमे १२, जीवाभिगमे १३, तिहिं दिसाहिं जी-
 वाणं अजीवाभिगमे पन्नते तंजहा-उद्धाते अहाते तिरियाने १४, एवं
 पंचिदियतिरिक्खजोणियाणं, एवं मणुस्साणवि ॥सू० १६३॥ तिविहा तसा
 पन्नत्ता तंजहा-तेउकाइया वाउकाइया उराला तसा पाणा १। तिविधा थावरा
 पन्नत्ता तंजहा-पुढ्विकाइया आउकाइया वणास्सइकाइया २ ॥सू० १६४॥
 ततो अच्चेज्जा पन्नत्ता तंजहा-समथे पदेसे परमाणू १। एवमभेज्जा २।
 अडब्भा ३। अगिज्भा ४। अण्णा ५। अमज्भा ६। अपएमा ७। ततो
 अविभतिमा पन्नत्ता तंजहा-समते पएसे परमाणू = ॥सू० १६५॥ अज्जोत्ति
 समणे भगवं महावीरे गोत्तमादी समणे णिग्गंथे आमंतेत्ता एवं वयासी-कि-
 भया पाणा ? समणाउमो ? गोयमाती समणा णिग्गंथा समणां भगवं
 महावीरं उवसंकमंति उवसंकमित्ता वंदंति नमंसंति वंदित्ता नमंसित्ता एवं
 वयासी-णो खलु वयं देवाणुप्पिया ! एममट्ठं जाणामो वा पासामो वा, तं
 जादे णं देवाणुप्पिया एममट्ठं णो गिलायंति परिकहित्ते तमिच्छामो णं
 देवाणुप्पियाणं अंतिए एममट्ठं जाणित्तए, अज्जोत्ति समणे भगवं महावीरे
 गोयमाती समणे निग्गंथे आमंतेत्ता एवं वयासी-दुवखभया पाणा समणाउमो !
 १। से णं भंते । दुक्खे केण कडे ? जीवेणं कडे पमादेण २। से णं भंते !
 दुक्खे कहं वेइज्जति ? अप्पमाएणं ३ ॥सू० १६६॥ अन्नउत्थिता णं भंते !
 एवं आतिकसंति एवं भासंति एवं पन्नवेत्ति एवं परूवंति कहन्नं समणाणं
 निग्गंथाणं किरिया कज्जति ? तत्थ जा मा कडा कज्जइ नो तं पुच्छंति,
 तत्थ जा सा कडा नो कज्जति, नो तं पुच्छंति, तत्थ जा सा अकडा नो

कज्जति नो तं पुच्छंति, तत्थ जा मा अकडा कज्जति तं पुच्छंति, से एवं वत्तव्वं सिता —अकिच्चं दुक्खं अफुसं दुक्खं अकज्जमाणकडं दुक्खं अकट्टु अकट्टु पाणा भूया जीवा सत्ता वेयणां वेयंतित्ति वत्तव्वं, जे ते एवमाहंसु मिच्छा ते एवमाहंसु, अहं पुण एवमाइक्खामि एवं भासामि एवं पन्नवेमि एवं परूवेमि—किच्चं दुक्खं फुसं दुक्खं कज्जमाणकडं दुक्खं कट्टु २ पाणा भूया जीवा सत्ता वेयणां वेयंतित्ति वत्तव्वं सिया ॥सू० १६७॥ तइयठाणस्स बीओ उद्देसओ समत्तो ॥३-२॥

॥ इति त्रिस्थानकस्य द्वितीयांशे अङ्कः ॥३-२ ॥

॥ अथ अध्ययनं ३ :: उद्देशकः ३ ॥

तिहिं ठणोहिं मायी मायं कट्टु णो आलोतेज्जा णो पडिक्कमेज्जा णो णिदिज्जा णो गरहिज्जा णो विउट्टेज्जा णो विसोहेज्जा णो अकरणाते अब्भुट्टेज्जा णो अहारिहं पायच्छित्तं तवोकम्मं पडिवज्जेज्जा, तंजहा—अकरिंसु वाहं करेमि वाहं करिस्सामि वाहं १ । तिहिं ठणोहिं मायी मायं कट्टु णो आलोतेज्जा णो पडिक्कमिज्जा जाव णो पडिवज्जेज्जा अकित्ती वा मे सिता अवरणो वा मे सिया अविणते वा मे सिता २ । तिहिं ठणोहिं मायी मायं कट्टु णो आलोएज्जा जाव नो पडिवज्जेज्जा तंजहा—कित्ती वा मे परिहातिस्सति जसो वा मे परिहातिस्सति पूयासक्कारे वा मे परिहातिस्सति ३ । तिहिं ठणोहिं मायी मायं कट्टु आलोएज्जा पडिक्कमेज्जा जाव पडिवज्जेज्जा तंजहा—मायिस्स णं अस्सि लोणे गरहिते भवति उववाए गरहिए भवति आयाती गरहिया भवति ४ । तिहिं ठणोहिं मायी मायं कट्टु आलोएज्जा जाव पडिवज्जेज्जा तंजहा—अमायिस्स णं अस्सि लोणे पसत्थे भवति उववाते पसत्थे भवइ आयाई पसत्था भवति ५ । तिहिं ठणोहिं मायी मायं कट्टु आलोएज्जा जाव पडिवज्जेज्जा,

तंजहा-गाणादृताते दंमण्ड्यते चरित्तदृथाते ६ ॥सू० १६८॥ ततो पुरि-
 सजाया पन्नत्ता तंजहा—सुत्तधरे अत्थधरे तदुभयधरे ॥सू० १६९॥ कप्पति
 गिग्गंथाण वा गिग्गंथीण वा ततो कथाइं धारित्तए वा परिहरित्तते वा,
 तंजहा-जंगिते भंगिते खोमिते १ । कप्पइ गिग्गंथाण वा गिग्गंथीण वा
 ततो पायाइं धारित्तते वा परिहरित्तते वा, तंजहा-लाउयपादे वा दारुपादे
 वा मट्टियायादे वा २ ॥सू० १७०॥ तिहिं ठाणोहिं कथं धरेज्जा, तंजहा-हिरिय-
 त्तितं दुगुंत्तापत्तियं परीसहवत्तियं ॥सू० १७१ ॥ तत्रो आक्खखा पन्नत्ता
 तंजहा--धम्मियाते पडिदो रणाते पडिदोएत्ता भवति तुसिणीतो वा सित्ता उट्टित्ता
 वा आताते एगंतमंतमवक्कमेज्जा गिग्गंथस्स णं गिलायणाणस्स कप्पंति ततो विय-
 ड्दत्तोत्रो पडिग्गाहित्तते, तंजहा-उक्कोसा मज्झिमा जहन्ना ॥सू० १७२॥
 तिहिं ठाणोहिं समणो गिग्गंथे साहम्मियं संभोगियं विसंभोगियं करेमाणो
 णातिक्रमति तंजहा—सतं वा दट्ठुं, सड्डस्स वा निमम्म, तच्चं मोसं आउ-
 ट्टति चउत्थं नो आउट्टति ॥सू० १७३॥ तिविधा अणुन्ना पन्नत्ता तंजहा—
 आयरियत्ताए उवज्झायत्ताए गणित्ताते । तिविधा समणुन्ना पन्नत्ता तंजहा-आय-
 रियत्ताए उवज्झायत्ताते गणित्ताते, एवं उवसंपया, एवं विजहणा ॥सू० १७४॥
 तिविहे वयणो पन्नत्ते तंजहा-तव्वयणो तदन्नवयणो णोअवयणो १ । तिविहे
 अवयणो पन्नत्ते तंजहा-णोतव्वयणो णो तदन्नवयणो अवयणो २ । तिविहे
 मणो पन्नत्ते तंजहा—तम्मणो तयन्नमणो णोअमणो ३ । तिविहे अमणो पन्नत्ते
 तंजहा—णांतमणो णोतयन्नमणो, अमणो ४ ॥सू० १७५॥ तिहिं ठाणोहिं
 अप्पवुट्ठीकाते सिता, तंजहा—तस्सि च णं देसंसि वा पदेसंसि वा णो बहवे
 उदगजोणिया जीवा य पांगगला य उदगत्ताते वक्कमंति विउक्कमंति चयंति
 उव्वज्जंति, देवा णागा जक्खवा भूता णो सम्ममाराहिता भवंति, तत्थ समु-
 ट्ठियं उदगपोग्गलं परिणतं वासितुकामं अन्नं देसं साहरंति अब्भवद्दलंगं
 च णं समुट्ठिनं परिणतं वासितुकामं वाउकाए विधुणाति, इच्छेतेहि तिहिं

ठणोहिं अण्वुट्टिगते सिता १। तिहिं ठणोहिं महाबुट्टीकते सिता, तंजहा-
 तंसि च णं देसंसि वा पतेसंसि वा बहवे उदगजोणिता जीवा य पोग्गला
 य उदगताते वक्कमंति विउक्कमंति चयंति उववज्जति, देवा जवखा नागा
 भूता सम्ममाराहिता भवंति, अन्नत्थ समुट्टितं उदगपोग्गलं परिणयं वासिउक्कमं
 तं दमं साहरंति अन्नत्थ समुट्टितं परिणयं वासिउक्कमं णो वाउ-
 आतो विधुणति, इच्चेतेहिं तिहिं ठणोहि महाबुट्टिकाए सिआ २ ॥सू०
 १७६॥ तिहिं ठणोहिं अहुणोववन्ने देवे देवलोगेसु इच्छेज्जा माणुसं लोगं
 हव्वमागच्छित्तते, णो चेव णं संचातेति हव्वमागच्छित्तए, तंजहा-अहुणोव-
 वन्ने देवे देवलोगेसु दिव्वेसु कामभोगेसु मुच्छित्ते गिद्धे गदिते अज्जभोववन्ने
 से णं माणुससते कामभोगे णो आढाति णो परियाणाति णो अट्ठं बंधति
 णो णियाणं पगरेति णो ठिक्कं पकरेति, अहुणोववन्ने देवे देवलोगेसु
 दिव्वेसु कामभोगेसु मुच्छित्ते गिद्धे गदिते अज्जभोववन्ने तस्स णं माणुसए
 पेम्मे वोच्छिणो दिव्वे संकंते भवति, अहुणोववन्ने देवे देवलोगेसु दिव्वेसु
 कामभोगेसु मुच्छित्ते जाव अज्जभोववन्ने तस्स णं एवं भवति-इयगिह न
 गच्छं मुहुत्तं गच्छं, तेणं कालेणमपाउया माणुस्सा कालधम्मणा संजुत्ता
 भवंति, इच्चेतेहिं तिहिं ठणोहिं अहुणोववन्ने देवे देवलोगेसु इच्छेज्जा माणुसं
 लोगं हव्वमागच्छित्तए णो चेव णं संचातेति हव्वमागच्छित्तते १। तिहिं
 ठणोहिं देवे अहुणोववन्ने देवलोगेसु इच्छेज्जा माणुसं लोगं हव्वमागच्छि-
 त्तए, संचातेइ हव्वमागच्छित्तते-अहुणोववन्ने देवे देवलोगेसु दिव्वेसु काम-
 भोगेसु अमुच्छित्ते अगिद्धे अगदिते अज्जभोववन्ने तस्स णमेवं भवति-
 अत्थि णं मम माणुससते भवे आर्यारतेति वा उवज्जातेति वा पवत्तीति वा
 थेरेति वा गणीति वा गणधरेति वा गणावच्छेदेते वा, जेसिं पमात्रेणं मते
 इमा एताख्खा दिव्वा देविद्धी दिव्वा देवजुती दिव्वे देवाणुभावे लद्धे पत्ते
 अभिसमन्नागते तं गच्छामि णं ते भगवन्ते वंदामि णमंसामि सकारेमे

सम्प्राणोमि कल्याणं मंगलं देवयं चेइयं पञ्जुवासामि, अहुणोववन्ने देवे देव-
लोगेषु दिव्वेषु कामभोगेषु अमुच्छिण जाव अण्णज्भोववन्ने तस्स णं एवं
भवति-एस णं माणुस्सते भवे णाणीति वा तवस्सीति वा अतिदुकरदुकर-
कारगे तं गच्छामि णं भगवंतं वंदामि णमंमामि जाव पञ्जुवामामि, अहुणो-
ववन्ने देवे देवलोगेषु जाव अण्णज्भोववन्ने. तस्स णमेवं भवति-अत्थि णं
मम माणुस्सते भवे माताति वा जाव सुराहाति वा तं गच्छामि णं
तेसिमंतियं पाउव्वयामि पासंतु ता मे इमं एतारूवं दिव्वं देविद्धिं
दिव्वं देवजुत्ति दिव्वं देवाणुभावं लद्धं पत्तं अभिसमन्नागयं, इच्चतेहिं
तिहिं ठाणोहिं अहुणोववन्ने देवे देवलोगेषु इच्छेज्ज माणुसं लोगं
हव्वमागच्छत्तते संचातेति हव्वमागच्छत्तते २ ॥सू० १७७॥ ततो
ठाणाइं देवे पीहेज्जा तंजहा-माणुसं(सगं) भवं १ आरिते खेत्ते जम्मं २
सुकुलपच्चायातिं ३, १। तिहिं ठाणोहिं देवे परितप्पेज्जा, तंजहा-अहो णं मते
संते बले संते वीरिए संते पुरिसक्कारपरकमे खेमंसि सुभिक्षंसि आयरियउव-
व्वभातेहिं विज्जनाणोहिं कल्लसरीरेणं णो बहुते सुते अहीते १, अहो णं मते
इहलोगपडिवद्धेणं परलोगपरंमुहेणं विसयतिसितेणं णो दीहे सामन्नपरितात्ते
अणुपालिते २, अहो णं मते इड्डिरससायगरुएणं भोगामिसगिद्धेणं णो
विसुद्धे चरित्ते फासिते ३, इच्चतेहिं ठाणोहिं देवे पत्तिप्पेज्जा २ ॥सू० १७८॥
तिहिं ठाणोहिं देवे चतिस्सामित्ति जाणाइ, तंजहा-विमाणाभरणाइं णिप्पभाइं
पासित्ता कप्परुक्खगं मिलायमाणं पासित्ता अप्पणो तेयलेस्सं परिहायमाणिं
जाणित्ता, ३ इच्चेएहि तिहिं ठाणोहिं चतिस्सामित्ति जाणाइ-१ । तिहिं
ठाणोहिं देवे उव्वेगमागच्छेज्जा, तंजहा-अहो णं मए इमातो एतारूवातो
दिव्वातो देविद्धीयो दिव्वायो देवजुतीतो दिव्वायो देवाणुभावायो पत्तातो
लद्धातो अभिसमराणागतातो चतियव्वं भविस्सत्ति १, अहो णं मते माउ-
थोयं पिउसुक्कं तं तदुभयसंसट्ठं तप्पंढमयाते आहारो आहारेयव्वो भवि-

स्मृति २, अहो णं मते कलमलजंवालाते असुतीते उब्बेयणितते भीमते
गवभवसहीते वसियब्बं भविस्मइ, इच्चेएहिं तिहिं ठाणोहिं वेदे उब्बे-
मागच्छेज्जा ३ ॥सू० १७९॥ तिमंठिया विमाणा पन्नत्ता तंजहा-वट्टा
तंसा चउरंसा ३, तत्थ णं जे ते वट्टा विमाणा ते णं पुक्खरकन्निया
संठाणसंठिता सब्बत्थो समंता पागारपरिक्खत्ता एगदुवारा पन्नत्ता, तत्थ
णं जे ते तंसा विमाणा ते णं सिंघाडगसंठाणसंठिता दुहतो पागार-
परिक्खत्ता, एगतो वेतिता परिक्खत्ता तिदुवारा पन्नत्ता, तत्थ णं जे ते
चउरंसविमाणा ते णं अक्खाडगसंठाणसंठिता, सब्बतो समंता वेतितापरि-
क्खत्ता, चउदुवारा पन्नत्ता १। तिपतिट्टिया विमाणा पन्नत्ता तंजहा-घणोदधि-
पतिट्टिता घणवातपइट्टिया ओवासंतरपइट्टिता २। तिविधा विमाणा पन्नत्ता
तंजहा-अवट्टिता वेउब्बिता परिजाणित्ता ३ ॥सू० १८०॥ तिविधा नेरइया
पन्नत्ता तंजहा-सम्मादिट्ठी मिच्छादिट्ठी सम्मामिच्छादिट्ठी, एवं विगल्लिदिय-
वंज्जं जाव वेमाणियाणं २७। ततो दुग्गतीतो पन्नत्तात्थो तंजहा-गोरइयदुग्गती
तिरिक्खजोणीयदुग्गती मणुयदुग्गती १। ततो सुग्गतीतो पन्नत्तात्थो तंजहा-
सिद्धिसोगती देवसोगती मणुस्ससोगती २। ततो दुग्गता पन्नत्ता तंजहा-
गोरतितदुग्गता तिरिक्खजोणितदुग्गया मणुस्सदुग्गता ३। ततो सुग्गता पन्नत्ता
तंजहा-सिद्धिसोगता देवसोगता मणुस्ससुग्गता ४ ॥सू० १८१॥ चउत्थ-
भत्तितस्स णं भिक्खुस्स कप्पंति तत्थो पाणगाइं पडिगाहित्तए, तंजहा-उस्से-
तिमे संसेतिमं चाउलधोवणे १। णट्टभत्तितस्स णं भिक्खुस्स कप्पंति तत्थो
पाणगाइं पडिगाहित्तए तंजहा-तिलोदए तुसोदए जवोदए २। अट्टमभत्ति-
यस्स णं भिक्खुस्स कप्पंति ततो पाणगाइं पडिगाहित्तए, तंजहा-आयामते
सोवीरते सुद्धवियडे ३। तिविहे उवहडे पन्नत्ते तंजहा-फलिओवहडे सुद्धो-
वहडे संसट्ठोवहडे ४। तिविहे उग्गहिते पन्नत्ते तंजहा-जं च ओगिराहति जं च
साहरति जं च आसगंसि पक्खवति ५। तिविधा ओमोयरियां पन्नत्ता तंजहा-

उवगरणोमोयरिया भक्तपाणोमोदरिता भावोमदोरिता ६ । उवगरणोमोदरिता
 तिविहा पन्नत्ता तंजहा—एगे वत्थे एगे पाते चियत्तोवहिमातिज्जणाता ७।
 ततो ठाणा णिग्गंथाणा वा णिग्गंथीणा वा अहियाते असुभाते अखमाते
 अणिससेयसाए अणाणुगामियत्ताए भवंति, तंजहा—कूअणाता ककरणाता
 अवज्झाणाता ८। ततो ठाणा णिग्गंथाणा वा णिग्गंथीणा वा हिताते सुहाते
 खमाते णिससेयसाते आणुगामित्ताते भवंति, तंजहा—अकूअणाता अक-
 करणाता अणवज्झाणाया ९। ततो सल्ला पन्नत्ता तंजहा—मायासल्ले णियाण-
 सल्ले मिच्छादंसणसल्ले १०। तिहिं ठाणेहिं समणे णिग्गंथे संखित्तविउल्लते-
 उल्लेस्से भवति, तंजहा—आयावणाताते १ खतिखमाते २ अपाणगेणं तत्रो,
 कम्मेणं ३, ११। तिमासिनं णं भिक्खुपडिमं पडिवन्नस्स अणगारस्स कप्पंति
 ततो दत्तीओ भोअणस्स पडिगाहेत्ताए ततो पाणगस्स १२। एगरातियं
 भिक्खुपडिमं सम्मं अणुपालेमाणस्स अणगारस्स इमे ततो ठाणा अहिताते
 असुभाते अखमाते अणिससेयसाते अणाणुगामित्ताते भवंति, तंजहा—उम्मायं
 वा लभिज्जा १ दीहकालीयं वा रोगायकं पाउणेज्जा २ केवलिपन्नत्तातो वा
 धम्मातो भंसेज्जा ३, १३। एगरातियं भिक्खुपडिमं सम्मं अणुपालेमाणस्स
 अणगारस्स ततो ठाणा हिताते सुभाते खमाते णिससेसाते आणुगामित्ताए
 भवंति, तंजहा—ओहिणाणे वा से समुप्पज्जेज्जा १ मणपज्जवणाणे वा से
 समुप्पज्जेज्जा २ केवलणाणे वा से समुप्पज्जेज्जा ३, १४ ॥सू० १८२॥
 जंबुदीवे २ ततो कम्मभूमीओ पन्नत्ताओ तंजहा—भरहे एरवने महाविदेहे,
 एवं धायइसंडे दीवे पुरच्छिमद्धे जाव पुक्खरवरदीवड्ढपच्चत्थिमद्धे ५ ॥सू०
 १८३॥ तिविहे दंसणे पन्नत्ते तंजहा—सम्मदंसणे मिच्छदंसणे सम्मामिच्छ-
 दंसणे १। तिविधा स्ती पन्नत्ता तंजहा—सम्मरुती मिच्छरुती सम्मामिच्छरुई
 २ । तिविधे पत्रोगे पन्नत्ते तंजहा—सम्मपत्रोगे मिच्छपत्रोगे सम्मा-
 मिच्छपत्रोगे ३ ॥सू० १८४॥ तिविहे ववसाए पन्नत्ते तंजहा—धम्मि

ववसाते अथम्मिए ववमाते धम्मियाधम्मिए ववमाते ४। अथवा तिविधे ववसाते, पन्नत्ते तंजहा-पच्चक्खे पच्चतिते आणुगामिए ५ । अहवा तिविधे ववमाते पन्नत्ते तंजहा-इहलोइए परलोइए इहलोगितपरला-गिते ६। इहलोगिते ववसाते तिविहे पन्नत्ते तंजहा-लोगिते वेतिते मामत्तिते ७। लोगिते ववमाने तिविधे पन्नत्ते तंजहा-अत्थे धम्मं कामे ८। वेतिते ववसाते तिविधे पन्नत्ते तंजहा-रिउव्वेदे जउव्वेदे सामवेदे ९। मामइते ववसाते तिविधे पन्नत्ते तंजहा-आणो दंमणो चरित्ते १०। तिविधा अत्थजोणी पन्नत्ता तंजहा-सामे दंडं भेदे ११ ॥सू० १८५॥ तिविहा पोगगला पन्नत्ता तंजहा-पय्योगपरिणता मीसापरिणता वीस-सापरिणता, तिपतिट्टिया णारगा पन्नत्ता तंजहा-पुढविपतिट्टिता आगास-पतिट्टिता आयपइट्टिया, योगमसंगहववहाराणं पुढविपइट्टिया उज्जुसु-तस्स आगामपतिट्टिया तिराहं सद्वणाताणं आयपतिट्टिया ॥ सू० १८६ ॥ तिविधे मिच्छत्ते पन्नत्ते तंजहा-अकिरिता अविणते अन्नाणे १ । अकिरिया तिविधा, पन्नत्ता तंजहा-पय्योगकिरिया समुदाणकिरिया अन्नाणकिरिया २ । पय्योगकिरिया तिविधा, पन्नत्ता तंजहा-मणपय्योगकिरिया वइपय्योग-किरिया कायपय्योगकिरिया ३ । समुदाणकिरिया तिविधा पन्नत्ता तंजहा-अणंतरसमुदाणकिरिया परंपरसमुदाणकिरिया तदुभयसमुदाणकिरिता ४ । अन्नाणकिरिता तिविधा पन्नत्ता तंजहा-मतिअन्नाणकिरिया सुतअन्नाण-किरिया विभंगअन्नाणकिरिया ५ । अविणते तिविहे पन्नत्ते तंजहा-देसच्चाती निरालंबणाता नाणापेजदोसे ६ । अन्नाणे तिविधे पन्नत्ते तंजहा-देसराणाणे सव्वराणाणे भावन्नाणे ७ ॥सू. १८७॥ तिविहे धम्मे पन्नत्ते तंजहा-सुयधम्मे चरित्तधम्मे अत्थिकायधम्मे १ । तिविधे उवकमे पन्नत्ते तंजहा-धम्मिते उवकमे अधम्मिते उवकमे धम्मिताधम्मिते उवकमे २ । अहवा तिविधे उवकमे पन्नत्ते तंजहा-आओवकमे परोवकमे तदुभयोवकमे ३ । एवं वेय्यवच्चे ४ । आणुगहे ५ ।

अणुमट्टी ६, उवाचंभं ७, एवमेककेके तिन्नि २ आलावगा जहेव उवकमे
 ॥सू० १८८॥ तिविहा कहा, पन्नत्ता तंजहा-अत्थकहा धम्मकहा कामकहा
 १। तिविहे विणिच्छते पन्नत्ते तंजहा अत्थविणिच्छते धम्मविणिच्छते काम-
 विणिच्छते २ ॥सू० १८९॥ तहारुवं णं भंते ! समणं वा माहणं वा
 पज्जुवासमाणस्स किंफला पज्जुवासणाता ?, सवणाफला, से णं भंते ! सवणो
 किंफले ?, णाणाफले, से णं भंते ! णाणो किंफले ?, विराणाणाफले, एवमेतेणं
 अभिलावेणं इमा गाथा अणुगंतव्वा--सवणो णाणो य विन्नाणो पच्चवखाणो
 य संजमे । अणुरहते तवे चेव वोदाणो अकिरिय निव्वाणो ॥१॥ जाव से
 णं भंते ! अकिरिया किंफला ?, निव्वाणाफला, से णं भंते ! निव्वाणो
 किंफले ?, सिद्धिगइगमणापज्जवसाणाफले पन्नत्ते, समणाउसो ! ॥सू० १९०॥

॥ इति त्रिस्थानकस्य तृतीय उद्देशकः ॥३-३॥

॥ अथ अध्ययनं ३ :: उद्देशकः ४ ॥

पडिमापडिवन्नस्स अणुगारस्स कप्पंति तत्रो उवस्सया पडिलेहित्तए
 तंजहा-अहे आगमणागिहंसि वा अहे वियडगिहंसि वा अहे रुक्खमूल-
 गिहंसि वा, एवमाणुन्नवित्तते, उवातिणित्तते १ । पडिमापडिवन्नस्स अणु-
 गारस्स कप्पंति तत्रो संथारगा पडिलेहित्तते, तंजहा-पुढविसिला कट्टुसिला
 अहामंथडमेव, एवं अणुराणावित्तए २ ॥सू० १९१॥ तिविहे काले पराणत्ते
 तंजहा-तीए पडुप्पराणे अणागए १ । तिविहे समए पन्नत्ते तंजहा-तीते
 पडुप्पन्ने अणागए २ । एवं आवलिया आणापाणू थोवे लवे मुहुत्ते
 अहोरत्ते जाव वामसतमहस्से पुव्वंगे पुव्वे जाव ओसप्पिणी ३। तिविधे पोग्ग-
 लपरियट्ठे पन्नत्ते तंजहा-तीते पडुप्पन्ने अणागते ४ ॥सू० १९२॥
 तिविहे वयणो पन्नत्ते तंजहा-एगवयणो दुवयणो बहुवयणो १ । अहवा
 तिविहे वयणो पन्नत्ते तंजहा-इत्थिवयणो पुं वयणो नपुं मगवयणो २ । अहवा

तिविहे वयणो पन्नत्ते तंजहा-तीतवयणो पडुपन्नवयणो अणागयवयणो ३ ॥
सू० १६३॥ तिविहा पन्नवणा पन्नत्ता तंजहा-णाणपन्नवणा दंसणापन्नवणा
चरित्तपन्नवणा । तिविधे सम्मे पन्नत्ते तंजहा-नाणासम्मे दंसणासम्मे चरित्त-
सम्मे २ । तिविधे उवघाते पन्नत्ते तंजहा-उग्गमोवघाते उध्यायणोवघाते एसणो-
वघाते ३ । एवं विसोही ४ ॥सू० १६४॥ तिविहा आराहणा पन्नत्ता तंजहा-
णाणाराहणा दंसणाराहणा चरित्ताराहणा ५ । णाणाराहणा तिविहा पन्नत्ता
तंजहा-उक्कोसा मज्झिमा जहन्ना ६ । एवं दंसणाराहणावि ७ । चरित्ताराहणावि
८ । तिविधे संकिलेसे पन्नत्ते तंजहा-नाणसंकिलेसे दंसणसंकिलेसे चरित्त-
संकिलेसे ९ । एवं असंकिलेसेवि १० । एवमतिकमेऽवि ११ । वड्कमेऽवि
१२ । अइयारेऽवि १३ । अणायारेऽवि १४ । तिराहमतिकमाणं आलोएजा
पडिकमेजा निदिजा गरहिजा जाव पडिवज्जिजा, तंजहा-णाणातिकमस्स
दंसणातिकमस्स चरित्तातिकमस्स १५ । एवं वड्कमाणऽवि १६ । अतिचाराणं
१६ । अणायाराणं १७ ॥सू० १६५॥ तिविधे पायच्छित्ते पन्नत्ते तंजहा-
आलोयणारिहे पडिक्कमाणारिहे तदुभयारिहे १८ ॥सू० १६६॥ जंबूदीवे २
मंदरस्स पव्वयस्स दाहिणोणं ततो अकम्मभूमिथो पन्नत्ताथो तंजहा-हेम-
वुत्ते हरिवासे देवकुरा १ । जंबूदीवे २ मंदरस्स पव्वयस्स उत्तरेणं तथो
अकम्मभूमिथो पन्नत्ताथो तंजहा-उत्तरकुरा रम्मगवासे, एरणवए २ । जंबू-
मंदरस्स दाहिणोणं ततो वासा पन्नत्ता तंजहा-भरहे हेमवए हरिवासे ३ ।
जंबूमंदरस्स उत्तरेणं ततो वासा पन्नत्ता तंजहा-रम्मगवासे हेरन्नवते एरवए
४ । जंबूमंदरदाहिणोणं ततो वासहरपव्वता पन्नत्ता तंजहा-चुल्लहिमवंते
महाहिमवंते णिसढे ५ । जंबूमंदरउत्तरेणं तथो वासहरपव्वता पन्नत्ता तंजहा-
गीलवंते रूपी सिहरी ६ । जंबूमंदरदाहिणोणं तथो महादहा पन्नत्ता तंजहा-
पउमदहे महापउमदहे तिगिच्छदहे ७ । तत्थ णं ततो देवताथो महिद्धियातो
जाव पत्तिथोवमट्ठितीतांथो परिवसंति तंजहा-सिरी हिरी धिती ८ । एवं

उत्तरेणात्रि, ग्वावर-केसरिदहे महापोंडरीयदहे पोंडरीयदहे १। देवतानो किनी
 बुद्धी लच्छी १०। जंबूमंदरदाहिलोणं चुल्लहिमवंतानो वामधरपव्वतातो पउ-
 मदाहाओ महादहातो ततो महाणतीओ पवहंति, तंजहा-गंगा मिधू रोहि-
 तंता ११। जंबूमंदरउत्तरेणं मिहरीओ वामहरपव्वतातो पांडरायदहाओ
 महादहाओ तत्रां महानदीओ पवहंति, तंजहा-मुवन्नकूला रत्ता रत्तदनी
 १२। जंबूमंदरपुरच्छिमेणं सीताए महाणतीते उत्तरेणं ततो अंतरणतीतो
 पन्नत्ताओ तंजहा-गाहावती दहवती पंकवती १३। जंबूमंदरपुरच्छिमेणं
 सीताते महाणतीते दाहिलोणं ततो अंतरणतीतो पन्नत्ताओ तंजहा-नत्तजला
 मत्तजला उम्मत्तजला १४। जंबूमंदरपच्चत्थिमेणं सीओदाते महाणदीए दाहि-
 लोणं ततो अंतरणतीतो पन्नत्ताओ तंजहा-खी(खा)रोदा सीतसोता अंतो-
 दाहिणी १५। जंबूमंदरपच्चत्थिमेणं सीतोदाए महाणदीए उत्तरेणं तत्रो अंत-
 रणदीतो पन्नत्ताओ तंजहा-उम्मिमालिणी फेणमालिणी गंभोरमालिनी १६।
 एवं धायइसंडे दीवे पुरच्छिमद्धेवि अकम्मभूमीतां आढवेत्ता जाव अंतरन्दी-
 ओत्ति णिरवसेसं भाणियव्वं, जाव पुक्खरवरदीवड्डपच्चत्थिमड्डे तंहव निर-
 वसेसं भाणियव्वं १७ ॥सू० ११७॥ तिहिं ठणोहिं देसे पुढवीए चलेज्जा,
 तंजहा-अथे णामिमीसे रयणप्पभाते पुढवीते उराला पोग्गला णिवतेज्जा,
 तंते णं ते उराला पोग्गला णिवतमाणा देसं पुढवीए चलेज्जा १। महोरते
 वा महोड्डीए जाव महेसक्खे इमीसे रयणप्पभाते पुढवीते अह उम्मज्जणिम-
 ज्जियं करेमाणे देसं पुढवीते चलेज्जा २। णागसुवन्ना(देवासुरा)णा वा संग-
 मंमि वड्डमाणंसि देसं पुढवीते चलेज्जा ३। इच्छेतेहिं तिहिं ठणोहिं देसे पुढ-
 वीए चलेज्जा १। तिहिं ठणोहिं केवलकप्पा पुढवी चलेज्जा, तंजहा-अथे णं
 इमीसे रतणप्पभाते पुढवीते घणवाते गुप्पेज्जा, तए णं से घणवाते गुविते
 समाणे घणोदहिमेणं, तए णं से घणोदही एइए समाणे केवलकप्पं
 पुढविं चलेज्जा, देवे वा महिद्धिते जाव महेसक्खे तहारुवस्स समाणस्स

माहाणस्स वा इद्धिं जुतिं जसं बलं वीरितं पुरिसकारपरकमं उवदंसेमाणो
केवलकप्पं पुढवि चालिजा, देवासुरमंगामंसि वा वट्टमाणंसि केवलकप्पा
पुढवी चलेजा, इच्चेतेहिं तिहिं ठाणोहि केवलकप्पा पुढवी चलेजा २ । सू०
१६८॥ तिविधा देवकिब्बिसिया पन्नत्ता तंजहा--तिपलित्थोवमट्ठितीता १।
तिसागरोवमट्ठितीता २। तेरससागरोवमट्ठितीया ३--१। कहि णं भंते !
तिपलितोवमट्ठितीता देवकिब्बिसिया परिवसंति ? उप्पि जोइसियाणं
हिट्ठिं सोहम्मीसाणोसु कप्पेसु एत्थ णं तिपलित्थोवमट्ठितीया देवा किब्बि-
सिया परिवसंति २ । कहि णं भंते ! तिसागरोवमट्ठितीता देवा
किब्बिसिया परिवसंति ? उप्पिं सोहंमीसाणाणं कप्पाणं हेट्ठिं सणं-
कुमारमाहिदे कप्पे एत्थ णं तिसागरोवमट्ठितीया देवकिब्बिसिया परिव-
संति ३। कहि णं भंते । तेरससागरोवमट्ठितीया देवकिब्बिसिता परिवसंति ?
उप्पिं अंभेलोगस्स कप्पस्स हिट्ठि लंतगे कप्पे एत्थ णं तेरससागरोवमट्ठितीता
देवकिब्बिसिया परिवसंति ४ ॥सू० १६९॥ सकस्स णं देविदस्स देवरणो
बाहिरपरिसाते देवाणं तिन्नि पलित्थोवमाइं ठिई पन्नत्ता १। सकस्स णं देविदस्स
देवरन्नो अन्भितरपरिसाते देवीणं तिन्नि पलित्थोवमाइं ठिती पन्नत्ता २।
ईसाणस्स णं देविदस्स देवरन्नो बाहिरपरिसाते देवीणं तिन्नि पलित्थोवमाइं
ठिती पन्नत्ता ३ ॥सू० २००॥ तिविह पायच्छित्ते पन्नत्ते तंजहा--णाणपाय-
च्छित्ते दंसणापायच्छित्ते चरित्तपायच्छित्ते १। ततो अणुग्घातिमा पन्नत्ता तंजहा-
हत्थकम्मं करेमाणो मेहुणं (परि)सेवेमाणो राईभोयणं (परि)भुंजमाणो २।
तथो पारंचिता पन्नत्ता तंजहा--दुट्टपारंचिते पमत्तपारंचिते अन्नमन्नं करे-
माणो पारंचिते ३। ततो अणवट्टप्पा पन्नत्ता तंजहा--साहंमियाणं तेणं करे-
माणो, अन्नधम्मियाणं तेणं करेमाणो, ४ हत्थातालं दलयमाणो (अत्थायाणं-
दलमाणो हत्थालंबं दलमाणो) ४ ॥ सू० २०१ ॥ ततो णो कप्पंति
पव्वावेत्तए, तंजहा--पंडए वातिते (वाहिये) कीवे १। एवं मुंडावित्तए

२ । सिक्खावित्तए ३ । उवट्टावित्तए ४ । संभुंजित्तते ५ । संवा-
सित्तते ६ ॥सू० २०२॥ ततो अवायणिज्जा पन्नत्ता तंजहा-अविणीए
विगतीपडिवद्धे अवित्रोसितपाहुडे १ । तत्रो कप्पंति वातित्तते, तंजहा-
विणीए अविगतीपडिवद्धे विजसियपाहुडे २ । तत्रो दुसन्नप्पा पन्नत्ता
तंजहा-दुट्ठे मूढे बुग्गाहिते ३ । तत्रो सुसन्नप्पा पन्नत्ता तंजहा-अदुट्ठे
अमूढे अबुग्गाहिते ४ ॥सू० २०३॥ ततो मडलिया पव्यत्ता पन्नत्ता तंजहा-
माणुसुत्तरे कुंडलवरे रुअगवरे ॥सू० २०४॥ ततो महतिमहालया पन्नत्ता
तंजहा-जंबुद्दीवे मंदरे मंदरेसु, सयंभुरमणो समुद्दे समुद्देसु, वंभलोए कप्पे
कप्पेसु ॥सू० २०५॥ तिविधा कप्पठिती पन्नत्ता तंजहा-सामाइयकप्पठिती
छेदोवट्टावणियकप्पठिती निव्विसमाणकप्पठिती १ । अहवा तिविहा कप्प-
ठिती पन्नत्ता तंजहा-णिव्विट्टकप्पठिती जिणकप्पठिती थेरकप्पठिती २
॥२०६॥ नेरइयाणं ततो सरीरगा पन्नत्ता तंजहा-वेउव्वित्ते तेयए कम्मए
१ । असुरकुमाराणं ततो सरीरगा पन्नत्ता तंजहा-एवं चेव २ । एवं
सव्वेसिं देवाणं ३ । पुढविकाइयाणं ततो सरीरगा पन्नत्ता तंजहा-
ओरालिते तेयए कम्मते ४ । एवं वाउकाइयवज्जाणं जाव चउरिंदियाणं
५ ॥ सू० २०७ ॥ गुरुं पडुच्च ततो पडिणीता पन्नत्ता तंजहा-
आयरियपडिणीते उवज्जायपडिणीते थेरपडिणीते १ । गतिं पडुच्च ततो-
पडिणीया पन्नत्ता तंजहा-इहलोगपडिणीए परलोगपडिणीए दुहत्थो(उभत्थो)
लोगपडिणीए २ । समूहं पडुच्च ततो पडिणीता पन्नत्ता तंजहा-कुलपडि-
णीए गणपडिणीए संवपडिणीते ३ । अणुकंपं पडुच्च ततो पडिणीया
पन्नत्ता तंजहा-तवस्सिपडिणीए गिलाणपडिणीए सेहपडिणीए ४ । भावं
पडुच्च ततो पडिणीता पन्नत्ता तंजहा-णाणपडिणीए दंसणपडिणीए चरि-
त्तपडिणीए ५ । सुयं पडुच्च ततो पडिणीता पन्नत्ता तंजहा-सुत्तपडिणीते
अत्थपडिणीते तदुभयपडिणीए ६ ॥सू० २०८॥ ततो पितियंगा पन्नत्ता

तंजहा-अट्टी अट्टिमिंजा केमंमंसुरोमनहे (नहरोमे) १ । तत्रो माउयंगा
 पन्नत्ता तंजहा-मंसे सोणिते मत्थुलिंगे २ ॥सू० २०१॥ तिहिं ठाणोहिं
 समणो णिग्गंथे महानिज्जरे महापज्जवसाणे भवति, तंजहा-कया णं अहं
 अप्पं वा बहुयं वा सुयं अहिज्जिस्सामि ? कया णमहमेकल्लविहारपडिमं उव-
 संज्जिता णं विहारिस्सामि ? कया णमहमपच्छिममारणांतिसंलेहणाभूसणा-
 भूमिते भत्तपाणपडियाइक्खिते पात्रोवगते कालं अणवकंखमाणो विहारिस्सामि ?
 एवं स मणसा स वयसा स कायसा पहारेमाणो (पागडेमाणो) निग्गंथे
 महानिज्जरे महापज्जवसाणे भवति १ । तिहिं ठाणोहिं समणोवासते महा-
 निज्जरे महापज्जवसाणे भवति, तंजहा-कया णमहमप्पं वा बहुयं वा परिग्गहं
 परिचइस्सामि ? १ कया णं अहं मुंडे भवित्ता आगारातो अणगारितं पव्व-
 इस्सामि ? २ कया णं अहं अपच्छिममारणांतिसंलेहणाभूमणाभूमिते
 भत्तपाणपडियातिक्खिते पात्रोवगते कालं अणवकंखमाणो विहारिस्सामि ? ३,
 एवं स मणसा स वयसा स कायसा पागडेमाणो [जागरमाणो] समणोवासते
 महानिज्जरे महापज्जवसाणे भवति २ ॥सू० २१०॥ तिविहं पोग्गलपडि-
 घाते पन्नत्ते तंजहा-परमाणुपोग्गले परमाणुपोग्गलं पप्प पडिहन्निज्जा
 लुक्खत्ताते वा पडिहरिणज्जा लोगंते वा पडिहन्निज्जा ॥सू० २११॥ तिविहे
 च्चक्खु पन्नत्ता तंजहा-एगच्चक्खु विचक्खु तिचक्खु, छउमथे णं मणस्से एग-
 च्चक्खु, देवे विचक्खु तहारूवे समणो वा माहणो वा उप्पन्ननाणदंसणधरे से
 णं तिचक्खुत्त वत्तवं मित्ता ॥सू० २१२॥ तिविधे अभिसमागमे-पन्नत्ते
 तंजहा-उड्ढं अहं तिरियं, जया णं तहारूवस्स समणस्स वा माहणस्स वा अति-
 सेसे नाणदंसणे समुप्पज्जति से णं तप्पट्ठमत्ताते उड्ढमभिमन्नेति ततो तिरितं
 ततो पच्छा अहे, अहोल्लोगे णं दुरभिगमे पन्नत्ते समणाउमो ! ॥सू० २१३॥
 तिविधा इट्ठी पन्नत्ता तंजहा-देविट्ठी राइट्ठी गणिट्ठी १। देविट्ठी तिविहा
 पन्नत्ता तंजहा-विमाणिट्ठी विगुव्वणिट्ठी परिवारणिट्ठी २। अहवा देविट्ठी

तिविहा पन्नत्ता तंजहा--सचित्ता अचित्ता मीसिता ३। राइड्डी तिविधा पन्नत्ता
 तंजहा--रन्नो अतियाणिड्डी रन्नो निज्जाणिड्डी रराणो बलवाहणकोसकांटागा-
 रिड्डी ४। अहवा रातिड्डी तिविहा पन्नत्ता तंजहा--सचित्ता अचित्ता मीमिता
 ५। गणिड्डी तिविहा पन्नत्ता तंजहा--गाणिड्डी दंसणिड्डी चरित्तिड्डी ६।
 अहवा गणिड्डी तिविहा पन्नत्ता तंजहा--सचित्ता अचित्ता मीसिया ७ ॥सू०
 २१४॥ ततो गारवा पन्नत्ता तंजहा--इड्डीगारवे रसगारवे सातागारवे ॥सू०
 २१५॥ तिविधे करणो पन्नत्ते तंजहा--धम्मिते करणो अधम्मिए करणो धम्मिता-
 धम्मिए करणो ॥सू० २१६॥ तिविहे भगवता धम्मे पन्नत्ते तंजहा-सुअ-
 धिज्झिते सुज्झातिते सुतवस्सिते, जया सुअधिज्झितं भवति तदा सुज्झा-
 तियं भवति जया सुज्झातियं भवति तदा सुतवस्सियं भवति, से सुअधिज्झिति-
 सुज्झातिते सुतवस्सिते सुतक्खाते णं भगवता धम्मे पराणत्ते ॥सू० २१७॥
 तिविधा वावत्ती पन्नत्ता तंजहा--जाणू अजाणू धितिगिच्छा, एवमज्झोवव-
 ज्जणा परियावज्जणा ॥सू० २१८॥ तिविधे अंते पन्नत्ते तंजहा--लोगंते वेयंते
 समयंते ॥सू० २१९॥ ततो जिणा पन्नत्ता तंजहा--ओहिणाणजिणो मण-
 पज्जवणाणजिणो केवलणाणजिणो १। ततो केवली पन्नत्ता तंजहा--ओहिनाण-
 केवली मणपज्जवनाणकेवली केवलनाणकेवली २। तथो अरहा पन्नत्ता तंजहा-
 ओहिनाणअरहा मणपज्जवनाणअरहा केवलनाणअरहा ३ ॥सू० २२०॥ ततो
 लेसाओ दुब्भिगंधाओ पन्नत्ताओ तंजहा--करहलेसा णीललेसा काउलेसा १।
 तथो लेसाओ सुब्भिगंधातो पन्नत्ताओ तंजहा--तेउलेसा पम्हलेसा सुकलेसा
 २। एवं दोग्गतिगामिणीओ ३। सोगतिगामिणीओ ४। संकिलिटाओ ५।
 असंकिलिटाओ ६। अमणुन्नाओ ७। मणुन्नाओ ८। अविमुद्धाओ ९।
 विमुद्धाओ १०। अप्पसत्थाओ ११। पसत्थाओ १२। सीतलुक्खाओ १३।
 णिद्धुराहाओ १४ ॥सू० २२१॥ तिविहे मरणो पन्नत्ते तंजहा--बालमरणं
 पंडियमरणो बालपंडियमरणो १। बालमरणो तिविहे पन्नत्ते तंजहा--ठितलेसे

संकिलिट्टलेसे पञ्जवजातलेसे २। पंडियमरगो तिविहे पन्नत्ते तंजहा-ठितलेसे
 असंकिलिट्टलेसे पञ्जवजातलेसे ३। बालपंडितमरगो तिविधे पन्नत्ते तंजहा-
 ठितलेसे असंकिलिट्टलेसे अपञ्जवजातलेसे ४ ॥सू० २२२॥ ततो ठाणा
 अव्वसितस्स अहिताते असुभाते अखमाते अण्णिस्सेसाते अण्णगुगामियत्ताते
 भवन्ति, तंजहा-से णं मुंढे भवित्ता अगारातो अण्णगारियं पव्वतिते णिग्गंथे
 पावयणो संकिते कंखिते वित्तिगिच्छिते भेदसमावन्ने कलुससमावन्ने निग्गंथं
 पावयणं णो सहहति णो पत्तियति णो रोएति तं परिस्सहा अभिजुंजिय २
 अभिभवन्ति, णो से परिस्सहे अभिजुंजिय २ अभिभवइ १ । से णं मुंढे
 भवित्ता अगारातो अण्णगारितं पव्वतिते पंचहिं महव्वएहिं संकिते जाव
 कलुससमावन्ने पंच महव्वताइं नो सहहति जाव णो से परिस्सहे अभि-
 जुंजिय २ अभिभवति २ । से णं मुंढे भवित्ता अगारातो अण्णगारियं पव्व-
 तिते छहिं जीवनिकाएहिं जाव अभिभवइ ३-१। ततो ठाणा ववसियस्स
 हिताते जाव अण्णगामितत्ताते भवन्ति, तंजहा-से णं मुंढे भवित्ता अगारातो
 अण्णगारियं पव्वतिते णिग्गंथे पावयणो णिम्मंसंकिते णिवकंखिते जाव नो
 कलुससमावन्ने णिग्गंथं पावयणं सहहति पत्तियति रोएति से परिस्सहे
 अभिजुंजिय २ अभिभवति, नो तं परिस्सहा अभिजुंजिय २ अभिभवन्ति
 १ । से णं मुंढे भवित्ता अगारातो अण्णगारियं पव्वतिते समाणो पंचहिं
 महव्वएहिं णिस्संसंकिए णिक्कंखीए जाव परिस्सहे अभिजुंजिय २ अभि-
 भवइ, नो तं परिस्सहा अभिजुंजिय २ अभिभवन्ति २ । से णं मुंढे भवित्ता
 अगारातो अण्णगारियं पव्वइए छहिं जीवनिकाएहिं णिस्संसंकिते जाव
 परिस्सहे अभिजुंजिय २ अभिभवति, नो तं परिस्सहा अभिजुंजिय २
 अभिभवन्ति ३-२ ॥सू० २२३॥ एगमेगा णं पुढवी तिहिं वलएहिं सव्वओ
 समंता संपरिक्खित्ता, तंजहा-घणोदधिवलएणं घणवातवलएणं तण्णवाय-
 वलतेणं ॥सू० २२४॥ गोरइया णं उकोसेणं तिसमतितेणं विग्गहेणं उव-

वज्जंति, एगिंदियवज्जं जाव वेमाणियाणं ॥सू० २२५॥ खीणमोहस्स णं
 अरहओ ततो कम्मसा जुगवं खिज्जंति, तंजहा—नाणावरणिज्जं दंसणावर-
 णिज्जं अंतरातियं ॥सू० २२६॥ अभितीणाक्खत्ते तितारे पन्नत्ते १ एवं
 संवणो २ अस्मिणी ३ भरणी ४ मगसिरे ५ पूसे ६ जेट्ठा ७ ॥सू० २२७॥
 धंमातो णं अरहाओ संति अरहा तिहिं सागरोवमेहिं तिउव्भागपलित्थो-
 वमउणाएहिं वीतिककत्तेहि समुप्पन्ने ॥सू० २२८॥ समणस्स णं भगवओ
 महावीरस्स जाव तच्चाओ पुरिसजुगाओ जुगंतकरभूमि १। मल्ली णं अरहा
 तिहि पुरिसमएहि सद्धि मुंडे भवित्ता जाव पव्वतित्ते २। एवं पासवि ३
 ॥सू० २२९॥ समणस्स णं भगवतो महावीरस्स तिन्नि सया चउद्दमपुव्वीणं
 अजिणाणं जिणसंकासाणं सब्बक्खरसन्निवातीणं जिण इव अवितहवागर-
 माणाणं उक्कोसिया चउद्दमपुव्विसंपया हुत्था ॥सू० २३०॥ तओ तित्थयरा
 चक्कवट्ठी होत्था तंजहा—संती कुंथू अरां ॥सू० २३१॥ ततो गेविज्जविमा-
 णपत्थडे पन्नत्ता तंजहा—हेट्ठिमगेविज्जविमाणपत्थडे मज्झिमगेविज्जविमाण-
 पत्थडे उपरिमगेविज्जविमाणपत्थडे १। हेट्ठिमगेविज्जविमाणपत्थडे तिविहे
 पन्नत्ते तंजहा—हेट्ठिम २ गेविज्जविमाणपत्थडे हेट्ठिममज्झिमगेविज्जविमाण-
 पत्थडे हेट्ठिमउवरिमगेविज्जविमाणपत्थडे २। मज्झिमगेविज्जविमाणपत्थडे
 तिविहे पन्नत्ते तंजहा—मज्झिमहेट्ठिमगेवेज्जविमाणपत्थडे मज्झिम २ गेविज्ज-
 विमाणपत्थडे मज्झिमउवरिमगेविज्जविमाणपत्थडे ३। उवरिमगेविज्जविमाण-
 पत्थडे तिविहे पन्नत्ते तंजहा—उवरिमहेट्ठिमगेविज्जविमाणपत्थडे उवरिममज्झि-
 मगेविज्जविमाणपत्थडे उवरिम २ गेविज्जविमाणपत्थडे ॥सू० २३२॥ जीवाणं
 तिट्ठाणाणिव्वत्तित्ते पोग्गले पावकम्मत्ताते चिणिसु वा त्रिणित्ति वा चिणिसंति
 वा, तंजहा—इत्थिणिव्वत्तित्ते पुरिसनिव्वत्तिए णपुंसगनिव्वत्तित्ते, एवं चिण-
 उव्वत्तिणव्वत्तित्ते उदीरवेद तह णिज्जरा चेव ॥सू० २३३॥ तिपत्तेसिता खंधा

अणांता पगणात्ता, एवं जाव तिगुणालुक्खा पोगगला अणांता पन्नत्ता ॥सू०
२३४॥ तिद्वाणं समत्तं ततियं अज्झयणं समत्तं ॥

इति त्रिस्थानकस्य चतुर्थे उद्देशकः ३-४॥ इति तृतीयं त्रिस्थानाध्ययनम् ॥३॥

॥ अथ चतुःस्थानकाख्यं चतुर्थमध्ययनम् ॥

चत्तारि अंतकिरियातो पन्नत्ताओ तंजहा-तत्थ खलु पढ्मा इमा अंत-
किरिया-अप्पकम्मपच्चायाते यावि भवति, से णं मुंडे भवित्ता अगारातो
अणगारियं पव्वतित्ते संजमवहुले संवरवहुले समाहिबहुले लूहे तीरट्ठी उव-
हाणव्वं दुक्खक्खवे तवस्सी तस्स णं णो तहप्पगारे तवे भवति णो तहप्प-
गारा वेयणा भवति तहप्पगारे पुरिसजाते दीहेणं परितातेणं सिज्झति
बुज्झति मुच्चति परिणिञ्जाति सब्बदुक्खाणमंतं करेइ, जहा से भरहे राया
चाउरंतवक्खट्ठी, पढ्मा अंतकिरिया १, अहावरा दोच्चा अंतकिरिया, महा-
कम्मे पच्चाजाते यावि भवति, से णं मुंडे भवित्ता अगाराओ अणगारियं
पव्वतित्ते, संजमवहुले संवरवहुले जाव उवहाणव्वं दुक्खक्खवे तवस्सी, तस्स
णं तहप्पगारे तवे भवति तहप्पगारा वेयणा भवति, तहप्पगारे पुरिसजाते
निरुद्धेणं परितातेणं सिज्झति जाव अंतं करेति जहा से गतसूमाले अण-
गारे, दोच्चा अंतकिरिया २, अहावरा तच्चा अंतकिरिया, महाकम्मे पच्चायाते
यावि भवति, से णं मुंडे भवित्ता अगारातो अणगारियं पव्वतित्ते, जहा
दोच्चा, नवरं दीहेणं परितातेणं सिज्झति जाव सब्बदुक्खाणमंतं करेति, जहा
से सणंकुमारे राया चाउरंतवक्खट्ठी, तच्चा अंतकिरिया ३, अहावरा चउत्था
अंतकिरिया अप्पकम्मपच्चायाने यावि भवति, से णं मुंडे भवित्ता जाव पव्व-
तित्ते संजमवहुले जाव तस्स णं णा तहप्पगारे तवे भवति णो तहप्पगारा
वेयणा भवति, तहप्पगारे पुरिसजाए णिरुद्धेणं परितातेणं सिज्झति जाव
सब्बदुक्खाणमंतं करेति, जहा सा मरुदेवा भगवती, चउत्था अंतकिरिया ४

॥सू० २३५॥ चत्वारि रुक्खा पन्नत्ता तंजहा-उन्नए नामेगे उन्नए १ उन्नते नामेगे पणते २ पणते नामेगे उन्नते ३ पणते नामेगे पणते ४, १ । एवामेव चत्वारि पुरिसजाता पन्नत्ता तंजहा-उन्नते नामेगे उन्नते, तहेव जाव पणते नामेगे पणते २ । चत्वारि रुक्खा पन्नत्ता तंजहा-उन्नते नामेगे उन्नत-परिणए १ उरणए नामेगे पणतपरिणते २ पणते णामेगे उन्नतपरिणते ३ पणए नामेगे पणयपरिणए ४, ३ । एवामेव चत्वारि पुरिसजाया पन्नत्ता तंजहा-उन्नते नामेगे उन्नयपरिणते चउभंगो (चत्वारि भंगो) ४, ४ । चत्वारि रुक्खा पन्नत्ता तंजहा-उन्नते नामेगे उन्नतरूवे, तहेव चउभंगो ४, ५ । एवामेव चत्वारि पुरिसजायां पन्नत्ता तंजहा-उन्नए नामेगे उन्नतरूवे, तहेव चउभंगो ४, ६ । चत्वारि पुरिसजाया पन्नत्ता तंजहा-उन्नते नामेगे उन्नतमणे तहेव चउभंगो ४, ७ । एवं संकप्पे ८। पन्ने १। दिट्ठो १०। सीलायारे (सीले आयारे) ११। ववहारे १२। परक्कमे १३। एगे पुरिसजाए पडिवक्खो नत्थि । चत्वारि रुक्खा पन्नत्ता तंजहा-उज्जूनाममेगे उज्जू, उज्जू नाममेगे वंके, चउभंगो ४, १। एवामेव चत्वारि पुरिसजाता पन्नत्ता तंजहा-उज्जूनाममेगे ४, २। एवं जहा उन्नतपणतेहिं गमो तहा उज्जूवंकेहिवि भाणियव्वो, जाव परक्कमे २६ ॥सू० २३६॥ पडिमापडिवन्नस्स णामणगारस्स कप्पंति चत्वारि भासातो भासित्तए, तंजहा-जायणी पुच्छणी अणुन्नवणी पुट्टस्स वागरणी ॥सू० २३७॥ चत्वारि भासाजाता पन्नत्ता तंजहा-सच्चमेगं भासज्जायं, बीयं मोसं, तइयं सच्चमोसं, चउत्थं असच्चमोसं ॥सू० २३८॥ चत्वारि वत्था पन्नत्ता तंजहा-सुद्धे णामं एगे सुद्धे १ सुद्धे णामं एगे असुद्धे २ असुद्धे णामं एगे सुद्धे ३ असुद्धे णामं एगे असुद्धे ४, १। एवामेव चत्वारि पुरिसजाता पन्नत्ता तंजहा-सुद्धे णामं एगे सुद्धे, चउभंगो ४-२। एवं परिणतरूवे वत्था सपडिवक्खा, चत्वारि पुरिसजाता पन्नत्ता तंजहा-सुद्धे णामं एगे सुद्धमणे, चउभंगो ४, एवं संकप्पे जाव परक्कमे ॥सू० २३९॥

चत्वारि सुता पन्नत्ता तंजहा-अतिजाते अणुजाते अवजाते कुलिंगाले ॥सू०
 २४०॥ चत्वारि पुरिसजाता पन्नत्ता तंजहा-सच्चे नामं एगे सच्चे, सच्चे
 नामं एगे असच्चे ४, १। एवं परिणते जाव परक्रमे २। चत्वारि वत्या पन्नत्ता
 तंजहा-सुतीनामं एगे सुती, सुईनामं एगे असुई, चउभंगो ४, ३। एवामेव
 चत्वारि पुरिमजाता पन्नत्ता तंजहा-सुती णामं एगे सुती, चउभंगो, ४। एवं
 जहेव सुद्धेणं (सुइणा) वत्थेणं भणितं तहेव सुतिणावि जाव परक्रमे ५
 ॥सू० २४१॥ चत्वारि कोरवा पन्नत्ता तंजहा-अंबपलंबकोरवे तालपलंबको-
 रवे वल्लिपलंबकोरवे मेंढविसाणकोरवे १। एवामेव चत्वारि पुरिसजाता पन्नत्ता
 तंजहा-अंबपलंबकोरवसमाणो तालपलंबकोरवसमाणो वल्लिपलंबकोरवसमाणो
 मेंढविसाणकोरवसमाणो २ ॥सू० २४२॥ चत्वारि घुणा पन्नत्ता तंजहा-
 तयक्खाते छल्लिक्खाते कट्टक्खाते सारक्खाते १। एवामेव चत्वारि भिक्खागा
 पन्नत्ता तंजहा-तयक्खायसमाणो जाव सारक्खायसमाणो, तयक्खातसमाणस्स
 णं भिक्खागस्स सारक्खातसमाणो तवे पराणत्ते, सारक्खायसमाणस्स णं
 भिक्खागस्स तयक्खातसमाणो तवे पन्नत्ते, छल्लिक्खायसमाणस्स णं भिक्खा-
 गस्स कट्टक्खायसमाणो तवे पराणत्ते, कट्टक्खायसमाणस्स णं भिक्खागस्स
 छल्लिक्खायसमाणो तवे पराणत्ते २ ॥सू० २४३॥ चउव्विहा तणावणास्सति-
 कातिता पन्नत्ता तंजहा-अग्गवीया मूलवीया पोरवीया खंधवीया १ ॥सू०
 २४४॥ चउहिं ठाणोहिं अहुणोववरणो गोरइए गोरइलोगंसि इच्छेज्जा
 माणुसं लोगं हव्वमागच्छित्तते, णो चेव णं संचातेइ हव्वमागच्छित्तते,
 अहुणोववरणो नेरइए गिरयलोगंसि समुब्भूयं (सम्मूहभूयं, समहब्भूयं) वेयणं
 वेयमाणो इच्छेज्जा माणुसं लोगं हव्वमागच्छित्तते णो चेव णं संचातेति
 हव्वमागच्छित्तते १, अहुणोववन्ने गोरइए निरतलोगंसि गिरयपालेहि
 भुज्जो २ अहिट्टिज्जमाणो इच्छेज्जा माणुसं लोगं हव्वमागच्छित्तते, णो चेव
 णं संचातेति हव्वमागच्छित्तते २, अहुणोववन्ने गोरइए गिरतवेयणिज्जंसि

कम्मंसि अक्खीणंसि अवेतितंसि अण्णिज्जिन्नंसि इच्छेज्जा माणुमं लोमं
हव्वमागच्छित्तते, नो चेव णं संचाएइ ३, एवं णिरयाउअंसि कम्मंसि अक्खी-
णंसि जाव णो चेव णं संचातेति हव्वमागच्छित्तते ४, इच्छेनेहिं चउहिं
ठणोहिं अहुणोववन्ने नेरतिते जाव नां चेव णं संचातेति हव्वमागच्छित्तए
॥सू० २४५॥ कप्पंति णिग्गंथीणं चत्तारि संघाडीओ धारित्तए वा परिहरि-
त्तते वा, तंजहा-एगं दुहत्थवित्थारं, दो तिहत्थवित्थारा एगं चउहत्थवित्थारं
॥सू० २४६॥ चत्तारि भाणा पन्नत्ता तंजहा-अट्टे भाणो रोद्धे भाणो धम्मे
भाणो सुक्के भाणो १। अट्टे भाणो चउव्विहे पन्नत्ते तंजहा-अ(स)माणुन्न-
संययोगसंपउते तस्स विप्पयोगसतिसमराणागते यावि भवति १, माणुन्नसंप-
योगसंपउत्ते तस्स अविप्पयोगसतिसमराणागते यावि भवति २, आयंकसंप-
योगसंपउत्ते तस्स विप्पयोगसतिसमराणागए यावि भवति ३, परिजुसितका-
मभोगसंपयोगसंपउत्ते तस्स अविप्पयोगसतिसमराणागते यावि भवइ ४, २।
अट्टस्स णं भाणस्स चत्तारि लक्खणा पन्नत्ता तंजहा-कंदणाता सोनणाता
तिप्पणाता परिदेवणाता ३। रोद्धे भाणो चउव्विहे पन्नत्ते तंजहा-हिंसाणु-
बंधि मोसाणुबंधि तेणाणुबंधि मारक्खाणुबंधि ४। रुद्धस्स णं भाणस्स
चत्तारि लक्खणा पन्नत्ता तंजहा-आंसराणदोसे बहुदोसे अन्नाण(नाणाविह)
दोसे आमराणंतदोसे ५। धम्मे भाणो चउव्विहे चउप्पयावयारे (चउप्पडोयारे)
पन्नत्ता तंजहा-आणविजते अवायविजते विवागविजते मंअणुविजते
६। धम्मस्स णं भाणस्स चत्तारि लक्खणा पन्नत्ता तंजहा-आणारूद्धे
णिसग्गरूद्धे सुत्तरूद्धे ओगाद्धरुती ७। धम्मस्स णं भाणस्स चत्तारि आलंबणा-
पन्नत्ता तंजहा-वायणा पडिपुच्छणा परियट्टणा अणुप्पेहा ८। धम्मस्स णं
भाणस्स चत्तारि अणुप्पेहाओ पन्नत्ताओ तंजहा-एगाणुप्पेहा अण्णिचाणुप्पेहा
अंसराणुप्पेहा संसाराणुप्पेहा ९। सुक्के भाणो चउव्विहे चउप्पडोयारे
पन्नत्ते तंजहा-पुहुत्तवितक्के सवियारि १, एगत्तवितक्के अवियारि २, सुहु-

मकिरिते अणियद्वी ३, समुच्छिन्नकिरिए अप्पडिवाती ४, १०। सुकस्स गां
 भाणस्स चत्तारि लक्खणा पन्नत्ता तंजहा—अव्वहे असम्मांहे विवेगे विउस्सग्गे
 ११। सुकस्स गां भाणस्स चत्तारि आलंबणा पन्नत्ता तंजहा—खंती मुत्ती
 मद्दवे अज्जवे १२। सुकस्स गां भाणस्स चत्तारि अणुप्पेहाओ पन्नत्ताओ
 तंजहा—अणांतवत्तियाणुप्पेहा विप्परिणामाणुप्पेहा असुभाणुप्पेहा अवायाणु-
 प्पेहा १३ ॥सू० २४७॥ चउव्विहा देवाण ठिती पन्नत्ता तंजहा—देवे णाम-
 मेगे १ देवसिणाते नाममेगे २ देवपुरोहिते नाममेगे ३ देवपज्जलणे नाम-
 मेगे ४, १। चउव्विधे संवासे पन्नत्ते तंजहा—देवे णाममेगे देवीए सद्धिं
 संवासं गच्छेज्जा, देवे णाममेगे छवीते सद्धिं संवासं गच्छेज्जा, छवी णाम-
 मेगे देवीए सद्धिं संवासं गच्छेज्जा, छवी णाममेगे छवीते सद्धिं संवासं
 गच्छेज्जा २ ॥सू० २४८॥ चत्तारि कसाया पन्नत्ता तंजहा—कोहकसाए
 माणकसाए मायाकसाए लोमकसाए, एवं गोरइयाणं जाव वेमाणियाणं २४,
 १। चउपत्तिट्ठिते कोहे पन्नत्ते तंजहा—आतपइट्ठिते परपत्तिट्ठिए तदुभयपइट्ठिते
 अपत्तिट्ठिए, एवं गोरइयाणं जाव वेमाणियाणं २४, २। एवं जाव लोभे,
 वेमाणियाणं २४, ३। चउहिं ठाणेहिं कोधुप्पत्ती सिता, तंजहा—खेत्तं पडुच्चा
 वत्थुं पडुच्चा सरीरं पडुच्चा उवहिं पडुच्चा, एवं गोरइयाणं जाव वेमाणियाणं
 २४, ५। एवं जाव लोभे वेमाणियाणं २४, ६। चउव्विधे कोहे पन्नत्ते
 तंजहा—अणांताणुबंधिकोहे अपच्चक्खाणकोहे पच्चक्खाणावरणे कोहे संजलणे
 कोह, एवं नेरइयाणं जाव वेमाणियाणं २४, ७। एवं जाव लोभे वेमाणि-
 याणं २४, ८। चउव्विधे कोहे पन्नत्ते तंजहा—आभोगणिव्वत्तिए अणा-
 भागणिव्वत्तिते उव्वसंते अणुवसंते एवं नेरइयाणं जाव वेमाणियाणं २४,
 ९। एवं जाव लोभे जाव वेमाणियाणं २४, १० ॥सू० २४९॥ जीवा
 णं चउहिं ठाणेहिं अट्ट कम्मपगडीओ चिणिसु, तंजहा—कोहेणं माणेणं मायाए-
 लोभेणं, एवं जाव वेमाणियाणं २४, ११। एवं चिणंति एम दंडओ, एवं

त्रिणिस्संति एस दंडयो, एवमेतेषां तिन्नि दंडगा, २। एवं उवचिणिंसु उव-
चिणांति उवचिणिस्संति ३। वंधिसु ३ उदीरिसु ३ वेदंसु ३ निज्जरेंसु णिज्जरेंति
निज्जरिस्संति जाव वेमाणियाणं, एवमेकेकेके पदे तिन्नि २ दंडगा भाणि-
यव्वा, जाव निज्जरिस्संति ४ ॥सू० २५०॥ चत्तारि पडिमाथो पन्नत्ताथो
तंजहा—समाहिपडिमा उवहाणपडिमा विवेगपडिमा विउस्सग्गपडिमा १।
चत्तारि पडिमाथो पन्नत्ताथो तंजहा - भद्दा सुभद्दा महाभद्दा सव्वतोभद्दा २।
चत्तारि पडिमातो पन्नत्ताथो तंजहा—हुड्डिया मोयपडिमा महल्लिया मोय-
पडिमा जवमज्झा वड्ढरमज्झा ३ ॥सू० २५१॥ चत्तारि अत्थिकाया अजी-
वकाया पन्नत्ता तंजहा—धम्मत्थिकाए अधम्मत्थिकाए आगासत्थिकाए पोग्ग-
लत्थिकाए १। चत्तारि अत्थिकाया अरुविकाया पन्नत्ता तंजहा--धम्मत्थिकाए
अधम्मत्थिकाए आगासत्थिकाए जीवत्थिकाए २ ॥सू० २५२॥ चत्तारि
फला पन्नत्ता तंजहा—आमे णामं एगे आममहुरे १ आमे णाममेगे पक्कमहुरे
२ पक्के णाममेगे आममहुरे ३ पक्के णाममेगे पक्कमहुरे ४, १। एवमेव
चत्तारि पुरिसजाता पन्नत्ता तंजहा--आमे णाममेगे आममहुरफलसमाणो ४, २
॥सू० २५३॥ चउव्विहे सच्चं पन्नत्ते तंजहा--काउज्जुयया भासुज्जुयया
भावुज्जुयया अविमंवायणाजोगे १। चउव्विहे मोसे पन्नत्ते तंजहा- कायअणु-
ज्जुयया भासअणुज्जुयया भावअणुज्जुयया विसंवादणाजोगे २। चउव्विहे
पणिहाणे पन्नत्ते तंजहा--मणपणिहाणे वड्ढपणिहाणे कायपणिहाणे उवकर-
णपणिहाणे ३। एवं शेरइयाणं पंचिदियाणं जाव वेमाणियाणं २४, १।
चउव्विहे सुप्पणिहाणे पन्नत्ते तंजहा—मणसुप्पणिहाणे जाव उवगरणसुप्प-
णिहाणे एवं संजयमणस्साणवि ५। चउव्विहे दुप्पणिहाणे, पन्नत्ते तंजहा—
मणदुप्पणिहाणे जाव उवकरणादुप्पणिहाणे, एवं पंचिदियाणं जाव वेमाणि-
याणं २४, ६। ॥सू० २५४॥ चत्तारि पुरिसजाता पन्नत्ता तंजहा—आवात-
भइते णाममेगे णो संवासभइते १, संवासभइए णाममेगे णो आवातभइए

२, एगे आवातभद्वतेऽवि संवासभद्वतेऽवि ३ एगे णो आवायभद्वते नो वा
संवासभद्वए ४, १। चत्तारि पुरिसजाया पन्नत्ता तंजहा—अप्पणो नाममेगे
वज्जं पासति णो परस्स, परस्स णाममेगे वज्जं पासति ४, २। चत्तारि
पुरिसजाया पन्नत्ता तंजहा—अप्पणो णाममेगे वज्जं उदीरेइ णो परस्स ४,
३। अप्पणो नाममेगे वज्जं उवमामेति णो परस्स ४, ४। चत्तारि पुरिसजाया
पन्नत्ता तंजहा—अब्भुट्ठेइ नाममेगे णो अब्भुट्ठवेति, ४, ५। एवं वंदति
णाममेगे णो वंदावेइ ४, ६। एवं सक्कारेइ ७। सम्माणोति ८। पूएइ ९। वाएइ
१०। पडिपुच्छति (पडिच्छइ) ११। पुच्छइ १२। वागरेति, १३। सुत्तधरे
णाममेगे णो अत्थधरे, अत्थधरे नाममेगे णा सुत्तधरे ४, १४ ॥सू० २५५॥
चमरस्स णं असुरिंदस्स असुरकुमाररत्तो चत्तारि लोगपाला पन्नत्ता तंजहा--
सोमे जमे वरुणो वेममणो १। एवं बलिस्सवि सोमे जमे वेसमणो वरुणो २।
धरणस्स कालपाले कोलपाले सेलपाले संखपाले ३। एवं भूयाणांदस्स चत्तारि
कालपाले कोलपाले संखपाले सेलपाले ४। वेणुदेवस्स चित्ते विचित्ते चित्त-
पक्खे विचित्तपक्खे ५। वेणुदालिस्स चित्ते विचित्ते विचित्तपक्खे चित्तपक्खे
६। हरिकंतस्स पभे सुप्पभे पभकंते सुप्पभकंते ७। हरिस्सहस्स पभे सुप्पभे
सुप्पभकंते पभकंते ८। अग्गिसिहस्स तेऊ तेउसिहे तेउकंते तेउप्पभे ९। अग्गि-
माणवस्स तेऊ तेऊसिहे तेउपभे तेउकंते १०। पुन्नस्स रुए रूयंसे रूदकंते रूद-
प्पभे ११। एवं त्रिसिट्ठस्स स्ते रूतंसे रूतप्पभे रूयकंते १२। जलकंतस्स जले
जलइते जलकंते जलप्पभे १३। जलप्पहस्स जले जलरते जलप्पहे जलकंते
१४। अमितगतिस्स तुरियगती खिप्पगती सीहगती सीहविक्रमगती १५।
अमितवाहणस्स तुरियगती खिप्पगती सीहविक्रमगती सीहगती १६। वेलंबस्स
काले महाकाले अंजणो रिट्ठे १७। पभंजणस्स काले महाकाले रिट्ठे अंजणो
१८। घांसस्स आवत्ते वियावत्ते णांदियावत्ते महाणांदियावत्ते १९। महाघोसस्स
आवत्ते वियावत्ते महाणांदियावत्ते णांदियावत्ते २०। सक्कस्स सोमे जमे वरुणो

वेसमणो २१। ईसाणस्स सोमे जमे वेसमणो वरुणो २२। एवं एगंतरिता जाव-
 ञ्चुतस्स २३। चउव्विहा वाउकुमारा पन्नत्ता तंजहा—काले महाकाले वेलंवे
 पभंजणो २४ ॥सू० २५६॥ चउव्विहा देवा पन्नत्ता तंजहा—भवणवासी
 ब्राणमंतरा जोइसिया विमाणवासी ॥सू० २५७॥ चउव्विहे पमाणो पन्नत्ते
 तंजहा—दव्वप्पमाणो खेत्तप्पमाणो कालप्पमाणो भावप्पमाणो ॥सू० २५८॥
 चत्तारिं दिसाकुमारिमहत्तरियात्रो पन्नत्तात्रो तंजहा—रूया स्यंसा उरूया
 रूयावती १। चत्तारि विञ्जुकुमारिमहत्तरियात्रो पन्नत्तात्रो तंजहा—चित्ता
 चित्तकणगा सतेरा सोतामणी २ ॥सू० २५९॥ सक्कस्स गां देविदस्स देव-
 रन्नो मज्झिमपरिसाते देवाणं चत्तारि पलित्थोवमाइं प्पिती पन्नत्ता १। ईसा-
 णस्स देविदस्स देवरन्नो मज्झिमपरिसाए देवाणं चत्तारि पलित्थोवमाइं ठिई
 पन्नत्ता २ ॥सू० २६०॥ चउव्विहे संसारे पन्नत्ते तंजहा—दव्वसंसारे खेत्त-
 संसारे कालसंसारे भावसंसारे ॥सू० २६१॥ चउव्विहे दिट्ठिवाए पन्नत्ते
 तंजहा—परिकम्मं सुत्ताइं पुव्वगए अणुजोगे ॥सू० २६२॥ च व्विहे
 पायच्छित्ते पन्नत्ते तंजहा—णाणपायच्छित्ते दंसणपायच्छित्ते चरित्तपायच्छित्ते
 वि(चि)त्तकिच्चपायच्छित्ते १। चउव्विहे पायच्छित्ते पन्नत्ते तंजहा—परिसेवणा-
 पायच्छित्ते संजोयणापायच्छित्ते आरांअणापायच्छित्ते पलिउंचणापायच्छित्ते
 २। सू० २६३॥ चउव्विहे काले पन्नत्ते तंजहा—पमाणकाले अहाउयनिव्व-
 त्तिकाले मरणकाले अद्धाकाले ॥सू० २६४॥ चउव्विहे पोग्गलपरिणामे
 पन्नत्ते तंजहा—वन्नपरिणामे गंधपरिणामे रसपरिणामे फासपरिणामे ॥सू०
 २६५॥ भरहेरवणसु गां वासेसु पुरिमपच्छिमवज्जा मज्झिमगा वावीमं अर-
 हंता भगवंता चाउज्जामं धम्मं पराणवेंति तंजहा—सव्वातो पाणातिवायात्रो वेर-
 मणां, एवं मुसावायात्रो वेरमणां, सव्वातो अदिन्नादाणात्रो वेरमणां सव्वात्रो
 बहिद्धादाणात्रो वेरमणां ३। सव्वेसु गां महाविदेहेसु अरहंता भगवंतो चाउ-
 ज्जामं धम्मं पराणवयंति, तंजहा—सव्वातो पाणातिवायात्रो वेरमणां, जाव

सञ्जातां वहिष्ठादाणाञ्चो वेरमणां २ ॥सू० २६६॥ चत्वारि दुग्गतीतो पन्न-
 ताञ्चो तंजहा-गोरइयदुग्गती तिरिक्खजोणियदुग्गती मणुस्सदुग्गती देवदुग्गई
 १। चत्वारि सोग्गईञ्चो पन्नताञ्चो तंजहा-सिद्धसोगती देवसोगती मणुय-
 सोग्गती सुट्टुलपच्चायाति २। चत्वारि दुग्गता पन्नता तंजहा-नेरइयदुग्गया
 तिरिक्खजोणियदुग्गता मणुयदुग्गता देवदुग्गता ३। चत्वारि सुग्गता पन्नता
 तंजहा-सिद्धसुग्गता जाव सुट्टुलपच्चायाया ४ ॥सू० २६७॥ पढमसमयजि-
 णस्स णं चत्वारि कम्मंमा खीणा भवन्ति तंजहा- णाणावरणिज्जं दंसणा-
 वरणिज्जं मोहणिज्जं अंतरातितं १। उप्पन्ननाणदंसणाधरे णं अरहा जिणे
 केवली चत्वारि कम्मसे वेदेति तंजहा-वेदणिज्जं आउयं णामं गोतं २। पढम-
 समयसिद्धस्स णं चत्वारि कम्मसा जुगवं खिज्जन्ति तंजहा-वेयणिज्जं आउय
 णामं गोतं ३ ॥सू० २६८॥ चउहि अणोहिं हासुप्पत्ती सिता तंजहा-पासित्ता
 भासेत्ता सुणोत्ता संभरेत्ता ॥सू० २६९॥ चउव्विहे अंतरे पन्नत्ते तंजहा-कट्टं-
 तरे पढंतरे लोहंतरे पत्थरंतरे, एवामेव इत्थिए वा पुरिसस्स वा चउव्विहे
 अंतरे पन्नत्ते तंजहा-कट्टंतरसमाणे पढंतरसमाणे लोहंतरसमाणे पत्थरंतर-
 समाणे ॥सू० २७०॥ चत्वारि भयगा पन्नत्ता तंजहा-दिवसभयते जत्ताभयते
 उच्चत्तभयते कच्चालभयते ॥सू० २७१॥ चत्वारि पुरिसजाता पन्नत्ता तंजहा-
 संपागडपडिसेवी णामेगे णो पच्छन्नपडिसेवी पच्छन्नपडिसेवी णामेगे णो
 संपागडपडिसेवी एगे संपागडपडिसेवीवि पच्छन्नपडिसेवीवि एगे नो संपागड-
 पडिसेवी णो पच्छन्नपडिसेवी ॥सू० २७२॥ चमरस्स णं असुरिंदस्स असुरं-
 कुमाररन्नो सोमस्स महारन्नो चत्वारि अग्गमहिप्पीञ्चो पन्नताञ्चो तंजहा-कणगा
 कणगज्जता त्रि त्तुत्ता वसुंधरा १। एवं जमस्म वरुणास्स वेसमणास्स २। बलिस्स
 णं वतिरोयणिंदस्स वतिरोयणारन्नो सोमस्स महारन्नो चत्वारि अग्गमहिप्पीञ्चो
 पन्नताञ्चो तंजहा-मित्तगा सुभदा विज्जुत्ता असणी ३। एवं जमस्म वेसम-
 णास्स वरुणास्स ४। धरणास्स णं नागकुमारिंदस्स णागकुमाररन्नो कालवा-

लस्य महारन्नो चत्वारि अग्गमहिमीथो पन्नत्ताथो तंजहा—अमोगा विमला
 सुप्पभा सुदंसणा ५। एवं जाव संखवालस्य ६। भूताणंदस्य णं णागकुमारि-
 दस्य णागकुमाररन्नो कालवानस्य महारन्नो चत्वारि अग्गमहिमीथो
 पन्नत्ताथो तंजहा—सुणंदा सुभदा सुजाता सुमणा ७। एवं जाव सलवालस्य
 जहा धरणस्य ८। एवं सव्वेसि दाहिणिंदलोगपालाणं जाव घोमस्य जहा
 भूताणंदस्य ९। एवं जाव महाघोमस्य लोगपालाणं १०। कालस्य णं पिसा-
 इंदस्य पिसायरन्नो चत्वारि अग्गमहिमीथो पन्नत्ताथो तंजहा—कमला
 कमलप्पभा उप्पला सुदंसणा ११। एवं महाकालस्यवि १२। सुरूवस्य णं
 भूतिंदस्य भूतरन्नो चत्वारि अग्गमहिमीथो पन्नत्ताथो तंजहा—रुववती
 बहुरुवा सुरूवा सुभगा १३। एवं पडिरुवस्यवि १४। पुराणभइस्य णं जक्खिं-
 दस्य जक्खरन्नो चत्वारि अग्गमहिमीथो पन्नत्ताथो तंजहा—पुत्ता बहुपुत्तिता
 उत्तमा तारणा १५। एवं माणिभइस्यवि १६। भीमस्य णं रक्खसिंदस्य
 रक्खसरन्नो चत्वारि अग्गमहिमीथो पन्नत्ताथो तंजहा—पउमा वसुमती
 कणागा रतणप्पभा १७। एवं महाभीमस्यवि १८। किंनरस्य णं किंनरिंदस्य
 किंनररन्नो चत्वारि अग्गमहिमीथो पन्नत्ताथो तंजहा—वडेंसा केतुमती रति-
 सेणा रतिप्पभा १९। एवं किंपुरिसस्यवि २०। सप्पुरिसस्य णं किंपुरिसिं-
 दस्य किंपुरिसरन्नो चत्वारि अग्गमहिमीथो पन्नत्ताथो तंजहा—रोहिणी णव-
 मित्ता हिरी पुप्फवती २१। एवं महापुरिसस्यवि २२। अतिकायस्य णं महोर-
 गिंदस्य महोरगरन्नो चत्वारि अग्गमहिमीथो पन्नत्ताथो तंजहा—भुयगा
 भुयगवती महाकच्छा फुडा २३। एवं महाकायस्यवि २४। गीतरतिस्य णं
 गंधविंदस्य गंधवरन्नो चत्वारि अग्गमहिमीथो पन्नत्ताथो तंजहा—सुघोमा
 विमला सुस्सरा सरस्सती २५। एवं गीयजस्यवि २६। चंदस्य णं जोति-
 सिंदस्य जातिमरन्नो चत्वारि अग्गमहिमीथो पन्नत्ताथो तंजहा—चंदप्पभा
 दोसिणामा अच्चिमाली पमंकरा २७। एवं सूरस्यवि णवरं सूरप्पभा दोसिणामा

अन्निमाली पभंकरा २८। इंगालस्स णं महागहस्स चत्तारि अग्गमहिस्सीओ पन्न-
त्ताओ तंजहा-विजया वेजयंती जयंती अपराजिया २९। एवं सर्व्वेसिं मह-
ग्गहाणं जाव भावकेउस्स ३०। सकस्स णं देविंदस्स देवरन्नो सोमस्स महा-
रन्नो चत्तारि अग्गमहिस्सीओ पन्नत्ताओ तंजहा-रोहिणी मयणा चित्ता सोमा
३१। एवं जाव वेसमणास्स ३२। ईसाणास्स णं देविंदस्स देवरन्नो सोमस्स
महारन्नो चत्तारि अग्गमहिस्सीओ पन्नत्ताओ तंजहा-पुढ्वी राती रयणी
विज्जू ३३। एवं जाव वरुणास्स ३४ ॥सू० २७३॥ चत्तारि गोरसविग-
तीओ पन्नत्ताओ तंजहा-खीरं दहिं सप्पि णवणीतं १। चत्तारि सिणोहविग-
तीओ पन्नत्ताओ तंजहा-तेल्लं घयं वसा णवणीतं २। चत्तारि महाविग-
तीओ पन्नत्ताओ तंजहा-महुं मंसं मज्जं णवणीतं ३ ॥सू० २७४॥ चत्तारि
कूडागारा पन्नत्ता तंजहा-गुत्ते णामं एगे गुत्ते, गुत्ते णामं एगे अगुत्ते, अगुत्ते,
णामं एगे गुत्ते, अगुत्ते णामं एगे अगुत्ते १। एवामेव चत्तारि पुरिसजाता
पन्नत्ता तंजहा-गुत्ते णाममेगे गुत्ते ४ २। चत्तारि कूडागारमालाओ पन्न-
त्ताओ तंजहा-गुत्ता णाममेगा गुत्तदुवारा गुत्ताणाममेगा अगुत्तदुवारा अगुत्ता
णाममेगा गुत्तदुवारा अगुत्ता णाममेगा अगुत्तदुवारा ३। एवामेव चत्तारि-
त्थीओ पन्नत्ताओ तंजहा-गुत्ता नाममेगा गुत्तिदिता गुत्ता णाममेगा अगुत्ति-
दिआ ४ ॥सू० २७५॥ चउविहा ओगाहणा पन्नत्ता तंजहा-द्वोगाहणा
खेतोगाहणा कालोगाहणा भावोगाहणा ॥सू० २७६॥ चत्तारि पन्नत्तीओ
अंगवाहिरियातो पन्नत्ताओ तंजहा-चंदपन्नत्ती सूरपन्नत्ती जंजुहीवपन्नत्ती
दीवसागरपन्नत्ती ॥सू० २७७॥ चउट्टाणास्स पढमो उद्देसओ ॥

॥ इति चतुःस्थानकस्य प्रथमोद्देशकः ॥४-१॥

॥ अथ चतुर्थस्थानके द्वितीय उद्देशकः ॥

चत्वारि पडिसंलीणा पन्नत्ता तंजहा—कोहपडिसंलीणो माणपडिसंलीणो
 पायापडिसंलीणो लोभपडिसंलीणो १। चत्वारि अपडिसंलीणा पन्नत्ता तंजहा—
 कोहअपडिसंलीणो जाव लोभअपडिसंलीणो २। चत्वारि पडिसंलीणा पन्नत्ता
 तंजहा—माणपडिसंलीणो वतिपडिसंलीणो कायपडिसंलीणो इंदियपडिसंलीणो
 ३। चत्वारि अपडिसंलीणा पन्नत्ता तंजहा—माणअपडिसंलीणो जाव इंदिय-
 अपडिसंलीणो ४ ॥सू० २७८॥ चत्वारि पुरिसजाता पन्नत्ता तंजहा—दीणो
 णाममेगे दीणो, दीणो णाममेगे अदीणो, अदीणो णाममेगे दीणो, अदीणो णाममेगे
 अदीणो १। चत्वारि पुरिसजाता पन्नत्ता तंजहा—दीणो णाममेगे दीणपरिणते,
 दीणो णामं एगे अदीणपरिणते, अदीणो णामं एगे दीणपरिणते अदीणो
 णाममेगे अदीणपरिणते २। चत्वारि पुरिसजाता पन्नत्ता तंजहा—दीणो णाम-
 मेगे दीणरूवे । ह ४, ३। एवं दीणमगो ४, ४। दीणसंकप्पे ४, ५। दीणपन्ने
 ४, ६। दीणदिट्ठी ४, ७। दीणसीलाचारे ४, ८। दीणववहारे ४, ९। चत्वारि
 पुरिसजाया पन्नत्ता तंजहा—दीणो णाममेगे दीणपरकमे, दीणो णाममेगे अदीण-
 परकमे । ह ४, १० । एवं मव्वेमिं चउमंगो भाणियव्वो, चत्वारि पुरिसजाता
 पन्नत्ता तंजहा—दीणो णाममेगे दीणवित्ती ४-११। एवं दीणजाती ४, १२।
 दीणभासी ४, १३। दीणोभासी ४, १४। चत्वारि पुरिसजाता पन्नत्ता तंजहा—
 दीणो णाममेगे दीणसेवी । ४, ह १५। एवं दीणो णाममेगे दीणपरियाए
 ४, १६ । दीणो णाममेगे दीणपरियाले । ह ४, १७। संव्वत्थ चउमंगो
 ॥सू० २७९॥ चत्वारि पुरिसजाता पन्नत्ता तंजहा—अज्जे णाममेगे अज्जे
 ४, १। चत्वारि पुरिसजाता पन्नत्ता तंजहा—अज्जे णाममेगे अज्जपरिणए
 ४, २। एवं अज्जरूवे ३। अज्जमगो ४। अज्जसंकप्पे ५। अज्जपन्ने ६।
 अज्जदिट्ठी ७। अज्जसीलाचारे ८। अज्जववहारे ९। अज्जपरकमे १०।

अज्जवित्ती ११ । अज्जजाती १२ । अज्जभासी १३ । अज्जत्रोभासी १४ ।
 अज्जसेवी १५ । एवं अज्जपरियाए १६ । अज्जपरियाले १७ । एवं सत्तर-
 आलावगा, जहा दीणेणं भणिया तथा अज्जेणवि भाणियव्वा । चत्तारि
 पुरिसजाया पन्नत्ता तंजहा-अज्जे णाममेगे अज्जभावे, अज्जे नाममेगे अण-
 ज्जभावे, अणज्जे नाममेगे अज्जभावे, अणज्जे नाममेगे अणज्जभावे १८
 ॥सू० २८०॥ चत्तारि उसभा पन्नत्ता तंजहा-जातिसंपन्ने कुलसंपन्ने बल-
 संपन्ने रूवसंपन्ने १। एवामेव चत्तारि पुरिसजाता पन्नत्ता तंजहा-जाति-
 संपन्ने जाव रूवसंपन्ने २। चत्तारि उसभा पन्नत्ता तंजहा- जातिसंपन्ने णामं-
 एगे नो कुलसंपराणे, कुलसंपराणे नामं एगे नो जाइसंपराणे, एगे जातिसं-
 पराणेऽवि कुलसंपराणेऽवि, एगे नो जातिसंपराणे नो कुलसंपन्ने ३। एवामेव
 चत्तारि पुरिसजाया पन्नत्ता तंजहा-जातिसंपन्ने नाममेगे ४, ४। चत्तारि
 उसभा पन्नत्ता तंजहा-जातिसंपन्ने नामं एगे नो बलसंपन्ने ५। एवामेव
 चत्तारि पुरिसजाया पन्नत्ता तंजहा—जातिसंपन्ने ४, ६। चत्तारि उसभा पन्नत्ता
 तंजहा—जाइसंपन्ने नामं एगे नो रूवसंपन्ने ४, ७। एवामेव चत्तारि पुरिसजाया
 पन्नत्ता तंजहा—जातिसंपन्ने नामं एगे नो रूवसंपन्ने, रूवसंपन्ने णाममेगे
 ह-४। ८। चत्तारि उसभा पन्नत्ता तंजहा-कुलसंपन्ने नामं एगे नो बलसंपन्ने
 ह-४। ९। एवामेव चत्तारि पुरिसजाया पन्नत्ता तंजहा-कुलसंपन्ने नाममेगे
 नो बलसंपन्ने ह-४। १०। चत्तारि उसभा पन्नत्ता तंजहा-कुलसंपन्ने णाममेगे
 णो रूवसंपन्ने, ह-४। ११। एवामेव चत्तारि पुरिसजाता पन्नत्ता तंजहा-कुल-
 संपन्ने नाममेगे णो रूवसंपन्ने ह-४। १२। चत्तारि उसभा पन्नत्ता तंजहा-
 बलसंपन्ने णामं एगे नो रूवसंपराणे ह-४। १३। एवामेव चत्तारि पुरिसजाया
 पराणत्ता तंजहा-बलसंपराणे नाममेगे नो रूवसंपन्ने ४, १४। चत्तारि हत्थी-
 पन्नत्ता तंजहा-भदे मंदे मिते संकिन्ने १५। एवामेव चत्तारि पुरिसजाया
 पन्नत्ता तंजहा-भदे मंदे मिते संकिन्ने १६। चत्तारि हत्थी पन्नत्ता तंजहा-

भद्दे णाममेगे भद्दमणो, भद्दे णाममेगे मंदमणो, भद्दे णाममेगे मियमणो, भद्दे
 नाममेगे संकिन्नमणो १७। एवामेव चत्तारि पुरिसजाया पन्नत्ता तंजहा-भद्दे
 णाममेगे भद्दमणो, भद्दे णाममेगे मंदमणो, भद्दे णाममेगे मियमणो, भद्दे
 णाममेगे संकिन्नमणो १८। चत्तारि हत्थी पन्नत्ता तंजहा-मंदे णाममेगे भद्द-
 मणो, मंदे नाममेगे मंदमणो, मंदे णाममेगे मियमणो, मंदे णाममेगे संकिन्नमणो
 १९। एवामेव चत्तारि पुरिसजाता पन्नत्ता तंजहा-मंदे णाममेगे भद्दमणो तं
 चेव ४, २०। चत्तारि हत्थी पन्नत्ता तंजहा-मिते णाममेगे भद्दमणो, मिते
 णाममेगे मंदमणो, मिते णाममेगे मियमणो, मिते णाममेगे संकिन्नमणो २१।
 एवामेव चत्तारि पुरिसजाता पन्नत्ता तंजहा-मिते णाममेगे भद्दमणो, तं चेव
 २२। चत्तारि हत्थी पन्नत्ता तंजहा-संकिण्णो नाममेगे भद्दमणो, संकिन्ने
 नाममेगे मंदमणो, संकिन्ने नाममेगे मियमणो, संकिन्ने णाममेगे संकिन्नमणो
 २३। एवामेव चत्तारि पुरिसजाया पन्नत्ता तंजहा-संकिन्ने णाममेगे भद्दमणो,
 तं चेव जाव संकिन्ने नाममेगे संकिन्नमणो २४। मधुगुलिय-पिंगलक्खो
 अणुपुव्वसुजाय-दीहणंगूलो । पुरयो उदग्गधीरो सव्वंग-समाधितो भद्दो ॥१॥
 चत्तवहल-विसमच्चमो थूलसिरो थूलएण पेएण । थूलएणह-दंतवालो हरिपिंग-
 ललोयणो मंदो ॥२॥ तणुओ तणुतग्गीवो तणुयततो तणुयदंत-एणहवालो ।
 भीरु तत्थुव्विग्गो तासी य भवे मिते णामं ॥३॥ एतेसिं हत्थीणं थोवं तु
 जो हरति हत्थी । रूवेण व सीलेण व सो संकिन्नोत्ति नायव्वो ॥४॥ भद्दो
 मज्जइ सरए मंदो उण मज्जते वसंतंमि । मिउ मज्जति हेमंते संकिन्नो सव्व-
 कालंमि ॥ ५ ॥ सू० २८१॥ चत्तारि विकहातो पन्नत्ताओ तंजहा-इत्थिकहा
 भत्तकहा देसकहा रायकहा १। इत्थिकहा चउव्विहा पन्नत्ता तंजहा-इत्थीणं
 जाडकहा इत्थीणं कुलकहा इत्थीणं रूवकहा इत्थीणं गोवत्थकहा २। भत्त-
 कहा चउव्विहा पन्नत्ता तंजहा-भत्तस्स आवावकहा भत्तस्स णिवावकहा
 भत्तस्स आरंभकहा भत्तस्स निट्ठाणकहा ३। देसकहा चउव्विहा पन्नत्ता

तंजहा-देसविहिकहा देसविकप्पकहा देसच्छंदकहा देसनेवत्थकहा ४। राय-
 कहा चउव्विहा पन्नत्ता तंजहा--रन्नो अतिताणकहा रन्नो निज्जाणकहा रन्नो
 बलवाहणकहा रन्नो कोसकोट्टागारकहा ५। चउव्विहा धम्मकहा पन्नत्ता तंजहा-
 अक्खेवणी विक्खेवणी संवेयणी निव्वेगणी ६। अक्खेवणी कहा चउव्विहा
 पन्नत्ता तंजहा--आयारअक्खेवणी ववहारअक्खेवणी पन्नत्तिअक्खेवणी
 दिट्ठिवातअक्खेवणी ७। विक्खेवणी कहा चउव्विहा पन्नत्ता तंजहा--ससमयं
 कहेइ, ससमयं कहित्ता परसमयं कहेइ १, परसमयं कहेत्ता ससमयं ठवत्तित्ता
 भवति २, सम्मावातं कहेइ सम्मावातं कहेत्ता मिच्छावातं कहेइ ३ मिच्छावातं
 कहेत्ता सम्मावातं ठवत्तित्ता भवति ४, संवेगणी कथा चउव्विहा पन्नत्ता तंजहा-
 इहलोगसंवेगणी परलोगसंवेगणी आतसरीरसंवेगणी परसरीरसंवेगणी ५।
 णिव्वेगणीकहा चउव्विहा पन्नत्ता तंजहा-इहलोगे दुच्चिन्ना कम्मा इहलोगे
 दुहफलविवागसंजुत्ता भवंति १, इहलोगे दुच्चिन्ना कम्मा परलोगे दुहफल-
 विवागसंजुत्ता भवंति २, परलोगे दुच्चिन्ना कम्मा इहलोगे दुहफलविवाग-
 संजुत्ता भवंति ३, परलोगे दुच्चिन्ना कम्मा परलोये दुहफलविवागसंजुत्ता
 भवंति ४, १०। इहलोगे सुच्चिन्ना कम्मा इहलोगे सुहफलविवागसंजुत्ता
 भवंति १, इहलोगे सुच्चिन्ना कम्मा परलोगे सुहफलविवागसंजुत्ता भवंति
 २ एवं चउभंगो ४, ११॥ सू० २८२॥ तहेव चत्तारि पुरिसजाया पन्नत्ता
 तंजहा-किसे णाममेगे किसे, किसे णाममेगे दढे, दढे णाममेगे किसे, दढे
 णाममेगे दढे १। चत्तारि पुरिसजाया पन्नत्ता तंजहा-किसे णाममेगे किस-
 सरीरे, किसे णाममेगे दढसरीरे, दढे णाममेगे किससरीरे, दढे णाममेगे दढ-
 सरीरे २। चत्तारि पुरिसजाया पन्नत्ता तंजहा-किससरीरस्स नाममेगस्स
 णाणदंसणे समुप्पज्जति णो दढसरीरस्स, दढसरीरस्स णाम एगस्स णाण-
 दंसणे समुप्पज्जति णो किससरीरस्स, एगस्स किससरीरस्सवि णाणदंसणे
 समुप्पज्जति दढसरीरस्सवि, एगस्स नो किससरीरस्स णाणदंसणे समुप्पज्जति.

णो दृढसरीरस्स ३ ॥२८३॥ चउहिं ठाणोहिं निग्गंथाण वा निग्गंथीण वा
 अस्सि समयंसि अतिसेसे नाणदंसणे समुप्पज्जिउकामेऽवि न समुप्पज्जेजा,
 तंजहा—अभिकखणं अभिकखणमित्थकहं भत्तकहं देसकहं रायकहं कहेत्ता
 भवति १, विवेगेण विउस्सग्गेणं णो सम्ममप्पाणं भाविता भवति २, पुव्व-
 रत्तावरत्तकालसमयंसि णो धम्मजागरितं जागरतिता भवति ३, फासुयस्स
 एसणिज्जस्स उंछस्स सामुदाणियस्स णो सम्मं गवेसिता भवति ४, इच्चेतेहिं
 चउहिं ठाणोहिं निग्गंथाण वा निग्गंथीण वा जाव नो समुप्पज्जेजा १।
 चउहिं ठाणोहिं निग्गंथाण वा निग्गंथीण वा अतिसेसे णाणदंसणे समुप्प-
 ज्जिउकामे समुप्पज्जेजा, तंजहा—इत्थीकहं भत्तकहं देसकहं रायकहं नो कहेत्ता
 भवति १, विवेगेण विउस्सग्गेणं सम्ममप्पाणं भावेता भवति २, पुव्वरत्ताव-
 रत्तकालसमयंसि धम्मजागरियं जागरतिता भवति ३, फासुयस्स एसणिज्जस्स
 उंछस्स सामुदाणियस्स सम्मं गवेसिया भवति, इच्चेएहिं चउहिं ठाणोहिं
 निग्गंथाण वा निग्गंथीण वा जाव समुप्पज्जेजा ४, ॥सू० २८४॥ नो
 कप्पति निग्गंथाण वा निग्गंथीण वा चउहिं महापाडिवएहिं सज्झायं करे-
 त्तए, तंजहा—आसाढपाडिवए इंदमहपाडिवए कत्तियपाडिवए सुगिम्हपाडिवए
 १। णो कप्पइ निग्गंथाण वा निग्गंथीण वा चउहिं संभाहि सज्झायं करे-
 त्तए, तंजहा—पढ्माते पच्छिमाते मज्झराहे अड्डरत्ते २। कप्पइ निग्गंथाण वा
 निग्गंथीण वा चाउकालं सज्झायं करेत्तए, तंजहा—पुव्वराहे, अवरराहे पत्रोसे
 पच्चूमे ३ ॥सू० २८५॥ चउव्विहा लोमट्ठिती पन्नत्ता तंजहा—आगास-
 पतिट्ठिए वाते, वातपतिट्ठिए उदधी, उदधिपतिट्ठिया पुदधी, पुदधिपतिट्ठिया तसा
 थावरा पाणा ॥सू० २८६॥ चत्तारि पुरिसजाता पन्नत्ता तंजहा—तहे नाम-
 मेगे, नोतहे नाममेगे, सोवत्थी नाममेगे, पधाणे नाममेगे १। चत्तारि पुरिस-
 जाया पन्नत्ता तंजहा—आयंतकरे नाममेगे णो परंतकरे १ परंतकरे णाम-
 मेगे णो आतंतकरे २ एगे आतंतकरेवि परंतकरेवि ३ एगे णो आतंतकरे

गो परंतकरे ४, २। चत्तारि पुरिसजाता पन्नत्ता तंजहा—आतंतमे नाममेगे नो परंतमे (ह) ४, ३। चत्तारि पुरिसजाया पन्नत्ता तंजहा—आयंदमे नाममेगे गो परंदमे ४, ४ ॥सू० २८७॥ चउव्विधा गरहा पन्नत्ता तंजहा—उवसंपज्जामित्तेगा गरहा, वित्तिगिच्छामित्तेगा गरहा जंकिंत्तिमिच्छामीत्तेगा गरहा, एवंपि पन्नत्तेगा गरहा ॥सू० २८८॥ चत्तारि पुरिसजाया पन्नत्ता तंजहा—अप्पणो नाममेगे अलमंथू भवति गो परस्स, परस्स नाममेगे अलमंथू भवति गो अप्पणो, एगे अप्पणोऽवि अलमंथू भवति परस्सवि, एगे नो अप्पणो अलमंथू भवति गो परस्स १। चत्तारि मग्गा पन्नत्ता तंजहा—उज्जू नाममेगे उज्जू (उज्जूमणो), उज्जू नाममेगे वंके, वंके नाममेगे उज्जू, वंके नाममेगे वंके २। एवामेव चत्तारि पुरिसजाया पन्नत्ता तंजहा—उज्जू नाममेगे उज्जू ४, ३। चत्तारि मग्गा पन्नत्ता तंजहा—खेमे नाममेगे खेमे, खेमे णाममेगे अखेमे, ह (४), ४। एवामेव चत्तारि पुरिसजाता पन्नत्ता तंजहा—खेमे णाममेगे खेमे, ह (४), ५। चत्तारि मग्गा पन्नत्ता तंजहा—खेमे णाममेगे खेमरूवे, खेमे णाममेगे अखेमरूवे ४, ६। एवामेव चत्तारि पुरिसजाया पन्नत्ता तंजहा—खेमे नाममेगे खेमरूवे ४, ७। चत्तारि संबुक्का पन्नत्ता तंजहा—वामे नाममेगे वामावत्ते, वामे नाममेगे दाहिणावत्ते, दाहिणो नाममेगे वामावत्ते, दाहिणो नाममेगे दाहिणावत्ते ८। एवामेव चत्तारि पुरिसजाया पन्नत्ता तंजहा—वामे नाममेगे, वामावत्ते ह (४) ९। चत्तारि धूमसिहात्थो पन्नत्तात्थो तंजहा—वामा नाममेगा वामावत्ता ४, १०। एवामेव चत्तारित्थीत्थो पन्नत्तात्थो तंजहा—वामा णाममेगा वामावत्ता ४, ११। चत्तारि अग्गिसिहात्थो पन्नत्तात्थो तंजहा—वामा णाममेगा वामावत्ता, (ह) ४, १२। एवामेव चत्तारित्थीत्थो पन्नत्तात्थो तंजहा—वामा णाम (ह) ४, १३। चत्तारि वायमंडलिया पन्नत्ता तंजहा—वामा णाममेगा वामावत्ता ४, १४। एवामेव चत्तारित्थीत्थो पन्नत्तात्थो तंजहा—वामा णाममेगा वामावत्ता

४, १५, । चत्वारि वणसंडा पन्नत्ता तंजहा—वामे नाममेगे वामावत्ते ४, १६। एवामेव चत्वारि पुरिसजाया पन्नत्ता तंजहा—वामे णाममेगे वामावत्ते, ४, १७ ॥सू० २८६॥ चउहिं ठाणेहि णिग्गंथे णिग्गंथि आलवमाणे वा संलवमाणे वा णातिकमति तंजहा—पंथं पुच्छमाणे वा १ पंथं देसमाणे वा २ असणं वा पाणं वा खाइमं वा साइमं वा दलेमाणे वा ३ दलावेमाणे वा ३ ॥सू० २९०॥ तमुक्कायस्स णं चत्वारि नामधेज्जा पन्नत्ता तंजहा— तमिति वा तमुक्कातेति वा अंधकारेति वा महंधकारेति वा १। तमुक्कायस्स णं चत्वारि णामधेज्जा पन्नत्ता तंजहा—लोगंधगारेति वा लोगतमसेति वा देवंधगारेति वा देवतमसेति वा २। तमुक्कायस्स णं चत्वारि नामधेज्जा पन्नत्ता तंजहा—वातफलिहेति वा वातफलिह(वातयरि)खोभेति वा (देवफलिहेति वा देवपरिखोभेति वा) देवरन्नेति वा देववूढे(हे)ति वा ३। तमुक्काते णं चत्वारि कप्पे आवरित्ता चिट्ठति तंजहा—सोधम्मीसाणं सणकुमारमाहिंदं ४ ॥सू० २९१॥ चत्वारि पुरिसजाता पन्नत्ता तंजहा—संपागडपडिसेवी णाममेगे पच्छन्नपडिसेवी णाममेगे पडुप्पन्नंदी (सेवी) नाममेगे णिस्सरणाणंदी णाममेगे १ । चत्वारि सेणाओ पन्नत्ताओ तंजहा—जत्तित्ता णाममेगे णो पराजिणित्ता पराजिणित्ता णाममेगे णो जत्तित्ता एगा जत्तित्तावि पराजिणित्तावि एगा नो जत्तित्ता नो पराजिणित्ता २ । एवामेव चत्वारि पुरिसजाता पन्नत्ता तंजहा—जत्तित्ता नाममेगे नो पराजिणित्ता ४, ३ । चत्वारि सेणाओ पन्नत्ताओ तंजहा—जत्तित्ता णामं एगा जयई, जइत्ता णाममेगा पराजिणित्ति, पराजिणित्ता णाममेगा जयति, पराजिणित्ता नाममेगा पराजिणित्ति ४ । एवामेव चत्वारि पुरिसजाता पन्नत्ता तंजहा—जइत्ता नाममेगे जयति ४, ५॥सू० २९२॥(चत्वारि राइओ पन्नत्ताओ तंजहा—पव्वयराई पुढवीराई रेणुराई जलराई, एवामेव चउव्विहे कोहे ततः मानमायासूत्राणि) चत्वारि केतणा पन्नत्ता तंजहा—वंसी-मूलकेतणाते मेढविसाणांकेतणाते गोमुत्तिकेतणाते अवलेहणितकेतणाते १। एवामेव चउविधामाया

पन्नत्ता तंजहा-वंसीमूलकेतणासमाणां जाव अवलेहणितासमाणा, वंसीमूलकेत-
णासमाणां मायं अणुपविट्ठे जीवे कालं करेति गोरइएसु उववज्जति, मेंढविसाणा-
केतणासमाणां मायमणुपविट्ठे जीवे कालं करेति तिरिक्खजोणितेसु उव-
वज्जति, गोमुत्तिकेतणासमाणां जाव कालं करेति मणुस्सेसु उववज्जति, अव-
लेहणिता जाव देवेसु उववज्जति २। चत्तारि थंभा पन्नत्ता तंजहा-सेलथंभे
अट्ठिथंभे दारुथंभे तिणिसलताथंभे ३। एवामेव चउव्विधे माणो पन्नत्ते
तंजहा-सेलथंभसमाणो जाव तिणिसलताथंभसमाणो, सेलथंभसमाणां माणां
अणुपविट्ठे जीवे कालं करेति नेरतिएसु उववज्जति, एवं जाव तिणिसलता-
थंभसमाणां माणां अणुपविट्ठे जीवे कालं करेति देवेसु उववज्जति ४। चत्तारि
वत्था पन्नत्ता तंजहा-किमिरागरत्ते कद्दमरागरत्ते खंजणारागरत्ते हलिहरागरत्ते
५। एवामेव चउव्विधे लोभे पन्नत्ते तंजहा-किमिरागरत्तवत्थसमाणो कद्दमरा-
गरत्तवत्थसमाणो खंजणारागरत्तवत्थसमाणो हलिहरागरत्तवत्थसमाणो, किमि-
रागरत्तवत्थसमाणां लोभमणुपविट्ठे जीवे कालं करेइ नेरइएसु उववज्जइ,
तहेव जाव हलिहरागरत्तवत्थसमाणां लोभमणुपविट्ठे जीवे कालं करेइ देवेसु
उववज्जति ३ ॥सू० २६३॥ चउव्विहे संसारे पन्नत्ते तंजहा-गोरतियसंसारे
जाव देवसंसारे १। चउव्विहे आउते पन्नत्ते तंजहा-गोरतिआउते जाव देवा-
उते २। चउव्विहे भवे पन्नत्ते तंजहा-नेरतियभवे जाव देवभवे ३ ॥सू० २६४॥
चउव्विहे आहारे पन्नत्ते तंजहा-असणो पाणो खाइमे साइमे १। चउव्विहे
आहारे पन्नत्ते तंजहा-(नो)उवक्खरसंपन्ने उवक्खडसंपन्ने सभावसंपन्ने परि-
जुसियसंपन्ने २ ॥सू० २६५॥ चउव्विहे बंधे पन्नत्ते तंजहा-पगतिवंधे ठितीबंधे
अणुभावबंधे पदेसबंधे १। चउव्विहे उवक्कमे पन्नत्ते तंजहा-बंधणोवक्कमे
उदीरणोवक्कमे उवसमाणोवक्कमे विप्परिणामणोवक्कमे २। बंधणोवक्कमे चउव्विहे
पन्नत्ते तंजहा-पगतिवंधणोवक्कमे ठितिवंधणोवक्कमे अणुभावबंधणोवक्कमे पदेस-
बंधणोवक्कमे ३। उदीरणोवक्कमे चउव्विहे पन्नत्ते तंजहा-पगतीउदीरणोवक्कमे

ठितीउदीरणोवक्कमे अणुभावउदीरणोवक्कमे पदेसउदीरणोवक्कमे ४। उवस-
 मणोवक्कमे चउव्विहे पन्नत्ते तंजहा-पगतिउवसामणोवक्कमे ठितिउवसामणोवक्कमे
 अणुउवसामणोवक्कमे पतेसुवसामणोवक्कमे ५। विप्परिणामणोवक्कमे चउव्विहे
 पन्नत्ते तंजहा-पगतिविप्परिणामोवक्कमे ठिती विप्परिणामोवक्कमे अणुविप्परि-
 णामोवक्कमे पतेसविप्परिणामोवक्कमे ६। चउव्विहे अणुअणुअणु पन्नत्ते तंजहा-
 पगतिअणुअणुअणु अिति अणुअणुअणु अणुअणुअणुअणु पतेसणुअणुअणु ७। चउव्विहे
 संकमे पन्नत्ते तंजहा-पगतिसंकमे ठितीसंकमे अणुसंकमे पएससंकमे ८। चउव्विहे
 णिधत्ते पन्नत्ते तंजहा-पगतिणिधत्ते ठितीणिधत्ते अणुनिधत्ते पएसणिधत्ते ९।
 चउव्विहे णिकायिते पन्नत्ते तंजहा-पगतिणिकायिते ठितिणिकायिते अणुणि-
 कायिते पएसणिकायिते १० ॥सू० २९६॥ चत्तारि एकापन्नत्ता तंजहा-दविए
 दविएकते (दविए एकए) माउपएकते (माउपए एकए) पज्जतेकते (पज्जते एकए)
 संगहेकते (संगहे एकए) ॥सू० २९७॥ चत्तारि कती पन्नत्ता तंजहा-दवितकती
 माउयपयकती पज्जवकती संगहकती ॥सू० २९८॥ चत्तारि सब्वा पन्नत्ते
 तंजहा-नामसव्वए ठवणसव्वए आएससव्वते निरवसेससव्वते ॥सू० २९९॥
 माणुसुत्तरस्स णं पव्वयस्स चउदिसिं चत्तारि कूडा पन्नत्ता तंजहा-रयणो रतणुचत्ते
 सव्वरयणो रतणुसंचये ॥सू० ३००॥ जंबुहीवे २ भरहेरवतेसु वासेसु तीताते उस्स-
 प्पिणीए सुसमसुसमाए ममाए चत्तारि सागरोवमकोडाकोडीओ कालो हुत्था
 जंबुहीवे २ भरहेरवते इमीसे ओसप्पिणीए सुसमसुसमाए समाए जहरणपए णं
 चत्तारि सागरोवमकोडाकोडीओ कालो हुत्था, जंबुहीवे २ भरहेरवएसु वासेसु
 आगमेस्साते उस्सप्पिणीते सुसमसुममाते समाए चत्तारि सागरोवमकोडाको-
 डीओ कालो भविस्सइ ॥सू० ३०१॥ जंबुहीवे २ देवकुरुत्तरकुरुवज्जाओ
 चत्तारि अकम्मभूमीओ पन्नत्ताओ तंजहा-हेमवते हेरन्नवते हरिवस्से रम्मग-
 वासे १। चत्तारि वट्टवेयड्डपव्वता पन्नत्ता तंजहा-सदावई वियडावई गंधावई
 मालवंतपरिताते, तत्थ णं चत्तारि देवा महिद्धितीया जाव पलिओवमट्टितीता

परिवसन्ति, तंजहा-साती पभासे अरुणे पउमे, २। जंबूद्वीवे २ महाविदेहे
वासे चउव्विहे पन्नत्ते तंजहा-पुव्वविदेहे अवरविदेहे देवकुरा उत्तरकुरा, ३।
सव्वेऽवि णां णिसदणीलवंतवासहरपव्वता चत्तारि जोयणासयाइं उड्डं उच्चत्तेणां
चत्तारि गाउयसयाइं उव्वेहेणां पन्नत्ता ४। जंबूद्वीवे २ मंदरस्स पव्वयस्स पुर-
त्थिमेणां सीताए महानदीए उत्तरे कूले चत्तारि वक्खारपव्वया पन्नत्ता तंजहा-
चित्तकूडे पम्हकूडे णालिणाकूडे एगसेले ५। जंबूद्वीवे २ मंदरस्स पव्वयस्स पुर-
त्थिमेणां सीताए महानदीए दाहिणाकूले चत्तारि वक्खारपव्वया पन्नत्ता तंजहा-
तिकूडे वेसमणाकूडे अंजणे मातंजणे ६। जंबूद्वीवे २ मंदरस्स पव्वयस्स पञ्चत्थि-
मेणां सीओदाए महानतीए दाहिणाकूले चत्तारि वक्खारपव्वता पन्नत्ता तंजहा-
अंकावती पम्हावती आमीविसे सुहावहे ७। जंबूद्वीवे २ मंदरस्स पव्वयस्स
पञ्चत्थिमेणां सीओदाए महाणातीते उत्तरकूले चत्तारि वक्खारपव्वया पन्नत्ता
तंजहा-चंदपव्वते सूरपव्वते देवपव्वते णागपव्वते, ८। जंबूद्वीवे २ मंदरस्स पव्व-
यस्स चउसु विदिसासु चत्तारि वक्खारपव्वया पन्नत्ता तंजहा-सोमणासे विज्जुप्पभे
गंधमायणे मालवंते ९। जंबूद्वीवे २ महाविदेहे वासे जहन्नपते चत्तारि अरहंता
चत्तारि चक्कवट्टी चत्तारि बलदेवा चत्तारि वासुदेवा उप्पज्जिसु वा उप्पज्जन्ति
वा उप्पज्जिस्सन्ति वा, १०। जंबूद्वीवे २ मंदरपव्वते चत्तारि वणा पन्नत्ता
तंजहा-भइसालवणे नंदणावणे सोमणासवणे पंडगवणे, ११। जंबूद्वीवे २ मंदरे
पव्वए पंडगवणे चत्तारि अभिसेगसिलाओ पन्नत्ताओ तंजहा-पंडुकंबल-
सिला अइपंडुकंबलसिला रत्तकंबलसिला अतिरत्तकंबलसिला, १२। मंदर-
चूलिया णां उवरिं चत्तारि जोयणाइं विक्खंभेणां पन्नत्ता, एवं धायइसंडदीव-
पुरच्छिमद्धेवि कालं आदिं करेत्ता जाव मंदरचूलियत्ति, एवं जाव पुक्ख-
रवरदीवपञ्चच्छिमद्धे जाव मंदरचूलियत्ति-जंबूद्वीवग(वे जं)आवस्सगं तु
कालाओ चूलिया जाव । धायइसंडे पुक्खरवरे य पुव्वावरे पासे ॥१॥
॥सू० ३०२॥ जंबूद्वीवस्स णां दीवस्स चत्तारि दारा पन्नत्ता तंजहा-विजये

वेजयंते जयंते अपराजिते, ते णं दारा चत्तारि जोयणाइं विक्खंभेणं ताव-
 तितं चव पवेसेणं पन्नत्ता, तत्थ णं चत्तारि देवा महिद्धीया जाव पलिओ-
 वमट्टिनीना परिवसंति विजते वेजयंते जयंते अपराजिते ॥सू ३०३॥
 जंबूद्धीवे २ मंदरस्स पव्वयस्स दाहिणेणं चुल्लहिमवंतस्म वासहरपव्वयस्स
 चउसु विदिसासु लवणसमुद्दं तिन्नि २ जोयणासयाइं ओगाहिता एत्थ णं
 चत्तारि अंतरदीवा पन्नत्ता तंजहा-एगूरुयदीवे आभासियदीवे वेसाणितदीवे
 णंगोलियदीवे, १। तेसु णं दीवेषु चउव्विहा मणुस्सा परिवसंति, तंजहा-
 एगूरुता आभासिता वेसाणिता णंगोलिया, २। तेसि णं दीवाणं चउसु
 विदिसासु लवणसमुद्दं चत्तारि २ जोयणासयाइं ओगाहेत्ता एत्थ णं चत्तारि
 अंतरदीवा पन्नत्ता तंजहा-हयकन्नदीवे गयकन्नदीवे गोकन्नदीवे संकुलिक-
 न्नदीवे, ३। तेसु णं दीवेषु चउव्विधा मणुस्सा परिवसंति तंजहा-हयकन्ना
 गयकन्ना गोकन्ना संकुलिकन्ना, ४। तेसि णं दीवाणं चउसु विदिसासु लव-
 णसमुद्दं पंच २ जोयणासयाइं ओगाहिता एत्थ णं चत्तारि अंतरदीवा पन्नत्ता
 तंजहा-आयंसमुहदीवे मेंढमुहदीवे अओमुहदीवे गोमुहदीवे, ५। तेसु णं दीवेषु
 चउव्विहा मणुस्सा भाणियव्वा, तेसि णं दीवाणं चउसु विदिसासु लवण-
 समुद्दं छ छ जोयणासयाइं ओगाहेत्ता एत्थ णं चत्तारि अंतरदीवा पन्नत्ता
 तंजहा-आसमुहदीवे हत्थिमुहदीवे सीहमुहदीवे वग्घमुहदीवे, ६। तेसु णं
 दीवेषु मणुस्सा भाणियव्वा, तेसि णं दीवाणं चउसु विदिसासु लवणसमुद्दं
 सत्त सत्त जोयणासयाइं ओगाहेत्ता एत्थ णं चत्तारि अंतरदीवा पन्नत्ता तंजहा-
 आमकन्नदीवे हत्थिकन्नदीवे अकन्नदीवे कन्नपाउरणादीवे, ७। तेसु णं
 दीवेषु मणुया भाणियव्वा, तेसि णं दीवाणं चउसु विदिसासु लवणसमुद्दं
 अट्टट्ट जोयणासयाइं ओगाहेत्ता एत्थ णं चत्तारि अंतरदीवा पन्नत्ता तंजहा-
 उक्कामुहदीवे मेहमुहदीवे विज्जुमुहदीवे विज्जुदंतदीवे, ८। तेसु णं दीवेषु
 मणुस्सा भाणियव्वा, तेसि णं दीवाणं चउसु विदिसासु लवणसमुद्दं णव

एव जोयणसयाइं ओगाहेत्ता एत्थ णं चत्तारि अंतरदीवा पन्नत्ता तंजहा-
घणदंतदीवे लट्टदंतदीवे गूढदंतदीवे सुद्धदंतदीवे, १। तेसु णं दीवेसु चउव्विहा
मणुस्सा परिवसंति, तंजहा--घणदंता लट्टदंता गूढदंता सुद्धदंता, १०।
जंबूद्वीवे २ मंदरस्स पव्वयस्स उत्तरेणं सिहरिस्स वासहरपव्वयस्स चउसु
विदिसासु लवणसमुद्दं तिन्नि २ जोयणसयाइं ओगाहेत्ता एत्थ णं चत्तारि
अंतरदीवा पन्नत्ता तंजहा--एगूरुयदीवे सेसं तदेव निरवसेसं भाणियव्वं जाव
सुद्धदंता ११ ॥सू० ३०४॥ जंबूद्वीवस्स णं दीवस्स बाहिरिल्लाओ वेतितं-
ताओ चउदिसिं लवणसमुद्दं पंचाणउइं जोयणसहस्साइं ओगाहेत्ता एत्थ णं
महतिमहालता महालंजरसंठाणसंठिता चत्तारि महापायाला पन्नत्ता तंजहा-
वलतामुद्दं केउते जूवए ईसरे, १। एत्थ (तत्थ) णं चत्तारि देवा महिद्धिया जाव
पलिओवमट्ठितीता परिवसंति, तंजहा--काले महाकाले वेलंबे पभंजणे, २।
जंबूद्वीवस्स णं दीवस्स बाहिरिल्लाओ वेतितंताओ चउदिसिं लवणसमुद्दं
वायालीसं २ जोयणसहस्साइं ओगाहेत्ता एत्थ णं चउराहं वेलंधरनागराईणं
चत्तारि आवासपव्वता पन्नत्ता तंजहा--गोथूमे उदयभासे संखे दगसीमे, ३।
तत्थ णं चत्तारि देवा महिद्धिया जाव पलिओवमट्ठितीता परिवसंति तंजहा-
गोथूमे सिवए संखे मणोसिलाते, ४। जंबूद्वीवस्स णं दीवस्स बाहिरिल्लाओ
वेइयंताओ चउसु विदिसासु लवणसमुद्दं वायालीसं २ जोयणसहस्साइं
ओगाहेत्ता एत्थ णं चउराहं अणुवेलंधरणागरातीणं चत्तारि आवासपव्वता
पन्नत्ता तंजहा--कक्कोडए विज्जुप्पमे केलासे अरुणप्पमे, ५। तत्थ णं चत्तारि
देवा महिद्धिया जाव पलिओवमट्ठितीता परिवसंति, तंजहा--कक्कोडए कद्दमए
केलासे अरुणप्पमे, ६। लवणे णं समुद्दे णं चत्तारि चंदा पभासिंसु वा
पभासंति वा पभासिस्संति वा, चत्तारि सूरिता तविसु वा तवंति वा तवि-
स्संति वा, चत्तारि कत्तियाओ जाव चत्तारि भरणीओ, चत्तारि अग्गी जाव
चत्तारि जमा, चत्तारि अंगारा जाव चत्तारि भावकेऊ, ७। लवणस्स णं

समुद्रस्स चत्तारि दारा पन्नत्ता तंजहा—विज्जए विजयंते जयंते अपराजिते, ते
 णं दारा णं चत्तारि जोयणाइं विक्खंभेणं तावतितं चेव पवेसेणं पन्नत्ता, ८।
 तत्थ णं चत्तारि देवा महिद्धिया जाव पलित्थोवमट्ठितिया परिवसंति—विजये
 वेजयंते जयंते अपराजिए ६ ॥सू० ३०५॥ धायइमंडे दीवे चत्तारि जोय-
 णामयसहस्साइं चक्कवालविक्खंभेणं पन्नत्ता, जंबूहीवस्म णं दीवस्स बहिया
 चत्तारि भरहाइं चत्तारि एरवयाइं, एवं जहा सद्दुद्देसते तेहेव निरवसेसं
 भाणियव्वं जाव चत्तारि मंदरा चत्तारि मन्दरचूलियाओ ॥सू० ३०६॥

[अथ नन्दीश्वरविचारः] णंदीसरवरस्स णं दीवस्स चक्कवालविक्खंभस्स
 बहुमज्झदेसभागे चउद्दिसिं चत्तारि अंजणगपव्वता पन्नत्ता तंजहा—पुरत्थि-
 मिल्ले अंजणगपव्वते दाहिणिल्ले अंजणगपव्वए पन्नत्थिमिल्ले अंजणग-
 पव्वते उत्तरिल्ले अंजणगपव्वते ४, १। ते णं अंजणगपव्वता चउरामीति
 जोयणासहस्साइं उड्ढं उच्चत्तेणं एणं जोयणासहस्सं उव्वेहेणं मूले दस जोयणा-
 सहस्साइं विक्खंभेणं तदणंतरं च णं मायाए २ परिहातेमाणा २ उवरिमेणं
 जोयणासहस्सं विक्खंभेणं पराणत्ता मूले इक्कतीसं जोयणासहस्साइं द्दच्च तेवीसे
 जोयणासते एणं जोयणासहस्सं परिक्खेवेणं, उपरिं तिन्नि २ जोयणासहस्साइं
 एणं च छावट्ठं जोयणासतं परिक्खेवेणं, मूले विच्छिन्ना मज्जे संखेत्ता, उप्पि-
 तणुया० गोपुच्छसंठाणसंठिता सव्वअंजणमया अच्छा सरहा लराहा घट्टा
 मट्टा नीरया निप्पंका निक्कंक्कडच्छाया सप्पभा समिरीया सउज्जोया पासार्इया
 दरिसणीया अभिरूवा पडिरूवा २। तेसि णं अंजणगपव्वयाणं उवरिं बहु-
 समरमणिज्जभूमिभागा पन्नत्ता, तेसि णं बहुसमरमणिज्जभूमिभागाणं बहुम-
 ज्झदेसभागे चत्तारि सिद्धाययणा पराणत्ता, ते णं सिद्धाययणा एणं जोय-
 णामयं आयामेणं पराणत्ता पराणासं जोयणाइं विक्खंभेणं चावत्तारि जोयणाइं
 उड्ढं उच्चत्तेणं, ३। तेसिं सिद्धाययणाणं चउद्दिसिं चत्तारि दारा पन्नत्ता
 तंजहा—देवदारे असुरदारे णागदारे सुवन्नदारे, ४। तेसु णं दारेसु चउव्विहा

देवा परिवसन्ति, तंजहा-देवा असुरा नागा सुवराणा, ५। तेसि रां दाराणां पुरतो चत्तारि मुहमंडवा पन्नत्ता, तेसि रां मुहमंडवारां पुरत्रो चत्तारि पेच्छा-घरमंडवा पन्नत्ता, तेसि रां पेच्छाघरमंडवारां बहुमज्झदेसभागे चत्तारि वइरामया अक्खाडगा पन्नत्ता, तेसि रां वइरामयाणं अक्खाडगाणं बहुमज्झ-देसभागे चत्तारि मण्णिपेढियातो पन्नत्तात्रो, तासि रां मण्णिपेढितारां उवरिं चत्तारि सीहासणा पन्नत्ता, तेसिं रां सीहामणाणं उवरिं चत्तारि विजयदूसा पन्नत्ता, तेसि रां विजयदूसगाणं बहुमज्झदेसभागे चत्तारि वइरामता अंकुसा पन्नत्ता, तेसु रां वतिरामतेसु अंकुसेसु चत्तारि कुंभिका मुत्तादामा पन्नत्ता, ते रां कुंभिका मुत्तादामा पत्तेयं २ अन्नेहिं तदद्दउच्चत्तपमाणमित्तेहि चउहिं अद्धकुंभिकेहिं मुत्तादामेहि, सव्वतो समंता संपरिक्खत्ता, तेसि रां पेच्छा-घरमंडवारां पुरत्रो चत्तारि मण्णिपेढितात्रो पराणत्तात्रो, तासि रां मण्णिपेढि-याणं उवरिं चत्तारि २ चेतितथूभा पराणत्ता, तासि रां चेतितथूभाणं पत्तेयं २ चउदिसिं चत्तारि मण्णिपेढियातो पन्नत्तात्रो, ६ । तासि रां मण्णिपेढितारां उवरिं चत्तारि जिणपडिमात्रो सव्वरयणामईतो संपलियंकणिसन्नात्रो थूभा-भिमुहात्रो चिट्ठंति, तंजहा-रिसभा वद्धमाणा चंदाणणा वारिसेणा, ७। तेसि रां चेतितथूभाणं पुरतो चत्तारि मण्णिपेढितात्रो पन्नत्तात्रो, तासि रां मण्णिपेढितारां उवरिं चत्तारि चेतितरुक्खा पन्नत्ता, तेसि रां चेतितरुक्खाणं पुरत्रो चत्तारि मण्णिपेढियात्रो पन्नत्तात्रो, तासि रां मण्णिपेढियारां उवरिं चत्तारि महिंदज्झया पन्नत्ता, तेसि रां महिंदज्झतारां पुरत्रो चत्तारि रांदातो पुक्खरिणीत्रो पन्नत्तात्रो ८। तासि रां पुक्खरिणीरां पत्तेयं २ चउदिसिं चत्तारि वणासंडा पन्नत्ता तंजहा-पुरच्छिमेणं दाहिणेणं पच्चत्थिमेणं उत्तरेणं-पुव्वेणं असोगवणं दाहिणत्रो होइ सत्तवराणावणं । अवरेणं चंप-गवणं चूतवणं उत्तरे पासे ॥ १ ॥ ६ । तत्थ रां जे से पुरच्छिमिल्ले अंज-णागपव्वते तस्स रां चउदिसिं चत्तारि रांदात्रो पुक्खरिणीतो पन्नत्तात्रो

तंजहा-रांडुत्तरा रांडा आरांडा नंदिवद्धणा, तात्रो रांडात्रो पुक्खरिणीत्रो
एगं जोयणासयसहस्सं आयामेणं पन्नासं जोयणासहस्साइं विक्खंभेणं दस
जोयणासताइं उव्वेहेणं, तासि रां पुक्खरिणीणं पत्तेयं २ चउद्दिसिं चत्तारि
तिसोवाणपडिरूवगा, १०। तेसि रां तिमोवाणपडिरूवगाणं पुरतो चत्तारि
तोरणा पन्नत्ता तंजहा-पुरच्छिमेणं दाहिणेणं पच्चत्थिमेणं उत्तरेणं, ११।
तासि रां पुक्खरणीणं पत्तेयं २ चउद्दिसिं चत्तारि वणासंडा पन्नत्ता तंजहा--
पुरतो दाहिणेणं पच्चत्थिमेणं उत्तरेणं, पुव्वेणं असोगवणं जाव चूयवणं
उत्तरे पासे, तासि रां पुक्खरिणीणं बहुमज्झदेसभागे चत्तारि दधिमुहगपव्वया
पन्नत्ता, ते रां दधिमुहगपव्वया चउसट्ठिं जोयणासहस्साइं उड्ढं उच्चत्तेणं एगं
जोयणासहस्सं उव्वेहेणं सव्वत्थ समा पल्लगसंठाणासंठिता दसजोयणासहस्साइं
विक्खंभेणं एकतीसं जोयणासहस्साइं छच्च तेवीसे जोयणासते परिक्खेवेणं,
सव्वरयणांमता अच्छा जाव पडिरूवा, तेसि रां दधिमुहगपव्वताणं उवरिं बहु-
समरमणिजा भूमिभागा पन्नत्ता, सेसं जहेव अंजणागपव्वताणं तहेव निर-
वसेसं भाणियव्वं, जाव चूतवणं उत्तरे पासे, १२। तत्थ रां जे से दाहिणिल्ले
अंजणागपव्वते तस्स रां चउद्दिसिं चत्तारि रांडात्रो पुक्खरणीत्रो पराणत्तात्रो,
तंजहा-भद्दा विसाला कुमुदा पोंडरिगिणी, तातो रांडातो पुक्खरणीतो एगं
जोयणासयसहस्सं सेसं तं चेव जाव दधिमुहगपव्वता जाव वणासंडा, १३।
तत्थ रां जे से पच्चत्थिमिल्ले अंजणागपव्वते तस्स रां चउद्दिसिं
चत्तारि रांडात्रो पुक्खरणीत्रो पन्नत्तात्रो, तंजहा-रांडिसेणा अमोहा गोथूभा
सुदंसणा, सेसं तं चेव, तहेव दधिमुहगपव्वता तहेव सिद्धा-
ययणा जाव वणासंडा, १४। तत्थ रां जे से उत्तरिल्ले अंज-
णागपव्वते तस्स रां चउद्दिसिं चत्तारि रांडात्रो पुक्खरणीत्रो पन्नत्तात्रो,
तंजहा-विजया वेजयंती जयंती अपराजिता, तातो रां पुक्खरिणीत्रो एगं
जोयणासयसहस्सं तं चेव पमाणं तहेव दधिमुहगपव्वता तहेव सिद्धयायणा

जाव वणासंडा १५। गांदीसरवरस्स गां दीवस्स चक्रवालविक्रवंभस्स बहुमज्झ-
 देसभागे चउसु विदिसासु चत्तारि रतिकरगपव्वता पन्नत्ता तंजहा-उत्तरपुर-
 च्छिमिल्ले रतिकरगपव्वते दाहिणापुरच्छिमिल्ले रइकरगपव्वए दाहिणापच्चत्थि-
 मिल्ले रतिकरगपव्वते उत्तरपच्चत्थिमिल्ले रतिकरगपव्वए, ते गां रतिकरगपव्वता
 दस जोयणासयाइं उड्हं उच्चत्तेगां दस गाउतमताइं उव्वेहेगां सव्वत्थ समा
 भल्लरिसंठाणमंठिता दस जोयणासहस्साइं विक्रवंभेगां एकतीसं जोयणासहस्साइं
 छच्च तेवीसे जोयणासते परिकखेवेगां, सव्वरयणाामता, अच्छा जाव पडिख्वा
 १६। तत्थ गां जे से उत्तरपुरच्छिमिल्ले रतिकरगपव्वते तस्स गां चउदिसि
 ईसाणास्स देविंदस्स देवरन्नो चउराहमग्गमहिशीणां जंबूद्वीवपमाणाओ चत्तारि
 रायहाणीओ पन्नत्ताओ तंजहा-गांदुत्तरा गांदा उत्तरकुरा देवकुरा, कराहाते
 कराहरातीते रामाए रामरक्खियाते १७। तत्थ गां जे से दाहिणापुरच्छिमिल्ले
 रतिकरगपव्वते, तस्स गां चउदिसि सक्कस्स देविंदस्स देवरन्नो चउराहमग्ग-
 महिशीणां जंबूद्वीवपमाणातो चत्तारि रायहाणीओ पन्नत्ताओ तंजहा-समणा
 सोमणाया अच्चिमाली मनोरमा, पउमाते सिवाते सतीते अंजूए १८। तत्थ गां
 जे से दाहिणापच्चत्थिमिल्ले रतिकरगपव्वते तत्थ गां चउदिसिं सक्कस्स देविं-
 दस्स देवरन्नो चउराहमग्गमहिशीणां जंबूद्वीवपमाणातेत्तातो चत्तारि रायहा-
 णीओ पन्नत्ताओ, तंजहा-भूता भूतवडेंसा गोथूभा सुदंसणा, अमलाते
 अच्छराते णवमिताते रोहिणीते १९। तत्थ गां जे से उत्तरपच्चत्थिमिल्ले
 रतिकरगपव्वते तत्थ गां चउदिसिमिसाणास्स देविंदस्स देवरन्नो चउराहमग्ग-
 महिशीणां जंबूद्वीवपमाणामित्तातो चत्तारि रायहाणीओ पन्नत्ताओ, तंजहा-
 रयणा रतणुच्चता सव्वरतणा रणातसंचया, वसूते वसुगुत्ताते वसुमित्ताते वसुं-
 धराए २० ॥सू० ३०७॥ चउव्विहे सच्चे पन्नत्ते तंजहा-णामसच्चे ठवणा-
 सच्चे दव्वसच्चे भावसच्चे ॥सू० ३०८॥ आजीवियाणां चउव्विहे तवे पन्नत्ते
 तंजहा-उग्गतवे (ओरालतवे) घोरतवे रसणिज्जूहणाता जिब्भदियपडिसंली-

ज्ञाता ॥सू० ३०१॥ चउव्विहे संजमे पन्नत्ते तंजहा-मणमंजमे वतिमंजमे
 कायसंजमे उवगरणसंजमे । चउव्विहे चिताते पन्नत्ते तंजहा-मणचिनाये
 वतिचियाते कायचियाते उवगरणचियाते । चउव्विहा अकिंचणाता पन्नत्ता
 तंजहा-मणअकिंचणाता वतिअकिंचणाता कायअकिंचणाता उवगरणअकिंचणाता
 ॥सू० ३१०॥

॥ इति चतुःस्थानके तृतीय उद्देशकः ॥

॥ अथ चतुर्थस्थानके तृतीय उद्देशकः ॥

चत्तारि रातीओ पन्नत्ताओ तंजहा-पव्वयराती पुढविराती वालुय-
 राती उदगराती, एवामेव चउव्विहे कोहे पन्नत्ते तंजहा-पव्वयरातिसमाणो
 पुढविरातिममाणो वालुयरातिममाणो उदगरातिसमाणो, पव्वयरातीसमाणं
 कोहं अणुपविट्ठे जीवे कालं करेइ गोरइतेसु उववज्जति, पुढविरातिसमाणं
 कोहमणुपविट्ठे जीवे कालं करेइ तिरिक्खजोगितेसु उववज्जति, वालुयराति-
 समाणं कोहं अणुपविट्ठे समाणो जीवे कालं करेइ मणुस्सेसु उववज्जति,
 उदगरातिममाणं कोहमणुपविट्ठे समाणो जीवे कालं करेइ देवेसु उववज्जति
 १। चत्तारि उदगा पन्नत्ता तंजहा-कइमोदए खंजणोदए वालुओदए सेलोदए,
 एवामेव चउव्विहे भावे पन्नत्ते तंजहा-कइमोदगसमाणो खंजणोदगसमाणो वालु-
 ओदगसमाणो, सेलोदगसमाणो, कइमोदगसमाणं भावमणुपविट्ठे जीवे कालं
 करेइ गोरइएसु उववज्जति, एवं जाव सेलोदगसमाणं भावमणुपविट्ठे जीवे
 कालं करेइ देवेसु उववज्जइ २ ॥सू० ३११॥ चत्तारि पक्खी पन्नत्ता तंजहा-
 रुयसंपन्ने नाममेगे णो रुवसंपन्ने, रुवसंपन्ने नाममेगे नो रुतसंपन्ने, एगे रुव-
 संपन्नेऽवि रुतसंपन्नेवि, नो रुतसंपन्ने णो रुवसंपन्ने १। एवामेव चत्तारि पुरिस-
 जाया पन्नत्ता तंजहा-रुयसंपन्ने नाममेगे णो रुवसंपन्ने ४, २। चत्तारि पुरि-
 सजाया पन्नत्ता तंजहा-पत्तियं करेमीतेगे पत्तियं करेइ, पत्तियं करेमीतेगे
 अपत्तितं करेति, अप्पत्तियं करेमितेगे पत्तितं करेइ, अप्पत्तियं करेमीतेगे अप्प-

त्तितं करेति, ३। चत्तारि पुरिसजाया पन्नत्ता तंजहा-अप्पणो णाममेगे पत्तितं करेति णो परस्म, परस्स नाममेगे पत्तियं करेति णो अप्पणो (४) ह, ४। चत्तारि पुरिसजाया पन्नत्ता तंजहा-पत्तियं पवेसामीतेगे पत्तितं पवेसेइ पत्तियं पवेसामीतेगे अप्पत्तितं पवेसेति ४,५। चत्तारि पुरिसजाता पन्नत्ता तंजहा-अप्पणो नाममेगे पत्तितं पवेसेइ णो परस्म, परस्स ४ ह ६ ॥सू० ३१२॥ चत्तारि रुक्खा पन्नत्ता तंजहा-पत्तोवए पुप्फोवए फलोवए द्वायोवए, एवामेव चत्तारि पुरिसजाया पन्नत्ता तंजहा-पत्तोवारुक्खसमारो पुप्फोवारुक्खसमारो फलोवारुक्खसमारो द्वातोवारुक्खसमारो ॥सू० ३१३॥ भारराणं वहमाणस्स चत्तारि आसासा पन्नत्ता, तंजहा-जत्थ णं अंसातो अंसं साहरइ तत्थविय से एगे आसासे पराणत्ते १, जत्थविय णं उच्चारं वा पासवणं वा परिट्ठावेति तत्थविय से एगे आसासे पराणत्ते २, जत्थविय णं णागकुमारावासंसि वा सुवन्नकुमारावासंसि वा वासं उवेति तत्थविय से एगे आसासे पन्नत्ते ३, जत्थविय णं आवकधाते चिट्ठति तत्थविय से एगे आसासे पन्नत्ते ४, १। एवामेव समणोवासगस्स चत्तारि आसासा पन्नत्ता तंजहा-जत्थ णं सीलव्वतगुणव्वतवेरमाणपच्चक्खाणपोसहोववासाइं पडिवज्जेति तत्थविअ से एगे आसासे पराणत्ते १, जत्थविय णं सामाइयं देसावगासियं सम्ममाणुपालेइ तत्थविय से एगे आसासे पन्नत्ते २, जत्थविय णं चाउहसट्टमुद्धिट्ठपुन्नमासिणीसु पडिपुन्नपोसहं सम्मं अणुपालेइ तत्थवि य से एगे आसासे पराणत्ते ३, जत्थवि य णं अपच्छिममारणंतितसंलेहणाजूसणाजूसिते भत्तपाणपडितातिविखते पाओवगते कालमणवकंखमारो विहरति तत्थविय से एगे आसासे पन्नत्ते ४, २ ॥सू० ३१४॥ चत्तारि पुरिसजाया पन्नत्ता तंजहा-उदितोदिते णाममेगे उदितत्थमिते णाममेगे अत्थमितोदिते णाममेगे अत्थमियत्थमिते णाममेगे, भरहे राया चाउरंतचक्कवट्ठी णं उदितोदिते, वंभदत्ते णं राया चाउरंतचक्कवट्ठी उदिअत्थमिते, हरितेसवले णमणगारे णमत्थमिओदिते, काले णं

सोयरिये अत्थमित्थमिते ॥सू० ३१५॥ चत्तारि जुम्मा पन्नत्ता तंजहा—
 कडजुम्मे तेयोए दावरजुम्मे कलिञ्चोए, नेरतिताणं चत्तारि जुम्मा पन्नत्ता
 तंजहा—कडजुम्मे तेयोए दावरजुम्मे कलितोए, एवं असुरकुमाराणं जाव
 थणियकुमाराणं. एवं पुढविकाइयाणं आउकाइयाणं तेउकाइयाणं वाउकाइयाणं
 वणस्सत्तिकाइयाणं वेदिताणं तेदिताणं चउरिदिताणं पंचिदियतिरिक्खजेणियाणं
 मणुस्साणं वाणमंतरजोइसियाणं वेमाणियाणं सव्वेसिं जहा गोरइयाणं
 ॥सू० ३१६॥ चत्तारि सूरा पन्नत्ता तंजहा—खंतिसूरे तवसूरे दाणसूरे जुद्धसूरे
 खंतिसूरा अरहंता तवसूरा अणगारा दाणसूरे वेसमणो जुद्धसूरे वासुदेवे
 ॥सू० ३१७॥ चत्तारि पुरिसजाया पन्नत्ता तंजहा—उच्चे णाममेगे उच्चच्छंदे
 उच्चे णाममेगे णीतच्छंदे णीते णाममेगे उच्चच्छंदे नीए णाममेगे णीयच्छंदे
 ॥सू० ३१८॥ असुरकुमाराणं चत्तारि लेसातो पन्नत्ताओ तंजहा—कणह-
 लेसा णीललेसा काउलेसा तेउलेसा, एवं जाव थणियकुमाराणं, एवं पुढवि-
 काइयाणं आउवणस्सइकाइयाणं वाणमंतराणं सव्वेसिं जहा असुरकुमाराणं
 ॥सू० ३१९॥ चत्तारि जाणा पन्नत्ता तंजहा—जुत्ते णाममेगे जुत्ते, जुत्ते णाम-
 मेगे अजुत्ते, अजुत्ते णाममेगे जुत्ते, अजुत्ते णाममेगे अजुत्ते, १ । एवामेव
 चत्तारि पुरिसजाया पन्नत्ता तंजहा—जुत्ते णाममेगे जुत्ते, जुत्ते णाममेगे अजुत्ते,
 ४, २ । चत्तारि जाणा पन्नत्ता तंजहा—जुत्ते णाममेगे जुत्तपरिणते, जुत्ते
 णाममेगे अजुत्तपरिणते ४, ३। एवामेव चत्तारि पुरिसजाया पन्नत्ता, तंजहा
 —जुत्ते णाममेगे जुत्तपरिणते ४, ४। चत्तारि जाणा पन्नत्ता तंजहा—जुत्ते
 णाममेगे जुत्तरूवे, जुत्ते णाममेगे अजुत्तरूवे, अजुत्त णाममेगे जुत्तरूवे ४, ५।
 एवामेव चत्तारि पुरिसजाया पन्नत्ता तंजहा—जुत्ते णाममेगे जुत्तरूवे ४, ६।
 चत्तारि जाणा पन्नत्ता तंजहा—जुत्ते णाममेगे जुत्तसोभे ४, ७। एवामेव चत्तारि
 पुरिसजाया पन्नत्ता तंजहा—जुत्ते णाममेगे जुत्तसोभे ४, ८। चत्तारि जुग्गा
 पन्नत्ता तंजहा—जुत्ते नाममेगे जुत्ते ४, ९। एवामेव चत्तारि पुरिसजाया

पन्नत्ता तंजहा—जुत्ते णाममेगे जुत्ते ४, १०। एवं जथा जाणेण चत्तारि आलावगा तथा जुग्गेणऽवि, पडिपक्खो तहेव पुरिसजाता जाव सोभेत्ति ११। चत्तारि सारही पन्नत्ते तंजहा—जोयावइत्ता णामं एगे नो विजोयावइत्ता, विजोयावइत्ता नामं एगे नो जोयावइत्ता एगे जोयावइत्तावि विजोयावइत्तावि, एगे नो जोयावइत्ता नो विजोयावइत्ता १२। एवामेव चत्तारि हया पन्नत्ता तंजहा—जुत्ते णामं एगे जुत्ते जुत्ते णाममेगे अजुत्ते ४, १३। एवामेव चत्तारि पुरिसजाया पन्नत्ता तंजहा—जुत्ते णाममेगे जुत्ते ४, एवं जुत्तपरिणते जुत्तरूवे जुत्तसोभे सव्वेसिं पडिवक्खो पुरिसजाता १४। चत्तारि गया पन्नत्ता तंजहा—जुत्ते णाममेगे जुत्ते ४, १५। एवामेव चत्तारि पुरिसजाया पन्नत्ता तंजहा—जुत्ते णाममेगे जुत्ते ४ एवं जहा हयाणं तहा गयाणऽवि भाणियव्वं, पडिवक्खो तहेव पुरिसजाया १६। चत्तारि जुग्गारिता (जुग्गाथरिता) पन्नत्ता तंजहा—पंथजाती णाममेगे णो उप्पहजाती, उप्पथजाती णाममेगे णो पंथजाती एगे पंथजातीऽवि उप्पहजातीऽवि, एगे णो पंथजाती णो उप्पहजाती, एवामेव चत्तारि पुरिसजाया १७। चत्तारि पुप्फा पन्नत्ता तंजहा—रूवसंपन्ने नाममेगे णो गंधसंपन्ने, गंधसंपन्ने णाममेगे नो रूवसंपन्ने, एगे रूवसंपन्नेऽवि गंधसंपन्नेऽवि एगे णो रूवसंपन्ने णो गंधसंपन्ने, १८। एवामेव चत्तारि पुरिसजाता पन्नत्ता तंजहा—रूवसंपन्ने णाममेगे णो सीलसंपन्ने ४, १९। चत्तारि पुरिसजाया पन्नत्ता तंजहा—जातिसंपन्ने नाममेगे नो कुलसंपन्ने ४, २, १। चत्तारि पुरिसजाया पन्नत्ता तंजहा—जातिसंपराणे नामं एगे णो बलसंपन्ने बलसंपन्ने नामं एगे णो जातिसंपन्ने ४, २। एवं जातीते रूवेण चत्तारि आलावगा एवं जातीते सुएण ४, एवं जातीते सीलेण ४, एवं जातीते चरित्तेण ४, एवं कुलेण बलेण ४, एवं कुलेण रूवेण ४, कुलेण सुतेण ४, कुलेण सीलेण ४, कुलेण चरित्तेण ४, चत्तारि पुरिसजाता पन्नत्ता तंजहा—बलसंपराणे नाममेगे णो रूवसंपन्ने ४, १२, एवं बलेण सुतेण ४, १३,

एवं बलेण सीलेण ४, १४, एवं बलेण चरित्तेण ४, १५, चत्तारि
 पुरिसजाया पन्नत्ता तंजहा-रूवसंपन्ने नाममेगे णो सुयसंपराणे ४, १६,
 एवं रूवेण सीलेण ४, १७, रूवेण चरित्तेण ४, १८, चत्तारि पुरिसजाता
 पन्नत्ता तंजहा-सुयसंपन्ने नाममेगे णो सीलसंपन्ने ४, १९, एवं सुतेण
 चरित्तेण य ४, २०, चत्तारि पुरिसजाता पन्नत्ता तंजहा-सीलसंपन्ने
 नाममेगे नो चरित्तसंपन्ने ४, २१, एते एकवीसं भंगा भाणितत्त्वा, २०।
 चत्तारि फला पन्नत्ता तंजहा-आमलगमहुरे मुद्धितामहुरे खीरमहुरे खंडमहुरे,
 २१। एवामेव चत्तारि आयरिया पन्नत्ता तंजहा-आमलगमहुरफलसमाणे
 जाव खंडमहुरफलसमाणे, २२। चत्तारि पुरिसजाया पन्नत्ता तंजहा-
 आतवेतावच्चकरे नाममेगे नो परवेतावच्चकरे ४, २३। चत्तारि पुरिसजाता
 पन्नत्ता तंजहा-करेति नाममेगे वेयावच्चं णो पडिच्छइ, पडिच्छइ नाममेगे
 वेयावच्चं नो करेइ ४, २४। चत्तारि पुरिसजाता पन्नत्ता तंजहा-अट्टकरे
 णाममेगे णो माणकरे, माणकरे णाममेगे णो अट्टकरे, एगे अट्टकरेऽवि
 माणकरेऽवि, एगे णो अट्टकरे णो माणकरे, २५। चत्तारि पुरिसजाता
 पन्नत्ता तंजहा-गणट्टकरे णाममेगे णो माणकरे ४, २६। चत्तारि
 पुरिसजाता पन्नत्ता तंजहा-गणसंग्गहकरे णाममेगे णो माणकरे ४, २७।
 चत्तारि पुरिसजाया पन्नत्ता तंजहा-गणसोभकरे णामं एगे णो माणकरे ४,
 २८। चत्तारि पुरिसजाया पन्नत्ता तंजहा-गणसोहिकरे णाममेगे नो माणकरे
 ४, २९। चत्तारि पुरिसजाया पन्नत्ता तंजहा-रूवं नाममेगे जहति नो धम्मं, धम्मं
 नाममेगे जहति नो रूवं, एगे रूवपि जहति धम्मंपि जहति, एगे नो रूवं जहति
 नो धम्मं, ३०। चत्तारि पुरिसजाया पन्नत्ता तंजहा-धम्मं नाममेगे जहति नो
 गणसंठितिं ४, ३१। चत्तारि पुरिसजाया पन्नत्ता तंजहा-पियधम्मे नाममेगे
 नो ददधम्मे, ददधम्मे नाममेगे नो पितधम्मे, एगे पियधम्मेऽवि ददधम्मेऽवि,
 एगे नो पियधम्मे नो ददधम्मे, ३२। चत्तारि आयरिया पन्नत्ता तंजहा-

पव्वायणायरिते नाममेगे णो उवट्टावणायरिते, उवट्टावणायरिए णाममेगे णो पव्वायणायरिए एगे पव्वायणातरितेऽवि उवट्टावणातरितेऽवि, एगे नो पव्वायणातरिते नो उट्टावणातरिते धम्मायरिए, ३३। चत्तारि आयरिया पन्नत्ता तंजहा--उद्देसणायरिए णाममेगे णो वायणायरिए ४ धम्मायरिए, ३४। चत्तारि अंतेवासी पन्नत्ते तंजहा--पव्वायणांतेवासी नामं एगे णो उवट्टावणांतेवासी ४ धम्मंतेवासी, ३५ । चत्तारि अंतेवासी पन्नत्ते तंजहा--उद्देसणांतेवासी नामं एगे नो वायणांतेवासी ४ धम्मंतेवासी, ३६। चत्तारि निग्गंथा पन्नत्ता तंजहा--रातिणिये समणे निग्गंथे महाकम्भे महाकिरिए अणायवी असमिते धम्मस्स अणाराधते भवति १, राइणिते समणे निग्गंथे अप्पकम्भे अप्पकिरिते आतावी समिए धम्मस्स आराहते भवति, २ ओमरातिणिते समणे निग्गंथे महाकम्भे महाकिरिते अणातावी असमिते धम्मस्स अणाराहते भवति ३, ओमरातिणिते समणे निग्गंथे अप्पकम्भे अप्पकिरिते आतावी समिते धम्मस्स आराहते भवति ४, ३७। चत्तारि णिग्गंथीओ पन्नत्ताओ तंजहा--रातिणिया समणी निग्गंथी एवं चेव ४, ३८। चत्तारि समणोवासगा पन्नत्ता तंजहा--रायणिते समणोवासए महाकम्भे तहेव ४, ३९ । चत्तारि समणोवासियाओ पन्नत्ताओ तंजहा--रायणिता समणोवासिता महाकम्भा तहेव चत्तारि गमा ४० ॥सू० ३२०॥ चत्तारि समणोवासगा पन्नत्ता तंजहा—अम्मापितिसमाणे भातिसमाणे मित्तसमाणे सवत्तिसमाणे, १। चत्तारि समणोवासगा पन्नत्ता तंजहा—अद्दागसमाणे पडागसमाणे खाणुसमाणे खरकंठयसमाणे २ ॥सू० ३२१॥ समणास्स णं भगवतो महावीरस्स समणोवासगाणं सोधम्मकप्पे अरुणाभे विमाणे चत्तारि पलिओवमाइं ठिती पन्नत्ता ॥सू० ३२२॥ चउहि ठणोहि अहुणोववन्ने देवे देवलोगेसु इच्छेज्जा माणुसं लोगं हव्वमागच्छत्तते णो चेव णं संचातेति हव्वमागच्छत्तते, तंजहा--अहुणोववन्ने देवे देवलोगेसु दिव्वेसु

कामभोगेषु मुच्छिते गिद्धे गदिते अज्भोववन्ने से णं माणुस्सए कामभोगे
नो आढइ नो परियाणाति णो अट्टं बंधइ णो णिताणं पगरेति णो
ठितिपगप्पं पगरेति १, अहुणोववन्ने देवे देवलोगेषु दिव्वेषु कामभोगेषु
मुच्छिते ४ तस्स णं माणुस्सते पेमे वोच्छिन्ने दिव्वे संकंते भवति २,
अहुणोववन्ने देवे देवलोएसु दिव्वेषु कामभोगेषु मुच्छिते ४ तस्स णं एवं
भवति-इण्हि गच्छं मुहुत्तेणं गच्छं, तेणं कालेणमप्पाउया मणुस्सा
कालधम्मणा संजुत्ता भवंति ३, अहुणोववन्ने देवे देवलोएसु दिव्वेषु
कामभोगेषु मुच्छिते ४ तस्स णं माणुस्सए गंधे पडिकूले पडिलोमे तावि
भवति, उडढंपिय णं माणुस्सए गंधे जाव चत्तारि पंच जोयणसताइं
हव्वमागच्छति ४, इच्चेतेहिं चउहिं ठाणोहिं अहुणोववणो देवे देवलोएसु
इच्छेज्जा माणुसं लोगं हव्वमागच्छित्तए णो चेव णं संचातेति हव्वमा-
गच्छित्तए १। चउहिं ठाणोहिं अहुणोववन्ने देवे देवलोएसु इच्छेज्जा
माणुसं लोगं हव्वमागच्छित्तते संचाएइ हव्वमागच्छित्तए तंजहा-अहु-
णोववन्ने देवे देवलोगेषु दिव्वेषु कामभोगेषु अमुच्छिते जाव
अणज्भोववन्ने, तस्स णं एवं भवति-अत्थि खलु मम माणुस्सए भवे
आयरितेति वा उवज्भाएति वा पवत्तीति वा थेरेति वा गणीति वा
गणाधरेति वा गणावच्छेएति वा जेसिं पभावेणं मए इमा एतारूवा दिव्वा
देविद्धी दिव्वा देवजुत्ती लद्धा पत्ता अमिसमन्नागया, तं गच्छामि णं ते
भगवंते वंदामि जाव पज्जुवासामि, १, अहुणोववन्ने देवे देवलोएसु जाव
अणज्भोववन्ने तस्स णमेवं भवति-एस णं माणुस्सए भवे णाणीति वा
तवस्सीति वा अइदुकररकारते, तं गच्छामि णं ते भगवंते वंदामि जाव
पज्जुवासामि २, अहुणोववन्ने देवे देवलोएसु जाव अणज्भोववन्ने तस्स
णमेवं भवति-अत्थि णं मम माणुस्सए भवे मात्ताति वा जाव सुरहाति वा,
तं गच्छामि णं तेसिमंतितं पाउब्भयामि पासंतु ता मे (इमे) इममेतारूवं दिव्वं

देविङ्घिं दिव्वं देवजुत्ति लद्धं पत्तं अभिममन्नागतं ३, अहुणोववन्ने देवे देवलोगेसु जाव अण्णम्भोववन्ने तस्स णमेवं भवति-अत्थि णं मम माणुस्सए भवे मित्तेति वा, सहीति वा सुहीति वा सहाएति वा संग- एति वा, तेसिं च णं अम्हे अन्नमन्नस्स संगारे पडिसुते भवति, जो मे पुव्वं चयति से संबोहेतव्वे, इच्चेतेहिं जाव संचातेति हव्वमागच्छित्ते ४, २ ॥सू० ३२३॥ चउहिं ठणोहिं लोगंधगारे सिया, तंजहा-अर- हंतेहिं वोच्छिज्जमाणोहिं अरहंतपन्नत्ते धम्मे वोच्छिज्जमाणो पुव्वगते वोच्छिज्जमाणो जायतेते वोच्छिज्जमाणो १। चउहिं ठणोहिं लोउज्जोते सिता, तंजहा- अरेहंतेहि जायमाणोहिं अरहंतेहि पव्वतमाणोहिं अरहंताणं णाणुप्प- यमहिमासु अरहंताणं परिनिव्वाणमहिमासु २। एवं देवंधगारे देवुज्जोते देवसन्नि- वाते देवुकलिताते देवकहकहते, ३। चउहिं ठणोहिं देविंदा माणुस्सं लोगं हव्व- मागच्छंति एवं जहा तिठणो जाव लोगंतिता देवा माणुस्सं लोगं हव्वमाग- च्छेज्जा, तंजहा-अरहंतेहिं जायमाणोहिं जाव अरिहंताणं परिनिव्वाण- महिमासु ४ ॥सू० ३२४॥ चत्तारि दुहसेज्जाओ पन्नताओ तंजहा-तत्थ खलु इमा पढमा दुहसेज्जा तंजहा-से णं मुंढे भवित्ता अगारातो अण्णगारियं पव्व- तित्ते निग्गंथे पावयणो संकिते कंखिते वित्तिगिच्छित्ते भेयसमावन्ने कलुसमावन्ने निग्गंथं पावयणं णो सहहति णो पत्तियति णो रोएइ, निग्गंथं पावयणं असहहमाणो अपत्तितमाणो अरोएमाणो मणं उच्चावतं नियच्छति विणि- घातमावज्जति पढमा दुहसेज्जा १, अहावरा दोच्चा दुहसेज्जा से णं मुंढे भवित्ता अगारातो जाव पव्वतित्ते सएणं लाभेणं णो तुस्सति परस्स लाभमासाएति पीहेति पत्थेति अभिलसति - परस्स लाभमासाएमाणो जाव अभिलसमाणो मणं उच्चावर्यं नियच्छइ विणिघातमावज्जति दोच्चा दुहसेज्जा २, अहावरा तच्चा दुहसेज्जा-से णं मुंढे भवित्ता जाव पव्वइए दिव्वे माणुस्सए कामभोगे आसाएइ जाव अभिलसति दिव्वमाणुस्सए कामभोगे आसाएमाणो जाव

अभिलसमाणो मणं उच्चावयं नियच्छति विणिघातमावज्जति तच्चा दुहसेज्जा
 ३, अहावरा चउत्था दुहसेज्जा-से णं मुंडे जाव पव्वइए तस्स णमेवं भवति
 ज्या णं अहमगारवासमावसामि तदा णमहं संवाहणपरिमहराणात्तम्भंग-
 गातुच्छोलणाइं लभामि जप्पभिइं च णं अहं मुंडे जाव पव्वतिते तप्पभिइं
 च णं अहं संवाहण जाव गातुच्छोलणाइं णो लभामि, से णं संवाहण
 जाव गातुच्छोलणाइं आसाएति जाव अभिलसति से णं संवाहण जाव
 गातुच्छोलणाइं आसाएमाणो जाव मणं उच्चावतं नियच्छति विणिघाय-
 मावज्जति, चउत्था दुहसेज्जा ४, १। चत्तारि सुहसेज्जाओ पन्नत्ताओ तंजहा-
 तत्थ खलु इमा पढ्मा सुहसेज्जा, से णं मुंडे भवित्ता अगारातो-अणगारियं
 पव्वतिए निग्गंथे पावयणो निस्संकिते णिवकंखिते निद्वितिगिच्छिए नो
 भेइममावन्ने नो कलुससमावन्ने निग्गंथं पावयणं सहइ पत्तीयइ रोतेति
 निग्गंथं पावयणं सहइमाणो पत्तितमाणो रोएमाणो नो मणं उच्चावतं
 नियच्छति णो विणिघातमावज्जति पढ्मा सुहसेज्जा १, अहावरा दोच्चा
 सुहसेज्जा, से णं मुंडे जाव पव्वतिते सतेणं लाभेणं तुस्सति परस्स लाभं
 णो आसाएति णो पीहेति णो पत्थेइ णो अभिलसति परस्स लाभमणासा-
 एमाणो जाव अणभिलसमाणो नो मणं उच्चावतं नियच्छति णो
 विणिघातमावज्जति, दोच्चा सुहसेज्जा २, अहावरा तच्चा सुहसेज्जा-से णं
 मुंडे जाव पव्वइए दिव्वमाणुस्सए कामभोगे णो आसाएति जाव नो
 अभिलमति दिव्वमाणुस्सए कामभोगे अणासाएमाणो जाव अणभिलसमाणो
 नो मणं उच्चावतं नियच्छति णो विणिघातमावज्जति तच्चा सुहसेज्जा ३,
 अहावरा चउत्था सुहसेज्जा-से णं मुंडे जाव पव्वतिते तस्स णं एवं भवति-
 जइ ताव अरहंता भगवंतो हट्ठा आरोग्गा वलिया कल्लसरीरा अन्नयराइं
 ओरालाइं कल्लाणाइं विउलाइं पयताइं पग्गहिताइं महाणुभागाइं कम्मक्खय-
 कारणाइं तवोकम्माइं पडिवज्जंति किमंग पुण अहं अच्चोवगमिओवकमियं

वेयणं नो सम्मं सहामि खमामि तितिक्खेमि अहियासेमि, ममं च णं
 अन्भोवगमित्तो जाव सम्ममसहमाणस्स अक्खममाणस्स अतितिक्खमाणस्स
 अणहियासेमाणस्स किं मन्ने कज्जति ? एगंतसो मे पावे कम्मे कज्जति,
 ममं च णं अन्भोवगमित्तो जाव सम्मं सहमाणस्स जाव अहियासेमाणस्स
 किं मन्ने कज्जति ? एगंतसो मे निज्जरा कज्जति चउत्था सुदसेज्जा ४, २।
 ॥सू० ३२५॥ चत्तारि अवायणिज्जा पन्नत्ता, तंजहा-अविणीए वीगईपडिबद्धे
 अवित्रोसवितपाहुडे माई १। चत्तारि वातणिज्जा पन्नत्ता, तंजहा-विणीते अवि-
 गतीपडिबद्धे वितोसवितपाहुडे अमाती २ ॥३२६॥ चत्तारि पुरिसजाया पन्नत्ता,
 तंजहा-आतंभरे नाममेगे नो परंभरे परंभरे नाममेगे नो आतंभरे एगे आतंभरे-
 ऽवि परंभरेऽवि एगे नो आयंभरे नो परंभरे, १। चत्तारि पुरिसजाया पन्नत्ता
 तंजहा-दुग्गए नाममेगे दुग्गए दुग्गए नाममेगे सुग्गते सुग्गते नाममेगे
 दुग्गए सुग्गए नाममेगे सुग्गए, २। चत्तारि पुरिसजाया पन्नत्ता, तंजहा-
 दुग्गते नाममेगे दुब्बए दुग्गए नाममेगे सुब्बए सुग्गए नाममेगे दुब्बते
 सुग्गए नाममेगे सुब्बए ४, ३। चत्तारि पुरिसजाया पन्नत्ता, तंजहा-दुग्गते
 नाममेगे दुप्पडिताणंदे दुग्गते नाममेगे सुप्पडिताणंदे ४, ४। चत्तारि
 पुरिसजाया पन्नत्ता, तंजहा-दुग्गते नाममेगे दुग्गतिगामी दुग्गए नाममेगे
 सुग्गतिगामी ४, ५। चत्तारि पुरिसजाया पन्नत्ता, तंजहा-दुग्गते नाममेगे
 दुग्गतिंगते दुग्गते नाममेगे सुगतिंगते ४, ६। चत्तारि पुरिसजाया पन्नत्ता,
 तंजहा-तमे नाममेगे तमे तमे नाममेगे जोती जोती णाममेगे तमे जोती णाम-
 मेगे जोती ४, ७। चत्तारि पुरिसजाया पन्नत्ता, तंजहा-तमे नाममेगे तमबले तमे
 नाममेगे जोतिबले जोती नाममेगे तमबले जोती नाममेगे जोतीबले, ८।
 चत्तारि पुरिसजाया पन्नत्ता, तंजहा-तमे नाममेगे तमबलपलज्जणो (पज्जलणो) तमे
 नाममेगे जोतीबलपलज्जणो ४, ९। चत्तारि पुरिसजाया पन्नत्ता, तंजहा-परि-
 न्नायकम्मे नाममेगे नो परिन्नातसन्ने परिन्नातसन्ने णाममेगे णो परिन्नातकम्मे-

एगे परिन्नातकम्मेवि ४, १०। चत्तारि पुरिसजाता पन्नत्ता तंजहा-परिन्नायकम्मे
 णाममेगे नो परिन्नातगिहावासे परिन्नायगिहावासे णामं एगे णो परिन्नात-
 कम्मे ४, ११। चत्तारि पुरिसजाता पन्नत्ता तंजहा-परिणायसन्ने णाममेगे
 नो परिन्नातगिहावासे परिन्नातगिहावासे णामं एगे ४, १२। चत्तारि
 पुरिसजाता पन्नत्ता तंजहा-इहत्ये णाममेगे नो परत्ये परत्ये नाममेगे नो
 इहत्ये ४, १३। चत्तारि पुरिसजाता पन्नत्ता तंजहा-एगेणं णाममेगे वड्ढति
 एगेणं हायति एगेणं णाममेगे वड्ढि दोहिं हायति दोहिं णाममेगे वड्ढति
 एगेणं हातति एगे दोहिं नाममेगे वड्ढति दोहिं हायति, १४। चत्तारि
 (प)कंथका पन्नत्ता तंजहा-आइन्ने नाममेगे आइन्ने आइन्ने नाममेगे खलुंके
 खलुंके नाममेगे आइन्ने खलुंके नाममेगे खलुंके ४, १५। एवामेव चत्तारि
 पुरिसजाता पन्नत्ता तंजहा-आइन्ने नाममेगे आइन्ने चउभंगो, १६। चत्तारि
 कंथगा पन्नत्ता तंजहा-आतिन्ने नाममेगे आतिन्नताते विहरति आइन्ने
 नाममेगे खलुंकत्ताए विहरति ४, १७। एवामेव चत्तारि पुरिसजाता पन्नत्ता
 तंजहा-आइन्ने नाममेगे आइन्नताए विहरइ (वहइ), चउभंगो, १८। चत्तारि
 पकंथगा पन्नत्ता तंजहा-जातिसंपन्ने नाममेगे णो कुलसंपन्ने ४, १९।
 एवामेव चत्तारि पुरिसजाता पन्नत्ता तंजहा-जातिसंपन्ने नाममेगे चउभंगो,
 २०। चत्तारि कंथगा पन्नत्ता तंजहा-जातिसंपन्ने नाममेगे णो बलसंपन्ने ४,
 २१। एवामेव चत्तारि पुरिसजाता पन्नत्ता तंजहा-जातिसंपन्ने नाममेगे णो
 बलसंपराणो ४, २२। चत्तारि कंथगा पन्नत्ता तंजहा-जातिसंपन्ने णाममेगे
 णो रूवसंपन्ने ४, २३। एवामेव चत्तारि पुरिसजाता पन्नत्ता तंजहा-
 जातिसंपन्ने नाममेगे णो रूवसंपराणो ४, २४। चत्तारि कंथगा पन्नत्ता
 तंजहा-जाइसंपन्ने णाममेगे णो जयसंपराणो ४, २५। एवामेव चत्तारि
 पुरिसजाता पन्नत्ता तंजहा-जातिसंपन्ने ४, २६। एवं कुलसंपन्नेण य
 बलसंपराणोण त ४, २७। कुलसंपन्नेण य रूवसंपराणोण त ४, २८।

कुलसंपरागोण त जयसंपन्नेण त ४, २६। एवं बलसंपन्नेण त ख्वसंपन्नेण त ४, ३०। बलसंपन्नेण त जयसंपरागोण त ४, सब्वत्थ पुरिसजाया पडिवक्खो, ३१। चत्तारि कंथगा पन्नत्ता तंजहा—ख्वसंपन्ने णाममेगे णो जयसंपन्ने ४, ३२। एवामेव चत्तारि पुरिसजाया पन्नत्ता तंजहा—ख्वसंपन्ने नाममेगे णो जयसंपन्ने ४, ३३। चत्तारि पुरिसजाया पन्नत्ता तंजहा—सीहत्ताते णाममेगे निक्खंते सीहत्ताते विहरइ सीहत्ताते नाममेगे निक्खंते सियालत्ताए विहरइ सीयालत्ताए नाममेगे निक्खंते सीहत्ताए विहरइ सीयालत्ताए नाममेगे निक्खंते सीयालत्ताए विहरइ ३४ ॥सू० ३२७॥ चत्तारि लोगे समा पन्नत्ता तंजहा—अपइट्ठाणो नरणे १ जंबुद्वीवे दीवे २ पालते जाणविमाणो ३ सब्वट्ठसिद्धे महाविमाणो ४, १। चत्तारि लोगे समा सपक्खिं सपडिदिसिं पन्नत्ता तंजहा—सीमंतए नरणे समयवखेत्ते उडुविमाणो ईसीपब्भारा पुट्ठी, २ ॥सू० ३२८॥ उडुलोगे णं चत्तारि विसरीरा पन्नत्ता तंजहा—पुट्ठविकाइया आउकाइया वणस्सइकाइया उराला तसा पाणा, १। अहो लोगे णं चत्तारि विसरीरा पन्नत्ता तंजहा—एवं चेव, एवं तिरियलोएवि ४, २ ॥सू० ३२९॥ चत्तारि पुरिसजाया पन्नत्ता तंजहा—हिरिसत्ते हिरिमणसत्ते चलसत्ते थिरसत्ते ॥सू० ३३०॥ चत्तारि सिज्जपडिमात्थो पन्नत्तात्थो, चत्तारि वत्थपडिमात्थो पन्नत्तात्थो, चत्तारि पायपडिमात्थो पन्नत्तात्थो, चत्तारि ठाणपडिमात्थो पन्नत्तात्थो ॥सू० ३३१॥ चत्तारि सरीरगा जीवफुडा पन्नत्ता तंजहा—वेउव्विए आहारए तेयए कम्मए, चत्तारि सरीरगा कम्मुमीसगा पन्नत्ता तंजहा—ओरालिए वेउव्विए आहारते तेउते ॥सू० ३३२॥ चउहिं अत्थिकाएहि लोगे फुडे पन्नत्ते तंजहा—धम्मत्थिकाएणां अधम्मत्थिकाएणां जीवत्थिकाएणां पुग्गलत्थिकाएणां, चउहिं बादरकातेहिं उववज्जमाणोहिं लोगे फुडे पन्नत्ते तंजहा—पुट्ठविकाइएहिं आउकाइएहिं वाउकाइएहिं वणस्सइकाइएहिं ॥सू० ३३३॥ चत्तारि पएसग्गे-

णं तुल्ला पन्नत्ता तंजहा—धम्मत्थिकाए अधम्मत्थिकाए लोगागासे एगजीवे
 ॥सू० ३३४॥ चउराहमेगं सरीरं नो सुपस्सं(पस्सं) भवइ, तंजहा—पुद्वि-
 काइयाणं आउकाइयाणं तेउकाइयाणं वणस्सइकाइयाणं ॥सू० ३३५॥
 चत्तारि इंदियत्था पुट्टा वेदंति, तंजहा—सोतिंदियत्थे घाणिदियत्थे जिब्भ-
 दियत्थे फासिंदियत्थे ॥सू० ३३६॥ चउहि ठगोहिं जीवा य पोग्गला य
 णो संचातेति बहिया लोगंता गमणाताते, तंजहा—गतिअभावेणं णिरुवग्ग-
 हताते लुक्खताते लोगाणुभावेणं ॥सू० ३३७॥ चउव्विहे णाते पन्नत्ते
 तंजहा—आहरणो आहरणात्तदोसे आहरणात्तदोसे उवन्नासोवणाए १। आहरणो
 चउव्विहे पन्नत्ते तंजहा—अवाते उवाते उवणाकम्मे पडुप्पन्नविणासी २।
 आहरणात्तदोसे चउव्विहे पन्नत्ते तंजहा—अणुसिद्धी उवालंभे पुच्छा
 निस्सावयणो ३। आहरणात्तदोसे चउव्विहे पन्नत्ते तंजहा—अधम्मजुत्ते
 पडिलोमे अंतोवणीते दुस्वणीते ४। उवन्नासोवणाए चउव्विहे पन्नत्ते तंजहा-
 तव्वत्थुते तदन्नवत्थुते पडिनिभे हेतू ५। हेऊ चउव्विहे—पन्नत्ते तंजहा—
 जावते थावते वंसते लूसते, अथवा हेऊ चउव्विहे पन्नत्ते तंजहा—पच्चक्खे
 अणुमाणो ओवम्मे आगमे, अथवा हेऊ चउव्विहे पन्नत्ते तंजहा—अत्थित्तं
 अत्थि सो हेऊ अत्थित्तं णत्थि सो हेऊ णत्थित्तं अत्थि सो हेऊ
 णत्थित्तं णत्थि सो हेऊ ६ ॥सू० ३३८॥ चउव्विहे संखाणो पन्नत्ते तंजहा—
 पडिकम्मं ववहारे रज्जू रासी १। अहोलोगे णं चत्तारि अंधगारं करंति,
 तंजहा—नरगा गोरइया पावाइं कम्माइं असुभा पोग्गला, २। तिरियलोगे
 णं चत्तारि उज्जोतं करंति, तंजहा—चंदा सूरा मणि जोती ३। उड्डलोगे णं
 चत्तारि उज्जोतं करंति, तंजहा—देवा देवीओ विमाणा आभरणा ४
 ॥सू० ३३९॥

॥ इति चतुःस्थानकस्य तृतीयोद्देशकः ॥४-३॥

॥ अथ चतुर्थस्थानके चतुर्थ उद्देशकः ॥

चत्वारि पसप्पगा पन्नत्ता तंजहा—अणुप्पन्नाणां भोगाणां उप्पाएत्ता एगे पसप्पए पुब्बुप्पन्नाणां (पच्चुप्पन्नाणां) भोगाणां अविप्पतोगेणां एगे पसप्पते अणुप्पन्नाणां सोक्खाणां उप्पाइत्ता एगे पसप्पए पुब्बुप्पन्नाणां सोक्खाणां अविप्प-
 ओगेणां एगे पसप्पए ॥सू० ३४०॥ गोरतिताणां चउव्विहे आहारे पन्नत्ते तंजहा—इंगालोवमे मुम्मुरोवमे सीतले हिमसीतले, १। तिरिक्खजोणियाणां चउव्विहे आहारे पन्नत्ते तंजहा—कंकोवमे विलोवमे पाणमंसोवमे पुत्तमंसोवमे, २। मणुस्साणां चउव्विहे आहारे पन्नत्ते तंजहा—असणे जाव सातिमे, ३। देवाणां चउव्विहे आहारे पन्नत्ते तंजहा—वन्नमंते गंधमंते रसमंते फासमंते ४ ॥सू० ३४१॥ चत्वारि जातिआसीविसा पन्नत्ता तंजहा—विच्छुतजातीया-
 सीविसे मंडुक्कजातीयासीविसे उरगजातीयासीविसे मणुस्सजातिआसीविसे, विच्छुयजातिआसीविसस्स णं भंते ! केवइए विसए पन्नत्ते?, पभू णं विच्छु-
 यजातिआसीविसे अद्धभरहप्पमाणमेत्तं बोदि विसेणां विसपरिणायं विसट्टमाणिं करित्तए विसए से विसट्टताए नो चेव णं संपत्तीए करेसु वा करेति वा करिस्संति वा, मंडुक्कजातिआसीविसस्स पुच्छा, पभू णं मंडुक्कजातिआसीविसे भरहप्पमाणमेत्तं बोदि विसेणां विसपरिणायं विसट्ट-
 माणिं, सेसं तं चेव जाव करेस्संति वा, उरगजाति पुच्छा, पभू णं उरगजातिआसीविसे जंबूद्दीवपमाणमेत्तं बोदिं विसेणां सेसं तं चेव जाव करेस्संति वा, मणुस्सजातिपुच्छा, पभू णं मणुस्सजातिआसीविसे समतखेत्त-
 पमाणमेत्तं बोदिं विसेणां विसपरिण(ग)तं विसट्टमाणिं करेत्तए, विसते से विसट्टताते नो चेव णं जाव करिस्संति वा ॥सू० ३४२॥ चउव्विहे वाही पन्नत्ते तंजहा—वातिते पित्तिते सिभिते सन्निवातिते, १। चउव्विहा तिगिच्छा पन्नत्ता तंजहा—विज्जो ओसधाइं आउरे परिचारते २ ॥सू०-

३४३। चत्वारि तिगिच्छगा पन्नत्ता तंजहा--आततिगिच्छते नाममेगे णो परतिगिच्छते १ परतिगिच्छए नाममेगे ४, १। चत्वारि पुरिसजाया पन्नत्ता तंजहा- वणकरे णाममेगे नो वणपरिमासी वणपरिमासी नाममेगे णो वणकरे एगे वणकरेऽवि वणपरिमासीऽवि एगे णो वणकरे णो वणपरिमासीऽवि २। चत्वारि पुरिसजाया पन्नत्ता तंजहा--वणकरे नाममेगे णो वणसारक्खी ४, ३। चत्वारि पुरिसजाया पन्नत्ता तंजहा--वणकरे नामं एगे णो वणसंरोही ४, ४। चत्वारि वणा पन्नत्ता तंजहा--अंतोसल्ले नाममेगे णो बाहिसल्ले ४, ५। एवामेव चत्वारि पुरिसजाया पन्नत्ता तंजहा--अंतोसल्ले णाममेगे णो णो बाहिसल्ले ४, ६। चत्वारि वणा पन्नत्ता तंजहा--अंतो दुट्ठे नामं एगे णो बाहिं दुट्ठे बाहिं दुट्ठे नामं एगे नो अंतो दुट्ठे ४, ७। एवामेव चत्वारि पुरिसजाया पन्नत्ता तंजहा--अंतो दुट्ठे नाममेगे नो बाहिं दुट्ठे ४, ८। चत्वारि पुरिसजाया पन्नत्ता तंजहा--सेतंसे णाममेगे सेयंसे सेयंसे नाममेगे पावंसे पावंसे णामं एगे सेयंसे पावंसे णाममेगे पावंसे, ९। चत्वारि पुरिसजाया पन्नत्ता तंजहा--सेतंसे णाममेगे सेतंसेत्ति सालिसए सेतंसे णाममेगे पावंसेत्ति सालिसते ४, १०। चत्वारि पुरिसा पन्नत्ता तंजहा--सेतंसेत्ति णाममेगे सेतंसेत्ति मराणति सेतंसेत्ति णाममेगे पावंसेत्ति मराणति ४, ११। चत्वारि पुरिसजाता पन्नत्ता तंजहा--सेयंसे णाममेगे सेयंसेत्ति सालिसते मन्नति सेतंसे णाममेगे पावंसेत्ति सालिसते मन्नति ४, १२। चत्वारि पुरिसजाता पन्नत्ता तंजहा--आधवत्तिता णाममेगे णो परिभावत्तिता परिभाव-इत्ता णाममेगे णो आधवत्तिता ४, १३। चत्वारि पुरिसजाया पन्नत्ता तंजहा-आधवत्तिता णाममेगे नो उंछजीविसंपन्ने उंछजीविसंपन्ने णाममेगे णो आध-वइत्ता ४, १४। चउव्विहा रुक्खविगुव्वणा पन्नत्ता तंजहा--पवालत्ताए पत्तत्ताए पुप्फत्ताए फलत्ताए, १५ ॥सू० ३४४॥ चत्वारि वातिसमोसरणा पन्नत्ता तंजहा--किरियावादी अकिरियावादी अन्नाणितावादी वेणतियावादी १।

गोरइयाणां चत्वारि वादिसमोसराणा पन्नत्ता तंजहा—किरियावादी जाव
वेणतितवादी, एवमसुरकुमाराणांवि जाव थणियकुमाराणां एवं विगलिंदिय-
वज्जं जाव वेमाणियाणां २ ॥सू० ३४५॥ चत्वारि मेहा पन्नत्ता तंजहा-
गज्जित्ता णाममेगे णो वासित्ता वासित्ता णाममेगे णो गज्जित्ता एगे
गज्जित्तावि वासित्तावि एगे णो गज्जित्ता णो वासित्ता १। एवामेव चत्वारि
पुरिसजाया पन्नत्ता तंजहा—गज्जित्ता णाममेगे णो वासित्ता ४, २। चत्वारि
मेहा पन्नत्ता तंजहा—गज्जित्ता णाममेगे णो विज्जुयाइत्ता विज्जुयाइत्ता
णाममेगे ४, ३। एवामेव चत्वारि पुरिसजाया पन्नत्ता तंजहा—गज्जित्ता
णाममेगे णो विज्जुयाइत्ता ४, ४। चत्वारि मेहा पन्नत्ता तंजहा—वासित्ता
णाममेगे णो विज्जुयाइत्ता ४, ५। एवामेव चत्वारि पुरिसजाया पन्नत्ता
तंजहा—वासित्ता णाममेगे णो विज्जुयाइत्ता ४, ६। चत्वारि मेहा पन्नत्ता
तंजहा—कालवासी णाममेगे णो अकालवासी ४, ७। एवामेव चत्वारि
पुरिसजाया पन्नत्ता तंजहा—कालवासी णाममेगे नो अकालवासी ४, ८।
चत्वारि मेहा पन्नत्ता तंजहा—खेत्तवासी णाममेगे णो अखित्तवासी ४, ९।
एवामेव चत्वारि पुरिसजाया पन्नत्ता तंजहा—खेत्तवासी णाममेगे णो अखे-
त्तवासी ४, १०। चत्वारि मेहा पन्नत्ता तंजहा—जणत्तित्ता णाममेगे णो
णिम्मवइत्ता णिम्मवइत्ता णाममेगे णो जणत्तित्ता ४, ११। एवामेव चत्वारि
अम्मापियरो पन्नत्ता तंजहा—जणइत्ता णाममेगे णो णिम्मवइत्ता ४, १२।
चत्वारि मेहा पन्नत्ता तंजहा—देसवासी णाममेगे णो सब्बवासी ४, १३।
एवामेव चत्वारि रायाणो पन्नत्ता तंजहा—देसाधिवती णाममेगे णो सब्बाधि-
वती ४, १४ ॥सू० ३४६॥ चत्वारि मेहा पन्नत्ता तंजहा—पुवखलसंवट्टते
पज्जुन्ने जीमूते जिम्हे, पुवखलवट्टए णं महामेहे एगेणं वासेणं दसवाससह-
स्ताइं भावेति, पज्जुन्ने णं महामेहे एगेणं वासेणं दस वाससयाइं भावेति,
जीमूते णं महामेहे एगेणं वासेणं दसवासाइं भावेति, जिम्हे णं महामेहे बहूहिं

वासेहिं एगं वामं भावेति वा ण वा भावेइ ॥सू० ३४७॥ चत्तारि करंडगा
 पन्नत्ता तंजहा--सोवागकरंडते वेसिताकरंडते गाहावतिकरंडते रायकरंडते १।
 एवामेव चत्तारि आयरिया पन्नत्ता तंजहा--सोवागकरंडगसमाणे वेसिताकरं-
 डगसमाणे गाहावइकरंडगसमाणे रायकरंडगसमाणे ॥सू० ३४८॥ चत्तारि
 रुक्खा पन्नत्ता तंजहा--साले नाममेगे सालपरियाते साले नाममेगे एरंडप-
 रियाए ४, १। एवामेव चत्तारि आयरिया पन्नत्ता तंजहा--साले णाममेगे
 सालपरिताते साले णाममेगे एरंडपरियाते ४, २। चत्तारि रुक्खा पन्नत्ता
 तंजहा--साले णाममेगे सालपरिवारे ४, ३। एवामेव चत्तारि आयरिया
 पन्नत्ता तंजहा--साले नाममेगे सालपरिवारे ४, ४। सालदुममज्भयारे जह
 साले णाम होइ दुमराया । इय सुंदरआयरिए सुंदरसीसे मुणोयव्वे ॥१॥
 एरंडमज्भयारे जह साले णाम होइ दुमराया । इय सुंदरआयरिए मंगुल-
 सीसे मुणोयव्वे ॥२॥ सालदुममज्भयारे एरंडे णाम होति दुमराया । इय
 मंगुलआयरिए सुंदरसीसे मुणोयव्वे ॥३॥ एरंडमज्भयारे एरंडे णाम होइ
 दुमराया । इय मंगुलआयरिए मंगुलसीसे मुणोयव्वे ॥४॥ चत्तारि मच्छा
 पन्नत्ता तंजहा--अणुसोयचारी पडिसोयचारी अंतचारी मज्भचारी ५ ।
 एवामेव चत्तारि भिक्खागा पन्नत्ता तंजहा--अणुसोयचारी पडिसोयचारी
 अंतचारी मज्भचारी, ६। चत्तारि गोला पन्नत्ता तंजहा--मधुसिथगोले
 जउगोले दारुगोले मट्टियागोले, ७। एवामेव चत्तारि पुरिसजाया पन्नत्ता
 तंजहा--मधुसिथगोलसमाणे ४, ८। चत्तारि गोला पन्नत्ता तंजहा--अयगोले
 तउगोले तंवगोले सीसगोले, ९। एवामेव चत्तारि पुरिसजाया पन्नत्ता तंजहा-
 अयगोलसमाणे जाव सीसगोलसमाणे, १०। चत्तारि गोला पन्नत्ता तंजहा-
 हिरराणगोले सुवन्नगोले रयणगोले वयरगोले, ११। एवामेव चत्तारि
 पुरिसजाया पन्नत्ता तंजहा--हिरराणगोलसमाणे जाव वइरगोलसमाणे, १२।
 चत्तारि पत्ता पन्नत्ता तंजहा--असिपत्ते करपत्ते खुरपत्ते कलम्बचीरितापत्ते,

१३। एवामेव चत्तारि पुरिसजाया पन्नत्ता तंजहा-असिपत्तसमारो जाव कलंबचीरितापत्तसमारो, १४। चत्तारि कडा पन्नत्ता तंजहा-सुंबकडे विदलकडे चम्मकडे कंबलकडे, १५। एवामेव चत्तारि पुरिसजाया पन्नत्ता तंजहा-सुंबकडसमारो, जाव कंबलकडसमारो १६ ॥सू० ३४६॥ चउव्विहा चउप्पया पन्नत्ता तंजहा-एगखुरो दुखुरा गंडीपदा सणप्फदा, १। चउव्विहा पक्खी पन्नत्ता तंजहा- चम्मपक्खी लोमपक्खी समुग्गपक्खी विततपक्खी २। चउव्विहा खुड्डपाणा पन्नत्ता तंजहा-बेइंदिया तेइंदिया चउरिंदिया संमुच्छिमपंचिंदियतिरिक्खजोगिया ३ ॥ सू० ३५०॥ चत्तारि पक्खी पन्नत्ता तंजहा-णिवत्तिता णाममेगे नो परिवत्तिता परिवइत्ता नामं एगे नो निवइत्ता एगे निवत्तितावि परिवत्तितावि एगे नो निवत्तिता नो परिवत्तिता १। एवामेव चत्तारि भिक्खागा पन्नत्ता तंजहा-णिवत्तिता णाममेगे नो परिवत्तिता ४, २ ॥सू० ३५१॥ चत्तारि पुरिजाया पन्नत्ता तंजहा-णिकट्ठे णाममेगे णिकट्ठे निकट्ठे नाममेगे अणिकट्ठे ४, १। चत्तारि पुरिसजाया पन्नत्ता तंजहा-णिकट्ठे नाममेगे णिकट्ठप्पा णिकट्ठे नाममेगे अणिकट्ठप्पा ४, २। चत्तारि पुरिसजाया पन्नत्ता तंजहा-बुहे नाममेगे बुहे बुहे नाममेगे अबुहे ४, ३। चत्तारि पुरिसजाया पन्नत्ता तंजहा-बुधे नाममेगे बुधहियण ४, ४। चत्तारि पुरिसजाया पन्नत्ता तंजहा-आयाणुकंपते णाममेगे नो पराणुकंपते ४, ५ ॥३५२॥ चउव्विहे संवासे पन्नत्ते तंजहा-दिव्वे आसुरे रक्खसे माणुसे १। चउव्विधे संवासे पन्नत्ते तंजहा-देवे णाममेगे देवीए सद्धि संवासं गच्छति देवे नाममेगे असुरिए सद्धि संवासं गच्छति असुरे णाममेगे देवीए सद्धि संवासं गच्छइ असुरे नाममेगे असुरीए सद्धि संवासं गच्छति २। चउव्विधे संवासे पन्नत्ते तंजहा-देवे नाममेगे देवीए सद्धि संवासं गच्छति देवे नाममेगे रक्खसीए सद्धि संवासं गच्छति रक्खसे णाममेगे देवीए सद्धि संवासं गच्छति रक्खसे

नायमेगं रक्खसीए सद्धिं संवासं गच्छति ४, ३। चउव्विधे संवासे पन्नत्ते
 तंजहा— देवे नाममेगे देवीए सद्धिं संवासं गच्छति देवे नाममेगे मणुस्सीहिं
 सद्धिं संवासं गच्छति मणुस्से नाममेगे देवीहिं सद्धिं संवासं गच्छति
 मणुस्से नाममेगे मणुस्सीइ सद्धिं संवासं गच्छति ४। चउव्विधे संवासे
 पन्नत्ते तंजहा—असुरे णाममेगे असुरीए सद्धिं संवासं गच्छति असुरे
 नाममेगे रक्खसीए सद्धिं संवासं गच्छति ४, ५। चउव्विधे संवासे
 पन्नत्ते तंजहा—असुरे णाममेगे असुरीए सद्धिं संवासं गच्छति असुरे
 नाममेगे मणुस्सीए सद्धिं संवासं गच्छति ४, ६। चउव्विधे संवासे पन्नत्ते
 तंजहा—रक्खसे नाममेगे रक्खसीए सद्धिं संवासं गच्छति रक्खसे नाममेगे
 मणुसीए सद्धिं संवासं गच्छति ४, ७ ॥सू० ३५३॥ चउविहे अक्खं से
 पन्नत्ते तंजहा—असुरे आभिओगे संमोहे देवकिव्विसे १। चउहिं ठणोहिं
 जीवा आसुरत्ताते कम्मं पगरेति, तंजहा—कोवसीलताते पाहुडसील याते
 संसत्तवोकम्मेणं निवित्ताजीवयाते २। चउहिं ठणोहिं जीवा आभिओगत्ताते
 कम्मं पगरेति तंजहा—अत्तुकोसेणं परपरिवातेणं भूतिकम्मेणं कोउयकर-
 णेणं ३। चउहिं ठणोहिं जीवा सम्मोहत्ताते कम्मं पगरेति, तंजहा—उम्मग्ग-
 देसणाए मग्गंतराएणं कामासंसपओगेणं भिज्जानियाएकरणेणं ४। चउहिं
 ठणोहिं जीवा देवकिव्विसियत्ताते कम्मं पगरेति तंजहा—अरहंताणं अक्खं
 वयमाणे अरहंतपन्नत्तस्स धम्मस्स अक्खं वयमाणे आयरियउवज्झाया-
 णामक्खं वदमाणे चाउवन्नस्स संघस्स अक्खं वदमाणे ५ ॥ सू० ३५४ ॥
 चउव्विहा पव्वजा पन्नत्ता तंजहा— इहलोगपडिवद्धा परलोगपडिवद्धा
 दुहतो लोगपडिवद्धा अप्पडिवद्धा १। चउव्विहा पव्वजा पन्नत्ता तंजहा—
 पुरओपडिवद्धा मग्गओपडिवद्धा दुहतो पडिवद्धा अपडिवद्धा २। चउव्विहा
 पव्वजा पन्नत्ता तंजहा—ओवायपव्वजा अक्खातपव्वजा संगारपव्वजा
 विहग्गइपव्वजा ३। चउव्विहा पव्वजा पन्नत्ता तंजहा—तुउयावइत्ता

पुयावइत्ता मोबुयावइत्ता परिपूयावइत्ता ४। चउव्विहा पव्वज्जा पन्नत्ता तंजहा-नडखइया भडखइया सीहखइया सियालवखइया ५, चउव्विहा किसी पन्नत्ता तंजहा-वाविया परिव्वाविया णिदिता परिणिदिता ६। एवामेव चउव्विहा पव्वज्जा पन्नत्ता तंजहा-वाविता परिव्वाविता णिदिता परिणिदिता ७। चउव्विहा पव्वज्जा पन्नत्ता तंजहा-धन्नपुजितसमाणा धन्नविरल्लितसमाणा धन्नविक्खित्तसमाणा धन्नसङ्कट्टितसमाणा = ॥सू० ३५५॥ चत्तारि सन्नाओ पन्नत्ताओ तंजहा-आहारसन्ना भयसन्ना मेहुणसन्ना परिग्गहसन्ना १। चउहिं ठाणोहिं आहारसन्ना समुप्पज्जति, तंजहा-ओमकोट्टताते १ लुहावेयणिज्जस्स कम्मस्स उदएणां २ मतीते ३ तदट्ठोवओगेणां ४, २। चउहिं ठाणोहिं भयसन्ना समुप्पज्जति, तंजहा-हीणसत्तताते भयवेयणिज्जस्स कम्मस्स उदएणां मतीते तदट्ठोवओगेणां ३। चउहिं ठाणोहिं मेहुणसन्ना समुप्पज्जति, तंजहा-चित्तमंसोणिययाए मोहणिज्जस्स कम्मस्स उदएणां मतीते तदट्ठोवओगेणां ४। चउहिं ठाणोहिं परिग्गहसन्ना समुप्पज्जइ तंजहा-अविमुत्तयाए लोभवेयणिज्जस्स कम्मस्स उदएणां मतीते तदट्ठोवओगेणां ५ ॥सू० ३५६॥ चउव्विहा कामा पन्नत्ता तंजहा-सिगारा कलुणा बीभत्सा रोहा, सिगारा कामा देवाणां कलुणा कामा मणुयाणां बीभत्सा कामा तिरिक्खज्जोणियाणां रोहा कामा गोरइयाणां ॥ सू० ३५७ ॥ चत्तारि उदगा पन्नत्ता तंजहा-उत्ताणे णाममेगे उत्ताणोदए उत्ताणे णाममेगे गंभीरोदए गंभीरे णाममेगे उत्ताणोदए गंभीरे णाममेगे गंभीरोदए १। एवामेव चत्तारि पुरिसजाया पन्नत्ता तंजहा-उत्ताणे नाममेगे उत्ताणहिदए उत्ताणे णाममेगे गंभीरहिदए ४, २। चत्तारि उदगा पन्नत्ता तंजहा-उत्ताणे णाममेगे उत्ताणोभासी उत्ताणे णाममेगे गंभीरोभासी ४, ३। एवामेव चत्तारि पुरिसजाया पन्नत्ता तंजहा-उत्ताणे णाममेगे उत्ताणोभासी उत्ताणे णाममेगे गंभीरोभासी ४, ४। चत्तारि उदही पन्नते तंजहा-उत्ताणे णाममेगे उत्ताणोदही उत्ताणे

ग्राममेगे गंभीरोदही ४, ५। एवामेव चत्तारी पुरिसजाता पन्नत्ता तंजहा—
 उताणो ग्राममेगे उताणोहियए ४, ६। चत्तारि उदही पन्नत्ता तंजहा—उताणो
 ग्राममेगे उताणोभासी उताणो ग्राममेगे गंभीरोभासी ४, ७। एवामेव चत्तारि
 पुरिसजाया पन्नत्ता तंजहा—उताणो ग्राममेगे उताणोभासी ४, ८। सू०
 ३५८। चत्तारि तरगा पन्नत्ता तंजहा—समुद्दं तरामीतेगे समुद्दं तरइ समुद्दं
 तरामीतेगे गोप्पतं तरति गोप्पतं तरामीतेगे ४, ९। चत्तारि तरगा पन्नत्ता
 तंजहा—समुद्दं तरित्ता नाममेगे समुद्दे विसीतते समुद्दं तरत्ता ग्राममेगे
 गोप्पते विसीतति ४, १० ॥ सू० ३५९ ॥ चत्तारि कुंभा पन्नत्ता
 तंजहा—पुन्ने नाममेगे पुन्ने पुन्ने नाममेगे तुच्छे तुच्छे ग्राममेगे पुन्ने तुच्छे
 ग्राममेगे तुच्छे १। एवामेव चत्तारि पुरिसजाया पन्नत्ता तंजहा—पुन्ने नाममेगे
 पुन्ने ४, ११। चत्तारि कुंभा पन्नत्ता तंजहा—पुन्ने नाममेगे पुन्नोभासी पुन्ने
 नाममेगे तुच्छोभासी तुच्छे नाममेगे पुन्नोभासी तुच्छे नाममेगे तुच्छोभासी,
 ३। एवं चत्तारि पुरिसजाया पन्नत्ता तंजहा—पुन्ने ग्राममेगे पुन्नोभासी ४, १२।
 चत्तारि कुंभा पन्नत्ता तंजहा—पुन्ने नाममेगे पुन्नरूवे पुन्ने नाममेगे तुच्छरूवे
 ४, १३। एवामेव चत्तारि पुरिसजाया पन्नत्ता तंजहा—पुन्ने नाममेगे पुन्नरूवे
 ४, १४। चत्तारि कुंभा पन्नत्ता तंजहा—पुन्नेवि एगे पितट्टे पुन्नेवि एगे अवंदले
 तुच्छेवि एगे पियट्टे तुच्छेवि एगे अवंदले, ७। एवामेव चत्तारि पुरिसजाया
 पन्नत्ता तंजहा—पुन्नेवि एगे पितट्टे ४, ८। तहेव चत्तारि कुंभा पन्नत्ता
 तंजहा—पुन्नेवि एगे विस्संदति पुन्नेवि एगे णो विस्संदति तुच्छेवि एगे
 विस्संदति तुच्छेवि एगे न विस्संदइ, ९। एवामेवा चत्तारि पुरिसजाया पन्नत्ता
 तंजहा—पुन्नेवि एगे विस्संदति ४, १०। तहेव चत्तारि कुंभा पन्नत्ता तंजहा—
 भिन्ने जजरिए परिस्साइ अपरिस्साइ, ११। एवामेव चउव्विहे चरित्ते पन्नत्ते
 तंजहा—भिन्ने जाव अपरिस्साई, १२। चत्तारि कुंभा पन्नत्ता तंजहा—
 महु कुंभे नामं एगे महुप्पिहाणे महुकुंभे ग्रामं एगे विसपिहाणे विसकुंभे

नामं एगे मधुपिहाणे विसकुंभे णाममेगे विसपिहाणे, १३। एवामेव चत्तारि
पुरिसजाया पन्नत्ता तंजहा—मधुकुंभे नाम एगे मधुपिहाणे ४—‘हिययमपाव-
मकलुसं जीहाऽविज्य कडुयभासिणी निच्चं । जंमि पुरिसंमि विज्जति से
मधुकुंभे मधुपिहाणे ॥१॥ हिययमपावमकलुसं जीहाऽवि य कडुयभासिणी
निच्चं । जंमि पुंरिसंमि विज्जति से मधुकुंभे विसपिहाणे ॥२॥ जं हिययं
कलुसमयं जीहाऽवि य मधुरभासिणी निच्चं । जंमि पुरिसंमि विज्जति से
विसकुंभे मधुपिहाणे ॥३॥ जं हिययं कलुसमयं जीहाऽवि य कडुयभासिणी
निच्चं । जंमि पुरिसंमि विज्जति से विसकुंभे विसपिहाणे ॥ ४ ॥ सू०
३६० ॥ चउव्विहा उवसग्गा पन्नत्ता तंजहा—दिव्वा माणुसा तिरिक्खजोगिया
आयसंचेयणिजा १। दिव्वा उवसग्गा चउव्विहा पन्नत्ता तंजहा—हासा पाओसा
वीमंसा पुदोवेमात्ता २। माणुसा उवसग्गा चउव्विधा पन्नत्ता तंजहा—हासा
पाओसा वीमंसा कुसीलपडिसेवणया ३। तिरिक्खजोगिया उवसग्गा
चउव्विहा पन्नत्ता तंजहा—भता पदोसा आहारहेउं अवच्चलेणसारक्खणया
४। आतसंचेयणिजा उवसग्गा चउव्विहा पन्नत्ता तंजहा—घट्टणता पवडणता
थंभणता लेसणता ५ ॥ सू० ३६१ ॥ चउव्विहे कम्मे पन्नत्ते तंजहा—सुभे
नाममेगे सुभे सुभे नाममेगे असुभे असुभे नाम ४, १ । चउव्विहे कम्मे
पन्नत्ते तंजहा—सुभे नाममेगे सुभविदागे सुभे णाममेगे असुभविवागे असुभे
नाममेगे सुभविवागे असुभे नाममेगे असुभविवागे ४, २ । चउव्विहे कम्मे
पन्नत्ते तंजहा—पगडीकम्मे ठितीकम्मे अणुभावकम्मे पदेसकम्मे ४, ३ ॥ सू०
३६२ ॥ चउव्विहे संघे पन्नत्ते तंजहा—समणा समणीओ सावगा सावि-
याओ ॥ सू० ३६३ ॥ चउव्विहा बुद्धि पन्नत्ता तंजहा—उप्पत्तिता वेणत्तिता
कम्मिया पारिणामिया, चउव्विधा मई पन्नत्ता तंजहा—उग्गहमती ईहामती
अवायमई धारणामती, अथवा चउव्विहा मती पन्नत्ता तंजहा—अरंजरोदग-
समाणा वियरोदयसमाणा सरोदगसमाणा सागरोदगसमाणा ॥ सू० ३६४ ॥

चउव्विहा संसारसमावन्नगा जीवा पन्नत्ता तंजहा—गोरइतां तिरिक्खजोणीया मणुस्सा देवा, चउव्विहा सव्वजीवा पन्नत्ता तंजहा—मणुजोगी वइजोगी काय-जोगी अजोगी अहवा चउव्विहा सव्वजीवा पन्नत्ता तंजहा—इत्थिवेयगा पुरि-सवेदगा णपुंसकवेदगा अवेदगा अथवा चउव्विहा सव्वजीवा पन्नत्ता तंजहा—चक्खुदंसणी अचक्खुदंसणी ओहिदंसणी केवलदंसणी अहवा चउ-व्विहा सव्वजीवा पन्नत्ता तंजहा—संजया असंजया संजयासंजया णोसंजया-णोअसंजया ॥ सू० ३६५ ॥ चत्तारि पुरिसजाया पन्नत्ता तंजहा—मित्ते नाममेगे मित्ते मित्ते नाममेगे अमित्ते अमित्ते नाममेगे मित्ते अमित्ते णाममेगे अमित्ते १ । चत्तारि पुरिसजाया पन्नत्ता तंजहा—मित्ते णाममेगे मित्तरूवे चउभंगो, ४, २ । चत्तारि पुरिसजाया पन्नत्ता तंजहा—मुत्ते णाममेगे मुत्ते मुत्ते णाममेगे अमुत्ते, ४, ३ । चत्तारि पुरिसजाया पन्नत्ता तंजहा—मुत्ते णाम-मेगे मुत्तरूवे ४, ४ ॥ सू० ३६६ ॥ पंचिंदियतिरिक्खजोणिया चउगईया चउअगईया पन्नत्ता तंजहा—पंचिंदियतिरिक्खजोणिया पंचिंदियतिरिक्ख-जोणिएसु उववज्जमाणा गोरइएंहितो वा तिरिक्खजोणिएहितो वा मणु-स्सेहितो वा देवेहितो वा उववज्जेज्जा, से चेव णं से पंचिंदियतिरिक्ख-जोणिए पंचिंदियतिरिक्खजोणियत्तं विप्पज्जेहमाणे गोरइत्तत्ताए वा जाव देवत्ताते वा उवागच्छेज्जा, मणुस्सा चउगईया चउअगतिता, एवं चेव मणुस्सावि ॥ सू० ३६७ ॥ वेइंदिया णं जीवा असमारभमाणस्स चउविहे संजमे कज्जति, तंजहा—जिब्भामयातो सोवखातो अववरोवित्ता भवति, जिब्भामएणां दुक्खेणां असंजोगेत्ता भवति, फासमयातो सोवखातो अववरो-वेत्ता भवइ एवं चेव ४, वेइंदियाणं जीवा समारभमाणस्स चउविधे असंजमे कज्जति, तंजहा—जिब्भमयातो सोवखाओ ववरोवित्ता भवति, जिब्भामतेणं दुक्खेणं संजोगित्ता भवति, फासामयातो सोवखाओ ववरोवेत्ता भवइ ॥ सू० ३६८ ॥ सम्महिट्टिताण गोरइयाणं चत्तारि किरियाओ पन्नत्ताओ

तंजहा—आरंभिता परिगृहिता मातावत्तिया अपचवखाणकिरिया १।
सम्मद्विद्विताणमसुरकुमाराणं चत्तारि किरियाओ पन्नत्ताओ तंजहा—एवं वेव,
एवं विगलिंदियवज्जं जाव वेमाणियाणं २ ॥ सू० ३६१ ॥ चउहिं
ठणोहिं संते गुणे नासेज्जा, तंजहा—कोहेणं पडिनिसेवेणं अकयराणुयाए
मिच्छत्ताभिनिवेसेणं १। चउहिं ठणोहिं संते (असंते) गुणे दीवेज्जा तंजहा—
अब्भासवत्तितं परच्छंदाणुवत्तितं कज्जेहउं कतपडिकतितेति वा १ ॥ सू०
३७० ॥ गोरइयाणं चउहिं ठणोहिं सरीरुपत्ती सिता, तंजहा—कोहेणं
माणेणं मायाए लोभेणं, एवं जाव वेमाणियाणं १। गोरइयाणं चउहिं
ठणोहिं निव्वत्तिते सरीरे पन्नत्ते तंजहा—कोहनिव्वत्तिए जाव लोभनिव्वत्तिए,
एवं जाव वेमाणियाणं २ ॥ सू० ३७१ ॥ चत्तारि धम्मदारा पन्नत्ता, तंजहा—
खंति मुत्ती अज्जेवे महवे ॥ सू० ३७२ ॥ चउहिं ठणोहिं जीवा गोरतिय-
त्ताए कम्मं पकरेंति, तंजहा—महारंभताते महापरिगृहयाते पंचिंदियःहेणं
कुण्णिमाहारेणं १। चउहिं ठणोहिं जीवा तिरिवस्वजोणियत्ताए कम्मं पगरेंति,
तंजहा—माइल्लताते णियडिल्लताते अलियवयणेणं कूडतुलकूडमाणेणं २।
चउहिं ठणोहिं जीवा मणुस्सत्ताते कम्मं पगरेंति, तंजहा—पगतिभदताते
पगतिविणीययाए साणुक्कोसयाते अमच्छरिताते ३। चउहिं ठणोहिं जीवा
देवाउयत्ताए कम्मं पगरेंति, तंजहा—सरागसंजमेणं संजमासंजमेणं बाल-
तवोकम्मेणं अकामणिज्जराए ४ ॥ सू० ३७३ ॥ चउव्विहे वज्जे पन्नत्ते
तंजहा—तते वितते घणे भुसिरे १। चउव्विहे नट्टे पन्नत्ते तंजहा—अंचिए
रिभिए आरभडे भि(भ)सोले २। चउव्विहे गेए पन्नत्ते तंजहा—उविस्वत्ताए
पत्ताए मंदए रोविंदए ३। चउव्विहे मल्ले पन्नत्ते तंजहा—गंथिमे वेडिमे पूरिमे
संघातिमे ४। चउव्विहे अलंकारे पन्नत्ते तंजहा—केसालंकारे वत्थालंकारे
मल्लालंकारे आभरणालंकारे ५। चउव्विहे अभिणत्ते पन्नत्ते तंजहा—
दिट्ठत्तिते पांडुसुत्ते सामंतोवात्तिते लोगमब्भावसिते ६ ॥ सू० ३७४ ॥

सर्गांकुमारमाहिंदे सुगां कप्पेसु विमाणा चउवन्ना पन्नत्ता तंजहा—शीसा लोहिता हालिदा सुक्किला, महासुकसहस्सारेसु गां कप्पेसु देवाणां भवधार-
 णिजा सरीरगा उकोसेणं चत्तारि रयणीयो उड्ढं उच्चत्तेणं पन्नत्ता
 ॥ सू० ३७५ ॥ चत्तारि उदकगव्मा पन्नत्ता तंजहा—उस्सा महिया सीता
 उसिणा, चत्तारि उदकगव्मा पन्नत्ता तंजहा—हेमगा अब्भसंथडा सीतोसिणा
 पंचरूविता,—माहे उ हेमगा गव्मा, फग्गुणे अब्भसंथडा । सीतोसिणा उ
 चित्ते, वतिसाहे पंचरूविता १ ॥ सू० ३७६ ॥ चत्तारि माणुस्सीगव्मा
 पन्नत्ता तंजहा—इत्थित्ताए पुरिसत्ताए गापुंसगत्ताते विंवत्ताए,—अप्पं सुक्कं
 वहुं ओयं, इत्थी तत्थ पजातति । अप्पं ओयं वहुं सुक्कं, पुरिसो तत्थ
 पजातति ॥ १ ॥ दोराहंपि रत्तसुक्काणं, तुलभावे गापुंसओ ।
 इत्थीतोतसमाओगे, विंवं तत्थ पजायति ॥ २ ॥ सू० ३७७ ॥
 उप्पायपुव्वस्स गां चत्तारि मूलवत्थू पन्नत्ता ॥ सू० ३७८ ॥ चउव्विहे कव्वे
 पन्नत्ते तंजहा—गज्जे पज्जे कत्थे गेए ॥ सू० ३७९ ॥ गोरतित्ताणं चत्तारि
 समुग्घाता पन्नत्ता तंजहा—वेयणासमुग्घाते कसायसमुग्घाते मारणांतियसमुग्घाए
 वेउव्वियसमुग्घाए, एवं वाउक्काइयाणावि ॥ सू० ३८० ॥ अरिहतो गां
 अरिट्टेनेमिस्सं चत्तारि सया चोइसपुव्वीणमज्जिणाणं जिणसंकासाणं सव्व-
 कखरसन्निवाइणं जिणो इव अचितथवागरमाणाणं उकोसिता चउदसपुव्वि-
 संपया हुत्था ॥ सू० ३८१ ॥ समणस्सं गां भगवओ महावीरस्स चत्तारि
 सया वादीणं सदेवमणुयासुराते परिसाते अपराजियाणं उकोसिता वात्ति-
 संपया हुत्था ॥ सू० ३८२ ॥ हेट्ठिल्ला चत्तारि कप्पा अद्धचंदमंठाणसंठिया
 पन्नत्ता, तंजहा—सोहम्मं ईसाणे सर्गांकुमारे माहिंदे, १ । मज्झिल्ला चत्तारि
 कप्पा पडिपुन्नचंदमंठाणसंठिया पन्नत्ता, तंजहा—वंभलोगे लंतते महासुके
 सहस्सारे, २ । उवरिल्ला चत्तारि कप्पा अद्धचंदमंठाणसंठिता पन्नत्ता, तंजहा—
 आएते पाएते आरणो अच्चुते ३ ॥ सू० ३८३ ॥ चत्तारि समुहा पत्तेयरसा

पन्नत्ता तंजहा-लवणोदे (लवणो) वरुणोदे खीरोदे घतोदे ॥ सू० ३८४ ॥
 चत्तारि आवत्ता पन्नता तंजहा-खरावत्ते उन्नतावत्ते गूढावत्ते आमिसावत्ते,
 एवामेव चत्तारि कसाया पन्नत्ता तंजहा-खरावत्तसमाणो कोहे उन्नत्तावत्त-
 समाणो माणो गूढावत्तसमाणा माता आमिसावत्तसमाणो लोभे, खरावत्तसमाणां
 कोहं अणुपविट्टे जीवे कालं करेति गोरइएसु उववज्जति, उन्नत्तावत्तसमाणां
 माणां एवं चेव गूढावत्तसमाणां मातमेवं चेव आमिसावत्तसमाणां लोभमणुपविट्टे
 जीवे कालं करेति नेरइएसु उववज्जेति ॥ सू० ३८५ ॥ अणुराहानक्खत्ते
 चउत्तारे पन्नत्ते पुव्वासाढे एवं चेव उत्तरासाढे एवं चेव ॥ सू० ३८६ ॥
 जीवाणां चउत्ताणनिव्वत्तिते पोग्गले पावकम्मत्ताते चिणिंसु वा चिणांति वा
 चिणिस्संति वा, तंजहा-नेरतियनिव्वत्तिते तिक्खिज्जोणितनिव्वत्तिते मणुस्स-
 देवनिव्वत्तिते, एवं उवचिणिंसु वा उवचिणांति वा उवचिणिस्संति वा, एवं
 चिय उवचिय बंध उदीर वेत तह निज्जरे-चेव ॥ सू० ३८७ ॥ चउपदेसिया
 खंधा अणांता पन्नत्ता, चउपदेसोगाढा पोग्गला अणांता, चउसमयट्ठितीया
 पोग्गला अणांता, चउगुणकालगा पोग्गला अणांता जाव चउगुणलुक्खा
 पोग्गला अणांता पराणात्ता ॥ सू० ३८८ ॥

॥ इति: चतुःस्थानकस्य चतुर्थोद्देशकः ॥४-४॥

॥ इति चतुःस्थानकार्यं चतुर्थाध्ययनम् ॥ ४ ॥

॥ अथ पञ्चमस्थानकार्यं पञ्चममध्ययनम् ॥

पंच महव्वया पन्नत्ता तंजहा-सव्वातो पाणातिवायाओ वेरमाणं जाव
 सव्वातो परिग्गहातो वेरमाणं १ । पंचाणुव्वता पन्नत्ता तंजहा-थूलातो
 पाणाइवायातो वेरमाणं थूलातो मुसावायातो वेरमाणं थूलातो अदिन्नादाणातो
 वेरमाणं सदारसंतोसे इच्छापारिमाणो २ ॥ सू० ३८९ ॥ पंच वन्ना पन्नत्ता

तंजहा-किरहा नीला लोहिता हालिदा सुक्लिहा १ । पंच रसा पन्नत्ता
तंजहा-तित्ता जाव मधुरा २ । पंच कामगुणा पन्नत्ता तंजहा-सदा रूवा
गंधा रसा फासा ३ । पंचहि ठारोहिं जीवा सज्जंति तंजहा-सद्देहिं जाव
फासेहिं ४ । एवं रज्जंति ५ मुच्छंति ६ गिज्मंति ७ अज्मोववज्जंति ८ ।
पंचहिं ठारोहिं जीवा विणिघायमावज्जंति, तंजहा-सद्देहिं जाव फासेहिं ९ ।
पंच ठाणा अपरिगणाता जीवाणं अहिताते असुभाते अखमाते अणिस्सेताते-
(यसे) अणाणुगामितत्ताते भवंति, तंजहा-सदा जाव फासा १० । पंच ठाणा
सुपरिन्नाता जीवाणं हिताते सुभाते जाव आणुगामियत्ताए भवंति, तंजहा-
सदा जाव फासा ११ । पंच ठाणा अपरिगणाता जीवाणं दुग्गतिगमणाए
भवन्ति तंजहा-सदा जाव फासा १२ । पंच ठाणा परिगणाया जीवाणं
सुग्गतिगमणाए भवंति तंजहा-सदा जाव फासा १३ ॥ सू० ३१० ॥
पंचहिं ठारोहिं जीवा दोग्गति गच्छंति, तंजहा-पाणातिवातेणं जाव परि-
ग्गहेणं, १ । पंचहिं ठारोहिं जीवा सोगतिं गच्छंति, तंजहा-पाणातिवातवे-
रमणोणं जाव परिग्गहवेरमणोणं २ ॥ सू० ३११ ॥ पंचपडिमातो पन्नत्ताथो
तंजहा-भदा सुभदा महाभदा सव्वतोभदा भद्दुत्तरपडिमा ॥ सू० ३१२ ॥ पंच
थावरकाया पन्नत्ता तंजहा-इंदे थावरकाए वंभे थावरकाए सिप्पे थावरकाए
सं(सु)मती थावरकाए पाजावच्चे थावरकाए पंच थावरकायाधिपती पन्नत्ता
तंजहा-इंदे थावरकाताधिपती जाव पातावच्चे थावरकाताधिपती ॥ सू०
३१३ ॥ पंचहिं ठारोहिं ओहिदंसणो समुप्यज्जिउकामेऽवि तप्पढमयाते खंभातेज्जा,
तंजहा-अप्पभूतं वा पुढविं पासित्ता तप्पढमयाते खंभातेज्जा, कुंथुरासिभूतं वा
पुढविं पासित्ता तप्पढमयाते खंभातेज्जा, महतिमहालतं वा महोरगसरीरं पासित्ता
तप्पढमताते खंभातेज्जा, देवं वा महद्धियं जाव महेसक्खं पासित्ता तप्पढमताते
खंभातेज्जा, पुरेसु वा पोरणाइं (ओरणाइं) महतिमहालतानि महानिहाणाइं
पहीणसामितातिं पहीणसेउयातिं पहीणगुत्तागाराइं उच्छिन्नसामियाइं उच्छि-

न्नसेउयाइं उच्छिन्नगुत्तागाराइं जाइं इमाइं गामागरणगरखेडकब्बडदोणमुहपट्ट-
 णासमसंवाहसन्निवेशेसु सिंघाडगतिगचउकचच्चरचउम्मुहमहापहपहेसु णगरणि-
 द्धमणोसु सुसाणसुन्नागरगिरिकंदरसन्तिसेलोवट्टावणभवाणगिहेसु संनिविख-
 त्ताइं चिट्ठंति ताइं वा पासित्ता तप्पढमताते खंभातेज्जा, इच्चेहिं पंचहिं ठाणोहिं
 ओहिदंसणो समुप्पज्जिउकामेऽवि तप्पढमताते खंभाएज्जा १ । पंचहिं ठाणोहिं
 केवलवरणाणदंसणो समुप्पज्जिउकामे तप्पढमताते नो खंभातेज्जा, तंजहा-अप्प-
 भूतं वा पुढविं पासित्ता तप्पढमताते णो खंभेज्जा, सेसं तहेव जाव भवाण-
 गिहेसु संनिविखत्ताइं चिट्ठंति ताइं वा पासित्ता तप्पढमयाते णो खंभातेज्जा,
 सेसं तहेव, इच्चेतेहिं पंचहिं ठाणोहिं जाव नो खंभातेज्जा २ ॥ सू० ३६४ ॥
 गोरइयाणं सरीरगा पंचवन्ना पंचरसा पन्नत्ता तंजहा-किण्हा जाव सुक्खिळा
 तित्ता जाव मधुरा, एवं निरंतरं जाव वेमाणियाणं । पंचं सरीरगा पन्नत्ता
 तंजहा-ओरालिते वेउव्विते आहारते तेयते कम्मते, ओरालितसरीरे
 पंचवन्ने पंचरसे पन्नत्ते तंजहा-किण्हे जाव सुक्खिल्ले तित्ते जाव महुरे,
 एवं जाव कम्मगसरीरे, सव्वेऽवि णं बादरबोदिधरा कलेवरा पंचवन्ना
 पंचरसा दुग्ंधा अट्टफासा ॥ सू० ३६५ ॥ पंचहिं ठाणोहिं पुरिमपच्छि-
 मगाणं जिणाणं दुग्गमं भवति, तंजहा-दुआइक्खं दुविभज्जं (दुविभवं)
 दुपस्सं दुतितिक्खं दुराणुचरं १ । पंचहिं ठाणोहिं मज्झिमगाणं जिणाणं
 सुगमं भवति, तंजहा-सुआतिक्खं सुविभज्जं सुपस्सं सुतितिक्खं सुराणुचरं
 २ । पंच ठाणाइं समणोणं भगवता महावीरेणं समणाणं णिग्गंथाणं णिच्चं
 वन्निताइं निच्चं कित्तिताइं णिच्चं बुत्तिताइं णिच्चं पसत्थाइं निच्चमवभणुन्ना-
 ताइं भवंति, तंजहा-खंति मुत्ती अज्जवे महवे लाघवे ३ । पंच ठाणाइं
 समणोणं भगवता महावीरेणं जाव अब्भणुन्नायाइं भवंति, तंजहा-सच्चे
 संजमे तवे चित्ताते बंभचेरवासे ४ । पंच ठाणाइं समणाणं जाव अब्भणुन्ना-
 याइं भवंति, तंजहा-उविखत्तचरते निविखत्तचरते अंतचरते पंतचरते

लूहचरते, ५। पंच ठाणां जाव अब्भणुसणायां भवंति, तंजहा-अन्नात-
 चरते अन्नइलायचरे (अन्नवेलाचरे) मोणचरे संसट्टकप्पिते तज्जातसंसट्ट-
 कप्पिते, ६। पंच ठाणां जाव अब्भणुन्नातां भवंति, तंजहा-उवनिहिते
 सुद्धेसणिते संखादत्तिते दिट्टलाभिते पुट्टलाभिते, ७। पंच ठाणां जाव
 अब्भणुसणातां भवंति, तंजहा-आयंवलिते निव्वियते पुरमडिद्वेते परिमिते
 पिंडवाविते भिन्नपिंडवाविते ८। पंच ठाणां जाव अब्भणुन्नायां भवंति,
 तंजहा-अरसाहारे विरसाहारे अंताहारे पंताहारे लूहाहारे, ९। पंच ठाणां
 जाव अब्भणुन्नायां भवंति, तंजहा-अरसजीवी विरसजीवी अंतजीवी
 पंतजीवी लूहजीवी १०। पंच ठाणां जाव भवंति, तंजहा-अणातिते
 उक्कड्ढासणिए पडिमट्टाती वीरासणिए गोसज्जिए, ११। पंच ठाणां जाव
 भवंति, तंजहा-दंडायतिते लगंडसाती आतावते अवाउडते अकंडूयते १२।
 ॥ सू० ३१६ ॥ पंचहिं ठाणेहिं समणे निग्गंथे महानिज्जरे महापज्जवसाणे
 भवति, तंजहा-अगिलाते आयरियवेयावच्चं करेमाणे १ एवं उवज्जाय-
 वेयावच्चं करेमाणे २ थेरवेयावच्चं ३ तवस्सिवेयावच्चं ४ गिलाणवेया-
 वच्चं करेमाणे ५, १। पंचहिं ठाणेहिं समणे निग्गंथे महानिज्जरे महापज्ज-
 वसाणे भवति, तंजहा-अगिलाते सेहवेयावच्चं करेमाणे १ अगिलाते
 कुलवेयावच्चं करेमाणे २ अगिलाए गणावेयावच्चं करेमाणे ३ अगिलाए
 संघवेयावच्चं करेमाणे ४ अगिलाते साहम्मियवेयावच्चं करेमाणे ५, २
 ॥ सू० ३१७ ॥ पंचहिं ठाणेहिं समणे णिग्गंथे साहमितं संभोतितं
 विसंभोतितं करेमाणे णातिकमति, तंजहा-सकिरितट्टाणं पडिसेवित्ता
 भवति १ पडिसेवित्ता णो आलोएइ २ आलोइत्ता णो पट्टवेति ३ पट्टवेत्ता
 णो णिव्विसति ४ जाइं इमाइं थेराणं ठित्तिपकप्पाइं भवति ताइं अतियं-
 चिय २ पडिसेवेति से हंइं पडिसेवामि किं मं थेरा करिस्संति ? ५, १।
 पंचहिं ठाणेहिं समणे निग्गंथे साहमितं पारंचितं करेमाणे णातिकमति,

तंजहा-सकुले वसति सकुलस्स भेदाते अब्भुट्टिता भवति १ गणो वसति
गणस्स भेदाते अब्भुट्टिता भवति २ हिंसपेही ३ छिदपेही ४ अभिक्खणं
पसिणाततणाइं पउंजित्ता भवति ५, २ ॥ सू० ३६८ ॥ आयरियउव-
ज्जायस्स णं गणंसि पंच बुग्गहट्टाणा पन्नत्ता तंजहा-आयरियउवज्जाए
णं गणंसि आणं वा धारणं वा नो सम्मं पउंजेत्ता भवति १ आयरियउव-
ज्जाए णं गणंसि आधारातिणियाते कितिकम्मं नो सम्मं पउंजित्ता
भवति २ आयरियउवज्जाते गणंसि जे सुत्तपज्जवजाते धारेति ते काले २
णो सम्मणणुप्पवात्तित्ता भवति ३ आयरियउवज्जाए गणंसि गिलाणसेहवे-
यावच्चं नो सम्ममब्भुट्टिता भवति ४ आयरियउवज्जाते गणंसि अणापु-
च्छित्तचारी यावि हवइ नो आपुच्छियचारी ५, १। आयरियउवज्जायस्स णं
गणंसि पंचाबुग्गहट्टाणा पन्नत्ता तंजहा-आयरियउवज्जाए गणंसि आणं
वा धारणं वा सम्मं पउंजित्ता भवति, एवमधारायणित्ताते सम्मं किइकम्मं
पउंजित्ता भवइ आयरियउवज्जाए णं गणंसि जे सुत्तपज्जवजाते धारेति ते
काले २ सम्मं अणुपवाइत्ता भवइ आयरियउवज्जाए गणंसि गिलाणसेह-
वेतावच्चं सम्मं अब्भुट्टिता भवति आयरियउवज्जाते गणंसि आपुच्छिय-
चारी यावि भवति णो अणापुच्छियचारी २ ॥ सू० ३६९ ॥ पंच निसि-
जाओ पन्नत्ताओ तंजहा-उक्कुडुती गोदोहिता समपायपुता पलितंका
अद्धपलितंका १। पंच अज्जवट्टाणा पन्नत्ता तंजहा-साधुअज्जवं
साधुमद्वं साधुलाघवं साधुखंती साधुमुत्ती ॥ सू० ४०० ॥ पंचविहा
जोइसिया पन्नत्ता तंजहा-चंदा सूरा गहा नक्खत्ता ताराओ, १ ।
पंचविहा देवा पन्नत्ता तंजहा-भवितदब्बदेवा णरदेवा धम्मदेवा देवातिदेवा
भावदेवा २ ॥ सू० ४०१ ॥ पंचविहा परितारणा पन्नत्ता तंजहा-कात-
परितारणा फासपरितारणा रूवपरितारणा सहपरितारणा मणपरितारणा
॥ सू० ४०२ ॥ चमरस्स णं असुरिंदस्स असुरकुमाररन्नो पंच अग्गमहि-

सीच्यो पन्नत्ताच्यो तंजहा-काले राती रतणी विज्जू मेहा, १ । बलिस्स णं वतिरोतण्दिस्स वतिरोतणरन्नो पंच अग्गमहिसीच्यो पन्नत्ताच्यो तंजहा-सुभा णिसुभा रंभा णिरंभा मतणा २ ॥ सू० ४०३ ॥ चंमरस्स णमसुरिंदस्स असुरकुमाररणो पंच संगामिता अणिता पंच संगामिया अणियाधिवती पन्नत्ता तंजहा-पायत्ताणिते पीढाणिते कुंजराणिते महिसाणिते रहाणिते, दुमे पायत्ताणिताधिवती सोदामी आसराया पीढाणियाधिवती कुंथूं हत्थिराया कुंजराणिताधिवती लोहितक्खे महिसाणिताधिवती किन्नरे रधाणिताधिवती १ । बलिस्स णं वतिरोतण्दिस्स वतिरोतणरन्नो पंच संगामिताणिता पंच संगामिताणीयाधिवती पन्नत्ता तंजहा-पायत्ताणिते जाव रहाणिते, महदुमे पायत्ताणिताधिवती महामोतामो आसराया पीढाणिताधिवती मालंकारो हत्थिराया कुंजराणिताधिवती महालोहिअक्खो महिसाणिताधिवती किंपुरिसे रधाणिताधिवती २ । धरणस्स णं णागकुमारिंदस्स णागकुमाररणो पंच संगामिता अणिता पंच संगामिताणीयाधिवती पन्नत्ता तंजहा-पायत्ताणिते जाव रहाणीए, भद्दसेणे पायत्ताणिताधिवती जसोधरे आसराया पीढाणिताधिवती सुदंसणे हत्थिराया कुंजराणिताधिवती नीलकंठे महिसाणियाधिवती आणंदे रहाणिताधिवई ३ । भूयाणंदस्स नागकुमारिंदस्स नागकुमाररणो पंच संगामियाणिया पंच संगामियाणीयाधिवई पन्नत्ता तंजहा-पायत्ताणीए जाव रहाणीए दक्खे पायत्ताणियाधिवई सुग्गीवे आसराया पीढाणियाधिवई सुविक्रमे हत्थिराया कुंजराणिताधिवई सेयकंठे महिसाणियाधिवई नंदुत्तरे रहाणियाधिवई ४ । वेणुदेवस्स णं सुवन्दिस्स सुवन्नकुमाररणो पंच संगामियाणिता पंच संगामिताणिताधिवती पन्नत्ता तंजहा-पायत्ताणीते एवं जथा धरणस्स तथा वेणुदेवस्सवि, वेणुदालियस्स जहा भूताणंदस्स, जथा धरणस्स तथा सव्वेसिं दाहिणिल्लाणं जाव घोसस्स, जथा भूताणंदस्स तथा सव्वेसिं उत्तरिल्लाणं जाव महाघोसस्स ५ । सक्कस्स णं देविंदस्स देवरन्नो पंच

संगामिता अणिता पंच संगामिताणिताधिवती पन्नत्ता तंजहा-पायत्ताणिते जाव उसभाणिते, हरिगोगमेसी पायत्ताणिताधिवती वाऊ आसराता पीढाणिताधिवई एरावणे हत्थिराया कुंजराणिताधिपई दाम्ही उसभाणिताधिपती माढरो रधाणिताधिपती, ईसाणस्स गां देविंदस्स देवरन्नो पंच संगामिया अणिता जाव पायत्ताणिते पीढाणिए कुंजराणिए उसभाणिए रधाणिते, लहुपरक्कमे पायत्ताणिताधिवती ६। महावाऊ आसराया पीढाणियाहिवई पुप्फदंते हत्थिराया कुंजराणियाहिवती महादाम्ही उसभाणियाहिवई महामाढरे रधाणियाहिवती, जधा सकस्स तहा सव्वेसिं दाहिणिल्लाणं जाव आरणास्स जधा ईसाणस्स तहा सव्वेसिं उत्तरिल्लाणं जाव अच्चुतस्स ७ ॥ सू० ४०४ ॥ सकस्स गां देविंदस्स देवरन्नो अब्भंतरपरिसाए देवाणां पंच पलिओवमाइं ठिती पन्नत्ता । ईसाणस्स गां देविंदस्स देवरन्नो अब्भंतरपरिसाते देवीणां पंच पलिओवमाइं ठिती पन्नत्ता २ ॥ सू० ४०५ ॥ पंचविहा पडिहा पन्नत्ता तंजहा-गतिपडिहा ठितीपडिहा बंधणपडिहा भोगपडिहा बलवीरितपुरिसयारपरक्कमपडिहा ॥ सू० ४०६ ॥ पंचविधे आजीविते पन्नत्ते तंजहा-जातिआजीवे कुलाजीवे कम्माजीवे सिप्पाजीवे लिंगाजीवे ॥ सू० ४०७ ॥ पंच रातक्कुहा पन्नत्ता तंजहा-खग्गं छत्तं उप्फेसं उपाणहाओ वालवीअणी ॥ सू० ४०८ ॥ पंचहिं ढाणोहिं छउमत्थे गां उदिन्ने परिस्सहोवसग्गे सम्मं सहेज्जा खमेज्जा तितिक्खेज्जा अहियासेज्जा, तंजहा-उदिन्नक्कमे खलु अयं पुरिसे उन्मत्तगभूते, तेण मे एस पुरिसे अक्कोसति वा अवहसति वा णिच्छोदेति वा णिब्भंछेति वा बंधति वा रुंभति वा छविच्छेतं करेति वा पमारं वा नेति उह्वेइ वा वत्थं वा पडिग्गहं वा कंबलं वा पायपुंछणम- (णं वा आ)च्छिदति वा विच्छिदति वा भिदति वा अवहरति वा १, जक्खातिट्ठे खलु अयं पुरिसे, तेणां मे एस पुरिसे अक्कोसति वा तहेव जाव अवहरति वा २, ममं च गां तब्भववेयणिज्जे कम्मे उतिन्ने भवति, तेण मे

एस पुरिसे अक्कोसति वा जाव अवहरति वा ३, ममं च गां सम्मसहमा-
 णस्स अखममाणस्स अतितिकखमाणस्स अणाधितासमाणस्स किं मन्ने
 कज्जति १, एगंतसो मे पावे कम्मे कज्जति ४, ममं च गां सम्मं सहमाणस्स
 जाव अहियासेमाणस्स किं मन्ने कज्जति १, एगंतसो मे णिज्जरा कज्जति ५,
 इच्चेतेहिं पंचहिं ठाणोहिं छउमत्थे उदिन्ने परीसहोवसग्गे सम्मं सहेज्जा जाव
 अहियासेज्जा १ । पंचहिं ठाणोहिं केवली उदिन्ने परीसहोवसग्गे सम्मं
 सहेज्जा जाव अहियासेज्जा, तंजहा-खित्तचित्ते खलु अतं पुरिसे तेण मे एस
 पुरिसे अक्कोसति वा तहेव जाव अवहरति वा १ दित्तचित्ते खलु अयं पुरि-
 से तेण मे एस पुरिसे जाव अवहरति वा २ जक्खातिट्ठे खलु अयं पुरिसे
 तेण मे एस पुरिसे जाव अवहरति वा ३ ममं च गां तम्भववेयणिज्जे कम्मे
 उदिन्ने भवति तेण मे एस पुरिसे जाव अवहरति वा ४ ममं च गां सम्मं सहमाणां
 खममाणां तितिकखमाणां अहियासेमाणां पासेत्ता बहवे अन्ने छउमत्था समाणा
 णिग्गंथा उदिन्ने २ परीसहोवसग्गे एवं सम्मं सहिस्संति जाव अहियासिस्संति
 ५, इच्चेतेहिं पंचहिं ठाणोहिं केवली उदिन्ने परीसहोवसग्गे सम्मं सहेज्जा जाव
 अहियासेज्जा २॥ सू० ४०६ ॥ पंच हेऊ पन्नत्ता तंजहा-हेउं न जाणति हेउं ण
 पासति हेउं ण बुज्झति हेउं णाभिगच्छति हेउं अन्नाणमरणां मरति १। पंच
 हेऊ पन्नत्ता तंजहा-हेउणा ण जाणति जाव हेउणा अन्नाणमरणां मरति २, २।
 पंच हेऊ पन्नत्ता तंजहा-हेउं जाणइ जाव हेउं छउमत्थमरणां मरइ ३। पंच हेऊ
 पन्नत्ता तंजहा-हेउणा जाणइ जाव हेउणा छउमत्थमरणां मरइ ४। पंच अहेऊ
 पन्नत्ता तंजहा-अहेउं ण याणति जाव अहेउं छउमत्थमरणां मरति ५। पंच
 अहेऊ पन्नत्ता तंजहा-अहेउणा न जाणति जाव अहेउणा छउमत्थमरणां
 मरति ६। पंच अहेऊ पन्नत्ता तंजहा-अहेउं जाणति जाव अहेउं केवलिमरणां
 मरति ७। पंच अहेऊ पन्नत्ता तंजहा-अहेउणा ण जाणति जाव अहेउणा केव-
 लिमरणां मरति ८ । केवलिस्स गां पंच अणुत्तरा पन्नत्ता तंजहा-अणुत्तरे

नाणो अणुत्तरे दंसणो अणुत्तरे चरित्ते अणुत्तरे तवे अणुत्तरे वीरित्ते १ ॥
सू० ४१० ॥ पउमप्पहे णमरहा पंचचित्ते हुत्था, तंजहा-चित्ताहिं चुते
चइत्ता गब्भं वक्कंते चित्ताहिं जाते चित्ताहिं मुंडे भवित्ता अगाराओ
अणुगारितं पव्वइए चित्ताहिं अणुत्तरे अणुत्तरे णिव्वाघाए णिरावरणे
कसिणो पडिपुन्ने केवलवरणाणदंसणो समुप्पन्ने चित्ताहिं परिणिव्वुते,
पुप्फदंतं णं अरहा पंचमूले हुत्था, मूलेणं चुते चइत्ता गब्भं वक्कंते, एवं
चेव एवमेतेणं अभिलावेणं इमातो गाहातो अणुगंतव्वातो १। पउमप्पभस्स
चित्ता १ मूले पुण होइ पुप्फदंतस्स २। पुव्वाइं आसाढा ३ सीयलस्सुत्तर
विमलस्स भइवता ४ ॥ १ ॥ रेवतिता अणुंतजिणो ५ पूसो धम्मस्स ६
संतिणो भरणी ७। कुंथुस्स कत्तियाओ = अरस्स तह रेवतीतो य १ ॥२॥
मुणिसुव्वयस्स सवणो १० आसिणी णमिणो ११ य नेमिणो चित्ता १२।
पासस्स विसाहाओ १३ पंच य हत्थुत्तरो वीरो १४ ॥३॥ समणो भगवं
महावीरे पंचहत्थुत्तरे होत्था तंजहा-हत्थुत्तराहिं चुए चइत्ता गब्भं वक्कंते
हत्थुत्तराहिं गब्भाओ गब्भं साहरिते हत्थुत्तराहिं जाते हत्थुत्तराहिं मुंडे
भवित्ता जाव पव्वइए हत्थुत्तराहिं अणुत्तरे अणुत्तरे जाव केवलवरणाणदंसणो
समुप्पन्ने २ ॥ सू० ४११ ॥ इति पंचमट्टाणस्स पढमो उद्देशओ समत्तो ॥

॥ इति पञ्चमस्थानकस्य प्रथमोद्देशकः ॥ ५-१ ॥

॥ अथ पञ्चमस्थानके द्वितीय उद्देशकः ॥

नो कप्पइ निग्गंथाण वा निग्गंधीण वा इमाओ उद्दिट्ठाओ गणि-
याओ वितंतजितातो पंच महराणावातो महाराणीओ अंतो मासस्स दुक्खुत्तो
वा तिक्खुत्तो वा उत्तरित्तए वा संतरित्तए वा, तंजहा-गंगा जउणा
सरऊ एरावती मही १। पंचहिं ठाणोहिं कप्पति, तंजहा-भतंसि वा १
दुब्बिक्खंसि वा २ पव्वहेज्ज व णं कोई ३ दओघंसि वा एज्जमाणंसि

महता वा ४ अणारितेसु ५, २ ॥ सू० ४१२ ॥ णो कप्पइ णिग्गं-
 थाण वा णिग्गंथीण वा पढमपाउसंसि गामाणुगामं दूइजित्तए, पंचहिं
 ठाणोहिं कप्पइ, तंजहा-भयंसि वा दुट्ठिभक्खंसि वा जाव महता वा अणा-
 रितेहि ५, १ । वासावासं पज्जोमविताणं णो कप्पइ णिग्गंथाण वा २
 गामाणुगामं दूइजित्तए, पंचहिं ठाणोहिं कप्पइ, तंजहा-णाणट्टयाए दंसणट्ट-
 याए चरित्तट्टयाए आयरियउवज्झाया वा से वीसुंभेज्जा आयरितउज्झा-
 याण वा बहिता वेआवच्चं करणाताते २ ॥ ४१३ ॥ पंच अणुग्घातिता
 पन्नत्ता तंजहा-हत्थाकम्मं करेमाणो मेहुणं पडिसेवेमाणो रातीभोयणं
 भुंजेमाणो सागारितपिंडं भुंजेमाणो रायपिंडं भुंजेमाणो ॥ सू० ४१४ ॥
 पंचहिं ठाणोहिं समणो निग्गंथे रायंतेउरमणुपविसमाणो नाइकमति, तंजहा-
 नगरं सिता सव्वतो समंता गुत्ते गुत्तदुदारे, वहवे समणमाहणा णो संचा-
 एंति भत्ताते वा पाणाते वा निक्खमित्तते वा पविसित्तते वा तेसिं विन्न-
 वणाट्टताते रातंतेउरमणुपव्विसेज्जा १ पाडिहारितं वा पीढफलंगसेज्जासंथा-
 रणं पच्चप्पिणामाणो रायंतेउरमणुपवेसेज्जा २ हतस्स वा गयस्स वा दुट्टस्स
 आगच्छमाणास्स भीते रायंतेउरमणुपवेसिज्जा ३ परो व णं सहसा वा बलसा
 वा वाहाते गहाय अंतेउरमणुपवेसेज्जा ४ बहिता व णं आरामगयं वा उज्जा-
 णगयं वा रायंतेउरजणो सव्वतो समंता संपरिक्खवित्ता णं निवेसिज्जा ५
 इच्चेतेहि पंचहिं ठाणोहिं समणो निग्गंथे जाव णातिकमइ ॥ सू० ४१५ ॥
 पंचहिं ठाणोहिमिथी पुरिसेण सद्धि असंवसमाणीवि गव्वं धरेज्जा, तंजहा-
 इथी दुव्वियडा दुन्निसराणा सुक्कपोग्गले अधिट्टाज्जा, सुक्कपोग्गलसंसिट्ठे व से
 वत्थे अंतो जोणीते अणुपवेसेज्जा, सइं वा सा सुक्कपोग्गले अणुपवेसेज्जा परो
 व से सुक्कपोग्गले अणुपवेसेज्जा. सीओदग्गवियडेण वा से आयममाणीते
 सुक्कपोग्गला अणुपवेसेज्जा. इच्चेतेहि पंचहिं ठाणोहि जाव धरेज्जा १ । पंचहि
 ठाणोहिं इथी पुरिसेण सद्धि संवसमाणीवि गव्वं नो धरेज्जा, तंजहा-अप्पत्त-

जोवणा अति-कंतजोवणा जातिवंभा गेलन्नपुट्टा दोमणांसिया ५ इच्चेतेहिं पंचहिं ठणोहिं जाव नो धरेज्जा २ । पंचहिं ठणोहिमित्थी पुरिसेण सद्धिं संवसमाणीवि नो गब्भं धरेज्जा, तंजहा--निच्चोउया अणोउया वावन्नसोया वाविद्धसोया अणंगपडिसेवणी, इच्चेतेहिं पंचहिं ठणोहिमित्थी पुरिसेण सद्धिं संवसमाणीवि गब्भं णो धरेज्जा ३ । पंचहिं ठणोहिं इत्थी पुरिसेण सद्धिं संवसमाणीवि नो गब्भं धरेज्जा तंजहा--उउंमि णो णिगामपडिसेविणी तावि भवति, समागता वा से सुक्कपोग्गला पडिविद्धंसंति उदिन्ने वा से पित्तसोणिते पुरा वा देवकम्मणा पुत्तफले वा नो निहिट्ठे भवति, इच्चेतेहिं जाव नो धरेज्जा ४ ॥ सू० ४१६ ॥ पंचहिं ठणोहिं निग्गंथा निग्गंथीओ य एगतओ ठाणं वा सिज्जं वा निसीहियं वा चेतोमारो णातिकमंति, तंजहा--अत्थेगइया निग्गंथा निग्गंथीओ य एगं महं अगामितं छिन्नावायं दीहमद्धमडविमणुपविट्ठा तत्थेगयतो ठाणं वा सेज्जं वा निसीहियं वा चेतोमारो णातिकमंति १ अत्थेगइया णिग्गंथा (२) गामंसि वा णगरंसि वा जाव रायहाणिसि वा वासं उवागता एगतिया यत्थ उवस्सयं लभंति एगतिता णो लभंति तत्थेगतितो ठाणं वा जाव नातिकमंति २ अत्थेगतिता निग्गंथा य (२) नागकुमारावासंसि वा (सुवराणकुमारावासंसि वा) वासं उवागता तत्थेगयओ जाव णातिकमंति ३ आमोसगा दीसंति ते इच्छंति निग्गंथीओ चीवरपडिताते पडिगाहित्ते तत्थेगयओ ठाणं वा जाव णातिकमंति ४ जुवाणा दीसंति ते इच्छंति निग्गंथीओ मेहुणपडिताते पडिगाहित्ते तत्थेगयओ ठाणं वा जाव णातिकमंति ५ इच्चेतेहिं पंचहिं ठणोहिं जाव नातिकमंति १ । पंचहिं ठणोहिं समणे निग्गंथे अचेलए सचेलियाहिं निग्गंथीहिं सद्धिं संवसमारो नाइकमति, तंजहा--खित्तचित्ते समणे णिग्गंथे निग्गंथेहिमविज्जमारोहिं अचेलए सचेलियाहिं निग्गंथीहिं सद्धिं संवसमारो णातिकमति २ । एव-

भेतेणं गमणं दित्तचित्ते जक्खातिट्ठे उम्मायपत्ते निग्गंथीपव्वावियते समणे
 णिग्गंथेहिं अविज्जमाणोहिं अचेल्लए सचेल्लियाहिं णिग्गंथीहिं सद्धिं संवस-
 माणे णातिक्रमंति ३ ॥ सू० ४१७ ॥ पंच आसवदारा पन्नत्ता तंजहा-
 मिच्छत्तं अविरतो पमादे कसाया जोगा १। पंच संवरदारा पन्नत्ता तंजहा-
 सम्भत्तं विरती अपमादो अकसात्तित्तमजोगित्तं २। पंच दंडा पन्नत्ता तंजहा-
 अट्ठादंडे अणट्ठादंडे हिंसादंडे अकस्मात्तदंडे दिट्ठीविप्परियासितादंडे ३ ॥
 सू० ४१८ ॥ मिच्छदिट्ठियाणं पंच किरिताओ पन्नत्ताओ तंजहा-आरंभिता परि-
 ग्गहिता मातावत्तिता अपच्चक्खाणकिरिया मिच्छादंसणवत्तिता १। मिच्छदिट्ठि-
 याणं नेरइयाणं पंच किरियाओ पन्नत्ताओ तंजहा-जाव मिच्छादंसणवत्तिता
 एवं सव्वेसिं निरन्तरं जाव मिच्छदिट्ठिताणं वेमाणियाणं, नवरं विगलिं-
 दिता मिच्छदिट्ठी ण भन्नंति, सेसं तहेव २। पंच किरियातो पन्नत्ताओ
 तंजहा-कात्तिता अहिगरिणता पातोसिया पारितावणिया पाणातिवात्-
 किरिया ३ गोरइयाणं पंच एवं चैव निरन्तरं जाव वेमाणियाणं १, ४। पंच
 किरिताओ पन्नत्ताओ तंजहा-आरंभिता जाव मिच्छादंसणवत्तिता ४,
 गोरइयाणं पंच किरिता, निरंतरं जाव वेमाणियाणं २, ५। पंच किरियातो
 पन्नत्ताओ तंजहा-दिट्ठिया पुट्ठिया पाडुच्चि(पाडोच्चिता) सामंतोवणिवाइया
 साहत्थिता एवं गोरइयाणं जाव वेमाणियाणं २४, ३, ६। पंच किरियातो
 पन्नत्ताओ तंजहा-णोसत्थिता आणवणिता वेयारणिया अणाभोगवत्तिता
 अणवकंखवत्तिता एवं जाव वेमाणियाणं २४, ४, ७। पंच किरियाओ
 पन्नत्ताओ, तंजहा-पेजवत्तिता दोसवत्तिता पत्रोगकिरिया समुदाणकिरिया
 ईरियावहिया एवं मणुस्साणवि, संसाणं नत्थि ५, ८ ॥ सू० ४१९ ॥
 पंचविहा परिन्ना पन्नत्ता, तंजहा-उवहिपरिन्ना उवस्सयपरिन्ना कसायपरिन्ना
 जोगपरिन्ना भत्तपाणपरिन्ना ॥ सू० ४२० ॥ पंचविहे ववहारे पन्नत्ते,
 तंजहा-आगमे सुत्ते आणा धारणा जीते, जहा से तत्थ आगमे, सिता

आगमेणं ववहारं पट्टवेज्जा, णो से तत्थ आगमे सिया जहा से तत्थ सुते
सिता सुतेणं ववहारं पट्टवेज्जा, णो से तत्थ सुते सिता एवं जाव जहा से
तत्थ जीए सिया जीतेणं ववहारं पट्टवेज्जा, इच्चेतेहिं पंचहिं ववहारं
पट्टवेज्जा आगमेणं जाव जीतेणं, जधा (२) से तत्थ आगमे जाव जीते तहा
(२) ववहारं पट्टवेज्जा, से किमाहु भंते ! आगमबलिया समणा निग्गंथा ?
इच्चेतं पंचविधं ववहारं जता जता जहिं जहिं तथा तता तहिं तहिं अणि-
स्सितोवस्सितं सम्मं ववहरमाणो समणो णिग्गंथे आणाते आराधते भवति ॥
सू० ४२१ ॥ संजतमणुस्साणं सुत्ताणं पंच जागरा पन्नत्ता, तंजहा—सहा
जाव फासा १। संजतमणुस्साणं जागराणं पंच सुत्ता पन्नत्ता, तंजहा—सहा जाव
फासा २। असंजयमणुस्साणं सुत्ताणं वा जागराणं वा पंच जागरा पन्नत्ता,
तंजहा—सहा जाव फासा ३ ॥ सू० ४२२ ॥ पंचहिं ठाणेहिं
जीवा रतं आदिज्जंति, तंजहा—पाणातिवातेणं जाव परिग्गहेणं
१। पंचहिं ठाणेहिं जीवा रतं वमंति, तंजहा—पाणातिवा-
तवेरमणेणं जाव परिग्गहवेरमणेणं २ ॥ सू० ४२३ ॥ पंचमा-
सियं णं भिक्खुपडिमं पडिवन्नस्स अणुगारस्स कप्पंति पंच दत्तीओ
भोयणास्स पडिगाहेत्तते पंच पाणागस्म ॥ सू० ४२४ ॥ पंचविधे उवघाते
पन्नत्ते तंजहा—उग्गमोवघाते उप्पायणोवघाते एसणोवघाते परिकम्मोवघाते
परिहरणोवघाते । पंचविहा विसोही पन्नत्ता, तंजहा—उग्गमविसोही उप्पाय-
णविसोधी एसणाविसोही परिकम्मविसोही परिहरणविसोधी ॥ सू०
४२५ ॥ पंचहिं ठाणेहिं जीवा दुल्लभवोधियत्ताए कम्मं पकरेंति, तंजहा—
अरहंताणं अवननं वदमाणो १ अरहंतपन्नत्तस्स धम्मस्स अवननं वदमाणो
२ आयरियउवज्जभायाण अवननं वदमाणो ३ चाउवन्नस्स संघस्स अवननं
वयमाणो ४ विवकतवबंभचेराणं देवाणं अवननं वदमाणो ५, १ । पंचहिं
ठाणेहिं जीवा सुल्लभवोधियत्ताए कम्मं पकरेंति, तंजहा—अरहंताणं वन्नं

वदमाणो जाव विवक्तवबंभचेराणं देवाणं वन्नं वदमाणो २ ॥ सू० ४२६ ॥
 पंच पडिसंलीणा पन्नत्ता, तंजहा-सोइंदियपडिसंलीणो जाव फासिंदिय-
 पडिसंलीणो । पंच अप्पडिसंलीणा पन्नत्ता, तंजहा-सोतिंदिहअप्पडि-
 संलीणो जाव फासिंदियअप्पडिसंलीणो । पंचविधे संवरे पन्नत्ते, तंजहा-
 सोतिंदियसंवरे जाव फासिंदियसंवरे, पंचविधे असंवरे पन्नत्ते तंजहा-
 सोइंदियअसंवरे जाव फासिंदियअसंवरे ॥ सू० ४२७ ॥ पंचविधे
 संजमे पन्नत्ते तंजहा-सामातितसंजमे छेदोवट्टावणियसंजमे परिहारविसुद्धि-
 तसंजमे सुहुमसंपरागसंजमे अहवस्वायचरित्तसंजमे ॥ सू० ४२८ ॥ एगिं-
 दिया णं जीवा असमारभमाणस्स पंचविधे संजमे कज्जति, तंजहा-पुढ-
 विकातियसंजमे जाव वणस्सतिकातितसंजमे १ । एगिंदिया णं जीवा
 समारभमाणस्स पंचविधे असंजमे कज्जति, तंजहा-पुढविकातितअसंजमे जाव
 वणस्सतिकातितअसंजमे २ ॥ सू० ४२९ ॥ पंचिंदिया णं जीवा असमा-
 रभमाणस्स पंचविधे संजमे कज्जति, तंजहा-सोतिंदितसंजमे जाव फासिंदिय-
 संजमे, १ । पंचिंदिया णं जीवा समारंभमाणस्स पंचविधे असंजमे
 कज्जति, तंजहा-सोतिंदियअसंजमे जाव फासिंदियअसंजमे, २ । सब्बपाण-
 भूयजीवसत्ता णं असमारभमाणस्स पंचविधे संजमे कज्जति, तंजहा-एगिं-
 दितसंजमे जाव पंचिंदियसंजमे ३ । सब्बपाणभूतजीवसत्ता णं समारंभ-
 माणस्स पंचविधे असंजमे कज्जति, तंजहा-एगिंदितअसंजमे जाव पंचिं-
 दियअसंजमे ४ ॥ सू० ४३० ॥ पंचविधा तणवणस्सतिकातिता पन्नत्ता
 तंजहा-अग्गवीया मूलवीया पौरवीया खंधवीया वीयरुहा ॥ सू० ४३१ ॥
 पंचविधे आयारे पन्नत्ते तंजहा-णाणायारे दंसणायारे चरित्तायारे तवा-
 यारे वीरियायारे ॥ सू० ४३२ ॥ पंचविधे आयारपकप्पे पन्नत्ते तंजहा-
 मासित्ते उग्घात्तिते मासिए अणुग्घाइए चउमासिए उग्घाइए चाउम्मासिए
 अणुग्घात्तिते आरोवणा । आरोवणा पंचविधा पन्नत्ता तंजहा-पट्टविया

ठविया कसिणा अकसिणा हाडहडा ॥ सू० ४३३ ॥ जंबुद्वीवे (२) मंदरस्स पव्वयस्स पुरत्थिमे गां सीयाए महानदीए उत्तरेणां पंच वक्खारपव्वता पन्नत्ता तंजहा—मालवंते चित्तकूडे पम्हकूडे णालिणाकूडे एगसेले १ । जंबूमंदरस्स पुरत्थो सीताए महानदीए दाहिणोणां पंच वक्खारपव्वता पन्नत्ता तंजहा—तिकूडे वेसमणाकूडे अंजणो मायंजणो सोमणासे २ । जंबूमंदरस्स पच्चत्थिमेणां सीत्थोताते महाणादीए दाहिणोणां पंच वक्खारपव्वता पन्नत्ता तंजहा—विज्जु-
 प्पभे अंकावती पम्हावती आसीविसे सुहावहे ३ । जंबूमंदरपच्चत्थिमेणां सीतोताते महानदीते उत्तरेणां पंच वक्खारपव्वता पन्नत्ता तंजहा—चंदपव्वते सूरपव्वते णागपव्वते देवपव्वते गंधमादणो ४ । जंबूमंदरदाहिणोणां देव-
 कुराए कुराए पंच महदहा पन्नत्ता तंजहा—निसहदहे देवकुरुदहे सूरदहे सुल-
 सदहे विज्जुप्पभदहे ५ । जंबूमंदरउत्तरकुराते कुराए पंच महदहा पन्नत्ता तंजहा—नीलवंतदहे उत्तरकुरुदहे चंददहे एरावणादहे मालवंतदहे ६ । सव्वेऽवि-
 णां वक्खारपव्वया(तेणां) सीया सीत्थोयात्थो महाणाईत्थो मंदरं वा पव्व-
 तंतेणां पंच जोयणासताइं उट्ठं उच्चत्तेणां पंचगाउयसताइं उव्वेहेणां ७ । धाय-
 इसंडे दीवे पुरिच्छमद्धेणां मंदरस्स पव्वयस्स पुरच्छिमेणां सीताते महाणातीते उत्तरेणां पंच वक्खारपव्वता पन्नत्ता तंजहा—मालवंते एवं जथा जंबुद्वीवे
 तथा जाव पुक्खरवरदीवड्डपच्चत्थिमद्धे वक्खारा दहा य उच्चत्तं भाणियव्वं
 ८ । समयक्खेत्ते णां पंच भरहाइं पंच एरवताइं एवं जथा चउट्टाणो चितीय-
 उद्देसे तथा एत्थवि भाणियव्वं जाव पंच मंदरा पंच मंदरचूलितात्थो,
 णावरं उसुयारा णत्थि ॥ सू० ४३४ ॥ उसभे णां अरहा कोसलिए पंच-
 धणासताइं उट्ठं उच्चत्तेणां होत्था १ । भरहे णां राया चाउरंतक्कवट्ठी पंच
 धणासयाइं उट्ठं उच्चत्तेणां हुत्था २ । बाहुवली णामणागारे एवं चेव ३ ।
 वंभीणाज्जा एवं चेव ४ । एवं सुंदरीवि ५ ॥ सू० ४३५ ॥ पंचहिं
 ठाणोहि सुत्ते विवुज्झज्जा, तंजहा—सद्देणां फासेणां भोयणापरिणामेणां णिइक्ख-

एषां सुविण्णदंसरोणं ॥ सू० ४३६ ॥ पंचहिं ठारोहिं समरो णिग्गंथे
 णिग्गंथिं गिरहमारो वा अवलंबमारो वा णातिक्रमति, तंजहा-निग्गंथिं च णं
 अन्नयरे पसुजातिए वा पक्खिजातिए वा ओहातेजा तत्थ णिग्गंथे णिग्गंथिं
 गिरहमारो वा अवलंबमारो वा नातिक्रमति १ णिग्गंथे णिग्गंथिं दुग्गंसि
 वा विसमंसि वा पक्खलमाणिं वा पवडमाणिं वा गिरहमारो वा अवलंब-
 मारो वा णातिक्रमति २ णिग्गंथे णिग्गंथिं सेतंसि वा पंकंसि वा पण्णंसि
 वा उदगंसि वा उक्खसमाणीं वा उवुज्झमाणीं वा गिरहमारो वा अवलंब-
 मारो वा णातिक्रमति ३ निग्गंथे निग्गंथिं नावं आरुभमारो वा ओरोह-
 मारो वा णातिक्रमति ४, खेत्तइत्तं दित्तइत्तं जक्खाइट्टं उम्मायपत्तं उवसग्गपत्तं
 साहिगरणं सपायच्छित्तं जाव भत्तपाणपडियातिक्खियं अट्टजायं वा निग्गंथे
 निग्गंथिं गेरहमारो वा अवलंबमारो वा णातिक्रमति ५ ॥ सू० ४३७ ॥
 आयरियउवज्झायस्स णं गणंसि पंच अतिसेसा पन्नत्ता तंजहा-आयरिय-
 उवज्झाए अंतो उवस्सगस्स पाए निगिज्झिय (२) पण्णोडेमारो वा पमज्जे-
 मारो वा णातिक्रमति १ आयरियउवज्झाए अंतो उवस्सगस्स उच्चारपासवणं
 विगिंचमारो वा विसोधेमारो वा णातिक्रमति २ आयरियउवज्झाए पभू
 इच्छा वेयावडियं करेज्जा इच्छा णो करेज्जा ३ आयरियउवज्झाए अंतो
 उवस्सगस्स एगरायं वा दुरातं वा एगागी वसमारो णातिक्रमति ४ आय-
 रियउवज्झाए बाहिं उवस्सगस्स एगरातं वा दुरातं वा वममारो णातिक्रमति
 ५ ॥ सू० ४३८ ॥ पंचहिं ठारोहिं आयरियउवज्झायस्स गणावक्कमारो
 पन्नत्ते तंजहा-आयरियउवज्झाए गणंसि आणं वा धारणं वा नो सम्मं
 पउंजित्ता भवति १ आयरियउवज्झाए गणंसि अधारायणियाते कितिकम्मं
 वेणइयं णो सम्मं पउंजित्ता भवति २ आयरियउवज्झाते गणंसि जे सुयप-
 ज्वजाते धारिंति ते काले नो सम्ममाणुपवादेत्ता भवति ३ आयरियउव-
 ज्झाए गणंसि सगणियाते वा परगणियाते वा निग्गंथीते बहिल्लेसे भवति

४ मित्ते णातीगणो वा से गणातो अवक्कमेज्जा तेसिं संगहोवग्गहट्टयाते
गणावक्कमणो पन्नत्ते ५ ॥ सू० ४३१ ॥ पंचविहा इड्डीमंता मणुस्सा पन्नत्ता
तंजहा-अरहंता चक्कवट्ठी बलदेवा वासुदेवा भावियप्पाणो अणगारा ॥
सू० ४४० ॥ पंचमट्टाणस्स विइत्थो उद्देसो ॥

॥ इति पञ्चमस्थानकस्य द्वितीय उद्देशकः ॥ ५-२ ॥

॥ अथ पञ्चमस्थानके तृतीय उद्देशकः ॥

पंच अत्थिकाया पन्नत्ता तंजहा-धम्मत्थिकाते अधम्मत्थिकाते आगा-
सत्थिकाते जीवत्थिकाते पोग्गलत्थिकाए १। धम्मत्थिकाए अवन्ने अगंधे
अरसे अफासे अरुवी अजीवे सासए अवट्टिए लोगदब्बे, से समासत्थो
पंचविधे पन्नत्ते तंजहा-दब्बत्थो खित्तत्थो कालत्थो भावत्थो गुणत्थो,
दब्बत्थो णं धम्मत्थिकाए एगं दब्बं, खेत्ततो लोगपमाणमेत्ते, कालत्थो णं
कयाति णासी न कयाइ न भवति ण कयाइ ण भविस्सइत्ति भुविं भवति
य भविस्सति त धुवे णित्ति ते सारुते अक्खए अव्वते अवट्टिते णिच्चे,
भावतो अवन्ने अगंधे अरसे अफासे, गुणातो गमाणुगो य १, अधम्मत्थि-
काए अवन्ने एवं चेव, णवरं गुणातो ठाणुगो २, आगासत्थिकाए
अवन्ने एवं चेव णवरं खेत्तत्थो लोगालोगपमाणमित्ते गुणातो अवगा-
हणागुणो, सेसं तं चेव ३, जीवत्थिकाए णं अवन्ने एवं चेव, णवरं
दब्बत्थो णं जीवत्थिगाते अणांताइं दब्बाइं, अरुवि जीवे सासते, गुणातो
उवत्थोगगुणो सेसं तं चेव ४, पोग्गलत्थिगाते पंचवन्ने पंचरसे दुग्गंधे
अट्टफासे रूवी अजीवे सासते अवट्टिते जाव दब्बत्थो णं पोग्गलत्थि-
काए अणांताइं दब्बाइं खेत्तत्थो लोगपमाणमेत्ते कालतो ण कयाइ णासि
जाव णिच्चे भावतो वन्नमंते गंधमंते रसमंते फासमंते, गुणातो गहणुगो
॥ सू० ४४१ ॥ पंच गतीतो पन्नत्तात्थो तंजहा-निरयगती तिरियगती

मणुयगती देवगती सिद्धिगती ॥ सू० ४४२ ॥ पंच इंदियत्था पन्नत्ता तंजहा—सोतिंदियत्थे जाव फासिंदियत्थे १ । पंच मुंडा पन्नत्ता तंजहा—सोतिंदियमुंडे जाव फासिंदियमुंडे २ । अहवा पंच मुंडा पन्नत्ता तंजहा—कोहमुंडे माणामुंडे मायामुंडे लोभमुंडे सिरमुंडे ३ ॥ सू० ४४३ ॥ अहेलोगे णं पंच वायरा पन्नत्ता तंजहा—पुढविकाइया आउकाइया वाउकाइया वणस्सइकाइया ओराला तसा पाणा १ । उड्डलोगे णं पंच वायरा पन्नत्ता तंजहा—एवं तं चव २ । तिरियलोगे णं पंच वायरा पन्नत्ता तंजहा—एगिंदिया जाव पंचिंदिता ३ । पंचविधा वायरतेउकाइया पन्नत्ता तंजहा—इंगाले जाला मुम्मुरे अची अलाते ४ । पंचविधा वादरयाउकाइया पन्नत्ता तंजहा—पाईणवाते पडीणवाते दाहिणवाते उदीणवाते विदिसवाते ५ । पंचविधा अचित्ता वाउकाइया पन्नत्ता तंजहा—अक्कंते धंते पीलिए सरीराणुगते संमुच्छिमे ६ ॥ सू० ४४४ ॥ पंच निग्गंथा पन्नत्ता तंजहा—पुलाते वउसे कुसीले णिग्गंथे सिणाते १ । पुलाए पंचविहे पन्नत्ते तंजहा—णाणपुलाते दंसणपुलाते चरित्तपुलाते लिंगपुलाते अहासुहुमपुलाते नामं पंचमे २ । वउसे पंचविधे पन्नत्ते तंजहा—आभोगवउसे अणाभोगवउसे संबुडवउसे असंबुडवउसे अहासुहुमवउसे नामं पंचमे ३ । कुसीले पंचविधे पन्नत्ते तंजहा—णाणकुसीले दंसणकुसीले चरित्तकुसीले लिंगकुसीले अहासुहुमकुसीले नामं पंचमे ४ । नियंठे पंचविहे पन्नत्ते तंजहा—पढमसमयनियंठे अपढमसमयनियंठे चरिमसमयनियंठे अचरिमसमयनियंठे अहासुहुमनियंठे ५ । सिणाते पंचविधे पन्नत्ते तंजहा—अच्छवी, असबले, अकम्मंसे, संसुद्धणाणदंसणधरे अरहा जिणे केवली, अपरिस्सावी ६ ॥ सू० ४४५ ॥ कप्पंति (कप्पइ) णिग्गंथाण वा णिग्गंथीण वा पंच वत्थाइं धारित्तए वा परिहरित्तते वा, तंजहा—जंगिते भंगिते साणते पोत्तिते तिरीडपट्टते णामं पंचमए । कप्पइ निग्गंथाण वा निग्गंथीण वा पंच रयहरणाइं धारित्तए वा परिहरित्तते वा

तंजहा-उरिणाए उद्विते साणते पञ्चापिच्चियते मुंजापिच्चित्ते नामं पंचमए
 ॥ सू० ४४६ ॥ धम्मं चरमाणस्स पंच शिस्साठणा पन्नत्तां तंजहा-छकाए
 गणे राया गिहवती सरीरं ॥ सू० ४४७ ॥ पंच शिही पन्नत्ता तंजहा-पुत्त-
 निही मित्तनिही सिप्पनिही धणाणिही धन्नणिही ॥ सू० ४४८ ॥ सोए पंचविहे
 पन्नत्ते तंजहा-पुढविसोते आउसोते तेउसोते मंतसोते बंभसोते ॥ सू० ४४९ ॥
 पंच ठाणाइं छउमत्थे सब्बभावेणं ण जाणति ण पासति, तंजहा-धम्मत्थि-
 कातं अधम्मत्थिकातं आगासत्थिकायं जीवं असरीरपडिबद्धं परमाणुपोग्गलं,
 एयाणि चैव उप्पन्ननाणदंसणधरे अरहा जिणे केवली सब्बभावेणं जाणति
 पासति धम्मत्थिकातं जाव परमाणुपोग्गलं ॥ सू० ४५० ॥ अधोलोगे णं
 पंच अणुत्तरा महतिमहालता महानिरया पन्नत्ता तंजहा-काले महाकाले
 रोरुते महारोरुते अप्पतिट्ठाणे १ । उड्डलोगे णं पंच अणुत्तरा महतिमहा-
 लता महाविमाणा पन्नत्ता तंजहा-विजये विजयंते जयंते अपराजिते सब्बट्ठ-
 सिद्धे २ ॥ सू० ४५१ ॥ पंच पुरिसजाता पन्नत्ता तंजहा-हिरिसत्ते
 हिरिमणसत्ते चलसत्ते चिरसत्ते उदतणसत्ते ॥ सू० ४५२ ॥ पंच मच्छा
 पन्नत्ता तंजहा-अणुसोतचारी पडिसोतचारी अंतचारी मज्झचारी सब्बचारी,
 एवामेव पंच भिक्खागा पन्नत्ता तंजहा-अणुसोयचारी जाव सब्बसोयचारी
 ॥ सू० ४५३ ॥ पंच वणीमगां पन्नत्ता तंजहा-अतिहिवणीमते किविण-
 वणीमते माहणवणीमते साणवणीमते समणवणीमते ॥ सू० ४५४ ॥
 पंचहिं ठाणोहिं अचेलए पसत्थे भवति, तंजहा-अप्पा पडिलेहा, लाघविए
 पसत्थे, रूवे वेसांसिते, तवे अणुन्नाते, विउले इंदियनिग्गहे ॥ सू० ४५५ ॥
 पंच उक्कला पन्नत्ता तंजहा-दंडुकले रज्जुकले तेणुकले देसुकले सब्बुकले
 ॥ सू० ४५६ ॥ पंच समितीतो पन्नत्ताओ तंजहा-ईरियासमिती भास-
 समिती जाव पारिट्ठावणियासमिती ॥ सू० ४५७ ॥ पंचविधा संसारसमा-
 वन्नगा जीवा पन्नत्ता तंजहा-एगिंदिता जाव पंचिंदिता १ । एगिंदिया

पंचगतिइया पंचागतिता पन्नत्ता, तंजहा-एगिंदिए एगिंदितेसु उववज्जमाणे
 एगिंदितेहिंतो जाव पंचिंदिएहिंतो वा उववज्जेजा, से चेव णं से एगिंदिए
 एगिंदितत्तं विप्पजहमाणे एगिंदितत्ताते वा जाव पंचिंदितत्ताते वा गच्छेजा
 २ । वैदिया पचगतिता पंचागइया एवं चेव ३ । एवं जाव पंचिंदिया
 पंचगतिता पंचागइया पन्नत्ता तंजहा-पंचिंदिया जाव गच्छेजा ४ ५-६ ।
 पंचविधा सब्बजीवा पन्नत्ता तंजहा-कोहकसाई जाव लोभकसाई अकसाती
 ७ । अहवा पंचविधा सब्बजीवा पन्नत्ता तंजहा-नेरइया जाव देवा सिद्धा
 ८ ॥ सू० ४५८ ॥ अह भंते ! कमलसूर-तिलमुग्गमास-णिप्पावकुलत्थआ-
 (अ)लिसंदग्गसतीण-पल्लिमंथगाणं एतेसि णं धन्नाणं कुट्टाउत्ताणं जघा सालीणं
 जाव केवतितं कालं जोणी संचिट्ठति ?, गोयमा ! (मा) जहराणेणं
 अंतोमुहुत्तंउक्कोसेणं पंच संवच्छराइं, तेण परं जोणी पमिलायति जाव
 तेण परं जोणीवोच्छेदे पराणत्ते ॥ सू० ४५९ ॥ पंच संवच्छरा पन्नत्ता,
 तंजहा-णक्खत्तसंवच्छरे जुगसंवच्छरे पमाणसंवच्छरे लक्खणासंवच्छरे
 सणिंत्तरसंवच्छरे १ । जुगसंवच्छरे पंचविहे पन्नत्ते तंजहा-चंदे चंदे अभिव-
 ड्ढिते चंदे अभिवड्ढिते चेव । पमाणसंवच्छरे पंचविहे पन्नत्ते तंजहा-
 नक्खत्ते चंदे ऊऊ आदिच्चे अभिवड्ढिते ३ । लक्खणासंवच्छरे पंचविहे
 पन्नत्ते तंजहा-समगं नक्खत्ता जोगं जोयंति समगं उडू परिणमंति ।
 णच्चुराहं णातिसीतो बहूदतो होति नक्खत्ते ॥१॥ ससिसगलपुराणमासी
 जोतेती विसमचारणक्खत्ते । कडुतो बहूदतो (या) तमाहु संवच्छरं चंदं
 ॥२॥ विममं पवाल्लिणो परिणमन्ति अणुइसु देंति पुष्पफलं । वासं ण
 सम्मं वासति तमाहु संवच्छरं कम्मं ॥३॥ पुढविदगाणं तु रसं पुष्पफलाणं
 तु देइ आदिच्चो । अप्पेणवि वासेणं सम्मं निप्फज्जे सस्सं (सासं) ॥४॥
 आदिच्चतेयतविता खणालवदिवसा उऊ परिणमंति । पूरिति रेणुथलताइं
 (पुरेइ य थलयाइं) तमाहु अभिवड्ढितं जाण ॥५॥ ॥सू० ४६०॥ पंचविधे

जीवेस्स णिज्जाणमग्गे पन्नत्ते तंजहा—पातेहिं ऊरुहिं उरेणं सिरेणं सव्वंगेहिं,
 पाएहिं णिज्जाणमारो निरयंगामी भवति, ऊरुहिं णिज्जाण(य)मारो तिरियगामी
 भवति, उरेणं निज्जायमारो मणुयगामी भवति, सिरेणं णिज्जायमारो देवगामी
 भवति, सव्वंगेहिं (सव्वेहिं) निज्जायमारो सिद्धिगतिपज्जवसारो पराणत्ते
 ॥ सू० ४६१ ॥ पंचविहे छेयणो पन्नत्ते, तंजहा—उप्पायछेयणो वियच्छेयणो
 बंधच्छेयणो पएस(पंथ)च्छेयणो दोधारच्छेयणो १। पंचविधे अणान्तरिए पन्नत्ते
 तंजहा—उप्पातयणान्तरिते वितणान्तरिते पतेसाणान्तरिते समताणान्तरिए सामराणा-
 णान्तरिते २। पंचविधे अणान्ते पन्नत्ते तंजहा—णामणान्ते ठवणाणान्ते दव्वा-
 णान्ते गणणाणान्ते पदेसाणान्ते, अहवा पंचविहे अणान्ते पन्नत्ते तंजहा—
 एगंतोअणान्ते दुहतोणान्ते देसवित्थारणान्ते सव्ववित्थारणान्ते सासया-
 णान्ते ॥ सू० ४६२ ॥ पंचविहे णारो पन्नत्ते तंजहा—आभिणिवोहियणारो
 सुयणारो ओहिणारो मणपज्जवणारो केवलणारो ॥ सू० ४६३ ॥ पंचविहे-
 णाणावरणिज्जे कम्मे पन्नत्ते तंजहा—आभिणिवोहियणाणावरणिज्जे जाव
 केवलनाणावरणिज्जे ॥ सू० ४६४ ॥ पंचविहे सज्भाए पन्नत्ते तंजहा—
 वायणा पुच्छणा परियट्टणा अणुप्पेहा धम्मकहा ॥ सू० ४६५ ॥ पंच-
 विहे पन्नत्तारो पन्नत्ते तंजहा—सदहणसुद्धे विणयसुद्धे अणुभासणासुद्धे
 अणुपालणासुद्धे भावसुद्धे ॥ सू० ४६६ ॥ पंचविहे पडिकमणो पन्नत्ते
 तंजहा—आसवदारपडिकमणो मिच्छत्तपडिकमणो कसायपडिकमणो जोग-
 पडिकमणो भावपडिकमणो ॥ सू० ४६७ ॥ पंचहिं ठारोहिं सुत्तं वाएज्जा,
 तंजहा—संगहट्टयाते उवग्गहणट्टयाते णिज्जरणट्टयाते सुत्ते वा मे पज्जवयाते
 भविस्सति सुत्तस्म वा अवोच्छित्तिणयट्टयाते १। पंचहिं ठारोहिं सुत्तं
 सिक्खिज्जा, तंजहा—णाणट्टयाते दंसणट्टयाते चरित्तट्टयाते बुग्गहविमोतण-
 ट्टयाते अहत्ये वा भावे जाणिस्सामीतिकट्टु ॥ सू० ४६८ ॥ सोहम्मी-
 सारोसु णं कप्पेसु विमाणा पंचवराणा पन्नत्ता, तंजहा—किणहा जाव सुक्खिहा

१ । सोहम्मीसाणोसु . गां कप्पेसु विमाणा पंचजोयणासयाइं उड्डं उच्चत्तेणं पन्नत्ता २ । वंभलोगलंतत्तेसु गां कप्पेसु देवाणं भवधारणिज्जसरीरगा उक्को-
 सेणं पंचरयणी उड्डं उच्चत्तेणं पन्नत्ता ३ । नेरइया. णं पंचवन्ने पंचरसे
 पोग्गले वंधेसु वा वंधंति वा, वंधिस्संति वा, तंजहा-किराहे जाव सुक्कित्ते,
 तित्ते जाव मधुरे, एवं जाव वेमाणिता २४, ४ ॥ सू० ४६१ ॥ जंबुद्वीवं
 (२) मंदरस्स पव्वयस्स दाहिणेणं गंगा महानदी पंच महानदीओ समप्पेति,
 तंजहा-जउणा सरुअ आदी कोसी मही १ । जंबूमंदरस्स दाहिणेणं
 सिंधुमहाणादी पंच महानदीओ समप्पेति, तंजहा-सतद्दू विभासा वितत्था
 एरावती चंदभागा २ । जंबूमंदरस्स उत्तरेणं रत्तामहानई पंच महानईओ
 समप्पेति, तंजहा-किराहा महाकिराहा नीला महानीला महातीरा ३ ।
 जंबूमंदरस्स उत्तरेणं रत्तावतीमहानई पंच महानईओ समप्पेति, तंजहा-इंदा
 इंदसेणा सुसेणा वारिसेणा महाभोया ४ ॥ सू० ४७० ॥ पंच तित्थगरा
 कुमारवासमज्जावसित्ता (मज्जेवसित्ता) मुंडा जाव पव्वत्तिता, तंजहा-
 वासुपुज्जे मल्ली अरिट्ठनेमी पासे वीरे ॥ सू० ४७१ ॥ चमरचंचाए राय-
 हाणीए पंच सभा पन्नत्ता तंजहा-सभा सुधम्मा उववातसभा अभिसेयसभा
 अलंकारितसभा ववसातसभा १ । एगमेगे णं इंदट्टाणे णं पंच सभाओ
 पन्नत्ताओ, तंजहा-सभा सुहम्मा जाव ववसातसभा ॥ सू० ४७२ ॥
 पंच गावखत्ता पंचतारा पन्नत्ता तंजहा-धणिंटा रोहिणी पुणाव्वसू हत्थो
 विसाहा ॥ सू० ४७३ ॥ जीवाणं पंचट्टाणाणिव्वित्तिते पोग्गले पावकम्म-
 चांते चिणिसु वा चिणंति वा चिणिस्संति वा, तंजहा-एगिंदितनिव्वत्तिते जाव
 पंचिंदितनिव्वत्तिते १ । एवं-‘चिणा उवचिणा वंध उदीर वेद तह शिज्जरा चेव’
 २ । पंचपत्तेसिता खंधा अणांता पराणात्ता, पंचपत्तेसोगाढा पोग्गला अणांता
 पराणात्ता जाव पंचगुणालुक्खा पोग्गला अणांता पराणात्ता ३ ॥ सू० ४७४ ॥

पंचमट्टाणास्स त्तेओ उद्देसो । पंचमज्जकयणं समत्तं ॥

इति पञ्चमस्थानकस्य तृतीयोद्देशकः ॥ ५-३ ॥ इति पञ्चममध्ययनम् ॥ ५ ॥

॥ अथ षष्ठस्थानकार्ख्यं षष्ठमध्ययनम् ॥

छहिं ठाणोहि संपन्ने अण्णगारे अरिहति गणां धारित्ते, तंजहा-
सद्धी पुरिसजाते, सच्चे पुरिसजाते, मेहावी पुरिसजाते, बहुस्सुते
पुरिसजाते, सत्तिमं, अप्पाधिकरणो ॥ सू० ४७५ ॥ छहिं ठाणोहिं निग्गंथे
निग्गंथिं गिरहमाणो वा अवलंबमाणो वा नाइक्कमइ, तंजहा-खित्तचित्तं
दित्तचित्तं जक्खातिट्ठं उम्मातपत्तं उवसग्गपत्तं साहिकरणं ॥ सू० ४७६ ॥
छहिं ठाणोहिं निग्गंथा निग्गंथीओ य साहम्मितं कालगतं समायरमाणा
णाइक्कमंति, तंजहा-अंतोहितो वा बाहिं णीणोमाणा, बाहीहितो वा
निव्वाहिं णीणोमाणा, उवेहमाणा वा, उवासमाणा वा (भयमाणा वा,
उवसामेमाणा वा) अण्णन्नवेमाणा वा, लुसिणीते वा संपव्वयमाणा ॥ सू०
४७७ ॥ छ ठाणाइं छउमत्थे सब्बभावेणां ण जाणति ण पासति, तंजहा-
धम्मत्थिकायमधम्मत्थिकातं आयासं जीवमसरीरपडिबद्धं परमाणुपोग्गलं
सहं १। एताणि चेव उप्पन्ननाणदंसणधरे अरहा जिणे जाव सब्बभावेणां
जाणति पासति, तंजहा-धम्मत्थिकातं जाव सहं २ ॥ सू० ४७८ ॥ छहिं
ठाणोहिं सब्बजीवाणां णत्थि इद्धीति वा जुत्तीति वा, जसेइ वा बलेति वा
वीरिएइ वा पुरिसक्कारपरक्कमेति वा, तंजहा- जीवं वा अजीवं करणाताते,
अजीवं वा जीवं करणाताते, एगसमएणां वा दो भासातो भासित्तते, सयं
कडं वा कम्मं वेदेमि वा मा वा वेएमि, परमाणुपोग्गलं वा छिंदित्तए वा
भिंदित्तए वा अगणिकातेण वा समोदहित्तते, बहिता वा लोगंता गमणाताते
॥ सू० ४७९ ॥ छजीवनिकाया पन्नत्ता, तंजहा-पुढविकाइया जाव तस-
काइया ॥ सू० ४८० ॥ छ तारगहा पन्नत्ता तंजहा-सुक्के बुहे बहस्सति
अंगारते सनिच्चरे केतू ॥ सू० ४८१ ॥ छव्विहा संसारसमावन्नगा जीवा
पन्नत्ता. तंजहा-पुढविकाइया जाव तसकाइया १। पुढविकाइया छगइया
छआगतिता पन्नत्ता, तंजहा-पुढविकाइयाते पुढविकाइएसु उववज्जमाणो पुढवि-

काइएहितो वा जाव तसकाइएहितो वा उववज्जेजा, मो चैव गां से पुढ-
विकातिते, पुढविकातितत्तं विप्पजहमारो पुढविकातितत्ताते वा जाव तस-
कातितत्ताते वा गच्छेजा, आउकातिथावि छगतिता छयागतिता, एवं चैव
जाव तसकातिता ॥ सू० ४=२ ॥ छ्विहा सव्वजीवा पन्नत्ता, तंजहा-
आभिणिवोहियणाणी जाव केवलणाणी अन्नाणी, अहवा छ्विधा सव्व-
जीवा पन्नत्ता तंजहा-एगिंदिया जाव पंचिंदिया अणिंदिया, अहवा छ्विहा
सव्वजीवा पन्नत्ता तंजहा-ओरालियसरीरी वेउव्वियसरीरी आहारग-
सरीरी तेअगसरीरी कम्मगसरीरी असरीरी ॥ सू० ४=३ ॥ छ्विहा
तणवणस्सतिकातिता पन्नत्ता तंजहा-अग्गवीया मूलवीया पोरवीया खंधवीया
वीयरुहा संमुच्छिमा ॥ सू० ४=४ ॥ छट्टाणाइं सव्वजीवाणां गो सुलभाइं
भवन्ति, तंजहा-माणुस्सए भवे, आयरिए (आरिये) खित्ते जम्मं, सुकुत्ते पच्चा-
याती, केवलिपन्नत्तस्स धम्मस्स सवणाता, सुयस्स वा सदहणाता, सदहितस्स
वा पत्तितस्स वा रोइतस्स वा सम्मं काएणां फासणया ॥ सू० ४=५ ॥ छ
इंदियत्था पन्नत्ता, तंजहा-सोइंदियत्थे जाव फासिंदियत्थे नोइंदियत्थे ॥ सू०
४=६ ॥ छ्विहे संवरे पन्नत्ते तंजहा-सोतिंदियसंवरे जाव फासिंदियसंवरे
णोइंदितसंवरे, छ्विहे असंवरे पन्नत्ते, तंजहा-सोइंदियअसंवरे जाव फासि-
दितअसंवरे णोइंदितअसंवरे ॥ सू० ४=७ ॥ छ्विहं साते पन्नत्ते, तंजहा-
सोइंदियासाते जाव नोइंदियसाते, छ्विहे असाते पन्नत्ते, तंजहा-
सोतिंदितअसाते जाव नोइंदितअसाते ॥ सू० ४=८ ॥ छ्विहे
पायच्छित्ते पन्नत्ते, तंजहा-आलोयणारिहे पडिक्कमणारिहे तदुभयारिहे
विवेगारिहे विउस्सगारिहे तवारिहे ॥ सू० ४=९ ॥ छ्विहा
माणुस्सगा पन्नत्ता, तंजहा-जंबूदीवगा, धायइसंडदीवपुरच्छिमद्धगा, धात-
तिसंडदीवपच्चत्थिमद्धगा, पुक्खरवरदीवडुपुरत्थिमद्धगा, पुक्खरवरदीवडु-
पच्चत्थिमद्धगा, अंतरदीवगा, अहवा छ्विहा माणुस्सा पन्नत्ता, तंजहा-

संमुच्छ्रिममणुस्सा० ३-कम्मभूमगा १ अकम्मभूमगा २ अंतरदीवगा ३, गम्भ-
वक्कंतिअमणुस्सा० ३-कम्मभूमिगा १ अकम्मभूमिगा २ अंतरदीवगा ३
॥ सू० ४१० ॥ छ्विहा इट्ठीमंता मणुस्सा पन्नत्ता, तंजहा-अरहंता चक्क-
वट्टी बलदेवा वासुदेवा चारणा विजाहरा । छ्विहा अण्णिट्ठीमंता मणुस्सा
पन्नत्ता, तंजहा-हेमवंतगा हेरन्नवंतगा हरिवंसगा रम्मगवंसगा कुरुवासिणो
अंतरदीवगा ॥ सू० ४११ ॥ छ्विहा ओसप्पिणी पन्नत्ता तंजहा-सुसम-
सुसमा जाव दूसमदूसमा १ । छ्विहा ओसप्पिणी पन्नत्ता तंजहा-दुस्स-
मदुस्समा जाव सुसमसुसमा २ ॥ सू० ४१२ ॥ जंबुद्वीवे (२) भरहेरवएसु
वासेसु तीताए उस्सप्पिणीते सुसमसुसमाते समाए मणुया छच्च धणुसहस्साइं
उड्डमुच्चत्तेणं हुत्था, छच्च अद्धपल्लिओवमाइं परमाउं पालयित्था १ । जंबुद्वीवे
(२) भरहेरवतेसु वासेसु इमीसे ओसप्पिणीते सुसमसुसमाते समाए एवं
चेव २ । जंबुद्वीवे (२) भरहेरवते आगमेस्साते उस्सप्पिणीते सुसमसुसमाते
समाए एवं चेव जाव छच्च अद्धपल्लिओवमाइं परमाउं पालतिस्संति ३ । जंबु-
द्वीवे (२) देवकुरुउत्तरकुरासु मणुया छच्चधणुसहस्साइं उड्डं उच्चत्तेणं पन्नत्ता, छच्च
अद्धपल्लिओवमाइं परमाउं पालेति ४ । एवं धायइसंडदीवपुरच्छ्रिमद्धे चत्तारि
आलावगा जाव पुक्खरवरदीवड्डपच्चच्छ्रिमद्धे चत्तारि आलावगा ५ ॥
सू० ४१३ ॥ छ्विहे संघयणे पन्नत्ते तंजहा-वतिरोसभणारातसंघयणे उस्स-
भणारायसंघयणे नारायसंघयणे अद्धनारायसंघयणे खीलितासंघयणे छे(से)व-
ट्टसंघयणे ॥ सू० ४१४ ॥ छ्विहे संघाणे पन्नत्ते तंजहा-समच्चउरंसे
गाग्गोहपरिमंडले साती खुज्जे वामणे हुँडे ॥ सू० ४१५ ॥ छ्ठाणा अण-
त्तवओ अहिताते असुभाते अस्समाते अनीसे(य)साए अणुगामियत्ताते
भवन्ति, तंजहा-परिताते परिताले सुते तवे लाभे पूतासकारे १ । छ्ठाणा
अत्तवता हिताते जाव अणुगामियत्ताते भवन्ति, तंजहा-परिताते परिताले
जाव पूतासकारे २ ॥ सू० ४१६ ॥ छ्विहा जाइआरिया मणुस्सा पन्नत्ता,

तंजहा—अंबद्धा य कलंदा य, वेदेहा वेदिगातिता । हरिता चुंचुणा चैव,
 झुप्पेता इम्भजातित्रो ॥ १ ॥ छ्विधा कुलारिता मणुस्सा पन्नत्ता, तंजहा—
 उग्गा भोगा राइन्ना इक्खागा णाता कोरव्वा ॥ सू० ४१७ ॥ छ्विधा
 लोगट्टिती पन्नत्ता तंजहा—आगासपतिट्टिते वाए वायपतिट्टिए उदही उदधि-
 पतिट्टिता पुढ्वी पुढ्विपइट्टिया तसा थावरा पाणा अजीवा जीवपइट्टिया
 जीवा कम्मपतिट्टिया ॥ सू० ४१८ ॥ छ्हिसात्रो पन्नत्तात्रो तंजहा—पातीणा
 पडीणा दाहिणा उतीणा उट्टा अथा १। छ्हिं दिसाहि जीवाणं गती पव-
 त्ति, तंजहा—पाणाते जाव अथाते २ एवमागई ३ वक्कंती ४ आहारे ५
 बुद्धी ६ निबुद्धी ७ विगुव्वणा = गतिपरिताते ८ समुग्घाते ९० काल-
 संजोगे ११ दंसणाभिगमे १२ णाणाभिगमे १३ जीवाभिगमे १४ अजीवा-
 भिगमे १५, एवं पंचिंदियतिरिक्खजोगियाणावि मणुरसाणावि १६ ॥ सू०
 ४१९ ॥ छ्हिं ठाणेहिं समणे निग्गंथे आहारमाहारमारो णातिकमति,
 तंजहा—वेयणावेयावच्चे ईरियट्टाए य संजमट्टाए । तह पाणावत्तियाए छट्ठं
 पुण धम्मचिंताए ॥ १ ॥ छ्हिं ठाणेहिं समणे निग्गंथे आहारं वोच्छिद-
 माणे णातिकमति, तंजहा—आतंके उवसग्गे तित्तिक्खणे वंभचेरगुत्तीते ।
 पाणिदयातवहेउं सरीरवुच्छेयणाट्टाए ॥ १ ॥ सू० ५०० ॥ छ्हिं ठाणेहिं
 आया उम्मायं(उम्मायपमायं) पाउणेज्जा, तंजहा—अरहंताणमवराणं वदमारो,
 अरहंतपन्नत्तस्स धम्मस्स अवन्नं वदमारो, आयरियउवज्ज्जायाणमवन्नं वद-
 मारो, चाउव्वन्नस्स संघस्स अवन्नं वदमारो, जक्खावेसेण चैव, मोहणिज्जस्स
 चैव कम्मस्स उदएणं ॥ सू० ५०१ ॥ छ्विधे पमाते पन्नत्ते, तंजहा—मज्ज-
 पमाए णिहपमाते विसयपमाते कसायपमाते जूतपमाते पडिलेहणापमाए
 ॥ सू० ५०२ ॥ छ्विधा पमायपडिलेहणा पन्नत्ता, तंजहा—आरभडा
 संमहा वज्जेयव्वा य मोसली ततिता (अट्टाणव्वणाय) । पफोडणा चउत्थी
 वक्खित्ता वेतिया छट्ठी ॥ १ ॥ छ्विधा अप्पमायपडिलेहणा पन्नत्ता तंजहा—

अण्चावितं अवलितं अणाणुबंधिं अमोसलिं चैव । छप्पुरिमा नव खोडा-
पाणी पाणविसोहणी ॥ २ ॥ सू० ५०३ ॥ छ लेसाथो पन्नत्ताथो,
तंजहा-करहलेसा जाव सुक्कलेसा १। पंचिंदियतिरिक्खजोगियाणां छ
लेसाथो पन्नत्ताथो, तंजहा-करहलेसा जाव सुक्कलेसा, एवं मणुस्सदेवाणवि
२ ॥ सू० ५०४ ॥ सक्कस्स णं देविंदस्स देवरन्नो सोमस्स महारन्नो छ
अग्गमहिसीतो पन्नत्ताथो, सक्कस्स णं देविंदस्स देवरणो जमस्स महारन्नो
छ अग्गमहिसीथो पन्नत्ताथो ॥ सू० ५०५ ॥ ईसाणस्स णं देविंदस्स
मज्झिमपरिसाए देवाणां छ पलिथोवमाइं ठितीं पन्नत्ता ॥ सू० ५०६ ॥
छ दिसिक्कुमारिमहत्तरितातो पन्नत्ताथो, तंजहा-रूता रूतंसां सुख्खा
रूपवती रूपकंता रूतप्पभा १। छ विज्जुक्कुमारिमहत्तरितातो पन्नत्ताथो, तंजहा-
आला सक्का (अला मक्का) सतेरा सोतामणी इंदा घणाविज्जुया २
॥ सू० ५०७ ॥ धरणास्स णं नागकुमारिंदस्स नागकुमाररन्नो छ
अग्गमहिसीथो पन्नत्ताथो तंजहा-आला सक्का सतेरा सोतामणी इंदा
घणाविज्जुया १। भूताणांदस्स णं नागकुमारिंदस्स नागकुमाररन्नो छ
अग्गमहिसीथो, पन्नत्ताथो, तंजहा-रूवा रूवंसां सुख्खा रूपवती रूपकंता
रूपप्पभा २। जथा धरणास्स तथा सव्वेसिं दाहिणिल्लाणां जाव घोसस्स ३।
जथा भूताणांदस्स तथा सव्वेसिं उत्तरिल्लाणां जाव महाघोसस्स ४।
॥ सू० ५०८ ॥ धरणास्स णं नागकुमारिंदस्स नागकुमाररन्नो छस्सा-
माणियसाहस्सीथो पराणत्तातो, एवं भूताणांदस्सवि जाव महाघोसस्स ॥ सू०
५०९ ॥ छ्विहा उग्गहमती पन्नत्ता, तंजहा-खिप्पमोगिराहति बहुमोगिराहति
बहुविधमोगिराहति धुवमोगिराहति अणिसियमोगिराहइ असंदिद्धमोगिराहइ
१। छ्विहा ईहामती पन्नत्ता, तंजहा-खिप्पमीहति बहुमीहति जाव असंदिद्ध-
मीहति २। छ्विधा अवायमती पन्नत्ता, तंजहा-खिप्पमवेति जाव असंदिद्धं
अवेति ३। छ्विधा धारणा पन्नत्ता, तंजहा-बहुं धारेइ बहुविहं धारेइ पोरणां

धारेति दुद्धरं धारेति अणिसितं धारेति असंदिद्धं धारेति १ ॥ सू० ५१० ॥
 छविहे बाहिरते तवे पन्नत्ते तंजहा-अणसणं ओमोदरिया भिक्खातरिता
 रसपरिचाते कायकिलेसो पडिसंलीनता १। छविधे अब्भंतरिते तवे
 पन्नत्ते, तंजहा-पायच्छित्तं विणओ वेयावच्चं तहेव सज्जाओ भाणं
 विउस्सगो २। ॥ सू० ५११ ॥ छविहे विवादे पन्नत्ते, तंजहा-
 ओसकत्तित्ता उस्सकइत्ता (ओसल्लवइत्ता उस्सकावइत्ता) अणुलोमइत्ता
 पडिलोमत्तित्ता भइत्ता भेलत्तित्ता (भेयइत्ता) ॥ सू० ५१२ ॥
 छविहा खुड्डा पाणा पन्नत्ता, तंजहा-वेदिता तेइदित्ता चउरिंदित्ता
 संमुच्छिमपंचिदिततिरिक्खजोगिता तेउकत्तित्ता वाउकत्तित्ता ॥ सू० ५१३ ॥
 छविवा गोयरचरिता पन्नत्ता, तंजहा-पेडा अद्धपेडा गोमुत्तित्ता
 प्तंगविहित्ता संवुक्कवट्टा गंतुपवागता ॥ सू० ५१४ ॥ जंबुहीवे (२)
 मंदरस्स पव्वयस्स य दाहिलोणामिमीसे रतणप्पभाते पुट्ठीए छ अवक्कं(कं)
 तमहानिरता पन्नत्ता, तंजहा-लोले लोलुए उदइहे निदइहे जरते पज्जरते १।
 चउत्थीए णं पंक्कप्पभाए पुट्ठीते छ अवक्कंता महानिरता पन्नत्ता, तंजहा-
 आरे वारे मारे रोरे रोस्ते खाडखडे २ ॥ सू० ५१५ ॥ वंभलोगे णं
 कप्पे छ विमाणपत्थडा पन्नत्ता, तंजहा-अरते विरते णीरते निम्मले
 वितिमिरे विसुद्धे ॥ सू० ५१६ ॥ चंदस्स णं जोतिसिंदस्स जोतिसरन्नो
 छ णक्खत्ता पुव्वंभागा समखेत्ता तीसतिमुहुत्ता पन्नत्ता, तंजहा-पुव्वा-
 भइवया कत्तित्ता महा पुव्वाफग्गुणी मूलो पुव्वासाढा १। चंदस्स णं
 जोतिसिंदस्स जोतिसररणो छ णक्खत्ता णत्तंभागा अवइक्खेत्ता पन्नर-
 समुहुत्ता पन्नत्ता, तंजहा-सयमिसता भरणी अहा अस्सेसा साती जेट्टा २।
 चंदस्स णं जोइसिंदस्स जोतिसरन्नो छ नक्खत्ता उभयंभागा दिवइक्खेत्ता
 पणयालीसमुहुत्ता पन्नत्ता, तंजहा-रोहिणी पूणव्वसू उत्तराफग्गुणी विसाहा
 उत्तरासाढा उत्तराभइवया ३ ॥ सू० ५१७ ॥ अभिचंदे णं कुलकरे छ

धणुसयाइं उड्डं उच्चत्तेणं हुत्था ॥ सू० ५१८ ॥ भरहे णं राया चाउरंत-
चकवट्टी छ पुव्वसतसहस्साइं महाराया हुत्था ॥ सू० ५१९ ॥ पासस्स
णं अरहत्थो पुरिसादाणियस्स छ सता वादीणं सदेवमणुयासुराते
परिसाते अपराजियाणं जाव संपया होत्था । वासुपुज्जे णं अरहा छहिं
पुरिससतेहिं सद्धि मुंडे जाव पव्वइते । चंदप्पमे णं अरहा छम्मासे
छउमत्थे हुत्था ॥ सू० ५२० ॥ तेतिंदियाणं जीवाणं असमारभमाणस्स
छव्विहे संजमे कज्जति, तंजहा-घाणामातो सोक्खातो अवरोवेत्ता भवति
घाणामएणं दुक्खेणं असंजोएत्ता भवति, जिब्भामातो सोक्खातो अवरोवेत्ता
भवइ, जिब्भामएणं दुक्खेणं असंजोगेत्ता भवति, एवं चैव फासामातोऽवि
१ । तेइंदियाणं जीवाणं समारभमाणस्स छव्विहे असंजमे कज्जति, तंजहा-
घाणामातो सोक्खातो ववरोवेत्ता भवति, घाणामएणं दुक्खेणं संजोगेत्ता
भवति, जाव फासमतेणं दुक्खेणं संजोगेता भवति ॥ सू० ५२१ ॥
जंबुद्दीवे (२) छ अकम्मभूमीत्थो पन्नतात्थो, तंजहा-हेमवते हेरगणवते हरि-
वस्से रम्मगवासे देवकुरा उत्तरकुरा १ । जंबुद्दीवे (२) छव्वासा पन्नत्ता,
तंजहा-भरहे एरवते हेमवते हेरन्नवए हरिवासे रम्मगवासे २ । जंबुद्दीवे
(२) छ वासहरपव्वता पन्नत्ता, तंजहा-चुल्लहिमवंते महाहिमवंते निसढे नील-
वंते रूपि सिहरी ३ । जंबूमंदरदाहिणे णं छ कूडा पन्नत्ता, तंजहा-चुल्लहि-
मवंतकूडे वेसमाणकूडे महाहिमवंतकूडे वेरुलितकूडे निसढकूडे रुयगकूडे ४ ।
जंबूमंदरउत्तरे णं छ कूडा पन्नत्ता, तंजहा-नेलवंतकूडे उवदंसणकूडे रूपिकूडे
मणिकंचणकूडे सिहरिकूडे तिगिच्छकूडे ५ । जंबुद्दीवे (२) छ महइहा पन्नत्ता,
तंजहा-पउमदहे महापउमदहे तिगिच्छदहे केसरिदहे महापोंडरीयदहे पुं डरी-
यदहे ६ । तत्थ णं छ देवयात्थो महड्डियात्थो जाव पलित्थोवमट्ठितीतातो
परिवसंति, तंजहा-सिरि हिरि धिति कित्ति बुद्धि लच्छी ७ । जंबूमंदर-
दाहिणे णं छ महानईत्थो पन्नत्तात्थो, तंजहा-गंगा सिंधू रोहिया रोहितंसा

हरी हरिकंता ८ । जंबूमंदरउत्तरे णं छ महानतीतो पन्नत्ताओ, तंजहा-
 नरकंता नारिकंता सुवन्नकूला रूपकूला रत्ता रत्तावती ९ । जंबूमंदरपुर-
 च्छिमे णं सीताते महानदीते उभयकूले छ अंतरनईओ पन्नत्ताओ, तंजहा-
 गाहावती दहावती पंकवती तत्तजला मत्तजला उम्मत्तजला १० । जंबूमंदरपच्च-
 त्थिमे णं सीतोदाते महानतीते उभयकूले छ अंतरनदीओ पन्नत्ताओ, तंजहा-
 खीरोदा सीहसोता अंतोवाहिणी उम्मिमालिणी फेणमालिणी गंभीरमालिणी
 ११ । धायइसंडदीवपुरच्छिमद्धेणं छ अकम्मभूमीओ पन्नत्ताओ, तंजहा-हेम-
 वण, एवं जहा जंबुहीवे (२) तहा नदी जाव अंतरणादीतो २२ जाव पुवख-
 रवरदीवद्धपच्चत्थिमद्धे भाणितव्वं ५५ ॥ सू० ५२२ ॥ छ उडू पन्नत्ता,
 तंजहा-पाउसे वरिसारत्ते सरण हेमंते वसंते गिम्हे ॥ सू० ५२३ ॥ छ
 ओमरत्ता पन्नत्ता, तंजहा-ततिते पव्वे सत्तमे पव्वे एकारसमे पव्वे पन्नरसमे
 पव्वे एगूणावीसइमे पव्वे तेयीसइमे पव्वे १ । छ अइरत्ता पन्नत्ता, तंजहा-
 चउत्थे पव्वे अट्टमे पव्वे दुवालसमे पव्वे सौलसमे पव्वे वीसइमे पव्वे चउवी-
 सइमे पव्वे २ ॥ सू० ५२४ ॥ आभिणिवोहियणाणास्स णं छव्विहे
 अत्थोग्गहे पन्नत्ते, तंजहा-सोइंदियत्थोग्गहे जाव नोइंदियत्थोग्गहे ॥ सू०
 ५२५ ॥ छव्विहे ओहिणाणे पन्नत्ते, तंजहा-आणुगामिए अणाणुगामिते
 वड्डमाणते हीयमाणते पडिवाती अपडिवाती ॥ सू० ५२६ ॥ नो कप्पइ
 निग्गंथाण वा २ इमाइं छ अवताणाइं वदित्ते, तंजहा-अलियवयणे हीलि-
 अवयणे खिसितवयणे फरुसवयणे गारत्थियवयणे विउसवितं वा पुणो
 उदीरित्ते ॥ सू० ५२७ ॥ छ कप्पस्स पत्थारा पन्नत्ता, तंजहा-पाणाति-
 वायस्स वायं वयमाणो, सुसावायस्स वादं वयमाणो, अदिन्नादाणस्स वादं
 वयमाणो, अविरतिवायं वयमाणो, अपुरिसवातं वयमाणो, दासवायं वयमाणो,
 इच्चेते छ कप्पस्स पत्थारे पत्थरेत्ता सम्ममपरिपूरेमाणो तट्टाणपत्ते ॥ सू० ५२८ ॥
 छ कप्पस्स पलिमंथू, (परिमंथा) पन्नत्ता, तंजहा-कोक्कतिते संजमस्स पलिमंथू,

मोहरिते सच्चयणस्स पलिमंथू, चक्खुलोलुते ईरितावहिताते पलिमंथू,
 तित्तिणिते एसणांगोतरस्स पलिमंथू, इच्छालोभिने मोत्तिमग्गस्स
 पलिमंथू, भिज्जाणिताणकरणे मोक्खमग्गस्स पलिमंथू, सब्बत्थ
 भगवता अणिताणता पसत्था ॥ सू० ५२६ ॥ छ्विहा कप्पठिती
 पन्नत्ता, तंजहा-सामातितकप्पठिती छेतोवट्ठावणितकप्पठिती निव्विस-
 माणकप्पठिती णिव्विट्ठकप्पठिती जिणकप्पठिती थिविर(थेर)कप्पठिती
 ॥ सू० ५३० ॥ समणे भगवं महावीरे छट्ठेणं भत्तेणं अपाणएणं
 मुंडे जाव पव्वइए । समणस्स णं भगवओ महावीरस्स छट्ठेणं भत्तेणं
 अपाणएणं अणंते, अणुत्तरे जाव समुप्पन्ने । समणे भगवं महावीरे छट्ठेणं
 भत्तेणं अपाणएणं सिद्धे जाव सब्बदुक्खप्पहीणे ॥ सू० ५३१ ॥
 सणंकुमारमाहिंदेसु णं कप्पेसु विमाणां छ जोयणासयाइं उट्ठं उच्चत्तेणं
 पन्नत्ता, सणंकुमारमाहिंदेसु णं कप्पेसु देवाणं भवधारणिज्जगा सरीरगा
 उक्कोसेणं छ रतणीओ उट्ठं उच्चत्तेणं पन्नत्ता ॥ सू० ५३२ ॥
 छ्विहे भोयणपरिणामे पन्नत्ते, तंजहा-मणुन्ने रसिते पीणणिज्जे
 विहणिज्जे दीवणिज्जे(मयणणिज्जे), इप्पणिज्जे । छ्विहे विसंपरिणामे
 पन्नत्ते, तंजहा-डक्के भुत्ते निवतिते मंसाणुसारी सोणिताणुसारी
 अट्ठिमिंजाणुसारी ॥ सू० ५३३ ॥ छ्विहे पट्ठे (अट्ठे) पन्नत्ते,
 तंजहा-संसयपट्ठे बुग्गहपट्ठे अणुजोगी अणुलोमे तहणाणे अतहणाणे
 ॥ सू० ५३४ ॥ चमरचंचा णं रायहाणी उक्कोसेणं छम्मासा विरहिते
 उववातेणं १ । एगमेगे णं इंदट्ठाणे उक्कोसेणं छम्मासा विरहिते उववातेणं
 २ । अधेसत्तमा णं पुढवी उक्कोसेणं छम्मासा विरहिता उववातेणं ३ ।
 सिद्धिगती णं उक्कोसेणं छम्मासा विरहिता उववातेणं ४ ॥ सू० ५३५ ॥
 छ्विधे आउयवंधे पन्नत्ते, तंजहा-जातिणामनिधत्ताउते गतिणामणिधत्ताउए
 ठितिनामनिधत्ताउते ओगाहणाणामनिधत्ताउते पएसणामनिधत्ताउए अणु-

भावणामनिहत्ताउते १। नेरतियाणं छ्विहे आउयधंधे पन्नत्ते, तंजहा—
जातिणामनिहत्ताउते जाव अणुभावनामणिहत्ताउए एवं जाव वेमाणियाणं
२। नेरइया णियमा छम्मासावसेसाउता परभवियाउयं पगरेंति, एवामेव
असुरकुमारावि जाव अणियकुमारा, असंखेज्जवासाउता सन्निपंचिदियतिरि-
क्खजोणिया णियमं छम्मासावसेसाउया परभवियाउयं पगरेंति, असंखेज्ज-
वासाउया सन्निमणुस्सा नियमं जाव पगरेंति, वाणमंतरा जोतिसवासिता
वेमाणिता जहा गोरतिता ३ ॥ सू० ५३६ ॥ छ्विधे भावे पन्नत्ते, तंजहा—
ओजतिते उवसमिते स्वतिते स्वतोवसमिते पारिणामिते सन्निवाइए
४ ॥ सू० ५३७ ॥ छ्विहे पडिक्कमणे पन्नत्ते, तंजहा—उच्चारपडिक्कमणे पास-
वणपडिक्कमणे इत्तरिते आवक्कहिते जंकिंचिमिच्छा सोमणांतिते ॥ सू०
५३८ ॥ कत्तिताणक्खत्ते छत्तारे पराणत्ते, असिलेसाणक्खत्ते छत्तारे पन्नत्ते
॥ सू० ५३९ ॥ जीवाणं छट्ठाणनिव्वत्तिते पोग्गले प्रावक्कम्पत्ताते विणिंसु
वा ३, तंजहा—पुढविकाइयनिवत्तिते जाव तसकयणिवत्तिते, एवं णिणा
उवचिण बंधउदीरवेय तह निजरा वेव ४। छप्पत्तेसिया णं स्वंधा अणांता
पराणत्ता, छप्पत्तेसोआदा पोग्गला अणांता पराणत्ता, छप्पत्तेसिया पोग्गला
अणांता, छप्पत्तेसिया पोग्गला जाव छप्पत्तेसिया पोग्गला अणांता
पराणत्ता ॥ सू० ५४० ॥ छट्ठाणं छट्ठमज्जयणं समत्तं ॥

॥ इति षट्स्थानकारुयं षष्ठमध्ययनम् ॥ ६ ॥

॥ अथ सप्तस्थानकारुयं सप्तममध्ययनम् ॥

सत्तविहे गणावक्कमणे पन्नत्ते, तंजहा—सव्वधम्मा रोतेमि (सव्व
धम्मं जाणामि एवं पि एगे अवक्कमे) १ एगतिता रोएमि एगइया णो
रोएमि २ सव्वधम्मा वितिगिच्छामि ३ एगतिया वितिगिच्छामि एगतिया
नो वितिगिच्छामि ४ सव्वधम्मा जुहुणामि ५ एगंतिया जुहुणामि

एगतिया णो जुहुणामि ६ इच्छामि णं भंते ! एगल्लविहारपडिमं उवसंपज्जिता
 णं विहरित्तते ७ ॥ सू० ५४१ ॥ सत्तेविहे विभंगणाणे पन्नत्ते, तंजहा-
 एगदिसिलोगाभिगमे १ पंचदिसिलोगाभिगमे २ किरियावरणे जीवे ३
 मुदग्गे जीवे ४ अमुदग्गे जीवे ५ ख्वी जीवे ६ सव्वमिणं जीवा ७ । तत्थ
 खलु इमे पढ्मे विभंगणाणे—जया णं तहारूवस्स समणस्स वा माहणास्स वा
 विभंगणाणे समुप्पज्जति, से णं तेणं विभंगणाणेण समुप्पन्नेणं पासति
 पातीणं वा पडिणं वा दाहिणं वा उदीणं वा उड्डं वा जाव सोहम्मे कप्पे,
 तस्स णमेवं भवति—अत्थि णं मम अतिसेसे णाणदंसणे समुप्पन्ने
 एगदिसिं लोगाभिगमे, संतेगतिया समणा वा माहणा वा एवमाहंसु
 पंचदिसिं लोगाभिगमे, जे ते एवमाहंसु मिच्छं ते एवमाहंसु पढ्मे
 विभंगणाणे १। अहावरे दोच्चे विभंगणाणे, जया णं तहारूवस्स समणस्स
 वा माहणास्स वा विभंगणाणे समुप्पज्जति, से णं तेणं विभंगणाणेणं
 समुप्पन्नेणं पासति पातीणं वा पडिणं वा दाहिणं वा उदीणं वा उड्डं जाव
 सोहम्मे कप्पे, तस्स णमेवं भवति—अत्थि णं मम अतिसेसे णाणदंसणे समु-
 प्पन्ने पंचदिसिं लोगाभिगमे, संतेगतिता समणा वा माहणा वा एवमाहंसु—
 एगदिसिं लोयाभिगमे, जे ते एवमाहंसु मिच्छं ते एवमाहंसु, दोच्चे
 विभंगणाणे २। अहावरे तच्चे विभंगणाणे, जया णं तहारूवस्स समणस्स
 वा माहणास्स वा विभंगणाणे समुप्पज्जति, से णं तेणं विभंगणाणेणं
 समुप्पन्नेणं पासति पाणे अतिवातेमाणा मुसं वतेमाणे अदिन्नमादितमाणे
 मेहुणं पडिसेवमाणे परिग्गहं परिगिराहमाणे राइभोयणं भुंजमाणे वा
 पावं च णं कम्मं कीरमाणं णो पासति, तस्स णमेवं भवति—अत्थि णं
 मम अतिसेसे णाणदंसणे समुप्पन्ने किरितावरणे जीवे, संतेगतिता
 समणा वा माहणा वा एवमाहंसु—नो किरितावरणे जीवे, जे ते
 एवमाहंसु मिच्छं ते एवमाहंसु, तच्चे विभंगणाणे ३। अहावरे चउत्थे

विभंगणागो, ज्या गां तथारूवरस समणस्स वा माहणास्स वा जाव समुप्पज्जति, से गां तेणां विभंगणागोणां समुप्पन्नेणां देवामेव पासति, बाहिरव्भंनरते पोग्गले परितादित्ता पुढेगत्तं गाणात्तं फुसिया फुरेत्ता फुट्टित्ता (संवट्टिय निवट्टिय) विकुब्बित्ता गां विकुब्बित्ता गां चिट्ठित्ताए, तस्स गामेवं भवति—अत्थि गां मम अतिसेसे गाणादंसणासमुप्पन्ने, मुदग्गे जीवे, संतेगतिता समणा वा माहणा वा एवमाहंसु—अमुदग्गे जीवे जे ते एवमाहंसु मिच्छं ते एवमाहंसु, चउत्थे विभंगणागो ४। अहावरे पंचमे विभंगणागो ५। ज्या गां तथारूवरस समणस्स जाव समुप्पज्जति, से गां तेणां विभंगणागोणां समुप्पन्नेणां देवामेव पासति, बाहिरव्भंतरए पोग्गले अपरितादित्ता पुढेगत्तं गाणात्तं जाव विउब्बित्ता गां चिट्ठित्ते तस्स गामेवं भवति—अत्थि जाव समुप्पन्ने अमुदग्गे जीवे, संतेगतिता समणा वा माहणा वा एवमाहंसु—मुदग्गे जीवे, जे ते एवमाहंसु मिच्छं ते एवमाहंसु, पंचमे विभंगणागो ५। अहावरे छट्ठे विभंगणागो, ज्या गां तथारूवरस समणस्स वा माहणास्स वा जाव समुप्पज्जति, से गां तेणां विभंगणागोणां समुप्पन्नेणां देवामेव पासति बाहिरव्भंतरते पोग्गले परितादित्ता वा अपरियादित्ता वा पुढेगत्तं गाणात्तं फुसेत्ता जाव विकुब्बित्ता चिट्ठित्ते, तस्स गामेवं भवति—अत्थि गां मम अतिसेसे गाणादंसणो समुप्पन्ने, रूवी जीवे, संते गतिता समणा वा माहणा वा एवमाहंसु—अरूवी जीवे, जे ते एवमाहंसु मिच्छं ते एवमाहंसु, छट्ठे विभंगणागो ६। अहावरे सत्तमे विभंगणागो ज्या गां तथारूवरस समणस्स वा माहणास्स वा विभंगणागो समुप्पज्जति, से गां तेणां विभंगणागोणां समुप्पन्नेणां पासइ सुहुमेणां वायुकातेणां फुडं पोग्गलकायं एतंतं वेतंतं चलंतं खुब्भंतं फंदंतं घट्टंतं उदीरंतं तं तं भावं परिणमंतं, तस्स गामेवं भवति—अत्थि गां मम अतिसेसे गाणादंसणो समुप्पन्ने, स्वमिणां जीवा, संतेगतिता समणा वा माहणा वा एवमाहंसु—जीवा चव

अजीवा चेव, जे ते एवमाहंसु मिच्छं ते एवमाहंसु, तस्स णामिमे चत्तारि जीवनिकाया णो सम्ममुवगता भवंति, तंजहा—पुढविकाइया आऊकाइया तेऊकाइया वाउकाइया, इच्चेतेहिं चउहिं जीवनिकाएहिं मिच्छादंडं पवत्तेइ सत्तमे विभंगणाणो ७ ॥ सू० ५४२ ॥ सत्तविधे जोणिसंगधे पन्नत्ते, तंजहा—अंडजा पोतजा जराउजा रसजा संसेइया (संसत्तगा) संमुच्छिमा उब्भिगा १। अंडगा सत्तगतिता सत्तागतित्ता पन्नत्ता, तंजहा—अंडगे अंडगेषु उववज्जमाणो अंडतेहितो वा पोतजेहितो वा जाव उब्भिएहितो वा उववज्जेज्जा, से चेव णं से अंडते अंडगतं विप्पजहमाणो अंडगत्ताते वा पोतगताते वा जाव उब्भियत्ताते वा गच्छेज्जा पोत्तगा सत्तगतिता सत्तागतित्ता, एवं चेव सत्तरहवि गतिरागती भाणियव्वा, जाव उब्भियत्ति २ ॥ सू० ५४३ ॥ आयरियउवज्जायस्स णं गणांसि सत्त संगहठाणा पन्नत्ता, तंजहा—आयरियउवज्जाए गणांसि आणां वा धारणां वा सम्मं पउंजित्ता भवति, एवं जधा पंचट्टाणो जाव आयरियउवज्जाए गणांसि आपुच्छियचारि यावि भवति नो अणापुच्छियचारि यावि भवति, आयरियउवज्जाए गणांसि अणुप्पन्नाइं उवगरणाइं सम्मं उप्पाइत्ता भवति, आयरियउवज्जाए गणांसि पुब्बुप्पन्नाइं उवकरणाइं सम्मं सारक्खेत्ता संगोवित्ता भवति णो असम्मं सारक्खेत्ता संगोवित्ता भवइ १। आयरियउवज्जायस्स णं गणांसि सत्त असंगहठाणा पन्नत्ता, तंजहा—आयरियउवज्जाए गणांसि आणां वा धारणां वा नो सम्मं पउंजित्ता भवति, एवं जाव उवगरणाणां नो सम्मं सारक्खेत्ता संगोवेत्ता भवति २ ॥ सू० ५४४ ॥ सत्त पिंडेसणाओ पन्नत्तातो १। सत्त पाणेसणाओ पन्नताओ २। सत्तउग्गेहपडिमातो पन्नत्तातो ३। सत्तसत्तिकया पन्नत्ता ४। सत्त महज्जयणा पराणत्ता ५। सत्तसत्तमिया णं भिक्खुपडिगा एकूणपराणत्ताते रातिदिएहिमेगेण य ऊरणाउएणां भिक्खासतेणां अहासुत्तं जाव आराहियावि भवति ६ ॥ सू० ५४५ ॥

अहेलोगे गां सत्त पुढ्वीत्र्यो पन्नत्तात्र्यो, सत्त घणोदधीतो पन्नत्तात्र्यो, सत्त घणवाता सत्त तणुवाता पन्नत्ता, सत्त उवासंतरा पन्नत्ता, एतेसु गां सत्तसु उवासंतरेसु सत्त तणुवाया पइट्टिया, एतेसु गां सत्तसु तणुवातेसु सत्त घणवाता पइट्टिया, एएसु गां सत्तसु घणवातेसु सत्त घणोदधी पतिट्टितां, एतेसु गां सत्तसु घणोदधीसु छत्तातिच्छत्तसंठाणसंठियात्र्यो पिंडलगपिहुण-संठाणसंठियात्र्यो (पिहुणपिहुणसंठियात्र्यो)सत्त पुढ्वीत्र्यो पन्नतात्र्यो, तंजहा-पढ्मा जाव सत्तमा, एतासि गां सत्तराहं पुढ्वीणां सत्त णामधेज्जा पन्नत्ता, तंजहा-घम्मा वंसा सेला अंजणा रिट्ठा मघा माघवती, एतासि गां सत्तराहं पुढ्वीणां सत्त गोत्ता पन्नत्ता, तंजहा-रयणप्पभा सक्करप्पभा वालुअप्पभा पंकप्पभा धूमप्पभा तमा तमतमा ॥ सू० ५४६ ॥ सत्तविहा बायरवाउकाइया पन्नत्ता, तंजहा-पातीणवाते पढीणवाते दाहिणवाते उदीणवाते उड्ढवाते अहोवाते विदिसिवाते ॥ सू० ५४७ ॥ सत्त संठाणा पन्नत्ता, तंजहा-दीहे रहस्से वट्टे तंसे चउरंसे पिहुले परिमंडले ॥ सू० ५४८ ॥ सत्त भयट्टाणा पन्नत्ता, तंजहा-इहलोगभते परलोगभते आदाणभते अकम्हाभते वेयणभते मरणभते असिलोगभते ॥ सू० ५४९ ॥ सत्तहिं ठाणोहिं छउमत्थं जाणोज्जा, तंजहा-पाणो अइवाएत्ता भवति, मुसं वइत्ता भवति, अदिन्नमादित्ता भवति, सहफरिसरसरूद्वगंधे आसादेत्ता भवति, पूतासक्कारमणुवूहेत्ता भवति इमं सावज्जंति पराणवेत्ता पडिसेवेत्ता भवति, णो जधावादी तधाकारी यावि भवति १ । सत्तहिं ठाणोहिं केवली जाणोज्जा, तंजहा-णो पाणो अइवाइत्ता भवति जाव नधावाती तधाकारी यावि भवति २ ॥ सू० ५५० ॥ सत्त मूलगोत्ता पन्नत्ता, तंजहा-कासवा गोतमा वच्छा कोच्छा कोसिता मंडवा वासिट्ठा १ । जे कासवा ते सत्तविधा पन्नत्ता, तंजहा-ते कासवा ते संडेच्छा ते गोच्छा ते वाला ते मुंजतिणो ते पव्वपेच्छतिणो (पव्वइणो) ते वरिसकराहा २ । जे गोयमा ते सत्तविधा पन्नत्ता, तंजहा-ते गोयमा ते

गग्गा ते भारद्वा ते अंगिरसा ते सक्कराभा ते भक्कराभा ते उदग्गाभा
 (उदग्गाभा) ३। जे वच्छा ते सत्तविधा पन्नत्ता, तंजहा-ते वच्छा ते अग्गेया
 ते मित्तिया ते सामि(म)लिणो ते सेलतता ते अट्टिसेणा ते वीयकम्हा ४।
 जे कोच्छा ते सत्तविधा पन्नत्ता, तंजहा-ते कोच्छा ते मोग्गलायणा ते
 पिंगला(गा)यणा ते कोडीणा ते मंडलिणो ते हारिता ते सोमया (सोमलि)
 ५। जे कोसिच्चा ते सत्तविधा पन्नत्ता, तंजहा-ते कोसिता ते कच्चातणा ते
 सालंकातणा ते गोलिकातणा ते पक्खिकायणा ते अग्गिच्चा ते लोहिया-
 (च्चा) ६। जे मंडवा ते सत्तविधा पन्नत्ता तंजहा-ते मंडवा ते अरिद्धा ते
 समुता ते तेला ते एलावच्चा ते कंडिल्ला(कंडल्ला) ते खारातणा(खातणा) ७।
 जे वासिद्धा ते सत्तविधा पन्नत्ता, तंजहा-ते वासिद्धा ते उंजायणा ते जारे(रु)-
 कग्हा ते वग्घावच्चा ते कोडिन्ना ते सराणी ते पारासरा ८ ॥ सू० ५५१ ॥
 सत्त मूलनया पन्नत्ता, तंजहा-नेगमे संगहे ववहारे उज्जुसुते सद्दे समभि-
 रूढे एवंभूते ॥ सू० ५५२ ॥ सत्त सरा पन्नत्ता, तंजहा-सज्जे रिसभे
 गंधारे, मज्झिमे पंचमे सरं । धेवते (रेवते) चैव णिसाते, सरा सत्त विया-
 हिता ॥ १ ॥ एएसि णं सत्तगहं सराणं सत्त सरट्ठाणा पन्नत्ता, तंजहा-
 सज्जं तु अग्गजिब्भाते, उरेण रिसभं सरं । कंटुग्गतेण गंधारं, मज्झजि-
 ब्भाते मज्झिमं ॥ २ ॥ णासाए पंचमं बूया, दंतोत्ठेण य धेवतं । मुद्धाणेण
 य णोसातं, सरठणा वियाहिता ॥ ३ ॥ सत्त सरा जीवनिस्सिता पन्नत्ता,
 तंजहा-सज्जं र्वति मधूरो, कुक्कुडो रिसहं सरं । हंसो णदति गंधारं,
 मज्झिमं तु गवेलगा ॥ ४ ॥ अह कुसुमसंभवे काले, कोइला पंचमं सरं ।
 छट्ठं च सारसा कौंचा, णिसायं सत्तमं गता ॥ ५ ॥ सत्त सरा अजीव-
 निस्सिता पन्नत्ता, तंजहा-सज्जं र्वति मुइंगो, गोमुही रिसभं सरं । संखो
 णदति गंधारं, मज्झिमं पुण भल्लरी ॥ ६ ॥ चउचलणपतिट्ठाणा, गोहिया
 पंचमं सरं । आडंबरो रेवति(त)तं, महाभेरी य सत्तमं ॥ ७ ॥ एतेसि णं

सत्तसराणं सत्त सरलकखणा पन्नत्ता. तंजहा—“सज्जेण लभति वित्तिं, कतं च
 णा विणस्सति । गावो मित्ता य पुत्ता य, णारीणं चैव वल्लभो ॥ ८ ॥
 रिसभेण उ एसज्ज, सेणावच्चं धणाणि य । वत्थगंधमलंकारं, इत्थिओ
 सयणाणि व ॥ ९ ॥ गंधारे गीतजुत्तिराणा, वज्जवित्ती कलाहिता ।
 भवंति कतिणो पन्ना, जे अन्ने सत्थपारगा ॥ १० ॥ मज्झिमसरसंपन्ना,
 भवंति सुहजीविणो । खायती पीयती देती, मज्झिमं सरमस्सितो ॥ ११ ॥
 पंचमसरसंपन्ना, भवंति पुट्टवीपती । सूरा संगहकत्तारो, अणोगगणाणातगा
 ॥ १२ ॥ रेवतसरसंपन्ना, भवंति कलहप्पिया । साउणिता वग्गुरिया,
 सोयरिया मच्छंबंधा य ॥ १३ ॥ चडाला मुट्टिया से(बे)या, जे अन्ने
 पावकम्मिणो । गोघातगा य जे चोरा, णिसायं सरमस्सिता ॥ १४ ॥
 एतेसिं सत्तरहं सराणं तत्रो गामा पराणात्ता, तंजहा—सज्जगामे मज्झिमगामे
 गंधारगामे, सज्जगामस्स णं सत्त मुच्छणातो पन्नत्ताओ, तंजहा—मंगी
 कोरव्वीया हरी य रयतणी य सारकंता य । छट्ठी य सारसी णाम
 सुद्धसज्जा य सत्तमा ॥ १५ ॥ मज्झिमगामस्स णं सत्त मुच्छणातो
 पन्नत्ताओ, तंजहा—उत्तरमंदा रयणी, उत्तरा उत्तरासमा । आसोकंता य
 सोवीरा, अभिरु हवति सत्तमा ॥ १६ ॥ गंधारगामस्स णं सत्त मुच्छणातो
 पन्नत्ताओ, तंजहा—णादि तं खुहिमा पूरिमा य चउत्थी य सुद्धगंधारा ।
 उत्तरगंधारावित, पंचमिता हवति मुच्छा उ ॥ १७ ॥ सुट्टुतरमायामा सा छट्ठी
 णियमसो उ णायव्वा । अह उत्तरायता कोडीमातसा सत्तमी मुच्छा ॥ १८ ॥
 सत्त सराओ कओ संभवन्ति ? गेयस्स का भवन्ति जोणी ? कतिसमता उस्सासा ?
 कति वा गेयस्स आगारा ? ॥ १९ ॥ सत्त सरा णाभीतो भवन्ति गीतं च
 रुय(रुण)जोणीतं । पादसमा ऊप्पासा तिन्नि य गीयस्स आगारा ॥ २० ॥
 आइमिउ आरभंता समुव्वहंता य मज्झगारंमि । अवसाणे तज्जविंतो तिन्नि य
 गेयस्स आगारा ॥ २१ ॥ छट्ठोसे अट्टगुणे तिन्नि य वित्ताइं दो य भणि-

तीत्रो । जाणाहिति सो गाहिइ सुसिखित्रो रंगमज्झम्मि ॥२२॥ भीतं दुतं
 रहस्सं (उप्पिच्छं) गायंतो मा त गाहि उत्तलं । काकस्सरमणुनासं च होंति
 गेयस्स छद्दोसा ॥ २३ ॥ पुन्नं १ रत्तं २ च अलंकियं ३ च वत्तं ४ तद्वा
 अविघुट्टं ५ । मधुरं ६ सम ७ सुकुमारं ८ अट्ट गुणा होंति गेयस्स ॥२४॥
 उरकंठमिरपसत्थं च गेज्जंते मउरिभिअपदवद्धं । समतालपडुक्खेवं सत्तसर-
 सीहरं गीयं ॥ २५ ॥ निद्दोसं सारवंतं च, हेउजुत्तमलंकियं । उवणीय
 सोवयारं च, मियं मधुरमेव य ॥२६॥ सममद्धसमं चैव, सब्बत्थ विसमं च
 जं । तिन्नि वित्तप्पयाराइं, चउत्थं नोपलब्भती ॥ २७ ॥ सकता पागता चैव,
 दुहा भणितीत्रो आहिया । सरमंडलंमि गिज्जंते, पसत्था इसिभासिता ॥२८॥
 केसी गातति य मधुरं ? केसी गातति खरं च रुक्खं च ? । केसी गायति चउरं ?
 केसि विलंबं ? दुतं केसी ? ॥ २९ ॥ विस्सरं पुण्ण केरिसी ? ॥ सामा
 गायइ मधुरं काली गायइ खरं च रुक्खं च । गोरी गातति चउरं काण
 विलंबं दुतं अंधा ॥ ३० ॥ विस्सरं पुण्ण पिंगला ॥ तंतिसमं तालसमं
 पादसमं लयसमं गहसमं च । नीससिऊससियसमं संचारसमा सरा सत्त
 ॥ ३१ ॥ सत्त सरा य ततो गामा, मुच्छणा एकवीसती । ताणा एगूणा-
 पराणासा, समत्तं सरमंडलं ॥ ३२ ॥ सू० ५५३ ॥ इति सरमंडलं समत्तं ॥
 सत्तविधे कायक्खिलेसे पराणत्ते, तंजहा-ठाणातिते उक्कुडुयासणिते पडि-
 मठाती वीरासणिते णोसज्जिते दंडातिते लगंडसाती ॥ सू० ५५४ ॥ जंबु-
 द्वीवे (२) सत्त वासा पन्नता, तंजहा-भरहे एरवते हेमवते हेरन्नवते हरि-
 वासे रम्मगवासे महाविदेहे १ । जंबुद्वीवे (२) सत्त वासहरपव्वता पन्नत्ता,
 तंजहा-चुल्लहिमवंते महाहिमवंते निसढे नीलवंते रुप्पी सिहरी मंदरे २ ।
 जंबुद्वीवे (२) सत्त महानदीत्रो पुरत्थाभिमुहीत्रो लवणासमुद्दं
 समप्पेंति, तंजहा-गंगा रोहिता हिरी सीता णारकंता सुवराणाकूला
 रत्ता ३ । जंबुद्वीवे (२) सत्त महानतीत्रो पच्चत्थाभिमुहीत्रो लवणासमुद्दं

समर्पेति, तंजहा-सिंधू रोहितंसा हरिकंता सीतोदा णारीकंता रूपकूला रत्तवती, ४। धायइसंडदीवपुरच्छिमच्छे णं सत्त वासा पन्नता, तंजहा-भरहे जाव महाविदेहे ५। धायइसंडदीवपुरच्छिमे णं सत्त वासहरपव्वता पन्नत्ता, तंजहा-चुल्लहिमवंते जाव मंदरे ६। धायइसंडदीवपुरच्छीमेणं सत्त महानतीओ पुरच्छाभिमुहीतो कालोयसमुद्दं समर्पेति, तंजहा-गंगा जाव रत्ता ७। धायइसंडदीवपुरच्छिमज्जेणं सत्त महानतीओ पच्चत्थाभिमुहीओ लवणसमुद्दं समर्पेति, तंजहा-सिंधू जाव रत्तवती ८। धायइसंडदीवे पच्चत्थिमच्छे णं सत्त वासा एवं चेव, णवरं पुरत्थाभिमुहीओ लवणसमुद्दं समर्पेति पच्चत्थाभिमुहीओ कालोदं, सेसं तं चेव ९। पुक्खरवरदीवड्डपुरच्छिमच्छे णं सत्त वासा तहेव णवरं पुरत्थाभिमुहीओ पुक्खरोदं समुद्दं समर्पेति, पच्चत्थाभिमुहीतो कालोदं समुद्दं समर्पेति, सेसं तं चेव, एवं पच्चत्थिमच्छेऽपि णवरं पुरत्थाभिमुहीओ कालोदं समुद्दं समर्पेति पच्चत्थाभिमुहीओ पुक्खरोदं समर्पेति १०। सब्वत्थ वासा वासहरपव्वता णतीतो य भाणितव्वाणि ११ ॥ सू० ५५५ ॥ जंबुदीवे (२) भारहे वासे तीताते उस्स(ओस)प्पिणीते सत्त कुलगरा हुत्था, तंजहा-मित्तदामं सुदामे य, सुपासे य सयंपभे । विमलघोसे सुघोसे त, महाघोसे य सत्तमे ॥१॥ जंबुदीवे (२) भारहे वासे इमीसे ओसप्पिणीए सत्त कुलगरा हुत्था-पढमित्थ विमलवाहण १ चक्खुम २ जसमं ३ चउत्थमभिचंदे ४। तत्तो य पसेणइ ५ पुण मरुदेवे चेव ६ नाभि य ७ ॥१॥ एणसि णं सत्तराहं कुलगराणं सत्त भारियाओ हुत्था, तंजहा-चंदजसा १ चंदकंता २ सुरूव ३ पडिरुव ४ चवखुकंता ५ य । सिरिकंता ६ मरुदेवी ७ कुलकरइत्थीण नामाइं ॥२॥ जंबुदीवे (२) भारहे वासे आगमिस्साए उस्सप्पिणीए सत्त कुलकरा भविस्संति-मित्तवाहण सुभोमे य, सुप्पभे य सयंपभे । दत्ते सुहुमे [सुहे सुरूवे य] सुवंधू य, आगमेस्सि(मिस्से)ण होवखती ॥१॥ विमलवाहणो णं कुलकरे सत्तविधा स्ख्खा उवभोगत्ताते हव्वमागच्छिसु, तंजहा-मत्तंगता त भिंगा

चित्तंगा चैव ह्येति चित्तरसा । मणियंगा त अणियणा सत्तमगा कप्परुवखा
य ॥१॥ सू० ५५६ ॥ सत्तविधा दंडनीती पन्नत्ता, तंजहा-हकारे मकारे
धिकारे परिभासे मंडलबंधे चारते छविच्छेदे ॥ सू० ५५७ ॥ एगमेगस्स
णां रन्नो चाउरंतचक्कवट्टिस्स णं सत्त एगिंदियरतणा पन्नत्ता, तंजहा-चकरयणो
हत्तरयणो चम्मरयणो दंडरयणो असिरयणो मणिरयणो काकणिरयणो १। एग-
मेगस्स णं रन्नो चाउरंतचक्कवट्टिस्स सत्त पंचिदियरतणा पन्नत्ता, तंजहा-
सेणावतीरयणो गाहावतिरयणो वड्डतिरयणो पुरोहितरयणो इत्थिरयणो
आसरयणो हत्थिरयणो २ ॥ सू० ५५८ ॥ सत्तहिं ठाणोहिं ओगाढं दुस्समं
जाणोज्जा, तंजहा-अकाले वरिसइ काले ण वरिसइ असाधू पुज्जंति साधू ण
पुज्जंति गुरुहिं जणो मिच्छं पडिवन्नो मणोदुहता वतिदुहता १। सत्तहिं
ठाणोहिं ओगाढं सुसमं जाणोज्जा, तंजहा-अकाले न वरिसइ, काले वरिसइ,
असाधू ण पुज्जंति, साधू पुज्जंति, गुरुहिं जणो सम्मं पडिवन्नो, मणोसुहता
वतिसुहता २ ॥ सू० ५५९ ॥ सत्तविहा संसारसमावन्नगा जीवा पन्नत्ता,
तंजहा-नेरत्तिता तिरिक्खजोणिता तिरिक्खजोणिणितो मणुस्सा मणुस्सीओ
देवा देवीओ ॥ सू० ५६० ॥ सत्तविधे आउभेदे पन्नत्ते, तंजहा-
अज्भवसाणनिमित्ते आहारे वेयणा पराघाते । फासे आणापाणू
सत्तविधं भिज्जे आउं ॥ १ ॥ ॥ सू० ५६१ ॥ सत्तविधा सब्वजीवा
पन्नत्ता, तंजहा-पुढविकाइया आउकाइया तेउकाइया वाउकाइया वणास्सति-
काइया तसकात्तिता अकात्तिता, अहवा सत्तविहा सब्वजीवा पन्नत्ता, तंजहा-
करहलेसा जाव सुकलेसा अलेसा ॥ सू० ५६२ ॥ बंभदत्ते णं राया चाउरं-
तचक्कवट्टी सत्त धणाइं उड्डं उच्चत्तेणां सत्त य वाससयाइं परमाउं पालइत्ता काल-
मासे कालं किच्चा अधे सत्तमाए पुढवीए अप्पत्तिट्ठाणे णारए णोरत्तितत्ताए उव-
वन्ने ॥सू० ५६३॥ मल्ली णं अरहा अप्पसत्तमे मुंडे भवित्ताअगारातो अण-
गारियं पव्वइए, तंजहा-मल्ली विदेहरायवरकन्नगा १. पडिबुद्धी इक्खागराया २

चंदच्छाये अंगराया ३ रूपी कुणालाधिपती ४ संखे कासीराया ५ अदीण-
सत्तू कुरुराता ६ जितसत्तू पंचालराया ७ ॥ सू० ५६४ ॥ सत्तविहे दंसगो पन्नत्ते,
तंजहा—सम्महंसगो मिच्छदंसगो सम्मामिच्छदंसगो चक्खुदंसगो अक्खुदंसगो
ओहिदंसगो केवलदंसगो ॥ सू० ५६५ ॥ छउमत्यवीयरगो गां मोहणिज्ज-
वज्जाओ सत्त कम्मपयडीओ वेयेति, तंजहा—णाणावरणिज्जं दंसणावरणिज्जं
वेयणियं आउयं नामं गोतमंतरातितं ॥ सू० ५६६ ॥ सत्त ठाणाइं छउमत्ये
सव्यभावेणां न याणाति न पासति, तंजहा—धम्मत्थिकायं अधम्मत्थिकायं
आगासत्थिकायं जीवं असरीरपडिवद्धं परमाणुपोग्गलं सद्धं गंधं, एयाणि
चेव उप्पन्नाणो जाव जाणाति पासति, तंजहा—धम्मत्थिगातं जाव गंधं
॥ सू० ५६७ ॥ समगो भगवं महावीरे वयरोसभणारायसंघयगो समवउरंस-
संठाणासंठिते सत्त रयणीओ उड्ढं उन्नत्तेणं हुत्था ॥ सू० ५६८ ॥ सत्त
विकहाओ पन्नत्ताओ तंजहा—इत्थिकेहा भत्तकहा देसकहा रायकहा मिउ-
कालुणिता दंसणाभेयणी चरित्तभेयणी ॥ सू० ५६९ ॥ आयरियउव-
ज्जायस्स गां गणांसि सत्त अइसेसा पन्नत्ता, तंजहा—आयरियउवज्जाए अंतो
उवस्सगस्स पाते णिगिज्झिय (२) पप्फोडेमाणो वा पमज्जेमाणो वा णाति-
कमति, एवं जथा पंचट्टाणो जाव बाहिं उवस्सगस्स एगरातं वा दुरातं वा
वसमाणो नातिकमति, उवकरणातिसेसे भत्तपाणातिसेसे ॥ सू० ५७० ॥
सत्तविधे संजमे पन्नत्ते, तंजहा—पुढविकातितसंजमे जाव तसकातितसंजमे
अजीवकायसंजमे १। सत्तविधे असंजमे पन्नत्ते, तंजहा—पुढविकातितअसंजमे
जाव तसकातितअसंजमे अजीवकायअसंजमे २। सत्तविहे आरंभे पन्नत्ते,
तंजहा—पुढविकातितआरंभे जाव अजीवकातआरंभे ३। एवमाणारंभेऽवि, एवं
सारंभेवि, एवमसारंभेऽवि, एवं समारंभेऽवि, एवं असमारंभेवि, जाव अजीव-
कायअसमारंभे ४ ॥ सू० ५७१ ॥ अथ भंते ! अदसिक्कुसुंभकोद्भवकंगुरा-
गल[वराकोदूसगा]मणसरिसवमूला(मूलग)वीयाणं एतेसिं गां धन्नाणं

कोट्टाउत्ताणं पल्लाउत्ताणं जाव पिहियाणं केवतितं कालं जोणी संचिट्ठति-
 गोयमा ! जहराणोणं अंतोमुहुत्तं उक्कोसेणं सत्त संवच्छराइं, तेण परं जोणी
 पमिलायती जाव जोणीवोच्छेदे पराणत्ते ॥सू० ५७२॥ बायरआउकाइयाणं
 उक्कोसेणं सत्त वाससहस्साइं, ठिती पन्नता १। तच्चाए णं वालुयप्पभाते पुढ्वीए
 उक्कोसेणं नेरइयाणं सत्त सागरोवमाइं ठिती पराणत्ता २। चउत्थीतेणं पंकप्पभाते
 पुढ्वीते जहन्नेणं नेरइयाणं सत्त सागरोवमाइं ठिती पन्नता, ४। ॥सू० ५७३॥
 सकस्स णं देविंदस्स देवरन्नो वरुणस्स महारन्नो सत्त अग्गमहिसीतो पन्नत्ताओ,
 ईसाणस्स णं देविंदस्स देवरन्नो सोमस्स महारन्नो सत्त अग्गमहिसीतो पन्नत्ता,
 ईसाणस्स णं देविंदस्स देवरन्नो जमस्स महारन्नो सत्त अग्गमहिसीओ पन्नत्ताओ
 ॥सू० ५७४॥ ईसाणस्स णं देविंदस्स देवरन्नो अब्भितरपरिसाते देवाणं सत्त
 पल्लिओवमाइं ठिती पन्नत्ता, सकस्स णं देविंदस्स देवरन्नो अग्गमहिसीणं देवीणं
 सत्त पल्लिओवमाइं ठिती पन्नत्ता, सोहम्मे कप्पे परिग्गहियाणं देवीणं उक्कोसेणं
 सत्त पल्लिओवमाइं ठिती पन्नत्ता ॥सू० ५७५ ॥ सारस्सयमाइच्चाणं सत्त देवा सत्त
 देवसता पन्नत्ता, गहत्तोयत्तुसियाणं देवाणं सत्त देवा सत्त देवसहस्सा पन्नत्ता
 ॥ सू० ५७६ ॥ सणंकुमारे कप्पे उक्कोसेणं देवाणं सत्त सागरोवमाइं ठिती
 पन्नत्ता, माहिंदे कप्पे उक्कोसेणं देवाणं सातिरेगाइं सत्त सारगोवमाइं ठिती
 पन्नत्ता, बंभलोगे कप्पे जहराणोणं देवाणं सत्त सागरोवमाइं ठिती पन्नत्ता
 ॥ सू० ५७७ ॥ बंभलोयलंततेसु णं कप्पेसु विमाणा सत्त जोयणसत्ताइं
 उड्डं उच्चत्तेणं पन्नत्ता ॥ सू० ५७८ ॥ भवणावासीणं देवाणं भवधारणिज्जा
 सरीरगा उक्कोसेणं सत्त रयणीओ उड्डं उच्चत्तेणं, एवं वाणमंतराणं एवं जोइ-
 सियाणं, सोहम्मीसाणोसु णं कप्पेसु देवाणं भवधारणिज्जगा सरीरा सत्त रय-
 णीओ उड्डं उच्चत्तेणं पन्नत्ता ॥सू० ५७९॥ णदिस्सरवरस्स णं दीवरस्स अंतो
 सत्त दीवा पन्नत्ता तंजहा-जंबुहीवे दीवे, धायइसंडे दीवे पोक्खरवरे वरुणावरे
 खीरवरे घयवरे चोयवरे १। णंदीसरवरस्स णं दीवस्स अंतो सत्त समुहा

पन्नत्ता, तंजहा—लवणो कालोते पुस्वरोदे वस्त्राणो ए खीरोदे घत्रोदे खोतोदे २
 ॥ सू० ५८० ॥ सत्त सेदीत्रो पन्नत्तात्रो, तंजहा—उज्जुत्रायता एगतोवंका
 दुहतोवंका एगतोखुहा दुहतोखुहा चक्रवाला अद्धचक्रवाला ॥ सू० ५८१ ॥
 चमरस्स णं असुरिंदस्स असुरकुमाररन्नो सत्त अणिता सत्त अणिताधिपती
 पन्नत्ता, तंजहा—पायत्ताणीए पीढाणिए कुंजराणिए महिसाणिए रहाणिए नट्टा-
 णिए गंधव्वाणिए १। दुमे पायत्ताणिताधिपती एवं जहा पंचट्टाणो जाव किंनरे
 रधाणिताधिपती रिट्टे णट्टाणियाहिवती गीतरती गंधव्वाणिताधिपती २ ।
 बलिस्स णं वइरोयणिंदस्स वइरोयणारणो सत्ताणीया सत्त अणीयाधिपती
 पन्नत्ता, तंजहा—पायत्ताणिते जाव गंधव्वाणिते, महदुमे पायत्ताणिताधिपती जाव
 किंपुरिसे रधाणिताधिपती महारिट्टे णट्टाणिताधिपती गीतजसे गंधव्वाणि-
 ताधिपती ३। धरणास्म णं नागकुमारिंदस्स नागकुमाररणो सत्त अणीता
 सत्त अणिताधिपती पन्नत्ता, तंजहा—पायत्ताणिते जाव गंधव्वाणिए रुइ(दुइम)
 सेणो पायत्ताणिताधिपती जाव आणंदे रधाणिताधिपती नंदणो णट्टाणि-
 याधिपती तेतली गंधव्वाणियाधिपती ४। भूताणंदस्स सत्त अणिया सत्त
 अणियाहिवई पन्नत्ता, तंजहा—पायत्ताणिते जाव गंधव्वाणीए दक्खे पाय-
 त्ताणीयाहिवती जाव णंदुत्तरे रहाणिताधिपती रती णट्टाणियाहिवती
 माणसे गंधव्वाणियाहिवई, एवं जाव घोममहाघोमाणं नेयवं ५ । सकस्स
 णं देविंदस्स देवरन्नो सत्त अणिया सत्त अणियाहिवती पन्नत्ता, तंजहा—
 पायत्ताणिए जाव गंधव्वाणिए, हरिणोगमेसी पायत्ताणीयाधिपती जाव मादरे
 रधाणिताधिपती सेते णट्टाणिताहिवती तुंबुरू गंधव्वाणिताधिपती ६ ।
 ईसाणस्स णं देविंदस्स देवरन्नो सत्त अणीया सत्त अणियाहिवईणो पन्नत्ता,
 तंजहा—पायत्ताणिते जाव गंधव्वाणिते लहुपरकमे पायत्ताणियाहिवती
 जाव महासेते णट्टाणियाहिवती रते गंधव्वाणिताधिपती सेमं जहा पंचट्टाणो,
 एवं जाव अच्चुतस्सवि नेतवं ७ ॥ सू० ५८२ ॥ चमरस्स णं असुरिंदस्स

असुरकुमारन्नो दुमस्स पायत्ताणिताहिवतिस्स सत्त कच्छात्रो पन्नत्तात्रो,
तंजहा—पढमा कच्छा जाव सत्तमा कच्छा, १ । चमरस्स णामसुरिंदस्स असुर-
कुमारन्नो दुमस्स पायत्ताणिताधिपतिस्स पढमाए कच्छाए चउसट्ठिं देवसहस्सा
पन्नत्ता २ । जावतिता पढमा कच्छा तब्बिगुणा दोच्चा कच्छा तब्बिगुणा तच्चा
कच्छा एवं जाव जावतिता छट्ठा कच्छा, तब्बिगुणा सत्तमा कच्छा ३ । एवं
बलिस्सवि, णवरं महद्दुमे सट्ठिदेवसाहस्सितो, सेसं तं चेव, धरणास्स एवं
चेव, णवरमट्ठावीसं देवसहस्सा, सेसं तं चेव, जथा धरणास्स एवं जाव महा-
घोसस्स, नवरं पायत्ताणिताधिपती अन्ने ते पुव्वभणिता ४ । सकस्स णं
देविंदस्स देवरन्नो हरिणोगमेसिस्स सत्त कच्छात्रो पन्नत्तात्रो,
तंजहा—पढमा कच्छा एवं जहा चमरस्स तहा जाव अच्चुतस्स, णाणत्तं पाय-
त्ताणिताधिपतीणं ते पुव्वभणिता, देवपरीमाणमिमं सकस्स चउरासीतिं देव-
सहस्सा, ईसाणास्स असीती देवसहस्साइं ५ । देवा इमाते गाथाते अणु-
गंतव्वा—चउरासीति असीति बावत्तरि सत्तरी य सट्ठीया । पन्ना चत्तालीसा
तीसा वीसा दससहस्सा ॥ १ ॥ जाव अच्चुतस्स लहुपरक्कमस्स दसदेव-
सहस्सा जाव जावतिता छट्ठा कच्छा तब्बिगुणा सत्तमा कच्छा ६ ॥ सू०
५८३ ॥ सत्तविहे वयणाविकप्पे पन्नत्ते, तंजहा—आलावे अणालावे उल्लावे
अणुल्ला(ला)वे संलावे पलावे विप्पलावे ॥ सू० ५८४ ॥ सत्तविहे विणाए
पन्नत्ते, तंजहा—णाणाविणाए दंसणाविणाए चरित्तविणाए मणाविणाए वतिविणाए
कायविणाए लोगोवयारविणाए १ । पसत्थमणाविणाए सत्तविधे पन्नत्ते, तंजहा—
अपावते असावज्जे अकिरिते निरुक्केसे अणाराहकरे अच्छविकरे अभूता-
भिसंक्कणो २ । अप्पसत्थमणाविणाए सत्तविधे पन्नत्ते, तंजहा—पावते सावज्जे
सकिरिते सउक्केसे अणाराहकरे छविकरे भूताभिसंक्कणो ३ । पसत्थवइविणाए
सत्तविधे पन्नत्ते, तंजहा—अपावते असावज्जे जाव अभूताभिसंक्कणो ४ ।
अपसत्थवइविणाएते सत्तविधे पन्नत्ते, तंजहा—पावते जाव भूताभिसंक्कणो ५ ।

पसत्थकातविण्ण सत्तविधे पन्नत्ते, तंजहा—आउत्तं गमणां आउत्तं ठाणां आउत्तं
 निस्सीयणां आउत्तं तुअट्टणां आउत्तं उल्लंघणां आउत्तं पल्लंघणां आउत्तं
 सव्विद्धितजोगजुंजणाता, ६ । अपसत्थकातविण्णते सत्तविधे पन्नत्ते, तंजहा—
 अणाउत्तं गमणां जाव अणाउत्तं सव्विद्धितजोगजुंजणाता, ७ । लोगोवतारविण्णते
 सत्तविधे पन्नत्ते, तंजहा—अब्भासवत्तितं परच्छंदाणुवत्तितं कज्जहेउं कतपडि-
 क्कित्तिता अत्तगवेसणाता देसकालराणाता सव्वत्थेसु यापडिलोमता ८ ॥ सू०
 ५८५ । सत्तं समुग्घाता पन्नत्ता, तंजहा—वेयणासमुग्घाए कसायसमुग्घाए मार-
 णांतियसमुग्घाए वेउव्वियसमुग्घाते तेजससमुग्घाए आहारगसमुग्घाते केवलि-
 समुग्घाते १ । मणुस्साणां सत्तं समुग्घाता पन्नत्ता, एवं चैव । सू० ५८६ ॥
 समणास्सं णां भगवत्थो महावीरस्स तित्थंसि सत्तं पंवतणानिराहणा पन्नत्ता,
 तंजहा—अहुरता जीवपतेसिता अवत्तिता सामुच्छेइता दोकिरिता तेरासिता
 अवद्धिता १ । एएसि णां सत्तं राहं पवयणानिराहणाणां सत्तं धम्मातरिता हुत्था,
 तंजहा—जमालि तीसगुत्ते आसाढे आसमित्ते गंगे इलुए गोट्टामाहिले २ ।
 एतेसि णां सत्तं राहं पवयणानिराहणाणां सत्तुप्पत्तिनगरा होत्था, तंजहा—सावत्थी
 उसंभपुरं सेतविता मिहिलमुल्लगातीरं । पुरिमंतरंजि दसपुर शिराहगउप्पत्ति-
 नगराइं ॥ १ ॥ सू० ५८७ ॥ सातावेयणिज्जस्स कम्मस्स सत्तविधे अणुभावे
 पन्नत्ते, तंजहा—मणुन्ना सहा मणुणणा रूत्ता जाव मणुन्ना फासा मणुसुहता
 वतिसुहता १ । असातावेयणिज्जस्स णां कम्मस्स सत्तविधे अणुभावे पन्नत्ते,
 तंजहा—अमणुन्ना सहा जाव वतिदुहता ॥ सू० ५८८ ॥ महाणक्खत्ते
 सत्ततारे पन्नत्ते १ । अभितीयापिता सत्तं णक्खत्ता पुव्वदारिता पन्नत्ता,
 तंजहा—अभिती सवणो धणिट्ठा सतभिसता पुव्वा भइवता उत्तरा भइवता
 रेवति २ । अस्सणितादिता णां सत्तं णक्खत्ता दाहिणादारिता पन्नत्ता,
 तंजहा—अस्सिणी भरणी कित्तिता रोहिणी मिगमिरे अहा पुणाव्वसू ३ ।
 पुस्सादिता णां सत्तं णक्खत्ता अवरदारिता पन्नत्ता, तंजहा—पुस्सो असिलेसा

मघा पुष्पा फग्गुणी उत्तरा फग्गुणी हत्थो चित्ता ४। सातितातिया णं सत्त
 णक्खत्ता उत्तरदारिता पन्नत्ता, तंजहा-साति विसाहा अणुराहा जेट्ठा मूलो
 पुष्पासाढा उत्तरासाढा ५ ॥ सू० ५८६ ॥ जंबूदीवे दीवे (२) सोमणसे
 वक्खारपव्वते सत्त कूडा पन्नत्ता, तंजहा-सिद्धे १ सोमणसे २ तह बोद्धव्वे
 मंगलावतीकूडे ३ । देवकुरु ४ विमल ५ कंचणा ६ विसिट्ठकूडे ७ त
 बोद्धव्वे ॥१॥ जंबूदीवे (२) गंधमायणो वक्खारपव्वते सत्त कूडा पन्नत्ता,
 तंजहा-सिद्धे त गंधमातण बोद्धव्वे गंधिलावतीकूडे । उत्तरकुरु फलिहे
 लोहितक्ख आणंदणो चैव ॥१॥ सू० ५९० ॥ वितिदिताणं सत्त जाती-
 कुलकोडिजोणीपमुहसयसहस्सा पन्नत्ता ॥ सू० ५९१ ॥ जीवा णं सत्तट्ठा-
 णनिव्वत्तिते पोग्गले पावक्कम्मत्ताते चिणिसु वा चिणंति वा चिणिसंति
 वा, तंजहा-नेरतियनिव्वत्तिते जाव देवनिव्वत्ति एव चिण जाव णिज्जरा
 चैव ॥ सू० ५९२ ॥ सत्तपत्तेसिता खंधा अणंता पराणत्ता सत्तपत्तेसोगाढा
 पोग्गला जाव सत्तगुणालुक्खा पोग्गला अणंता पराणत्ता ॥ सू० ५९३ ॥
 ॥ सत्तमट्ठाणं सम्मत्तं ॥ सत्तमं अज्झयणं सम्मत्तं ॥

॥ इति सप्तमस्थानाख्यं सप्तममध्ययनम् ॥७॥

॥ अथाष्टमस्थानकाख्यमष्टममध्ययनं ॥

अट्ठहिं ठणोहिं संपन्ने अणगारे अरिहति एगल्लविहारपडिमं उव-
 संपज्जित्ताणं विहरित्तते, तंजहा-सट्ठी पुरिसजाते सच्चे पुरिसजाए मेहावी
 पुरिसजाते बहुस्सुते पुरिसजाते सत्तिमं अप्पाहिकरणो धितिमं वीरित्तसंपन्ने
 ॥ सू० ५९४ ॥ अट्ठविधे जोणिसंगहे पन्नत्ते, तंजहा-अंडगा पोतगा
 जाव उव्विग्गा उववातिता १। अंडगा अट्ठगतिता अट्ठागइया पन्नत्ता,
 तंजहा-अंडए अंडएसु उव्वज्जमाणो अंडएहितो वा पोततेहितो वा जाव
 उववातितेहितो वा उव्वज्जेज्जा, से चैव णं से अंडते अंडगत्तं विप्पजह-

माणे अंडगत्ताते वा पोतगत्ताते वा जाव उववातितत्ताते वा गच्छेज्जा,
 एवं पोतगावि, जराउजावि, सेसाणं गतीरागती णत्थि, २॥ सू० ५१५ ॥
 जीवा णमट्ट कम्मपगडीतो चिणिसु वा चिणंति वा चिणिसंति वा, तंजहा—
 णाणावरणिज्जं दरिसणावरणिज्जं वेयणिज्जं मोहणिज्जं आयुयं नामं गोत्तं
 अंतरातितं १ । नेरइया णं अट्ट कम्मपगडीयो चिणिसु वा ३, एवं चेव,
 एवं निरंतरं जाव वेमाणियाणं २४, २ । जीवा णमट्ट कम्मपगडीयो उव-
 चिणिसु वा ३ एवं चेव, ३ । 'एवं चिण १ उवचिण २ बंध ३ उदीर ४
 वेय ५ तह णिज्जरा ६ चेव ।' एते छ चउवीसा २४ दंडगा भाणियव्वा
 ॥ सू० ५१६ ॥ अट्टहिं ठाणेहिं माती मायं कट्टु नो आलोएज्जा नो पडि-
 कमेज्जा जाव नो पडिवज्जेज्जा, तंजहा—करिसु वाऽहं १ करेमि वाऽहं २
 करिस्सामि वाऽहं ३ अकित्ती वा मे सिया ४ अवरणो वा मे सिया ५ अव-
 (वि)णए वा मे सिया ६ कित्ती वा मे परिहाइस्सइ ७ जसे वा मे परि-
 हाइस्सइ ८, १ । अट्टहिं ठाणेहिं माई मायं कट्टु आलोएज्जा जाव पडि-
 वज्जेज्जा, तंजहा—मातिस्स णं अस्सि लोए गरहिते भवति १ उवयवाए
 गरहिते भवति २ आजाती गरहिता भवति ३ एगमवि माती मातं कट्टु
 नो आलोएज्जा जाव नो पडिवज्जेज्जा णत्थि तस्स आराहणा ४ एगमवि
 मायी मायं कट्टु आलोएज्जा जाव पडिवज्जेज्जा अत्थि तस्स आराहणा ५
 बहुतोवि माती मायं कट्टु नो आलोएज्जा जाव नो पडिवज्जेज्जा नत्थि
 तस्स आराधणा ६ बहुओवि माती मायं (मायाओ) कट्टु आलोएज्जा जाव
 अत्थि तस्स आराहणा ७ आयरियउवज्जभायस्स वा मे अतिसेसे नाण-
 दंसणे समुपज्जेज्जा, से तं ममालोएज्जा माती णं एसे ८, २ । माती णं
 मातं कट्टु से जहा नामए अयागरेति वा तंवागरेति वा तउआगरेति वा
 सीसागरेति वा रूप्पागरेति वा सुवन्नागरेति वा तिलागणीति वा तुसा-
 गणीति वा बुसागणीति वा णलागणीति वा दलागणीति वा सोंडितालि-

च्छाणि वा भंडितालिच्छाणि वा गोलियालिच्छाणि वा कुंभारावातेति वा क्वेल्लुवावातेति वा इद्रावातेति वा जंतवाडचुल्लीति वा लोहारंबरिसाणि वा तत्ताणि समजोतिभूताणि किंसुकफुल्लसमाणाणि उकासहस्साइं विणिम्मू-
तमाणाइं (२) जालासहस्साइं पमुंचमाणाइं इंगालसहस्साइं परिकिरमाणाइं अंतो (२) भियायंति, ३ । एवामेव माती मायं कट्टु अंतो (२) भियायइ जतिवि त णं अन्ने केति वदति तंपि त णं माती जाणति अहमेसे अभि-
सङ्गिज्जामि ४ । माती णं मातं कट्टु (से णं तस्स) अणालोतितपडिक्कंते कालमासे कालं किच्चा अराणतरेसु देवलोगेसु देवदत्ताते उववत्तारो भवंति, तंजहा—नो महिद्धिएसु जाव नो दूरंगतितेसु नो चिरट्ठितीएसु, से णं तत्थ देवे भवति णो महिद्धिए जाव नो चिरट्ठितीते, जावि त से तत्थ बाहिरव्वं-
तरिया परिसा भवति साऽविय णं नो आदाति नो परियाणाति णो महरि-
हेणामासोणं उवनिमंतेति, भामंपि य से भासमाणास्स जाव चत्तारि पंच देवा अबुत्ता चेव अब्भुट्ठंति—मा बहूँ देवे ! भासउ ५ । से णं ततो देव-
लोगाओ आउक्खएणं भवेक्खएणं ठित्तिक्खएणं अणांतरं चयं चइत्ता इहेव माणास्सए भवे जाइं इमाइं कुलाइं भवंति, तंजहा—अंतकुलाणि वा पंतकुलाणि वा तुच्छकुलाणि वा दरिइकुलाणि वा भिव्खागकुलाणि वा किवएकुलाणि वा तहप्पगारेसु कुलेसु पुमत्ताते पच्चायाति, से णं तत्थ पुमे भवति दुख्वे दुवन्ने दुग्गधे दुरसे दुफासे अणिट्ठे अकंते अप्पिते अमणाराणे अमणामे हीणस्सरे दीणस्सरे अणिट्ठसरे अकंतसरे अपितस्सरे अमणाराणस्सरे अमणा-
मस्सरे अणाएज्जवयणपच्चायाते, जाऽविय से तत्थ बाहिरव्वंतरिता परिसा भवति साऽवि त णं णो आदाति णो परिताणाति नो महरिहेणं आसोणं उवणिमंतेति, भामंपि त से भासमाणास्स जाव चत्तारि पंच जणा अबुत्ता चेव अब्भुट्ठंति—मा बहूँ अज्जउत्तो ! भासउ (२), ६ । माती णं मातं कट्टु आलोचि-
तपडिक्कंते कालमासे कालं किच्चा अराणतरेसु देवलोगेसु देवत्ताए उववत्तारो

भवन्ति, तंजहा—महिङ्घिणसु जाव चिरट्टितीणसु, से णं तत्थ देवे भवति महि-
 ङ्घिण जाव चिरट्टितीते हारविरातितवच्छे कडकलुडितथंभितभुते अंगद-
 कुंडलमउडगंडतलकन्नपीढधारी विचित्तहत्थाभरणो विचित्तवत्थाभरणो
 विचित्तमालामउली कल्लाणगपवरवत्थपरिहिते कल्लाणगपवरगंधमल्लाणु-
 लेवणधरे भासुरबोंदी पलंबवणमालधरे दिव्वेणं वन्नेणं दिव्वेणं गंधेणं
 दिव्वेणं रसेणं दिव्वेणं फासेणं दिव्वेणं संघातेणं दिव्वेणं संठारोणं
 दिव्वाए इङ्घीते दिव्वाते जूतीते दिव्वाते पभाते दिव्वाते छायाते दिव्वाए
 अच्चीए दिव्वेणं तेएणं दिव्वाते लेस्साए दस दिसाओ उज्जोवेमाणा पभा-
 सेमाणा महयाऽहतणट्ट-गीतवातित-तंतीतलताल-लुडितधणमुत्तिग-पडुप्पवाति-
 तरवेणं दिव्वाइं भोगभोगाइं भुंजमाणो विहरइ जाऽवि त से तत्थ वाहिर-
 व्भंतरिता परिमा भवति सावि त णमाढाइ परियाणाति महारिहेण आस-
 रोणं उवनिमंतेति भामंपि त से भासमाणस्स जाव चत्तारि पंच देवां अबुत्ता
 चेव अबुट्टिति—बहुं देवे ! भासउ (२), ७। से णं तओ देवलोगातो
 आउक्खएणं ३ जाव चइत्ता इहेव माणास्सए भवे जाइं इमाइं कुलाइं भवन्ति,
 इ(अ)इं जाव बहुजणास्स अपरिभूताइं तहप्पगारेसु कुलेसु पुमत्ताते
 पच्चात्ताति, से णं तत्थ पुमे भवति सुखे सुवन्ने सुगंधे सुरसे सुफासे इट्ठे
 कंते जाव मणामे अहीणास्सरे जाव मणामस्सरे आदेज्जवतणे पच्चायाते,
 जाऽविय से तत्थ वाहिरव्भंतरिता परिसा भवति साऽवि त णं आत्ताति
 जाव बहुमज्जउत्ते ! भासउ (२), = ॥ सू० ५१७ ॥ अट्टविहे संवरे पन्नत्ते,
 तंजहा—सोइंदियसंवरे जाव फासिंदियसंवरे मणसंवरे वतिसंवरे कायसंवरे
 १। अट्टविहं असंवरे पन्नत्ते, तंजहा—सोतिदिअसंवरे जाव कायअसंवरे
 ॥ सू० ५१८ ॥ अट्ट फासा पन्नत्ता, तंजहा—ककडे मउते गरुते लहुते सीते
 उमिणे निद्धे लुक्खे ॥ सू० ५१९ ॥ अट्टविधा लोगठिती पन्नत्ता, तंजहा—
 आगासपतिट्टिते वाते १ वातपतिट्टिते उदही २ एवं जथा ङ्घाणे जाव जीवा

कम्मपतिट्टिता अजीवा जीवसंगहीता जीवा कम्मसंगहीता ॥ सू० ६०० ॥
 अट्टविहा गणिसंपता पन्नत्ता, तंजहा—आचारसंपया सुयसंपता सरीरसंपता
 वतणसंपता वातणसंपता मतिसंपता पतोगसंपता संगहपरिणयाणाम अट्टमा
 ॥ सू० ६०१ ॥ एगमेगे णं महानिही अट्टवक्कवालपतिट्टाणे अट्टट्टजोयणाइं
 उड्डं उच्चतेणं पन्नत्ते ॥ सू० ६०२ ॥ अट्ट समितीतो पन्नत्ताओ, तंजहा—
 ईरियासमिति भासासमिति एसणासमिति आयाणभंडमत्तनिक्खेवणा-
 समिति उचारपासवणखेलजल्लसिघाणपारिट्टावणियासमिति मणसमिति
 वइसमिति कायसमिति ॥ सू० ६०३ ॥ अट्टहि ठाणेहिं संपन्ने अणगारे
 अरिहति आलोतणा पडिच्छित्तए, तंजहा—आतारवं आहारवं ववहारवं
 ओवीलए पकुव्वते अपरिस्साती निज्जावते अवातदंसी १। अट्टहिं ठाणेहिं
 संपन्ने अणगारे अरिहति अत्तदोसमालोइत्तते, तंजहा—जातिसंपन्ने कुल-
 संपन्ने विणायसंपन्ने णाणसंपन्ने दंसणसंपन्ने चरित्तसंपन्ने खंते दंते
 ॥सू. ६०४। अट्टविहे पायच्छित्ते पन्नत्ते तंजहा—आलोयणारिहे पडिक्कमणारिहे
 तदुभयारिहे विवेगारिहे विउस्सग्गारिहे तवारिहे छेयारिहे मूलरिहे
 ॥ सू० ६०५ ॥ अट्ट मतट्टाणा पन्नत्ता तंजहा—जातिमते कुलमते बलमते
 रूवमते तवमते सुतमते लाभमते इस्मरितमते ॥ सू० ६०६ ॥ अट्ट
 अकिरियावाती पन्नत्ता, तंजहा—एगावाती अणोगावाती मितवादी निम्मि-
 वादी सायवाती समुच्छेदवाती णिणावादी ण संति परलोगवाती
 ॥ सू० ६०७ ॥ अट्टविहे महानिमित्ते पन्नत्ते, तंजहा—भोमे उप्पाते सुविणो
 अंतलिक्खे अंगे सरे लक्खणो वंजणो ॥ सू० ६०८ ॥ अट्टविधा
 वयणविभत्ती पन्नता, तंजहा—निहेसे पढमा होती, बीतिया उवतेसणो ।
 ततिता करणंमि कता, चउत्थी संपदावणो ॥ १ ॥ पंचमी त अवाताणो,
 छट्ठी सस्सामिवायणो । सत्तमी सन्निहाणत्थे, अट्टमी आमंतणी भवे ॥ २ ॥
 तत्थ पढमा विभत्ती निहेसे सो इमो अहं वत्ति । वितीता उण उवतेसे

भण्ण कुण्ण व तिमं व तं वत्ति ॥ ३ ॥ ततिता करण्णि कया णीतं च
 कतं च तेण्ण व मते वा । हंदि णमो साहाते हवति चउत्थी पदाण्णि ॥४॥
 अत्रणो गिरहसु तत्तो इत्तोत्ति व पंचमी अवाद्दणो । छट्ठी तस्स इमस्स व
 गतस्स वा सामिसंबंधे ॥५॥ हवइ पुण्ण सत्तमी तमिमंमि आहारकालभावे
 त आमंतणी भवे अट्टमी उ जह हे जुवाणत्ती ॥ ६ ॥ सू० ६०९ ॥ अट्ट
 ठाणाइं छउमत्थेण्णं सब्बभावेण्णं ण याणत्ति न पासति, तंजहा—धम्मत्थिगातं
 जाव गंधं वातं, एताणि चैव उप्पन्ननाण्णदंसण्णधरे अरहा जिणो केवली
 जाण्णइ पासइ जाव गंधं वातं ॥ सू० ६१० ॥ अट्टविधे आउवेदे पन्नत्ते,
 तंजहा—कुमारभिच्चे कायतिगिच्छा सालाती सल्लहत्ता जंगोली भूतवेज्जा
 खारतंते रसातणो ॥ सू० ६११ ॥ सकस्स णं देविंदस्स देवरन्नो अट्टग्ग-
 महिसीओ पन्नत्ताओ, तंजहा—पउमा सिवा सती (सूती) अंजू अमला
 अच्छरा णवमिया रोहिणी १। ईसाणस्स णं देविंदस्स देवरन्नो अट्टग्गमहि-
 सीओ पन्नत्ताओ, तंजहा—कण्णहा कण्णहराती रामा रामरक्खिता वसू वसु-
 गुत्ता वसुमित्ता वसुंधरा २। सकस्स णं देविंदस्स देवरन्नो सोमस्स महारन्नो
 अट्टग्गमहिसीओ पन्नत्ताओ ३। ईसाणस्स णं देविंदस्स देवरन्नो वेसमण्णस्स
 महारन्नो अट्टग्गमहिसीओ पन्नत्ताओ, ४। अट्ट महग्गहा पन्नत्ता, तंजहा—
 चंदे सूरे सुक्के बुहे बहम्मसती अंगारे सण्णिचरे केऊ ५ ॥ सू० ६१२ ॥
 अट्टविधा तण्णवण्णस्सतिकत्तिया पन्नत्ता, तंजहा—मूले कंदे खंधे तथा साले
 पवाल्ले पत्ते पुप्फे ॥ सू० ६१३ ॥ चउरिंदिया णं जीवा असमारभमाणस्स
 अट्टविधे संजमे कज्जति, तंजहा—चक्खुमातो सोक्खातो अवरोवित्ता भवति,
 चक्खुमतेण्णं दुक्खेण्णं असंजोएत्ता भवति, एवं जाव फासामातो सोक्खातो
 अवरोवेत्ता भवति फासामएण्णं दुक्खेण्णं असंजोगेत्ता भवति १। चउरिंदिया
 णं जीवा समारभमाणस्स अट्टविधे असंजमे कज्जति, तंजहा—चक्खुमातो
 सोक्खाओ ववरोवेत्ता भवति, चक्खुमतेण्णं दुक्खेण्णं संजोगेत्ता भवति, एवं

जाव फासामातो सोक्खातो ववरोवेत्ता भवति ॥ सू० ६१४ ॥ अट्ट सुहुमा
 पन्नत्ता, तंजहा-पाणसुहुमे पणगसुहुमे वीयसुहुमे हरितसुहुमे पुप्फसुहुमे
 अंडसुहुमे लेणसुहुमे सिणोहसुहुमे ॥ सू० ६१५ ॥ भरहस्स णं रत्तो चाउ-
 रंतचक्कवट्टिस्स अट्ट पुरिसजुगाइं अणुवद्धं सिद्धाइं जाव सव्वदुक्खप्पही-
 णाइं, तंजहा-आदिच्चजसे महाजसे अतिबले महाबले तेतवीरिते कित्तवी-
 रिते दंडवीरिते जलवीरिते ॥ सू० ६१६ ॥ पासस्स णं अरहत्तो पुरिसा-
 दाणितस्स अट्ट गणा अट्ट गणहरा होत्था, तंजहा-सुभे अज्जघोसं वसिट्ठे-
 बंभचारी सोमे सिरिधरिते वीरिते भद्दजसे ॥ सू० ६१७ ॥ अट्टविधे
 दंसणे पन्नत्ते, तंजहा-सम्मददंसणे मिच्छददंसणे सम्मामिच्छदंसणे चक्खुदंसणे
 जाव केवलदंसणे सुविणदंसणे ॥ सू० ६१८ ॥ अट्टविधे अद्धोवमिते पन्नत्ते,
 तंजहा-पलितोवमे सागरोवमे उस्सप्पिणी ओसप्पिणी पोग्गलपरियट्टे
 तीतद्धा अणागतद्धा सव्वद्धा ॥ सू० ६१९ ॥ अरहतो णं अरिट्टनेमिस्स
 जाव अट्टमातो पुरिसजुगातो जुगंतकरभूमी दुवासपरियाते अंतमक्कासी
 ॥ सू० ६२० ॥ समणेणं भगवता महावीरेणं अट्ट रायाणो मुंडे भवेत्ता
 अगारातो अणुगारितं पव्वाविता, तंजहा-वीरंगय वीरजसे संजयएणिज्जते
 य रायरिसी । सेयसिवे उदायणे तह संखे कासितवद्धणए ॥ सू० ६२१ ॥
 अट्टविधे आहारे पन्नत्ते, तंजहा-माणुराणे असणे पाणे साइमे साइमे अम-
 णुराणे जाव साइमे ॥ सू० ६२२ ॥ उप्पिं सणांकुमारमाहिंदाणां कप्पाणां
 हेट्ठिं बंभलोगे कप्पे रिट्टविमाणो पत्थडे एत्थ णमक्खाडगसमचउरंससंठाणा-
 संठिंतातो अट्ट कराहरातीतो पन्नत्ताओ, तंजहा-पुरच्छिमेणां दो कराहरातीतो
 दाहियेणां दो कराहराइओ पच्चच्छिमेणां दो कराहराइओ उत्तरेणां दो कराह-
 राइओ, पुरच्छिमा अब्भंतरा कराहराती दाहिणां बाहिरं कराहराइं पुट्ठा,
 दाहिणा अब्भंतरा कराहराती पच्चच्छिमगं बाहिरं कराहराइं पुट्ठा, पच्च-
 च्छिमा अब्भंतरा कराहराती उत्तरं बाहिरं कराहराइं पुट्ठा, उत्तरा अब्भंतरा

करहराती पुरच्छिद्रं बाहिरं करहरातीं पुट्टा, पुरच्छिद्रमपञ्चच्छिद्रमिल्ल्यात्रो
 बाहिरात्रो दो करहरातीतो छलंसातो, उत्तरदाहिणात्रो बाहिरात्रो दो
 करहरातीतो तंसात्रो, सव्वात्रोऽवि णं अब्भंतरकरहरातीतो चउरंसात्रो १।
 एतासि णं अट्टराहं करहरातीणं अट्ट नामधेज्जा पन्नत्ता, तंजहा—करहरातीति
 वा मेहरातीति वा मघाति वा माघवतीति वा वातफलिहेति वा वातपलिकखो-
 भेति वा देवपलिहे वा देवपलिकखोभेति वा २। एतासि णं अट्टराहं करह-
 रातीणं अट्टसु उवासंतरेसु अट्ट लोगंतितविमाणा पन्नत्ता तंजहा—अच्ची
 अच्चिमाली वतिरोअणो पभंकरे चंदाभे सूराभे सुपइट्टाभे अग्गिच्चाभे ३।
 एतेसु णं अट्टसु लोगंतितविमाणेसु अट्टविधा लोगंतिता देवा पन्नत्ता,
 तंजहा—सारसतमाइच्चा वराही वरुणा य गहतोया य । लुसिता अवावांहा
 अग्गिच्चा चैव बोद्धव्वा ॥१॥ ४। एतेसि णमट्टराहं लोगंतितदेवाणं अजह-
 राणमणुक्कोसेणं अट्ट सागरोवमाइं ठिती पणत्ता ५ ॥ सू० ६२३ ॥
 अट्ट धम्मत्थिगातमज्झपतेसा पन्नत्ता, अट्ट अधम्मत्थिगातमज्झपतेसा पन्नत्ता,
 एवं चैव अट्ट आगासत्थिगातमज्झपतेसा पन्नत्ता, एवं चैव अट्ट जीवमज्झपएसा
 पन्नत्ता ॥ सू० ६२४ ॥ अरहंता णं महापउमे अट्ट रायाणो मुंडा भवित्ता
 अगारातो अणगारितं पव्वावेस्सति, तंजहा—पउमं पउमगुम्मं नलिणं नलि-
 नगुम्मं पउमद्धतं धणुद्धतं कणगरहं भरहं ॥ सू० ६२५ ॥ करहस्स णं
 वासुदेवस्स अट्ट अग्गमहिसीत्रो अरहतो णं आरट्टनेमिस्स अंतिते मुंडा
 भवेत्ता अगारातो अणगारितं पव्वतिता सिद्धात्रो जाव सव्वदुवखप्पही-
 णात्रो, तंजहा—पउमावती गोरी गंधारी लक्खणा सुसीमा जंबवती सव्व-
 भामा रुप्पिणी करहअग्गमहिसीत्रो ॥ सू० ६२६ ॥ वीरितपुव्वस्स णं
 अट्ट वत्थू अट्ट चूलिया(चूल)वत्थू पन्नत्ता ॥ सू० ६२७ ॥ अट्ट गतितो
 पन्नत्तात्रो, तंजहा—णिरंतगती तिरियगई जाव सिद्धिगती गुरुगती पणोल्लणगती
 पव्वारगती ॥ सू० ६२८ ॥ गंगासिंधुरत्तारत्तवतिदेवीणं दीवा अट्ट (२)

जोयणाइं आयामविक्रवंभेणं पन्नत्ता ॥ सू० ६२१ ॥ उक्कामुहमेहमुहविज्जु-
मुहविज्जुदंतदीवाणं दीवा अट्ट (२) जोयणासयाइं आयामविक्रवंभेणं पन्नत्ता
॥ सू० ६३० ॥ कालोते णं समुहे अट्ट जोयणासयसहस्साइं चकवाल-
विक्रवंभेणं पन्नत्ते ॥ सू० ६३१ ॥ अब्भंतरपुक्खरद्धे णं अट्ट जोयणासय-
सहस्साइं चकवालविक्रवंभेणं पन्नत्ता, एवं बाहिरपुक्खरद्धेवि ॥ सू० ६३२ ॥
एगमेगस्स णं रन्नो चाउरंतचक्कवट्टिस्स अट्टसोवन्निते काकिणिरयणो छत्तले
दुवालसंसिते अट्टकरिणत्ते अधिकरणिंसंठिते पन्नत्ता ॥ सू० ६३३ ॥
मागधस्स णं जोयणास्स अट्ट धणुसहस्साइं निहारे (निहत्ते) पन्नत्ते
॥ सू० ६३४ ॥ जंबू णं सुदंसणा अट्ट जोयणाइं उद्धं उच्चत्तेणं बहुमज्झ-
देसभाए अट्ट जोयणाइं विक्रवंभेणं सातिरेगाइं अट्ट जोयणाइं सब्वग्गेणं
पन्नत्ता १ । कूडसामली णं अट्ट जोयणाइं, एवं चेव २ ॥ सू० ६३५ ॥
तिमिसगुहा णमट्ट जोयणाइं उद्धं उच्चत्तेणं ३ । खंडप्पवातगुहा णं अट्ट
जोयणाइं उद्धं उच्चत्तेणं एवं चेव ४ ॥ सू० ६३६ ॥ जंबूमंदरस्स पव्वयस्स
पुरच्छिमेणं सीताते महानतीते उभतोक्कूले अट्ट वक्खारपव्वया पन्नत्ता,
तंजहा—चित्तकूडे पम्हकूडे नलिणकूडे एगसेले तिकूडे वेसमणकूडे अंजणो
मायंजणो १ । जंबूमंदरपच्चच्छिमेणं सीतोताते महानतीते उभतोक्कूले अट्ट
वक्खारपव्वता पन्नत्ता, तंजहा—अंकावती पम्हावती आसीवीसे सुहावहे
चंदपव्वते सूरपव्वते णागपव्वते देवपव्वते २ । जंबूमंदरपुरच्छिमेणं
सीताते महानतीते उत्तरेणं अट्ट चक्कवट्टिविजया पन्नत्ता, तंजहा—कच्छे
सुकच्छे महाकच्छे कच्छगावती आवत्ते जाव पुक्खलावती ३ । जंबूमंदर-
पुरच्छिमेणं सीताते महानतीते दाहिणोणमट्ट चक्कवट्टिविजया पन्नत्ता,
तंजहा—वच्छे सुवच्छे जाव मंगलावती ४ । जंबूमंदरपच्चच्छिमेणं सीतोता-
महानदीते दाहिणोणं अट्ट चक्कवट्टिविजया पन्नत्ता, तंजहा—पम्हे जाव सलि-
लावती ५ । जंबूमंदरपच्चत्थिमेणं सीतोताए महानदीए उत्तरेणं अट्ट चक्कव-

द्विविजया पन्नत्ता, तंजहा—वप्पे सुवप्पे जाव गंधिलावती ६ । जंबूमंदर-
पुरच्छिमेणां सीताते महानतीते उत्तरेणमट्ट रायहाणीतो पन्नत्ताओ, तंजहा—
खेमा खेमपुरी चैव जाव पुंडरीगिणी ७ । जंबूमंदरपुरच्छिमेणां सीताए
महाणईएदाहियोणां अट्ट रायहाणीतो पन्नत्ताओ, तंजहा—सुसीमा कुंडला
चैव जाव रयणासंचया ८ । जंबूमंदरपच्चच्छिमेणां सीओदाते महाणदीते
दाहियोणां अट्ट रायहाणीओ पन्नत्ताओ, तंजहा—आसपुरा जाव वीतसोगा ९ ।
जंबूमंदरपच्चच्छिमेणां सीतोताते महानतीते उत्तरेणमट्ट रायहाणीओ पन्न-
ताओ, तंजहा—विजया वेजयंती जाव अउज्झा १० ॥ सू० ६३७ ॥
जंबूमंदरपुरपच्चच्छिमेणां सीताते महाणदीए उत्तरेणां उक्कोसपए अट्ट अर-
हंता अट्ट चक्कवट्टी अट्ट बलदेवा अट्ट वासुदेवा उप्पज्जिसु वा उप्पजंति वा
उप्पज्जिसंति वा ११ । जंबूमंदरपुरच्छिमेणां सीताए दाहियोणां उक्कोसपए
एवं चैव १२ । जंबूमंदरपच्चत्थिमेणां सीओयाते महाणदीए दाहियोणां उक्को-
सपए एवं चैव १३ । एवं उत्तरेणांवि १४ ॥ सू० ६३८ ॥ जंबूमंदरपुर-
च्छिमेणां सीताते महानईए उत्तरेणां अट्ट दीहवेयह्हा अट्ट तिमिसगुहाओ अट्ट
खंडगप्पवातगुहा अट्ट कयमालगा देवा अट्ट णट्टमालगा देवा अट्ट गंगा कुंडा
अट्ट सिधु कुंडा अट्ट गंगातो अट्ट सिधूओ अट्ट उसभकूडा पव्वता अट्ट उसभ-
कूडा देवा पन्नत्ता १५ । जंबूमंदरपुरच्छिमेणां सीताते महानतीते दाहियोणां अट्ट
दीहवेयह्हा एवं चैव जाव अट्ट उसभकूडा देवा पन्नत्ता, नवरमेत्थ रत्तारत्ता-
वतीतो तासिं चैव कुंडा १६ । जंबूमंदरपच्चच्छिमेणां सीतोताए महानदीते
दाहियोणां अट्ट दीहवेयह्हा जाव अट्ट नट्टमालगा देवा अट्ट गंगाकुंडा अट्ट
सिधुकुंडा अट्ट गंगातो अट्ट सिधूओ अट्ट उसभकूडपव्वता अट्ट उसभकूडा
देवा पराणत्ता १७ । जंबूमंदरपच्चत्थिमेणां सीओताते महानतीते उत्तरेणां अट्ट
दीहवेयह्हा जाव अट्ट नट्टमालगा देवा अट्ट रत्तकुंडा अट्ट रत्तावतिकुंडा अट्ट
रत्ताओ जाव अट्ट उसभकूडा देवा पन्नत्ता १८ ॥ सू० ६३९ ॥ मंदरचूलिया

गां बहुमज्ज्भदेसभाते अट्ट जोयणाइं विक्खंभेगां पन्नत्ते ११ ॥ सू० ६४० ॥
 धायइसंडदीवे पुरत्थिमद्धेगां धायतिरुक्खे अट्ट जोयणाइं उट्टं उच्चत्तेगां पन्नत्ते,
 बहुमज्ज्भदेसभाए अट्ट जोयणाइं विक्खंभेगां साइरेगाइं अट्ट जोयणाइं सब्ब-
 ग्गेगां पन्नत्ते, एवं धायइरुक्खातो आढवेत्ता सच्चेव जंबूदीववत्तव्वता
 भाणियव्वा जाव मंदरचूलियत्ति एवं पच्चच्छिमद्धेवि महाधाततिरुक्खातो
 आढवेत्ता जाव मंदरचूलियत्ति एवं पुक्खरवरदीवड्डपुरच्छिमद्धेऽवि पउमरु-
 क्खाओ आढवेत्ता जाव मंदरचूलियत्ति एवं पुक्खरवरदीवपच्चत्थिमद्धेवि
 महापउमरुक्खातो जाव मंदरचूलितत्ति ॥ सू० ६४१ ॥ जंबूदीवे (२) मंदरे
 पव्वते भइसालवणे अट्ट दिसाहत्थिकूडा पन्नत्ता, तंजहा-पउमुत्तर-नीलवंते
 सुहत्थि अंजणागिरी कुमुते य । पलासते वडिंसे (अट्टमए) रोयणागिरी ॥१॥
 १। जंबूदीवस्स गां दीवस्स जगती अट्ट जोयणाइं उट्टं उच्चत्तेगा बहुमज्ज्भ देसभाते
 अट्ट जोयणाइं विक्खंभेगां २ ॥ सू० ६४२ ॥ जंबूदीवे (२) मंदरस्स पव्वयस्स
 दाहिणेगां महाहिमवंते वासहरपव्वते अट्ट कूडा पन्नत्ता, तंजहा-सिद्धे
 महाहिमवंते हिमवंते रोहिता हरीकूडे । हरिकंता हरिवासे वेरुलिते चेव कूडा
 उ ॥ १ ॥ १ । जंबूमंदरउत्तरेगां रुप्पिमि वासहरपव्वते अट्ट कूडा पन्नत्ता,
 तंजहा-सिद्धे य रुप्पी रम्मग नरकंता बुद्धि रूप्पकूडे या । हिरणावते
 मणिकंचणे त रुप्पिमि कूडा उ ॥ १ ॥ २ । जंबूमंदरपुरच्छिमहेगां रुयगवरे
 पव्वते अट्ट कूडा पन्नत्ता, तंजहा-रिट्टे तवण्णिज्ज कंचणा रयत दिसासोत्थिते
 पलंबे य । अंजणा अंजणापुलत्ते रुयगस्म पुरच्छिमहे कूडा ॥ १ ॥ ३ । तत्थ
 गां अट्ट दिसाकुमारिमहत्तरितातो महिद्धियातो जाव पलित्थोवमट्ठितीतातो
 परिवसंति, तंजहा-गांडुत्तरा य गांदा, आगांदा गांदिवद्धणा । विजया य
 वेजयंती, जयंती अपराजिया ॥ १ ॥ ४ ॥ जंबूमंदरदाहिणेगां रुतगवरे पव्वते
 अट्ट कूडा पन्नत्ता, तंजहा-कणाते कंचणे पउमे नलिणे ससि दिवायरे चेव ।
 वेसमणे वेरुलिते रुयगस्स उ दाहिणे कूडा ॥ १ ॥ ५ । तत्थ गां अट्ट

दिसाकुमारिमहत्तरियातो महिद्धियातो जाव पलित्रोवमट्टितीतातो परिवसंति
तंजहा-समाहारा सुप्पतिरणा, सुप्पबुद्धा जसोहरा । लच्छिवती सेसवती,
चित्तगुत्ता वसुंधरा ॥ १ ॥ ६ । जंबूमंदरपच्चत्थिमेणां रुयगवरे पव्वते अट्ट कूडा
पन्नत्ता, तंजहा-सोत्थिते त अमोहे य, हिमवं मंदरे तथा । रुयगे स्तगुत्तमे
चंदे, अट्टमे त सुदंसणे ॥ १ ॥ ७ । तत्थ णमट्ट दिसाकुमारिमहत्तरियात्रो
महिद्धियातो जाव पलित्रोवमट्टितीतातो परिवसंति तंजहा-इलादेवी सुरादेवी
पुट्टवी पउसावती । एगनासा णवमिता, सीता भहा त अट्टमा ॥ १ ॥ ८ ।
जंबूमंदरउत्तररुयगवरे पव्वते अट्ट कूडा पन्नत्ता, तंजहा-रयणे रयणुच्चते ता,
सव्वरयणा रयणसंचते चेव । विजये य विजयंते जयंते अपराजिते ॥ १ ॥ ९ ।
तत्थ णं अट्ट दिसाकुमारिमहत्तरियातो महिद्धितात्रो जाव पलित्रोवमट्टितीतात्रो
परिवसंति तंजहा-अलंबुसा मितकेसी पोंडरि गीतवास्सी । आसा य सव्वगा
चेव, सिरी हिरी चेव उत्तरतो ॥ १ ॥ १० । अट्ट अहेलोगवत्थव्वातो
दिसाकुमारिमहत्तरितातो पन्नत्तात्रो, तंजहा-भोगंकरा भोगवती, सुभोगा
भोगमालिणी । सुवच्छा वच्छमिन्ता य, वारिसेणा बलाहगा ॥ १ ॥ ११ ।
अट्ट उट्टलोगवत्थव्वात्रो दिसाकुमारिमहत्तरितातो पन्नत्तात्रो, तंजहा-
मेघंकरा मेघवती, सुमेघा मेघमालिणी । तोयधारा विचित्ता य, पुष्फमाला
अणिदिता ॥ १ ॥ १२ ॥ सू० ६४३ ॥ अट्ट कण्या तिरितमिस्सोववन्नगा
पन्नत्ता, तंजहा-सोहम्मे जाव सहस्सारे १ । एतेसु णमट्ट कप्पेसु अट्टसु इंदा
पन्नत्ता, तंजहा-सक्के जाव सहस्सारे २ । एतेसि णं अट्टराहमिंदाणां अट्ट
परियाणिया विमाणा पन्नत्ता, तंजहा-पालते पुष्फते सोमणसे सिरिवच्छे
णांदा(दिया)वत्ते कामकमे पीतिमणे विमले ३ ॥ सू० ६४४ ॥ अट्टट्टमियाणां
भिक्खुपडिमाणां चउसट्टीते राइंदिण्हिं दोहि य अट्टासीतेहिं भिक्खासतेहिं
अहासुत्ता जाव अणुपालितावि भवति ॥ सू० ६४५ ॥ अट्टविधा संसार-
समावन्नगा जीवा पन्नत्ता, तंजहा-पट्टमसमयनेरतिता अपट्टमसमयनेरतिता एवं

जाव अपढमसमयदेवा १। अट्टविधा सव्वजीवा पन्नत्ता, तंजहा-नेरतिता
तिरिक्खजोणिता तिरिक्खजोणिणीओ मणुस्सा मणुस्सीओ देवा देवीओ
सिद्धा २। अथवा अट्टविधा सव्वजीवा पन्नत्ता, तंजहा-आभिण्णिवोहित-
नाणी जाव केवलनाणी मतिअन्नाणी सुतअरणाणी विभंगणाणी ३ ॥
सू० ६४६ ॥ अट्टविधे संजमे पन्नत्ते, तंजहा-पढमसमयसुहुमसंपरागसराग-
संजमे अपढमसमयसुहुमसंपरायसरागसंजमे पढमसमयबादरसंजमे अपढमस-
मयबादरसंजमे पढमसमयउवसंतकसायवीतरायसंजमे अपढमसमयउवसंतकसा-
यवीतरागसंजमे पढमसमयखीणकसायवीतरागसंजमे अपढमसमयखीणकसा-
यवीतरागसंजमे ॥ सू० ६४७ ॥ अट्ट पुढवीओ पन्नत्ताओ, तंजहा-रय-
णाप्पभा जाव अहे सत्तमा ईसिपम्भारा १। ईसीपम्भाराते णं पुढवीते बहु-
मज्झदेसभागे अट्टजोयणिए खेत्ते अट्ट जोयणाइं बाहल्लेणं पराणत्ते २।
ईसिपम्भाराते णं पुढवीते अट्ट नामधेज्जा पन्नत्ता, तंजहा-ईसित्ति वा इसिप-
म्भाराति वा तण्णुति वा तण्णुतण्णुइ वा सिद्धीति वा सिद्धालतेति वा मुत्तीति
वा मुत्तालतेति वा ३ ॥ सू० ६४८ ॥ अट्टहिं ठाणोहिं सम्मं संघडितव्वं
जतितव्वं परक्कमितव्वं अस्सि च णं अट्ठे णो पमातेतव्वं भवति-असुयाणं
धम्माणं सम्मं सुणाणाताते अब्भुट्ठेतव्वं भवति १। सुताणं धम्माणं ओगि-
राहणायाते उवधारणायाते अब्भुट्ठेतव्वं भवति २। पा(ण)वाणं कम्माणं
संजमेणमकरणाताते अब्भुट्ठेतव्वं भवति ३। पौराणाणं कम्माणं तवसा
विगिञ्चणाताते विसोहणाताते अब्भुट्ठेतव्वं भवइ ४। असंगिहीतपरितणास्स
संगिराहणाताते अब्भुट्ठेतव्वं भवति ५। सेहं आथारगोयरगहणाताते अब्भु-
ट्ठेतव्वं भवति ६। गिलाणास्स अगिलाते वेयावच्चकरणाताए अब्भुट्ठेतव्वं
भवति ७। साहम्मिताणमधिकरणांसि उप्पराणांसि तत्थ अनिस्सितोवस्सितो
अपक्खग्गाही मज्झत्थभावभूते कह णु साहम्मिता अप्पसहा अप्पमंभा
अप्पतुमंतुमा उवसामणाताते अब्भुट्ठेतव्वं भवति ८ ॥ सू० ६४९ ॥ महा-

सुकसहस्यारेसु गां कप्पेसु विमाणा अट्ट जोयणासताइं उड्हं उच्चत्तेणं पन्नत्ता
 ॥ सू० ६५० ॥ अरहतो गां अरिट्टनेमिस्स अट्टसया वादीणां सदेवमणुया-
 सुराते परिसाते वादे अपराजिताणां उक्कोसिया वादिसंपया हुत्था ॥ सू०
 ६५१ ॥ अट्टसमतिए केवलीसमुग्घाते पन्नत्ते, तंजहा-पढमे समए दंडं
 करेति, बीए समए कवाडं करेति, ततिए समते मंथानं करेति, चउत्थे समते
 लोगं पूरेति, पंचमे समए लोगं पडिसाहरति, छट्ठे समए मंथं पडिसाहरति,
 सत्तमे समए कवाडं पडिसाहरति, अट्टमे समए दंडं पडिसाहरति ॥ सू०
 ६५२ ॥ समणस्स गां भगवतो महावीरस्स अट्ट सया अणुत्तरोववातियाणां
 गतिकल्लाणाणां जाव आगमेसिभद्दाणां उक्कोसिता अणुत्तरोववातितसंपया
 हुत्था ॥ सू० ६५३ ॥ अट्टविधा वाणमंतरा देवा पन्नत्ता तंजहा-पिसाया
 भूता जक्खा रक्खसा किन्नरा किंपुरिसा महोरगा गंधव्वा । एतेसि गां
 अट्टगहं(विहाणं) वाणमंतरदेवाणां अट्ट चेतितरक्खवा पन्नत्ता, तंजहा-कलंबो
 अ पिसायाणां, वडो जक्खाण चेतितं । तुलसी भूयाणां भवे, रक्खसाणां च
 कंडयो ॥१॥ असोओ किन्नराणां च, किंपुरिसाण य चंपतो । नागरक्खो
 भुयंगाणां, गंधवाण य तेंदुओ ॥२॥ २ ॥ सू० ६५४ ॥ इमीसे रयणप्प-
 भाते पुढ्वीते बहुसमरमणिज्जाओ भूमिभागाओ अट्टजोयणासते उड्ढवाहाते
 सूरविमाणो चारं चरति ॥सू० ६५५॥ अट्ट नक्खत्ता चंदेणं सद्धि पमदं जोगं
 जोतेति, तंजहा-कत्तिता रोहिणी पुराणव्वसू महा चित्ता विस्साहा अणु-
 राधा जेट्टा ॥ सू० ६५६ ॥ जंबुद्दीवस्स गां दीवस्स दारा अट्टजोयणाइं
 उड्हं उच्चत्तेणं पन्नत्ता १। सव्वेसिंपिं दीवसमुहाणां दारा अट्टजोयणाइं उड्हं
 उच्चत्तेणं पन्नत्ता २ ॥ सू० ६५७ ॥ पुरिसवेयणिज्जरस्स गां कम्मस्स जहन्नेणं
 अट्टसंवच्छराइं बंधठिती पन्नत्ता १। जसोकित्तीनामएणां कम्मस्स जहराणोणां
 अट्ट मुहुत्ताइं बंधठिती पन्नत्ता २। उच्चगोयस्स गां कम्मस्स एवं चेव ३ ॥सू०
 ६५८ ॥ तेइंदियाणमट्ट जातीकुल्लकोडीजोणीपमुहसत सहस्सा पन्नत्ता ॥ सू०

६५१ ॥ जीवा णं अट्टुठाणणिव्वत्तिते पोग्गले पावकम्मत्ताते चिणिसु वा चिणांति वा चिणिसंति वा, तंजहा-पढमसमयनेरतितनिव्वत्तिते जाव अपढ-मसमयदेवनिव्वत्तिते, एवं चिण उवचिण जाव निज्जरा चेव, अट्टुपतेसिता खंधा अणांता पराणात्ता, अट्टुपतेसोगाढा पोग्गला अणांता पराणात्ता जाव अट्टुगुणलुक्खा पोग्गला अणांता पराणात्ता ॥ सू० ६६० ॥ अट्टुमं ठाणं सम्मत्तं ॥ अट्टुमं अज्झयणां सम्मत्तं ॥

॥ इति अष्टस्थानाख्यमष्टममध्ययनम् ॥ ८ ॥

॥ अथ नवस्थानकार्ख्यं नवममध्ययनम् ॥

नवहिं ठाणेहिं समणे णिग्गंथे संभोतितं विसंभोतितं करेमाणे णातिक-मति, तंजहा-आयरियपडिणीयं उवज्झायपडिणीयं थेरपडिणीयं कूलपडिणीयं गणपडिणीयं संघपडिणीयं नाणपडिणीयं दंसणपडिणीयं चरित्तपडिणीयं ॥ सू० ६६१ ॥ एव बंभचेरा पन्नत्ता तंजहा-सत्थपरिन्ना लोगविज्जओ जाव उवहाणसुयं महापरिणणा ॥ सू० ६६२ ॥ नव बंभचेरगुत्तीतो पन्न-त्ताओ, तंजहा-विवत्ताइं सयणासणाइं सेवित्ता भवति णो इत्थिसंसत्ताइं नो पसुसंसत्ताइं नो पंडगसंसत्ताइं १ नो इत्थिणं क्हं कहेत्ता २ नो इत्थि-ठाणाइं सेवित्ता भवति ३ णो इत्थीणमिंदिताइं मणोहराइं मणोरमाइं आलोइत्ता निज्झाइत्ता भवइ ४ णो पणीतरसभोती ५ णो पाणभोयणस्स अतिमत्तं(मातं) आहारते सता भवति ६ णो पुव्वरतं पुव्वकीलियं सम-रेत्ता भवति ७ णो सहाणुवाती णो रूवाणुवाती णो सिलोगाणुवाती ८ णो सातसोक्खपडिब्बे यावि भवति ९, १। एव बंभचेरअगुत्तीओ पन्न-त्ताओ, तंजहा-णो विवत्ताइं सयणासणाइं सेवित्ता भवइ, इत्थीसंसत्ताइं पसु-संसत्ताइं पंडगसंसत्ताइं इत्थीणं क्हं कहेत्ता भवइ, इत्थीणं ठाणाइं सेवित्ता भवति, इत्थीणं इंदियाइं जाव निज्झाइत्ता भवति. पणीत्तसोइं पाणभोय-

णस्स अइमायमाहारए सया भवइ, पुव्वरयं पुव्वकीलियं सरित्ता भवइ,
 सहाणुवाई खुवाणुवाई सिलोगाणुवाई जाव सायासुवखपडिवद्धे यावि भवति
 ॥ सू० ६६३ ॥ अभिणंदणाओ णं अरहओ सुमती अरहा नवहिं
 सागरोवमकोडीसयसहस्सेहिं विइक्कंतेहिं समुप्पन्ने ॥ सू० ६६४ ॥ नव
 मव्भावपयत्था पन्नत्ता, तंजहा-जीवा अजीवा पुराणं पावो आसवो संवरो
 निज्जरा वंओ मोक्खो ॥ सू० ६६५ ॥ णवविहा संसारसभावन्नगा जीवा
 पन्नत्ता, तंजहा-पुढविकाइया जाव वणस्सइकाइया वेइंदिया जाव पंचिंदितत्ति
 १ । पुढविकाइया नवगइया नवआगतिता पन्नत्ता, तंजहा-पुढवीकाइए पुढवि-
 काइएसु उववज्जमाणो पुढविकाइएहिंतो वा जाव पंचिंदियेहिंतो वा उवव-
 ज्जेजा, से चेव णं से पुढविकाइए पुढविकायत्तं विप्पजहमाणो पुढवि-
 काइयत्ताए जाव पंचिंदियत्ताते वा गच्छेज्जा २ एवमाउकाइयावि ३ जावं
 पंचिंदियत्ति २ । णवविधा सब्वजीवा पन्नत्ता, तंजहा-एगिंदिया वेइंदिया
 तेइंदिया चउरिंदिया नेरतिता पंचेदियतिरिक्खजोणिया मणुस्सा देवा सिद्धा
 ३ । अथवा णवविहा सब्वजीवा पन्नत्ता, तंजहा-पढमसमयनेरतिता
 अपढमसमयनेरतिता जाव अपढमसमयदेवा सिद्धा ४ । नवविहा
 सब्वजीवोगाहणा पन्नत्ता, तंजहा-पुढविकाइओगाहणा आउकाइओ-
 गाहणा जाव वणस्सइकायउगाहणा वेइंदियओगाहणा तेइंदियओगाहणा
 चउरिंदियओगाहणा पंचिंदियओगाहणा ५ । जीवाणं नवहिं ठणोहिं संसारं
 वत्तिं सु वा वत्तंति वा वत्तिस्संति वा, तंजहा-पुढविकाइयत्ताए जाव पंचिंदिय-
 ताए ६ ॥ सू० ६६६ ॥ णवहिं ठणोहिं रोगुप्पत्ती सिया तंजहा-अचा-
 सणाते अहितासणाते अतिणिहाए अतिजागरितेण उच्चारनिरोहेणं पास-
 वणनिरोहेणं अद्धाणगमणेणं भायणपडिकूलताते इंदियत्थविकोवणायाते
 ॥ सू० ६६७ ॥ णवविधे दरिसणावरणिज्जे कम्मं पन्नत्ते, तंजहा-निहा
 निहानिहा पयला पयलापयला थीणगिद्धी चक्खुदंसणावरणो अचक्खुदंस-

श्रीमत्स्थानाङ्गव्रतम् :: अध्यायनं ६]

गावरणो अवधिदंसणावरणो केवलदंसणावरणो ॥ सू० ६६८ ॥ अभिती
 गां गाक्खत्ते सातिरेगे नव मुहुत्ते चंदेण सद्धिं जोगं जोतेति, अभीतिआतिआ
 गां गावनक्खत्ता गां चंदस्स उत्तरेणं जोगं जोतेति, तंजहा-अभीती सवणा
 धणिट्ठा जाव भरणी ॥सू० ६६९॥ इमीसे गां रयणाप्पभाते पुढवीए बहुसमर-
 मणिज्जाओ भूमिभागाओ गावजोअणसताइं उद्धं अबाहाते उ(अ)वरिल्ले
 तारारूवे चारं चरति ॥ सू० ६७० ॥ जंबूदीवे गां दीवे गावजोयणिआ
 मच्छा पविसिंसु वा पविसंति वा पविसिस्संति वा ॥ सू० ६७१ ॥
 जंबूदीवे दीवे भारहे वासे इमीसे ओसप्पिणीते गाव बलदेववासुदेवपियरो
 हुत्था तंजहा-पयावती त वंभे य, रोहे सोमे सिवेतिता । महासीहे अग्गि-
 सीहे, दसरह नवमे य वसुदेवे ॥ १ ॥ इत्तो आढत्तं जथा समवाये निरव-
 सेसं जाव एगा से गव्भवसही सिज्जिभस्सति आगमेस्सेणं १ । जंबुदीवे
 दीवे भारहे वासे आगमेस्साए उस्सप्पिणीते नव बलदेववासुदेवपितरो
 भविस्संति २ । नव बलदंशवासुदेवमायरो भविस्संति एवं जथा समवाते
 निरवसेसं जाव महाभीमसेण सुग्गीवे य अपच्छिमे ३ । एए खलु पडिसत्तू
 कितीपुरिसाण वासुदेवाणं । सव्वेवि चक्कोही हम्महंती सचक्केहिं
 ॥ १ ॥ सू० ६७२ ॥ एगमेगे गां महानिधी गां गाव गाव जोयणाइं
 विक्खंभेणं पराणत्ते एगमेगस्स गां रन्नो चाउरंतचक्कवट्टिरस नव महानिहओ
 पन्नत्ता तंजहा-“शोसप्पे १ पंडुयए २ पिंगलते ३ सव्वरयणा ४ महापउमे
 ५ । काले य ६ महाकाले ७ माणावग ८ महानिही संखे ९ ॥ १ ॥
 गोमप्यंमि निवेसा गामागरनगरपट्टणाणं च । दोणामुहमडंवाणं खंधाराणं
 गिहाणं च ॥ २ ॥ गणिथस्स य बीयाण माणुम्माणुस्स जं पमाणं च ।
 धन्नस्स य बीयाणं उप्पत्ती पंडुते भणिया ॥ ३ ॥ सव्वा आभरणाविही
 पुरिसाणं जा य होइ महिलाणं । आसाण य हत्थीण य पिंगलगनिहिंमि
 सा भणिया ॥ ४ ॥ रयणाइं सव्वरयणो चोदस पवराइं चक्कवट्टिस्स ।

उप्पज्जंति एगिंदियाइं पंचिंदियाइं च ॥ ५ ॥ वत्थाण य उप्पत्ती निप्पत्ती
 चेव सब्बभत्तीणां । रंगाण य धोयाण य सब्बा एसा महापउमे ॥ ६ ॥
 काले कालराणाणं भव्वपुराणां च तीसु वासेसु । सिप्पसतं कम्माणि य
 तिन्नि पयाए हियकराइं ॥ ७ ॥ लोहस्स य उप्पत्ती होइ महाकालि
 आगराणां च । रूपस्स सुवन्नस्स य मणिमोत्तिसिलप्पवालाणां ॥ ८ ॥
 जोधाण य उप्पत्ती आवरणाणां च पहरणाणां च । सब्बा य जुद्धनीती
 माणावते दंडनीती य ॥ ९ ॥ नट्टविही नाडगविही कव्वस्स चउव्विहस्स
 उप्पत्ती । संखे महानिहिम्मी तुडियंगाणां च सब्बेसिं ॥१०॥ चक्कट्टुपइट्टाणा
 अट्टुस्सेहा य नव य विक्खंभे । बारसदीहा मंजूससंठिया जह्वीई मुहे
 ॥११॥ वेरुलियमणिकवाडा कणागमया विविधरयणापडिपुत्रा । ससिसूरचक-
 लक्खणाअणुसमजुगवाहुवतणा त ॥१२॥ पलित्तोवमट्टितीया णिहिसरिणामा
 य तेसु खलु देवा । जेसिं ते आवासा अक्किजा आहिवचा वा ॥१३॥ एए
 ते नवनिहयो पभूतधणारयणासंचयसमिद्धा । जे वसमुवगच्छंती सब्बेसिं
 चक्कवट्टीणां ॥१४॥ ॥सू० ६७३॥ एव विगतीतो पन्नत्तायो, तंजहा-खीरं
 दधिं एवणीतं सप्पि तेलं गुलो महुँ मज्जं मंसं ॥ सू० ६७४ ॥ एवसोत-
 परिस्सवा बोंदी पराणात्ता, तंजहा-दो सोत्ता दो एत्ता दो घाणा मुहं पोसे
 पाऊ ॥ सू० ६७५ ॥ एवविधे पुन्ने पन्नत्ते, तंजहा-अन्नपुन्ने पाणापुराणे
 वत्थपुन्ने लेणापुराणे सयणापुन्ने मणापुन्ने वत्तिपुराणे कायपुराणे नमोक्कार-
 पुराणे ॥ सू० ६७६ ॥ एव पावस्सायतणा पन्नत्ता, तंजहा-पाणातिवाते
 मुसावाते जाव परिग्गहे कोहे माणे माया लोभे ॥ सू० ६७७ ॥
 नवविधे पावसुयपसंगे पन्नत्ते, तंजहा-उप्पाते निमित्ते मंते आति-
 विखते तिगिच्छते । कला आवरणोऽन्नाणे मिच्छापावतणेति त ॥ १ ॥
 ॥सू० ६७८ ॥ नव एउणित्ता वत्थू पन्नत्ता, तंजहा-संखाणे निमित्ते कातित्ते
 पोराणे पारिहत्थिते परपंडिते वातित्ते भूतिकम्मे तिगिच्छते ॥सू० ६७९॥

समणस्स णं भगवतो महावीरस्स णव गणा हुत्था, तंजहा—गोदासे गणे
उत्तरबलिस्सहगणे उददेहगणे चारणगणे उदवातितगणे विस्सवातितगणे
कामद्धितगणे माणवगणे कोडितगणे ॥ सू० ६८० ॥ समणेषां भगवता महा-
वीरेणां समणाणां णिग्गंथाणां णवकोडिपरिसुद्धे भिक्खे पन्नत्ते, तंजहा—
ण हणइ ण हणावइ हणांतं णाणुजाणइ ण पतति ण पतावेति पतंतं
णाणुजाणाति ण किणाति ण कित्तावेति किणांतं णाणुजाणाति
॥ सू० ६८१ ॥ ईसाणस्स णं देविंदस्स देवरणो वरुणस्स महारन्नो
णव अग्गमहिसीओ पन्नताओ ॥ सू० ६८२ ॥ ईसाणस्स णं देविंदस्स
देवरणो अग्गमहिसीणां णव पलिओवमाइं ठिती पन्नत्ता, १ । ईसाणे
कप्पे उक्कोसेणां देवीणां णव पलिओवमाइं ठिती पन्नत्ता, २ । ॥ सू० ६८३ ॥
नव देवनिकाया पन्नत्ता, तंजहा—सारस्सयमाइच्चा वरही वरुणा य गह-
तोया य । तुसिया अब्वावाहा अग्गिच्चा चैव रिट्ठा य ॥ १ ॥
अब्वावाहाणां देवाणां नव देवा नव देवसया पन्नत्ता, एवं अग्गिच्चावि,
एवं रिट्ठावि ॥ सू० ६८४ ॥ णव गेवेज्जविमाणपत्थडा पन्नत्ता, तंजहा—
हेट्ठिमहेट्ठिमगेविज्जविमाणपत्थडे हेट्ठिममज्झिमगेविज्जविमाणपत्थडे हेट्ठि-
मउवरिमगेविज्जविमाणपत्थडे मज्झिमहेट्ठिमगेविज्जविमाणपत्थडे मज्झिम-
मज्झिमगेविज्जविमाणपत्थडे मज्झिमउवरिमगेविज्जविमाणपत्थडे उवरिमहेट्ठि-
मगेविज्जविमाणपत्थडे उवरिममज्झिमगेविज्जविमाणपत्थडे उवरिम२गेवि-
ज्जविमाणपत्थडे १ । एतेसि णां णवराहं गेविज्जविमाणपत्थडाणां णव
नामधिज्जा पन्नत्ता, तंजहा—भद्दे सुभद्दे सुजाते सोमणसे पितदरिसणे ।
सुदंसणे अमोहे य सुप्पबुद्धे जसोधरे ॥ १ ॥ सू० ६८५ ॥ नवविहे
आउपरिणामे पन्नत्ते, तंजहा—गतिपरिणामे गतिबंधणपरिणामे ठिइपरिणामे
ठित्तिबंधणपरिणामे उहं गारवपरिणामे अहेगारवपरिणामे तिरितंगारवपरिणामे
दीहंगारवपरिणामे रहस्संगारवपरिणामे ॥ सू० ६८६ ॥ णवणावमिता णं

भिः सुपडिमा एगासीते रातिंदिणहिं चउहि य पंचुत्तरेहिं भिक्खासतेहि अधा-
सुत्ता जाव आराहिता तावि भवति ॥ सू० ६८७ ॥ एवविधे पायच्छित्ते
पन्नत्ते तंजहा—आलोयणारिहे जाव मूलारिहे अणवठप्पारिहे ॥ सू० ६८८ ॥
जंबूमंदरदाहिणोणं भरहे दीहवेतड्ढे नव कूडा पन्नत्ता, तंजहा—सिद्धे १
भरहे २ खंडग ३ माणी ४ वेयड्ढ ५ पुन्न ६ तिमिसगुहा ७ । भरहे ८
वेसमणो ९ या भरहे कूडाण गामाई ॥ १ ॥ जंबूमंदिरदाहिणोणं निसभे
वासहरपव्वते एव कूडा पन्नत्ता, तंजहा—सिद्धे १ निसहे २ हरिवास ३
विदेह ४ हरि ५ धिति ६ अ सीतोता ७ । अवरविदेहे ८ रुयगे ९ निसभे
कूडाण नामाणि ॥ १ ॥ जंबूमंदरपव्वते गांदणवणो एव कूडा पन्नत्ता, तंजहा-
गांदणो १ मंदरे २ चेव निसहे ३ हेमवते ४ रयय ५ रुयए ६ य । सागर-
चित्ते ७ वइरे ८ बलकूडे ९ चेव बोद्धव्वे ॥ १ ॥ जंबूमालवंतवक्खारपव्वते
एव कूडा पन्नत्ता, तंजहा—सिद्धे १ य मालवंते २ उत्तरकुरु ३ कच्छ ४
सागरे ५ रयते ६ । सीता ७ तह पुराणणामे ८ हरिस्सहकूडे ९ य बोद्धव्वे
॥ १ ॥ जंबूमालवंतवक्खारपव्वते कच्छे दीहवेयड्ढे नव कूडा पन्नत्ता
तंजहा—सिद्धे १ कच्छे २ खंडग ३ माणी ४ वेयड्ढ ५ पुणा ६ तिमिस गुहा
७ । कच्छे ८ वेसमणो या ९ कच्छे कूडाण गामाई ॥ १ ॥ जंबूमालवंत-
वक्खारपव्वते सुकच्छे दीहवेयड्ढे एव कूडा पन्नत्ता, तंजहा—सिद्धे १ सुकच्छे
२ खंडग ३ माणी ४ वेयड्ढ ५ पुन्न ६ तिमिसगुहा ७ । सुकच्छे ८ वेस-
मणो ९ ता सुकच्छि कूडाण गामाई ॥ १ ॥ एवं जाव पोक्खलावतिमि
दीहवेयड्ढे, एवं वच्छे दीहवेयड्ढे एवं जाव मंगलावतिमि दीहवेयड्ढे । जंबू-
विज्जुप्पभे वक्खारपव्वते नव कूडा पन्नत्ता, तंजहा—सिद्धे १ अ विज्जुणामे
२ देवकूरा ३ पम्ह ४ कणग ५ सोवत्थी ६ । सीतोताते ७ सजले ८ हरि-
कूडे ९ चेव बोद्धव्वे ॥ १ ॥ जंबूविज्जुप्पभे वक्खारपव्वते पम्हे दीहवेयड्ढे
एव कूडा पन्नत्ता, तंजहा—सिद्धे १ पम्हे २ खंडग ३ माणी ४ वेयड्ढ ५

एवं चैव जाव सलिलावतिमि दीहवेयङ्गे, एवं वप्पे दीहवेयङ्गे एवं जाव
गंधिलावतिमि दीहवेयङ्गे नव कूडा पन्नत्ता, तंजहा-सिद्धे १ गंधिल २
खंडग ३ माणी ४ वेयङ्ग ५ पुन्न ६ तिमिसगुहा ७ । गंधिलावति = वेस-
मणा १ कूडाणां होंति णामाईं ॥ १ ॥ एवं सव्वेसु दीहवेयङ्गेसु दो कूडा
सरिसणामणा सेसा ते चैव, जंबूमंदरेणां उत्तरेणां नेलवंते वासहरपव्वते णव
कूडा पन्नत्ता, तंजहा-सिद्धे १ निलवंत २ विदेह ३ सीता ४ किन्ती त ५
नारिकंता ६ य । अवरविदेहे रम्मगकूडे = उवदंसणो १ चैव ॥ १ ॥ जंबू-
मंदरउत्तरेणां एरवते दीहवेयङ्गे नव कूडा पन्नत्ता, तंजहा-सिद्धे १ रयणो २
खंडग ३ माणी ४ वेयङ्ग ५ पुण्णा ६ तिमिसगुहा ७ । एरवते = वेसमणो
१ एरवते कूडाणामाईं ॥ १ ॥ सू० ६८१ ॥ पासे णं अरहा
पुरिसादाणिए वज्जरिसहणारातसंघयणो समचउरंससंठाणसंठिते नव
रयणीओ उड्डं उच्चत्तेणां हुत्था ॥ सू० ६१० ॥ समणस्स णं
भगवतो महावीरस्स तित्थंसि णवहिं जीवेहिं तित्थगरणामगोत्ते
कम्मे णिव्वतित्ते, सेणित्तेणां सुपासेणां उदातिणा पोट्टिलेणां अणगारेणां
दढाउणा संखेणां सततेणां सुलसाए साविताते रेवतीते १ ॥ सू० ६११ ॥
एस णं अज्जो ! कणाहे वासुदेवे १ रामे बलदेवे २ उदये पेढालपुत्ते ३
पुट्टिले ४ सतते गाहावती ५ दारुते नितंठे ६ सच्चती नितठीपुत्ते ७ सावितबुद्धे
अम्बडे परिव्वायते = अज्जाविणां सुपासा पासावच्चिज्जा १ आगमेस्साने
उस्सप्पिणीते चाउज्जामं धम्मं पन्नवत्तिता सिज्झिहन्ति जाव अंतं काहिति
॥ सू० ६१२ ॥ एस णं अज्जो ! सेणिए राया भिभिसारे कालमासे कालं
किच्चा इमीसे रयणप्पभाए पुढवीते सीमंतते नरेण चउरासीतिवाससहस्सट्ठि-
तीयंसि निरयंसि गोरइयत्ताए उववज्जिहिति, से णं तत्थ गोरइए भविस्सति
काले कालोभासे जाव परमकिणहे वन्नेणां, से णं तत्थ वेयणां वेदिहिती
उज्जलं (विउलं) जाव दुरहियासं १। से णं ततो नरतातो उवट्टेत्ता आग-

येसाते उस्मपिणीते इहेव जंबुद्वीवे दीवे भारहे वासे वेयद्वगिरिशयमूले पुंडेसु
 जणवतेसु मतदुवारे गगरे संमुइस्स कुजकरस्स भदाए भारियाए कुच्चिंमि
 पुमत्ताए पच्चायाहिती, तए गां सा भदा भारिया नवरहं मासाणां बहुपडि-
 पुराणाणां अद्धुमाणा य राइंदियाणां वीतिककंताणां सुद्धुमालपाणिपातं अही-
 णपडिपुन्नपंचिंदियमरीरं लक्खणावंजणा जाव सुख्वं दारगं पयाहिती २। जं
 रयणिं च गां से दारए पयाहिती तं रयणिं च गां सतदुवारे गगरे सच्चिंभर-
 वाहिरए भारग्गसो य कुंभग्गसो त पउमवासे त रयणावासे त वासे वासि-
 हिती, तए गां तस्स दारयस्स अम्मापियरो एकारसमे दिवसे वड्ढकंते जाव
 वारमाहे दिवसे अयमेयाख्वं गोराणां गुणनिप्फराणां नामधिज्जं काहिति
 जम्हा गां अम्हमिमंसि दारगंसि जातंसि समाणांसि सयदुवारे नगरे सच्चिंभ-
 तरवाहिरए भारग्गसो य कुंभग्गसो य पउमवासे य रयणावासे य वासे बुट्ठे
 तं होऊ णाम्हमिमस्स दारगस्स नामधिज्जं महापउमे २, तए गां तस्स
 दारगस्स अम्मापियरो नामधिज्जं काहिति—महापउयेत्ति ३। तए गां महा-
 पउमं दारगं अम्मापितरो सातिरेगं अट्टवासजातगं जाणित्ता महता राधाभि-
 सेएणां अभिसिंचिहिति, से गां तत्थ राया भविस्सति महता हिस्सवंतमहंतमलय-
 मंदररायवन्नतो जाव रज्जं पसाहेमाणो विहरिस्सति ४। तते गां तस्स महाप-
 उमस्स रत्तो अन्नया कयाइ दो देवा महिद्धिया जाव महेसक्खा सेणाकम्मं
 काहिती, तंजहा—पुन्नभद्वते माणिभद्वते, तए गां मतदुवारे नगरे बहवे राती-
 सर-तलवर-माडंविन-कोडुं वित-इच्चमसेट्टिसेणावति-सत्थवाहण्णभितयो अन्नमन्नं
 सदावेहिति एवं वतिस्संति जम्हा गां देवाणुप्पिया ! अम्हं महापउमरस रत्तो
 दो देवा महिद्धिया जाव महेसक्खा सेनाकम्मं करेति, तंजहा—पुन्नभद्वे त
 माणिभद्वे य, तं होऊ णाम्हं देवाणुप्पिया ! महापउमस्स रत्तो दोच्चेऽवि
 नामधेज्जे देवसेणो, तते गां तस्स महापउमस्स दोच्चेऽवि नामधेज्जे भवि-
 स्सइ देवसेणोति २, तए गां तस्स देवसेणास्स रत्तो अन्नता

कताती सेयसंखतलविमलसन्निकासे चउदंते हत्थिरयणो समुप्पज्जिहिति, ५।
 तए णं से देवसेणो राया तं सेयं संखतलविमलसन्निकासं चउदंते हत्थिरयणं
 दुख्खे समाणो सतदुवारं नगरं मज्झमज्जेणं अभिक्खणं (२) अतिज्जाहि
 त णिज्जाहि त, तते णं सतदुवारे णगरे-बहवे रातीसरतलवर जाव
 अन्नमन्नं सहाविति (२) एवं वइस्संति-जम्हा णं देवाणुप्पिया ! अम्हं
 देवसेणस्स रत्तो सेते संखतलविमलसन्निकासे चउदंते हत्थिरयणो समुप्पन्ने
 तं होऊ णामम्हं देवाणुप्पिया ! देवसेणस्स रत्तो तच्चेऽवि नामधेज्जे विमल-
 वाहणो, तते णं तस्स देवसेणस्स रत्तो तच्चेऽवि णामधेज्जे भविस्सति
 विमलवाहणो २, ६ । तए णं से विमलवाहणो राया तीसं वासाइं अगार-
 वासमज्जे वसित्ता अम्मापितीहिं देवत्तगतेहिं गुरुमहत्तरतेहिं अब्भणुन्नाते समाणो
 उदुंमि सरए संबुद्धे अणुत्तरे मोक्खमग्गे पुणारवि लोगंतितेहिं जीयकप्पितेहिं
 देवेहिं ताहिं इट्ठाहि कंताहिं पियाहिं मणुन्नाहिं मणामाहिं उरालाहिं कल्लाणाहिं
 धन्नाहिं सिवाहिं मंगलाहिं सस्सिरीआहिं वग्गूहिं अभिणंदिज्जमाणो अभिथुव-
 माणो य वहिया (संघोहिए) सुभूमिभागे उज्जाणो एगं देवदूसमादाय मुंडे भवित्ता
 अगाराओ अणुगारियं पव्वथाहिति, तस्स णं भगवंतस्स साइरेगाइं दुवालस
 वासाइं निच्चं वोसट्ठकाए चियत्तेदेहे जे केई उवसग्गा उप्पज्जंति तंजहा-
 दिव्वा वा माणुसा वा तिरिक्खजोणिया वा, ते उप्पन्ने सम्मं सहिस्सइ
 खमिस्सइ तितिक्खिस्सइ अहियामिस्सइ ७। तए णं से भगवं ईरियासमिए
 भासासमिए जाव गुत्तवंभयारि अममे अक्किचणो छि(क्कि)न्नगं(ग्गं)थे निस्सुत्तेवे
 कंसपाईव सुक्कतोए जहा भावणाए जाव सुहुयहुयासणोविव तेयसा जलंते
 ८ । कसे संखे जीवे गगणो वाते य सारए सलिले । पुक्खरपत्ते कुंभे
 विहगे खग्गे य भारडे ॥ १ ॥ कुंजर वसहे सीहे नगराया चव सागरमखोमे ।
 चंदे सूरे कणणे वसुंधरा चव सुहुयहुए ॥ २ ॥ नत्थि णं तस्स भगवंतस्स कत्थइ
 पडिवंधे भवइ, से य पडिवंधे चउव्विहे पन्नत्ते, तंजहा-अंडए वा पोयएइ वा उग्गहेइ

वा पग्गहिएइ वा १ । जं णं जं णं दिसं इच्छइ तं णं तं णं दिसं अपडिबद्धे
 सुचिभूए लहुभूए अणुप्पगंथे संजमेणं तवसा अप्पाणं भावेमाणो विहरिस्सइ,
 तस्स णं भगवंतस्स अणुत्तरेणं नाणेणं अणुत्तरेणं दंसणेणं अणुवचरिएणं
 एवं आलएणं विहारेणं अज्जवे मइवे लाघवे खंती मुत्ती गुत्ती सच्च संजम
 तवगुणसुचरिय-सोवचिय-फलपरिनिव्वाणमग्गेणं अप्पाणं भावेमाणस्स
 भाणंतरियाए वट्टमाणस्स अणंते अणुत्तरे निव्वाघाए जाव केवलव-
 रणाणदंसणे समुप्पज्जिहिति, १० । तए णं से भगवं अरहे जिणे
 भविस्सइ, केवली सव्वन्नू सव्वदरिसी सदेवमाणुआसुरस्स लोगस्स
 परियागं जाणइ पासइ, सव्वलोए सव्वजीवाणं आगइं गतिं
 ठियं चयणं उववायं तवकं मणोमाणसियं भुत्तं कडं परिसेवियं
 आवीकम्मं रहोकम्मं अरहा अरहस्स भागी तं तं कालं मणसवयसकाइए
 जोगे वट्टमाणणं सव्वलोए सव्वजीवाणं सव्वभावे जाणमाणे पासमाणे
 विहरइ ११ । तए णं से भगवं तेणं अणुत्तरेणं केवलवरणाणदंसणेणं
 सदेवमाणुआसुरलोगं अभिसमिच्चा समणणं निग्गंथाणं [सेणं भगवं जं
 चेव दिवसं मुंडे भवित्ता जाव पव्वयाहि तं चेव दिवसं सयमेतारुव-
 मभिग्गहं अभिगिणिहहिति जे केइ उवसग्गा उप्पज्जंति, तंजहा-
 दिव्वा वा माणुसा वा तिरिक्खजोगिणिया वा, ते उप्पन्ने सम्मं सहिस्सइ
 खमिस्सइ तित्तिक्खिस्सइ अहियासिस्सइ, तते णं से भगवं अणुगारे भवि-
 स्सति ईरियासमिते भाससमिते एवं जहा वद्धमाणसामी तं चेव निरवसेसं
 जाव अब्बावारविउसजोगजुत्ते, तस्स णं भगवंतस्स एतेणं विहारेणं
 विहरमाणस्स दुवालसहिं संवच्छरेहिं वीतिककंतेहिं तेरसहि य पक्खेहिं
 तेरसमस्स णं संवच्छरस्स अंतरा वट्टमाणस्स अणुत्तरेणं णाणेणं जहा
 भावणाते केवलवरणाणदंसणे समुप्पज्जिहन्ति जिणे भविस्सति केवली
 सव्वन्नू सव्वदरिसी सणेइए जाव] पंच महव्वयाइं सभावणाइं छच्च

जीवनिकायधम्मं देसेमाणो विहरिस्सति १२ । से जहाणामते अज्जो ! मते समणाणं निग्गंथाणं एणे आरंभठाणे पराणत्ते, एवामेव महापउमेऽवि अरहा समणाणं निग्गंथाणं एणं आरंभट्ठाणं पराणवेहिति, से जहाणामते अज्जो मते समणाणं निग्गंथाणं दुविहे बंधणे पन्नवेहिति, तंजहा-पेज्जबंधणे दोसबंधणे, एवामेव महापउमेऽवि अरहा समणाणं निग्गंथाणं दुविहं बंधणं पन्नवेहिति तंजहा-पेज्जबंधणं च दोसबंधणं च १३ । से जहानामते अज्जो मते समणाणं निग्गंथाणं तत्रो दंडा पन्नवेहिति तंजहा-मणदंडे (३), एवामेव महापउमेऽवि समणाणं निग्गंथाणं ततो दंडे पराणवेहिति, तंजहा-मणोदंडं (३), से जहा नामए एएणं अभिलावेणं चत्तारि कसाया पन्नवेहिति तंजहा-कोहकसाए (४), पंच कामगुणे पन्नवेहिति, तंजहा-सद्दे (५), छज्जीवनिकाता पन्नवेहिति, तंजहा-पुढविकाइया जाव तसकाइया, एवामेव जाव तसकाइया, से जहाणामते एएण अभिलावेणं सत्त भयट्ठाणा पन्नवेहिति तंजहा-एवामेव महापउमेऽवि अरहा समणाणं निग्गंथाणं सत्त भयट्ठाणा पन्नवेहिति, एवमट्ठ मयट्ठाणे, णव बंधचेरगुत्तीत्रो दसविधे समणधम्मे एवं जाव तेत्तीसमांसातणाउत्ति १४ । से जहानामते अज्जो ! मते समणाणं निग्गंथाणं नग्गभावे मुंडभावे अरहाणत्ते अदंतवणे अच्छत्तए अणुवाहणत्ते भूमिसेज्जा फलगसेज्जा कट्टसेज्जा केसलोए बंधचेरवासे परघरपवेसे जाव लद्धावलद्धवित्तीउ पन्नत्तात्रो एवामेव महापउमेऽवि अरहा समणाणं निग्गंथाणं णग्गभावं जाव लद्धावलद्धवित्ती पराणवेहिती १५ । से जहाणामए अज्जो ! मए समणाणं निग्गंथाणं आधा-कम्मिणत्ति वा उद्देसितेति वा मीसज्जाएति वा अज्जभोयरएति वा पूतिएति वा कीतेति वा पामिच्चेति वा अच्चेज्जेति वा अणिसट्ठेति वा अभिहडेति वा कंतारभत्तेति वा दुब्बिक्खभत्तेति वा गिलाणभत्तेति वा वहलित्ताभत्तेइ वा पाहुणभत्तेइ वा मूलभोयणोति वा कंदभोयणोति फलभोयणोति बीयभोयणोति

हरियभोयणोति वा पडिसिद्धे एवामेव महापउमेऽवि अरहा समणाणं निग्गं-
 थाणं आधाकम्मिंतं वा जाव हरितभोयणं वा पडिसेहिस्सति १६ । से जहा-
 नामते अज्जो ! मए समणाणं निग्गंथाणं पंचमहव्वतिए सपडिक्कमणो अचेलते
 धम्मे पराणत्ते एवामेव महापउमेऽवि अरहा समणाणं निग्गंथाणं पंचमहव्व-
 तितं जाव अचेलगं धम्मं पराणवेहिती १७ । से जहानामए अज्जो ! मए
 पंचाणुव्वतिते सत्तसिक्खववतिते दुवालसविधे सावगधम्मे पराणत्ते एवामेव
 महापउमेऽवि अरहा पंचाणुव्वतितं जाव सावगधम्मं पराणवेस्सति १८ । से
 जहानामते अज्जो ! मए समणाणं निग्गंथाणं सेजातरपिंडेति वा रायपिं-
 डेति वा पडिसिद्धे एवामेव महापउमेऽवि अरहा समणाणं निग्गंथाणं सेजातर-
 पिंडेति वा पडिसेहिस्सति १९ । से जहाणामते अज्जो ! मम एव गणा इगारस
 गणधरा एवामेव महापउमस्सऽवि अरिहतो एव गणा एगारस गणधरा भवि-
 स्संति २० । से जहानामते अज्जो ! अहं तीसं वासाइं अगारवासमज्जे वसित्ता
 मुंडे भवित्ता जाव पव्वतिते दुवालस संवच्छाराइं तेरस पक्खा छउमत्थपरियागं
 पाउणित्ता तेरसहिं पक्खेहिं ऊणागाइं तीसं वासाइं केवलिपरियागं पाउ-
 णित्ता बायालीसं वासाइं सामराणपरियागं पाउणित्ता बावत्तरि वासाइं
 सब्वाउयं पालइत्ता सिज्झिस्सं जाव सब्बदुक्खाणमंतं करेस्सं एवामेव
 महापउमेऽवि अरहा तीसं वासाइं अगारवासमज्जे वसित्ता जाव पव्विहिती
 दुवालस संवच्छाराइं जाव बावत्तरिवासाइं सब्वाउयं पालइत्ता सिज्झिहिती
 जाव सब्बदुक्खाणमंतं काहिती—“जंसीलसमायारो अरहा तित्थं करो महावीरो ।
 तस्सीलसमायारो होति उ अरहा महापउमे ॥ १ ॥” ॥ सू० ६६३ ॥ इति
 श्री महापद्मचारित्रं संपूर्णमिति ॥ एव एवखत्ता चंदस्स पच्छंभागा पन्नत्ता,
 तंजहा—अभिती समणो धणिट्ठा रेवति अस्सिणि मग्गसिर पूसो । हत्थोचित्ता
 य तथा पच्छंभागा एव हवंति ॥१॥ सू० ६६४॥ आणत्तपाणत्त आरणच्चुत्तेसु
 क्तोत्त निष्ठाणां गान् १६ उच्चं उच्चत्तेणं पन्नत्ता ॥ सू० ६६५ ॥

विमलवाहणे णं कुलकरे णव धणुसताइं उद्धं उच्चतेणं हुत्था ॥ सू० ६१६ ॥
 उसभे णं अरहां कोसलिते णं इमीसे ओसप्पिणीए णवहिं सागरोवमको-
 डाकोडीहिं विईक्कंताहिं तित्थे पवत्तिते ॥ सू० ६१७ ॥ घणदंतलट्टदंत-
 गूढदंत-सुद्धदंतदीवाणं दीवा णवणवजोयणसताइं आयामविक्खंभेणं पराणत्ता
 ॥ सू० ६१८ ॥ सुक्कस्स णं महागहस्स णव वीहीओ पन्नत्ताओ तंजहा-
 हयवीही गत्तवीही णागवीही वसहवीही गोवीही उरगवीही अयवीही
 मित्तवीही वेसाणरवीही ॥ सू० ६१९ ॥ नवविधे नोकसायवेयणिज्जे कम्मे
 पन्नत्ते, तंजहा-इत्थिवेते पुरिसवेते णपुंसगवेते हासे रत्ती अरइ भये सोगे
 दुगुंछे ॥ सू० ७०० ॥ चउरिंदियाणं णव जाइकुलकोडी-जोणिपमुहसय-
 सहस्सा पराणत्ता, भुयगपरिसप्प-थलयरपंचिंदिय-तिरिक्खजोणियाणं नवजाइ-
 कुलकोडि-जोणिपमुह-सयसहस्सा पराणत्ता ॥ सू० ७०१ ॥ जीवा णं णवट्टा-
 णनिवत्तिते पोग्गले पावकम्भत्ताते चिणिंसु वा (३) पुढविकाइयनिवत्तिते
 जाव पंचिंदितनिवत्तिते, एवं चिणउवचिण जाव णिज्जरा चेव ॥ सू०
 ७०२ ॥ णव पएसिता खंधा अणंता पराणत्ता, नवपएसोगाढ पोग्गला
 अणंता पराणत्ता जाव णवगुणालुक्खा पोग्गला अणंता पराणत्ता ॥ सू०
 ७०३ ॥ नवमं ठाणं नवमज्जकयणं समत्तं ॥

॥ इति नवस्थानकाख्यं नवममध्ययनम् ॥ ९ ॥

॥ अथ दशमस्थानकाख्यं दशममध्ययनम् ॥

दसविधा लोगट्ठिती पन्नत्ता, तंजहा-जराणं जीवा उद्दाइत्ता (२) तत्थेव
 (२) भुज्जो (२) पच्चायंति एवं एगा लोगट्ठिती पराणत्ता १ । जराणं जीवाणं
 सता समियं पावे कम्मे कज्जति एवंप्पेगा लोगट्ठिती पराणत्ता २ । जराणं
 जीवा सया समितं मोहणिज्जे पावे कम्मे कज्जति एवंप्पेगा लोगट्ठिती
 पराणत्ता ३ । ण एवं भूतं वा भव्वं वा भविस्सति वा जं जीवा अजीवा

भविस्सन्ति अजीवा वा जीवा भविस्सन्ती एवंप्पेगा लोगट्टिती पराणत्ता ४ ।
 ण एवं भूतं (३) जं तसा पाणा वोच्छिज्जिस्सन्ति थावरा पाणा (भविस्सन्ति
 थावरा पाणा) वोच्छिज्जिस्सन्ति तसा पाणा भविस्सन्ति वा एवंप्पेगा लोगट्टिती
 पराणत्ता ५ । ण एवं भूतं (३) जं लोगे अलांगे भविस्सति अलोगे वा
 लोगे भविस्सति एवंप्पेगा लांगट्टिती पराणत्ता ६ । ण एवं भूतं वा(३) जं
 लोए अलोए पविस्सति अलोए वा लाए पविस्सति एवंप्पेगा लोगट्टिती ७ ।
 जाव ताव लोगे ताव ताव जीवा जाव ताव जीवा ताव ताव लोए एवंप्पेगा
 लोगट्टिती ८ । जाव ताव जीवाण त पोग्गलाण त गतिपरिताते ताव
 ताव लोए जाव ताव लोगे ताव ताव जीवाण य पोग्गलाण त गति-
 परिताते एवंप्पेगा लोगट्टिती ९ । सव्वेसुवि णं लोगन्तेसु अबद्धपासपुट्ठा
 पोग्गला लुक्खत्ताते कज्जति जेणं जीवा त पोग्गला त नो संचायन्ति बहिता
 लोगन्ता गमणायते एवंप्पेगा(एवमेगा)लोगट्टिती पराणत्ता १० ॥सू० ७०४॥
 दसविहे सद्दे पन्नत्ते, तंजहा—नीहारि १ पिंडिमे २ लुक्खे ३, भिन्ने ४
 जज्जरिते ५ इत । दीहे ६ रहस्से ७ पुहुत्ते ८ त, काकणी ९ खिंखिणि
 स्सरे १० ॥ १ ॥ सू० ७०५ ॥ दस इंदियत्थातीता पराणत्ता, तंजहा—
 देसेणवि एगे सद्दाइं सुणिंसु सव्वेणवि एगे सद्दाइं सुणिंसु देसेणवि एगे
 रूवाइं पासिसु सव्वेणवि एगे रूवाइं पासिसु, एवं गंधाइं रसाइं फासाइं जाव
 सव्वेणवि एगे फासाइं पडिसंवेदेंसु, १ । दस इंदियत्था पडुप्पन्ना पन्नत्ता,
 तंजहा—देसेणवि एगे सद्दाइं सुणेंति सव्वेणवि एगे सद्दाइं सुणोति, एवं जाव
 फासाइं, दस २ । इंदियत्था अणागता पन्नत्ता, तंजहा—देसेणवि एगे सद्दाइं
 सुणिस्सन्ति सव्वेणवि एगे सद्दाइं सुणोस्सन्ति एवं जाव सव्वेणवि एगे फासाइं पडि-
 संवेदेंसति ॥ सू० ७०६ ॥ दसहिं अणोहिमच्छिन्ने पोग्गले चलेज्जा, तंजहा—आहा-
 रिज्जमारो वा चलेज्जा परिणामेज्जमारो वा चलेज्जा उस्ससिज्जमारो वा चलेज्जा
 निस्ससिज्जमारो वा चलेज्जा वेदेज्जमारो वा चलेज्जा णिज्जरिज्जमारो वा चलेज्जा

विउब्बिज्जमारो वा चलेज्जा परियारिज्जमारो वा चलेज्जा जक्खातिट्ठे वा चलेज्जा
 वातपरिग्गहे (परिगते) वा चलेज्जा ॥ सू० ७०७ ॥ दसहिं ठाणोहिं
 कोधुप्पत्ती सिया तंजहा-मणुन्नाइं मे सहफरिसरसरूवगंधाइमवहरिंसु १
 अमणुन्नाइं मे सहफरिसरसरूवगंधाइं उवहरिंसु २ मणुण्णाइं मे सहफरिसर-
 सरूवगंधाइं अवहरइ ३ अमणुन्नाइं मे सहफरिस जाव गंधाइं उवहरति ४
 मणुण्णाइं मे सह जाव अवहरिस्सति ५ अमणुण्णाइं मे सह जाव उवहरि-
 स्सति ६ मणुण्णाइं मे सह जाव गंधाइं अवहरिंसु वा अवहरइ वा अवहरिस्सति
 ७ अमणुण्णाइं मे सह जाव उवहरिंसु वा उवहरति वा उवहरिस्सति वा ८
 मणुण्णाणामणुण्णाइं सह जाव अवहरिंसु अवहरति अवहरिस्सइ उवहरिंसु
 उवहरति उवहरिस्सति ९ अहं च णं आयरियउवज्जायाणं सम्मं वट्टामि
 ममं च णं आयरियउवज्जाया मिच्छं पड्विन्ना १० ॥ सू० ७०८ ॥
 दसविधे संजमे पन्नत्ते, तंजहा-पुढविकातितसंजमे जाव वणस्सतिकायसंजमे
 बेइंदितसंजमे तेंदितसंजमे चउरिंदितसंजमे पंचिंदियसंजमे अजीवकायसंजमे
 १ । दसविधे असंजमे पन्नत्ते, तंजहा-पुढविकातितअसंजमे आउकायअसंजमे
 तेउकायअसंजमे वाउकायअसंजमे वणस्सतिकायअसंजमे जाव अजीवकाय-
 असंजमे २ । दसविधे संवरे पन्नत्ते तंजहा-सोतिंदियसंवरे जाव फासिंदितसंवरे
 मणसंवरे वयसंवरे कायसंवरे उवकरणसंवरे सूचीकुसग्गसंवरे । दसविधे असंवरे
 पन्नत्ते तंजहा-सोतिंदितअसंवरे जाव सूचीकुसग्गअसंवरे ॥ सू० ७०९ ॥ दसहिं
 ठाणोहिं अहमंतीति थंभिज्जा, तंजहा-जातिमतेण वा कुलमएण वा जाव इस्स-
 रियमतेण वा ८ णागसुवन्ना वा मे अतितं हव्वमागच्छंति ९ पुरिसधम्मातो
 वा मे उत्तरिते अहोदिते णाणदंसणो समुप्पन्ने १० ॥ सू० ७१० ॥ दसविधा
 समाधी पन्नत्ता, तंजहा-पाणातिवायवेरमणो मुसावायवेरमणो अदिन्नायण-
 वेरमणो मेहुणवेरमणो परिग्गहावेरमणो ईरितासमिती भासासमिती
 एसणासमिती आयाणभंडमत्तनिक्खेतणसमिती उच्चारपासवणखेल-

सिंघाणगपारिद्वारितासमिती १ । दसविधा असमाधी पन्नत्ता, तंजहा-पाणातिवाते जाव परिग्गहे ईरिताऽसमिती जाव उच्चारपासवणखेलसिंघाणगपारिद्वारि-याऽसमिती २ ॥ सू० ७११ ॥ दसविधा प्व्वजा पन्नत्ता, तंजहा-छंदा रोसा परिजुन्ना सुविणा पडिस्सुता चेव । सारणिता रोगिणीता अणाद्विता देव-सन्नत्ती ॥ १ ॥ वच्छाणुबंधिता, १ । दसविधे समणधम्मे पन्नत्ते तंजहा-खंती मुत्ती अज्जवे मद्दवे लाववे सच्चे संजमे तवे चिताते वंभचेरवासे २ । दसविधे वेयावच्चे पन्नत्ते, तंजहा-आयरियवेयावच्चे उवज्झायवेयावच्चे थेस्वेयावच्चे तवस्सिवेयावच्चे गिलाणवेयावच्चे सेहवेयावच्चे कुलवेयावच्चे गणवेयावच्चे संघवेयावच्चे साहम्मियवेयावच्चे ॥ सू० ७१२ ॥ दसविधे जीवपरिणामे पन्नत्ते, तंजहा-गतिपरिणामे इंदितपरिणामे कसायपरिणामे लेसापरिणामे जोगपरिणामे उवओगपरिणामे णाणपरिणामे दंसणपरिणामे चरित्तपरिणामे वेत्तपरिणामे १ । दसविधे अजीवपरिणामे पन्नत्ते, तंजहा-बंधणपरिणामे गतिपरिणामे संठाणपरिणामे भेदपरिणामे वराणपरिणामे रसपरिणामे गंधपरिणामे फासपरिणामे अगुरुलहुपरिणामे सहपरिणामे ॥ सू० ७१३ ॥ दसविधे अंतलिविखते असज्झाए पन्नत्ते, तंजहा-उक्का-वाते दिसिदाधे गज्जिते विज्जुते निग्घाते जूथते जक्खालित्ते धूमिता महिता रतउग्घाते १ । दसविधे ओरालिते असज्झातिते पन्नत्ते तंजहा-अट्टि मंसं सोणिते असुत्तिसामंते सुसाणसामंते चंदोवराते सूरुवराए पडणो रायवुग्गहे उवसयस्स अंतो ओरालिए सरीरगे २ ॥ सू० ७१४ ॥ पंचिंदियाणं जीवाणं अस-मारभमाणस्स दसविधे संजमे कज्जति, तंजहा-सोयामताओ सुक्खाओ अव-वरोवेत्ता भवति सोतामतेणं दुक्खेणं असंजोगेत्ता भवति एवं जाव फासामतेणं दुक्खेणं असंजोएत्ता भवति, एवं असंयमोऽपि भाणितव्वो ॥ सू० ७१५ ॥ दस सुहुमा पन्नत्ता, तंजहा-पाणसुहुमे पणगसुहुमे जाव सिणोहसुहुमे गणियसुहुमे भंगसुहुमे ॥ सू०-७१६ ॥ जंबूमंदिरदाहिणेणं गंगासिंधुमहा-

नदीत्रो दस महानतीत्रो सम्पेति, तंजहा—जउणा सरऊ आवी कोसी मही
सिंधू (सतहु) विवच्छा विभासा एरावती चंद्रभागा १ । जंबूमंदरउत्तरेणं
रत्तारत्तवतीत्रो महानदीत्रो दस महानदीत्रो सम्पेति, तंजहा—किराहा
महाकिराहा नीला महानीला तीरा महातीरा इंदा जाव महाभोगा २ ।
॥ सू० ७१७ ॥ जंबुद्वीवे (२) भरहवासे दस रायहाणीत्रो पन्नत्तात्रो,
तंजहा—चंपा महुरा वाणारसी य सावत्थी तहत सातेतं । हत्थिणउर कंपिल्लं
मिहिला कोसंबि रायगिहं ॥ १ ॥ एयासु णं दसरायहाणीसु दस
रायाणो मुंडा भवेत्ता जाव पव्वतिता, तंजहा—भरहे सगरो मघवं सणं-
कुमारो संती कुंथू अरे महापउमे हरिसेणो जयणामे ॥ सू० ७१८ ॥
जंबुद्वीवे (२) मंदरे पव्वए दस जोयणसयाइं उव्वेहेणं धरणिंतले दस
जोयणसहस्साइं विक्खंभेणं उवरि दसजोयणसयाइं विक्खंभेणं
दसदसाइं जोयणसहस्साइं सव्वग्गेणं पन्नत्ते ॥ सू० ७१९ ॥
जंबुद्वीवे (२) मंदरस्स पव्वयस्स बहुमज्झदेसभागे इमीसे रयणप्पभाते
पुढ्वीते उवरिमहेट्टिल्लेसु खुड्ढुगपतरेसु, एत्थ णमट्टपतेसिते रुयगे
पन्नत्ते, जत्रो णमिमातो दस दिसात्रो पव्वहंति, तंजहा—पुरच्छिमां
पुरच्छिमदाहिणा दाहिणा दाहिणपच्चत्थिमां पच्चत्थिमा पच्चत्थिमुत्तरा
उतरा उत्तरपुरच्छिमा उद्धा अहो १ । एणसि णं दसराहं दिसाणं
दस नामधिज्जा पन्नत्ता, तंजहा—इंदा अग्गीइ जमा गोरती वारुणी
य वायव्वा । सोमा ईसाणाविय विमला य तमा य वोद्धव्वा ॥ १ ॥ २ ।
लवणस्स णं समुद्दस्स दस जोयणसहस्साइं गोतित्थिविरहिते खेत्ते पन्नत्ते,
लवणस्स णं समुद्दस्स दम जोयणसहस्साइं उदगमाले पन्नत्ते, ३ । सव्वेऽवि
णं महापाताला दसदसाइं जोयणसहस्साइंमुव्वेहेणं पराणत्ता, मूले दस
जोयणसहस्साइं विक्खंभेणं पन्नत्ता, बहुमज्झदेसभागे एगपणसिताते सेट्ठीए
दसदसाइं जोयणसहस्साइं विक्खंभेणं पन्नत्ता, उवरिं मुहमूले दस जोयण-

सहस्राईं विक्रवंभेणं पराणत्ता, तेसि णं महापातालाणं कुड्ढा सब्वइरामया
सब्वत्थसमां दस जोयणासयाईं बाहिल्लेणं पन्नत्ता ४ । सब्वेऽवि णं खुद्दा
पाताला दस जोयणासताईं उव्वेहेणं पन्नत्ता, मूले दसदसाईं जोयणाईं
विक्रवंभेणं, बहुमज्झदेसभागे एगपएसिताते सेधीते दस जोयणासताईं
विक्रवंभेणं पन्नत्ता, उवरि मुहमूले दसदसाईं जोयणाईं विक्रवंभेणं
पन्नत्तां, तेसि णं खुद्दापातालाणं कुड्ढा सब्वइरामता सब्वत्थ
समा दस जोयणाईं बाहिल्लेणं पराणत्ता ५ ॥ सू० ७२० ॥ धायति-
संडगां णं मंदरा दसजोयणासयाईं उव्वेहेणं धरणिताले देसूणाईं दस
जोयणासहस्राईं विक्रवंभेणं उवरिं दस जोयणासयाईं विक्रवंभेणं पन्नत्ता ।
पुक्खरवरदीवद्धगां णं मंदरा दस जोयणा एवं चैव ॥ सू० ७२१ ॥
सब्वेऽवि णं वट्टवेयद्धपव्वता दस जोयणासयाईं उद्धं उच्चत्तेणं दस गाउय-
सयाइमुव्वेहेणं सब्वत्थसमा पल्लगसंठाणसंठिता, दस जोयणासयाईं विक्रवं-
भेणं पन्नत्ता ॥ सू० ७२२ ॥ जंबूदीवे (२) दस खेत्ता पन्नत्ता, तंजहा-
भरहे एरवते हेमवते हेरन्नवते हरिवस्से रम्मगवस्से पुव्वविदेहे अवरविदेहे
देवकुरा उत्तरकुरा ॥ सू० ७२३ ॥ माणुसुत्तरे णं पव्वते मूले दस बावीसे
जोयणासते विक्रवंभेणं पन्नत्ते ॥ सू० ७२४ ॥ सब्वेऽवि णमंजणागपव्वता
दस जोयणासयाइमुव्वेहेणं मूले दस जोयणासहस्राईं विक्रवंभेणं उवरिं
दस जोयणासताईं विक्रवंभेणं पन्नत्ता १ । सब्वेऽवि णं दहिमुहपव्वता
दस जोयणासताईं उव्वेहेणं सब्वत्थसमा पल्लगसंठाणसंठिता दस जोयणा-
सहस्राईं विक्रवंभेणं पन्नत्ता २ । सब्वेऽवि णं रतिकरगपव्वता दस जोय-
णासताईं उद्धं उच्चत्तेणं दसगाउयसत्ताईं उव्वेहेणं सब्वत्थसमा मल्लरिसंठिता
दस जोयणासहस्राईं विक्रवंभेणं पन्नत्ता ३ । ॥ सू० ७२५ ॥ रुयगवरे
णं पव्वते दस जोयणासयाईं उव्वेहेणं मूले दस जोयणासहस्राईं विक्रवंभेणं
उवरिं दस जोयणासताईं विक्रवंभेणं पन्नत्ते । एवं कुंडलवरेऽवि ॥ सू० ७२६ ।

दसविहे दवियाणुत्रोगे पन्नत्ते, तंजहा-दवियाणुत्रोगे माउयाणुत्रोगे
 एगट्टियाणुत्रोगे करणाणुत्रोगे अप्पितणाप्पिते भाविताभाविते बाहिरा-
 बाहिरे सासयासासते तहणाणो अतहणाणो ॥ सू० ७२७ ॥
 चमरस्स णं असुरिंदस्स असुरकुमाररन्नो तिगिच्छिक्खे उप्पातपव्वते मूले
 दसबावीसे जोयणासते विक्खंभेणं पन्नत्ते १ । चमरस्स णं असुरिंदस्स
 असुरकुमाररन्नो सोमस्स महारन्नो सोमप्पभे उप्पातपव्वते दस जोयणासयाइं
 उद्धं उच्चत्तेणं दस गाउयसताइं उव्वेहेणं मूले दस जोयणासयाइं विक्खंभेणं
 पन्नत्ते २ । चमरस्स णमसुरिंदस्स असुरकुमाररणाणो जमस्स महारन्नो जमप्पभे
 उप्पातपव्वते एवं चेव, एवं वरुणास्सवि, एवं वेसमणास्सवि ३ । बलिस्स णं
 वइरोयणिंदस्स वतिरोत्तररन्नो रुयगिंदे उप्पातपव्वते मूले दसबावीसे जोय-
 णसते विक्खंभेणं पन्नत्ते ४ । बलिस्स णं वइरोयणिंदस्स सोमस्स एवं चेव जथा
 चमरस्स लोगपालाणं तं चेव बलिस्सवि ५ । धरणास्स णं णागकुमारिंदस्स
 णागकुमाररन्नो धरणाप्पभे उप्पातपव्वते दस जोयणासयाइं उद्धं उच्चत्तेणं दस
 गाउयसताइं उव्वेहेणं मूले दस जोयणासताइं विक्खंभेणं ६ । धरणास्स नाग-
 कुमारिंदस्स णं नागकुमाररणाणो कालवालस्स महारणाणो महाकालप्पभे
 उप्पातपव्वते जोयणासयाइं उद्धं एवं चेव, एवं जाव संखवालस्स, एवं भूताणां-
 दस्सवि, एवं लोगपालाणांपि से जहा धरणास्स एवं जाव थणितकुमाराणं
 सलोगपालाणं भाणियव्वं, सव्वेसिं उप्पायपव्वया भाणियव्वा सरिसणामगा
 ७ । सक्कस्स णं देविंदस्स देवरणाणो सक्कप्पभे उप्पातपव्वते दस जोयणासहस्साइं
 उद्धं उच्चत्तेणं दस गाउयसहस्साइं उव्वेहेणं मूले दस जोयणासहस्साइं विक्खंभेणं
 पन्नत्ते ८ । सक्कस्स णं देविंदस्स देवरणाणो सोमस्स महारन्नो सोमप्पभे उप्पा-
 तपव्वते दस जोयणासहस्साइं, उद्धं उच्चत्तेणं दस गाउयसहस्साइं उव्वेहेणं मूले
 दस जोयणासहस्साइं विक्खंभेणं पन्नत्ते ९ । जथा सक्कस्स तथा सव्वेसिं लोगपालाणं
 सव्वेसिं च इंदाणं जाव अच्चुयत्ति, सव्वेसिं पमाणमेगं १० ॥ सू० ७२८ ॥

बायरवणस्सतिकतिताणं उक्कोसेणं दस जोयणसयाइं सरीरोगाहणा पराणत्तां १।
 जलचरपंचेदियतिरिक्खजोणिताणं उक्कोसेणं दस जोयणसताइं सरीरोगाहणा
 पन्नत्ता, २। उरपरिसप्पथलचरपंचिदिततिरिक्खजोणिताणं उक्कोसेणं एवं चैव
 ३ ॥ सू० ७३६ ॥ संभवात्थो णमरहांतो अभिन्नंदरो अरहा दसहिं साग-
 रोवमकोडिसतसहस्सेहिं वीतिक्खत्तेहिं समुपन्ने ॥सू० ७३० ॥ दसविहे अणं-
 तते पन्नत्ते, तंजहा-आमाणांतते ठ्वणाणंतते दव्वाणंतते गणाणांतते पएसाणंतते
 एगतोष्णांतते दूहतोष्णांतते देसवित्थाराणांतते सब्वित्थाराणांतते सास-
 याणांतते ॥ सू० ७३१ ॥ उप्पायपुव्वस्स णं दस वत्थू पन्नत्ता, अत्थि-
 णत्थिप्पवातपुव्वस्स णं दस चूलवत्थू पन्नत्ता ॥ सू० ७३२ ॥ दसविहा
 पडिसैवणां पन्नत्ता, तंजहा-दप्प पमाय णाभोगे आउरे आवतीसु त ।
 संकिते सहसकारे भयं पयोसा य वीमंसा ॥ १ ॥ १। दसं आलोयणा-
 दोसा पन्नत्ता, तंजहा-आकंपइत्ता अणुमाणाइत्ता जेदिट्ठं बायरं च सुहुमं
 वा । छराणं सहाउलगं बहुजणा अव्वत्त तस्सेवी ॥ १ ॥ २। दसहिं ठगोहिं
 संपन्ने अणुगारे अरिहति अत्तदोसमालोएत्तते, तंजहा-जाइसंपन्ने, कुल-
 संपन्ने एवं-जया अट्टट्ठाणे जाव खंतते दंते अमाती अपच्छाणुतावी ३। दसहिं
 ठगोहिं संपन्ने अणुगारे अरिहति आलोयणां पडिच्छित्तए, तंजहा-आयारवं
 अवहारवं जाव अवातदंसी पितधम्मे ददधम्मे ४ । दसविधे पायच्छित्ते पन्नत्ते,
 तंजहा-आलोयणारिहे जाव अणवट्टुप्पारिहे पारंचियारिहे ॥ सू० ७३३ ॥
 दसविधे मिच्छित्ते पन्नत्ते, तंजहा-अधम्मे धम्मसराणा धम्मे अधम्मसराणा
 उम्म(अम)ग्गे मग्गसराणा, मग्गे उम्म(अम्म)ग्गसन्ना, अजीवेसु जीवसन्ना,
 जीवेसु अजीवसन्ना, असाहुसु साहुसन्ना, साहुसु असाहुसराणा, अमुत्तेसु
 मुत्तसन्ना, मुत्तेसु अमुत्तसराणा ॥ सू० ७३४ ॥ चंदप्पभे णं अरहां दस
 पुव्वसतसहस्साइं सब्वाउयं पालइत्ता सिद्धे जावप्पहीणे १ । धम्मे णमरहा
 दस वाससयसहस्साइं सब्वाउयं पालइत्ता सिद्धे जावप्पहीणे २ । णामी

णामरहा दस वाससयसहस्साइं सव्वाउयं पालइत्ता सिद्धे जाव प्पहीणो ३ ।
पुरिससीहे णं वासुदेवे दस वाससयसहस्साइं सव्वाउयं पालइत्ता छट्ठीते
तमाए पुढवीए नेरतित्ताते उववन्ने ४ । गोमी णं अरहा दस धाणूइं उड्डं
उच्चत्तेणं दस य वाससयाइं सव्वाउयं पालइत्ता सिद्धे जावप्पहीणो ५ । कराहे णं
वासुदेवे दस धाणूइं उड्डं उच्चत्तेणं दस य वाससयाइं सव्वाउयं पालइत्ता तच्चाते
बालुयप्पभाते पुढवीते नेरतियत्ताते उववन्ने ६ । ॥ सू० ७३५ ॥ दमविहा
भवाणावासी देवा पन्नता, तंजहा—असुरकुमारा जाव थणियकुमारा १ ।
एणसि णं दसविधाणं भवाणावासीणं देवाणं दस चेतितरुक्खा पन्नत्ता,
तंजहा—आसत्थ सत्तिवन्ने सामलि उंवर सिरीस दहिवन्ने वंजुल
पलास वप्पे तते त कणिताररुक्खे य ॥ १ ॥ सू० ७३६ ॥ दसविधे
सोक्खे पन्नत्ते, तंजहा—आरोग्ग दीहमाउं अट्ठेज्जं काम भोग संतोसे ।
अत्थि सुहभोग निक्खम्ममेव तत्तो अणावाहे ॥ १ ॥ ॥ सू० ७३७ ॥
दसविधे उवघाते पन्नत्ते, तंजहा—उग्गमोवघाते उप्पायणोवघाते जह पंचठाणे
जाव परिहरणोवघाते णाणोवघाते दंसणोवघाते चरित्तोवघाते अचियत्तोव-
घाते सारक्खणोवघाते १ । दसविधा विसोही पन्नत्ता, तंजहा—उग्गमविसोही
उप्पायणविसोही जाव सारक्खणविसोही २ ॥ सू० ७३८ ॥ दसविधे
संकिलेसे पन्नत्ते, तंजहा—उव्हिसंकिलेसे उवस्मयसंकिलेसे कसायसंकिलेसे
भत्तपाणसंकिलेसे मणसंकिलेसे वतिसंकिलेसे कायसंकिलेसे णाणसंकिलेसे
दंसणसंकिलेसे चरित्तसंकिलेसे १ । दसविहे असंकिलेसे पन्नत्ते, तंजहा—
उव्हिअसंकिलेसे जाव चरित्तअसंकिलेसे २ ॥ सू० ७३९ ॥ दमविधे
बले पन्नत्ते, तंजहा—सोतिंदितबले जाव फासिंदितबले णाणबले दंसणबले
चरित्तबले तवबले वीरत्तबले ॥ सू० ७४० ॥ दसविहे सच्चे पराणत्ते
तंजहा—जणवय सम्मय ठवणा नामे ख्वे पडुच्चमच्चे य । ववहार भाव
जोगे दसमे अयोम्मसच्चे य ॥ १ ॥ १ । दसविधे मोसे पन्नत्ते, तंजहा—

कोधे माणो माया लोभे पिञ्जे तहेव दोसे य । हास भये अक्खातित
 उवघातनिस्सिते दसमे ॥ २ ॥ २ । दसविधे सच्चामोसे पन्नत्ते, तंजहा—
 उप्पन्नमीसते विगतमीसते उप्पराणाविगतमीसते जीवमीसए अजीवमीसए
 जीवाजीवमीसए अणंतमीसए परित्तमीसए अद्धामीसए अद्धद्धामीसए
 ३ ॥ सू० ७४१ ॥ दिट्ठिवायस्स णं दस नामधेज्जा पन्नत्ता, तंजहा—
 दिट्ठिवातेति वा हेउवातेति वा भूयवातेति वा तच्चावातेति वा सम्मावातेति
 वा धम्मावातेति वा भासाविजतेति वा पुब्बगतेति वा अणुजोगगतेति वा
 सब्बपाणाभूतजीवसत्तसुहावहेति वा ॥ सू० ७४२ ॥ दसविधे सत्थे पन्नत्ते,
 तंजहा—‘सत्थमग्गी विसं लोणं, सिणोहो खारमं विलं । दुप्पउत्तो मणो वाथा,
 काया भावो त अविरती ॥ १ ॥ १ । दसविधे दोसे पन्नत्ते, तंजहा—
 तज्जातदोसे मतिभंगदोसे पसत्थारदोसे परिहरणदोसे । सलक्खणकारण-
 हेउदोसे, संकामणं निग्गह वत्थुदोसे ॥ १ ॥ २ । दसविधे विसेसे
 पन्नत्ते, तंजहा—वत्थु तज्जातदोसे त, दोसे एगट्ठितेति त । कारणो त
 पडुप्पणो दोसे निच्चे हि अट्ठमे ॥ १ ॥ अत्तणा उवणीते त, विसेसेति
 त, ते दस ३ ॥ सू० ७४३ ॥ दसविधे सुद्धावाताणुत्थोगे पन्नत्ते,
 तंजहा—चंकारे मंकारे पिंकारे सेयंक(का)रे सायंकरे एगत्ते पुधत्ते संजूहे संकामिये
 भिन्ने ॥ सू० ७४४ ॥ दसविधे दाणो पन्नत्ते, तंजहा—अणुकंपा संगहे
 चेव, भये कालुणितेति य । लज्जाते गारवेणं च अहम्मे उण सत्तमे ॥ १ ॥
 धम्मे त अट्ठमे बुते काहीति त कतंति त १ । दसविधा गती पन्नत्ता,
 तंजहा—निरयगती निरयविग्गहगई तिरियगती तिरियविहग्गहगई एवं
 जाव सिद्धिगइं सिद्धिविग्गहगती २ ॥ सू० ७४५ ॥ दस मुंडा पन्नत्ता,
 तंजहा—सोतिंदितमुंडे जाव फासिंदितमुंडे कोहमुंडे जाव लोभमुंडे
 दसमे सिरमुंडे ॥ सू० ७४६ ॥ दसविधे संखारो पन्नत्ते, तंजहा—परिकम्मं
 ववहारो रज्जू रासी कलासवन्ने य । जावं(जावति)तावति वग्गो

घणो त तह वग्गवग्गोऽवि ॥ १ ॥ कप्पो त ॥ सू० ७४७ ॥
दसविधे पच्चक्खाणो पन्नत्ते, तंजहा—अणागयमत्तिककंतं कोडीसहियं नियंटितं
चेव । सागारमणागारं परिमाणकडं निरवसेसं ॥ १ ॥ संकेयं चेव अद्धाए,
पच्चक्खाणां दसविहं तु ॥ सू० ७४८ ॥ दसविहा सामायारी पन्नत्ता, तंजहा—
इच्छा मिच्छा तहकारो, आवस्मिता निसीहिता । आपुच्छणा य पडिपुच्छा
छंदणा य निमंतणा ॥ १ ॥ उवसंपया य काले सामायारी भवे दसविहा
उ ॥ सू० ७४९ ॥ समणो भगवं महावीरे छउमत्थकालिताते अंतिमरा-
तितंसी इमे दस महासुमिणो पासित्ता णं पडिबुद्धे, तंजहा—एगं च णं
महाघोररूवदित्तधरं तालपिसायं सुमिणो पराजितं पासित्ता णं पडिबुद्धे १,
एगं च णं महं सुक्किलपक्खगं पुसकोइज्जगं सुमिणो पासित्ता णं पडिबुद्धे
२, एगं च णं महं चित्तविचित्तपक्खगं पुसकोइलं सुविणो पासित्ता णं
पडिबुद्धे ३, एगं च णं महं दामदुगं सव्वरयणामयं सुमिणो पासित्ता णं
पडिबुद्धे ४ एगं च णं महं सेतं गोवग्गं सुमिणो पासित्ता णं पडिबुद्धे ५,
एगं च णं महं पउमसरं सव्वत्रो समंता कुसुमितं सुमिणो पासित्ता णं
पडिबुद्धे ६, एगं च णं महासागरं उम्मीवीचीसहस्सकलितं भुयाहिं तिराणं
सुमिणो पासित्ता णं पडिबुद्धे ७, एगं च णं महं दिणायरं तेयसा जलंतं
सुमिणो पासित्ता णं पडिबुद्धे ८, एगं च णं (एगेण) महं हरिवेरुलितव-
न्नाभेणं नियतेणमंतेणं माणुसुत्तरं पव्वतं सव्वतो समंता आवेदियं परिवेदियं
सुमिणो पासित्ता णं पडिबुद्धे ९, एगं च णं महं मंदरे पव्वते मंदरचूलियातो
उवरिं सीहासणवरगयमत्ताणं सुमिणो पासित्ता णं पडिबुद्धे १०, १ । जराणं
समणो भगवं महावीरे एगं महं घोररूवदित्तधरं तालपिसातं सुमिणो परातितं
पासित्ता णं पडिबुद्धे तन्नं समणोणं भगवता महावीरेणं मोहणिज्जे कम्मे
मूलात्रो उग्घाइते १, जं णं समणो भगवं महावीरे एगं महं सुक्किलपक्खगं
जाव पडिबुद्धे तं णं समणो भगवं महावीरे सुक्कज्जाणोवगए विहरइ २, जं

णं समणो भगवं महावीरे एगं महं चित्तविचित्तपक्खगं जाव पडिबुद्धे तं णं
 समणो भगवं महावीरे ससमत-परसमयितं चित्तविचित्तं दुवालसंगं गण्णिपिडगं
 आघवेति पराणवेति परूवेति दंसेति निदंसेति उवदंसेति तंजहा-आयारं
 जाव दिट्ठीवायं ३, जं णं समणो भगवं महावीरे एगं महं दामदुगं सब्बरयणा
 जाव पडिबुद्धे तं णं समणो भगवं महावीरे दुविहं धम्मं पराणवेति, तंजहा-
 अगारधम्मं च अणगारधम्मं च ४, जं णं समणो भगवं महावीरे एगं महं
 सेतं गोवग्गं सुमिणो जाव पडिबुद्धे तं णं समणस्स भगवत्थो महावीरस्स
 चाउब्बराणाइराणो संघे तंजहा-समणा समणीत्थो सावगा सावियात्थो ५,
 जं णं समणो भगवं महावीरे एगं महं पउमसरं जाव पडिबुद्धे तं णं समणो
 भगवं महावीरे चउब्बिहे देवे पराणवेति, तंजहा-भवाणावासी वाणमंतरा
 जोइसवासी वेमाणवासी ६, जराणं समणो भगवं महावीरे एगं महं उम्मीवीची
 जाव पडिबुद्धे तं णं समणोणं भगवता महावीरेणं अणातीते अणावदग्गे
 दीहमद्धे चाउरंतसंसारकंतारे तिन्ने ७, जराणं समणो भगवं महावीरे एगं महं
 दिणकरं जाव पडिबुद्धे तन्नं समणस्स भगवतो महावीरस्स अणंते अणुत्तरे जाव
 समुप्पन्ने ८, जराणं समणो भगवं महावीरे एगं महं हरिवेरुलित जाव पडिबुद्धे
 तराणं समणस्स भगवतो महावीरस्स सदेवमणुयासुरे लोगे उराला कित्तिव-
 न्नसदसिलोगा परिगुब्बंति (परिगुयंति, परिभमंति) इति खलु समणो भगवं
 महावीरे इति ९, जराणं समणो भगवं महावीरे मंदरे पव्वते मंदरचूलिताए
 उवरि जाव पडिबुद्धे तं णं समणो भगवं महावीरे सदेवमणुयासुराते परिसाते
 मज्झगते केवलिपन्नत्तं धम्मं आघवेति पराणवेति जाव उवदंसेति १०, २
 ॥ सू० ७५० ॥ दसविधे सरागसम्महंसणो पन्नत्ते, तंजहा-निसग्गुवत्तेसरुई
 आणरुत्ती सुत्तवीतरुईमेव । अभिगम वित्थाररुत्ती किरिया संखेव धम्मरती
 ॥ १ ॥ सू० ७५१ ॥ दस सराणात्थो पन्नत्तात्थो, तंजहा-आहारसराणा
 जाव परिग्गहसराणा ४ कोहसराणा जाव लोभसराणा ८ लोगसराणा ९

ओहसराणा १०, नेरतिताणं दस सराणातो एवं चैव, एवं निरंतरं जाव
वेमाणियाणं २४ ॥ सू० ७५२ ॥ नेरइया णं दसविधं वेयणं पवणुभवमाणा
विहरंति, तंजहा-सीतं उसिणं खुधं पिवासं कंडुं परज्झं भयं सोगं जरं वाहिं
॥ सू० ७५३ ॥ दस ठाणाइं छउमत्थे णं सब्बभावेणं न जाणति ण
पासति, तंजहा-धम्मत्थिगातं जाव वातं, अयं जिणे भविस्सति वा ण वा
भविस्सति, अयं सब्बदुक्खाणमंतं करेस्सति वा ण वा करेस्सति, एताणि
चैव उप्पन्ननाणदंसणधरे अरहा जाव अयं सब्बदुक्खाणमंतं करेस्सति वा ण
वा करेस्सति ॥ सू० ७५४ ॥ दस दसाओ पन्नत्ताओ, तंजहा-कम्मविवा-
गदसाओ उवासगदसाओ अंतगडदसाओ अणुत्तरोवेवायदसाओ आयार-
दसाओ परहावागरणदसाओ बंधदसाओ दोगिद्धिदसाओ दीहदसाओ
संखेवितदसाओ १ । कम्मविवागदसाणं दस अज्झयणा पन्नात्ता, तंजहा-
मियापुत्ते त गोत्तासे, अंडे सगडेति यावरे । माहणे णंदिसेणे त,
सोरियत्ति उदुंबरे ॥ १ ॥ सहसुहाहे आमलते कुमारे सेच्छती
इति ॥ २ । उवासगदसाणं दस अज्झयणा पन्नत्ता, तंजहा-आणंदे कामदेवे अ,
गाहावति चूलणीपिता । सुरादेवे चुल्लसतते, गाहावति कुंडकोलिते ॥१॥
सदालपुत्ते महासतते, णंदिणीपिया सालतियापिता ॥ ३ । अंतगडदसाणं
दस अज्झयणा पन्नत्ता, तंजहा-णमि मातंगे सोमिले रामगुत्ते सुदंसणे चैव ।
जमाली त भगाली त किकंमे पल्लतेतिय ॥ १ ॥ फाले अंबडपुत्ते त, एमेते
दस आहिता ॥४॥ अणुत्तरोववातिपदसाणं दस अज्झयणा पन्नत्ता, तंजहा-
ईसिदासे य धराणे त, सुणक्खत्ते य कातिते तिय । मट्टाणे सालिभद्दे त, आणंदे
तेतली तित ॥ १ ॥ दसन्नभद्दे अतिमुत्ते, एमेते दस आहिया ॥ ५ । आयार-
दसाणं दस अज्झयणा पन्नत्ता, तंजहा-वीसंअसमाहिट्टाणा १ एगवीसं सबला
२ तेतीसं आसायणातो ३ अट्टविहा गणिसंपया ४ दस चित्तसमाहिट्टाणा
५ एगारस उवासगपडिमातो ६ बारस भिक्खुपडिमातो ७ पज्जोसवणा कप्पो

८ तीसं मोहणिज्जट्टाणां १ आज्ञाइट्टाणां १०-६ । पराहावागरणदसाणां दस
 अज्भयणा पन्नत्ता, तंजहा-उवमा १ संखा २ इसिभासियाइं ३ आयरियभा-
 सिताइं ४ महावीरभासियाइं ५ खोमगपसियाइं ६ कौमलपसियाइं ७
 अहागपसियाइं ८ अंगुट्टुपसियाइं ९ बाहुपसियाइं १० ७ । बंधदसाणां दस
 अज्भयणा पन्नत्ता, तंजहा-बंधे १ य मोक्खे २ य देवद्धि ३ दसारमंडलेऽवित
 ४ आयरियविप्पडिवत्ती ५ उवज्भातविप्पडिवत्ती ६ भावणा ७ विमुत्ती ८
 सातो (सासते) ९ कम्मे १०-८ । दोगेहिदसाणां दस अज्भयणा पन्नत्ता,
 तंजहा-वाते १ विवाते २ उववाते ३ सुक्खित्ते कसिणो ४ बायालीसं सुमिणो
 ५ तीसं महासुमिणा ६ वावत्तरिं सब्वसुमिणा ७ हारे ८ रामे ९ गुत्ते
 १० एमेते दस आहीता १ । दीह दसाणां दस अज्भयणा पन्नत्ता,
 तंजहा-चदे सूरते सुक्के त सिरिदेवी पभावती दीव-समुद्धो-ववती
 बहूपुत्ती मंदरेति थेरे संभूतविजते थेरे पम्ह ऊसासनीसासे १० ।
 संखेवितदसाणां दस अज्भयणा पन्नत्ता, तंजहा-खुड्डिया विमाणपविभत्ती १
 महल्लिया विमाणपविभत्ती २ अंगचूलिया ३ वग्गचूलिया ४ विवाहचूलिया
 ५ अरुणोववाते ६ वरुणोववाए ७ गरुलोववाते ८ वेलंधरोववाते ९
 वेसमणोववाते १०-११ ॥ सू० ७५५ ॥ दस सागरोवमकोडाकोडीओ कालो
 उस्सप्पिणीते दस सागरोवमकोडाकोडीओ कालो ओसप्पिणीते ॥ सू० ७५६ ॥
 दसविधा नेरइया पन्नत्ता, तंजहा-अणांतरोववन्ना परंपरोववन्ना अणांतरा-
 वगाढा परंपरावगाढा अणांतराहारगा परंपराहारगा अणांतरपज्जत्ता
 परंपरपज्जत्ता चरिमा अचरिमा, एवं निरंतरं जाव वेमाणिया २४, १ ।
 चउत्थीते णं पंकप्पभाते पुट्ठीते दस निरतावाससतसहस्सा पन्नत्ता १ ।
 रयणप्पभाते पुट्ठीते जहन्नेणं नेरतित्ताणं दसवामसहस्साइं ठिती पन्नत्ता,
 २ । चउत्थीते णं पंकप्पभाते पुट्ठीते उक्कोसेणं नेरतित्ताणं दस सागरो-
 वमाइं ठिती पणत्ता ३ । पंचमाते णं धूमप्पभाते पुट्ठीते जहन्नेणं

नेरइयाणं दस सागरोवमाइं ठिती पन्नता ४ । असुरकुमाराणं जहन्नेणं
दसवाससहस्साइं ठिती पन्नत्ता, ५ । एवं जाव थणियकुमाराणं १४ वाय-
रवाणस्सतिकतिताणं उक्कोसेणं दसवाससहस्साइं ठिती पन्नत्ता १५ ।
वाणमंतरदेवाणं जहराणेणं दस वाससहस्साइं ठिई पन्नत्ता १६ । वंभलोगे
कप्पे उक्कोसेणं देवाणं दस सागरोवमाइं ठिती पन्नत्ता १७ । लंतते कप्पे देवाणं
जहराणेणं दस सागरोवमाइं ठिती पन्नत्ता १८, २ ॥ सू० ७५७ ॥
दसहिं ठाणेहिं जीवा आगमेसिभद्दत्ताए कम्मं पगरेति, तंजहा-अणि-
दाणताते १ दिट्ठिसंपन्नयाए २ जोगवाहियत्ताते ३ खंतिखमणताते ४
जित्तिंदियताते ५ अमाइल्लताते ६ अपासत्थताते ७ सुसामराणताते ८
पवयणावच्छल्लयाते ९ पवयणाउवभावणाताए १० ॥ सू० ७५८ ॥
दसविहे आसंसप्पत्रोगे पन्नते, तंजहा-इहलोगासंसप्पत्रोगे १ परलोगा-
संसप्पत्रोगे २ दुहतोलोगासंसप्पत्रोगे ३ जीवियासंसप्पत्रोगे ४ मरणा-
संसप्पत्रोगे ५ कामासंसप्पत्रोगे ६ भोगासंसप्पत्रोगे ७ लाभासंसप्पत्रोगे ८
पूयासंसप्पत्रोगे ९ सकारासंसप्पत्रोगे १० ॥ सू० ७५९ ॥ दसविधे धम्मे
पन्नत्ते, तंजहा-गामधम्मे नगरधम्मे रट्टधम्मे पासंडधम्मे कुलधम्मे
गणाधम्मे संघधम्मे सुयधम्मे चरित्तधम्मे अत्थिकायधम्मे ॥ सू० ७६० ॥
दस थेरा पन्नत्ता, तंजहा-गामथेरा नगरथेरा रट्टथेरा पसत्थारथेरा
कुलथेरा गणाथेरा संघथेरा जातिथेरा सुअथेरा परितायथेरा ॥ सू० ७६१ ॥
दस पुत्ता पन्नत्ता, तंजहा-अत्तते खेत्तते दिन्नते विराणते उरसे मोहरे
सोंडीरे संबुद्धे उवयातिते धम्मतेवासी ॥ सू० ७६२ ॥ केवलिस्स
णं दस अणुत्तरा पन्नत्ता, तंजहा-अणुत्तरे णाणे, अणुत्तरे दंसणे, अणुत्तरे चरित्ते,
अणुत्तरे तवे, अणुत्तरे वीरित्ते, अणुत्तरा खंती, अणुत्तरा मुत्ती, अणुत्तरे
अज्जवे, अणुत्तरे महवे, अणुत्तरे लाघवे ॥ सू० ७६३ ॥ समतखेत्ते णं
दस कुरातो पन्नत्ताओ, तंजहा-पंच देवकुरातो, पंच उत्तरकुरातो १ ।

तथ्यं दस महतिमहालया महादुमा पन्नत्ता, तंजहा-जंबू सुदंसणा १
 धायतिरुक्खे २ महाधायतिरुक्खे ३ पउमरुक्खे ४ महापउमरुक्खे ५ पंच
 कूडसामलीओ १०, २ । तथ्यं दस देवा महिद्धिया जाव परिवसंति,
 तंजहा-अणादिते, जंबुहीवाधिपती, सुदंसणे, पियदंसणे, पोंडरीते,
 महापोंडरीते, पंच गरुला वेणुदेवा १०, ३ ॥ सू०-७६४ ॥
 दसहिं ठाणेहिं ओगाढं दुस्समं जाणेज्जा, तंजहा-अकाले वरिसइ, काले
 ण वरिसइ, असाहू पूइज्जंति साहू ण पूइज्जंति, गुरुसु जणो मिच्छं
 पडिवन्नो, अमणुराणा सदा जाव फासा १०, ४ । दसहिं ठाणेहिं ओगाढं
 सुसमं जाणेज्जा तंजहा-अकाले न वरिसति तं चैव विपरीतं जाव
 मणुराणा फासा ५ ॥ सू० ७६५ ॥ सुसमसुसमाए णं समाए दसविहा
 रुक्खा उवभोगत्ताए हव्वमागच्छंति, तंजहा-मत्तंगता १ य भिंगा २
 लुडितंगा ३ दीव ४ जोति ५ चित्तंगा ६ । चित्तरसा ७ मणियंगा
 ८ गेहागारा ९ अणितणा १० त ॥ सू० ७६६ ॥ जंबूदीवे (२)
 भरहे वासे तीताते उस्सप्पिणीते दस कुलगरा हुत्था, तंजहा-
 “सयज्जले सयाऊ य अणांतसेणे त अमि(भि,जि)तसेणे त । तक्कसेणे
 भीमसेणे महाभीमसेणे त सत्तमे ॥ १ ॥ ददरहे दसरहे सयरहे ॥ जंबूदीवे
 (२) भारहे वासे आगमीसाते उस्सप्पिणीए दस कुलगरा भविस्संति,
 तंजहा-सीमंकरे सीमंधरे खेमंकरे खेमंधरे विमलवाहणे संमुती पडिसुते
 ददधणा दसधणा सतधणा ॥ सू० ७६७ ॥ जंबूदीवे (२) मंदरस्स पव्वयस्स
 पुरच्छिमेणं सीताते महानतीते उभतो कूले दस वक्खारपव्वता पन्नत्ता,
 तंजहा-मालवंते चित्तकूडे विचित्तकूडे बंभकूडे जाव सोमणसे १ ।
 जंबुमंदरपच्चत्थिमे णं सीओताते महानतीते उभतो कूले दस वक्खारपव्वता
 पन्नत्ता, तंजहा-विज्जुप्पभे जाव गंधमातणे, २ । एवं धायइसंडपुरच्छिमद्धेऽवि
 वक्खारा भाणिअवा जाव पुक्खरवरदीवद्धपच्चत्थिमद्धे ३ ॥ सू० ७६८ ॥

दस कृष्णा इंदाहिट्टिया पन्नत्ता, तंजहा—सोहम्मे जाव सहस्सारे पाणते अच्चुए
 १ । एतेसु गां दससु कप्पेसु दस इंदा पन्नत्ता, तंजहा—सक्के ईसाणे जाव
 अच्चुते २ । एतेसु गां दसराहं इंदाणां दस परिजाणितविमाणा पन्नत्ता,
 तंजहा—पालते पुप्फए जाव विमलवरे सव्वतोभइ ३ ॥ सू० ७६६ ॥
 दस दसमिता गां भिवखुपडिमा गां एगेण रातिंदियसतेगां अद्धद्धट्टेहि य
 भिक्खासतेहिं अहासुत्ता जाव आराधितावि भवति ॥ सू० ७७० ॥ दस-
 विधा संसारसमावन्नगा जीवा पन्नत्ता, तंजहा—पढमसमयएगिंदिता अपढयस-
 मयएगिंदिता एवं जाव अपढमसमयपंचिंदिता १ । दसविधा सव्वजीवा
 पन्नत्ता, तंजहा—पुढविकाइया जाव वणास्सइकातिता वैदिया जाव पंचेदिता
 अणिंदिता २ । अथवा दसविधा सव्वजीवा पन्नत्ता, तंजहा—पढमसमयनेरतिया
 अपढमसमयनेरतिता जाव अपढमसमयदेवा पढमसमयसिद्धा अपढमसमयसिद्धा
 ३ ॥ सू० ७७१ ॥ वाससताउस्स गां पुरिसस्स दस दसात्थो पन्नत्तात्थो, तंजहा—बाला
 किड्डा य मंदा य, बला पन्ना य हायणी । पवंचा पवभारा य, मुंसुही सावणी
 तथा १ ॥ सू० ७७२ ॥ दसविधा तणवणास्मतिकातिता पन्नत्ता, तंजहा—
 मूले कंदे जाव पुप्फे फले बीये ॥ सू० ७७३ ॥ सव्वतोऽवि गां विज्जाहरसे-
 ढीत्थो दसदसजोयणाइं विक्खंभेगां पराणत्ता, सव्वतोऽवि गां अभित्थोगसेढीत्थो
 दस दम जोयणाइं विक्खंभेगां पन्नत्तात्थो ॥ सू० ७७४ ॥ गेविज्जगवि-
 माणाणां दस जोयणासयाइं उद्धं उच्चत्तेगां पराणत्ता ॥ सू० ७७५ ॥ दसहिं
 यणेहिं सह तेतसा भासं कुज्जा, तंजहा—केति तहारूवं समणां वा माहणां वा
 अच्चासातेज्जा, से य अच्चासातिते समाणे परिकुविते, तस्स तेतं निसिरेज्जा,
 सेतं परितावेति, सेत्तं परितावेत्ता तामेव सह तेतसा भासं कुज्जा १, केति तहारूवं
 समणां वा माहणां वा अच्चासातेज्जा से य अच्चासातिते समाणे देवे परिकुविए तस्स
 तेयं निसिरेज्जा सेत्तं परितावेति सेत्तं (२) तमेव सह तेतसा भासं कुज्जा २, केति
 तहारूवं समणां वा माहणां वा अच्चासातेज्जा, से य अच्चासातिते समाणे परिकुविए

देवे त परिकुविते, दुहतो पडिगणा तस्स तेयं निसिरेज्जा ते तं परितावित्ति ते तं
परितावेत्ता तमेव सह तेतसा भासं कुज्जा ३, केत्ति तहारूवं समणं वा माहणं वा
अच्चासादेज्जा से य अच्चासात्तिते परिकुविए तस्स तेयं निसिरेज्जा तत्थ फोडा
संमुच्छंति ते फोडा भिज्जंति ते फोडा भिन्ना समाणा तामेव सह तेतसा भासं
कुज्जा ४, केत्ति तहारूवं समणं वा माहणं वा अच्चासातेज्जा से य अच्चासादिते
देवे परिकुविए तस्स तेयं निसिरेज्जा, तत्थ फोडा संमुच्छंति, ते फोडा भिज्जंति,
ते फोडा भिन्ना समाणा तामेव सह तेतसा भासं कुज्जा ५, केत्ति तहारूवं
समणं वा माहणं वा अच्चासाएज्जा से त अच्चासात्तिते परिकुविए देवेऽपि य
परिकुविए ते दुहतो पडिगणा ते तस्स तेतं निसिरेज्जा, तत्थ फोडा
संमुच्छंति सेसं तहेव जाव भासं कुज्जा ६, केत्ति तहारूवं समणं वा माहणं
वा अच्चासातेज्जा से य अच्चासात्तिते परिकुविए तस्स तेतं निसिरेज्जा, तत्थ
फोडा संमुच्छंति ते फोडा भिज्जंति तत्थ पुला संमुच्छंति ते पुला भिज्जंति ते
पुला भिन्ना समाणा तामेव सह तेयसा भासं कुज्जा ७, एते तिन्नि आलावगा
भाणित्त्वा १, केत्ति तहारूवं समणं वा माहणं वा अच्चासातेमाणो तेतं
निसिरेज्जा से त तत्थ णो कम्मइ णो पकम्मति, अंचियं (२) करेत्ति करेत्ता
आताहिणपयाहिणं करेत्ति (२) उड्डं वेहासं उप्पत्ति (२) से णं ततो
पडिहते पडिणियत्तति (२) तमेव सरीरगमणुदहमाणो (२) सह तेतसा भासं
कुज्जा, जहा वा गोसालस्स मंखलिपुत्तस्स तवेतेते १० ॥ सू० ७७६ ॥
दस अच्छेरगा पन्नत्ता, तंजहा—उवसग्ग १ गब्भहरणं २ इत्थीत्तित्थं ३
अभाविया परिसा ४ । कणहस्स अवरकंका ५ उत्तरणं चंदसूराणं ६ ॥१॥
हरिवंसकुलुप्पत्ती ७ चमरुप्पातो त ं अट्टसयसिद्धा १ । अस्संजतेसु पूआ
१०, दसवि अणंतेण कालेण ॥ २ ॥ ॥ सू० ७७७ ॥ इमीसे णं रयण-
प्पभाते पुट्ठीए रयणे कंडे दस जोअणसयाइं बाहल्लेणं पन्नत्ते १ । इमीसे
रयणप्पभाए पुट्ठीए वतरे कंडे दस जोयणसताइं बाहल्लेणं पराणत्ते २ । एवं

वेरुलिते १ लोहितकखे २ मसारगल्ले ३ हंसगब्भे ४ पुलते ५ सोगंधिते ६
जोतिरसे ७ अंजणो = अंजणपुलते १ रन्ते १० जातरूवे ११ अंके १२
फलहे १३ रिट्टे १४, जहा रयणो तहा सोलसविधा भाणितव्वा ३
॥ सू० ७७८ ॥ सव्वेऽवि णं दीवसमुद्दा दसजोयणासताइं उव्वेहेणं पराणत्ता
१ । सव्वेऽदि णं महाद्दहा दस जोयणाइं उव्वेहेणं पराणत्ता २ । सव्वेऽवि णं
सलिलकुंडा दमजोयणाइं उव्वेहेणं पराणत्ता ३ । सियासीओया णं
महानदीओ मुहमूले दस दस जोयणाइं उव्वेहेणं पराणत्ताओ ४ ॥ सू० ७७९ ॥
कत्तियाणवखत्ते सव्ववाहिरातो मंडलातो दसमे मंडले चारं चरति १ ।
अणुराधानवखत्ते सव्वव्भंतरातो मंडलातो दसमे मंडले चारं चरति २
॥ सू० ७८० ॥ दस णवखत्ता णाणस्स विद्धिकरा पराणत्ता, तंजहा-
मिगसिरमद्दा पुस्सो तिन्नि य पुव्वाइं मूलमस्सेसा । हत्थो चित्ता य तहा दस
वुद्धिकराइं णाणस्स ॥ १ ॥ सू० ७८१ ॥ चउप्पयथलयरपंचिंदियतिरि-
वखजोणिताणं दस जातिकुलकोडिजोणिपमुहसतसहस्सा पराणत्ता १ ।
उरपरिसप्पथलयरपंचिंदियतिरिवखजोणिताणं दस जातिकुलकोडिजोणिपमु-
हसतसहस्सा पराणत्ता २ ॥ सू० ७८२ ॥ जीवाणं दसठाणनिव्वत्तिता
पोग्गले पावकम्मत्ताए चिणिंसु वा (३), तंजहा-पढमसमयएगिंदियनिव्वत्तिए
जाव फासिंदियनिव्वत्तिते, एवं चिण उवचिण बंध उदीर वेय तह णिज्जरा चेव'
१ । दसपतेसिता खंधा अणांता पराणत्ता, दसपतेसोगाढा पोग्गला अणांता
पराणत्ता, दससमतठितीता पोग्गला अणांता पराणत्ता, दसगुणकालगा
पोग्गला अणांता पराणत्ता, एवं वन्नेहिं गंधेहिं रसेहिं फासेहिं दसगुण-
लुक्खा पोग्गला अणांता पराणत्ता २ ॥ सू० ७८३ ॥ दसमं ठाणं सम्मत्तं
१० ॥ दसमं अज्झयणं सम्मत्तं ॥ १० ॥

॥ इति दशस्थानकारुयं दशममध्ययनम् ॥ १० ॥

॥ इति तृतीयं श्रीमत्स्थानाङ्गसूत्रम् ॥ ३ ॥

(ग्रन्थाग्रं ३७००)

॥ तृतीयं
श्रीमत्स्थानाङ्ग-सूत्रं
समाप्तम् ॥

अहेम् ।

पञ्चमगणधर-श्रीमत्सुधर्मस्वामिप्रणीतं

॥ श्रीमत्समवायांगसूत्रम् ॥

— :: ० :: —

सुयं मे आउसंतेणं भगवया एवमक्खायं—[इह खलु समणेणं भगवया महावीरेणं आइगरेणं तित्यगरेणं सयंसंबुद्धेणं पुरिसुत्तमेणं पुरिससीहेणं पुरिसवरपुंडरीएणं पुरिसवरगंधहत्थिणा लोगुत्तमेणं लोगनाहेणं लोगहिएणं लोगपईवेणं लोगपज्जोअगरेणं अभयदएणं चक्खुदएणं मग्गदएणं सरणदएणं जीवदएणं धम्मदएणं धम्मदेसएणं धम्मनायगेणं धम्मसारहिणा धम्मवरचाउरंतचक्कवट्टिणा अण्णडिहयवरनाणदंसणधरेणं वियट्टच्छउमेणं जिणेणं जाव(ण)एणं तिन्नेणं तारएणं बुद्धेणं बोहएणं मुत्तेणं मोयगेणं सब्वन्नुणा सब्वदरिमिणा सिवमयल-मरुय-माणंत-मक्खय-मव्वावाह-मपुणारावित्ति(त्तयं)सिद्धिगइ-नामधेयं टाणं संपाविउकामेणं इमे दुवालसंगे गण्णिपिडगे पन्नत्ते, तंजहा—आयारे १ सूयगडे २ टाणे ३ समवाए ४ विवाहपन्नत्ती ५ नाया-धम्मकहाओ ६ उवासगदसाओ ७ अंतगडदसाओ ८ अणुत्तरोववाइदसाओ ९ पराहावागरणं १० विवागसुए ११ दिट्ठिवाए १२, तत्थ ण जे से चउत्थे अगे समवाएत्ति आहिते तस्स णं अयमट्टे पन्नत्ते, तंजहा—] एगे आया, एगे अणाया, एगे दंडे, एगे अदंडे, एगा किरिआ, एगा अकिरिआ, एगे लोए, एगे अलोए, एगे धम्मे, एगे अधम्मे, एगे पुराणे, एगे पावे, एगे वंधे, एगे मोक्खे, एगे आसवे, एगे संवरे, एगा वेयणा, एगा णिज्जरा १८, १ । जंबुडीवे दीवे एगं जोयणासयसहस्सं आयाम(क्कवाल)विकखंभेणं पराणत्ते, अण्णइट्ठाणे नरेण एगं जोयणासयसहस्सं आयामविकखंभेणं पन्नत्ते, पालए जाणविमाणे एगं जोयणासयसहस्सं आयामविकखंभेणं पन्नत्ते, सब्वट्टिसिद्धे

महाविमाणो एगं जोयणसयसहस्रं आयामविक्रवंभेणं पन्नत्ते ४, २ । अद्धान-
 क्खत्ते एगतारे पन्नत्ते, चित्तानक्खत्ते एगतारे पन्नत्ते, सातिनक्खत्ते एगतारे
 पन्नत्ते ३, ३ । इमीसे णं रयणप्पभाए पुट्ठीए अत्थेगइयाणं नेरइयाणं एगं
 पलित्थोवमं ठिई पन्नत्ता, इमीसे णं रयणप्पहाए पुट्ठीए नेरइयाणं उक्कोसेणं
 एगं सागरोवमं ठिई पन्नत्ता, दोच्चाए पुट्ठीए नेरइयाणं जहन्नेणं एगं साग-
 रोवमं ठिई पन्नत्ता, असुरकुमाराणं देवाणं अत्थेगइयाणं एगं पलित्थोवमं
 ठिई पन्नत्ता, असुरकुमाराणं देवाणं उक्कोसेणं एगं साहियं सागरोवमं ठिई
 पन्नत्ता, असुरकुमारिदवज्जियाणं भोमिज्जाणं देवाणं अत्थेगइयाणं एगं पलि-
 थोवमं ठिई पन्नत्ता, असंखिज्जवासाउय-सन्निपंचिंदियतिरिक्खजोणियाणं
 अत्थेगइयाणं एगं पलित्थोवमं ठिई पन्नत्ता, असंखिज्जवासाउयगव्भववकंति-
 यसंणिमणुयाणं अत्थेगइयाणं एगं पलित्थोवमं ठिई पन्नत्ता, वाणमंतराणं
 देवाणं उक्कोसेणं एगं पलित्थोवमं ठिई पन्नत्ता, जोइसियाणं देवाणं उक्कोसेणं
 एगं पलित्थोवमं वासमयसहस्रमब्भहियं ठिई पन्नत्ता, सोहम्मे कप्पे देवाणं
 जहन्नेणं एगं पलित्थोवमं ठिई पन्नत्ता, सोहम्मे कप्पे देवाणं अत्थेगइयाणं
 एगं सागरोवमं ठिई पन्नत्ता, ईसाणे कप्पे देवाणं जहन्नेणं माइरेणं एगं
 पलित्थोवमं ठिई पन्नत्ता, ईसाणे कप्पे देवाणं अत्थेगइयाणं एगं सागरोवमं
 ठिई पन्नत्ता, जे देवा सागरं सुसागरं सागरकंतं भवं मणुं माणुमोत्तरं
 लोगहियं विमाणं देवत्ताए उववन्ना तेसि णं देवाणं उक्कोसे णं एगं सागरो-
 वमं ठिई पन्नत्ता, ते णं देवा एगस्स अद्धमासस्स आणमंति वा पाणमंति
 वा उस्ससंति वा नीससंति वा, तेसि णं देवाणं एगस्स वासमयसहस्रस्स
 आहारट्ठे समुपज्जइ, संतेगइया भवसिद्धिया जे जीवा ते एगेणं भवग्गहणेणं
 सिज्झिस्संति बुज्झिस्संति मुच्चिस्संति परिनिव्वाइस्संति सव्वदुवखाणमंतं
 करिस्संति १८, ४ ॥ सूत्रं १ ॥ दो दंडा पन्नत्ता, तंजहा—अट्टादंडे चैव
 अणट्टादंडे चैव १ । दुवे रासी पराणत्ता, तंजहा—जीवरासी चैव अजीवरासी

चैव २ । दुविहे बन्धणे पन्नत्ते, तंजहा-रागबन्धणे चैव दोसबन्धणे चैव,
 ३ । पुव्वाफग्गुणीनक्खत्ते दुतारे पन्नत्ते ४ । उत्तराफग्गुणी नक्खत्ते दुतारे
 पन्नत्ते ५ । पुव्वाभद्वया नक्खत्ते दुतारे पन्नत्ते ६ । उत्तराभद्वया नक्खत्ते
 दुतारे पन्नत्ते ७ । इमीसे णं रयणाप्पहाए पुढ्वीए अत्थेगइयाणं नेरइयाणं
 दो पलिओवमाइं ठिई पन्नत्ता ८ । दुच्चाए पुढ्वीए अत्थेगइयाणं नेरइयाणं
 दो सागरोवमाइं ठिई पन्नत्ता ९ । असुरकुमाराणं देवाणं अत्थेगइयाणं दो
 पलिओवमाइं ठिई पन्नत्ता १० । असुरकुमारिंदवज्जियाणं भोमिज्जाणं
 देवाणं उक्कोसेणं देसूणाइं दो पलिओवमाइं ठिई पन्नत्ता ११ । असंखिज्ज-
 वासाउयसन्निपंचेदियतिरिक्खजोणिआणं अत्थेगइयाणं दो पलिओवमाइं ठिई
 पन्नत्ता १२ । असंखिज्जवासाउयसन्निपंचेदियमाणुस्साणं, अत्थेगइयाणं
 देवाणं च दो पलिओवमाइं ठिई पन्नत्ता १३ । सोहम्मे कप्पे अत्थेगइयाणं
 देवाणं दो पलिओवमाइं ठिई पन्नत्ता १४ । ईसारेणो कप्पे अत्थेगइयाणं
 देवाणं दो पलिओवमाइं ठिई पन्नत्ता १५ । सोहम्मे कप्पे अत्थेगइयाणं
 देवाणं उक्कोसेणं दो सागरोवमाइं ठिई पन्नत्ता १६ । ईसारेणो कप्पे देवाणं
 उक्कोसेणं साहियाइं दो सागरोवमाइं पन्नत्ता १७ । सणांकुमारे कप्पे देवाणं
 जहराणेणं दो सागरोवमाइं ठिई पन्नत्ता १८ । माहिदे कप्पे देवाणं जह-
 राणेणं साहियाइं दो सागरोवमाइं ठिई पन्नत्ता १९ । जे देवा सुभं सुभकंतं
 सुभवरणां सुभगंधं सुभत्तेसं सुभफासं सोहम्मवडिसगं विमाणं देवत्ताए
 उववराणा तेसि णं देवाणं उक्कोसेणं दो सागरोवमाइं ठिई पन्नत्ता, ते णं देवा
 दोराहं अद्धमासाणं आणमंति वा पाणमंति वा ऊयसंति वा नीससंति वा तेसि
 णं देवाणं दोहि वाससहस्सेहि आहारट्टे समुप्पज्जइ २० । अत्थेगइया भव-
 सिद्धिया जीवा जे दोहिं भवग्गहरोहिं सिज्जिभस्संति बुज्जिभस्संति मुच्चिस्संति
 परिनिव्वाइस्संति सब्बदुक्खाणमंतं करिस्संति २१ ॥ सूत्रं २ ॥ तत्रो दंडा
 पन्नत्ता, तंजहा-माणदराडे वयदंडे कायदंडे, तत्रो गुत्तीओ पन्नत्ताओ, तंजहा-

मणुगुत्ती वयगुत्ती कायगुत्ती १ । तत्रो सल्ला पन्नत्ता, तंजहा—मायासल्ले गां
नियाणसल्ले गां मिच्छादंसणसल्ले गां २ । तत्रो गारवा पन्नत्ता, तंजहा—
इद्धीगारवे गां रसगारवे गां सायागारवेगां ३ । तत्रो विराहणा पन्नत्ता, तंजहा—
नाणविराहणा दंसणविराहणा चरित्तविराहणा ४ । मिगमिरनक्खत्ते
तितारे पन्नत्ते ५ । पुस्सनक्खत्ते तितारे पन्नत्ते ६ । जेट्टानक्खत्ते तितारे
पन्नत्ते ७ । अमीइनक्खत्ते तितारे पन्नत्ते ८ । सवणनक्खत्ते तितारे पन्नत्ते
९ । अस्मिण्णनक्खत्ते तितारे पन्नत्ते १० । भरणीनक्खत्ते तितारे पन्नत्ते
११ । इमीसे गां रयणप्पभाए पुट्ठीए अत्थेगइयाणां नेरइयाणां तिन्नि
पलित्थोवमाइं ठिई पन्नत्ता १२ । दोच्चाए गां पुट्ठीए नेरइयाणां उक्कोसेगां
तिरिणा सागरोवमाइं ठिई पन्नत्ता १३ । तच्चाए गां पुट्ठीए नेरइयाणां
जहराणेगां तिरिणा सागरोवमाइं ठिई पन्नत्ता १४ । असुरकुमाराणां देवाणां
अत्थेगइयाणां तिरिणा पलित्थोवमाइं ठिई पन्नत्ता १५ । असंखिज्जवासाउय-
सन्निपंचिदियतिरिक्खजोणियाणां उक्कोसेगां तिरिणा पलित्थोवमाइं ठिई
पन्नत्ता १६ । असंखिज्जवासाउय-सन्निगव्भववकंतियमणुस्साणां उक्कोसेगां
तिरिणा पलित्थोवमाइं ठिई पन्नत्ता १७ । सोहम्मीसाणंसु अत्थेगइयाणां तिरिणा
पलित्थोवमाइं ठिई पन्नत्ता १८ । सणांकुमारमाहिदेसु कप्पेसु अत्थेगइयाणां
देवाणां तिरिणा सागरोवमाइं ठिई पन्नत्ता १९ । जे देवा आभंकरं पभंकरं
आभंकरपभंकरं चंदं चंदावत्तं चंदप्पभं चंदकंतं चंदवराणां चदलेसं चंदज्जभयं
चंदसिंगं चंदसिट्ठं चंदकूडं चंदुत्तरवडिंसगं विमाणां देवत्ताए उववराणा तेसि
गां देवाणां उक्कोसेगां तिरिणा सागरोवमाइं ठिई पन्नत्ता, ते गां देवा तिराहं
अद्धमासाणां आणमंति वा पाणमंति वा ऊससंति वा नीससंति वा तेसि गां
देवाणां उक्कोसेगां तिहिं वाससहस्मेहिं आहारट्ठे समुपज्जइ, संतेगइया भव-
सिद्धिया जीवा जे तिहिं भवग्गहणेहिं सिज्जिभस्सं(हिं)ति बुज्जिभरसंति मुच्चि-
स्संति परिनिव्वाइस्संति सब्बदुक्खाणमंतं करिस्संति २० ॥ सूत्रं ३ ॥

चत्वारि कसाया पन्नत्ता तंजहा—कोहकसाए माणकसाए मायाकसाए लोभकसाए १ । चत्वारि भाणा पन्नत्ता, तंजहा—अट्टज्भाणो रुद्धज्भाणो धम्मज्भाणो सुक्कज्भाणो २ । चत्वारि विगहात्थो पन्नत्तात्थो, तंजहा—इत्थिकहा भत्तकहा रायकहा देसकहा ३ । चत्वारि सराणा पन्नत्ता, तंजहा—आहारसराणा भयसराणा मेहुणसराणा परिग्गहसराणा ४ । चउव्विहे बन्धे पन्नत्ते, तंजहा—पगइबंधे ठिइबंधे अणुभावबंधे पएस-बन्धे ५ । चउगाउए जोयणो पन्नत्ते ६ । अणुराहानक्खत्ते चउतारे पन्नत्ते ७ । पुव्वासादानक्खत्ते चउतारे पन्नत्ते ८ । उत्तरासादानक्खत्ते चउतारे पन्नत्ते ९ । इमीसे णं रयणप्पभाए पुट्ठीए अत्थेगइयाणं नेरइयाणं चत्वारि पल्लिओवमाइं ठिई पन्नत्ता १० । तच्चाए णं पुट्ठीए अत्थेगइयाणं नेरइयाणं चत्वारि सागरोवमाइं ठिई पन्नत्ता ११ । असुरकुमाराणं देवाणं अत्थेगइयाणं चत्वारि पल्लिओवमाइं ठिई पन्नत्ता १२ । सोहम्मीसाणोसु कप्पेसु अत्थेगइयाणं देवाणं चत्वारि पल्लिओवमाइं ठिई पन्नत्ता, सणंकुमारमाहिंदेसु कप्पेसु अत्थेगइयाणं देवाणं चत्वारि सागरोवमाइं ठिई पन्नत्ता १३ । जे देवा किट्ठं सुकिट्ठं किट्ठियावत्तं किट्ठिप्पभं किट्ठिजुत्तं किट्ठिवराणं किट्ठिलेसं किट्ठि-ज्भयं किट्ठिसिगं किट्ठिसिट्ठं किट्ठिकूडं किट्ठुत्तरवडिंसगं विमाणं देवत्ताए उव्व-वराणा तेसि णं देवाणं उक्कोसेणं चत्वारि सागरोवमाइं ठिई पन्नत्ता, ते णं देवा चउरहऽद्धमाणां आणमंति वा पाणमंति वा ऊससंति वा नीससंति वा तेसिं देवाणं चउहिं वासमहस्सेहिं आहारट्ठे समुप्पज्जइ, अत्थेगइत्था भवसिद्धिया जीवा जे चउहिं भवग्गहणोहिं सिज्जिभस्संति जाव सब्बदुक्खाणं अंतं करिस्संति १४ ॥ सूत्रं ४ ॥ पंच किरिया पन्नत्ता, तंजहा—काइया अहिगरणिया पाउ-सिआ पारितावणिया पाणाइवायकिरिया १ । पंच महव्वया पन्नत्ता, तंजहा—सव्वात्थो-पाणाइवायात्थो वेरमणं सव्वात्थो मुसावायात्थो वेरमणं सव्वात्थो अदत्तादाणात्थो वेरमणं सव्वात्थो मेहुणात्थो वेरमणं सव्वात्थो परिग्गहात्थो

वेरमाणं २ । पंच कामगुणा पन्नत्ता, तंजहा-सद्दा रूवा रसा गंधा फासा ३ ।
 पंच अस्वदारा पन्नत्ता, तंजहा-मिच्छत्तं अविरेणं पमाया कसाया जोगा
 ४ । पंच संवरदारा पन्नत्ता, तंजहा-सम्मतं विरेणं अप्पमत्तया(अपमादी)
 अकमायया अजोगया ५ । पंच निज्जरट्टाणा पन्नत्ता, तंजहा-पाणाइवायाओ
 वेरमाणं मुसावायाओ वेरमाणं अदिन्नादाणाओ वेरमाणं मेहुणाओ वेरमाणं
 परिग्गहाओ वेरमाणं ६ । पंच समिरेणंओ पन्नत्ताओ, तंजहा-ईरियासमिरे
 भासासमिरे एसणासमिरे आयणाभंडमत्तनिक्खेवणासमिरे उच्चारपासवणाखेल-
 सिंघाणाजल्लुपारिट्टावणियासमिरे ७ । पंच अत्थिकाया पन्नत्ता, तंजहा-
 धम्मत्थिकाए अधम्मत्थिकाए आगासत्थिकाए जीवत्थिकाए पोग्गलत्थिकाए ८ ।
 रोहिणीनक्खत्ते पंचतारे पन्नत्ते ९ । पुणाव्वसुनक्खत्ते पंचतारे पन्नत्ते १० ।
 हत्थनक्खत्ते पंचतारे पन्नत्ते ११ । विसाहानक्खत्ते पंचतारे पन्नत्ते १२ ।
 धणिट्टानक्खत्ते पंचतारे पन्नत्ते १३ । इमीसे णं रथणाप्पभाए पुढवीए
 अत्थेगइयाणं नेरइयाणं पंच पलित्थोवमाइं ठिरे पन्नत्ता १४ । तच्चाए
 णं पुढवीए अत्थेगइयाणं नेरइयाणं पंच सागरोवमाइं ठिरे पन्नत्ता १५ ।
 असुरकुमाराणं देवाणं अत्थेगइयाणं पंच पलित्थोवमाइं ठिरे पन्नत्ता १६ ।
 सोहम्मीसाणेसु कप्पेसु अत्थेगइयाणं देवाणं पंच पलित्थोवमाइं ठिरे
 पन्नत्ता, सणंकुमारमाहिंदेसु कप्पेसु अत्थेगइयाणं देवाणं पंच सागरोवमाइं
 ठिरे पन्नत्ता १७ । जे देवा वायं सुवायं वायावत्तं वायप्पभं वायकंतं
 वायवराणं वायलेसं वायज्भयं वायसिगं वायसिट्टं वायकूडं वाउत्तरवडिसगं
 सूरं सुसूरं सूरावत्तं सूरप्पभं सूरकंतं सूरवराणं सूरलेसं सूरज्भयं
 सूरसिगं सूरसिट्टं सूरकूडं सूरुत्तरवडिसगं त्रिमाणं देवत्ताए उववराणा
 तेसि णं देवाणं उक्कोसेणं पंच सागरोवमाइं ठिरे पन्नत्ता, ते णं देवा
 पंचराहं अद्धमासाणं आणमंति वा पाणमंति वा ऊससंति वा नीससंतिवा,
 तेसि णं देवाणं पंचहिं वाससहस्सेहिं आहारट्टे समुप्पज्जइ, संतेगइया

भवसिद्धिया जीवा जे पंचहिं भवग्गहणेहिं सिद्धिस्संति जाव अंतं करिस्संति १८ । ॥ सूत्रं ५ ॥

छ लेसाओ पराणत्ताओ, तंजहा-कराहलेसा नीललेसा काउलेसा तेउलेसा पम्हलेसा सुकलेसा १ । छ जीवनिकाया पन्नत्ता, तंजहा-पुढवीकाए आऊकाए तेउकाए वाउकाए वणस्सइकाए तसकाए २ । छव्विहे बाहिरे तवोकम्मे पन्नत्ते, तंजहा-अणसणे ऊणोयरिया वित्तीसंखेवो रसपरिच्चाओ कायकिलेसो संलीणया ३ । छव्विहे अविंतरे तवोकम्मे पन्नत्ते, तंजहा-पायच्छित्तं विणओ वेयावच्चं सज्जाओ भाणां उस्सग्गो ४ । छ छाउमत्थिया समुग्घाया पन्नत्ता, तंजहा-वेयणासमुग्घाए कसायसमुग्घाए माराणंतिअसमुग्घाए वेउव्वियसमुग्घाए तेयसमुग्घाए आहारसमुग्घाए ५ । छव्विहे अत्थुग्गहे पन्नत्ते, तंजहा-सोइंदियअत्थुग्गहे चक्खुइंदियअत्थुग्गहे घाणिंदिअत्थुग्गहे जिविंदियअत्थुग्गहे फासिदियअत्थुग्गहे नोइंदियअत्थुग्गहे ६ । कत्तियानक्खत्ते छतारे पन्नत्ते ७ । असिलेसानक्खत्ते छतारे पन्नत्ते ८ । ईमीसे णं रयाणप्पभाए पुढवीए अत्थेगइयाणं नेरइयाणं छ पलिओवमाइं ठिई पन्नत्ता ९ । तच्चाए णं पुढवीए अत्थेगइयाणं नेरइयाणं छ सागरोवमाइं ठिई पन्नत्ता १० । असुरकुमाराणं देवाणं अत्थेगइयाणं छ पलिओवमाइं ठिई पन्नत्ता ११ । सोहम्मीसाराणसु कप्पेसु अत्थेगइयाणं देवाणं छ पलिओवमाइं ठिई पन्नत्ता १२ । सणंकुमारमाहिंदेसु कप्पेसु अत्थेगइयाणं देवाणं छ सागरोवमाइं ठिई पन्नत्ता १३ । जे देवा सयंभुं सयंभूरमाणं घोसं सुघोसं महाघोसं किट्ठिघोसं वीरं सुवीरं वीरगतं वीरसेणियं वीरावत्तं वीरप्पभं वीरकंतं वीरवराणं वीरलेसं वीरज्झयं वीरसिगं वीरसिट्ठं वीरकूडं वीरुत्तरवडिसगं विमाणां देवत्ताए उव्वराणा तेसि णं देवाणं उक्कोसेणं छ सागरोवमाइं ठिई पन्नत्ता, ते णं देवा छराहं अद्धमासाणं आणमंति वा पाणमंति वा उत्तसंति वा नीससंति वा, तेसि णं देवाणं छहिं वाससहस्सेहिं आहारट्ठे समुप्पज्जइ,

संतेगइया भवसिद्धिया जीवा जे छहिं भवग्गहणोहिं सिज्जिस्संति जाव
सव्वदुक्खाणमंतं करिस्संति १४ ॥ सूत्रं ६ ॥ सत्त भयट्ठाणा पन्नत्ता, तंजहा—
इहलोगभए परलोगभए आदाणभए अकम्हाभए आजीवभए मरणाभए
असिलोगभए १ । सत्त समुग्घाया पन्नत्ता, तंजहा—वेयणासमुग्घाए कसायस-
मुग्घाए मारणांतियसमुग्घाए वेउव्वियसमुग्घाए तेयसमुग्घाए आहरसमुग्घाए
केवल्लिसमुग्घाए, २ । समणो भगवं महावीरे सत्त रयणाथो उड्डं उच्चत्तेणां
होत्था ३ । इहेव जंबुद्वीवे दीवे सत्त वामहरपव्वया पन्नत्ता, तंजहा—चुल्लहिमवंते
महाहिमवंते निसडे नीलवंते रुप्पी सिहरी मन्दरे ४ । इहेव जंबुद्वीवे दीवे
सत्त वामा पन्नत्ता, तंजहा—भरहे हेमवते हरिवासे महाविदेहे रम्मए एरणावए
एरवए ५ । खीणमोहे णं भगवं (भगवया) मोहणिज्वज्जाथो सत्त कम्मप-
यडीथो वेए(ज्ज)ई ६ । महानक्खत्ते सत्ततारे पन्नत्ते ७ । अभि(कत्ति)
आइथा मत्त नक्खत्ता पुव्वदारिथा पन्नत्ता ८ । महाइथा सत्त नक्खत्ता दाहिणा-
दारिथा पन्नत्ता ९ । अणुराहाइथा सत्त नक्खत्ता अवरदारिथा पन्नत्ता
१० । थण्डाइथा सत्त नक्खत्ता उत्तरदारिथा पन्नत्ता, ११ । इमीसे णं
रयणाप्पभाए पुढ्वाए अत्थेगइयाणं नेरइयाणं सत्त पलित्थोवमाइं ठिई पन्नत्ता
१२ । तत्राए णं पुढ्वाए नेरइयाणं उक्कोसेणं सत्त सागरोवमाइं ठिई पन्नत्ता,
१३ । चउत्थीए णं पुढ्वाए नेरइयाणं जहराणेणं सत्त सागरोवमाइं ठिई
पन्नत्ता १४ । असुरकुमाराणं देवाणं अत्थेगइयाणं सत्त पलित्थोवमाइं ठिई
पन्नत्ता १५ । सोहम्मीसारोसु कप्पेसु अत्थेगइयाणं देवाणं सत्त पलित्थोव-
माइं ठिई पन्नत्ता १६ । सणांकुमारे कप्पे अत्थेगइयाणं देवाणं उक्कोसेणं सत्त
सागरोवमाइं ठिई पन्नत्ता १७ । माहिदे कप्पे देवाणं उक्कोसेणं साइरेगाइं
सत्त सागरोवमाइं ठिई पन्नत्ता १८ । वंमलोए कप्पे अत्थेगइयाणं देवाणं त्तस
साहिया (माहिय-सत्त) सागरोवमाइं ठिई पन्नत्ता १९ । जे देवा समं सम्पभं
महापभं पभासं भासुरं विमलं कंचणाकूडं सणांकुमारवडिंसगं विमारां देवत्ताए

उववराणा तेसि रां देवारां उक्कोसेरां सत्त सागरोवमाइं ठिई पन्नत्ता, ते रां देवा सत्तरहं अद्धमासारां आणमंति वा पाणमंति वा ऊससंति वा नीससंति वा, तेसि रां देवाणं सत्तहिं वाससहस्सेहिं आहारट्टे समुप्पज्जइ, संतेगइया भवसिद्धिया जीवा जे रां सत्तहिं भवग्गहणेहिं सिज्जिभस्संति बुज्जिभस्संति जाव सव्वदुक्खाणमंतं करिस्संति २० ॥ सूत्रं ७ ॥ अट्ट मयट्ठाणा पन्नत्ता, तंजहा-जातिमए कुलमए बलमए रूवमए तवमए सुयमए लाभमए इस्सरियमए १ । अट्ट पवयणामायाओ पन्नत्ताओ, तंजहा-ईरियासमिई भासासमिई एसणासमिई आयाणमंडमत्तनिक्खेवणासमिई उच्चारपासवणाखेलजल्लसिंघाणापारिट्ठावणियासमिई मणागुत्ती वयगुत्ती कायगुत्ती २ । वाणमंतरारां देवारां चेइयरूक्खा अट्ट जोयणाइं उद्धं उच्चत्तेणं पन्नत्ता ३ । जंबू रां सुदंसणा अट्ट जोयणाइं उद्धं उच्चत्तेरां पन्नत्ता ४ । कूडसामली रां गरुलावासे अट्ट जोयणाइं उद्धं उच्चत्तेरां पन्नत्ते ५ । जंबुदीवस्स रां जगई अट्ट जोयणाइं उद्धं उच्चत्तेरां पन्नत्ता ६ । अट्टसामइए केवलिसमुग्घाए पन्नत्ते, तजहा-पढमे समए दंडं करेइ, बीए समए कवाडं करेइ, तइए समए मंथं करेइ, चउत्थे समए मंथंतराइं पूरेइ, पंचमे समए मंथंतराइ पडिमाहरइ, छट्ठे समए मंथं पडिसाहरइ, सत्तमे समए कवाडं पडिसाहरइ, अट्टमे समए दंडं पडिसाहरइ, ततो पच्छा सरीरत्थे भवइ ७ । पासस्स रां अरहओ पुरिसादाणिअरस अट्ट गणा अट्ट गणाहरा होत्था, तंजहा-सुभे य सुभघोसे य, वसिट्ठे वंभयारि य । सोमे सिरिधरे चैव, वीरभद्दे जसे इय ॥ १ ॥ ८ । अट्ट नक्खत्ता चंदेरां सद्धि पमइं जोगं जोएंति, तंजहा-कत्तिया १ रोहिणी २ पुणव्वसू ३ महा ४ चित्ता ५ विसाहा ६ अणुराहा ७ जेट्ठा ८, ९ । इमीसे रां रयणाप्पहाए पुढवीए अत्थेगइयारां नेरइयारां अट्ट पल्लिओवमाइं ठिई पन्नत्ता १० । चउत्थीए पुढवीए अत्थेगइयारां नेरइयारां अट्ट सागरोवमाइं ठिई पन्नत्ता ११ । असुरकुमारां देवारां अत्थेगइयारां अट्ट पल्लिओवमाइं ठिई पन्नत्ता १२ । सोहम्मीसाणेसु कप्पेसु अत्थेगइयारां देवारां अट्ट पल्लि-

ओवमाइं ठिई पन्नत्ता १३ । बंभलोए कप्पे अत्थेगइयाणां देवाणां अट्ट साग-
 रोवमाइं ठिई पन्नत्ता १४ । जे देवा अच्चि १ अच्चिमालिं २ वइरोयणां ३
 पमंकरं ४ चंद्राभं ५ सूरामं ६ सुपइट्टाभं ७ अग्गिच्चाभं ८ रिट्टाभं ९ अरुरामं १०
 अरुणुत्तरवडिसगं ११ विमारां देवत्ताए उववराणा तेसि रां देवाणां उक्कोसेरां
 अट्ट सागरोवमाइं ठिई पन्नत्ता, ते रां देवा अट्टगहं अट्टमासाणां आणमंति
 वा पाणमंति वा ऊससंति वा नीसमंति वा, तेसि रां देवाणां अट्टहिं वासस-
 हस्सेहिं आहारट्टे समुप्पज्जइ, संतेगइया भवसिद्धिया जीवा जे अट्टहिं भवग्गह-
 रोहिं सिज्जिस्संति बुज्जिस्संति जाव अंतं करिस्संति १५ ॥ सूत्रं ८ ॥
 नव बंभवेरगुत्तीओ पन्नत्ताओ, तंजहा—नो इत्थिपसुपंडगसंसत्ताणि सिज्जा-
 सणाणि सेवित्ता भवइ १ नो इत्थीणां कहां कहित्ता भवइ २ नो इत्थीणां
 ठाणाइं सेवित्ता भवइ ३ नो इत्थीणां इंदियाणि मणोहराइं मणोरमाइं आलो-
 इत्ता निज्जाइत्ता भवइ ४ नो पणीयरसभोई ५ नो पाणाभोयणास्स अइमायाए
 आहारइत्ता ६ नो इत्थीणां पुव्वरयाइं पुव्वकीलिआइं समरइत्ता भवइ, नो
 सहाणुवाइं नो रूवाणुवाइं नो गन्धाणुवाइं नो रसाणुवाइं नो फासाणुवाइं
 नो सिलोगाणुवाइं ८ नो सायासोक्खपडिक्खे यावि भवइ ९, १ । नव
 बंभवेरअगुत्तीओ पन्नत्ताओ, तंजहा—इत्थीपसुपंडगसंसत्तारां सिज्जासणाणां
 सेवणाया जाव सायासुक्खपडिक्खे यावि भवइ ९, २ । नव बंभवेरा पन्नत्ता,
 तंजहा—सत्थपरिगणा लोगविजओ सीओसणिज्ज सम्मत्तं । आवंति धुत
 विमोहा उवशाणसुयं महपरिगणा ॥ १ ॥ ३ । पासे रां अरहा पुरिसा-
 दाणीए नव रयणीओ उद्धं उव्वतेरां होत्था ४ । अभीजीनक्खते साइरेगे
 नव मुहुत्ते चन्देरां सद्धिं जोगं जोएइ ५ । अभीजियाइया नव नक्खत्ता
 चंदस्स उत्तरेरां जोगं जोएंति, तंजहा—अभीजि सवणो जाव भरणी ६ ।
 इमीसे रां रयणाप्पमाए पुट्टवीए बहुसमरमणिज्जाओ भूमिभागाओ नव
 जोयणासए उद्धं आवाहाए उवरिल्ले तारारूवे चारं चरइ ७ । जंबूदीवे

रां दीवे नवजोयणित्रा मच्छा पविसिंसु वा (३) = । विजयस्स रां दारस्स
 एगमेगाए वाहाए नव नव भोमा पन्नत्ता १ । वाणमंतरारां देवारां सभात्रो
 सुहम्मात्रो नव जोयणाइं उद्धं उच्चत्तेरां पन्नत्तात्रो १० । दंमणावर-
 णिज्जस्स रां कम्मस्स नव उत्तरपगडीत्रो पन्नत्तात्रो, तंजहा-निहा पयला
 निहानिहा पयलापयला थीणाद्धी चक्खुदंसणावरणो अचक्खुदंसणावरणो
 ओहिदंसणावरणो केवलदंसणावरणो ११ । इमीसे रां रयणाप्पभाए पुढ्वीए
 अत्थेगइयारां नेरइयारां नव पलित्रोवमाइं ठिई पन्नत्ता १२ । चउत्थीए
 पुढ्वीए अत्थेगइयारां नेरइयारां नव सागरोवमाइं ठिई पन्नत्ता १३ ।
 असुरकुमारारां देवारां अत्थेगइयारां नव पलित्रोवमाइं ठिई पन्नत्ता १४ ।
 सोहम्मीसारोसु कप्पेसु अत्थेगइयारां देवारां नव पलित्रोवमाइं ठिई पन्नत्ता
 १५ । वंभलोए कप्पे अत्थेगइयारां देवारां नव सागरोवमाइं ठिई पन्नत्ता
 १६ । जे देवा पम्हं सुपम्हं पम्हावत्तं पम्हप्पभं पम्हकंतं पम्हवगरां पम्हलेसं
 पम्हज्जभयं पम्हसिंगं पम्हसिट्ठं पम्हकूडं पम्हुत्तरवडिसंगं, सुज्जं सुसुज्जं
 सुज्जवित्तं सुज्जपभं सुज्जकंतं सुज्जवगरां सुज्जलेसं सुज्जज्जभयं सुज्जभसिंगं
 सुज्जभसिट्ठं सुज्जकूडं सुज्जुत्तरवडिसंगं, रुइल्लं रुइल्लावत्तं रुइल्लप्पभं रुइल्लकंतं
 रुइल्लवगरां रुइल्लेसं रुइल्लज्जभयं रुइल्लसिंगं रुइल्लसिट्ठं रुइल्लकूडं रुइल्लुत्तर-
 वडिसंगं विमारां देवत्ताए उववराणा, तेसि रां देवारां नव सागरोवमाइं
 ठिई पन्नत्ता, ते रां देवा नवराहं अद्धमासारां आणमंति वा पाणमंति वा
 ऊससंति वा नीससंति वा, तेसि रां देवारां नवहिं वाससहस्सेहिं आहारट्ठे
 समुप्पज्जइ, संतेगइया भवसिद्धिया जीवा जे नवहिं भन्नग्गहणोहिं सिज्जिस्संति
 जाव सव्वदुक्खाणमंतं करिस्संति १७ ॥ सूत्रं १ ॥ दसविहे समणाधम्मे
 पन्नत्ते, तंजहा-खंती १ मुत्ती २ अज्जवे ३ मइवे ४ लाघवे ५ सञ्चे
 ६ संजमे ७ तवे = चियाए ८ वंभचेरवासे १०, १ । दस चित्तसमाहिट्ठाणा
 पन्नत्ता, तंजहा-धम्मचिंता वा से असमुप्पराणापुञ्जा समुप्पज्जिजा सव्वं धम्मं

जाणित्तए १ सुमिणा(सुजाणा)दंसरो वा से असमुप्पराणापुव्वे समुप्पज्जिजा
अहातच्चं सुमिणां पासित्तए २ सरिणानारो वा से असमुप्पराणापुव्वे समुप्पज्जिजा
पुव्वभवे सुमरित्तए ३ देवदंसरो वा से असमुप्पन्नपुव्वे समुप्पज्जिजा दिव्वं
देविद्धिं दिव्वं तेवजुइं दिव्वं देवाणाभावं पासित्तए ४ ओहिनारो वा से
असमुप्पराणापुव्वे समुप्पज्जिजा ओहिणा लोगं जाणित्तए ५ ओहिदंसरो वा से
असमुप्पराणापुव्वे समुप्पज्जिजा ओहिणा लोगं पासित्तए ६ मणापज्जवनारो वा से
असमुप्पराणापुव्वे समुप्पज्जिजा जाव मणोगए भावे जाणित्तए ७ केवलनारो वा से
असमुप्पराणापुव्वे समुप्पज्जिजा केवलं लोगं जाणित्तए ८ केवलदंसरो वा से
असमुप्पराणापुव्वे समुप्पज्जिजा केवलं लोगं पासित्तए ९ केवलिंमरणां वा
मरिजा सव्वदुक्खप्पहीणाए १०, २। मंदरे णां पव्वए मूले दस जोयणा-
सहस्साइं विक्खंभेणां पन्नत्ते ३। अरिहा णां अरिट्टेनेमी दस धणाइं
उद्धं उच्चत्तेणां होत्था ४। कगहे णां वासुदेवे दस धणाइं उद्धं उच्चत्तेणां
होत्था ५। रामे णां बलदेवे दस धणाइं उद्धं उच्चत्तेणां होत्था ६। दस नक्खत्ता
नाणावुद्धिकरा पन्नत्ता, तंजहा—मिगसिर अहा पुस्सो तिगिणा अ पुव्वा य
मूलमस्सेसा । हत्थो चित्तो य तहा दस बुद्धिकराइं नाणास्स ॥ १ ॥ ७ ।
अकम्मभूमियारां मणाआरां दसविहा रुक्खा उवभोगत्ताए उवत्थिया पन्नत्ता,
तंजहा—मत्तंगया य भिंगा तुडिअंगा दीवजोइं चित्तंगा । चित्तरसा मणिअंगा
गेहागारा अनिगिणा य ॥१॥ ८। इमीसे णां रयणाप्पभाए पुढवीए अत्थेगइयारां
नेरइयारां जहराणोरां दस वाससहस्साइं ठिई पन्नत्ता ९ । इमीसे णां रयणाप्प-
भाए पुढवीए अत्थेगइआरां नेरइयारां दस पलिओवमाइं ठिई पन्नत्ता १० ।
चउत्थीए पुढवीए दस निरयावाससयसहस्साइ पन्नत्ताणि ११ । चउत्थीए पुढवीए
अत्थेगइयारां नेरइयारां उक्कोसेणां दस सागरोवमाइं ठिई पन्नत्ता १२ । पंचमीए
पुढवीए अत्थेगइयारां नेरइयारां जहराणोरां दस सागरोवमाइं ठिई पन्नत्ता
१३ । असुरकुमारारां देवारां अत्थेगइयारां जहराणोरां दस वाससहस्साइं

ठिई पन्नत्ता १४ । असुरिंदवजाणां भोमिजाणां देवाणां अत्येगइयाणां जहराणां दस वाससहस्साइं ठिई पन्नत्ता १५ । असुरकुमाराणां देवाणां अत्येगइयाणां दस पलिओवमाइं ठिई पन्नत्ता १६ । बायरवणास्सइकाइए रां उक्कोसेरां दस वाससहस्साइं ठिई पन्नत्ता १७ । वाणमंतराणां देवाणां अत्येगइयाणां जहराणां दस वाससहस्साइं ठिई पन्नत्ता १८ । सोहम्मी-साणोसु कप्पेसु अत्येगइयाणां देवाणां दस पलिओवमाइं ठिई पन्नत्ता १९ । बंभलोए कप्पे देवाणां उक्कोसेरां दस सागरोवमाइं ठिई पन्नत्ता २० । लांतए कप्पे देवाणां अत्येगइयाणां जहराणां दस सागरोवमाइं ठिई पन्नत्ता २१ । जे देवा घोसं सुघोसं महाघोसं नंदिघोसं सुसरं मणोरमं रम्मं रम्मगं रमणिज्जं मंगलावत्तं बंभलोगवडिंसगं विमारां देवत्ताए उववराणा तेसि रां देवाणां उक्कोसेरां दस सागरोवमाइं ठिई पन्नत्ता, ते रां देवा दसराहं अद्धमासारां आणमंति वा पाणमंति वा ऊससंति वा नीससंति वा तेसि रां देवाणां दसहिं वाससहस्सेहिं आहारट्टे समुप्पज्जइ, संतेगइआ भवसिद्धिया जीवा जे दसहिं भवग्गहणोहि सिज्झिस्संति बुज्झिस्संति मुच्चिस्संति परिनिव्वाइस्संति सब्बदुक्खाणमंतं करिस्संति २२ ॥ सूत्रं १०॥

एकारस उवासगपडिमाओ पन्नत्ताओ, तंजहा-दंसणासावए १ कयव्वयकंमे २ सामाइअकडे ३ पोसहोववासनिरए ४ दिया बंभयारी रत्ति परिमाणकडे ५ दिआओवि राओओवि बंभयारी असिणाई (अनिसाई) विअड-भोई मोलिकडे ६ सच्चित्तपरिणणाए ७ (राइभत्त परिणणाए ४ सच्चित्त परिणणाए ५ दिया बंभयारी राओ परिमाणकडे ६ दियावि राओवि बंभयारी असिणाणाए वोसट्ट-केसरोमनहे ७) आरंभपरिणणाए ८ पेसपरिणणाए ९ उहिट्टभत्तपरिणणाए १० समणभूए ११ आवि भवइ समणाउसो !-१ । लोगं-ताओ इकारसएहिं एकारेहिं जोयणसएहिं अवाहाए जोइसंते पराणत्ते २ । जंबू-दीवे दीवे मंदरस्स पव्वयस्स एकारसहिं एकवीसेहिं जोयणसएहिं जोइसे चारं

चरइ ३ । समणस्स णं भगवओ महावीरस्स एकारस गणहरा होत्था, तंजहा—
 इंदभूई अग्गिभूई वायुभूई विअत्ते सोहम्मे मंडिए मोरियपुत्ते अकंपिए
 अयलभाए मेअज्जे पभासे ८ । मूले नक्खत्ते एकारसतारे पन्नत्ते ९ ।
 हेट्ठिमगेविज्जयाणं देवाणं एकारसमु(गु)त्तरं गेविज्जविमाणसतं भवइत्तिमवखायं,
 मंदरे णं पव्वए धरणितत्ताओ सिहरतले एकारसभागपरिहीणे उच्चत्तेणं
 पन्नत्ते १० । इमीसे णं रयणप्पभाए पुढ्वीए अत्थेगइयाणं नेरइयाणं एकारस
 पल्लिओवमाइं ठिई पन्नत्ता ११ । पंचमीए पुढ्वीए अत्थेगइयाणं नेरइयाणं
 एकारस सागरोवमाइं ठिई पन्नत्ता १२ । असुरकुमाराणं देवाणं अत्थेगइयाणं
 एकारस पल्लिओवमाइं ठिई पन्नत्ता १३ । सोहम्मीसाणेसु कप्पेसु अत्थेगइयाणं
 देवाणं एकारस पल्लिओवमाइं ठिई पन्नत्ता १४ । लंतए कप्पे अत्थेगइयाणं
 देवाणं एकारस सागरोवमाइं ठिई पन्नत्ता १५ । जे देवा वंभं सुवंभं वंभावत्तं
 वंभप्पभं वंभकंतं वंभवराणं वंभलेसं वंभज्झयं वंभसिं गं वंभसिट्ठं वंभकूडं
 वंभुत्तरवडिंसगं विमाणं देवत्ताए उववराणा तेसि णं देवाणं एकारस सागरो-
 वमाइं ठिई पन्नत्ता, ते णं देवा एकारसराहं अद्धमासाणं आणमंति वा
 पाणमंति वा ऊससंति वा नीससंति वा तेसि णं देवाणं एकारसराहं
 वाससहस्साणं आहारट्ठे समुप्पज्जइ, संतेगइया भवसिद्धिया जीवा जे
 एकारसहिं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति
 सव्वदुक्खाणमंतं करिस्संति १६ ॥सूत्रं ११॥ बारस भिक्खुपडिमाओ पराण-
 ताओ, तंजहा—मासिया भिक्खुपडिमा दोमासिया भिक्खुपडिमा तिमासिया
 भिक्खुपडिमा चउमासिया भिक्खुपडिमा पंचमासिया भिक्खुपडिमा ष्टमासिया
 भिक्खुपडिमा सत्तमासिया भिक्खुपडिमा पट्ठमा सत्तराइंदिया भिक्खुपडिमा
 दोच्चा सत्तराइंदिया भिक्खुपडिमा तच्चा सत्तराइंदिया भिक्खुपडिमा अहोरा-
 इया भिक्खुपडिमा एगराइया भिक्खुपडिमा १ । दुवालसविहे सम्भोगे
 पन्नत्ते, तंजहा—उवहीसुअभत्तपाणे, अंजलीपग्गहेत्ति य । दायणे य निकाए

अ, अम्भुद्वाणोति आवरे ॥ १ ॥ किञ्चिकम्मस्स य करणो, वेयावच्चकरणो
इत्थ । समोसरणं संनिसिज्जा य, कहाए अ पवन्धणे ॥ २ ॥ २ । दुवाल-
सावत्ते कितिकम्मे पन्नत्ते, तंजहा-दुओणयं जहाजायं, कितिकम्मं बारसावयं ।
चउसिरं तिगुत्तं (सिद्धं) च, दुपवेसं एगनिक्खमणं ॥ २ ॥ ३ । विजया णं
रायहाणी दुवालस जोयणासयसहस्साइं आयामविक्खंभेणं पराणत्ता ४ ।
रामे णं बलदेवे दुवालस वाससयाइं सव्वाउयं पालित्ता देवत्तं गए ५ ।
मंदरस्स णं पव्वयस्स चूलिआ मूले दुवालस जोयणाइं विक्खंभेणं पराणत्ता,
६ । जंबूदीवस्स णं दीवस्स वेइआ मूले दुवालस जोयणाइं विक्खंभेणं
पराणत्ता, ७ । सब्वजहरिणाआ राई दुवालसमुहुत्तिआ पराणत्ता, एवं दिवसो-
पवि नायव्वो ८ । सब्वट्टसिद्धस्स णं महाविमाणस्स उवरिल्लाओ थुभि-
अग्गाओ दुवालस जोयणाइं उद्धं उप्पइआ ईसिपव्वभारनामपुढवी पराणत्ता
९ । इसिपव्वभाराए णं पुढवीए दुवालस नामधेज्जा पराणत्ता, तंजहा-ईसित्ति
वा इसिपव्वभाराति वा तणाइ वा तणायतरित्ति वा सिद्धित्ति वा सिद्धालएत्ति
वा मुत्तीति वा मुत्तालएत्ति वा वंभेत्ति वा वंभवड्डिसएत्ति वा लोकपडिपूरणोत्ति
वा लोगग्गचूलिआइ वा १० । इमीसे णं रयणप्पभाए पुढवीए अत्थेगइआणं
नेरइयाणं बारस पलित्थोवमाइं ठिई पन्नत्ता ११ । पंचमीए पुढवीए अत्थेगइ-
याणं नेरइयाणं बारस सागरोवमाइं ठिई पन्नत्ता १२ । असुरकुमाराणं
देवाणां अत्थेगइयाणां बारस पलित्थोवमाइं ठिई पन्नत्ता १३ । सोहम्मीसाणोसु
कप्पेसु अत्थेगइयाणां देवाणां बारस पलित्थोवमाइं ठिई पन्नत्ता १४ । लंतए
कप्पे अत्थेगइयाणां देवाणां बारस सागरोवमाइं ठिई पन्नत्ता १५ । जे देवा
महिंदं महिंदज्ज्भयं कंबुं कंबुग्गीवं पुंखं सुपुंखं महापुंखं पुंढं सुपुंढं
महापुंढं नरिंदं नरिंदकंतं नरिंदुत्तरवड्डिसगं विमारां देवत्ताए उववराणा तेसि
णं देवाणं उक्कोसेणं बारस सागरोवमाइं ठिई पन्नत्ता, ते णं देवा बारसराहं
अद्धमासाणं आणमंति वा पाणमंति वा उस्तसंति वा नीससंति वा तेसि

गां देवाणां वारसहिं वाससहस्सेहिं आहारद्वे समुप्यज्जइ, संतेगइया भवसिद्धिआ
 जीवा जे वारसहिं भवगहणेहिं सिज्जिभस्संति बुज्जिभस्संति मुच्चिस्संति
 परिनिव्वाइस्संति सब्बदुक्खाणमंतं करिस्संति १६ ॥ सूत्रं १२ ॥ तेरस किरि-
 याठायणा पन्नत्ता, तंजहा-अट्ठादंडे अणट्ठादंडे हिंसादंडे अकम्हादंडे दिट्ठिविपरि-
 आसिआदंडे मुसावायवत्तिए अदिन्नादाणवत्तिए अज्जभत्तिए मानवत्तिए
 मित्तदोसवत्तिए माथावत्तिए लोभवत्तिए इरिआवहिए नामं तेरसमे १। सोह-
 म्मीसाणोसु कप्पेसु तेरसविमाणपत्थडा पन्नत्ता २। सोहम्मवडिंसगे गां विमाणो
 गां अद्धतेरसजोयणसयसहस्साइं आयामविकखंभेगां पन्नत्ते ३। एवं ईसाणवडिं-
 सगेज्जि ४। जलयरपंचिंदिअतिरिक्खजोणिआगां अद्धतेरसजाइकुलकोडीजो-
 णीपमुहसयसहस्साइं पन्नत्ते ५। पाणाउस्स गां पुव्वस्स तेरसवत्थू पन्नत्ता ६। गम्भ-
 वकं तिअपंचेदअतिरिक्खजोणिआगां तेरसविहे पत्रोगे पन्नत्ते, तंजहा-सच्चमाणप-
 त्रोगे मोसमाणपत्रोगे सच्चामोसमाणपत्रोगे असच्चामोसमाणपत्रोगे सच्चवइपत्रोगे
 मोसवइपत्रोगे सच्चामोसवइपत्रोगे असच्चामोसवइपत्रोगे ओरालिअसरीरका-
 यपत्रोगे ओरालिअमीससरीरकायपत्रोगे वेउव्विअसरीरकायपत्रोगे वेउव्वि-
 अमीससरीरकायपत्रोगे कम्मसरीरकायपत्रोगे ७। सूरमंडलं जोयणोगां तेरसेहिं
 एगसट्ठिभागेहिं जोयणस्स ऊगां पन्नत्ते ८। इमीसे गां रयणप्पभाए पुट्ठीए अत्थे-
 गइयागां नेरइयागां तेरस पलिअोवमाइं ठिई पन्नत्ता ९। पंचमीए पुट्ठीए
 अत्थेगइयागां नेरइयागां तेरस सागरोवमाइं ठिई पन्नत्ता १०। असुरकुमारारां
 देवारां अत्थेगइयागां तेरस पलिअोवमाइं ठिई पन्नत्ता ११। सोहम्मीसाणोसु
 कप्पेसु अत्थेगइयागां देवारां तेरस पलिअोवमाइं ठिई पन्नत्ता १२। लंतए
 कप्पे अत्थेगइयागां देवारां तेरस सागरोवमाइं ठिई पन्नत्ता १३। जे देवा
 वज्जं सुवज्जं वजावत्तं वज्जप्पभं वज्जकंतं वज्जवरागां वज्जलेसं वज्जरूवं वज्ज-
 सिंगं वज्जसिट्ठं वज्जकूडं वज्जुत्तरवडिंसगं वइरं वइरावत्तं वइरप्पभं वइरकंतं
 वइरवरागां वइरलेसं वइररूवं वइरसिंगं वइरसिट्ठं वइरकूडं वइरुत्तरवडिंसगं

लोगं लोगावत्तं लोगप्पभं लोगकंतं लोगवराणां लोगलेसं लोगरूवं लोगसिंगं
लोगसिट्ठं लोगकूडं लोगुत्तरवड्डिसंगं विमाणं देवत्ताए उववराणा तेसि रां
देवारां उक्कोसेरां तेरस सागरोवमाइं ठिई पन्नत्ता, ते रां देवा तेरसहिं
अद्धमासेहिं आणमंति वा पाणमंति वा उस्ससंति वा नीस्ससंति वा तेसि रां
देवारां तेरसहिं वाससहस्सेहिं आहारट्ठे समुप्पज्जइ, संतेगइआ भवसिद्धिआ
जीवा जे तेरसहिं भवग्गहणेहिं सिज्जिभस्संति बुज्जिभस्संति मुच्चिस्संति परिनिब्बा-
इस्संति सब्बदुक्खाणमंतं करिस्संति १४ ॥ सूत्रं १३ ॥ चउदस भूअग्गामा
पन्नत्ता, तंजहा-सुहुमा अपज्जत्तया सुहुमा पज्जत्तया वादरा अपज्जत्तया
वादरा पज्जत्तया बेइंदिया अपज्जत्तया बेइंदिया पज्जत्तया तेंदिया अपज्जत्तया
तेंदिया पज्जत्तया चउरिंदिया अपज्जत्तया चउरिंदिया पज्जत्तया पंचिंदिया
असन्निअपज्जत्तया पंचिंदिया असन्निपज्जत्तया पंचिंदिया सन्निअपज्जत्तया
पंचिंदिया सन्निपज्जत्तया १ । चउदस पुव्वा पन्नत्ता, तंजहा-उप्पायपुव्वमग्गे-
(ग्गा)णियं च तइयं च वीरियं पुव्वं । अत्थीनत्थिपवायं तत्तो नाणप्पवायं च
॥ १ ॥ सच्चप्पवायपुव्वं तत्तो आयप्पवायपुव्वं च । कम्मप्पवायपुव्वं पच्चक्खाणां
भवे नवमं ॥ २ ॥ विज्जाअणुप्पवायं अवंभपाणाउ बारसं पुव्वं । तत्तो
किरियविसालं पुव्वं तह विदुसारं च ॥ ३ ॥ २ । अग्गे(ग्गा)णीअस्स रां
पुव्वस्स चउदस वत्थू पन्नत्ता ३ । समणस्स रां भगवत्थो महावीरस्स चउदस
समणसाहम्मीअो उक्कोसिआ समणसंपया होत्था ४ । कम्मविसोहिमग्गणं पडुच्च
चउदस जीवट्ठाणा पन्नत्ता, तंजहा-मिच्छदिट्ठी सासायणमम्मदिट्ठी सम्मामिच्छ-
दिट्ठी अविरयस्समदिट्ठी विरयाविरए पमत्तसंजए अप्पमत्तसंजए निअट्ठीवायरे
अनिअट्ठीवायरे सुहुमसंपराए उवसामए वा खवए वा उवसंतमोहे खीणमोहे
सजोगी केवली अयोगी केवली ५ । भरहेरवयाअो रां जीवाअो चउदस
चउदस जोयणसहस्साइं चत्तारि अ एगुत्तरे जोयणसए छच्च एगूणवीसे भागे
जोयणस्स आयामेणं पन्नत्ताअो, ६ । एगमेगस्स रां रत्तो चाउरंतचक्कवट्ठिस्स चउ-

ह्रसरयणा पन्नत्ता, तंजहा-इत्थीरयणे सेणावइरयणे गाहावइरयणे पुरोहियरयणे
 बड्डइरयणे आसरयणे हत्थिरयणे असिरयणे दंडरयणे चक्ररयणे छत्तरयणे
 चम्मरयणे मणिरयणे कागिणिरयणे ७ । जंबुद्वीवे णं दीवे चउहस महानईओ
 पुव्वावरेण लवणासमुहं समप्पंति, तंजहा-गंगा सिंधू रोहित्रा रोहित्रंसा
 हरी हरिकंता सीत्रा सीओदा नरकन्ता नारिकांता सुवराणाकूला रूपकूला
 रत्ता रत्तवई ८ । इमीसे णं रयणाप्पभाए पुढ्वीए अत्थेगइयाणं नेरइयाणं
 चउहस पलिओवमाइं ठिई पन्नत्ता ९ । पंचमीए णं पुढ्वीए अत्थेगइयाणं
 नेरइयाणं चउहस सागरोवमाइं ठिई पन्नत्ता १० । असुरकुमाराणं देवाणं
 अत्थेगइयाणं चउहस पलिओवमाइं ठिई पन्नत्ता ११ । सोहम्मीसाणेसु
 कप्पेसु अत्थेगइयाणं देवाणं चउहस पलिओवमाइं ठिई पन्नत्ता १२ ।
 लंतए कप्पे देवाणं अत्थेगइयाणं चउहस सागरोवमाइं ठिई पन्नत्ता १३ ।
 महासुक्के कप्पे देवाणं अत्थेगइयाणं जहराणेणं चउहस सागरोवमाइं ठिई
 पन्नत्ता १४ । जे देवा सिरिकंतं सिरिमहिअं सिरिसोमनसं लंतयं काविट्टं
 महिंदकंतं महिंदुत्तरवडिंसगं विमाणं देवत्ताए उववराणा तेसि णं देवाणं
 उक्कोसेणं चउहस सागरोवमाइं ठिई पन्नत्ता, ते णं देवा चउहसहिं अद्धमासेहिं
 आणमंति वा पाणमंति वा उरुससंति वा नीससंति वा तेसिणं देवाणं चउह-
 सहिं वाससहस्सेहिं आहारट्टे समुप्पज्जइ, संतेगइया भवसिद्धिआ जीवा जे
 चउहसहिं भवग्गहणेहिं सिज्जिस्संति बुज्जिस्संति मुच्चिस्संति परिनिव्वाइस्संति
 सब्बडुक्खाणमंतं करिस्संति १५ ॥ सूत्रं १४ ॥ पन्नरस परमाहम्मिआ
 पन्नत्ता, तंजहा-अवे अंबरिमी चेव, सामे सबलेत्ति आवरे । रुहोवरुहकाले
 अ, महाकालेत्ति आवरे ॥ १ ॥ असिपत्ते धणु कुम्भे, बालुए वेअरणीति
 अ । खरस्सरे महाघोसे, एते पन्नरसाहिआ ॥ २ ॥ १ । णमी णं अरहा
 पन्नरस धणुइं उह्वं उच्चत्तेणं होत्था धुव(निच्च)राहू णं बहुलपक्खस्स पडिवए
 पन्नरसभागं पन्नरसभागेणं चंदस्स लेसं आवरेत्ताणं चिट्ठति, तंजहा-

पढ्माए पढ्मं भागं वीआए दुभागं तइआए तिभागं चउत्थीए चउभागं पञ्च-
मीए पञ्चभागं छट्ठीए छभागं सत्तमीए सत्तभागं अट्ठमीए अट्ठभागं नवमीए
नवभागं दसमीए दसभागं एकारंसीए एकारसभागं बारसीए बारसभागं
तेरसीए तेरसभागं चउहसीए चउहसभागं पन्नरसेसु पन्नरसभागं २ । तं चेव
सुक्कपक्खस्स य उवदंसेमाणे उवदंसेमाणे चिट्ठति, तंजहा—पढ्माए पढ्मं भागं जाव
पन्नरसेसु पन्नरसभागं ३ । छ् णक्खत्ता पन्नरसमुहुत्तसंजुत्ता पन्नत्ता, तंजहा—
सतभिसय भरणि अद्दा असलेसा साई तहा जेट्ठा । (साइ तहय जेट्ठा य) एते
छ्णक्खत्ता पन्नरसमुहुत्तसंजुत्ता ॥ १ ॥ ४ । चेत्तासोएसु णं मासेसु पन्नरसमुहुत्तो
दिवसो भवति ५ । एवं चेत्त(त्तासो)मासेसु पराणरसमुहुत्ता राई भवति ६ ।
विजाअणुप्पवायस्स णं पुव्वस्स पन्नरस वत्थू पराणत्ता ७ । मणूसाणं पराणरसविहे
पत्रोगे पन्नत्ते, तंजहा—सच्चमणपत्रोगे मोसमणपत्रोगे सच्चमोसमणपत्रोगे
असच्चामोसमणपत्रोगे सच्चवइपत्रोगे मोसवइपत्रोगे सच्चामोसवइपत्रोगे
असच्चामोसवइपत्रोगे ओरालिअसरीरकायपत्रोगे ओरालिअमीससरीर-
कायपत्रोगे वेउव्वियसरीरकायपत्रोगे वेउव्विअमीससरीरकायपत्रोगे
आहारयसरीरकायप्पत्रोगे आहारयमीससरीरकायप्पत्रोगे कम्मयसरीरका-
यपत्रोगे ८ । इमीसे णं रयणप्पभाए पुट्ठीए अत्थेगइयाणं नेरइआणं
पराणरस पलिअोवमाइं ठिई पन्नत्ता, ९ । पंचमीए पुट्ठीए अत्थेगइयाणं
नेरइआणं पराणरस सागरोवमाइं ठिई पन्नत्ता, १० । असुरकु-
माराणं देवाणं अत्थेगइयाणं पराणरस पलिअोवमाइं ठिई पन्नत्ता,
११ । सोहम्मीसाणोसु कप्पेसु अत्थेगइयाणं देवाणं पराणरस पलिअोवमाइं
ठिई पन्नत्ता, १२ । महासुवके कप्पे अत्थेगइयाणं देवाणं पराणरस सागरो-
वमाइं ठिई पन्नत्ता, १३ । जे देवा णंदं सुणंदं णंदावत्तं णंदप्पभं णंदकंतं
णंदवराणं णंदलेसं णंदज्झयं णंदसिगं णंदसिट्ठं णंदकूडं णंदुत्तरवडिसगं
विमाणं देवत्ताए उववराणा तेसि णं देवाणं उक्कोसेणं पराणरस सागरोवमाइं

ठिई पन्नत्ता, ते शां देवा पराणरसराहं अद्धमासाणं आणमंति वा पाणमंति वा उस्ससंति वा नीससंति वा तेसि शां देवाणं पराणरसहिं वाससहस्सेहिं आहारट्टे समुप्पज्जइ, संतेगइआ भवसिद्धिआ जीवा जे पन्नरसहिं भवग्ग-हरोहिं सिज्झिस्संति बुज्झिस्संति मुच्चिस्संति परिनिव्वाइसंति सव्वदुक्खाणमंतं करिस्संति १४ ॥ सूत्रं १५ ॥

सोलस य गाहासोलसगा पन्नत्ता, तंजहा-समए वेयालिए उवस-ग्गपरिन्ना इत्थीपरिणाणा निरयविभत्ती महावीरथुई कुसीलपरिभासिए वीरिए धम्मे समाही मग्गे समोसरणे आहातहिए गंथे जमईए गाहासोलसमे सोल-सगे १ । सोलस कसाया पन्नत्ता, तंजहा-अणांताणुबंधी कोहे अणांताणुबंधी मारो अणांताणुबंधी माया अणांताणुबंधी लोभे अपच्चक्खाणकसाए कोहे अपच्चक्खाणकसाए मारो अपच्चक्खाणकसाए माया अपच्चक्खाणकसाए लोभे पच्चक्खाणावरणे कोहे पच्चक्खाणावरणे मारो पच्चक्खाणावरणा माया पच्चक्खाणावरणे लोभे संजलणे कोहे संजलणे मारो संजलणे माया संजलणे लोभे २ । मंदरस्स शां पव्वयस्स सोलस नामधेया पन्नत्ता, तंजहा-मंदरमेरु-माणोरम सुदंसण सयंपभे य गिरिराया । रयणुच्चय पियदंसण मज्जे लोगस्स नाभी य ॥ १ ॥ अत्थे अ सूरिआवत्ते सूरिआवरणेत्ति अ । उत्तरे अ दिसाई अ, वडिसे इअ सोलसमे ॥२॥ ३ । पासस्स शां अरहतो पुरिसादाणीयस्स सोलस समणसाहस्सीओ उक्कोसिआ समण संपदा होत्था ४ । आयप्पवायस्स शां पुव्वस्स शां सोलस वत्थू पन्नत्ता ५ । चमरबलीणां उवारियालेणे सोलस जोयण-सहस्साइं आयामविवखंभेणां पन्नत्ता ६ । लवणे शां समुद्दे सोलस जोयण-सहस्साइं उस्सेहपरिवुद्धीए पन्नत्ता ७ । इमीसे शां रयणप्पभाए पुढवीए अत्थेगइयाणां नेरइयाणां सोलस पलिओवमाइं ठिई पन्नत्ता ८ । पंचमाए पुढविए अत्थेगइयाणां देवाणां सोलस सागरोवमाठिती पन्नत्ता ९ । असुर-कुमाराणां देवाणां अत्थेगइयाणां सोलस पलिओवमाइं ठिई पन्नत्ता १० ।

सोहर्मीसागोसु कप्पेसु अत्थेगइयाणां देवाणां सोलस पलिओवमाइं ठिई
 पन्नत्ता ११ । महासुक्के कप्पे देवाणां अत्थेगइयाणां सोलस सागरोवमाइं
 ठिई पन्नत्ता १२ । जे देवा आवत्तं विआवत्तं नंदिआवत्तं महारांदिआवत्तं
 अंकुसं अंकुसपलंबं भइं सुभइं महाभइं सव्वओभइं भदुत्तरवडिसगं
 विमाणां देवत्ताए उववराणा तेसि गां देवाणां उक्कोसे गां सोलस सागरोवमाइं
 ठिई पन्नत्ता, ते गां देवा सोलसहिं अद्धमासाणां आणमंति वा पाणमंति वा
 उस्ससंति वा नीससंति वा, तेसि गां देवाणां सोलसवाससहस्सेहिं आहारट्टे
 समुप्पज्जइ, संतेगइआ भवसिद्धिआ जीवा जे सोलसहिं भवग्गहणोहिं
 सिज्जिभस्संति बुज्जिभस्संति मुच्चिस्संति परिनिव्वाइस्संति सव्वदुक्खाणमंतं
 करिस्संति १३ ॥ सूत्रं १६ ॥ सत्तरसविहे असंजमे पन्नत्ते तंजहा—
 पुढविकायअसंजमे आउकायअसंजमे तेउकायअसंजमे बाउकायअसंजमे
 वणास्सइकायअसंजमे बेइंदिअअसंजमे तेइंदियअसंजमे चउरिंदियअसंजमे
 पंचिदिअअसंजमे अजीवकायअसंजमे पेहाअसंजमे उवेहाअसंजमे अवहट्टु-
 असंजमे अप्पमज्जणाअसंजमे मणाअसंजमे वइअसंजमे कायअसंजमे १ ।
 सत्तरसविहे संजमे पन्नत्ते, तंजहा—पुढवीकायअसंजमे आउकायअसंजमे तेउकाय-
 असंजमे बाउकायअसंजमे वणास्सइकायअसंजमे बेइंदिअअसंजमे तेइंदियअसंजमे
 चउरिंदियअसंजमे पंचिदिअअसंजमे अजीवकायअसंजमे पेहाअसंजमे उवेहाअसंजमे
 अवहट्टुअसंजमे पमज्जणाअसंजमे मणाअसंजमे वइअसंजमे कायअसंजमे २ । माणु-
 सत्तरे गां पव्वए सत्तरसएक्कवीसे जोयणासए उड्डं उच्चत्तेणां पन्नत्ते ३ ।
 सव्वेसिंपि गां वेलंधरअणुवेलंधरणागराईणां आवासपव्वया सत्तरसएक्कवीसाइं
 जोयणासयाइं उड्डं उच्चत्तेणां पन्नत्ता ४ । लवणो गां समुद्दे सत्तरस जोयणा-
 सहस्साइं सव्वग्गेणां पन्नत्ते ५ । इमीसे गां रयणाप्पभाए पुढवीए बहुसमरमणि-
 जाओ भूमिभागाओ सातिरेगाइं सत्तरस जोयणासहस्साइं उड्डं उप्पत्तित्ता ततो
 पच्छा चारणाणां तिरिआ गती पवत्तति ६ । चमरस्स गां असुरिंदस्स असुर-

रराणो तिगिंछिकूडे उप्पायपव्वए सत्तरस एकवीसाइं जोयणसयाइं उट्टं उच्चत्तेरां पन्नत्ते ७ । वलिस्स गां असुरिंदस्स रुअगिंदे उप्पायपव्वए सत्तरस एकवीसाइं जोयणसयाइं उट्टं उच्चत्तेरां पन्नत्ते ८ । सत्तरसविहे मरणो पन्नत्ते, तंजहा—आवीईमरणो ओहिमरणो आयंतियमरणो वलायमरणो वसट्टमरणो अंतोसल्लमरणो तब्भवमरणो बालमरणो पंडितमरणो बालपंडितमरणो छउमत्थमरणो केवलिमरणो वेहाणसमरणो गिद्धपिट्टमरणो भत्तपच्चक्खाणमरणो इंगिणिमरणो पाओवगमणमरणो ९ । सुहुमसंपराए गां भगवं सुहुमसंपरायभावे वट्टमाणो सत्तरस कम्मपगडीओ गिवंधति, तंजहा—आभिणिबोहियणाणावरणो सुयणाणावरणो ओहिणाणावरणो मणपज्जवणाणावरणो केवलणाणावरणो चक्खुदंसणावरणो अचक्खुदंसणावरणो ओहीदंसणावरणो केवलदंसणावरणो सायावेयणिज्जं जसोकित्तिनामं उच्चागोयं दाणांतरायं लाभंतरायं भोगंतरायं उवभोगंतरायं वीरिअंतरायं १० । इमीसे गां रयणप्पभाए पुट्टवीए अत्थेगइआणां नेरइयाणां सत्तरस पलिओवमाइं ठिई पन्नत्ता ११ । पंचमीए पुट्टवीए अत्थेगइआणां नेरइयाणां उकोसेगां सत्तरस सागरोवमाइं ठिई पन्नत्ता १२ । छट्ठीए पुट्टवीए अत्थेगइआणां नेरइयाणां जहराणां सत्तरस सागरोवमाइं ठिई पन्नत्ता १३ । असुरकुमाराणां देवाणां अत्थेगइआणां सत्तरस पलिओवमाइं ठिई पन्नत्ता १४ । सोहम्मीसाणोसु कप्पेसु अत्थेगइआणां देवाणां सत्तरस पलिओवमाइं ठिई पन्नत्ता १५ । महासुक्के कप्पे देवाणां उकोसेगां सत्तरस सागरोवमाइं ठिई पन्नत्ता १६ । सहस्सारे कप्पे देवाणां जहराणां सत्तरस सागरोवमाइं ठिई पन्नत्ता १७ । जे देवा सामाणां सुसामाणां महासामाणां पउमं महापउमं कुमुदं महाकुमुदं नलिणां महानलिणां पोंडरीअं महापोंडरीअं सुक्कं महासुक्कं सीहं सीहकंतं सीहवीअं भाविअं विमाणं देवत्ताए उववराणा तेसि गां देवाणां उकोसेगां सत्तरस सागरोवमाइं ठिई पन्नत्ता, ते गां देवा सत्तरसहिं अद्धमासेहिं आणमंति वा पाणमंति वा उस्स-

सन्ति वा नीससन्ति वा, तेसिं णं देवाणं सत्तरसहिं वाससहस्सेहिं आहारट्टे
समुप्पज्जइ, संतेगइया भवसिद्धिआ जीवा जे सत्तरसहिं भवग्गहणोहिं सिज्झि-
स्सन्ति बुज्झिस्सन्ति मुच्चिस्सन्ति परिनिव्वाइस्सन्ति सब्बदुक्खाणमंतं करिस्सन्ति
१८ । ॥ सूत्रं १७ ॥ अट्टारसविहे बंभे पन्नत्ते, तंजहा—ओरालिए कामभोगे
गोव सयं मणोणं सेवइ, नोऽवि अराणां मणोणां सेवावेइ, मणोणां सेवंतं पि
अराणां न समणुजाणाइ, ओरालिए कामभोगे गोव सयं वायाए सेवइ,
नोऽवि अराणां वायाए सेवावेइ, वायाए सेवंतंपि अराणां न समणुजाणाइ,
ओरालिए कामभोगे गोव सयं कायेणां सेवइ गोऽवि यऽराणां काएणां सेवावेइ,
काएणां सेवंतंपि अराणां न समणुजाणाइ, दिव्वे कामभोगे गोव सयं मणोणां
सेवइ गोवि अराणां मणोणां सेवावेइ, मणोणां सेवंतंपि अराणां न समणुजाणाइ,
दिव्वे कामभोगे गोव सयं वायाए सेवइ, गोवि अराणां वायाए सेवावेइ,
वायाए सेवंतंपि अराणां न समणुजाणाइ, दिव्वे कामभोगे गोव सयं काएणां सेवइ,
गोवि अराणां काएणां सेवावेइ, काएणां सेवंतंपि अराणां न समणुजाणाइ १ ।
अरहतो णं अरिट्ठनेमिस्स अट्टारस समणसाहस्सीओ उक्कोसिया समणसंपया
होत्था २ । समणोणां भगवया महावीरेणां समणाणं शिग्गंथाणां सखुड्डय-
विअत्ताणं अट्टारस ठाणा पन्नत्ता, तंजहा—वयञ्जक्कं ६ कायञ्जक्कं १२,
अकप्पो १३ गिहिभायणां १४ । पलिवंक्कं १५ निसिज्जा १६ य, सिणाणां
१७ सोभवज्जणां १८ ॥ १ ॥ ३ । आयारस्स णं भगवतो मच्चूलियागस्स
अट्टारस पयसहस्साइं पयग्गेणां पन्नत्ताइं ४ । बंभीए णां लिवीए अट्टारसविहे
लेखविहारो पन्नत्ते, तंजहा—बंभी जवणी(णा) लियादोसा ऊरिआ खरोट्टिआ
खरसाविआ पहाराइया उच्चत्तरिआ अकखरपुट्टिया भोगवयता वेणतिया
णिराहइया अंकलिवि गणिअलिवी गंधव्वलिवी भूयलिवि - आदंसलिवी
माहेसरीलिवी दामि(ली)लिवी - वोलिंदिलिवी ७ । अत्थिनत्थिप्पवायस्स
णं पुव्वस्स अट्टारस वत्थू पन्नत्तं, ८ । धूमप्पभाए णां पुट्ठीए अट्टारसुत्तरं

जोयणसयसहस्सं बाहल्लेरां पन्नत्तं १ । पोसासाढेसु रां मासेसु सइ उक्को-
 सेरां अट्टारसमुहुत्ते दिवसे भवइ सइ उक्कोसेरां अट्टारसमुहुत्ता राती भवइ,
 इमीसे रां रयणप्पभाए पुढ्वीए अत्थेगइयारां नेरइयारां अट्टारस पलित्थो-
 वमाइं ठिई पन्नत्ता १० । छट्टिए पुढ्वीए अत्थेगइयारां नेरइयारां अट्टारस-
 सागरोवमाइं ठिई पन्नत्ता ११ । असुरकुमारारां देवारां अत्थेगइयारां
 अट्टारस पलित्थोवमाइं ठिई पन्नत्ता १२ । सोहम्मीसाणोसु कप्पेसु अत्थेगइ-
 यारां देवारां अट्टारस पलित्थोवमाइं ठिई पन्नत्ता १३ । सहस्सारे कप्पे
 देवारां उक्कोसेरां अट्टारस सागरोवमाइं ठिई पन्नत्ता १४ । आणए कप्पे
 देवारां अत्थेगइयारां जहराणोरां अट्टारस सागरोवमाइं ठिई पन्नत्ता १५ ।
 जे देवा कालं सुकालं महाकालं अंजरां रिट्ठं सालं समाणां दुमं महादुमं
 विसालं सुसालं पउमं पउमगुम्मं कुमुदं कुमुदगुम्मं नलिणां नलिणागुम्मं
 पुं डरीअं पुं डरीयगुम्मं सहस्सारवड्डिसगं विमाणां देवत्ताए उववराणा तेसि
 णं देवाणां अट्टारस सागरोवमाइं ठिई पन्नत्ता, ते णं देवा णं अट्टारसेहिं
 अद्धमासेहिं आणमंति वा पाणमंति वा ऊससंति वा नीससंति वा, तेसि णं
 देवाणां अट्टारसवाससहस्सेहिं आहारट्ठे समुप्पज्जइ, संतेगइया भवसिद्धिया जे
 अट्टारसहिं भवग्गहणोहिं सिज्जिस्संति बुज्जिस्संति मुच्चिस्संति परिनिव्वाइस्संति
 सब्बदुक्खाणमंतं करिस्संति १६ ॥ सूत्रं १८ ॥ एगूणावीसं णायज्जयणा
 पन्नत्ता, तंजहा—उक्खित्ताए संघाडे, अंडे कुम्मे अ सेलए । तुंवे अ
 रोहिणी मल्ली, मागंदी चंदिमाति अ ॥ १ ॥ दावहवे उदगणाए, मंडुवके
 तेत्तली इअ । नंदिफले अवरकंका, आइराणे सुंसमा इअ ॥ २ ॥ अवरं अ
 पोराडरीए, णाए एगूणावीसमे १ । जंबूदीवे णं दीवे सूरिया उक्कोसेरां एगू-
 णवीस जोयणसयाइं उट्टमहो तवयंति, सुक्केणां महग्गहे अवरं उदिए समाणे
 एगूणावीसं णाक्खत्ताइं समं चारं चरित्ता अवरं अत्थमणां उवागच्छइ २ । जंबुदी-
 वस्स णं दीवस्स कलाओ एगूणावीसं छेअणाओ पन्नत्ताओ ३ । एगूणावीसं

तित्थयरा अगारवासमज्जे वसित्ता मुण्डे भवित्ता णं अगाराओ
 अण्णारिअं पव्वइआ ४ । इमीसे णं रयण्णपभाए पुढ्वीए अत्थेगइआणं
 नेरइआणं एगूणवीस पलिओवमाइं ठिई पन्नत्ता ५ । छट्ठीए पुढ्वीए
 अत्थेगइआणं नेरइयाणं एगूणवीससागरोवमाइं ठिई पन्नत्ता ६ । असुरकु-
 माराणं देवाणं अत्थेगइआणं एगूणवीसपलिओवमाइं ठिई पन्नत्ता ७ ।
 सोहम्मीसारोसु कप्पेसु अत्थेगइयाणं देवाणं एगूणवीसं पलिओवमाइं ठिई
 पन्नत्ता ८ । आणयकप्पे अत्थेगइआणं देवाणं उक्कोसेणं एगूणवीससागरोवमाइं
 ठिई पन्नत्ता ९ । पाणए कप्पे अत्थेगइआणं देवाणं जहराणेणं एगूणवीस-
 सागरोवमाइं ठिई पन्नत्ता १० । जे देवा आणतं पाणतं णतं विणतं घणं
 सुसिरं इंदं इंदोकंतं इंदुत्तरवडिसगं विमाणं देवत्ताए उववराणा नेसि णं
 देवाणं उक्कोसेणं एगूणवीससागरोवमाइं ठिई पन्नत्ता, ते णं देवा एगूणवी-
 साए अद्धमासाणं आणमंति वा पाणमंति वा उस्ससंति वा नीससंति वा,
 तेसि णं देवाणं एगूणवीसाए वासमहस्सेहिं आहारट्ठे समुप्पज्जइ, संतेगइआ
 भवसिद्धिया जीवा जे एगूणवीसाए भवग्गहरोहिं सिज्झिस्संति बुज्झिस्संति
 सुच्चिस्संति परिनिव्वाइस्संति सत्त्वदुवखाणं अंतं करिस्संति ११
 ॥ सूत्रं १६ ॥ वीसं असमाहिठायणा पन्नत्ता, तंजहा—इवदवचारि यावि भवइ
 अपमज्जियचारि आवि भवइ दुप्पमज्जियचारि आवि भवइ अतिरित्तमज्जास-
 णिए रातिणिअपरिभासी थेरोवघाइए भूओवघाइए संजलगो कोहगो पिट्ठि-
 मंसिए अभिक्खणं (२) ओहारइत्ता भवइ णवाणं अधिकरणाणं अण्णपरणाणं
 उप्पाएत्ता भवइ पोराणाणं अधिकरणाणं खामिअविउसविआणं पुणोदीरेत्ता
 भवइ ससरक्खपाणिपाए अकालसंज्झायकारए यावि भवइ कलहकरे सहकरे
 भंभकरे सूरप्पमाणभोई एसणाऽसमिते आवि भवइ १ । मुणिसुव्वए णं
 अरहा वीसं धण्णइं उड्ढं उच्चत्तेणं होत्था २ । सव्वेऽवि अ णं घणोदही वीसं
 जोयणासहस्साइं बाहल्लेणं पन्नत्तो ३ । पाणयस्स णं देविदस्स देवरगणो

वीसं सामाणिअसाहस्सीओ पन्नत्ताओ ४ । रापुंसयवेयणिज्जस्स गां कम्मस्स वीसं सागरोवमकोडाकोडीओ बंधओ बंधठिई पन्नत्ता ५ । पच्चक्खाणास्स गां पुच्चस्स वीसं वत्थू पन्नत्ता ६ । उस्सप्पिणिओसप्पिणिमंडले वीसं सागरोवमकोडाकोडीओ कालो पन्नत्तो ७ । इमीसे गां रयाण्णभाए पुट्ठीए अत्थेगइयाणां नेरइयाणां वीसं पलिओवमाइं ठिई पन्नत्ता ८ । छट्ठीए पुट्ठीए अत्थेगइयाणां नेरइयाणां वीसं सागरोवमाइं ठिई पन्नत्ता ९ । असुरकुमाराणां देवाणां अत्थेगइयाणां वीसं पलिओवमाइं ठिई पन्नत्ता १० । सोहम्मीसाणेसु कप्पेसु अत्थेगइयाणां देवाणां वीसं पलिओवमाइं ठिई पन्नत्ता ११ । पाणाते कप्पे देवाणां उक्कोसेणां वीसं सागरोवमाइं ठिई पन्नत्ता १२ । आरणो कप्पे देवाणां जहराणेणां वीसं सागरोवमाइं ठिई पन्नत्ता १३ । जे देवा सायं विसायं सुविसायं सिद्धत्थं उप्पलं भित्तिलं तिगिच्छं दिसासोवत्थियं वद्धमाणायं पलंबं रुद्धं पुष्पं सुपुष्पं पुष्पावत्तं पुष्पपभं पुष्पकंतं पुष्पवराणां पुष्पलेसं पुष्पज्झयं पुष्पसिगं पुष्पसिद्धं(ट्टु)पुष्पुत्तरवडिसगं विमाणां देवत्ताए उववराणा तेसि गां देवाणां उक्कोसेणां वीसं सागरोवमाइं ठिई पन्नत्ता, ते गां देवा वीसाए अद्धमासाणां आणमंति वा पाणमंति वा उस्ससति वा नीससति वा, तेसि गां देवाणां वीसाए वाससहस्सेहि आहारट्टे समुप्पज्जइ, संतेगइआ भवसिद्धिआ जीवा जे वीसाए भवग्गहणेहि सिज्झिस्संति बुज्झिस्संति मुच्चिस्संति परिणिग्वाइस्संति सब्बदुवखाणमंतं करिस्संति १४ ॥सूत्रं २०॥

एकवीसं सवत्ता पराणत्ता, तंजहा-हत्थकम्मं करेमाणो सवले मेहुणां पडिसेवमाणो सवले, राइभोअणां भुंजमाणो सवले, आहाकम्मं भुंजमाणो सवले, सागारियं पिडं भुंजमाणो सवले, उहेसियं कीयं आहट्टु दिज्जमाणां भुंजमाणो सवले, अभिक्खाणां पडियाइवखेत्ताणां भुंजमाणो सवले, अंतो छराहं मासाणां गणाओ गणां संकममाणो सवले, अंतो मासस्स तथो दगलेवे करेमाणो सवले, अंतो मासस्स तथो माईठारो सेवमाणो सवले, रायपिडं

भुंजमाणे सबले, आउट्टिआए पाणाइवायं करेमाणे सबले, आउट्टिआए मुसागयं वदमाणे सबले, आउट्टिआए अदिराणादाणं गिराहमाणे सबले आउट्टिआए अणंतरहिआए पुढवीए ठाणं वा निसीहियं वा चेतमाणे सबले, एवं आउट्टिआ चित्तमंताए पुढवीए एवं आउट्टिआ चित्तमंताए सिलाए कोलावासंसि वा दारुए ठाणं वा सिज्जं वा निसीहियं वा चेतमाणे सबले, जीवपइट्टिए सपाणे सवीए सहरिए सउत्तिङ्गे पणगदगमट्टीमकडासंताणए तहप्पगारे ठाणं वा सिज्जं वा निसीहियं वा चेतमाणे सबले, आउट्टिआए मूलभोअरां वा कंदभोअरां वा तयाभोअरां वा पवालभोअरां वा पुप्फभोअरां वा फलभोअरां वा हरियभोअरां वा भुंजमाणे सबले, अंतो संवच्छरस्स दस दगलेवे करेमाणे सबले, अंतो संवच्छरस्स दस माइठाणाइ सेवमाणे सबले, अभिक्खणां (२) सीतोदयवियडवग्घारियपाणिणा असरां वा पारां वा खाइमं वा साइमं वा पडिगाहिता भुंजमाणे सबले १ । णिअट्टिआदरस्स रां खवितसत्तयस्स मोहणिज्जस्स कम्मस्स एकवीस कम्मंसा संतकम्मा पन्नत्ता, तंजहा—अपच्चक्खाणाकसाए कोहे, अपच्चक्खाणाकसाए माणे, अपच्चक्खाणाकसाया माया, अपच्चक्खाणाकसाए लोभे, पच्चक्खाणावरणाकसाए कोहे, पच्चक्खाणावरणाकसाए माणे, पच्चक्खाणावरणाकसाया माया, पच्चक्खाणावरणाकसाए लोभे, संजलणे कोहे, संजलणे माणे, संजलणा माया, संजलणे लोहे, इत्थिवेदे, पुंवेदे, णपुंवेदे, हासे, अरति, रति भय, सोग, डुंगुद्धा २ । एकमेक्काए रां ओसप्पिणीए पंचमड्डाअो समाअो एकवीसं एकवीसं वाससहस्साइं कालेरां पन्नत्ताअो, तंजहा—दूसमा दूसमदूसमा ३ । एगमेगाए रां उस्सप्पिणीए पढमवित्तिअाअो समाअो एकवीसं एकवीसं वाससहस्साइं कालेरां पन्नत्ताअो, तंजहा—दूसमदूसमाए दूसमाए य ४ । इमीसे रां रयणप्पभाए पुढवीए अत्थेगइयारां नेरइयारां एकवीसपल्लिअो-वमाइं ठिई पन्नत्ता ५ । छट्टीए पुढवीए अत्थेगइयारां नेरइयारां एकवीस

सागरोवमाइं ठिई पन्नत्ता ६ । असुरकुमाराणां देवारां अत्येगइयाणां एगवी-
 सपलित्रोवमाइं ठिई पन्नत्ता ७ । सोहम्मीसाराणोसु कप्पेसु अत्येगइयाणां
 देवाणां एकवीसं पलित्रोवमाइं ठिई पन्नत्ता ८ । आरणो कप्पे देवाणां
 उक्कोसेणां एकवीसं सागरोवमाइं ठिई पन्नत्ता ९ । अचुते कप्पे देवाणां
 जहराणोणां एकवीसं सागरोवमाइं ठिई पन्नत्ता १० । जे देवा सिरिवच्छं
 सिरिदामकंडं मल्लं किट्टं चावोराणांतं अरणा(आरणा)वडिंसगं विमाणं
 देवत्ताए उववराणा तेसि णं देवाणां एकवीसं सागरोवमाइं ठिई पन्नत्ता, ते
 णं देवा एकवीसाए अद्धमासाणां आणमंति वा पाणमंति वा उस्ससंति वा
 नीससंति वा, तेसि णं देवा एकवीसाए वाससहस्सेहिं आहारट्टे समुप्पज्जइ,
 मंतेगइया भवसिद्धिआ जीवा जे एकवीसाए भवग्गहणेहिं सिज्झिस्संति
 बुज्झिस्संति मुच्चिस्संति परिनिव्वाइस्संति सव्वडुक्खाणमंतं करिस्संति ११ ।
 ॥ सूत्रं २१ ॥ वावीस परीसहा पन्नत्ता, तंजहा—दिग्गिगच्छापरीसहे पिवासा-
 परीसहे सीतपरीसहे उस्सिणापरीसहे दंसमसगपरीसहे अचेलपरीसहे अरइ-
 परीसहे इत्थीपरीसहे अरिआपरीसहे निसीहियापरीसहे सिज्जापरीसहे
 अक्कोसपरीसहे वहपरीसहे जायणापरीसहे अलाभपरीसहे रोगपरीसहे तणा-
 फासपरीसहे जल्लपरीसहे सक्कारपुरक्कारपरीसहे पराणापरीसहे अराणाणापरीसहे
 दंसणापरीसहे १ । दिट्ठिनायस्स णां वावीसं सुत्ताइं छिन्नछेयणाइयाइं ससमय-
 सुत्तपरिवाडीए, वावीसं सुत्ताइं अछिन्नछेयणाइयाइं आजीवियसुत्तपरिवाडीए,
 वावीसं सुत्ताइं तिकणाइयाइं तेरासिअसुत्तपरिवाडीए, वावीसं सुत्ताइं चउक्क-
 णाइयाइं समयसुत्तपरिवाडीए २ । वावीसविहे पोग्गलपरिणामे पन्नत्ते,
 तंजहा—कालवराणपरिणामे, नीलवराणपरिणामे, लोहियवराणपरिणामे,
 हालिइवराणपरिणामे, सुक्खिवराणपरिणामे, सुच्चिभंगंधपरिणामे, दुच्चिभंगंध-
 परिणामे, तित्तरसपरिणामे, कडुयरसपरिणामे, कसायरसपरिणामे, अंबिल-
 रसपरिणामे, महुररसपरिणामे, कन्नखडफासपरिणामे, मउयफासपरिणामे,

गुरुफासपरिणामे, लहुफासपरिणामे, सीतफासपरिणामे, उसिणफासपरिणामे, णिद्धफासपरिणामे, लुक्खफासपरिणामे, अगुरुलहुफासपरिणामे, गुरुलहुफासपरिणामे ३ । इमीसे णं रयणप्पभाए पुढवीए अत्थेगइयाणां नेरइयाणां बावीसं पलिअोवमाइं ठिई पन्नत्ता ४ । छट्ठीए पुढवीए उक्कोसेणां बावीसं सागरोवमाइं ठिई पन्नत्ता ५ । अहेसत्तमाए पुढवीए अत्थेगइयाणां नेरइयाणां जहराणेणां बावीसं सागरोवमाइं ठिई पन्नत्ता ६ । असुरकुमाराणां देवाणां अत्थेगइयाणां बावीसं पलिअोवमाइं ठिई पन्नत्ता ७ । सोहम्मीसाणेसु कप्पेसु अत्थेगइयाणां देवाणां बावीसं पलिअोवमाइं ठिई पन्नत्ता ८ । अच्चुते कप्पे उक्कोसेणां देवाणां बावीसं सागरोवमाइं ठिई पन्नत्ता ९ । हेट्टिमहेट्टिमगेवेज्जगाणां देवाणां जहराणेणां बावीसं सागरोवमाइं ठिई पन्नत्ता १० । जे देवा महियं विसूहियं विमलं पभासं वणमालं अच्चुतवडिंसगं विमाणं देवत्ताए उववराणा तेसि णं देवाणां उक्कोसेणां बावीसं सागरोवमाइं ठिई पन्नत्ता, ते णं देवाणां बावीसाए अद्धमासएणां आणमंति वा पाणमंति वा उस्ससंति वा नीससंति वा, तेसि णं देवाणां बावीसं वाससहस्सेहिं आहारट्ठे समुप्पज्जइ, संतेगइया भवसिद्धिया जीवा जे बावीसं भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति सब्बदुक्खाणमंतं करिस्संति ११ ॥ सूत्रं २२ ॥ तेवीसं सुयगड्ढकयणा पन्नत्ता, तंजहा—समए वेतालिए उवसग्गपरिणणा थीपरिणणा नरयविभत्ती महावीरथुई कुसीलपरिभासिए विरिए धम्मे समाही मग्गे समोसरणे आहत्तहिए गंथे जमईए गाथा पुंडरीए किरियाठाणा आहारपरिणणा अपन्नवखाणकिरिआ अणगा—रसुयं अद्दइज्जं णालंदइज्जं १ । जंबुदीवे णं दीवे भारहे वासे इमीसे णं ओसप्पिणीए तेवीसाए जिणाणां सूरुग्गमणमुहुत्तंसि केवलवरणाणदंसणे समुप्पराणे २ । जंबुदीवे णं दीवे इमीसे णं ओसप्पिणीए तेवीसं तित्थकरा पुव्वभवे एकारसंगिणो होत्था, तंजहा—अजित संभव अभिणंदण सुमई जाव

पासो वद्धमाणो य, उसभे णं अरहा कोसलिए चोदसपुव्वी होत्था ३ । जंबुद्वीवे णं दीवे इमीसे ओसप्पिणीए तेवीसं तित्थंकरा पुव्वभवे मंडलियरा-याणो होत्था, तंजहा—अजित संभव अभिगांदण जाव पासो वद्धमाणो य, उसभे णं अरहा कोसलिए पुव्वभवे चक्कवट्टी होत्था ४ । इमीसे णं रयण-प्पभाए पुढ्वीए अत्थेगइयाणां नेरइयाणां तेवीसं पलिओवमाइं ठिई पन्नत्ता ५ । अहेसत्तमाए णं पुढ्वीए अत्थेगइयाणां नेरइयाणां तेवीसं सागरोवमाइं ठिई पन्नत्ता ६ । असुरकुमाराणां देवारां अत्थेगइयाणां तेवीसं पलिओवमाइं ठिई पन्नत्ता ७ । सोहम्मीसाणाणां देवारां अत्थेगइयाणां तेवीसं पलिओवमाइं ठिई पन्नत्ता ८ । हेट्टिममज्झिमगेविज्जाणां देवारां जहराणेणां तेवीसं सागरो-वमाइं ठिई पन्नत्ता ९ । जे देवा हेट्टिम(२)गेवेज्जयविमाणोसु देवत्ताए उव-वराणा तेसि णं देवाणां उक्कोसेणां तेवीसं सागरोवमाइं ठिई पन्नत्ता, ते णं देवा तेवीसाए अद्धमासाणां आणमंति वा पाणमंति वा ऊससंति वा नीससंति वा, तेसि णं देवाणां तेवीसाए वामसहस्सेहिं आहारट्टे ममुप्पज्जइ, संतेगइआ भवसिद्धिया जीवा जे तेवीसाए भवग्गहणेहिं सिज्झिस्संति बुज्झिस्संति मुच्चि-स्संति परिनिव्वाइस्संति सब्बदुक्खाणमंतं करिस्संति १० ॥ सूत्रं २३ ॥ चउव्वीसं देवाहिदेवा पन्नत्ता, तंजहा—उसभअजितसंभवअभिगांदण-सुमइपउम-प्पह-सुपासचंदप्पह-सुविधिसीअलसिज्जंसवासुपुज्ज-विमलअणांतधम्मसंति कुंथु-अरमल्लीमुणिसुव्वय-नमिनेमीपासवद्धमाणा १ । चुल्लहिमवंतरिहरीणां वास-हरपव्वयाणां जीवाओ चउव्वीसं चउव्वीसं जोयणासहस्साइं णववत्तीसे जोयणासए एगं अट्टत्तीसइभागं जोयणास्स किंचिविसेसाहिआओ आयामेणां पन्नत्ताओ २ । चउव्वीसं देवटाणा सइंदया पन्नत्ता, सेसा अहमिंदा अनिंदा अपुरोहिआ ३ । उत्तरायणागते णं सूरिए चउव्वीसंगुलिए पोरिसीअयं णिव्वत्तइत्ता णं णिअट्टति ४ । गंगासिंधूओ णं महाणादीओ पवाहं साति-रेणेणां चउव्वीसं कोसे वित्थारेणां पन्नत्ताओ ५ । रत्तारत्तवतीओ णं महाणादीओ

पवाहे सातिरेगे चउवीसं कोसे वित्थारेणं पन्नत्ताओ ६ । इमीसे णं रयणप्पभाए पुढवीए अत्थेगइयाणं नेरइयाणं चउवीसं पलिओवमाइं ठिई पन्नत्ता ७ । अहेसत्तमाए पुढवीए अत्थेगइयाणं नेरइयाणं चउवीसं सागरोवमाइं ठिई पन्नत्ता ८ । असुरकुमाराणं देवाणं अत्थेगइयाणं चउवीसं पलिओवमाइं ठिई पन्नत्ता ९ । सोहम्मीसाणे णं देवाणं अत्थेगइयाणं चउवीसं पलिओवमाइं ठिई पन्नत्ता १० । हेट्टिमउवरिमगेवेज्जाणं देवाणं जहराणेणं चउवीसं सागरोवमाइं ठिई पन्नत्ता ११ । जे देवा हेट्टिममज्झिमगेवेज्जयविमाणोसु देवत्ताए उव्वराणा तेसि णं देवाणं उकोसेणं चउवीसं सागरोवमाइं ठिई पन्नत्ता, ते णं देवा चउवीसाए अद्धमासाणं आणमंति वा पाणमंति वा ऊससंति वा णीससंति वा, तेसि णं देवाणं चउवीसाए वाससहस्सेहिं आहारट्ठे समुप्पज्जइ, संतेगइया भवस्सिद्धिया जीवा जे चउवीसाए भवग्गहणेहिं सिज्झिस्संति बुज्झिस्संति मुच्चिस्संति परिनिव्वाइस्संति सव्वदुक्खाणमंतं करिस्संति १२ ॥सूत्रं २४॥ पुरिमपच्छिमगाणं तित्थगराणं पंचजामस्स पणवीसं भावणाओ पणत्ताओ, तंजहा—ईरियासमिई मणगुत्ती वयगुत्ती आलोयभायणभोयणं आदाणभंडमत्तनिक्खेवणासमिई ५ अणुवीतिभासणाया कोहविवेगे लोभविवेगे भयविवेगे हामविवेगे ५ उग्गहअणुराणवणाया उग्गहसीमजाणणाया सयमेव उग्गहं अणुगिरहणाया साहम्मियउग्गहं अणुराणविय परिभुंजणाया साहारणभत्तपाणं अणुराणविय पडिभुंजणाया ५ इत्थीपसुपंडगसंसत्तगसयणासणावज्जणाया इत्थीकहविवज्जणाया इत्थीणं इंदियाणमालोयणावज्जणाया पुव्वरयपुव्वकीलिआणं अणुराणसरणाया पणीताहारविवज्जणाया ५ सोइंदियरागोवरई चक्खिदियरागोवरई घाणिंदियरागोवरई जिच्चिंदियरागोवरई फासिदियरागोवरई ५, १ । मल्ली णं अरहा पणवीसं धणु उट्ठं उच्चत्तेणं होत्था २ । सव्वेऽविदीहवेयड्ढपव्वया पणवीसं जोयणाणि उट्ठं उच्चत्तेणं पन्नत्ता, पणवीसं पणवीसं गाऊआणि उव्विद्धेणं पन्नत्ता ३ । दोच्चाए णं पुढवीए पणवीसं गिरयावा-

ससयसहस्सा पन्नत्ता ४ । आयारस्स णं भगवत्तो सचूलिआयस्स पणवीसं
 अज्झयणा पन्नत्ता, तंजहा-सत्थपरिणणा लोगविजत्तो सीत्तोसणीत्त सम्मत्तं ।
 आवंति धुयविमोह उवहाणसुयं महपरिणणा ॥ १ ॥ पिंडेसणा सिज्जिरिआ
 भासज्झयणा य वत्थ पाएसा । उग्गहपडिमा सत्तिकसत्तया भावणा विमुत्ती
 ॥ २ ॥ निसीहज्झयणां पणवीसइमं ५ । मिच्छादिट्ठिविगलिंदिए णं अपज्ज-
 त्तए णं संकिलिट्ठपरिणामे णामस्स कम्मस्स पणवीसं उत्तरपयडीत्तो णिवंधति,
 तंजहा-तिरियगतिनामं, विगलिंदियजातिनामं, ओरालिअसरीरणामं, तेअग-
 सरीरणामं, कम्मणसरीरनामं, हुंडगसंठाणनामं, ओरालिअसरीरंगोवंगणामं,
 छेवट्ठसंघयणनामं, वराणनामं, गंधणामं, रसणामं, फासणामं, तिरिआणुपुव्वि-
 नामं, अगुरुलहुनामं, उवघायनामं, तसनामं, वादरणामं, अपज्जत्तयणामं,
 पत्तेयसरीरणामं, अथिरणामं, असुभणामं, दुभगणामं, अणादेज्जनामं,
 अजसोकित्तिनामं, निम्माणनामं २५, ६ । गंगासिंधूत्तो णं महाणदीत्तो
 पणवीसं गाऊयाणि पुहुत्तेणं दुहत्तो घडमुहपवित्तिणं मुत्तावलिहारसंठिएण
 पवातेणं पडंति ७ । रत्तारत्तवईत्तो णं महाणदीत्तो पणवीसं गाऊयाणि
 पुहुत्तेणं मकरमुहपवित्तिणं मुत्तावलिहारसंठिएणं पवातेणं पडंति ८ ।
 लोगविंदुसारस्स णं पुव्वस्स पणवीसं वत्थू पन्नत्ता ९ । इमीसे णं रयणप्प-
 भाए पुढवीए अत्थेगइयाणं नेरइयाणं पणवीसं पलिआवमाइं ठिई पन्नत्ता
 १० । अहेसत्तमाए पुढवीए अत्थेगइआणं नेरइयाणं पणवीसं सागरोवमाइं
 ठिई पन्नत्ता ११ । असुरकुमाराणं देवाणं अत्थेगइयाणं पणवीसं पलिआव-
 माइं ठिई पन्नत्ता १२ । सोहम्मीसारो णं देवाणं अत्थेगइआणं पणवीसं
 पलिआवमाइं ठिई पन्नत्ता १३ । मज्झिमहेट्ठिमगेवेजाणं देवाणं जहराणोणं
 पणवीसं सागरोवमाइं ठिई पन्नत्ता १४ । जे देवा हेट्ठिमउवरिमगेवेज्जगविमा-
 गोसु देवत्ताए उववराणा तेसि णं देवाणं उक्कोसेणं पणवीसं सागरोवमाइं
 ठिई पन्नत्ता, ते णं देवा पणवीसाए अद्धमासेहिं आणमंति वा पाणमंति वा

उत्ससंति वा नीत्ससंति वा, तेसि णं देवाणां पणवीसं वाससहस्सेहिं आहारट्टे
समुप्पज्जइ, संतेगइया भवसिद्धिया जीवा जे पणवीसाए भवग्गहणोहिं सिज्झि-
स्संति बुज्झिस्संति मुच्चिस्संति परिनिव्वाइस्संति सव्वदुक्खाणमंतं करिस्संति
१५ ॥ सूत्रं २५ ॥

छ्वीसं दसकप्पववहाराणं उद्देसणकाला पन्नत्ता, तंजहा—दस दसाणं
छ कप्पस्स दस ववहारस्स १ । अभावसिद्धियाणं जीवाणं मोहणिज्जस्स
कम्मस्स छ्वीसं कम्मंसा संतकम्मा पन्नत्ता, तंजहा—मिच्छत्तमोह-
णिज्जं सोलस कसाया, इत्थीवेदे पुरिसवेदे नपुंसकवेदे, हासं अरति रति
भयं सोगं दुगुंछा २ । इमीसे णं रयणप्पभाए पुढवीए अत्थेगइयाणं नेरइ-
याणं छ्वीसं पलिओवमाइं ठिई पन्नत्ता ३ । अहेसत्तमाए पुढवीए अत्थेग-
इयाणं नेरइयाणं छ्वीसं सागरोवमाइं ठिई पन्नत्ता ४ । असुरकुमाराणं
देवाणं अत्थेगइयाणं छ्वीसं पलिओवमाइं ठिई पन्नत्ता ५ । सोहम्मीसाणे
णं देवाणं अत्थेगइयाणं छ्वीसं पलिओवमाइं ठिई पन्नत्ता ६ । मज्झिमम-
ज्झिमगेवेज्जयाणं देवाणं जहराणेणं छ्वीसं सागरोवमाइं ठिई पन्नत्ता ७ ।
जे देवा मज्झिमहेट्ठिमगेवेज्जयविमाणोसु देवत्ताए उववराणा तेसि णं देवाणं
उक्कोसेणं छ्वीसं सागरोवमाइं ठिई पन्नत्ता, ते णं देवा छ्वीसाए अद्धमा-
सेहिं आणमंति वा पाणमंति वा ऊससंति वा नीससंति वा, तेसि णं देवाणं
छ्वीसं वाससहस्सेहिं आहारट्टे समुप्पज्जइ, संतेगइया भवसिद्धिया जीवा जे
छ्वीसेहिं भवग्गहणोहिं सिज्झिस्संति बुज्झिस्संति मुच्चिस्संति परिनिव्वाइ-
स्संति सव्वदुक्खाणमंतं करिस्संति ८ ॥ सूत्रं २६ ॥ सत्तावीसं अणगार-
गुणा पन्नत्ता, तंजहा—पाणाइवायाओ वेरमाणं, मुसावायाओ वेरमाणं, अदि-
न्नादाणाओ वेरमाणं, मेहुणाओ वेरमाणं, परिग्गहाओ वेरमाणं, सोइंदियनि-
ग्गहे, चक्खिंदियनिग्गहे, घाणिंदियनिग्गहे, जिच्चिदियनिग्गहे, फासिंदिय-
निग्गहे, कोहविवेगे माणाविवेगे मायाविवेगे लोभविवेगे, भावसच्चे करणासच्चे

जोगसच्चे, खमा, विरागया, मणसमा(समन्ना)हरणया वयसमाहरणया
 कायसमाहरणया, गाणसंपराणया दंसणसंपराणया चरित्तसंपराणया, वेयण-
 अहियासणया मारणांतियअहियासणया १ । जंबुद्वीवे दीवे अभिइवज्जेहि
 सत्तावीसाए णाक्खत्तेहिं संववहारे वट्टति २ । एगमेगे णं णाक्खत्तमासे
 सत्तावीसाहिं राइंदियाहिं राइंदियग्गेणं पन्नत्ते ३ । सोहम्मीसाणोसु कप्पेसु
 विमाणपुट्टवी सत्तावीसं जोयणमयाइं बाहल्लेणं पन्नत्ता ४ । वेयगमम्मत्तवन्धो-
 वरयस्म णं मोहणिज्जस्स कम्मस्स सत्तावीसं उत्तरपगडीओ संतकम्मंसा
 पन्नत्ता ५ । सावणसुद्धसत्तमीसु णं सूरिए सत्तावीसंगुलियं पोरिसिच्छायं
 णिव्वत्तइत्ता णं दिवसखेत्तं नियट्टेमाणो रयणिखेत्तं अभिणिवट्टमाणो चारं
 चरइ ६ । इमीसे णं रयणप्पभाए पुट्टवीए अत्थेगइयाणं नेरइयाणं सत्तावीसं
 पल्लिओवमाइं ठिई पन्नत्ता ७ । अहेसत्तमाए पुट्टवीए अत्थेगइयाणं नेरइयाणं
 सत्तावीसं सागरोवमाइं ठिई पन्नत्ता ८ । असुरकुमाराणं देवाणं अत्थेगइयाणं
 सत्तावीसं पल्लिओवमाइं ठिई पन्नत्ता ९ । सोहम्मीसाणोसु कप्पेसु अत्थेगइ-
 याणं देवाणं सत्तावीसं पल्लिओवमाइं ठिई पन्नत्ता १० । मज्झिमउव्वरिमगे-
 वेज्जयाणं देवाणं जहणोणं सत्तावीसं सागरोवमाइं ठिई पन्नत्ता ११ । जे
 देवा मज्झिमगेवेज्जयविमाणोसु देवत्ताए उव्वराणा तेमि णं देवाणं उक्कोसेणं
 सत्तावीसं सागरोवमाइं ठिई पन्नत्ता, ते णं देवा सत्तावीसाए अद्धमासेहिं
 आणमंति वा पाणमंति वा उस्ससंति वा नीससंति वा, तेसि णं देवाणं
 सत्तावीस-वाससहस्सेहिं आहारट्टे समुप्पज्जइ, संतेगइया भवसिद्धिया जीवा
 जे सत्तावीसाए भवग्गहणोहिं सिज्झिस्संति डुज्झिस्संति मुच्चिस्संति परिनि-
 व्वाइस्संति सब्बदुक्खाणमंतं करिस्संति १२ ॥ सूत्रं २७ ॥ अट्टावीसविहे
 आचारपक्पे पन्नत्ते, तंजहा—मासिआ आरोवणा, संपंचराइमासिया आरोवणा,
 सद्दसराइमासिआ आरोवणा, संपंचदसराइमासिया आरोवणा, सवीसराइमासिया
 आरोवणा, संपंचवीसराइमासिया आरोवणा ६, एवं चैव दोमासिआ आरो-

वणा, सपंचराईदोमासिया आरोवणा ६, एवं तिमासिआ आरोवणा ६,
चउमासिया आरोवणा ६, २४, उवघा(ग्घा)इया आरोवणा, अणुवघा(ग्घा)-
इया आरोवणा, कसिणा आरोवणा, अकसिणा आरोवणा २८, एतावता
आयारपकप्पे एतावता व आयरियव्वे १ । भवसिद्धियारां जीवारां अत्थेग-
इयारां मोहणिज्जस्स कम्मस्स अट्टावीसं कम्मंसा संतकम्मा पन्नत्ता, तंजहा-
सम्मत्तवेअणिज्जं मिच्छत्तवेयणिज्जं सम्ममिच्छत्तवेयणिज्जं सोलस कसाया
णव णोकसाया २ । आभिणिवोहियणाणे अट्टावीसइविहे पन्नत्ते, तंजहा-
सोइंदियअत्थावग्गहे चक्खिंदियअत्थावग्गहे घाणिंदियअत्थावग्गहे जिब्भि-
दियअत्थावग्गहे फासिंदियअत्थावग्गहे णोइंदियअत्थावग्गहे, सोइंदियवंज-
णोग्गहे घाणिंदियवंजणोग्गहे जिब्भिदियवंजणोग्गहे फासिंदियवंजणोग्गहे,
सोतिंदियईहा चक्खिंदियईहा घाणिंदियईहा जिब्भिदियईहा फासिंदियईहा
णोइंदियईहा, सोतिंदियावाए चक्खिंदियावाए घाणिंदियावाए जिब्भिदियावाए
फासिंदियावाए णोइंदियावाए, सोइंदिअधारणा चक्खिंदियधारणा घाणिंदिय-
धारणा जिब्भिदियधारणा फासिंदियधारणा णोइंदियधारणा ३ । ईसाणे णं कप्पे
अट्टावीसं त्रिमाणावामसयसहस्सा पन्नत्ता ४ । जीवे णं देवगइम्मि बंधमाणो नामस्स
कम्मस्स अट्टावीसं उत्तरपगडीओ णिबंधति, तंजहा-देवगतिनामं पंचिंदिय-
जातिनामं वेउव्वियसरीरनामं तेयगसरीरनामं कम्मणसरीरनामं समचउरंसं
ठाणाणामं वेउव्वियसरीरंगोवंगणामं वराणाणामं गंधणां रसणां फासनां
देवाणुपुव्विणां अगुरुत्तहुनां उवघायनां पराघायनां उस्सासनां
पसत्थविहायोगइणां तसनां वायरणां पज्जत्तनां पत्तेयसरीरनां थिरा-
थिराणां सुभासुभाणां आएज्जाणाएज्जाणां दोरहं अराणयरं एगं नामं णिबंधइ
जसोकित्तिनामं निम्माणनां, एवं चेव नेरइआवि, णाणात्तं अप्पसत्थविहायो-
गइणां हुंडगसंठाणाणामं अथिरणां दुब्भगणां असुभनां दुस्सरनां
अणादिज्जणां अजसोकित्तीणां निम्माणनां ५ । इमीसे णं रयणाप्पभाए

पुढ्वीए अत्येगइयाणं नेरइयाणं अट्टावीसं पलित्तोवमाइं ठिई पन्नत्ता ६ ।
अहे सत्तमाए पुढ्वीए अत्येगइयाणं नेरइयाणं अट्टावीसं सागरोवमाइं ठिई
पन्नत्ता ७ । असुरकुमाराणं देवाणं अत्येगइयाणं अट्टावीसं पलित्तोवमाइं
ठिई पन्नत्ता ८ । सोहम्मीसागोसु कप्पेसु देवाणं अत्येगइयाणं अट्टावीसं
पलित्तोवमाइं ठिई पन्नत्ता ९ । उवरिमहेट्टिमगेवेज्जयाणं देवाणं जहराणोणं
अट्टावीसं सागरोवमाइं ठिई पन्नत्ता १० । जे देवा मज्झिमउवरिमगेवेज्जएसु
विमाणोसु देवत्ताए उववज्जइ तेसि णं देवाणं उक्कोसेणं अट्टावीसं सागरोव-
माइं ठिई पन्नत्ता, ते णं देवा अट्टावीसाए अद्धमासेहिं आणमंति वा पाणमंति
वा ऊससंति वा नीससंति वा, तेसि णं देवाणं अट्टावीसाए वाससहस्सेहिं
आहारट्टे समुपज्जइ, संतेगइया भवसिद्धिया जीवा जे अट्टावीसाए भवग्ग-
हणोहिं सिज्झिस्संति बुज्झिस्संति मुच्चिस्संति परिनिव्वाइरसंति सव्वदुवखाण-
मंत करिस्संति ११ ॥ २८ ॥ एगूणतीसइविहे पावसुयपसंगे णं पन्नत्ते,
तंजहा-भोमे उप्पाए सुमिणो अंतरिक्खे अंगे सरे वंजणो लक्खणो, भोमे
तिविहे पन्नत्ते, तंजहा-सुत्ते वित्ती वत्तिए, एवं एककेवकं तिविहं, २४,
विकहाणुजोगे विज्जाणुजोगे मंताणुजोगे जोगाणुजोगे अराणतित्थियपवत्ता-
णुजोगे २५, १ । आसाढे णं मासे एगूणतीसराइंदिंआइं राइंदियग्गेणं पन्नत्ते
२ । एवं चेव भइवए णं मासे कत्तिए णं मासे पोसे णं मासे फग्गुणो णं मासे
वइसाहे णं मासे ३ । चंददिणो णं एगूणतीसं मुहुत्ते सातिरेगे मुहुत्तग्गेणं
पन्नत्ते ४ । जीवे णं पसत्थज्झवसाणजुत्ते भविए सम्मदिट्ठी तित्थकरनामस-
हिआओ णामस्स णियमा एगूणतीसं उत्तरपगडीओ निबंधित्ता वेमाणिएसु
देवेषु देवत्ताए उववज्जइ ५ । इमीसे णं रयणप्पभाए पुढ्वीए अत्येगइयाणं
नेरइयाणं एगूणतीसं पलित्तोवमाइं ठिई पन्नत्ता ६ । अहे सत्तमाए पुढ्वीए
अत्येगइयाणं नेरइयाणं एगूणतीसं सागरोवमाइं ठिई पन्नत्ता ७ । असुर-
कुमाराणं देवाणं अत्येगइयाणं एगूणतीसं पलित्तोवमाइं ठिई पन्नत्ता ८ ।

सोहम्मीसागोसु कप्येसु देवारां अत्थेगइयारां एगूणातीसं पलिओवमाइं ठिई पन्नत्ता १ । उवरिममज्झिमगेवेज्जयारां देवारां जहरागोरां एगूणातीसं सागरो-
वमाइं ठिई पन्नत्ता १० । जे देवा उवरिमहेट्टिमगेवेज्जयविमागोसु देवत्ताए उववराणा तेसि गां देवाणां उक्कोसेणां एगूणातीसं सागरोवमाइं ठिई पन्नत्ता,
ते गां देवा एगूणातीसाए अद्धमासेहिं आणमंति वा पाणमंति वा ऊससंति वा नीससंति वा, तेसि गां देवाणां एगूणातीसं वाससहस्सेहि आहारट्टे समु-
प्पज्जइ, संतेगइया भवसिद्धिया जीवा जे एगूणातीस-भवग्गहणोहिं सिज्झिस्संति बुज्झिस्संति मुच्चिस्संति परिनिव्वाइस्संति सब्बदुवखाणमंतं करिस्संति ११
॥ सूत्रं २६ ॥

तीसं मोहणीयठायणा पन्नत्ता, तंजहा-जे यावि तसे पाणे, वारिमज्झे विगाहिआ । उदएण कम्मा मारेई, महामोहं पकुव्वइ १ ॥ १ ॥ सीसावेडेण जे केई, आवेडेइ अभिक्खणां । तिब्बासुभसमायारे, महामोहं पकुव्वइ २ ॥ २ ॥ पाणिणा संपिहित्ताणां, सोयमावरिय पाणिणां । अंतोनदंतं मारेई, महामोहं पकुव्वइ ३ ॥ ३ ॥ जायतेयं समारब्भ, वहुं ओरुंभिया जरां । अंतोधूमेण मारेई(जा), महामोहं पकुव्वइ ४ ॥ ४ ॥ सिस्सम्मि जे पहणइ, उत्तमंगम्मि चेयसा । विस्सज्ज मत्थयं फाले, महामोहं पकुव्वइ ५ ॥ ५ ॥ पुणो पुणो पणिधिए, हरित्ता उवहसे जणां । फलेणां अदुवा दराडेणां, महामोहं पकुव्वइ ६ ॥ ६ ॥ गूहायारी निगूहिज्जा, भायं मायाए ङायए । असच्चवाई गिराहाई, महामोहं पकुव्वइ ७ ॥ ७ ॥ धंसेइ जो अभूएणां, अकम्मं अत्तकम्मुणा । अदुवा तुम कासित्ति, महामोहं पकुव्वइ ८ ॥ ८ ॥ जाणमाणो परिसत्रो, सच्चामोसाणि भासइ । अकलीणभंके पुरिसे, महामोहं पकुव्वइ ९ ॥ ९ ॥ अणायगस्स नयवं, दारे तस्सेव धंसिया । विउलं विक्खोभइत्ताणां, किच्चा गां पडिवाहिरं ॥ १० ॥ उवगसंतंपि भंपित्ता, पडिलोमाहिं वग्गुहिं । भोगभोगे वियारेई, महामोहं पकुव्वइ १० ॥ ११ ॥ अकुमारभूए जे केई, कुमारभूए-

त्तिऽहं वए । इत्थीहिं गिद्धे वसए, महामोहं पकुब्बइ ११ ॥ १२ ॥ अबंभ-
 यारी जे केई, बंभयारीत्तिऽहं वए । गइहेव्व गवां मज्जे, विस्सरं नयई नदं
 ॥ १३ ॥ अप्पणो अहिए बाले, मायामोसं बहुं भसे । इत्थीविसयगेहीए,
 महामोहं पकुब्बइ १२ ॥ १४ ॥ जं निस्सिए उव्वहइ, जससाहिगमेण वा ।
 तस्स लुब्भइ वित्तम्मि, महामोहं पकुब्बइ १३ ॥ १५ ॥ ईसरेणं अडुवा
 गामेणं, अणिसरे ईसरीकए । तस्स संपयहीणस्स, सिरी अतुलमागया
 ॥ १६ ॥ ईसादोसेण आविट्ठे, कलुसाऽऽविलचेयसे । जे अंतराअं चेएइ,
 महामोहं पकुब्बइ १४ ॥ १७ ॥ सप्पी जहा अंडउडं, भत्तारं जो विहिंसइ ।
 सेणावइं पसत्थारं, महामोहं पकुब्बइ १५ ॥ १८ ॥ जे नायगं च रट्टस्स,
 नेयारं निगमस्स वा । सेट्ठिं बहुरवं हंता, महामोहं पकुब्बइ १६ ॥ १९ ॥
 बहुजणस्स गेयारं, दीवं ताणं च पाणिणं । एयारिसं नरं हंता, महामोहं
 पकुब्बइ १७ ॥ २० ॥ उवट्ठियं पडिविरयं, संजयं सुतवस्सियं (जे भिक्खुं-
 जगजीवणं) । बुक्कम्म धम्माओ भंसेइ, महामोहं पकुब्बइ १८ ॥ २१ ॥
 तहेवाणंतणाणीणं, जिणाणं वरदंसिणं । तेसि अवरणावं बाले, महामोहं
 पकुब्बइ १९ ॥ २२ ॥ नेयाइअस्स मग्गस्स, दुट्ठे अवय(ह)रई बहुं । तं
 तिप्पयंतो भावेइ, महामोहं पकुब्बइ २० ॥ २३ ॥ आयरियउवज्जाएहिं, सुयं
 विणयं च गाहिए । ते चेव खिंसई बाले, महामोहं पकुब्बइ २१ ॥ २४ ॥
 आयरियउवज्जायाणां, सम्मं नो पडितप्पइ । अप्पडिपूयए थद्धे, महामोहं
 पकुब्बइ २२ ॥ २५ ॥ अबहुस्सुए य जे केई, सुएणां पविकत्थई । सज्जा-
 यवायं वयइ, महामोहं पकुब्बइ २३ ॥ २६ ॥ अतवस्सीए य जे केई, तवेण
 पविकत्थइ । सब्वलोयपरे तेणे, महामोहं पकुब्बइ २४ ॥ २७ ॥ साहारणाट्ठा
 जे केई, गिलाणम्मि उवट्ठिए । पभू ण कुणई किच्चं, मज्झंपि से न कुब्बइ
 ॥ २८ ॥ सट्ठे नियडीपराणाणे, कलुसाउलचेयसे । अप्पणो य अबोहीय,
 महामोहं पकुब्बइ २५ ॥ २९ ॥ जे कहाहिगरणाइं, संपउजे पुणो पुणो ।

सव्वत्तिथाण भेयाणां, महामोहं पकुब्बइ २६ ॥ ३० ॥ जे अ आहम्मिए जोए, संपत्थोजे पुणो पुणो । सहाहेउं सहीहेउं, महामोहं पकुब्बइ २७ ॥ ३१ ॥ जे अ माणुस्सए भोए, अट्टुवा पारलोइए । तेऽतिप्पयंतो आसयइ, महामोहं पकुब्बइ २८ ॥ ३२ ॥ इट्ठी जुई जसो वराणो, देवाणां बलवीरियं । तेसिं अवरणावं बाले, महामोहं पकुब्बइ २९ ॥ ३३ ॥ अपस्समाणो पस्सामि, देवे जक्खे य गुज्जग्गे । अराणाणी जिणपूयट्ठी, महामोहं पकुब्बइ ३० ॥ ३४ ॥ १ । थेरे णं मंडियपुत्ते तीसं वासाइं सामराणपरियाइं पाउणित्ता सिद्धे बुद्धे जाव सव्वट्टुक्खप्पहीणो २ । एगमेगे णं अहोरत्ते तीसमुट्टत्ते मुहुत्तग्गेणं पन्नत्ता ३ । एएसि णं तीसाए मुहुत्ताणं तीसं नामधेज्जा पन्नत्ता, तंजहा—रोद्धे सत्ते मित्ते वाऊ सुपीए ५ अभिचंदे माहिंदे पलंबे बंभे सच्चे १० आणांदे विजए विस्ससेणो पायावच्चे उवसमे १५ ईसाणो तट्टे भाविअप्पा वेसमणो वरुणो २० सतरिसभे गंधव्वे अग्गिवेसायणो आतवे आवत्ते २५ तट्टवे भूमहे रिसभे सव्वट्टुसिद्धे रक्खसे ३०, ४ । अरे णं अरहा तीसं धणाइं उट्टं उच्चत्तेणं होत्था ५ । सहस्सारस्स णं देविंदस्स देव-रराणो तीसं सामाणियसाहस्सीत्थो पन्नत्तात्थो ६ । पासे णं अरहा तीसं वामाइं अगारवासमज्जे वसित्ता अगारात्थो अणगारियं पव्वइए ७ । समणो भगवं महावीरे तीसं वासाइं अगारवासमज्जे वसित्ता अगारात्थो अणगारियं पव्वइए ८ । रयणप्पभाए णं पुट्ठीए तीसं निरयावाससयसहस्सा पन्नत्ता ९ । इमीसे णं रयणप्पभाए पुट्ठीए अत्थेगइयाणं नेरइयाणं तीसं पल्लित्थोवमाइं ठिई पन्नत्ता १० । अहेसत्तमाए पुट्ठीए अत्थेगइयाणं नेरइयाणं तीसं सागरो-वमाइं ठिई पन्नत्ता ११ । असुरकुमाराणां देवाणां अत्थेगइयाणं तीसं पल्लित्थो-वमाइं ठिई पन्नत्ता १२ । उवरिमउवरिमगेवेज्जयाणां देवाणां जहराणोणं तीसं सागरोवमाइं ठिई पन्नत्ता १३ । जे देवा उवरिममज्जिमगेवेज्जएसु विमाणोसु देवत्ताए उववराणा तेसिं णं देवाणां उक्कोसेणं तीसं सागरोवमाइं ठिई पन्नत्ता,

ते णं देवा तीसाए अद्दमासेहिं आणमंति वा पाणमंति वा उस्ससंति वा
नीससंति वा, तेसि णं देवाणं तीसाए वाससहस्सेहिं आहारट्ठे समुप्पज्जइ,
संतेगइया भवसिद्धिया जीवा जे तीसाए भवग्गहरोहिं सिज्झिस्संति वुज्झि-
स्संति मुच्चिस्संति परिनिव्वाइस्संति सब्बदुक्खाणमंतं करिस्संति १४

॥ सूत्रं ३० ॥

एकतीसं सिद्धाङ्गुणा पन्नत्ता, तंजहा-स्त्रीणे आभिणिबोहियणाणा-
वरणे, स्त्रीणे सुयणाणावरणे, स्त्रीणे ओहिणाणावरणे, स्त्रीणे मणपज्जवणा-
णावरणे, स्त्रीणे केवलणाणावरणे ५ स्त्रीणे चक्खुदंसणावरणे, स्त्रीणे
अचक्खुदंसणावरणे, स्त्रीणे ओहिदंसणावरणे, स्त्रीणे केवलदंसणावरणे
स्त्रीणा(णे) निहा, स्त्रीणे णिहाणिहा, स्त्रीणे पयला, स्त्रीणे पयलापयला,
स्त्रीणे थीणद्धी १४ स्त्रीणे सायावेयणिज्जे, स्त्रीणे असायावेयणिज्जे
१६ स्त्रीणे दंसणमोहणिज्जे, स्त्रीणे चरित्तमोहणिज्जे १८ स्त्रीणे नेरइ-
आउए, स्त्रीणे तिरिआउए २० स्त्रीणे मणुस्साउए, स्त्रीणे देवाउए २२
स्त्रीणे उच्चागोए, स्त्रीणे निच्चागोए २४ स्त्रीणे सुभणामे, स्त्रीणे असुभणामे
२६ स्त्रीणे दाणंतराए, स्त्रीणे, लाभंतराए, स्त्रीणे भोगांतराए, स्त्रीणे उव-
भगंतराए, स्त्रीणे वीरिअंतराए ३१, १ । मंदरे णं पव्वए धरणिंतले एकतीसं
जोयणसहस्साइं छच्चेव तेवीसं जोयणसए किचिदेसूणा परिवखेवेणं पन्नत्ते,
२ । जया णं सूरिए सब्बवाहिरियं मंडलं उवसंकमित्ता चारं चरइ तथा णं
इहगयस्स मणुस्सस्स एकतीसाए जोयणसहस्सेहिं अट्ठहि अ एकतीसेहिं
जोयणसएहिं तीसाए सट्ठिभागे जोयणस्स-सूरिए चक्खुप्फासं हव्वमागच्छइ
३ । अभिवट्ठिए णं मासे एकतीसं सातिरेगाइं राइंदियाइं राइंदियग्गेणं
पन्नत्ते ४ । आइच्चे णं मासे एकतीसं राइंदियाइं किंचि विसेसूणाइं राइं-
दियग्गेणं पन्नत्ते ५ । इमीसे णं रयणप्पभाए पुढवीए अत्थेगइयाणं नेरइयाणं
एकतीसं पलिओवमाइं ठिई पन्नत्ता ६ । अहेसत्तमाए पुढवीए अत्थेगइयाणं

नेरइयाणं एकतीसं सागरोवमाइं ठिई पन्नत्ता ७ । असुरकुमाराणां देवाणां
 अत्थेइयाणं एकतीसं पलिओवमाइं ठिई पन्नत्ता ८ । सोहम्मीसागोसु कप्पेसु
 अत्थेगइयाणं देवाणां एकतीसं पलिओमाइं ठिई पन्नत्ता ९ । विजयवेजयंत-
 जयंतअपराजिआणां देवाणां जहराणोणं एकतीसं पलिओवमाइं ठिई पन्नत्ता १० ।
 जे देवा उवरिमउवरिमगेवेज्जयविमारोसु देवत्ताए उववराणा तेसि गां
 देवाणां उकोसेणां एकतीसं सागरोवमाइं ठिई पन्नत्ता, ते गां देवा एकतीसाए
 अद्धमासेहिं आणमंति वा पाणमंति वा उस्ससंति वा निस्ससंति वा, तेसि
 गां देवाणां एकतीसं वाससहस्सेहिं आहारट्टे समुप्पज्जइ, संतेगइयाणं
 भवसिद्धिया जीवा जे एकतीसेहिं भवग्गहणोहिं सिज्झिस्संति बुज्झिस्संति
 मुच्चिस्संति परिनिव्वाइस्संति सब्बदुक्खाणमंतं करिस्संति ११ । सूत्रं ३१ ॥
 वत्तीसं जोगसंगहा पन्नत्ता, तंजहा—आलोयणा १ निरखलावे २, आवईसु
 दढधम्मया ३ । अणिसिसओवहाणे ४ य, सिवखा ५ निप्पडिकम्मया ६
 ॥ १ ॥ अराणायया ७ अलोभे ८ य, तितिवखा ९ अज्जवे १० सुई ११ ।
 सम्मदिट्ठी १२ समाही १३ य, आयारे १४ विणओवए १५ ॥ २ ॥
 धिईमई १६ य संवेगे १७, पणिही १८ सुविहि १९ संवरे २० । अत्तदो-
 सोवसंहारे २१, सब्बकामविरत्तया २२ ॥ ३ ॥ पच्चवखाणे २३—२४
 विउरसग्गे २५, अप्पमादे २६ लवालवे २७ । भाणासंवरजोगे २८ य,
 उदए मारणांतिए २९ ॥ ४ ॥ संगणां च परिराणाया ३०, पायच्छित्तकर-
 णोऽवि य ३१ । आराहणा य मरणांते ३२, वत्तीसं जोगसंगहा ॥ ५ ॥
 १ । वत्तीसं देविंदा पन्नत्ता, तंजहा—चमरे बली धरणे भूआणांदे जाव घोसे
 महाघोसे चंदे सूरे सक्के ईसाणे सणांकुमारे जाव पाणए अच्चुए २ ।
 कुंथुस्स गां अरहयो वत्तीसहिया वत्तीसं जिणसया होत्था ३ । सोहम्मे
 कप्पे वत्तीसं विमाणावाससयसहस्सा गां पन्नत्ता ४ । रेवइणावखत्ते वत्तीसइतारे
 पन्नत्ते ५ । वत्तीसतिविहे णट्टे पन्नत्ते ६ । इमीसे गां रयणप्पभाए पुढवीए

अथेगइयाणं नेरइयाणं बत्तीसं पलिओवमाइं ठिई पन्नत्ता ७ । अहेसत्तमाए
 पुढवीए अथेगइयाणं नेरइयाणं बत्तीसं सागरोवमाइं ठिई पन्नत्ता ८ ।
 असुरकुमाराणं देवाणं अथेगइयाणं बत्तीसं पलिओवमाइं ठिई पन्नत्ता ९ ।
 सोहम्मीसाणोसु कप्पेसु देवाणं अथेगइयाणं बत्तीसं पलिओवमाइं ठिई
 पन्नत्ता १० । जे देवा विजयवेजयंतजयंतअपराजियविमाणोसु देवत्ताए
 उववराणा तेसि णं देवाणं अथेगइयाणं बत्तीसं सागरोवमाइं ठिई पन्नत्ता, ते
 णं देवा बत्तीसाए अद्धमासेहिं आणमंति वा पाणमंति वा उस्ससंति वा
 नीससंति वा, तेसि णं देवाणं बत्तीसवाससहस्सेहिं आहारट्ठे समुप्पज्जइ,
 संतेगइया भवसिद्धिया जीवा जे बत्तीसाए भवग्गहणोहिं सिज्जिभस्संति
 बुज्जिभस्संति मुच्चिस्संति परिनिव्वाइस्संति सब्बदुक्खाणमंतं करिस्संति ११
 ॥ सूत्रं ३२ ॥ तेत्तीसं आसायणाओ पन्नत्ताओ, तंजहा—सेहे राइणियस्स
 आसन्नं गंता भवइ आसायणा सेहस्स १ सेहे राइणियस्स पुरओ गंता
 भवइ आसायणा सेहस्स २ सेहे राइणियस्स सपक्खं गंता भवइ आसायणा
 सेहस्स ३ सेहे राइणियस्स आसन्नं ठिच्चा भवइ आसायणा सेहस्स ४ जाव
 सेहे राइणियस्स आलवमाणस्स तत्थगए वेव पडिसुणित्ता भवइ आसायणा
 सेहस्स ३३, १ । चमरस्स णं असुरिंदस्स असुरकुमाररणो चमरचंचाए
 रायहाणीए एकमेक्काराए तेत्तीसं तेत्तीसं भोमा पन्नत्ता २ । महाविदेहे णं
 वासे तेत्तीसं जोयणसहस्साइं सागरेगाइं विक्खंभेणं पन्नत्ता ३ । ज्या णं
 सूरिए वाहिराणांतरं तच्चं मंडलं उवसकमित्ता णं चारं चरइ तथा णं इहग-
 यस्स पुरिसस्स तेत्तीसाए जोयणसहस्सेहिं किंचिविसेसूणोहिं चक्खुप्फासं
 हव्वमागच्छइ ४ । इमीसे णं रयाण्णभाए पुढवीए अथेगइयाणं नेरयाणं
 तेत्तीसं पलिओवमाइं ठिई पन्नत्ता ५ । अहेसत्तमाए पुढवीए कालमहाकाल-
 रोरुयमहारोरुएसु नेरइयाणं उक्कोसेणं तेत्तीसं सागरोवमाइं ठिई पन्नत्ता ६ ।
 अण्णइट्ठाणनरए नेरइयाणं अजहराणमण्णोक्कोसेणं तेत्तीसं सागरोवमाइं ठिई

पन्नत्ता ७ । असुरकुमाराणां अत्येगइयाणां देवाणां तेत्तीसं पलित्रोवमाइं ठिई
 पन्नत्ता ८ । सोहम्मीसाणोसु अत्येगइयाणां देवाणां तेत्तीसं पलित्रोवमाइं ठिई
 पन्नत्ता ९ । विजयवेजयंतजयंतअपराजिएसु विमाणोसु उकोसेणां तेत्तीसं
 सागरोवमाइं ठिई पन्नत्ता १० । जे देवा सब्वट्टुसिद्धे महाविमाणो देवत्ताए
 उववराणा तेसि णां देवाणां अजहराणामणुकोसेणां तेत्तीसं सागरोवमाइं ठिई
 पन्नत्ता, ते णां देवा तेत्तीसाए अद्धमासेहिं आणमंति वा पाणमंति वा उस्स-
 संति वा निस्ससंति वा, तेसि णां देवाणां तेत्तीसाए वाससहस्सेहिं आहारट्टे
 समुप्पज्जइ, संतेगइया भवसिद्धिया जीवा जे तेत्तीसं भवग्गहणोहिं सिज्झि-
 स्संति बुज्झिस्संति मुच्चिस्संति सब्वदुक्खाणमंतं करिस्संति ११ ॥ सूत्रं ३३ ॥
 चोत्तीसं बुद्धाइसेसा पन्नत्ता, तंजहा—अवट्टिए केसमंसुरोमनहे १ निरामया
 निरुवलेवा गायलट्टी १ गोक्खीरपंडुरे मंससोणिए ३ पउमुप्पलगंधिए
 उस्सासनिस्सासे ४ पच्छन्ने आहारनीहारे अदिस्से मंसचक्खुणा ५ आगा-
 सगयं चक्कं ६ आगासगयं छत्तं ७ आगासगयात्रो सेयवरचामरात्रो ८
 आगासफालिआमयं सपायपीढं सीहासणां ९ आगासगत्रो कुडभीसहस्स-
 परिमंडिआभिरामो इंदज्झत्रो पुरत्रो गच्छइ १० जत्थ जत्थवि य णां
 अरहंता भगवंतो चिट्ठंति वा निसियंति या तत्थ तत्थवि य णां जक्खा
 देवा तक्खणादेव संछन्नपत्तपुप्फपत्त्वसमाउलो सच्छत्तो सज्झत्रो सघंटो
 सपडागो असोगवरपायवो अभिसंजायइ ११ ईसिं पिट्टत्रो मउडठाणांमि
 तेयमंडलं अभिसंजायइ अंधकारेऽवि य णां दस दिसात्रो पभासेइ १२ बहु-
 समरमणिज्जे भूमिभागे १३ अहोसिरा कंटया जायंति १४ उऊविवरीया
 सुहफासा भवंति १५ सीयलेणां सुहफासेणां सुरभिणा मारुणां जोयणापरि-
 मंडलं सब्वत्रो समंता संपमज्जिज्जइ १६ जुत्तफुसिएणां मेहेणा य निहयरय-
 रेणायं किज्जइ १७ जलथलयभासुरपभूतेणां विट्टाइणा दसद्धवराणां
 कुसुमेणां जाणास्सेहप्पमाणमित्ते पुप्फोवयारे किज्जइ १८ अमणुराणां

सहफरिसरसरुवगंधाणां अवंकरिसो भवइ १९ मणुगणाणां सहफरिसरसरु-
वगंधाणां पाउवभावो भवइ २० पच्चाहरत्रोऽवि य गां हिययगमणीत्रो
जोयणीहारी सरो २१ भगवं च गां अद्धमागहीए भासाए धम्ममाइ-
क्खइ २२ सावि य गां अद्धमागही भासा भासिज्जमाणी तेसि सव्वेसि
आरियमणारियाणां दुप्पयचउप्पयमियपसुपक्खिसरीसिवाणां अप्पणो हिय-
सिवसुहयभासत्ताए परिणामइ २३ पुव्वबद्धवेरावि य गां देवासुरनागसुव-
गाणा-जक्खरक्खम-किंनरकिपुरिस-गरुल्लगंधव्व-महोरगा अरहत्रो पायमूले
पसंतच्चित्तमाणसा धम्मं निसामंति २४ अण्णाउत्थियपावयणियावि य
णामागया वंदंति २५ आगथा समाणा अरहत्रो पायमूले निप्पलिवयणा
हवंति २६ जत्रो जत्रोऽवि य गां अरहंतो भगवंतो विहरंति तत्रो
तत्रोऽवि य गां जोयणपणावीसाणां ईती न भवइ २१ मारी न भवइ
२८ सचक्कं न भवइ २९ परचक्कं न भवइ ३० अइवुट्ठी न भवइ ३१
अणावुट्ठी न भवइ ३२ दुब्भिकखं न भवइ ३३ पुव्वुप्पगणावि य गां
उप्पाइया वाही खिप्पामेव उवसमंति ३४, १ । जंबुदीवे गां दीवे चउ-
त्तीसं चक्रवट्टिविजया पन्नत्ता, तंजहा-बत्तीसं महाविदेहे दो भरहे एरवए
२ । जंबुदीवे गां दीवे चोत्तीसं दीहवेयड्ढा पन्नत्ता ३ । जंबुदीवे गां दीवे
उक्कोसपए चोत्तीसं तित्थंकरा समुप्पज्जंति ४ । चमरस्स गां असुरिंदरस
असुरकुमाररणाणो चोत्तीसं भवणावाससयसहस्सा पन्नत्ता, पटमपंचमळ्ढीसत्त-
मासु चउसु पुढवीसु चोत्तीसं निरयावाससयसहस्सा पन्नत्ता ५ ॥ सूत्रं ३४ ॥
पणातीसं सचवयणाइसेसा पन्नत्ता १ । कुंथु गां अरहा पणातीसं धणाइं उड्डं
उच्चतेणां होत्था, दत्ते गां वासुदेवे पणातीसं धणाइं उड्डं उच्चतेणां होत्था २ ।
नंदणे गां बलदेवे पणातीसं धणाइं उड्डं उच्चतेणां होत्था ३ । सोहम्मे कप्पे
सुहम्माए सभाए माणावए चेइयक्खंभे हेट्ठा उवरिं च अद्धतेरस अद्धतेरस
जोयणाणि वज्जेत्ता मज्जे पणातीस जोयणोसु वइरामएसु गोलवट्टसमुग्गएसु

जिणसकहात्रो पन्नत्तात्रो ४ । वित्तियचउत्थीसु दोसु पुढवीसु पण्णीसं
निरयावाससयसहस्सा पन्नत्ता ५ ॥ सूत्रं ३५ ॥ छत्तीसं उत्तरज्भयणा
पन्नत्ता, तंजहा-विणायसुयं १ परीसहो २ चाउरंगिज्जं ३ असंखयं ४
अकाममरणिज्जं ५ पुरिसविज्जा ६ उरब्भिज्जं ७ काविलियं ८ नमि-
पव्वज्जा ९ दुमपत्तयं १० बहुसूयपूजा ११ हरिएसिज्जं १२ चित्तसंभूयं
१३ उसुयारिज्जं १४ सभिकखुगं १५ समाहिठणाइं १६ पावसमणिज्जं
१७ संजइज्जं १८ मियचारिया १९ अणाहपव्वज्जा २० समुहपालिज्जं
२१ रहनेमिज्जं २२ गोयमकेसिज्जं २३ समितीत्रो २४ जन्नतिज्जं
२५ सामायारी २६ खलुकिज्जं २७ मोक्खमग्गई २८ अप्पमात्रो
२९ तवोमग्गो ३० चरणाविही ३१ पमायठणाइं ३२ कम्मपयडी ३३
लेसज्भयणां ३४ अणगारमग्गे ३५ जीवाजीवविभत्ती य ३६, १ । चमरस्स
णां असुरिंदस्स असुरकुमाररणाणो सभा सुहम्मा छत्तीसं जोयणाइं उट्ठं
उच्चत्तेणं होत्था २ । समणस्स णं भगवत्रो महावीरस्स छत्तीसं अज्जाणां
साहस्सीत्रो होत्था ३ । चेत्तासोएसु णं मासेसु सइ छत्तीसंगुलियं सूरिए
पोरिसीद्धायं निव्वत्तइ ४ ॥ सूत्रं ३६ ॥ कुंथुस्स णं अरहत्रो सत्ततीसं
गणा सत्ततीसं गणाहरा होत्था १ । हेमवयहेरणवयात्रो णं जीवात्रो
सत्ततीसं जोयणासहस्साइं छच्च चउसत्तरे जोयणासए सोलसयएगूणावीसइभाए
जोयणास्स किंचिविसेसूणात्रो आयामेणं पन्नत्तात्रो २ । सव्वासु णं विजय-
वेजयंतजयंतअपराजियासु रायहाणीसु पागारा सत्तीतसं सत्ततीसं जोयणाइं उट्ठं
उच्चत्तेणं पन्नत्ता ३ । खुड्डियाए णं विमाणपविभत्तीए पढमे वग्गे सत्ततीसं
उहेसणाकाला पन्नत्ता ४ । कत्तियबहुलसत्तमीए णं सूरिए सत्ततीसंगुलियं
पोरिसीद्धायं निव्वत्तइत्ता णं चारं चरइ ५ ॥ सूत्रं ३७ ॥ पासस्स णं
अरहत्रो पुरिसादाणीयस्स अट्टतीसं अज्जिआसाहस्सीत्रो उक्कोसिया
अज्जियासंपया होत्था १ । हेमवयएरणवईयाणां जीवाणां धणापिट्ठे अट्टतीसं

जोयणासहस्साइं सत्त य चत्ताले जोयणासए दस एगूणावीसइभागे जोयणास्स किंचिविसेसूणो परिक्वेवेणं पन्नत्ते २ । अत्थस्स णं पव्वयरणाणो वित्तिए कंडे अट्टतीसं तेवट्ठिं जोयणासहस्साइं उट्ठं उच्चत्तेणं होत्था ३ । खुड्डियाए णं विमाणापविभत्तीए वित्तिए वग्गे अट्टतीसं उद्देसणाकाला पन्नत्ता ४ ॥ सूत्रं ३८ ॥ नमिस्स णं अरहत्थो एगूणाचत्तालीसं आहोहियसया होत्था १ । समयखेत्ते एगूणाचत्तालीसं कुलपव्वया पन्नत्ता, तंजहा-तीसं वासहरा पंच मदरा चत्तारि उसुकारा, दोच्चउत्थपंचमछट्टसत्तमासु णं पंचसु पुट्ठीसु एगूणाचत्तालीसं निरयावाससयसहस्सा पन्नत्ता २ । नाणावरणिज्जस्स मोहणिज्जस्स गोत्तस्स आउयस्स एयासि णं चउराहं कम्मपगडीणं एगूणाचत्तालीसं उत्तरपगडीत्थो पन्नत्तात्थो ३ ॥ सूत्रं ३९ ॥ अरहत्थो णं अरिट्टनेमिस्स चत्तालीसं अज्जियासाहस्सीत्थो होत्था १ । मंदरचूलियाणं चत्तालीसं जोयणाइं उट्ठं उच्चत्तेणं पन्नत्तं २ । संती अरहा चत्तालीसं धणाइं उट्ठं उच्चत्तेणं होत्था ३ । भूयाणांदस्स णं नागकुमारस्स नागरन्नो चत्तालीसं भवणावाससयसहस्सा पन्नत्ता ४ । खुड्डियाए णं विमाणापविभत्तीए तइए वग्गे चत्तालीसं उद्देसणाकाला पन्नत्ता ५ । फग्गुणापुराणमासिणीए णं सूरिए चत्तालीसंगुलियं पोरिसीद्धायं निव्वट्टइत्ता णं चारं चरइ, एवं कत्तियाएऽवि पुणिणामाए ६ । महासुक्के कप्पे चत्तालीसं विमाणावाससहस्सा पन्नत्ता ७ ॥ सूत्रं ४० ॥

नमिस्स णं अरहत्थो एकचत्तालीसं अज्जियासाहस्सीत्थो होत्था १ । चउसु पुट्ठीसु एकचत्तालीसं निरयावाससयसहस्सा पन्नत्ता, तंजहा-रयणाप्पभाए पंक्कप्पभाए तमाए तमतमाए २ । महालियाए णं विमाणापविभत्तीए पट्ठे वग्गे एकचत्तालीसं उद्देसणाकाला पन्नत्ता ३ ॥ सूत्रं ४१ ॥ समयो भगवं महावीरे वायालीसं वासाइं साहियाइं सामराणापरियागं पाउणित्ता सिद्धे जाव सब्बदुक्खप्पहीणो १ । जंबुद्वीवस्स णं दीवस्स

पुरच्छिमिल्लात्रो चरमंतात्रो गोथूभस्स णं आवासपव्वयस्स पच्चच्छिमिल्ले
चरमंते एस णं बायालीसं जोयणसहस्साइं अबाहाते अंतरे पन्नत्ते एवं
चउद्दिसिंपि दत्रोभासे संखे दयसीमे य २ । कालोए णं समुद्दे बायालीसं
चंदा जोइंसु वा जोइंति वा जोइस्संति वा ३ । बायालीसं सूरिया पभा-
सिंसु वा (३), ४ । संमुच्छिमभुयपरिसप्पाणं उक्कोसेणं बायालीसं वाससह-
व्वास्साइं ठिई पन्नत्ता ५ । नामकम्मे बायालीसविहे पन्नत्ते, तंजहा-गइनामे
जाइनामे सरीरनामे सरीरंगोवंगनामे सरीरबंधणनामे सरीरसंघायणनामे
संघयणनामे संठाणनामे वराणनामे गंधनामे रसनामे फासनामे अगुरुलहु-
यनामे उवघायनामे पराघायनामे आणुपुव्वीनामे उस्सासनामे आयव-
नामे उज्जोयनामे विहगगइनामे तसनामे थावरनामे सुहुमनामे बायरनामे
पज्जत्तनामे अपज्जत्तनामे साहारणसरीरनामे पत्तेयसरीरनामे थिरनामे
अथिरनामे सुभनामे असुभनामे सुभगनामे दुब्भगनामे सुसरनामे दुस्सरनामे
आएज्जनामे अणाएज्जनामे जसोकित्तिनामे अजसोकित्तिनामे निग्माणनामे
तित्थकरनामे ५ । लवणे णं समुद्दे बायालीसं नागसाहस्सीत्रो अविंभतरियं
वेलं धारंति ६ । महालियाए णं विमाणपविभत्तीए वितिए वग्गे बायालीसं
उद्देसणकाला पन्नत्ता ७ । एगमेगाए ओसप्पिणीए पंचमच्छट्ठीत्रो समात्रो
बायालीसं वाससहस्साइं कालेणं पन्नत्तात्रो ८ । एगमेगाए उस्सप्पिणीए पढमबी-
यात्रो समात्रो बायालीसं वाससहस्साइं कालेणं पन्नत्तात्रो ९ ॥सूत्रं ४२॥
तेयालीसं कम्मविवागज्भयणा पन्नत्ता १ । पढमचउत्थपंचमासु पुढवीसु
तेयालीसं निरयावाससयसहस्सा पन्नत्ता २ । जंबुद्दीवस्स णं दीवस्स पुरच्छि-
मिल्लात्रो चरमंतात्रो गोथूभस्स णं आवासपव्वयस्स पुरच्छिमिल्ले चरमंते
एस णं तेयालीसं जोयणसहस्साइं अबाहाए अंतरे पन्नत्ते ३ । एवं चउद्दि-
सिंपि दग्गभागे(से) संखे दयसीमे ४ । महालियाए णं विमाणपविभत्तीए तइये
वग्गे तेयालीसं उद्देसणकाला पन्नत्ता ५ ॥ सूत्रं ४३ ॥ चोयालीसं अज्भ-

यणा इसिभासिया दियलोगचुयाभासिया (देवलोयचुयाणं इसीणं चोयालीसं इसिभासियज्जसयणा) पन्नत्ता १ विमलस्स णं अरहत्थो णं चउआलीसं पुरिस-
जुगाइं अणुपिट्ठिं (अणुबंधेण) सिद्धाइं जावप्पहीणाइं २ । धरणास्स णं
नागिंदस्स नागरणाओ चोयालीसं भवणावाससयसहस्सा पन्नत्ता ३ । महा-
लियाए णं विमाणपविभत्तीए चउत्थे वग्गे चोयालीसं उद्देसणकाला पन्नत्ता
४ ॥ सूत्रं ४४ ॥ समयखेत्ते णं पणयालीसं जोयणसयसहस्साइं आयाम-
विकखंभेणं पन्नत्ते १ । सीमंतए णं नरए पणयालीसं जोयणसयसहस्साइं
आयामविकखंभेणं पन्नत्ते २ । एवं उडुविमाणोऽवि ३ । ईसिपवभारा णं पुट्ठी
एवं चेव ४ । धम्मए णं अरहा पणयालीसं धणूइं उडुं उच्चत्तेणं होत्था ५ ।
मंदरस्स णं पव्वयस्स चउदिसिंपि पणयालीसं (२) जोयणसहस्साइं अवाहाए
अंतरे पन्नत्ते ६ । सव्वेऽवि णं दिवडुखेत्तिया नक्खत्ता पणयालीसं मुहुत्ते
चंदेण सद्धिं जोगं जोइंसु वा जोइंति वा जोइस्संति वा—तिन्नेव उत्तराइं
पुणव्वसू रोहिणी विसाहा य । एए छ नक्खत्ता पणयालमुहुत्तसंजोगा ॥१॥
७ । महालियाए णं विमाणपविभत्तीए पंचमे वग्गे पणयालीसं उद्देसण-
काला पन्नत्ता ८ ॥ सूत्रं ४५ ॥

दिट्ठिवायस्स णं छायालीसं माउयापया पन्नत्ता १ । बंभीए णं लिवीए
छायालीसं माउयक्खरा पन्नत्ता २ । पभंजणास्स णं वाउकुमारिंदस्स छाया-
लीसं भवणावाससयसहस्सा पन्नत्ता ३ ॥ सूत्रं ४६ ॥ ज्या णं सूरिए सव्व-
विंभतरमंडलं उवसङ्कमित्ता णं चारं चरइ तथा णं इहगयस्स मणूसस्स सत्त-
चत्तालीसं जोयणसहस्सेहिं दोहि य तेवट्ठेहि जोयणसएहिं एकवीसाए य
सट्ठिभागेहिं जोयणस सूरिए चक्खुफासं हव्वमागच्छइ १ । थेरे णं
अग्गिभूई सत्तचालीसं वासाइं अगारमज्जे वसित्ता मुंडे भवित्ता अगाराओ
अणुगारियं पव्वइए २ ॥ सूत्रं ४७ ॥ एगमेगस्स णं रत्तो चाउरंतक्कव-
ट्ठिस्स अडयालीसं पट्टणसहस्सा पन्नत्ता १ । धम्मस्स णं अरहत्थो अडया-

लीसं गणा अडयालीसं गणहरा होत्था २ । सूरमंडले णं अडयालीसं
 एकसट्टिभागे जोयणास्स विक्खंभेणं पन्नत्ते ३ ॥ सूत्रं ४८ ॥ सत्त सत्तमि-
 याए णं भिक्खुपडिमाए एगूणापन्नाए राइंदिएहिं छन्नउइभिक्खासएणां अहा-
 सुत्तं जाव आराहिया यावि भवइ १ । देवकुरुउत्तरकुरुएसु णं मणुया
 एगूणापन्ना राइंदिएहिं संपन्नजोव्वणा भवंति २ । तेइंदियाणां उक्कोसेणां
 एगूणापन्ना राइंदिया ठिई पन्नत्ता ३ ॥ सूत्रं ४९ ॥ मुणिसुव्वयस्स णं अर-
 हत्तो पंचासं अज्जियासाहस्सीत्तो होत्था १ । अणंते णं अरहा पन्नासं धणूइं
 उट्ठं उच्चत्तेणं होत्था २ । पुरिसुत्तमे णं वासुदेवे पन्नासं धणूइं उट्ठं उच्चत्तेणं
 होत्था ३ । सव्वेऽवि णं दीहवेदड्ढा मूले पन्नासं (२) जोयणाणि विक्खंभेणं
 पन्नत्ता ४ । लंतए कप्पे पन्नासं विमाणावाससहरसा पन्नत्ता ५ । सव्वात्तो णं
 तिमिस्सगुहाखंडगप्पवायगुहात्तो पन्नासं (२) जोयणाइं आयामेणं पन्नत्तात्तो
 ६ । सव्वेवि णं कंचणागपव्वया सिहरतले पन्नासं (२) जोयणाइं विक्खंभेणां
 पन्नत्ता ७ ॥ सूत्रं ५० ॥

नवरहं वंभचेराणां एकावन्नं उद्देसणाकाला पन्नत्ता १ । चमरस्स णं
 असुरिंदस्स असुरकुमाररत्तो सभा सुधग्गा एकावन्नखंभसयसंनिविट्ठा
 पन्नत्ता २ । एवं चैव बलिस्सवि ३ । सुप्पभे णं बलदेवे एकावन्नं वाससय-
 सहस्साइं परमाउं पालइत्ता सिद्धे बुद्धे जाव सव्वदुवखप्पहीणो ४ । दंसणा-
 वरणनामाणां दोरहं कम्माणां एकावन्नं उत्तरकम्मपगडीत्तो पन्नत्ता ५
 ॥ सूत्रं ५१ ॥ मोहणिज्जरस णं कम्मस्स वावन्नं नामधेज्जा पन्नत्ता, तंजहा-
 कोहे कोवे रोसे दोसे अखमा संजलगो कलहे चंडिकके भंडगो विवाए १०
 माणो मदे दप्पे थंभे अत्तुक्कोसे गव्वे परपरिवाए अक्कोसे अवक्कोसे
 (परिभवे) उन्नए २० उन्नामे माया उवही नियडी वलए गहणो णामे
 कक्के कुरुए दंभे ३० कूडे जिम्हे किव्विसे अणायरणया गूहणया वंचणया
 पलिकुंचणया सातिजोगे लोभे इच्छा ४० मुच्छा कंखा गेही तिराहा

भिजा अभिजा कामासा भोगासा जीवियासा मरणासा ५० नन्दी
 रागे ५२, १ । गोथूमस्स णं आवासपव्वयस्स पुरच्छिमिल्लाओ चरमंताओ
 वलयामुहस्स महापायालस्स पच्चच्छिमिल्ले चरमंते एस णं वावन्नं जोयणासह-
 स्साइं अवाहाए अंतरे पन्नत्ते २ । एवं दग्भासस्स णं केउगस्स संखस्स
 जूयगस्स दग्सीमस्स ईसरस्स ३ । नाणावरणिज्जस्स नामस्स अंतरायस्स
 एतेसि णं तिगहं कम्मपगडीणं वावन्नं उत्तगपयडीओ पन्नत्ताओ ४ । सोहम्म-
 सणांकुमारमाहिंदेसु तिसु कप्पेसु वावन्नं विमाणवाससयसहस्सा पन्नत्ता ५
 ॥सूत्रं ५२॥ देवकुरुउत्तरकुरुयाओ णं जीवाओ तेवन्नं (२) जोयणासहस्साइं
 साइरेगाइं आयामेणं पन्नत्ताओ १ । महाहिमवंतरुपीणं वासहरपव्वयाणं
 जीवाओ तेवन्नं तेवन्नं जोयणासहस्साइ नव य एगतीसे जोयणासए
 छच्च एगूणावीसइभाए जोयणास्स आयामेणं पन्नत्ताओ २ । समणास्स णं
 भगवओ महावीस्स तेवन्नं अणागारा संवच्छरपरियाया पंचसु अणुत्तरेसु
 महइमहालएसु महाविमाणोसु देवत्ताए उववन्ना ३ । संमुच्छिमउरपरिसप्पाणं
 उक्कोसेणं तेवन्नं वाससहस्सा ठिई पन्नत्ता ४ ॥ सूत्रं ५३ ॥ भरहेस्वएसु णं
 वासेसु एगमेगाए उस्सप्पिणीए ओसप्पिणीए चउवन्नं (२) उत्तमपुरिसा
 उप्पज्जिसु वा (३), तंजहा-चउवीसं तित्थकरा बारस चक्कवट्टी नवं बलदेवा
 नव वासुदेवा १ । अरहा णं अरिट्ठिनेमी चउवन्नं राइंदियाइं छउमत्थ-
 परियायं पाउणित्ता जिणे जाए केवली सव्वन्नू सव्वभावदरिसी २ ।
 समणे भगवं महावीरे एगद्विसेणं एगनिसिज्जाए चउप्पन्नाइं वागरणाइं वाग-
 रित्था ३ । अणांतस्स णं अरहओ चउपन्नं गणाहरा होत्था ४ ॥ सूत्रं ५४ ॥
 मल्लिस्स णं अरहओ पणापन्नं वाससहस्साइं परमाउं पालइत्ता सिद्धे बुद्धे
 जावप्पहीणे १ । मंदरस्स णं पव्वयस्स पच्चच्छिमिल्लाओ चरमंताओ विजयदारस्स
 पच्चच्छिमिल्ले चरमंते एस णं पणापन्नं जोयणासहस्साइं अवाहाए अंतरे पन्नत्ते
 २ । एवं चउद्विसिंपि वेजयंतजयंतअपराजियंति ३ । समणे भगवं महावीरे

अंतिमराइयंसि पणपन्नं अज्भयणाइं कल्लाणफलविवागाइं पणपन्नं अज्भ-
यणाइं पावफलविवागाइं वागरित्ता सिद्धे बुद्धे जावप्पहीणे ४ । पढमविइयासु
दोसु पुढवीसु पणपन्नं निरयावाससयसहस्सा पन्नत्ता ५ । दंसणावरणिज्ज-
नामाउयाणं तिरहं कम्मपगडीणं पणपन्नं उत्तरपगडीओ पन्नत्ताओ ६
॥ सूत्रं ५५ ॥

जंबुदीवे णं दीवे छप्पन्नं नक्खत्ता चंदेण सद्धिं जोगं जोइंसु वा (३),
१ । विमलस्स णं अरहओ छप्पन्नं गणा छप्पन्नं गणहरा होत्था २
॥ सूत्रं ५६ ॥ तिरहं गणिपिडगाणं आयारचूलियावज्जाण सत्तावन्नं
अज्भयणा पन्नत्ता, तंजहा-आयारे सूयगडे ठाणे १ । गोथुभस्स णं
आवासपव्वयस्स पुरच्छिमिल्लाओ चरमंताओ वलयामुहस्स महापायालस्स
बहुमज्भदेसभाए एस णं सत्तावन्नं जोयणासहस्साइं अवाहाए अंतरे पन्नत्ते २ ।
एवं दगभासस्स केउयस्स य संखस्स य जूयस्स य दयसीमस्स ईसरस्स य ३ ।
मल्लिस्स णं अरहओ सत्तावन्नं मणपज्जवनाणिसया होत्था ४ । महाहिमवंत-
रूपीणं वासहरपव्वयाणं जीवाणं धणुपिट्ठं सत्तावन्नं (२) जोयणासहस्साइं दोन्नि
य तेणउए जोयणासए दस य एगूणावीसइभाए जोयणास्स परिवेवेणं पन्नत्तं
५ ॥ सूत्रं ५७ ॥ पढमदोच्चपंचमासु तिसु पुढवीसु अट्टावन्नं निरयावाससय-
सहस्सा पन्नत्ता १ । नाणावरणिज्जस्स वेयणियआउयनामअंतराइयस्स एएसि
णं पंचराहं कम्मपगडीणं अट्टावन्नं उत्तरपगडीओ पन्नत्ताओ २ । गोथुभस्स
णं आवासपव्वयस्स पच्चच्छिमिल्लाओ चरमंताओ वलयामुहस्स महापायालस्स
बहुमज्भदेसभाए एस णं अट्टावन्नं जोयणासहस्साइं अवाहाए अंतरे पन्नत्ते
३ । एवं चउदिसिंपि नेयव्वं ४ ॥ सूत्रं ५८ ॥ चंदस्स णं संवच्छरस्स
एगमेगे उऊ एगूणासट्ठिं राइंदियाइं राइंदियग्गेणं पन्नत्ता १ । संभवे णं
अरहा एगूणासट्ठिं पुव्वसयसहस्साइं आगारमज्जे वसित्ता मुंडे जाव
पव्वइए २ । मल्लिस्स णं अरहओ एगूणासट्ठिं ओहिनाणिसया

होत्या ३ ॥ सूत्रं ५१ ॥ एगमेगे णं मंडले सूरिए सट्टिए सट्टिए मुहुत्तेहिं
 संघाइए १ । लवणस्स णं समुहस्स सट्टिं नागसाहस्सीओ अग्गोदयं
 धारंति २ । विमले णं अरहा सट्टिं धण्णइं उट्ठं उच्चतेणं होत्या ३ ।
 बलिस्स णं वइरोयणिंदस्स सट्टिं सामाणियसाहस्सीओ पन्नत्ताओ ४ ।
 बंभस्स णं देविंदस्स देवरन्नो सट्टिं सामाणियसाहस्सीओ पन्नत्ताओ ५ ।
 सोहम्मीसाणेसु दोसु कप्पेसु सट्टिं विमाणावाससयसहस्सा पन्नत्ता ६
 ॥ सूत्रं ६० ॥

पंचसंवच्छरियस्स णं जुगस्स रिउमासेणं मिज्जमाणास्स इगसट्टि
 उऊमासा पन्नत्ता १ । मंदरस्स णं पव्वयस्स पढमे कंडे एगसट्टिजोयणा-
 सहस्साइं उट्ठं उच्चतेणं पन्नत्ते २ । चंदमंडलेणं एगसट्टिविभागविभाइए समंसे
 पन्नत्ते ३ । एवं सूरस्सवि ४ ॥ सूत्रं ६१ ॥ पंचसंवच्छरिए णं जुगे
 बासट्टिं पुन्निमाओ बावट्टिं अमावसाओ पन्नत्ताओ २ । वासुपुज्जस्स णं
 अरहओ बासट्टिं गणा बासट्टिं गणाहरा होत्या २ । सुक्कपव्वस्स णं चंदे
 बासट्टिं भागे दिवसे दिवसे परिवट्ठइ ३ । ते चेव बहुलपक्खे दिवसे दिवसे
 परिहायइ ४ । सोहम्मीसाणेसु कप्पेसु पढमे पत्थडे पढमावलियाए
 (पढमावलिया) एगमेगाए दिसाए बासट्टिं विमाणा पन्नत्ता ५ । सव्वे
 वेमाणियाणं बासट्टिं विमाणपत्थडा पत्थडग्गेणं पन्नत्ता ६ ॥ सूत्रं ६२ ॥
 उसभे णं अरहा कोसलिए तेसट्टिं पुव्वसयसहस्साइं महारायमज्जे वसित्ता
 मुंडे भवित्ता आगाराओ अण्णारियं पव्वइए १ । हरिवासरम्मयवासेसु
 मण्णस्सा तेवट्टिए राइंदिएहिं संपत्तजोव्वणा भवंति २ । निसडे णं पव्वए
 तेवट्टिं सूरुदया पन्नत्ता ३ । एवं नीलवंतेति ४ ॥ सूत्रं ६३ ॥ अट्टुट्टमिया
 भिक्खुपडिमा चउसट्टीए राइंदिएहिं दोहि य अट्टासीएहिं भिक्खासएहिं
 अहासुत्तं जाव भवइ १ । चउसट्टिं असुरकुमारावाससयसहस्सा पन्नत्ता २ ।
 चमरस्स णं रन्नो चउसट्टिं सामाणियसाहस्सीओ पन्नत्ताओ ३ । सव्वेऽवि णं

दधिमुहा पव्वया (पल्लग)(पल्ला)संठाणसंठिया सब्वत्थ समा विक्खंभे णं
 (विक्खंभुस्सेहेरां) चउसट्ठिं जोयणसहस्साइं पन्नत्ता ४ । सोहम्मीसाणोसु बंभ-
 लोए य तिसु कप्पेसु चउसट्ठिं विमाणावाससयसहस्सा पन्नत्ता ५ । सब्वस्सवि
 य णं रत्तो चाउरन्तचक्कवट्ठिस्स चउसट्ठिलट्ठीए महग्घे मुत्तामणिहारे पन्नत्ते ६
 ॥ सूत्रं ६४ ॥ जंबुद्दीवे णं दीवे पणसट्ठिं सूरमंडला पन्नत्ता १ । थेरे णं
 मोरियपुत्ते पणसट्ठिवासाइं अगारमज्जे वसित्ता मुंडे भवित्ता अगाराओ
 अणगारियं पव्वइए २ । सोहम्मवडिसयस्स णं विमाणास्स एगमेगाए बाहाए
 पणसट्ठिं पणसट्ठिं भोमा पन्नत्ता ३ ॥ सूत्रं ६५ ॥

दाहिणड्ढमाणस्सखेत्ताणं छावट्ठिं चंदा पभासिंसु वा(३) छावट्ठिं
 सूरिया तविंसु वा (३) १ । उत्तरड्ढमाणस्सखेत्ताणं छावट्ठिं चंदा पभासिंसु
 वा (३) छावट्ठिं सूरिया तविंसु वा (३) २ । सेज्जंसस्स णं अरहओ
 छावट्ठिं गणा छावट्ठिं गणहरा होत्था ३ । आभिणिबोहियणास्स णं
 उकोसेणं छावट्ठिं सागरोवमाइं ठिई पन्नत्ता ४ ॥ सूत्रं ६६ ॥ पञ्चसंवच्छ-
 रियस्स णं जुगस्स नक्खत्तमासेणं मिज्जमाणस्स सत्तसट्ठिं नक्खत्तमासा पन्नत्ता
 १ । हेमवयएरन्नवयाओ णं बाहाओ सत्तट्ठिं सत्तट्ठिं जोयणसयाइं पणपन्नाइं
 तिणिण य भागा जोयणस्स आयामेणं पन्नत्ताओ २ । मंदरस्स णं पव्वयस्स
 पुरच्छिमिल्लाओ चरमंताओ गोयमदीवस्स पुरच्छिमिल्ले चरमंते एस णं
 सत्तसट्ठिं जोयणसहस्साइं अबाहाए अंतरे पन्नत्ते ३ । सब्वेसिंपि णं नक्खत्ताणं
 सीमाविक्खंभेणं सत्तट्ठिं भागं भइए समंसे पन्नत्ते ४ ॥ सूत्रं ६७ ॥ धायइ-
 संडे णं दीवे अडसट्ठिं चक्कवट्ठिविजया अडसट्ठिं रायहाणीओ पन्नत्ताओ १ ।
 उकोसपए अडसट्ठिं अरहंता समुप्पजिसु वा (३) एवं चक्कवट्ठी बल्लदेवा
 वासुदेवा २ । पुक्खरवरदीवड्ढे णं अडसट्ठिं विजया एवं चेव जाव वासुदेवा
 ३ । विमलस्स णं अरहओ अडसट्ठिं समणसाहस्सीओ उकोसिया समण-
 संपया होत्था ४ ॥ सूत्रं ६८ ॥ समयखित्ते णं मंदरवज्जा एगूणसत्तरिं वासा

वासधरपव्वया पन्नत्ता, तंजहा-पणातीसं वासा तीसं वासहरा चत्तारि उसुयारा
 १ । मंदरस्स पव्वयस्स पच्चच्छिमिल्लाओ चरमंताओ गोयमहीवस्स पच्चच्छि-
 मिल्ले चरमंते एस गां एग्गुणसत्तारिं जोयणासहस्साइं अवाहाए अंतरे पन्नत्ते
 २ । मोहणिज्जवजाणां सत्तरहं कम्मपगडीणां एग्गुणसत्तारिं उत्तरपगडीओ
 पन्नत्ताओ ३ ॥ सूत्रं ६६ ॥ समणो भगवं महावीरे वांसाणां सवीसइराए
 मासे वड्ढकंते सत्तरिएहिं राइंदिएहिं सेसेहिं वासावासं पज्जोसवेइ १ । पासे
 गां अरहा पुरिसादाणीए सत्तारिं वासाइं बहुपडिपुन्नाइं सामन्नपरियागं पाउ-
 णित्ता सिद्धे बुद्धे जावप्पहीणो २ । वासुपुज्जे गां अरहा सत्तारिं धग्गुं उट्ठं
 उच्चत्तेणां होत्था ३ । मोहणिज्जस्स गां कम्मस्स सत्तारिं सागरोवमकोडाकोडीओ
 अवाहूणिया कम्मट्ठिइं कम्मनिसेगे पन्नत्ते ४ । माहिंदस्स गां देविंदस्स
 देवरत्तो सत्तारिं सामाणियसाहस्सीओ पन्नत्ताओ ५ ॥ सूत्रं ७० ॥

चउत्थस्स गां चंदसंवच्छरस्स हेमंताणां एकसत्तरीए राइंदिएहिं वीड्ढकं-
 तेहिं सव्ववाहिराओ मंडलाओ सूरिए आउट्ठिं करेइ १ । वीरियप्पवायस्स
 गां पुव्वस्स एकसत्तारिं पाहुडा पन्नत्ता २ । अजिते गां अरहा एकसत्तारिं
 पुव्वसयसहस्साइं अगारमज्जे वसित्ता मुंडे भवित्ता जाव पव्वइए ३ । एवं
 सगरोऽपि राया चाउरंतचक्कवट्ठी एकसत्तारि पुव्व जाव पव्वइएत्ति ४
 ॥ सूत्रं ७१ ॥ वावत्तारिं सुवन्नकुमारावाससयसहस्सा पन्नत्ता १ । लवणास्स
 समुइस्स वावत्तारि नागसाहस्सीओ बाहिरियं वेत्तं धारंति २ । समणो भगवं
 महावीरे वावत्तारि वासाइं सव्वाउयं पालइत्ता सिद्धे बुद्धे जावप्पहीणो ३ ।
 थेरे गां अचलभाया वावत्तारिं वासाइं सव्वाउयं पालइत्ता सिद्धे जावप्पहीणो
 ४ । अन्भितरपुक्खरद्धे गां वावत्तारि चंदा पभासिंसु (३) वावत्तारिं सूरिया
 तविंसु वा (३) ५ । एगमेगस्स गां रत्तो चाउरंतचक्कवट्ठिस्स वावत्तारिपुरवर-
 साहस्सीओ पन्नत्ताओ ६ । वावत्तारि कलाओ पन्नत्ताओ, तंजहा-लेहं १
 गणियं २ रुवं ३ नट्टं ४ गीयं ५ वाइयं ६ सरगयं ७ पुक्खरगयं ८ सम-

तालं १ जूयं १० जणावायं ११ पोक्ख(रेव)च्चं १२ अट्टावयं १३ दगमट्टियं
 १४ अन्नविहीं १५ पाणाविहीं १६ वत्थविहीं १७ सयणाविहीं १८ अज्जं १९
 पहेलियं २० मागहियं २१ गाहं २२ सिलोगं २३ गंधजुत्तिं २४ मधु-
 सित्थं २५ आभरणविहीं २६ तरुणीपडिकम्मं २७ इत्थीलवखरां २८
 पुरिसलवखरां २९ हयलवखरां ३० गयलवखरां ३१ गोणलवखरां ३२
 कुक्कुडलवखरां ३३ मिट्टयलवखरां ३४ चकलवखरां ३५ छत्तलवखरां ३६
 दंडलवखरां ३७ असिलवखरां ३८ मणिलवखरां ३९ कांगणिलवखरां
 ४० चम्मलवखरां ४१ चंदलवखरां ४२ सूरचरियं ४३ राहुचरियं ४४
 गहचरियं ४५ सोभागकरं ४६ दोभागकरं ४७ विजागयं ४८ मंतगयं ४९
 रहस्सगयं ५० सभासं ५१ चारं ५२ पडिचारं ५३ वूहं ५४ पडिवूहं ५५
 खंधावारमाणां ५६ नगरमाणां ५७ वत्थुमाणां ५८ खंधावारनिवेसं ५९ वत्थुनि-
 वेसं ६० नगरनिवेसं ६१ ईसत्थं ६२ छरूप्पवायं ६३ आससिक्खं ६४
 हत्थिसिक्खं ६५ धणुव्वेयं ६६ हिराणापागं सुवन्नपागं मणिपागं धातुपागं
 ६७ बाहुजुद्धं दंडजुद्धं मुट्टिजुद्धं अट्टिजुद्धं जुद्धं निजुद्धं जुद्धाइं जुद्धं सुत्तखेडं
 ६८ नालियाखेडं वट्टुखेडं धम्मखेडं चम्मखेडं ६९ पत्तच्छेज्जं कडगच्छेज्जं ७०
 सजीवं निज्जीवं ७१ सउणस्यं ७२, ७ । संमुच्छिमखहयरपंचिदियतिरिक्खजो-
 णियाणां उक्कोसेणां वावत्तरिं वाससहस्साइं ठिई पन्नत्ता ८ ॥ सूत्रं ७२ ॥
 हरिवासरम्मयवासयात्रो णं जीवात्रो तेवत्तरिं (२) जोयणासहस्साइं नव य
 एगुत्तरे जोयणासए सत्तरस य एगूणावीसइभागे जोयणास्स अद्धभागं च आया-
 मेणां पन्नत्तात्रो १ । विजए णं बलदेवे तेवत्तरिं वाससयसहस्साइं सव्वाउयं
 पालइत्ता सिद्धे जावप्पहीणो २ ॥ सूत्रं ७३ ॥ थेरे णं अग्गिभूई गणाहरे
 चोवत्तरिं वासाइं सव्वाउयं पालइत्ता सिद्धे जावप्पहीणो १ । निसहात्रो णं
 वासहरपव्वयात्रो तिगिच्छिअो णं दहात्रो सीतोयामहानंदीत्रो चोवत्तरिं
 जोयणासयाइं साहियाइं उत्तराहिमुही पव्हित्ता वइरामयाए जिन्धियाए चउ-

जोयणायाभाए पन्नासजोयणाविवस्वभाए वडरतले कुंडे महया घडमुहपवत्ति-
 एणां मुत्तादलिहारसंठाणासंठिएणां पवाएणां महया सदेणां पवडइ २ । एवं
 सीतादि दक्खिणाहिमुही भाणियव्वा ३ । चउत्थवज्जासु छसु पुढवीसु
 चोवत्तरिं नरयावाससयसहस्सा पन्नत्ता ४ ॥ सूत्रं ७४ ॥ सुविहिस्स णं
 पुप्फदंतस्स अरहत्तो पन्नत्तरि जिणासया होत्था १ । सीतले णं अरहा
 पन्नत्तरि पुव्वसहस्साइं अगारवासमज्जे वसित्ता मुंडे भवित्ता जाव पव्वइए
 २ । संती णं अरहा पन्नत्तरिवाससहस्साइं अगारवासमज्जे वसित्ता मुंडे
 भवित्ता अगारात्तो अणागारियं पव्वइए ३ ॥ सूत्रं ७५ ॥

छावत्तरिं विज्जुकुमारावाससयसहस्सा पन्नत्ता, एवं दीवदिसाउदहीणां
 विज्जुकुमारिंदयणियमग्गीणां । छराहंपि जुगलयाणां छावत्तरि सय-
 सहस्साइं ॥ १ ॥ सूत्रं ७६ ॥ भरहे राया चाउरंतचक्कवट्टी सत्तहत्तरिं पुव्व-
 सयसहस्साइं कुमारवासमज्जे वसित्ता महारायाभिसेयं संपत्ते १ । अङ्गवंसात्तो
 णां सत्तहत्तरि रायाणो मुंडे जाव पव्वइया २ । गदतोयतुसियाणां देवाणां
 सत्तहत्तरिं देवसहस्सपरिवारा पन्नत्ता ३ । एगमेगे णां मुहुत्ते सत्तहत्तरिं
 लवे लवग्गेणां पन्नत्ते ४ ॥ सूत्रं ७७ ॥ सकस्स णां देविंदस्स देवरत्तो
 वेसमणे महाराया अट्टहत्तरीए सुवन्नकुमारदीवकुमारावाससयसहस्साणां आहे-
 वच्चं पोरेवच्चं सामित्तं भट्टित्तं महारायत्तं(महयरत्तं) आणाईसरसेणावच्चं
 कारेमाणो पालेमाणो विहरइ १ । थेरे णां अकंपिए अट्टहत्तरिं वासाइं सव्वा-
 उयं पालइत्ता सिद्धे जावप्पहीणे २ । उत्तरायणनियट्टे णां सूरिए पढमात्तो
 मंडलात्तो एगूणाचत्तालीसइमे मंडले अट्टहत्तरिं एगसट्टिभाए दिवसखेत्तस्स
 निवुट्टेत्ता रयणिसेत्तस्स अभिनिवुट्टेत्ता णां चारं चरइ ३ । एवं दक्खिणा-
 यणनियट्टे ऽवि ४ ॥ सूत्रं ७८ ॥ वलयामुहस्स णां पायालस्स हिट्ठिळात्तो
 चरमंतात्तो इमीसे णां रयणाप्पमाए पुढवीए हेट्ठिल्ले चरमंते एस णां एगूणासिं
 जोयणासहस्साइं अवाहाए अंतरे पन्नत्ते १ । एवं केउस्सवि जूयस्सवि ईसर-

स्सवि, छट्टीए पुढवीए बहुमज्जदेसभायाओ छट्टस्स घणोदहिस्स हेट्टिल्ले चर-
मंते एस गां एगूणासीति जोयणासहस्साइं अवाहाए अन्तरे पन्नत्ते २ । जम्बु-
दीवस्स गां दीवस्स बारस्स य बारस्स थ एस गां एगूणासीइं जोयणासहस्साइं
सागरेगाइं अवाहाए अन्तरे पन्नत्ते ३ ॥ सूत्रं ७६ ॥ सेज्जंसे गां अरहा असीइं
धणूइं उट्ठं उच्चत्तेगां होत्था १ । तिविट्ठे गां वासुदेवे असीइं धणूइं उट्ठं उच्च-
त्तेगां होत्था २ । अयले गां बलदेवे असीइं धणूइं उट्ठं उच्चत्तेगां होत्था ३ ।
तिविट्ठे गां वासुदेवे असीइंवाससयसहस्साइं महाराया होत्था ४ । आउबहुले
गां कराढे असीइजोयणासहस्साइं बाहल्लेगां पन्नत्ते ५ । ईसाणास्स देविंदस्स
देवरन्नो असीइं सामाणियसाहस्सीओ पन्नत्ताओ ६ । जम्बुदीवे गां दीवे
असीउत्तरं जोयणासयं ओगाहेत्ता सूरिए उत्तरकट्टोवगए पढमं उदयं
करेइ ७ ॥ सूत्रं ८० ॥

नवनवमिया गां भिक्खुपडिमा एकासीइ राइंदिएहिं चउहि य पंचु-
त्तरेहिं अहासुत्तं जाव आराहिया १ । कुंथुस्स गां अरहओ एकासीति मणापज्ज-
वनाणिसया होत्था २ । विवाहपन्नत्तीए एकासीति महाजुम्मसया पन्नत्ता ३
॥ सूत्रं ८१ ॥ जम्बुदीवे दीवे बासीयं मंडलसयं जं सूरिए दुक्खुत्तो
संकमित्ता गां चारं चरइ तंजहा—निक्खममाणो य पविसमाणो य १ । समणो
भगवं महावीरे बासीए राइंदिएहिं वीइवकंतेहिं गव्भाओ गव्भं साहरिए २ ।
महाहिमवतस्स गां वासहरपव्वयस्स उवरिल्लाओ चरमंताओ सोगंधियस्स
कंडस्स हेट्टिल्ले चरमंते एस गां बासीइं जोयणासयाइं अवाहाए अंतरे
पन्नत्ते ३ । एवं रुप्पिस्सवि ४ ॥ सूत्रं ८२ ॥ समणो भगवं महावीरे बासीइ-
राइंदिएहिं वीइवकंतेहिं तेयासीइमै राइंदिए वट्टमाणो गव्भाओ गव्भं
साहरिए १ । सीयलस्स गां अरहओ तेसीइं गणा तेसीइं गणाहरा
होत्था २ । थेरे गां मंडियपुत्ते तेसीइं वासाइं सब्वाउयं पालइत्ता सिद्धे
जावप्पहीणो ३ । उसभे गां अरहा कोसलिए तेसीइं पुव्वसयसहस्साइं

अगारमज्जे वसित्ता सुंढे भवित्ता णं जाव पव्वइए ४ । भरहे णं राया
 चाउरंतचक्कवट्ठी तेसीइं पुव्वसयमहस्साइं अगारमज्जे वसित्ता जिणे जाए
 केवली सव्वन्नू सव्वभावदरिसी ५ ॥ सूत्रं ८३ ॥ चउरासीइं निरयावास-
 सयसहस्सा पन्नत्ता १ । उसभे णं अरहा कोसलिए चउरासीइं पुव्वसय-
 सहस्साइं सव्वाउयं पालइत्ता सिद्धे बुद्धे जावप्पहीणे २ । एवं भरहो
 बाहुवली बंभी सुन्दरी ३ । सिज्जंसे णं अरहा चउरासीइं वाससयसहस्साइं
 सव्वाउयं पालइत्ता सिद्धे जावप्पहीणे ४ । तिविट्ठे णं वासुदेवे चउरासीइं
 वाससयसहस्साइं सव्वाउयं पालइत्ता अप्पइट्ठाणे नरे नेरइयत्ताए उववन्ने ५ ।
 सक्कस्स णं देविंदस्स देवरन्नो चउरासीइं सामाणियसाहस्सीओ पन्नत्ताओ ६ ।
 सव्वेऽवि णं वाहिरया मंदरा चाउरासीइं (२) जोयणसहस्साइं उट्ठं उच्चत्तेण
 पन्नत्ता ७ । सव्वेऽवि णं अंजणपव्वया चउरासीइं (२) जोयणसहस्साइं उट्ठं
 उच्चत्तेणं पन्नत्ता ८ । हरिवासरम्मयवासियाणं जीवाणं धणुपिट्ठा चउरासीं
 जोयणसहस्साइं सोलस जोयणाइं चत्तारि य भागा जोयणस्स परिवस्सेवेणं
 पन्नत्ता ९ । पंकवहुलस्स णं कण्डस्स उवरिल्लओ चरमंताओ हेट्ठिल्ले
 चरमंते एस्स णं चोरासीइं जोयणसयसहस्साइं अवाहाए अंतरे पन्नत्ते १० ।
 विवाहपन्नत्तीए णं भगवतीए चउरासीइं पयसहस्सा पद्मगेणं पन्नत्ता ११ ।
 चोरासीइं नागकुमारावाससयसहस्सा पन्नत्ता १२ । चोरासीइं पइन्नगसहस्साइं
 पन्नत्ताइं १३ । चोरासीइं जोणिप्पमुहसयसहस्सा पन्नत्ता १४ पुव्वाइयाणं
 सीमपहेलियापज्जवसाणाणं सट्ठाणट्ठाणंतराणं चोरासीए गुणकारे पन्नत्ते १५ ।
 उसभस्स णं अरहओ चउरासीइं समणसाहस्सीओ होत्था १६ । सव्वेऽवि
 चउरासीइं विमाणावाससयसहस्सा सत्ताणउइं च सहरसा तेवीसं च विमाणा
 भवंतीति मक्खवायं १७ ॥ सूत्रं ८४ ॥ आयास्स णं भगवओ सच्चूलिया-
 गस्स पंचासीइं उद्देसणकाला पन्नत्ता १ । धायइसरडस्स णं मंदरा पंचासीइं
 जोयणसहस्साइं सव्वग्गेणं पन्नत्ता २ । रुयए णं मंडलियपव्वए पंचासीइं

जोयणसहस्साइं सव्वग्गेणं पन्नत्ते ३ । नंदणवणस्स णं हेट्ठिल्लाओ चरमंताओ सोगंधियस्स कंडस्स हेट्ठिल्ले चरमंते एस णं पंचासीइ जोयणसयाइं अवाहाए अंतरे पन्नत्ते ४ ॥ सूत्रं ८५ ॥

सुविहिस्स णं पुप्फदन्तस्स अरहओ छलसीइ गणा छलसीइ गणहरा होत्था १ । सुपासस्स णं अरहओ छलसीई वाइसया होत्था २ । दोच्चाए णं पुढवीए बहुमज्जदेसभागाओ दोच्चस्स घणोदहिस्स हेट्ठिल्ले चरमंते एस णं छलसीइ जोयणसहस्साइं अवाहाए अंतरे पन्नत्ते ३ ॥सूत्रं ८६ ॥ मंदरस्स णं पव्वयस्स पुरच्छिमिल्लाओ चरमंताओ गोथुभस्स आवासपव्वयस्स पच्चच्छिमिल्ले चरमंते एस णं सत्तासीइं जोयणसहस्साइं अवाहाए अंतरे पन्नत्ते १ । मंदरस्स णं पव्वयस्स दक्खिणिल्लाओ चरमंताओ दग्गभासस्स आवासपव्वयस्स उत्तरिल्ले चरमंते एस णं सत्तासीई जोयणसहस्साइं अवाहाए अंतरे पन्नत्ते २ । एवं मंदरस्स पच्चच्छिमिल्लाओ चरमंताओ संखस्सावासपव्वयस्स पुरच्छिमिल्ले चरमंते ३ । एवं चेव मंदरस्स उत्तरिल्लाओ चरमंताओ दग्गसीमस्स आवासपव्वयस्स दाहिणिल्ले चरमंते एस णं सत्तासीई जोयणसहस्साइं अवाहाए अंतरे पन्नत्ते ४ । छरहं कम्मपगडीणं आइमउवरिल्लवज्जाणं सत्तासीई उत्तरपगडीओ पन्नत्ताओ ५ । महाहिमवंतकूडस्स णं उवरिमंताओ सोगन्धियस्स कंडस्स हेट्ठिल्ले चरमंते एस णं सत्तासीइ जोयणसयाइं अवाहाए अंतरे पन्नत्ते ६ । एवं रुप्पिकूडस्सवि ७ ॥सूत्रं ८७ ॥ एगमेगस्स णं चंदिमसूरियस्स अट्ठासीइ अट्ठासीइ महग्गहा परिवारो पन्नत्तो १ । दिट्ठिवायस्स णं अट्ठासीइ सुत्ताइं पन्नत्ताइं तंजहा—उज्जुसुयं परिणयापरिणयं एवं अट्ठासीइ सुत्ताणि भाणियव्वाणि जहा नंदीए २ । मंदरस्स णं पव्वयस्स पुरच्छिमिल्लाओ चरमंताओ गोथुभस्स आवासपव्वयस्स पुरच्छिमिल्ले चरमंते एस णं अट्ठासीइं जोयणसहस्साइं अवाहाए अंतरे पन्नत्ते ३ । एवं चउसुवि दिसासु नेयवं ४ । बाहिराओ उत्तराओ णं

कट्टात्रो सूरिए पढमं छम्मासं अयमाणो चोयालीसइमे मंडलगते अट्टासीति
 इगसट्टिभागे मुहुत्तस्स दिवसखेत्तस्स निबुड्ढेत्ता रयण्णिखेत्तस्स अभिनिबुड्ढेत्ता
 सूरिए चारं चरइ ५ । दक्खिण्णकट्टात्रो णं सूरिए दोच्चं छम्मासं अयमाणो
 चोयालीसतिमे मंडलगते अट्टासीई इगसट्टिभागे मुहुत्तस्स रयण्णिखेत्तस्स
 निबुड्ढेत्ता दिवसखेत्तस्स अभिनिबुड्ढित्ता णं सूरिए चारं चरइ ६ ॥ सूत्रं ८८ ॥
 उसभे णं अरहा कोसलिए इमीसे ओसप्पिणीए ततियाए सुसमदूसमाए
 पच्छिमे भागे एगूण्णउए अद्धमासेहिं सेसेहिं कालगए जाव सब्बदुक्खप्प-
 हीणो १ । समणो भगवं महावीरे इमीसे ओसप्पिणीए चउत्थाए दूसमसुसमाए
 समाए पच्छिमे भागे एगूण्णनउइए अद्धमासेहिं सेसेहिं कालगए जाव सब्ब-
 दुक्खप्पहीणो २ । हरिसेणो णं राया चाउरंतक्कवट्ठी एगूण्णनउइं वाससयाइं
 महाराया होत्था ३ । संतिस्स णं अरहत्तो एगूण्णनउई अज्जासाहस्सीओ
 उक्कोसिया अज्जियासंपया होत्था ४ ॥ सूत्रं ८९ ॥ सीयत्ते णं अरहा नउई
 धण्णुइं उट्ठं उच्चत्तेणं होत्था १ । अजियस्स णं अरहत्तो नउई गणा नउई
 गणहरा होत्था २ । एवं संतिस्सवि ३ । सयंभुस्स णं वासुदेवस्स णउइ-
 वासाइं विजए होत्था ४ । सब्बेसि णं वट्ठवेयड्ढपव्वथाणं उवरिल्लाओ
 सिहरतलाओ खोगंधियकराडस्स हेट्ठिले चरमंते एस णं नउइजोयण्णसयाइं
 अवाहाए अंतरे पन्नत्ते ५ ॥ सूत्रं ९० ॥

एकाण्णउई परवेयावच्चकम्मपडिमाओ पन्नत्ताओ १ । कालोए णं
 समुदो एकाण्णउई जोयण्णसयसहस्साइं सहियाइं परिवखेवेणं पन्नत्ते २ ।
 कुंधुस्स णं अरहत्तो एकाण्णउई आहोहियसया होत्था ३ । आउयगोय-
 वज्जाणं छराहं कम्मपगडीणं एकाण्णउई उत्तरपगडीओ पन्नत्ताओ ४ ।
 ॥ सूत्रं ९१ ॥ बाण्णउई पडिमाओ पन्नत्ताओ १ । थेरे णं इंदभूति बाण्णउइ
 वासाइं सब्बाउयं पालइत्ता सिद्धे बुद्धे जावप्पहीणो २ । मंदरस्स णं पव्वयस्स
 बहुमज्जभदेसभागाओ गोथुभस्स आवासपव्वयस पच्चच्छिमिल्ले चरमंते

एस गां बाणउडं जोयणसहस्साइं अवाहाए अंतरे पन्नत्ते ३ । एवं चउगहंपि
 आवासपव्वयाणां ४ ॥ सूत्रं ६२ ॥ चंदप्पहस्स गां अरहत्थो तेणउई गणा
 तेणउई गणहरा होत्था १ । संतिस्स गां अरहत्थो तेणउई चउहसप्पुव्विसया
 होत्था २ । तेणउईमंडलगते गां सूरिए अतिवट्टमाणं निवट्टमाणे वा समं अहोरत्तं
 विसमं करेइ ३ ॥ सूत्रं ६३ ॥ निसहनीलवंतियात्थो गां जीवात्थो चउण-
 उइ जोयणसहस्साइं एककं छप्पन्नं जोयणसयं दोन्नि य एगूणावीसइभागे
 जोयणस्स आयामेणां पन्नत्तात्थो १ । अजियस्स गां अरहत्थो चउणउइ
 थोहिनाणिसया होत्था २ ॥ सूत्रं ६४ ॥ सुपासस्स गां अरहत्थो पंचाणउइ
 गणा पंचाणउइ गणहरा होत्था १ । जम्बुदीवस्स गां दीवस्स चरमंतात्थो
 चउदिसिं लवणसमुद्दं पंचाणउइ पंचाणउइ जोयणसहस्साइं ओगाहिता
 चत्तारि महापायालकलसा पन्नत्ता, तंजहा-वलयासुहे केऊए जूयए ईसरे २ ।
 लवणसमुद्दस्स उभत्थोपासंपि पंचाणउयं पंचाणउयं पदेसात्थो उव्वेहुस्सेहपरि-
 हाणीए पन्नत्तात्थो ३ । कुंथू गां अरहा पंचाणउइ वाससहस्साइं परमाउयं
 पालइत्ता सिद्धे बुद्धे जावं पहीणे ४ । थेरे गां मोरियपुत्ते पंचाणउइवासाइं
 सव्वाउयं पालइत्ता सिद्धे बुद्धे जावप्पहीणे ५ ॥ सूत्रं ६५ ॥

एगमेगस्स गां रन्नो चाउरंतचक्कवट्टिस्स छराणउई छराणउई गामको-
 ढीत्थो होत्था १ । वायुकुमाराणां छराणउइ भवणावाससयसहस्सा पन्नत्ता २ ।
 ववहारिए गां दंडे छराणउइ अंगुलाइं अंगुलमाणेणां ३ । एवं धणू नालिया
 जुगे अक्खे मुसलेऽवि हु ४ । अञ्जितरत्थो आइमुहुत्ते छराणउइअंगुलछाए
 पन्नत्ते ५ ॥ सूत्रं ६६ ॥ मंदरस्स गां पव्वयस्स पच्चच्छिमिल्लात्थो चरमंतात्थो
 गोथुभस्स गां आवासपव्वयस्स पच्चच्छिमिल्ले चरमंते एस गां सत्ताणउइ
 जोयणसहस्साइं अवाहाए अंतरे पन्नत्ते १ । एवं चउदिसिंपि २ । अट्टराहं
 कम्मपगडीणां सत्ताणउइ उत्तरपगडीत्थो पन्नत्तात्थो ३ । हरिसेणे गां राया
 चाउरंतचक्कवट्टी देसूणाइं सत्ताणउइ वाससयाइं अगारमज्जे वसित्ता मुंडे

भविता गां जाव पव्वइए ४ ॥ सूत्रं १७ ॥ नंदगावगास्स गां उवरिल्लाओ
चरमंताओ पंडुयवगास्स हेट्टिले चरमंते एस गां अट्टाणाउइ जोयगासहस्साइं
अवाहाए अंतरे पन्नत्ते १ । मंदरस्स गां पव्वयस्स पच्चच्छिमिल्लाओ चरमं-
ताओ गोथुभस्स आवासपव्वयस्स पुरच्छिमिल्ले चरमंते एस गां अट्टाणाउइ
जोयगासहस्साइं अवाहाए अंतरे पन्नत्ते २ । एवं चउदिसिंपि ३ । दाहिगा-
भरहस्स गां धणाप्पिट्ठे अट्टाणाउइ जोयगासयाइं किंचूणाइं आयामेगां
पन्नत्ते ४ । उत्तराओ कट्टाओ सूरिए पढमं छम्मासं अयमाणो एगूणापन्ना-
सतिमे मण्डलगते अट्टाणाउइ एकसट्ठिभागे मुहुत्तस्स दिवसखेत्तस्स निवुट्ठेत्ता
रयणिवेत्तस्स अभिनिवुट्ठित्ता गां सूरिए चारं चरइ ५ । दक्खिणाओ गां
कट्टाओ सूरिए दोच्चे छम्मासं अयमाणो एगूणापन्नासइमे मंडलगते अट्टाणा-
उइ एकसट्ठिभागे मुहुत्तस्स रयणिवेत्तस्स निवुट्ठेत्ता दिवसखेत्तस्स अभिनिवु-
ट्ठित्ता गां सूरिए चारं चरइ ६ । रेवईपढमजेट्टापज्जवसाणाणं एगूणावीसाए
नक्खत्ताणं अट्टाणाउइ ताराओ तारगोणं पन्नत्ताओ ७ ॥ सूत्रं १८ ॥
मंदरे गां पव्वए गावगाउइ जोयगासहस्साइं उट्ठं उच्चत्तेणं पन्नत्ते १ ।
नंदगावगास्स गां पुरच्छिमिल्लाओ चरमंताओ पच्चच्छिमिल्ले चरमंते एस
गां नवनउइ जोयगासयाइं अवाहाए अंतरे पन्नत्ते २ । एवं दक्खिणिल्लाओ
चरमंताओ उत्तरिल्ले चरमंते एस गां गावगाउइ जोयगासयाइं अवाहाए
अंतरे पन्नत्ते ३ । उत्तरे पढमे सूरियमंडले नवनउइजोयगासहस्साइं साइरेगाइं
आयामविवखंभेणं पन्नत्ते ४ । दोच्चे सूरियमंडले नवनउइ जोयगासहससइं
साहियाइं आयामविवखंभेणं पन्नत्ते ५ । तइए सूरियमंडले नवनउइ
जोयगासहस्साइं साहियाइं आयामविवखंभेणं पन्नत्ते ६ । इमीसे गां
रयणाप्पभाए पुट्ठवीए अंजणास्स कंडस्स हेट्टिल्लाओ चरमंताओ वाणमंतर-
भोमेज्जविहाराणं उवरिमंते एस गां नवनउइ जोयगासयाइं अवाहाए अंतरे
पन्नत्ते ७ ॥ सूत्रं १९ ॥ दसदसमिया गां भिक्खुपडिमा एगेणं राइंदियसतेणं

अद्धद्वेहिं भिक्खासतेहिं अहासुत्तं जाव आराहियावि भवइ १ । सय-
भिसया नक्खत्ते एकसयतारे पन्नत्ते २ । सुविही पुप्फदंते णं अरहा एगं
धणुसयं उट्ठं उच्चत्तेणं होत्था ३ । पासे णं अरहा पुरिसादाणीए एकं
वाससयं सव्वाउयं पालइत्ता सिद्धे जावप्पहीणे ४ । एवं थेरेवि अज्ज-
सुहम्मे ५ । सव्वेऽवि णं दीहवेयड्ढपव्वया एगमेगं गाउयसयं उट्ठं उच्चत्तेणं
पन्नत्ता ६ । सव्वेऽवि णं चुल्लहिमवंतसिहरीवासहरपव्वया एगमेगं जोय-
णसयं उट्ठं उच्चत्तेणं पन्नत्ता, एगमेगं गाउयसयं उव्वेहेणं पन्नत्ता ७ ।
सव्वेऽवि णं कंचणगपव्वया एगमेगं जोयणसयं उट्ठं उच्चत्तेणं पन्नत्ता,
एगमेगं गाउयसयं उव्वेहेणं पन्नत्ता, एगमेगं जोयणसयं मूले विक्खंभेणं
पन्नत्ता ८ ॥ सूत्रं १०० ॥

चंदप्पभे णं अरहा दिवड्ढं धणुसयं उच्चत्तेणं होत्था १ । आरणो कप्पे
दिवड्ढं विमाणावाससयं पन्नत्तं २ । एवं अच्चुएऽवि ३ । (१५०) ॥ सूत्रं १०१ ॥
सुपासे णं अरहा दो धणुसया उट्ठं उच्चत्तेणं होत्था १ । सव्वेऽवि णं महा-
हिमवंतरुप्पीवासहरपव्वया दो दो जोयणसयाइं उट्ठं उच्चत्तेणं पन्नत्ता, दो दो
गाउयसयाइं उव्वेहेणं पन्नत्ता २ । जम्बुदीवे णं दीवे दो कंचणपव्वयसया
पन्नत्ता ३ (२००) ॥ सूत्रं १०२ ॥ पउमप्पभे णं अरहा अट्ठाइज्जाइं धणुस-
याइं उट्ठं उच्चत्तेणं होत्था १ । असुरकुमाराणं देवाणं पासायवड्डिसगा
अट्ठाइज्जाइं जोयणसयाइं उट्ठं उच्चत्तेणं पन्नत्ता २ (२५०) ॥ सूत्रं १०३ ॥
सुमई णं अरहा तिरिण धणुसयाइं उट्ठं उच्चत्तेणं होत्था १ । अरिट्ठनेमी णं
अरहा तिरिण वाससयाइं कुमारवासमज्जे वसित्ता मुंडे भवित्ता जाव
पव्वइए २ । वेमाणियाणं देवाणं विमाणपागारा तिरिण तिरिण जोयण-
सयाइं उट्ठं उच्चत्तेणं पन्नत्ता ३ । समणस्स भगवओ महावीरस्स तिन्नि सयाणि
चोहसपुव्वीणं होत्था, पंचधणुसइयस्स णं अंतिमसारीरियस्स सिद्धिगयस्स
सातिरेगाणि तिरिण धणुसयाणि जीवप्पदेसोगाहणा पन्नत्ता ४ (३००)

॥ सूत्रं १०४ ॥ पासस्स णं अरहत्तो पुरिसादाणीयस्स अद्दुट्टसयाइं चौहस-
पुब्बीणं संपया होत्था १ । अभिनंदणे णं अरहा अधुट्टाइं धणुसयाइं उट्ठं
उच्चत्तेणं होत्था २ (३५०) ॥ सूत्रं १०५ ॥

संभवे णं अरहा चत्तारि धणुसयाइं उट्ठं उच्चत्तेणं होत्था १ । सव्वे-
ऽवि णं णिसदनीलवंता वासहरपव्वया चत्तारि चत्तारि जोयणसयाइं उट्ठं
उच्चत्तेणं चत्तारि चत्तारि गाउयसयाइं उव्वेहेणं पन्नत्ता २ । सव्वेऽवि णं
वक्खारपव्वया णिसदनीलवंतवासहरपव्वयए णं चत्तारि चत्तारि जोयणसयाइं
उट्ठं उच्चत्तेणं चत्तारि चत्तारि गाउयसयाइं उव्वेहेणं पन्नत्ते ३ । आणयपाणा-
णसु दोसु कप्पेसु चत्तारि विमाणसया पन्नत्ता ४ । समणस्स णं भगवत्तो
महावीरस्स चत्तारि सया वाईणं सदेवमणुयासुरंमि लोगंमि वाए अपराजियाणं
उक्कोसिया वाइसंपया होत्था (४००) ॥ सूत्रं १०६ ॥ अजिते णं अरहा
अद्धपंचमाइं धणुसयाइं उट्ठं उच्चत्तेणं होत्था १ । सगरे णं राया चाउरंतच-
क्कवट्ठी अद्धपंचमाइं धणुसयाइं उट्ठं उच्चत्तेणं होत्था २ (४५०) ॥ सूत्रं १०७ ॥
सव्वेऽवि णं वक्खारपव्वय सीत्था सीत्तोत्तात्तो महानईत्तो मंदरपव्वयंतेणं
पंच पंच जोयणसयाइं उट्ठं उच्चत्तेणं पंच पंच गाउयसयाइं उव्वेहेणं पन्नत्तात्तो
१ । सव्वेऽवि णं वासहरकूडा पंच पंच जोयणसयाइं उट्ठं उच्चत्तेणं होत्था, मूले
पंच पंच जोयणसयाइं विक्खंभेणं पन्नत्ता २ । उसभे णं अरहा कोसलिए पंच
धणुसयाइं उट्ठं उच्चत्तेणं होत्था ३ । भरहे णं राया चाउरंतचक्कवट्ठी पंचधणु-
सयाइं उट्ठं उच्चत्तेणं होत्था ४ । सोमणसगंधमादणविज्जुप्पम मालवंताणं
वक्खारपव्वयाणं मंदरपव्वयंतेणं पंच (२) जोयणसयाइं उट्ठं उच्चत्तेणं पंच पंच
गाउयसयाइं उव्वेहेणं पन्नत्ता ५ । सव्वेऽवि णं वक्खारपव्वयकूडा हरिहरिस्स-
हकूडवज्जा पंच पंच जोयणसयाइं उट्ठं उच्चत्तेणं मूले पंच पंच जोयणसयाइं
आयामविक्खंभेणं पन्नत्ता ६ । सव्वेऽवि णं नंदणकूडा बलकूडवज्जा पंच पंच
जोयणसयाइं उट्ठं उच्चत्तेणं मूले पंच पंच जोयणसयाइं आयाममविक्खंभेणं

पन्नत्ता ७ । सोहम्मीसाणोणु कप्पेसु विमाणा पंच (२) जोयणसयाइं उट्ठं उच्चत्तेणां पन्नत्ता ८ (५००) ॥ सूत्रं १०८ ॥ सराङ्कुमारमाहिंदेसु कप्पेसु विमाणा छजोयणसयाइं उट्ठं उच्चत्तेणां पन्नत्ता १ । चुल्लहिमवंतकूडस्स उव-
रिल्लाओ चरमंताओ चुल्लहिमवंतस्स वासहरपव्वयस्स समधरणितले एस गां छ जोयणसयाइं अवाहाए अंतरे पन्नत्ते २ । एवं सिहरीकूडस्सवि ३ । पासस्स गां अरहओ छ सया वाईणां सदेवमाणुयासुरे लोय वाए अपराजियाणां उक्को-
सिया वाईसंपया होत्था ४ । अभिचंदे गां कुलगरे छ धणुसयाइं उट्ठं उच्चत्तेणां होत्था ५ । वासुपुज्जे गां अरहा छहिं पुरिससएहिं सद्धिं मुंडे भवित्ता अगाराओ अणुगारियं पव्वइए ६ । (६००) ॥ सूत्रं १०९ ॥
बंभलंतएसु कप्पेसु विमाणा सत्त सत्त जोयणसयाइं उट्ठं उच्चत्तेणां पन्नत्ता १ । समणस्स गां भगवओ महावीरस्स सत्त जिणसया होत्था २ । समणस्सगां भगवओ महावीरस्स सत्त वेउव्वियसया गां होत्था ३ ।
अरिट्ठिनेमी गां अरहा सत्त वाससयाइं देसूणाइं केवलपरियागं पाउणित्ता सिद्धे बुद्धे जावप्पहीणे ४ । महाहिमवंतकूडस्स गां उवरिल्लाओ चरमंताओ महाहिमवंतस्स वासहरपव्वयस्स समधरणितले एस गां सत्त जोयणसयाइं अवाहाए अंतरे पन्नत्ते ५ । एवं रुप्पिकूडस्सवि ६ (७००) सूत्रं ११० ॥

महासुक्कसहस्सारेसु दोसु कप्पेसु विमाणा अट्ठ जोयणसयाइं उट्ठं उच्चत्तेणां पन्नत्ता १ । इमीसे गां रयणप्पभाए पुट्ठीए पट्ठमे कंडे अट्ठसु जोयण-
सएसु वाणमंतरभोमेज्जविहारा पन्नत्ता २ । समणस्स गां भगवओ महावीरस्स अट्ठसया अणुत्तरोववाइयाणां देवाणां गइक्कलाणाणां ठिक्कलाणाणां आगमेसि-
भदाणां उक्कोसिया अणुत्तरोववाइयसंपया होत्था ३ । इमीसे गां रयणप्पभाए पुट्ठीए बहुसमरमणिज्जाओ भूमिभागाओ अट्ठहिं जोयणसएहिं सूरिए चारं चरति ४ । अरहओ गां अरिट्ठिनेमिस्स अट्ठ सयाइं वाईणां सदेवमाणुयासुरंमि-
लोगंमि वाए अपराजियाणां उक्कोसिया वाईसंपया होत्था ५ (८००)

एस णं पंच जोयणसयसहस्साइं अवाहाए अंतरे पन्नत्ते (५०००००)
 ॥ सूत्रं १२८ ॥ भरहे णं राया चाउरंतचक्कवट्टी छ पुव्वसयसहस्साइं
 रायमज्जे वसित्ता मुंडे भवित्ता अगाराओ अणगारियं पव्वइए
 (६०००००) ॥ सूत्रं १२९ ॥ जम्बूदीवस्स णं दीवस्स
 पुरच्छिमिल्लाओ वेइयंताओ धायइखंडचक्कवालस्स पच्चच्छिमिल्ले चरमंते
 सत्त जोयणसयसहस्साइं अवाहाए अंतरे पन्नत्ते, (७०००००)
 ॥ सूत्रं १३० ॥ माहिदे णं कप्पे अट्ट विमाणावाससयसहस्साइं पन्नत्ते,
 (८०००००) ॥ सूत्रं १३१ ॥ अजियस्स णं अरहओ साइरेगाइं नव
 ओहिनाणिसहस्साइं होत्था (९०००००) ॥ सूत्रं १३२ ॥ पुरिससीहे णं
 वासुदेवे दस वाससयसहस्साइं सव्वाउयं पालइत्ता पश्चमाए पुट्ठीए नेरइएसु
 नेरइयत्ताए उववन्ने (१००००००) ॥ सूत्रं १३३ ॥ समणे भगवं
 महावीरे तित्थगरभवग्गहणाओ छट्टे पोट्टिलभवग्गहणे एगं वासकोडिं
 सामन्नपरियागं पाउणित्ता सहस्सारे कप्पे सव्वट्टविमाणे देवत्ताए उववन्ने
 (१०००००००) ॥ सूत्रं १३४ ॥ उसभसिरिस्स भगवओ चरिमस्स य
 महावीरवद्धमाणस्स एगा सागरोवमकोडाकोडी अवाहाए अंतरे पन्नत्ते
 (१०००००००००००००००) ॥ सूत्रं १३५ ॥

दुवालसंगे गणपिडगे पन्नत्ते, तंजहा-आयारे सूयगडे ठरणे समवाए
 विवाहपन्नत्ती णायाधम्मकहाओ उवासगदसाओ अंतगडदसाओ अणुत्तरो-
 ववाइयदसाओ परहावागरणाइं विवागसुए दिट्ठिवाए १ । से किं तं आयारे ?
 आयारे णं समणाणं निग्गंथाणं आयारगोयर-विणयवेणइयट्ठाण-गमणचंकम
 णपमाणजोगजुंजण-भासासमितिगुत्ती-सेज्जोवहि-भत्तपाण-उग्गमउप्पायणा-एस-
 णाविसोहि-सुद्धासुद्धग्गहण-त्रयणियम-तवोवहाण-सुप्पसत्थमाहिज्जइ २ ।
 से समासओ पञ्चविहे पन्नत्ते, तंजहा-णाणायारे दंसणायारे चरित्तायारे
 तवायारे विरियायारे ३ । आयारस्स णं परित्ता वायणा संखेज्जा अण-

श्रोगदारा संखेजाश्रो पडिवत्तीश्रो संखेजा वेदा संखेजा सिलोगा संखेजाश्रो
 निज्जुत्तीश्रो ४ । से णं अंगट्टयाए पढमे अंगे दो सुयक्खंधा पणावीसं अज्झ-
 यणा पंचासीइं उद्देसणाकाला पंचासीइं समुद्देसणाकाला अट्टारस पदसह-
 स्साइं पदग्गेणं संखेजा अक्खरा अणांता गमा अणांता पज्जा परिता तसा
 अणांता थावरा सासया कडा निबद्धा णिकाइया जिणपराणात्ता भावा आघवि-
 ज्जंति पराणविज्जंति परूविज्जंति दंसिज्जंति निदंसिज्जंति उवदंसिज्जंति
 ५ । से एवं णाया एवं विराणाया एवं चरणाकरणपरूवणाया आघविज्जंति
 पराणविज्जंति परूविज्जंति दंसिज्जंति निदंसिज्जंति उवदंसिज्जंति ६ ।
 से त्तं आयारे ७ ॥ सूत्रं १३६ ॥ से किं तं सूत्रगडे ? सूत्रगडे णं सस-
 मया सूइज्जंति परसमया सूइज्जंति ससमयपरसमया सूइज्जंति जीवा
 सूइज्जंति अजीवा सूइज्जंति जीवाजीवा सूइज्जंति लोगो सूइज्जति अलोगो
 सूइज्जति लोगालोगो सुइज्जति १ । सूत्रगडे णं जीवाजीव-पुराणपावासव-
 संवरनिज्जराण-बंधमोक्खावसाणा पयत्था सुइज्जंति २ । समणाणं अचिरका-
 लपव्वइयाणं कुसमयमोह-मोहमइमोहियाणं संदेहजाय-सहजबुद्धिपरिणाम-
 संसइयाणं पावकरमलिन-मइगुणविसोहणात्थं असीअस्स किरियावाइयसयस्स
 चउरासीए अकिरियवाईणं सत्तट्टीए अराणाणियवाईणं बत्तीसाए वेणइयवा-
 ईणं तिराहं तेवट्टीणं अराणादिट्टियसयाणं वूहं किच्चा ससमए ठविज्जति
 णाणादिट्टं तवयणाणिस्सारं सुट्टु दरिसयंता विविहवित्थराणागमपरमसवभाव-
 गुणविसिद्धा मोक्खपहोयारगा उदारा अराणाणतमंधकारदुग्गेषु दीवभूआ
 सोवाणा चेव सिद्धिसुगइगिहुत्तमस्स णिक्खोभनिप्पकंपा सुत्तत्था २ । सुयग-
 डस्स णं परिता वायणा संखेजा अणुश्रोगदारा संखेजाश्रो पडिवत्तीश्रो
 संखेजा वेदा संखेजा सिलोगा संखेजाश्रो निज्जुत्तीश्रो ३ । से णं अङ्गट्ट-
 याए दोच्चे अंगे दो सुयक्खंधा तेवीसं अज्झयणा तेत्तीसं उद्देसणाकाला
 तेत्तीसं समुद्देसणाकाला वत्तीसं पदसहस्साइं पयग्गेणं पत्रत्ताइं ४ । संखेजा

॥ सूत्रं १११ ॥ आण्यपाण्यआरण्यञ्चुएसु कप्पेसु विमाणा नव नव जोयणसयाइं उड्डं उच्चत्तेणं पन्नत्ता १ । निसदकूडस्स णं उवरिल्लाओ सिहरतलाओ णिसदस्स वासहरपव्वयस्स समे धरणितले एस णं नव जोयणसयाइं अवाहाए अंतरे पन्नत्ते २ । एवं नीलवंतकूडस्सवि ३ । विमलवाहणे णं कुलगरे णं नव धणसयाइं उड्डं उच्चत्तेणं होत्था ४ । इमीसे णं रयणप्पभाए बहुसमरमणिजाओ भूमिभागाओ नवहिं जोयणसएहिं सच्चुवरिमे तारारूवे चारं चरइ ५ । निसदस्स णं वासहरपव्वयस्स उवरिल्लाओ सिहरतलाओ इमीसे णं रयणप्पभाए पुट्ठीए पट्टमस्स कंडस्स बहुमज्झदेसभाए एस णं नव जोयणसयाइं अवाहाए अंतरे पन्नत्ते ६ । एवं नीलवंतस्सवि ७ (१००)

॥ सूत्रं ११२ ॥ सव्वेऽवि णं गेवेज्जविमाणे दस दस जोयणसयाइं उड्डं उच्चत्तेणं पन्नत्ते १ । सव्वेऽवि णं जमगपव्वया दस दस जोयणसयाइं उड्डं उच्चत्तेणं पन्नत्ता, दस दस गाउयसयाइं उव्वेहेणं पन्नत्ता, मूले दस दस जोयणसयाइं आयामविवखंभेणं पन्नत्ता २ । एवं चित्तविचित्तकूडावि भाणियव्वा ३ । सव्वेऽवि णं वट्टवेयड्डपव्वया दस दस जोयणसयाइं उड्डं उच्चत्तेणं पन्नत्ता, दस दस गाउयसयाइं उव्वेहेणं पन्नत्ता, मूले दस दस जोयणसयाइं विवखंभेणं पन्नत्ता ४ । सव्वत्थ समा पल्लगसंठाणसंठिया पन्नत्ता ५ । सव्वेऽवि णं हरिहरिस्सहकूडा ववखारकूडवजा दस दस जोयणसयाइं उड्डं उच्चत्तेणं पन्नत्ता, मूले दस जोयणसयाइं विवखंभेणं ६ । एवं वलकूडावि नंदएकूडवजा ७ । अरहावि(णं) अरिड्ढेमी दस वाससयाइं सव्वाउयं पालइत्ता सिद्धे बुद्धे जाव सव्वदुक्खप्पहीणे ८ । पासस्स णं अरहओ पुरिसादानीयस्स दस सयाइं जिणाणं होत्था ९ । पासस्स णं अरहओ दस अन्तेवासीसयाइं कालागयाइं जाव सव्वदुक्खप्पहीणाइं १० । पउमइहपुंढरीयइहा य दस दस जोयणसयाइं आयामेणं पन्नत्ता ११ (१०००) ॥ सूत्रं ११३ ॥ अणुत्तरोववाइयाणं देवाणं विमाणा एकारस जोयणसयाइं उड्डं उच्चत्तेणं पन्नत्ता १ । पासस्स णं

अरहत्रो पुरिसादानीयस्स इकारस सयाइं वेउव्वियाणां होत्था २ (११००)
 ॥ सूत्रं ११४ ॥ महापउममहापुंडरीयदहा णं दो दो जोयणासहस्साइं
 आयामेणां पन्नत्ता (२०००) ॥ सूत्रं ११५ ॥ इमीसे णं रयणाप्पभाए
 पुढ्वीए वइरकंडस्स उवरिल्लाओ चरमंताओ लोहियक्खकंडस्स हेट्टिल्ले
 चरमंते एस णं तिन्नि जोयणासहस्साइं अवाहाए अंतरे पन्नत्ते (३०००)
 ॥ सूत्रं ११६ ॥ तिगिच्छिकेसरिदहाणां चत्तारि चत्तारि जोयणासहस्साइं
 आयामेणां पन्नत्ता (४०००) ॥ सूत्रं ११७ ॥ धरणिंतले मंदरस्स णं
 पव्वयस्स बहुमज्झदेसभाए रुयगनाभीओ चउदिसिं पञ्च (२) जोयणासहस्साइं
 अवाहाए अंतरे मंदरपव्वए पन्नत्ते (५०००) ॥ सूत्रं ११८ ॥ सहस्सारे
 णं कप्पे छ विमाणावाससहस्सा पन्नत्ते (६०००) ॥ सूत्रं ११९ ॥ इमीसे
 णं रयणाप्पभाए पुढ्वीए रयणास्स कंडस्स उवरिल्लाओ चरमंताओ पुलगस्स
 कंडस्स हेट्टिल्ले चरमंते एस णं सत्त जोयणासहस्साइं अवाहाए अंतरे
 पन्नत्ते (७०००) ॥ सूत्रं १२० ॥ हरिवासरम्मयाणां वासा अट्ट जोयणा-
 सहस्साइं सागरेगाइं वित्थरेणां पन्नत्ता (८०००) ॥ सूत्रं १२१ ॥
 दाहिणाइभरहस्स णं जीवा पाईणापडीणायथा दुहओ समुद्धं पुट्टा नव
 जोयणासहस्साइं आयामेणां पन्नत्ता (९०००) ॥ सूत्रं १२२ ॥ मंदरे णं
 पव्वए धरणिंतले दस जोयणासहस्साइं विक्खंभेणां पन्नत्ते (१००००)
 ॥ सूत्रं १२३ ॥ जम्बूदीवेणां दीवे एगं जोयणासयसहस्सं आयामविक्खंभेणां पन्नत्ते
 (१०००००) ॥ सूत्रं १२४ ॥ लवणे णं समुद्धे दो जोयणासयसहस्साइं
 चक्कवालविक्खंभेणां पन्नत्ते (२०००००) ॥ सूत्रं १२५ ॥ पासस्स णं
 अरहत्रो तिन्नि सयसाहस्सीओ सत्तावीसं च सहरसाइं उक्कोसिया साविया-
 संपया होत्था (३०००००) ॥ सूत्रं १२६ ॥ धायइखंडे णं दीवे चत्तारि
 जोयणासयसहस्साइं चक्कवालविक्खंभेणां पन्नत्ते (४०००००) ॥ सूत्रं १२७ ॥
 लवणास्स णं समुद्धस्स पुरच्छिमिल्लाओ चरमंताओ पच्चच्छिमिल्ले चरमंते

अक्षरा अण्ता गमा अण्ता पञ्चवा परित्ता तसा अण्ता थावरा सासया कडा शिवद्धा शिकाइया जिणपराणत्ता भावा आघविज्जंति पराणविज्जंति परुविज्जंति निदंसिज्जंति उवदंसिज्जंति ५ । से एवं आया एवं णाया एवं विराणाया एवं चरणकरणापरुवणाया आघविज्जंति पराणविज्जंति परुविज्जंति निदंसिज्जंति उवदंसिज्जंति ६ । से तं सूत्रगडे (२) ७ ॥ सूत्रं १३७ ॥

से किं तं ठाणे ? ठाणेणं ससमया ठाविज्जंति परसमया ठाविज्जंति ससमय-परसमया ठाविज्जंति जीवा ठाविज्जंति अजीवा ठाविज्जंति जीवाजीवा ठावि-ज्जंति लोगा ठाविज्जंति अलोगा ठाविज्जंति लोगालोगा ठाविज्जंति १ ।

ठाणेणं दव्वगुणखेत्तकालपञ्चव-पयत्थाणं—सेला सलिला य समुद्दा सूरभव-णाविमाण आगर णदीओ । णिहिओ पुरिसजाया (पस्सजोया) सरा य गोत्ता य जोइमंचाला ॥ १ ॥ एकविहवत्तव्वयं दुविह जाव दसविहवत्तव्वयं जीवाण पोगगलाण य लोगट्टाइं च णं परुवणाया आघविज्जंति जाव उवदं-सिज्जंति २ । ठाणस्स णं परित्ता वायणा संखेज्जा अणुओगदारा संखेज्जाओ पड्वितीओ संखेज्जा वेढा संखेज्जा सिलोगा संखेज्जाओ संगहणीओ ३ । से णं अंगट्टयाए तइए अंगे एगे सुयक्खंधे दस अज्भयणा एकवीसं उद्देसाण-काला वावत्तरिं पयमहस्साइं पयग्गेणं पन्नत्ताइं ४ । संखेज्जा अक्षरा अण्ता-पञ्चवा परित्ता तसा अण्ता थावरा सासया कडा शिवद्धा शिकाइया जिणपराणत्ता भावा आघविज्जंति पराणविज्जंति परुविज्जंति निदंसिज्जंति उवदंसिज्जंति ५ । से एवं आया एवं णाया एवं विराणाया एवं चरणकरणापरु-वणाया आघविज्जंति जाव उवदंसिज्जंति ६ । सेत्तं ठाणे (३) ७ ॥ सूत्रं १३८ ॥

से किं तं समवाए ? समवाएणं ससमया सूइज्जंति परसमया सूइज्जंति ससमयपरसमया सूइज्जंति जाव लोगालोगा सूइज्जंति १ । समवाएणं एकाइयाणं एगट्टाणं एगुत्तरियपरिवुट्ठीए दुवालसंगस्स य गणिपिडगस्स पल्लवग्गे समणुगाइज्जइ ठाणगसयस्स वारसविहवित्थरस्स सुयणाणस्स

जगजीवहियस्स भगवओ समासेणं समोयारे आहिज्जति २ । तत्थ य
 णाणाविहप्पगारा जीवाजीवा य वरिणया वित्थरेण अवरेऽवि अ बहुविहा
 विसेसा नरगतिरियमणुअसुरगणाणं आहारुस्सासलेसा-आवाससंखआययप्प-
 माण-उववायचवणउग्गहणोवहि-वेयणविहाण-उवओगजोगइंदियकसाय विविहा
 य जीवजोणी विक्खंभुस्सेहपरिरयप्पमाणां विहिविसेसा य मंदरादीणां मही-
 धराणां कुलगरतित्थगरगणहराणां सम्मत्तभरहाहिवाण चक्कीणां चैव चक्कर-
 हलहराण य वासाण य निगमा य समाए एए अरणो य एवमाइ एत्थ
 वित्थेरेणं अत्था समाहि(मवा)ज्जंति ३ । समवायस्स णं परित्ता वायणा
 जाव से णं अङ्गट्टयाए चउत्थे अंगे एगे अज्जयणो एगे सुयक्खंधे एगे
 उद्देसणकाले एगे चउयाले पदसहस्से पदग्गेणं पन्नत्ते ४ । संखेज्जाणि
 अक्खराणि जाव चरणकरणपरुवणाया आघविज्जंति जाव उवदंसिज्जंति
 ५ । से त्तं समवाए ६ ॥ सूत्रं १३६ ॥ से किं तं वियाहे ? वियाहेणं
 ससमया विआहिज्जंति परसमया विआहिज्जंति ससमयपरसमया विआ-
 हिज्जंति जीवा विआहिज्जंति अजीवा विआहिज्जंति जीवाजीवा विआ-
 हिज्जंति लोगे विआहिज्जइ अलोए वियाहिज्जइ लोगालोगे विआहिज्जइ १ ।
 वियाहेणं नाणाविहसुरनरिंद-रायरिसि-विविहसंसइअपुच्छियाणं जिणोणं
 वित्थरेण भासियाणं दव्वगुणखेत्तकाल-पज्जवपदेसपरिणाम-जहच्छिट्ठियभाव-
 अणुगमनिक्खेव-णयप्पमाण-सुनिउणोवक्कम-विविहप्पकार-पगडपयासियाणं
 लोगालोगपयासियाणं संसारसमुद्द-रुंदउत्तरणसमत्थाणं सुरवइसंपूजियाणं
 भवियजणपयहिययाभिन्दियाणं तमरयविद्धंसणाणं सुदिट्ठदीवभूय ईहामतिबु-
 द्धिवद्धणाणं छत्तीससहस्समणूयाणं वागरणाणं दंसणाओ सुयत्थवहुविह-
 प्पगारा सीसहियत्था य गुण(म)हत्था २ । वियाहस्स णं परित्ता
 वायणा संखेज्जा अणुओगदारा संखेज्जाओ पडिवत्तीओ संखेज्जा वेढा संखेज्जा
 सिलोगा संखेज्जाओ निज्जुत्ती(सज्जहणी)ओ ३ । से णं अंगट्टयाए पञ्चमे

अंगे एगे सुयक्खंधे एगे साइरेगे अज्भयणासते दस उद्देसगसहस्साइं दस
समुद्देसगसहस्साइं छत्तीसं वागरणासहस्साइं चउरासीई पथसहस्साइं पयग्गेणं
पराणात्ता ४ । संखेजाइं अक्खराइं अणांता गमा अणांता पज्जवा परिता
तसा अणांता थावरा सासया कडा शिवद्धा शिकाइया जिणपराणात्ता भावा
आघविज्जंति पराणविज्जंति परूविज्जंति निदंसिज्जंति उवदंसिज्जंति ५ ।
से एवं आया से एवं गाया एवं विराणाया एवं चरणाकरणापरूवणाया आघ-
विज्जंति जाव उवदंसिज्जंति ६ । सेत्तं वियाहे (५) ७ ॥ सूत्रं १४० ॥

से किं तं गायाधम्मकहाओ ? गायाधम्मकहासु णं गायाणां गागराइं उजा-
णाइं चेइआइं वणाखंडा रायाणो ५ अम्मापियरो समोसरणाइं धम्मायरिया
धम्मकहाओ इहलोइयपरलोइअइद्धीविसेसा १० भोगपरिचाया पव्वजाओ
सुयपरिग्गहातवोवहाणाइं परियागा १५ संलेहणाओ भत्तपच्चक्खाणाइं
पाओवगमणाइं देवलोगगमणाइं सुकुलपचायायाइं २० पुणावोहिलाभा
अंतकिरियाओ २२ य आघविज्जंति जाव नायाधम्मकहासु णं पव्वइयाणां
(समणाणां) विणायकरणाजिणासामिसासणा(प)वरे संजमपईरणा(पालणा)धिइमइ-
ववसायदुच्चलाणां १ तवनियमतवोवहाणरणदुद्धरभरभरगयणिस्सहय-
णिसिट्ठाणां २ घोरपरीसहपराजियाणां सहपरुद्धरुद्ध(पराजियासहपारद्ध)
सिद्धालयमग्गनिग्गयाणां ३ विसयसुह(महेच्छा)तुच्छआसावसदोसमु-
च्छियाणां ४ विराहियचरित्तनाणादंसणाजइगुणाविविहप्पयारनिस्सारसुन्नयाणां
५ संसारअपारदुक्खदुग्गइभवविविहपरंपरापवंचा ६ धीराणा य जियपरिसह-
कसायसेराणाधिइधणियसंजमउच्छाहनिच्छियाणां ७ आराहियनाणादंसणाचरित्त-
जोगनिस्सल्लसुद्धसिद्धालयमग्गमभिमुहाणां सुरभवणाविमाणसुक्खाइं अणो-
वमाइं भुत्तूणा चिरं च भोगभोगाणि ताणि दिव्वाणि महरिहाणि ततो य
कालकमचुयाणां जह य पुणो लद्धसिद्धिमग्गाणां अंतकिरिया चलियाणा य
सदेवमाणस्सधीरकरणाकारणाणि बोधणाअणुसासणाणि गुणादोसदरिसणाणि

दिष्टं ते पञ्चये य सौज्या लोममुष्णिणो जहद्वियसासणाम्मि जरमरणानासणकरे
 आराहिअसंजमा य सुरलोगपडिनियत्ता ओवेन्ति जह सासयं सिवं सब्व-
 दुक्खमोक्खं १ । एए अरणो य एवमाइअत्था वित्थरेण य, णायाधम्म-
 कहासु णं परित्ता वायणा संखेज्जा अणुओगदारा जाव संखेज्जाओ संगह-
 णीओ २ । से णं अंगट्टयाए ळट्टे अंगे दो सुअक्खंधा एगूणावीसं अज्झ-
 यणा, ते समासओ दुविहा पराणत्ता, तंजहा-चरिता य कप्पिया य ३ ।
 दस धम्मकहाणं वग्गा, तत्थ णं एगमेगाए धम्मकहाए पंच पंच अक्खाइया-
 सयाइं एगमेगाए अक्खाइयाए पंच पंच उवक्खाइयासयाइं एगमेगाए उव-
 क्खाइयाए पंच पंच अक्खाइयउवक्खाइयासयाइं एवमेव सपुव्वावरेणं
 अद्धुट्ठाओ अक्खाइयाकोडीओ भवंतीति मक्खायाओ ४ । एएगूणातीसं
 उद्देसणाकाला एगूणातीसं समुद्देसणाकाला संखेज्जाइं पयसहस्साइं पयग्गेणं
 पराणत्ता संखेज्जा अक्खरा जाव चरणाकरणापरुवणया आघविज्जंति
 जाव उवदंसिज्जंति ५ । सेत्तं णायाधम्मकहाओ (६) ६ ॥ सूत्रं १४१ ॥
 से किं तं उवासगदसाओ ? उवासगदसासु णं उवासयाणं णगराइं उज्जा-
 णाइं चेइयाइं वणखंडा रायाणो अम्मापियरो समोसरणाइं धम्मायरिया
 धम्मकहाओ इहलोइयपरलोइयइड्ढिविसेसा उवासयाणं सीलव्वयवेरमणगु-
 णपच्चक्खाणपोसहोववासपडिवज्जणयाओ सुयपरिग्गहा तवोवहाणा पडिमाओ
 उवसग्गा संलेहणाओ भत्तपच्चक्खाणाइं पाओवगमणाइं देवलोगगमणाइं
 सुकुलपचायाया पुणो बोहिलाभा अंतकिरियाओ आघविज्जंति, उवासगद-
 सासु णं उवासयाणं रिद्धिविसेसा परिसा वित्थरधम्मसवणाणि बोहिलाभ-
 अभिगमसम्मत्तविसुद्धया थिरत्तं मूलगुणउत्तरगुणाइयारा ठिईविसेसा य
 बहुविसेसा पडिमाभिग्गहग्गहाणपालणा उवसग्गाहियासणा णिरुवसग्गा य
 तवा य विचित्ता सीलव्वयगुणवेरमणपच्चक्खाणपोसहोववासा अपच्छिममार-
 णंतियसंलेहणाभोसणाहिं अप्पाणं जह य भावइत्ता बहुणि भत्ताणि अणस-

णाए य छेअइत्ता उववराणा कप्पवरविमाणुत्तमेसु जह अणुभवन्ति सुरवरवि-
 माणवरपोंडरीएसु सोवखाइं अणोवमाइं कमेण भुत्तूण उत्तमाइं तथो आउ-
 क्खएणं चुया समाणा जह जिणमयम्मि बोहिं लद्धूण य संजमुत्तमं तमरयोघ-
 विप्पमुक्का उवेति जह अक्खयं सव्वदुक्खमोक्खं १ । एते अन्ने य एवमाइ-
 अत्था वित्थरेण य २ । उवासयदसासु णं परित्ता वायणा संखेज्जा अणु-
 अोगदारा जाव संखेज्जाओ संगहणीओ ३ । से णं अंगट्टयाए सत्तमे अंगे
 एगे सुयक्खंधे दस अज्झयणा दस उद्देसणाकाला दस समुद्देसणाकाला
 संखेज्जाइं पयसयसहस्साइं पयग्गेणं पन्नत्ताइं ४ । संखेज्जाइं अक्खराइं जाव
 एवं चरणकरणपरूवणाया आघविज्जन्ति जाव उवदंसिज्जन्ति ५ । सेत्तं
 उवासगदसाओ (७) ६ ॥ सूत्रं १४२ ॥ से किं तं अंतगडदसाओ ?
 अंतगडदसासु णं अंतगडाणं णगराइं उज्जाणाइं चेइयाइं वणाइं राया
 अम्मापियरो समोसरणा धम्मायरिथा धम्मकहा इहलोइयपरलोइअइद्धिविसेसा
 भोगपरिच्चाया पव्वजाओ सुयपरिग्गहा तवोवहाणाइं पडिमाओ बहु-
 विहाओ खमा अज्जवं महवं च सोअं च सच्चसहियं सत्तरसविहो य संजमो
 उत्तमं च वंभं आकिंचणाया तवो चियाओ समिइगुत्तीओ चैव तह अप्पमा-
 यजोगो सज्जायज्जाणेण य उत्तमाणां दोराहंपि लक्खणाइं पत्ताण य
 संजमुत्तमं जियरीसहाणां चउव्विहकम्मक्खयम्मि जह कैवलस्स लंभो
 परियाओ जत्तियो य जह पालियो मुण्हिं पाथोवगओ य जो जहिं
 जत्तियाणि भत्ताणि छेअइत्ता अंतगडो मुनिवरो तमरयोघविप्पमुक्को मोक्ख-
 सुहमणांतरं च पत्ता एए अन्ने य एवमाइअत्था वित्थारेणं परूवेई(विज्जन्ति),
 अंतगडदसासु णं परित्ता वायणा संखेज्जा अणुअोगदारा जाव संखेज्जाओ
 संगहणीओ २ । जाव से णं अंगट्टयाए अट्टमे अंगे एगे सुयक्खंधे दस अज्झ-
 यणा सत्तवग्गा दस उद्देसणाकाला दस समुद्देसणाकाला संखेज्जाइं पयसयसह-
 स्साइं पयग्गेणं पणात्ता संखेज्जा अक्खरा जाव एवं चरणकरणपरूवणाया

आघविज्जंति जाव उवदंसिज्जंति ३ । सेत्तं अंतगडदसाथो (८) ४ ॥ सूत्रं १४३ ॥
 से किं तं अणुत्तरोववाइयदसाथो ? अणुत्तरोववाइयदसासु गां अणुत्तरोववाइ-
 याणां नगराइं उज्जाणाइं चेइयाइं वणाखंडा रायाणो अम्मापियरो समोसरणाइं
 धम्मायरिया धम्मकहाथो इहलोगपरलोगइड्डिविसेसा भोगपरिचाया पव्व-
 जाथो सुयपरिग्गहा तवोवहाणाइं परियागो पडिमाथो संलेहणाथो भत्तपाणा-
 पच्चक्खाणाइं पाथोवगमणाइं अणुत्तरोववाथो सुकुलपचायाया पुणो बोहिलाभो
 अंतकिरियाथो य आघविज्जंति १ । अणुत्तरोववाइयदसासु गां तित्थकरस-
 मोसरणाइं परमंगल्लजगहियाणि जिणातिसेसा य बहुविसेसा जिणासीसाणां चव
 समणागणपवरगंधहत्थीणां थिरजसाणां परिसहसेराणारिउवलपमद्दणाणां तव(दव)-
 दित्तचरित्तणाणासम्मत्तसारविविहप्पगारवित्थरपसत्थगुणसंजुयाणां(गुणज्भयाणां)
 अणागारमहरिसीणां अणागारगुणाणा वराणाथो उत्तमवरतवविसिट्ठणाणाजंग-
 जुत्ताणां जह य जगहियं भगवथो जारिसा इड्डिवसेसा देवासुरमाणुसाणां
 परिसाणां पाउब्भावा य जिणासमीवं जह य उवासंति जिणावरं जह य
 परिकहंति धम्मं लोगगुरू अमरनरसुरगणाणां सोऊणा य तस्स भासियं अव-
 सेसकम्मविसयविरत्ता नरा जहा अब्भुवेति धम्ममुरालं संजमं तवं चावि
 बहुविहप्पगारं जह बहुणि वासाणि अणुचरित्ता आराहियणाणांसणाचरित्त-
 जोगा जिणावयणमणागयमहियं(वयणाणागइसु)भासित्ता जिणावराणा हिययेण-
 मणागोत्ता जे य जहिं जत्तियाणि भत्ताणि छेअइत्ता लद्धणा य समाहिमुत्तम-
 ज्भाणाजोगजुत्ता उववन्ना मुणिवरोत्तमा जह अणुत्तरेसु पावंति जह अणुत्तरं
 तत्थ विसयसोक्खं तथो य चुत्था कमेण काहिति संजया जहा य अंतकिरियं
 एए अन्ने य एवमाइअत्था वित्थरेण २ । अणुत्तरोववाइयदसासु गां परित्ता
 वायणा संखेज्जा अणुथोगदारा संखेज्जाथो संगहणीथो ३ । से गां अंगट्टयाए
 नवमे अंगे एगे सुयक्खंधे दस अज्भयणा तिन्नि वग्गा दस उद्देसणाकाला
 दस समुद्देसणाकाला संखेजाइं पयसयसहस्साइं पयग्गेणां पन्नत्ताइ ४ ।

संखेज्जाणि अक्खराणि जाव एवं चरणकरणपरुवणाया आघविज्जंति जाव उवदंसिज्जंति ५ । सेत्तं अणुत्तरोववाइयदसाओ (९) ६ ॥ सूत्रं १४४ ॥
 से किं तं पराहावागरणाणि ? पराहावागरणोसु अट्टुत्तरं पसिणांसयं अट्टुत्तरं अपसिणांसयं अट्टुत्तरं पसिणापसिणांसयं विज्जाइसया नागसुवन्नेहिं सद्धिं दिव्वा संवाया आघविज्जंति, पराहावागरणदसासु णां ससमयपरसमयपराणावयपत्तेअंबुद्धविविहत्थभासाभासियाणां अइसयगुणउवसमणाणप्पगारआयरियभासियाणां वित्थरेणां थिर(वीर)महेसीहिं विविहवित्थरभासियाणां च जगहियाणां अहागंगुट्टुवाहुअसिमणिखोमआइच्चभासियाणां विविहमहापसिणाविज्जामणापसिणा-विज्जादेवयपयोगपहाणा-गुणप्पगासियाणां सव्वभूयदु(विविह)गुणप्पभावनरगणमइविमहयकराणां अईसयमईयकालसमय-दमसमतित्थकरुत्तमस्स ठिइकराणकारणाणां दुरहिगमदुरवगाहस्स सव्वसव्वन्नुसम्मअस्स अंबुहजणाविवोहणाकरस्स पच्चक्खयपच्चयकराणां पराहाणां विविहगुणमहत्था जिणावरप्पणीया आघविज्जंति जाव उवदंसिज्जंति १ । पराहावागरणोसु णां परित्ता वायणा संखेज्जा अणुओगदारा जाव संखेज्जाओ संगहणीओ २ । से णां अंगट्टयाए दसमे अंगे एगे सुयक्खंधे पणयालीसं उहेसणाकाला पणयालीसं समुहेसणाकाला संखेज्जाणि पयसयसहस्साणि पयग्गेणां पन्नत्ताइणि ३ । संखेज्जा अक्खरा अणांता गमा जाव चरणकरणपरुवणाया आघविज्जंति जाव उवदंसिज्जंति ४ । सेत्तं पराहावागरणाइ (१०) ५ ॥ सूत्रं १४५ ॥

से किं तं विवागसुयं ? विवागसुए णां सुक्कडुक्कडाणां कम्माणां फलविवागे आघविज्जंति १ । से समासओ दुविहे पराणात्ते, तंजहा-दुहविवागे चैव सुहविवागे चैव २ । तत्थ णां दस दुहविवागाणि दस सुहविवागाणि ३ । से किं तं दुहविवागाणि ? दुहविवागेसु णां दुहविवागाणां नगराइं उज्जाणाइं चेइयाइं वणाखंडा रायाणो अम्मापियरो समोसरणाइं धम्मायरिया धम्मकहाओ नगरगमणाइं संसारपबंधे दुहपरंपराओ य आघविज्जंति, सेत्तं दुहविवागाणि

४ । से किं तं सुहविवागाणि ? सुहविवागेषु सुहविवागाणं रागराईं उज्जाराईं चेइयाईं वराखंडा रायाणो अम्मापियरो समोसरणाईं धम्मायरिया धम्मकहाओ इहलोइयपरलोइयइड्डिविसेसा भोगपरिच्चाया पव्वजाओ सुयपरि- गहा तवोवहाणाईं परियागा पडिमाओ संलेहणाओ भत्तपच्चवखाणाईं पाओवगमणाईं देवलोगगमणाईं सुकुलपच्चायाया पुणावोहिलाहा अंतकिरि- याओ य आघविज्जंति ५ । दुहविवागेषु रां पाणाइवाय अलियवयण-चोरि- ककरणा-परदारमेहुणाससंगयाए महतिव्वकसाय इंदियप्पमाय-पावप्पओयअ- सुहज्भवसाणसंचियाणं कम्माणं पावगाणं पावअणुभागफलविवागा णिरय- गति-तिरिक्खजोणि-बहुविहवसणसयपरंपरापबद्धाणं मणायत्तेऽवि आगयाणं जहा पावकम्मसेसेण पावगा होन्ति फलविवागा वहवसणाविणास-नासाक- न्तुट्टं गुट्ट-करचरण-नहच्छेयण-जिब्भच्छेयण-अंजणाकडगिदाह-गयचलणमलणा- फालणाउल्लंबणासूललया-लउडलट्टिमंजणा-तउसीसगतत्तेल्ल-कलकलअहिसिं- चणा-कुंभिपाग-कंपणा-थिरबंधणा-वेहवज्भकत्तणा-पतिभयंकर-करपल्लीवणादिदा- रणाणि दुक्खाणि अणोवमाणि बहुविविहपरंपराणुबद्धा ण मुच्चंति पाव- कम्मवल्लीए ६ । अवेयइत्ता हु णत्थि मोक्खो तवेण धिइर्धाणायबद्धकच्छेण सोहणां तस्स वावि हुज्जा ७ । एत्तो य सुहविवागेषु रां सीलसंजमणियमगुणा- तवोवहाणेषु साहूसु सुविहिएसु अणुकंपासयप्पओगतिकालमइविसुद्धभत्त- पाणाईं पययमणासा हियसुहनीसेसतिव्वपरिणामनिच्छियमई पयच्छिऊणां पयोगसुद्धाईं जह य निव्वत्तेति उ बोहिलाभं जह य परिक्कीरेति नरनरय- तिरियसुरगमणा-विपुलपरियट्ट-अरतिभयविसायसोग-मिच्छत्तसेलसंकडं अन्ना- णातमंधकारचिक्खिल्लसुदुत्तारं जरमणाजोणि-संखुभियचक्कवालं सोलसकसाय- सावयपयंडचंडं अणाइअं अणावदग्गं संसारसागरमिणां जह य णिवंधंति आउगं सुरगणेषु जह य अणुभवन्ति सुरगणाविमाणसोक्खाणि अणोवमाणि ततो य कालंतरे चुआणं इहेव नरलोगमागयाणं आउवपुपुराणा-रूवजाति-

कुल-जम्भारोग्गबुद्धि-मेहाविसेसा मित्तजणसयण-धणधराणविभव-समिद्धसार-
समुद्दयविसेसा बहुविहकामभोगुब्भवाण सोक्खाण सुहविवागोत्तमेसु ८ ।
अणुवरयपरंपराणुबद्धा असुभाणं सुभाणं चैव कम्माणं भासिआ बहुविहा
विवागा विवागसुयम्मि भगवथा जिणवरेण संवेगकारणात्था अन्नेऽवि य
एवमाइया बहुविहा वित्थरेणं अत्थपरुवणाया आवविज्जंति जाव उवदंसि-
ज्जंति ९ । विवागसुअस्स णं परित्ता वायणा संखेज्जा अणुओगदारा जाव
संखेज्जाओ संगहणीओ १० । से णं अंगट्टयाए एकारसमे अंगे वीसं अज्भ-
यणा वीसं उद्देसणाकाला वीसं समुद्देसणाकाला ११ । संखेज्जाइं पयस-
यसहस्साइं पयग्गेणं पन्नत्ताइं १२ । संखेज्जाणि अक्खराणि अणंता गमा
अणंता पज्जवा जाव एवं चरणाकरणापरुवणाया आवविज्जंति जाव उवदंसि-
ज्जंति १३ । सेत्तं विवागसुए (११) १४ ॥ सूत्रं १४६ ॥ से किं तं दिट्ठिवाए ?
दिट्ठिवाए णं सब्बभावपरुवणाया आवविज्जंति १ । से समासओ पंचविहे पन्नत्ते,
तंजहा-परिकम्मं सुत्ताइं पुव्वगयं अणुओगो चूलिया २ । से किं तं परिकम्मे ?
परिकम्मे सत्तविहे पन्नत्ते, तंजहा-सिद्धसेणियापरिकम्मे मणुस्ससेणियापरिकम्मे
पुट्टसेणियापरिकम्मे ओगाहणासेणियापरिकम्मे उवसंपज्जसेणियापरिकम्मे
विप्पजहसेणियापरिकम्मे चुआचुअसेणियापरिकम्मे ३ । से किं तं सिद्धसे-
णियापरिकम्मे ? सिद्धसेणियापरिकम्मे चोद्दसविहे पन्नत्ते, तंजहा-माउयाप-
याणि एगट्ठियपयाणि पादोट्टपयाणि आगासपयाणि केउभूयंरासिबद्धं एग-
गुणं दुगुणं तिगुणं केउभूयं पडिग्गहो संसारपडिग्गहो नंदावत्तं सिद्धवद्धं,
सेत्तं सिद्धसेणियापरिकम्मे ४ । से किं तं मणुस्ससेणियापरिकम्मे ? मणुस्स-
सेणियापरिकम्मे चोद्दसविहे पराणत्ते, तंजहा-ताइं चैव माउआपयाणि जाव
नंदावत्तं मणुस्सवद्धं, सेत्तं मणुस्ससेणियापरिकम्मे ५ । अवसेसा परिकम्माइं
पुट्टाइयाइं एकारसविहाइं पन्नत्ताइं ६ । इच्चेयाइं सत्त परिकम्माइं ससमइ-
याइं सत्त आजीवियाइं छ चउक्काइयाइं सत्त तेरासियाइं ७ । एवामेव

सपुष्पावरेणं सत्त परिकम्माइं तेसीति भवतीतिमक्खायाइं सेत्तं परिकम्माइं
 ८ । से किं तं सुत्ताइं ? सुत्ताइं अट्टासीति भवतीतिमक्खायाइं, तंजहा—उजुगं
 परिणयापरिणयं बहुभंगियं विप्पच्चइयं [विन(ज)यत्तरियं] अणंतरं परंपरं
 समाणं संजूहं [मासाणं] संभिन्नं अहाच्चयं (अहव्वायं) सोवत्थि(वत्तं)यं
 गंदावत्तं बहुलं पुट्टापुट्टं वियावत्तं एवंभूयं दुआवत्तं वत्तमाण्णयं समभिरूढं
 सब्बओभइं पणामं(पस्सासं) दुपडिग्गहं, इच्चेयाइं बावीसं सुत्ताइं छिगाण-
 छेअण्णइआइं ससमयसुत्तपरिवाडीए, इच्चेआइं बावीसं सुत्ताइं अछिन्नछेयनइ-
 याइं आजीवियसुत्तपरिवाडीए, इच्चेआइं बावीसं सुत्ताइं तिकाणइयाइं
 तेरासियसुत्तपरिवाडीए, इच्चेआइं बावीसं सुत्ताइं चउक्काणइयाइं ससमयसुत्त-
 परिवाडीए, एवामेव सपुष्पावरेणं अट्टासीति सुत्ताइं भवतीतिमक्खायाइं, सेत्तं
 सुत्ताइं ९ । से किं तं पुब्बगयं ? पुब्बगयं चउहसविहं पन्नत्तं, तंजहा—उप्पायपुब्बं
 अग्गेणीयं वीरियं अत्थिण्णत्थिप्पवायं नाणाप्पवायं सच्चप्पवायं आयप्पवायं
 कम्मप्पवायं पच्चक्खाण्णप्पवायं विज्जाण्णप्पवायं अवंभप्पवायं पाणाऊप्पवायं
 किरियाविसालं लोगविंदुसारं १४, १० । उप्पायपुब्बस्स णं दस वत्थू
 पन्नत्ता, चत्तारि चूलियावत्थू पन्नत्ता ११ । अग्गेणियस्स णं पुब्बस्स चोहस
 वत्थू बारस चूलियावत्थू १२ । वीरियपवायस्स णं पुब्बस्स अट्ट वत्थू अट्ट
 चूलियावत्थू पन्नत्ता १३ । अत्थिण्णत्थिप्पवायस्स णं पुब्बस्स अट्टारस वत्थू
 दस चूलियावत्थू पन्नत्ता १४ । नाणाप्पवायस्स णं पुब्बस्स बारस वत्थू पन्नत्ता
 १५ । सच्चप्पवायस्स णं पुब्बस्स दो वत्थू पन्नत्ता १६ । आयप्पवायस्स णं
 पुब्बस्स सोलस वत्थू पन्नत्ता १७ । कम्मप्पवायपुब्बस्स तीसं वत्थू पन्नत्ता १८ ।
 पच्चक्खाण्णस्स णं पुब्बस्स वीसं वत्थू पन्नत्ता १९ । विज्जाण्णप्पवायस्स णं
 पुब्बस्स पनरस वत्थू पन्नत्ता २० । अवंभस्स णं पुब्बस्स बारस वत्थू पन्नत्ता
 २१ । पाणाऊस्स णं पुब्बस्स तेरस वत्थू पन्नत्ता २२ । किरियाविसालस्स
 णं पुब्बस्स तीसं वत्थू पन्नत्ता २३ । लोगविंदुसारस्स णं पुब्बस्स पणवीसं

वत्थू पन्नत्ता २४ । दस चोद्दस अष्टद्वारसे व वारस दुवे य वत्थूणि ।
 सोलस तीसा वीसा पन्नरस अणुप्पवायमि ॥ १ ॥ वारस एकारसमे वारसमे
 तेरसेव वत्थूणि । तीसा पुण तेरसमे चउदसमे पन्नवीसाओ ॥ २ ॥ चत्तारि
 दुवालस अट्ट चेव दस चेव चूलवत्थूणि । आतिल्लाण चउराहं सेसाणं
 चूलिया णत्थि ॥ ३ ॥ सेत्तं पुव्वगयं २५ । से किं तं अणुओगे ? अणुओगे
 दुविहे पन्नत्ते, तंजहा—मूलपढमाणुओगे य गंडियाणुओगे य २६ । से किं तं
 मूलपढमाणुओगे ? एत्थ णं अरहंताणं भगवंताणं पुव्वभवा देवलोगगमणाणि
 आउं चवणाणि जम्मणाणि अ अभिसेया रायवरसिरीओ सीयाओ पव्व-
 जाओ तवा य भत्ता केवलणाणुप्पाया अ तित्थपवत्तणाणि अ संघयणं
 संठाणं उच्चत्तं आउं वन्नविभागो सीसा गणा गणहरा य अजा पवत्तणीओ
 संघस्स चउव्विहस्स जं वावि परिमाणं जिणमणपज्जवओहिनाणसम्मत्तसुय-
 नाणिणो य वाई अणुत्तरगई य जत्तिया सिद्धा पाओवगआ य जे जहिं
 जत्तियाइं भत्ताइं छेअइत्ता अंतगडा मुणिवरुत्तमा तमरओघविप्पमुक्का सिद्धि-
 पहमाणुत्तरं च पत्ता, एए अन्ने य एवमाइया भावा मूलपढमाणुओगे कहिया
 आघविज्जंति पराणविज्जंति पखुविज्जंति, सेत्तं मूलपढमाणुओगे २७ । से
 किं तं गंडियाणुओगे ? (२) अरोगविहे पराणत्ते, तंजहा—कुलगरगंडियाओ
 तित्थगरगंडियाओ गणहरगंडियाओ चक्करगंडियाओ दसारगंडियाओ
 बलदेवगंडियाओ वासुदेवगंडियाओ हरिवंसगंडियाओ भद्वाहुगंडियाओ
 तवोकम्मगंडियाओ चित्तंतरगंडियाओ उस्सप्पिणीगंडियाओ ओसप्पिणीगं-
 डियाओ अमरनरतिरियनिरयगइगमणविविहपरियट्टणाणुओगे, एवमाइयाओ
 गंडियाओ आघविज्जंति पराणविज्जंति पखुविज्जंति, सेत्तं गंडियाणुओगे
 २८ । से किं तं चूलियाओ ? (२) जराणं आइल्लाणं चउराहं पुव्वाणं
 चूलियाओ, सेसाइं पुव्वाइं अचूलियाइं, सेत्तं चूलियाओ २९ । दिट्ठिवायस्स
 णं परित्ता वायणा संखेजा अणुओगदारा संखेजाओ पडिवत्तीओ संखे-

जात्रो निज्जुत्तीत्रो संखेज्जा सिलोगा संखेज्जात्रो संगहणीत्रो ३० । से
 णं अंगट्टयाए बारसमे अंगे एगे सुयखंधे चउदस पुब्बाइं संखेज्जा वत्थू
 संखेज्जा चूलवत्थू संखेज्जा पाहुडा संखेज्जा पाहुडपाहुडा संखेज्जात्रो पाहुडि-
 यात्रो संखेज्जात्रो पाहुडपाहुडियात्रो संखेज्जाणि पयसयसहस्साणि पयग्गेणं
 पन्नत्ता ३१ । संखेज्जा अक्खरा अणंता गमा अणंता पज्जवा परित्ता तसा
 अणंता थावरा सासया कडा णिबद्धा णिकाइया जिणपराणत्ता भावा
 आघविज्जति पराणविज्जंति परूविज्जंति दंसिज्जंति निदंसि-
 ज्जंति उवदंसिज्जंति ३२ । एवं णाया एवं विराणाया एवं
 चरणकरणपरूवणाया आघविज्जंति जाव उवदंसिज्जंति सेत्तं दिट्ठिवाए
 ३३ । सेत्तं दुवालसंगे गणिपिडगे (१२) ३४ ॥ सूत्रं १४७ ॥
 इच्चेइयं दुवालसंगं गणिपिडगं अतीतकाले अणंता जीवा आणाए विरा-
 हित्ता चाउरंतसंसारकंतारं अणुपरियट्ठिसु इच्चेइयं दुवालसंगं गणिपिडगं
 पडुप्पराणे काले परित्ता जीवा आणाए विराहित्ता चाउरंतसंसारकंतारं
 अणुपरियट्ठंति इच्चेइयं दुवालसंगं गणिपिडगं अणागए काले अणंता
 जीवा आणाए विराहित्ता चाउरंतसंसारकंतारं अणुपरियट्ठिस्संति १ ।
 इच्चेइयं दुवालसंगं गणिपिडगं अतीतकाले अणंता जीवा आणाए आरा-
 हित्ता चाउरंतसंसारकंतारं वीईवइंसु एवं पडुप्पराणेऽवि एवं अणागएऽवि २ ।
 दुवालसंगे णं गणिपिडगे ण कयावि णत्थि ण कयाइ णासी ण कयाइ
 ण भविस्सइ भुवि च भवति य भविस्सति य धुवे णित्थिए सासए अक्खए
 अव्वए अव्वट्ठिए णिच्चे, से जहा णामए पंच अत्थिकाया ण कयाइ ण
 आसि ण कयाइ णत्थि ण भविस्सति भुवि च भवति य भविस्सति य धुवा
 णित्थिया सासया अक्खया अव्वया अव्वट्ठिया णिच्चा एवामेव दुवालसंगे
 गणिपिडगे ण कयाइ ण आसि ण कयाइ णत्थि ण कयाइ ण भविस्सइ
 भुवि च भवति य भविस्सइ य धुवे जाव अव्वट्ठिए णिच्चे ३ । एत्थ

एणं दुवालसंगे गण्णिपिडगे अणंता भावा अणंता अभावा अणंता हेऊ
 अणंता अहेऊ अणंता कारणा अणंता अकारणा अणंता जीवा अणंता
 अजीवा अणंता भवसिद्धिया अणंता अभवसिद्धिया अणंता सिद्धा अणंता
 असिद्धा अणंता आविज्जंति पराणविज्जंति परूविज्जंति दंसिज्जंति निदंसिज्जंति
 उवदंसिज्जंति ४ । एवं दुवालसंगं गण्णिपिडगं इति ॥ सूत्रं १४८ ॥

दुवे रासी पन्नत्ता, तंजहा—जीवरासी अजीवरासी य १ । अजीवरासी
 दुविहा पन्नत्ता, तंजहा—रूवीअजीवरासी अरूवीअजीवरासी य २ । से किं
 तं अरूवी अजीवरासी ? अरूविअजीवरासी दसविहा पन्नत्ता, तंजहा—धम्म-
 थिकाए जाव अद्धासमए ३ । रूवीअजीवरासीअणोगाविहा पन्नत्ता, जाव से
 किं तं अणुत्तरोववाइया ? अणुत्तरोववाइया पंचविहा पन्नत्ता, तंजहा—विजय-
 वेजयंतजयंतअपराजितसव्वट्टसिद्धिया, सेत्तं अणुत्तरोववाइया, सेत्तं पंचिदिय-
 संसारसमावराणजीवरासी ४ । दुविहा गोरइया पन्नत्ता, तंजहा—पज्जत्ता य
 अपज्जत्ता य, एवं दंडयो भाणियव्वो जाव वेमाणियत्ति ५ । इमीसे एणं
 रयणप्पभाए पुढ्वीए केवइयं खेत्तं अणोगाहेत्ता केवइया गिरयावात्ता पराणत्ता ?
 गोयमा ! इमीसे एणं रयणप्पभाए पुढ्वीए असीउत्तरजोयणसयसहस्मवाह-
 ल्हाए उवरि एणं जोयणसहस्सं अणोगाहेत्ता हेट्ठा चेगं जोयणसहस्सं वज्जेत्ता
 मज्जे अट्टसत्तरि जोयणसयसहस्से एत्थ एणं रयणप्पभाए पुढ्वीए गोरइयाणं
 तीसं गिरयावाससयसहस्सा भवंतीतिमवखाया, ते एणं गिरयावासा अंतो
 वट्ठा वाहिं चउरंसा जाव असुभा गिरया असुभाओ गिरएसु वेयणाओ ६ ।
 एवं सत्तवि भाणियव्वाओ जं जासु जुज्जइ—‘आसीयं वत्तीसं अट्ठावीसं तहेव
 वीसं च । अट्ठारस सोलसगं अट्ठुत्तरमेव वाहल्लं ॥ १ ॥ तीसा य पराण-
 वीसा पन्नरस दसेव सयसहस्साइं । तिराणोगं पंचूणं पंचेव अणुत्तरा नरगा
 ॥२॥ चउसट्ठी असुराणं चउरासीइं च होइ नागाणं । वावत्तरि सुवन्नाण
 वाउकुमाराण छराणउइ ॥३॥ दीवदिसाउदहीणं विज्जकुमारिदथणियमग्गीणं ।

द्वराहंपि जुवल्याणं वा(छा)वत्तरिमो य सयसहसा ॥४॥ वत्तीसऽट्टावीसा बारस
 अड चउरो य सयसहस्सा । पराणा चत्तालीसा छच्च सहस्सा सहस्सारे ॥५॥
 आण्यपाण्यकप्पे चत्तारि सयाऽऽरणाच्चुए तिन्नि । सत्त विमाणसयाइं चउसुवि
 एणसु कप्पेसु ॥ ६ ॥ एकारसुत्तरं हेट्टिमेसु सत्तुत्तरं च मज्झिमए । सयमेगं
 उवरिमए पंचेव अणुत्तरविमाणा ॥ ७ ॥ ७ । दोच्चाए णं पुढ्वीए तच्चाए णं
 पुढ्वीए चउत्थीए पुढ्वीए पंचमीए पुढ्वीए छट्ठीए पुढ्वीए सत्तमीए पुढ्वीए
 गाहाहिं भाणियव्वा ८ । सत्तमाए पुढ्वी पुच्छा, गोयमा ! सत्तमाए पुढ्वीए
 अट्टुत्तरजोयणासयसहस्साइं बाहल्लाए उवरि अद्धतेवन्नं जोयणासहस्साइं
 ओगाहेत्ता हेट्टावि अद्धतेवन्नं जोयणासहस्साइं वज्जित्ता मज्जे तिसु जोयणा-
 सहस्सेसु एत्थ णं सत्तमाए पुढ्वीए नेरइयाणं पंच अणुत्तरा महइमहालया
 महानिरया पराणात्ता, तंजहा-काले महाकाले रोरुए महारोरुए अप्पइट्टाणे
 नामं पंचमे ९ । ते णं निरया वट्टे य तंसा य अहे खुरप्पसंठाणसंठिया
 जाव असुभा नरगा असुभाओ नरएसु वेयणाओ १० ॥ सूत्रं १४६ ॥

केवइया णं भंते ! असुरकुमारावासा पन्नत्ता ? गोयमा ! इमीसे णं रयणा-
 प्पभाए पुढ्वीए असीउत्तरजोयणासयसहस्सबाहल्लाए उवरि एगं जोयणासहस्सं
 ओगाहेत्ता हेट्टा चेगं जोयणासहस्सं वज्जित्ता मज्जे अट्टहत्तरिजोयणासयस-
 हस्से एत्थ णं रयणाप्पभाए पुढ्वीए चउसट्ठिं असुरकुमारावाससयसहस्सा
 पन्नत्ता १ । ते णं भवणा बाहिं वट्टा अंतो चउरंसा अहे पोक्खरकरिणा-
 आसंठाणसंठिया उक्किराणंतर-विउलगंभीर-स्वायफलिहा अट्टालयचरिय(चतु-
 रय)दारगोउरकवाड-तोरणापडिदुवार-देसभागा जंतमुसलसंढिसयग्घपरिवा-
 रिया अउज्झा अडयालकोट्टरइया अडयालकयवणमाला लाउल्लोइयमहिया
 गोसीससरसरत्तचंदणादहरदिगाणपंचंगुलितला कालागुरुपवरकुं दुरुक्क-तुरुक्कड-
 ज्जंतधुवमघमघेतंगंधुद्धयाभिरामा सुगंधिया गंधवट्टिभूया अच्छा सराहा
 लराहा घट्टा मट्टा नीरया णिम्मला वितिमिरा विसुद्धा सप्पभा समरीया

सउज्जोत्रा पासाईया दरिसण्णिजा अभिरूवा पडिरूवा, एवं जं जस्स कमती-
तं तस्स जं जं गाहाहिं भणियं तह चैव वराण्णो २ । केवइया णं भंते !
पुढविकाइयावासा पन्नत्ता ? गोयमा ! असंखेज्जा पुढवीकाइयावासा पन्नत्ता,
एवं जाव मण्णस्सत्ति ३ । केवइया णं भंते ! वाणमंतरावासा पन्नत्ता ?
गोयमा ! इमीसे णं रयणप्पभाए पुढवीए रयणामयस्स कंडस्स जोयण-
सहस्सवाहल्लस्स उवरिं एगं जोयणसयं ओगाहेत्ता हेट्ठा चैगं जोयणसयं
वज्जेता मज्जे अट्टसु जोयणसएसु एत्थ णं वाणमंतराणं देवाणं तिरियम-
संखेज्जा भोमेज्जा नगरावाससयसहस्सा पन्नत्ता, ते णं भोमेज्जा नगरा बाहिं
वट्ठा अंतो चउरंसा, एवं जहा भवणवासीणं तहेव गेयव्वा, एवरं पंडाग-
मालाउला सुरम्मा पासाईया दरिसण्णिजा अभिरूवा पडिरूवा ४ । केवइया णं
भंते ! जोइसियाणं विमाणावासा पन्नत्ता ? गोयमा ! इमीसे णं रयणप्पभाए
पुढवीए बहुममरमण्णिजाओ भूमिभागाओ सत्तनउयाइं जोयणसयाइं उट्ठं
उप्पइत्ता एत्थ णं दसुत्तरजोयणसयवाहल्ले तिरियं जोइसविसए जोइसियाणं
देवाणं असंखेज्जा जोइसियविमाणावासा पन्नत्ता, ते णं जोइसियविमाणावासा
अब्भुग्गयमूसियपहसिया विविहरमणिरयणभत्तिचित्ता वाउद्धुयविज्जयवेजयंती-
पडागल्लत्ताइल्लत्तकलिया तुंगा मगणतलमणुलिहंतसिहरा जालंतररयणपङ्क-
रुम्मिलियव्व मणिकणगथूभियागा वियसियसयपत्तपुराडरीयतिलयरयणद्ध-
चंद्रचित्ता अंतो बाहि च सराहा तवण्णिज्जवालुआपत्थडा सुहफासा सस्सिरीय-
रूवा पासाईया दरिसण्णिजा ५ । केवइया णं भंते ! वेमाणियावासा पन्नत्ता ?
गोयमा ! इमीसे णं रयणप्पभाए पुढवीए बहुममरमण्णिजाओ भूमिभागाओ
उट्ठं चंदिमसूरियगहगणनक्खत्ततारारूवाणं वीइवइत्ता वट्ठणि जोयणाणि
वट्ठणि जोयणसयाणि वट्ठणि जोयणसहस्साणि (वट्ठणि जोयणसयसहस्साणि)
वहुइओ जोयणकोडीओ वहुइओ जोयणकोडाकोडीओ असंखेज्जाओ जोयण-
कोडाकोडीओ उट्ठं दूरं वीइवइत्ता एत्थ णं विमाणियाणं देवाणं सोहम्मीसाण-

सणकुमारमाहिंद-वंभलंतग-सुकसहस्सार-आणयपाणय-आरण्यचुणसुगेवेज-
गमणुत्तरेसु य चउरासीइं विमाणावाससयसहस्सा सत्ताणउइं च सहस्सा
तेवीसं च विमाणा भवंतीतिमक्खाया, ते णं विमाणा अच्चिमालिप्पभा भासरा-
सिवराणाभा अरया नीरया णिम्मला वितिमिरा विसुद्धा सब्बरयणामया
अच्छा सराहा घट्टा मट्टा णिप्पंका णिवकंकडच्छाया सप्पभा समरिया सउ-
जोया पासाईया दरिसणिज्जा अभिरूवा परिरूवा ६ । सोहम्मे णं भंते !
कप्पे केवइया विमाणावासा पराणत्ता ? गोयमा ! बत्तीसं विमाणावाससय-
सहस्सा पराणत्ता ७ । एवं ईसाणाइसु अट्टावीस वारस अट्ट चत्तारि एयाइ
सयसहस्साइं पराणासं चत्तालीसं छ एयाइं सहस्साइं आणए पाणए चत्तारि
आरण्यचुण तिन्नि एयाणि सयाणि, एवं गाहाहि भाणियव्वं ८ ॥सूत्रं १५०॥
नेरइयाणां भंते ! केवइयं कालं ठिई पन्नत्ता ? गोयमा ! जहन्नेणां दस वासस-
हस्साइं उक्कोसेणां तेत्तीसं सागरोवमाइं ठिई पन्नत्ता ? अपज्जत्तगाणां नरेइयाणां
भंते ! केवइयं कालं ठिई पन्नत्ता ? जहन्नेणां अंतोमुहुत्तं, उक्कोसेणावि अंतो-
मुहुत्तं, पज्जत्तगाणां जहन्नेणां दस वाससहस्साइं अंतोमुहुत्तूणाइं उक्कोसेणां तेत्तीसं
सागरोवमाइं अंतोमुहुत्तूणाइं २ । इमीसे णं रयणप्पभाए पुढवीए एवं जाव
विजयवेजयंतजयंतअपराजियाणां देवाणां केवइयं कालं ठिई पन्नत्ता ? गोयमा !
जहन्नेणां बत्तीसं सागरोवमाइं उक्कोसेणां तेत्तीसं सागरोवमाइं ३ । सब्बट्टे
अजहराणमणुक्कोसेणां तेत्तीसं सागरोवमाइं ठिई पन्नत्ता ४ ॥ सूत्रं १५१ ॥
कति णं भंते ! सरीरा पन्नत्ता ? गोयमा ! पंच सरीरा पन्नत्ता, तंजहा-
ओरलिए वेउठ्ठिए आहारए तेयए कम्मए १ । ओरालियसरीरे णं भंते ।
कइविहे पन्नत्ते ? गोयमा ! पंचविहे पन्नत्ते, तंजहा-एगिंदियओरालियसरीरे
जाव गम्भक्कंतियमणुस्संपच्चिंदियओरालियसरीरे य २ । ओरालियसरीरस्स
णां भंते ! केमहालिया सरीरोगाहणा पन्नत्ता ? गोयमा ! जहन्नेणां अंगुल-
असंखेज्जतिभागं उक्कोसेणां साइरेगं जोयणसहस्सं ३ । एवं जहा ओगाहणा-

संशयो थोरालियपमाणं तहा निरवसेसं एवं जाव मणुस्सेति उक्कोसेणं
तिरण गाउयाइं ४ । कइविहे णं भते ! वेउव्वियसरीरे पन्नत्ते ? गोयमा
दुविहे पन्नत्ते, तंजहा-एगिदियवेउव्वियसरीरे य पंचिदियवेउव्वियसरीरे
अ ५ । एवं जाव सणंकुमारे आदत्तं जाव अणुत्तराणं भवधारणिज्जा जाव
तेमिं रयणी रयणी परिहायइ ६ । आहारयसरीरे णं भंते ! कइविहे पन्नत्ते ?
गोयमा ! एगाकारे पन्नत्ते, जइ एगाकारे पन्नत्ते किं मणुस्सआहारयसरीरे
अमणुस्सआहारयसरीरे ? गोयमा ! मणुस्सआहारगसरीरे णो अमणुस्स-
आहारगसरीरे ७ । एवं जइ मणुस्सआहारगसरीरे किं गव्भवक्कं-
तियमणुस्सआहारगसरीरे संमुच्छिममणुस्सआहारगसरीरे ? गोयमा ! गव्भं-
वक्कंतियमणुस्सआहारयसरीरे नो संमुच्छिममणुस्सआहारयसरीरे ८ । जइ
गव्भवक्कंतिय०हारयसरीरे किं कम्मभूमिग०हारयसरीरे अकम्मभूमिग०-
हारयसरीरे ? गोयमा ! कम्मभूमिग०हारसरीरे नो अकम्मभूमिग०हारसरीरे
९ । जइ कम्मभूमिग०आहारसरीरे किं संखेज्जवासाउय०सरीरे असंखेज्जवा-
साउय०सरीरे ? गोयमा ! संखेज्जवासाउय०सरीरे नो असंखेज्जवासाउय-
०सरीरे १० । जइ संखेज्जवासाउय०सरीरे किं पज्जत्तय०सरीरे अपज्जत्तय
०सरीरे ? गोयमा ! पज्जत्तय०सरीरे नो अपज्जत्तय०सरीरे ११ । जइ
पज्जत्तय०सरीरे किं सम्मदिट्ठी०सरीरे मिच्छदिट्ठी०सरीरे सम्मामिच्छदिट्ठी
०सरीरे ? गोयमा ! सम्मदिट्ठी०सरीरे नो मिच्छदिट्ठी०सरीरे नो सम्मामिच्छ-
दिट्ठी०सरीरे १२ । जइ सम्मदिट्ठी०सरीरे किं संजय०सरीरे असंजय०सरीरे
संजयासंजय० सरीरे ? गोयमा ! संजय०सरीरे नो असंजय०सरीरे नो संजया-
संजय०सरीरे १३ । जइ संजय०सरीरे किं पम्मत्तसंजय०सरीरे अपम्मत्तसंजय-
०सरीरे ? गोयमा ! पम्मत्तसंजय०सरीरे नो अपम्मत्तसंजय०सरीरे १४ । जइ
पम्मत्तसंजय०सरीरे किं इड्ढिपत्त०सरीरे अण्णिड्ढिपत्त०सरीरे ? गोयमा ! इड्ढिपत्त-
०सरीरे नो अण्णिड्ढिपत्त०सरीरे १५ । वयणा विभाणियव्वा आहारयसरीरे

समचउरंससंठाणसंठिए, आहारयसरीरस्स केमहालिया सरीरोगाहणा पन्नत्ता ? गोयमा ! जहन्नेणं देसूणा रयणी उक्कोसेणं पडिपुगणा रयणी १६ । तेआसरीरे णं भंते ! कतिविहे पन्नत्ते ? गोयमा ! पंचविहे पन्नत्ते, एगिंदिय-तेयसरीरे बितिजउपंचेदियसरीरे १७ । एवं जाव गेवेज्जस्स णं भंते ! देवस्स णं मारणंतियसमुग्घाएणं समोहयस्स समाणस्स केमहालिया सरीरोगाहणा पन्नत्ता ? गोयमा ! सरीरप्यमाणमेत्ता विक्खंभवाहल्लेणं आयामेणं जहन्नेणं अहे जाव विज्जाहरसेदीअो उक्कोसेणं जाव अहोलोइयग्गामाअो १८ । उड्डं जाव सयाइं विमाणाइं, तिरियं जाव मणुस्सखेत्तं १९ । एवं जाव अणुत्तरोववाइया एवं कम्मयसरीरं भाणियव्वं २० ॥ सूत्रं १५२ ॥ कइविहे णं भंते ! ओही पन्नत्ता ? गोयमा ! दुविहा पन्नत्ता, भवपच्चइए य खअोवसमिए य, एवं सव्वं ओहिपदं भाणियव्वं १ । सीया य दव्व सारीर साया तह वेयणा भव्वे दुक्खा । अब्भुवगमुवक्कमिया णीयाए चेव अणि-याए ॥ १ ॥ २ । नेरइया णं भंते ! किं सीतं वेयणं वेयंति उस्सिणं वेयणं वेयंति सीतोस्सिणं वेयणं वेयंति ? गोयमा ! नेरइया णं सीतं वेयणं वेयंति उस्सिणं वेयणं वेयंति सीतोस्सिणं वेयणं वेयंति, एवं चेव वेयणापदं भाणि-यव्वं ३ । कइ णं भन्ते ! लेसाअो पन्नत्ताअो ? गोयमा ! छ लेसाअो पन्नत्ताअो, तंजहा-किराहा नीला काऊ तेऊ पम्हा सुक्का, एवं लेसापयं भाणियव्वं ४ । अणंतरा य आहारे आहाराभोगणा इय । पोग्गला नेव जाणंति, अज्भवसाणे य सम्मते ॥ १ ॥ ५ । नेरइया णं भंते ! अणंत-राहारा तअो निव्वत्तणया तअो परियाइयणया तअो परिणामणया तअो परियारणया तअो पच्छा विकुव्वणया ? हंता गोयमा ! एवं आहारपदं भाणियव्वं ६ ॥ सूत्रं १५३ ॥ कइविहे णं भंते ! आउगबन्धे पन्नत्ते ? गोयमा ! छव्विहे आउगबन्धे पन्नत्ते, तंजहा-जाइनामनिहत्ताउए गतिनाम-निहत्ताउए ठिइनामनिहत्ताउए पएसनामनिहत्ताउए अणुभागनामनिहत्ताउए

योगाहणानामनिहत्तउए १ । नेरइयाणं भंते ! कइविहे आउगवन्धे पन्नत्ते ?
 गोयमा ! छ्विहे पन्नत्ते, तंजहा-जातिनामआउगवन्धे, गइनामआउगवन्धे,
 ठिइनामआउगवन्धे, पएसनामआउगवन्धे, अणुभागनामआउगवन्धे, योगा-
 णानामआउगवन्धे, एवं जाव वेमाणियाणं २ । निरयगई णं भंते ! केवइयं
 कालं विरहिया उववाएणं पन्नत्ता ? गोयमा ! जहन्नेणं एककं समयं उक्कोसेणं
 वारस मुहुत्ते, एवं तिरियगई मणुस्सगई देवगई ३ । सिद्धिगई णं भंते !
 केवइयं कालं विरहिया सिज्भणयाए पन्नत्ता ? गोयमा ! जहन्नेणं एककं
 समयं उक्कोसेणं छम्मासे, एवं सिद्धिवज्जा उव्वट्टणा ४ । इमीसे णं भंते !
 रयणप्पभाए पुढ्वीए नेरइया केवइयं कालं विरहिया उववाएणं ? एवं
 उववायदंडयो भाणियञ्चो उवट्टणादंडयो थ ५ । नेरइया णं भंते ! जाति-
 नामनिहत्ताउगं कति आगरिसेहि पगरंति ? गोयमा ! सिय १ मिय २ ।
 ३।४।५।६।७।८।९।१०।११।१२।१३।१४।१५।१६।१७।१८।१९।२०।२१।२२।२३।२४।२५।२६।२७।२८।२९।३०।
 जाव वेमाणियत्ति ६ ॥ सूत्रं १५४ ॥ कइविहे णं भंते ! संघयणे पन्नत्ते ?
 गोयमा ! छ्विहे संघयणे पन्नत्ते, तंजहा वइरोसभनारायसंघयणे रिसभ-
 नारायसंघयणे नारायसंघयणे अद्धनारायसंघयणे कीलियासंघयणे छेवट्ट-
 संघयणे १ । नेरइया णं भंते ! किंसंघयणी ? गोयमा ! छरहं संघय-
 णाणं असंघयणी गोव अट्टि गोव छिरा गोव राहारू, जे पोगगला अणिट्टा
 अकंता अप्पिया अणाएजा असुभा अमणुराणा अमणामा अमणाभिरामा ते
 तेसिं असंघयणात्ताए परिणमंति २ । असुरकुमारा णं भंते ! किंसंघयणा
 पन्नत्ता ? गोयमा ! छरहं संघयणाणं असंघयणी गोवट्टी गोव छिरा गोव
 राहारू, जे पोगगला इट्टा कंता पिया मणुराणा मणामा मणाभिरामा ते तेसिं
 असंघयणात्ताए परिणमंति, एवं जाव थणियकुमाराणं ३ । पुढ्वीकाइया णं
 भंते ! किंसंघयणी पन्नत्ता ? गोयमा ! छेवट्टसंघयणी पन्नत्ता, एवं जाव
 संमुच्छिमपच्चिन्दियतिरिक्खजोणियत्ति, गव्भवकंतिया छ्विहसंघयणी, संमु-

च्छिद्रममणुस्सा छेवट्टसंघयणी गब्भवक्कंतियमणुस्सा छ्विहे संघयणो पन्नत्ते, जहा असुरकुमारा तहा वाणमंतरजोइसियवेमाणिया य ४ । कइविहे णं भंते ! संठाणो पन्नत्ते ? गोयमा ! छ्विहे संठाणो पन्नत्ते, तंजहा—समचउरंसे १ णिग्गोहपरिमण्डले २ साइए ३ वामणो ४ खुज्जे ५ हुँडे ६ ५ । गोरइया णं भंते ! किंसंठाणी पन्नत्ता ? गोयमा ! हुँडसंठाणी पन्नत्ता ६ । असुरकुमारा किंसंठाणी पन्नत्ता ? गोयमा ! समचउरंसंठाणसंठिया पन्नत्ता, एवं जाव थणियकुमारा ७ । पुढवी मसूरसंठाणा पन्नत्ता, आऊ थिहुयसंठाणा पन्नत्ता, तेऊ सूइकलावसंठाणा पन्नत्ता, वाऊ पडागासंठाणा पन्नत्ता, वणस्सई नाणासंठाणसंठिया पन्नत्ता, बेइंदियतेइंदियचउरिंदिय-संमुच्छिद्रमपंचिंदियतिरिक्खा हुँडसंठाणा पन्नत्ता = । गब्भवक्कंतिया छ्विहसंठाणा संमुच्छिद्रममणुस्सा हुँडसंठाणसठिया पन्नत्ता, गब्भवक्कंतियाणं मणुस्साणं छ्विहा संठाणा पन्नत्ता, जहा असुरकुमारा तहा वाणमंतरजोइसियवेमाणियावि १ ॥ सूत्रं १५५ ॥

कइविहे णं भंते ! वेए पन्नत्ते ? गोयमा ! तिविहे वेए पन्नत्ते, तंजहा—इत्थीवेए पुरिसवेए नपुंसवेए १ । नेरइया णं भंते ! किं इत्थीवेया पुरिसवेया णपुंसगवेया पन्नत्ता ? गोयमा ! णो इत्थीवेया णो पुंवेए णपुंसगवेया पन्नत्ता २ । असुरकुमारा णं भंते ! किं इत्थीवेया पुरिसवेया नपुंसगवेया ? गोयमा ! इत्थीवेया पुरिसवेया णो णपुंसगवेया जाव थणियकुमारा ३ । पुढवी आऊ तेऊ वाऊ वणस्सई बित्तिचउरिंदिय-संमुच्छिद्रमपंचिंदियतिरिक्ख-संमुच्छिद्रममणुस्सा णपुंसगवेया, गब्भवक्कंतियमणुस्सा पंचिंदियतिरिया य तिवेया, जहा असुरकुमारा तहा वाणमंतरा जोइसियवेमाणियावि ४ ॥ सूत्रं १५६ ॥

तेणां कालेणां तेणां समएणां कप्पस्स समोसरणां णोयव्वं जाव गणहरा सावच्चा निरवच्चा वोच्छिणा जंबुदीवे णं दीवे भारहे वासे तीयाए उस्सप्पिणीए सत्त कुलगरा होत्था तं—मित्तदामे सुदामे य, सुपासे य सयंपभे । विमलघोसे सुघोसे य, महाघोसे य सत्तमे ॥ १ ॥ १ । जंबुदीवे

णं दीवे भारहे वासे तीयाए ओसप्पिणीए दस कुलगरा होत्था, तंजहा-
 सयंजले सथाऊ य, अजियसेणो अणांतसेणो य । कज्जसेणो भीमसेणो महाभी-
 मसेणो य सत्तमे ॥ २ ॥ दढरहे दसरहे सयरहे २ । जंबुद्वीवे णं दीवे भारहे
 वासे इमीसे ओसप्पिणीए समाए सत्त कुलगरा होत्था, तंजहा-पढमेत्थ
 विमलवाहणा चक्खुम जसमं चउत्थमभिवंदे । तत्तो पसेणईए मरुदेवे चैव
 नाभि य ॥ ३ ॥ ३ । एतेसिं णं सत्तरहं कुलगराण सत्त भारिआ होत्था,
 तंजहा-चंदजसा चंदकंता सुरूवपडिरूव चक्खुकंता य । सिरिकंता मरुदेवी
 कुलगरपत्तीण णामाईं ॥ ४ ॥ ४ । जंबुद्वीवे णं दीवे भारहे वासे इमीसे णं
 ओसप्पिणीए चउवीसं तित्थगराणं पियरो होत्था, तंजहा-णाभी य जिय-
 सत्तु य जियारी संवरे इय, मेहे धरे पड्डे य महसेणो य खत्तिए ॥ ५ ॥
 सुग्गीवे दढरहे विराहू वसुपूज्जे य खत्तिए । कयवम्मा सीहसेणो भाणा
 विस्ससेणो इय ॥ ६ ॥ सूरे सुदंसणो कुंभे सुमित्तविजए समुद्विजये य ।
 राया य आमसेणो य सिद्धत्थेच्चिय खत्तिए ॥ ७ ॥ उदितोदियकुलवंसा
 विसुद्धवंसा गुणोहि उववेया । तित्थप्पवत्तयाणं एए पियरो जिणवराणं
 ॥ ८ ॥ ५ । जंबुद्वीवे णं दीवे भारहे वासे इमीसे ओसप्पिणीए चउवीसं
 तित्थगराणं मायरो होत्था, तंजहा-मरुदेवी विजया सेणा सिद्धत्था मंगला
 सुसीमा य । पुहवी लखणा रामा नंदा विराहू जया सामा ॥ ९ ॥ सुजसा
 सुव्वय अइरा सिरिया देवी पभावई उपमा । वण्णा सिवा य वामा तिसला
 देवी य जिणमाया ॥ १० ॥ ६ । जंबुद्वीवे णं दीवे भारहे वासे इमीसे
 ओसप्पिणीए चउवीसं तित्थगरा होत्था, तंजहा-उसभ १ अजिय २ संभव
 ३ अभिणांदणा ४ सुमइ ५ पउमप्पह ६ सुपास ७ चंदप्पभ ८ सुविहिपुप्फ-
 दंत ९ सीयल १० सिज्जंस ११ वासुपुज्ज १२ विमल १३ अणांत १४
 धम्म १५ संति १६ कुंथु १७ अर १८ मल्लि १९ मुणिसुव्वय २० णामि
 २१ गोमि २२ पास २३ बड्डमाणो २४ य ७ । एएसिं चउवीसाए तित्थ-

गराणां चउव्वीसं पुव्वभवया णामधेया होत्था, तंजहा—पढमेत्थ वडरणाभे
 विमले तह विमलवाहरो चेव । तत्तो य धम्मसीहे सुमित्त तह धम्ममित्ते य
 ॥ ११ ॥ सुंदरवाहु तह दीहवाहु जुगवाहु लट्टुवाहू य । दिराणो य इंददत्ते
 सुंदर माहिंदरे चेव ॥ १२ ॥ सीहरहे मेहरहे रूपी अ सुंदसणो य बोद्धवे ।
 तत्तो य नंदणो खलु सीहगिरी चेव वीसइमे ॥ १३ ॥ अदीणामत्तु संखे
 सुदंसणो नंदणो य बोद्धवे ओसप्पिणीए एए, तित्थकराणां तु पुव्वभवा
 ॥ १४ ॥ ८ । एएसिं चउव्वीसाए तित्थकराणां चउव्वीसं सीयाओ होत्था,
 तंजहा—सीया सुदंसणा सुप्पभा य सिद्धत्थ सुप्पसिद्धा य । विजया य
 वेजयंती जयंती अपराजिया चेव ॥ १५ ॥ अरुणाप्पभ चंदप्पभ सूरप्पह अग्गि
 सप्पभा चेव । विमला य पंचव्वराणा सागरदत्ता य णागदत्ता य ॥ १६ ॥ अभय-
 कर निव्वुड्ढकरा मणोरमा तह मणोहरा चेव । देवकुरुत्तरकुरा विसाल चंदप्पभा
 सीया ॥ १७ ॥ एआओ सीअओ सव्वेसिं चेव जिणावरिंदाणां । सव्वजगवच्छ-
 लाणां सव्वोउगउभाए ह्यायाए ॥ १८ ॥ पुव्विं ओक्खित्ता माणुसेहि
 साहट्टु(ट्टु) रोमकूवेहिं । पच्छा वहंति सीअं असुरिंदसुरिंदनागिंदा ॥ १९ ॥
 चलचवलकुंडलधरा सच्छंदविउव्वियाभरणधारी । सुरअसुरवंदिआणां वहंति
 सीअं जिणांदाणां ॥ २० ॥ पुरओ वहंति देवा नागा पुण दाहिणम्मि
 पासम्मि । पच्चच्छिमेण असुरा गरुला पुण उत्तरे पासे ॥ २१ ॥ उसभो अ
 विणीयाए बारवईए अरिट्टवरणेमी । अवसेसा तित्थयरा निव्वखंता जम्म-
 भूमीसु ॥ २२ ॥ सव्वेऽवि एगदूसेण णिग्गया जिणावरा चउव्वीसं । ण य
 णाम अराणलिंगे ण य गिहिलिंगे कुलिंगे य ॥ २३ ॥ एको भगवं वीरो
 पासो मल्ली य तिहि तिहि सएहिं । भगवंपि वासुपुज्जो छहिं पुरिससएहि
 निव्वखंतो ॥ २४ ॥ उग्गाणां भोगाणां राइराणाणां च खत्तियाणां च । चउहि
 सहस्सेहिं उसभो सेसा उ सहस्सपरिवारा ॥ २५ ॥ सुमइत्थ णिच्च भत्तेण
 णिग्गओ वासुपुज्ज चोत्थेणां । पासो मल्ली य अट्टमेण सेसा उ

छट्टेणं ॥ २६ ॥ एणसिं णं चउव्वीसाए तित्थगराणं चउव्वीसं पढगभिक्षा-
 दायारो होत्था, तंजहा—‘सिज्जंस बंभदत्ते सुरिंददत्ते य इंददत्ते य । पउमे य
 सोमदेवे माहिदे तह सोमदत्ते य ॥ २७ ॥ पुस्से पुण्णव्वसू पुण्णण्णंद सुण्णंदे
 जये य विजये य । ततो य धम्मसीहे सुमित्त तह वग्गसीहे अ ॥ २८ ॥
 अपराजिय विस्ससेणो वीसइमे होइ उसभसेणो य । दिराणो वरदत्ते धणो बहुले
 य आणुपुव्वीए ॥ २९ ॥ एए विसुद्धलेसा जिण्णवरभत्तीइ पंजलिउडा उ ।
 तं कालं तं समयं पडिल्लामेई जिण्णवरिदे ॥ ३० ॥ संवच्छरेण भिक्षा
 लद्धा उसभेण लोयणाहेण । सेसेहि वीयदिवसे लद्धाओ पढम-
 भिक्षाओ ॥ ३१ ॥ उसभस्स पढमभिक्षा खोयरसो आसि लोगणाहस्स ।
 सेसाणं परमराणं अभियरसरसोवमं आसि ॥ ३२ ॥ सव्वेसिंपि जिण्णणं
 जहियं लद्धाउ पढमभिक्षाउ । तहियं वसुवाराओ सरीरमेत्तीओ बुद्धाओ
 ॥ ३३ ॥ ६ । एणमि चउव्वीसाए तित्थगराणं चउव्वीसं चेइयरुक्खा होत्था,
 तंजहा—णग्गोहमत्तिरसणो सले पियए पियंगु छत्ताहे । सिरिसे य णाग-
 रुक्खे माली य पिलंक्खुरुक्खे य ॥ ३४ ॥ तिदुग पाडल जंबू आसत्थे
 खलु तहेव दहिवराणो । णांदिरुक्खे तिलए अंबयरुक्खे असोणे य ॥ ३५ ॥
 चंपय वउले य तहा वेडसरुक्खे य धायईरुक्खे । साले य वड्डमाणस्स चेइय-
 रुक्खा जिण्णवराणं ॥ ३६ ॥ वत्तीसं धणुयाइं चेइयरुक्खो य वड्डमाणस्स ।
 णिच्चोउगो असोणे ओच्छराणो सालरुक्खेणं ॥ ३७ ॥ तिराणो व गाउ-
 थाइं चेइयरुक्खो जिण्णस्स उसभस्स । सेसाणं पुण्ण रुक्खा सरीराओ वारस-
 गुणा उ ॥ ३८ ॥ सच्छत्ता सपडागा सवेइया तोरणोहि उववेगा । सुरअसु-
 रगरुलमहिया चेइयरुक्खा जिण्णवराणं ॥ ३९ ॥ १० । एणसिं चउव्वीसाए
 तित्थगराणं चउव्वीसं पढमसीसा होत्था, तंजहा—पढमेत्थ उसभसेणो वीइए
 पुण्ण होइ सीहसेणो य । चारू य वज्जणाभे चमरे तह सुव्वय विदग्गमे ॥ ४० ॥
 दिराणोय वराहे पुण्ण आण्णंदे गोथुमे सुहम्मे य । मंदर जसे अरिट्ठे चक्काइ

सयंभु कुंभे य ॥ ४१ ॥ इंदे कुंभे य सुभे वरदत्ते दिराण इंदभूर्दे य ।
उदितोदितकुलवंसा विसुद्धवंसा गुणोहि उववेया । तित्थप्पवत्तयाणां पढमा
सिस्सा जिणावराणां ॥ ४२ ॥ ११ । एएसि णं चउवीसाए तित्थगराणां
चउवीसं पढमसिस्सिणी होत्था, तंजहा-बंभी य फग्गु सामा अजिया कास-
वीरई सोमा । सुमणा वारुणि सुल(ज)सा धारणि धरणी य धरणिधरा
॥ ४३ ॥ पउम सिवासुयी(हा) तह अंजुया(दामणी) भावियप्पा थ रक्खी य ।
बंधुवती पुप्फवती अज्जा अमि(ति)ला य आहिया ॥ ४४ ॥ जक्खीणी
पुप्फचूला य चंदणाज्जा य आहियाउ ॥ उदितोदियकुलवंसा विसुद्धवंसा
गुणोहि उववेया । तित्थप्पवत्तयाणां पढमा सिस्सी जिणावराणां ॥ ४५ ॥
गाहा १२ ॥ सूत्रं १५७ ॥ जंबूदीवे णं भारहे वासे इमीसे ओसप्पिणीए
वारस चक्कवट्टिपियरो होत्था, तंजहा-उसभे सुमित्ते विजए समुइविजए य
आससेणो य । विस्ससेणो य सूरे सुदंसणो कत्तवीरिए चेव ॥ ४६ ॥
पउमुत्तरे महाहरी, विजए राया तहेव य । बंभे वारसमे उत्ते, पिउनामा
चक्कवट्टिणां ॥ ४७ ॥ १३ । जंबूदीवे णं भारहे वासे इमीसे ओसप्पिणीए
वारस चक्कवट्टिमायरो होत्था, तंजहा-सुमंगला जसवती भद्दा सहदेवी
अइरा सिरिदेवी तारा जाला मेरा वप्पा चुल्लणि अपच्छिमा १४ ।
जंबूदीवे णं भारहे वासे इमीसे ओसप्पिणीए वारस चक्कवट्टी होत्था, तंजहा-
भरहो सगरो मधवं सणांकुमारो य रायसइल्लो । संती कुंथू य अरो हवइ
सुभूमो य कोरव्वो ॥ ४८ ॥ नवमो य महापउमो हरिसेणो चेव रायसइल्लो ।
जयनामो य नरवई, वारसमो बंदभत्तो य ॥ ४९ ॥ १५ । एएसिं वारसराहं
चक्कवट्टीणां वारस इत्थिरयणा होत्था, तंजहा-पढमा होइ सुभद्दा भइ सुणांदा
जया य विजया य । किराहसिरी सूरसिरी पउमसिरी वसुंधरा देवी ॥५०॥
लच्छिमई कुरुमई इत्थीरयणाणा नामाइं १६ । जंबूदीवे णं भारहे वासे
इमीसे ओसप्पिणीए नववलदेवनववासुदेवपितरो होत्था, तंजहा-पयावई

य वंभो सोमो रुद्रो सिवो महसिवो य । अग्निासिहो य दसरहो नवमो
 भणित्रो य वसुदेवो ॥ ५१ ॥ १७ । जंबूद्वीवेणं भारहे वासे इमीसे ओस-
 प्पिणीए णव वासुदेवमायरो होत्था, तंजहा—मियावई उमा चव पुहवी सीया
 य अम्मया । लच्छिमई सेसमई, केकई देवई तहा ॥ ५२ ॥ १८ । जंबूद्वीवेणं
 भारहे वासे इमीसे ओसप्पिणीए णवबलदेवमायरो होत्था, तंजहा—भदा तह
 सुभदा य, सुप्पभा य सुदंसणा । विजया वेजयंती य, जयंती अपराजिया
 ॥ ५३ ॥ णवमीया रोहिणी य, बलदेवाण मायरो १९ । जंबूद्वीवेणं भारहे
 वासे इमीसे ओसप्पिणीए नव दसारमंडला होत्था, तंजहा—उत्तमपुरिसा म्भ-
 मपुरिसा, पहाणपुरिसा, ओयंसी तेयंसी वच्चंसी, जसंसी छायंसी कंता, सोमा
 सुभगा पियदंसणा सुरुआ सुहसीला सुहाभिगमा सब्वजणाणयणकंता
 ओहवला अतिवला महावला अनिहता अपराइया सत्तुमइणा रिपुसहस्स
 माणमहणा साणुकोसा अमच्छरा अचवला अचंडा मियमंजुलपलावहसिया
 गंभीरमधुरपडिपुराणसच्चवयणा अब्भुवगयवच्छला सराणा लवखणवज्जण-
 गुणोववेआ माणुम्माणपमाणपडिपुराणसुजायसव्वंगसुदरंगा ससिसोमागा-
 रकंतपियदंसणा अमरिसणा पयंडदंडप्पभा(व्भा)रा गंभीरदरसणिजा तालछ-
 ओव्विच्छगरुल्लकेऊ महाधणविकइया महासत्त साअरा दुद्धरा धणुद्धरा
 धीरपुरिसा जुद्धकित्तिपुरिसा विउलकुलसमुब्भवा महारयाणविहाडगा
 अद्धभरंहसामी सोमा रायकुलवंसतिलया अजिया अजियरहा हलमुस-
 लकणकपाणी संखचक्कगयसत्तिनंदगधरा पवरुज्जलसुक्कंतविमलगोत्थुभतिरी-
 डधारी कुंडलउज्जोइयाणाणा पुंडरीयाणा एकावलिकराठलइयवच्छा सिरिव-
 च्छसुलंछणा वरजसा सब्वोउयसुरभिकुसुमरचितपलंबसोभंतकंतविकसंतविचि-
 त्तरमालरइयवच्छा अट्टसयविभत्तलक्खणपसत्थसुंदरविरइयंगमंगा मत्तगयव-
 रिंदललियविकमविलसियगई सारयनवथणियमहुरगंभीरकुं चनिग्घोसदुंडुभि-
 सरा कडिसुत्तगनीलपीयकोसेज्जवाससा पवरदित्ततेया नरसीहा नरवई नरिंदा

नरवसहा मरुयवसभकप्पा अम्भहियरायतेयलच्छीए दिप्पमाणा नीलगपीयग-
वसणा दुवे दुवे रामकेसवा भायरो होत्था, तंजहा—तिविट्ठू जाव कराहे अयले
जाव रामे यावि अपच्छिमे ॥५४॥ २० । एएसि णं नवरहं बलदेववासु देवाणं
पुव्वभविया नव नामधेज्जा होत्था, तंजहा—विस्सभूई पव्वयए धणदत्त समुह-
दत्त इसिवाले । पियमित्त ललियमित्ते पुण्णवसू गंगदत्ते य ॥ ५५ ॥ एथाइं
नामाइं पुव्वभवे आसि वासुदेवाणं । एत्तो बलदेवाणं जहकमं कित्तइस्सामि
॥ ५६ ॥ विसनंदी य सुव्वन्धू सागरदत्ते असोगललिए य । वाराह धम्मसेणे
अपराइय रायललिए य ॥ ५७ ॥ २१ । एएसिं नवरहं बलदेववासुदेवाणं
पुव्वभविया नव धम्मायरिया होत्था, तंजहा—संभूय सुभद सुदंसणे य सेयंस
कराह गंगदत्ते अ । सागरसमुहनामे दुभसेणे य णवमए ॥ ५८ ॥ एए धम्माय-
रिया कित्तीपुरिसाण वासुदेवाणं । पुव्वभवे एआसिं जत्थ नियाणाइं कासीय
॥ ५९ ॥ २२ । एएसिं नवरहं वासुदेवाणं पुव्वभवे नव नियाणभूमिओ
होत्था, तंजहा—महुरा य कणागवत्थू सावत्थी पोथणं च रायगिहं । कायंदी
कोसम्बी मिहिलपुरी हत्थिणाउरं च ॥ ६० ॥ २३ । एतेसिं णं नवरहं
वासुदेवाणं नव नियाणकारणा होत्था, तजहा—गावी जुवे (जाव माउआ)
संगामे तह इत्थी पराइओ रङ्गे । भज्जाणुराग गोट्टी परइही माउया इय ॥ ६१ ॥
२४ । एएसिं नवरहं वासुदेवाणं नव पडिसत्तू होत्था, तंजहा—अस्सग्गीवे
जाव (नारए भेरए महुकेढवे निसुंभे य । बलिपहराए तह रावणे य नवमे)
जरासंधे ॥ ६२ ॥ एए खलु पडिसत्तू जाव सचक्केहि ॥ ६३ ॥ एको य
सत्तमीए पंच य छट्ठीए पंचमी एको । एको य चउत्थीए कराहो पुण तच्च-
पुढवीए ॥ ६४ ॥ अणिदाणकडा रामा सव्वेऽवि य केसवा नियाणकडा ।
उहंगामी रामा-केसव सव्वे अहोगामी ॥ ६५ ॥ अट्टंतकडा रामा एगो
पुण वभलोयकप्पंमि । एकस्स गव्वभवसही सिज्जिक्कस्सइ आगमिस्सेणं ॥ ६६ ॥
२५ ॥ सूत्रं १५८ ॥ जंबूद्वीवे णं भारहे वासे इमीसे ओसप्पिणीए एरवए

वासे इमीसे ओसपिणीए चउव्वीसं तित्थयरा होत्था, तंजहा-चंदाणाणं
 सुचंदं अग्गीसेणं च नंदिसेणं अत्तसेणं च । इसिदिगाणं ववहारिं वंदिमो सोमचंदं
 च ॥ ६७ ॥ वंदामि जुत्तिसेणं (दाहवाहु, दीहसेणं) अजियसेणं (सयाउयं)
 तहेव सिवसेणं (सच्चसेणं सच्चइंच) । बुद्धं च देवसम्मं सययं निवखत्त(सेयंस)
 सत्थं च ॥ ६८ ॥ असंजलं जिणावसहं (सयंजलं) वंदे य अणांतयं अमिय-
 णाणि (संहसेणं) । उवसंतं च धुयरयं वंदे खलु गुत्तिसेणं च ॥ ६९ ॥ अति-
 पासं च सुपासं देवेसरवंदियं च मरुदेवं । निव्वाणागयं च वरं खीणादुहं सामकोट्टं
 च ॥ ७० ॥ जियरागमग्गिसेणं वंदे खीणारायमग्गिउत्तं च । वोक्कसियपिज्ज-
 दोसं वारिसेणं गयं सिद्धिं ॥ ७१ ॥ २६ । जंबुदीवे णं भारहे वासे
 आगमिस्साए उस्सपिणीए भारहे वासे सत्त कुलगरा भविस्संति, तंजहा-
 मियवाहणे सुभूमे य, सुप्पभे य सयंपभे । दत्ते सुहुमे सुबन्धू य, आगमिस्साए
 होक्खति ॥ ७२ ॥ जंबुदीवे णं दीवे आगमिस्साए उस्सपिणीए एरवए वासे
 दस कुलगरा भविस्संति, तंजहा-विमलवाहणे सीमंकरे सीमंधरे खेमंकरे
 खेमंधरे द्ढधणा दसधणा सयधणा पडिसूई सुमइत्ति २७ । जंबुदीवे णं दीवे भारहे
 वासे आगमिस्साए उस्सपिणीए चउवीसं तित्थगरा भविस्संति तंजहा-महापउमे
 सूरदेवे, सुपासे य सयंपभे । सव्वाणाभूई अरहा, देवस्सुए य होक्खई
 ॥ ७३ ॥ उदए पेढालपुत्ते य, पोट्टिले मत्तक्कित्ति य । मुणिसुव्वए य
 अरहा, सव्वभावविऊ जिणे ॥ ७४ ॥ अममे णिक्कसाए य, निप्पुलाए
 य निम्ममे । चित्तउत्ते समाही य, आगमिस्सेणं होक्खई ॥ ७५ ॥
 संवरे अणियट्ठी य, विजए विमलेती य । देवोववाए अरहा, अणांतविजए
 इय ॥ ७६ ॥ एए बुत्ता चउव्वीसं भरहे वासम्मि केवली । आगमिस्सेणं
 होक्खंति, धम्मतित्थस्स, देसगा ॥ ७७ ॥ २८ । एएसि णं चउव्वीसाए
 तित्थकराणं पुव्वभविया चउव्वीसं नामधेज्जा भविस्संति, तंजहा-सेणिय
 सुपास उदए पोट्टिल्ल अरुगर तह द्ढाऊ य । कत्तिय संखे य तहा नंद

सुनंदे य सतई(ए)य ॥ ७८ ॥ बोद्धव्वा देवई य सच्चइ तह वासुदेव बलदेवे ।
 रोहिणि सुलसा चैव ततो खलु रेवई चैव ॥ ७९ ॥ ततो हवइ सयाली-
 बोद्धव्वे । खलु तहा भयाली य । दीवायणे य कराहे ततो खलु नारए
 चैव ॥ ८० ॥ अंबड दारूमडे य साई बुद्धे य होइ बोद्धव्वे । भावी तित्थ-
 गराणं णामां पुव्वभवियां ॥ ८१ ॥ २९ । एएसि णं चउव्वीसाए
 तित्थगराणं चउव्वीसं पियरो भविस्संति चउव्वीसं मायरो भविस्संति चउव्वीसं
 पढमसीसा भविस्संति चउव्वीसं पढमसिस्सणीओ भविस्संति चउव्वीसं
 पढमभिवखादायगा भविस्संति चउव्वीसं चेइयरुवखा भविस्संति ३० ।
 जंबुद्दीवे णं दीवे भारहे वासे आगमिस्साए उस्सप्पिणीए बारस चक्कवट्टिणो
 भविस्संति, तंजहा-भारहे य दीहदंते गूढदंते य सुद्धदंते य । सिरिउत्ते
 सिरिभूई सिरिसोमे य सत्तमे ॥ ८२ ॥ पउमे य महापउमे विमलवाहणे
 (ले तह) विपुलवाहणे चैव । वरिट्ठे बारसमे वुत्ते आगमिसा भरहा-
 हिवा ॥ ८३ ॥ ३१ । एएसि णं बारसराहं चक्कवट्टीणं बारस पियरो
 भविस्संति, बारस मायरो भवस्संति, बारस इत्थीरयणा भविस्संति ३२ ।
 जंबुद्दीवे णं दीवे भारहे वासे आगमिस्साए उस्सप्पिणीए नव बलदेववासु-
 देवपियरो भविस्संति, नववासुदेवमायरो भविस्संति, नव बलदेवमायरो
 भविस्संति ३३ । नव दसारमंडला भविस्संति, तंजहा-उत्तमपुरिसा मज्झिम-
 पुरिसा पहाणपुरिसा ओयंसी तेयंसी एवं सो चैव वराणओ भाणियव्वो
 जाव नीलगपीतगवसणा दुवे दुवे रामकेसवा भायरो भविस्संति, तंजहा-
 नंदे य नंदमित्ते दीहवाहू तहा महावाहू । अइबले महाबले बलभइ य
 सत्तमे ॥ ८४ ॥ दुविट्ठु य तिविट्ठु य आगमिस्साए वरिहणो । जयंते
 विजए भइ सुप्पभे य सुदंसणो । आणंदे नंदणो पउमे, संकरिसणो य
 अपच्छिमे ॥ ८५ ॥ ३४ । एएसि णं नवराहं बलदेववासुदेवाणं पुव्वभविया
 णव नामधेजा भविस्संति, नव धम्मायरिया भविस्संति, नव नियाणभूमीओ

भविस्सन्ति, नव नियाणकारणा भविस्सन्ति, नव पडिसत्तू भवस्सन्ति, तंजहा-
 तिलए य लोहजंघे, वडरजंघे य केसरी पहराए । अपराइए य भीमे,
 महाभीमे य सुग्गीवे ॥ ८६ ॥ एए खलु पडिसत्तू किच्चीपुरिसाण वासु-
 देवाणां । सव्वेवि चक्कजोही हम्मिहिंति सचक्केहिं ॥ ८७ ॥ ३५ ।
 जंबुदीवे एरवए वासे आगमिस्साए उस्सपिणीए चउव्वीसं तित्थकरा
 भविस्सन्ति, तंजहा-सुमंगले अ सिद्धत्थे, णिब्बाणे य महाजसे । धम्मज्जाए
 य अरहा, आगमिस्साण होक्खई ॥ ८८ ॥ सिरिचंदे पुप्फकेऊ, महाचंदे य
 केवली । सुयसागरे य अरहा, आगमिस्साण होक्खई ॥ ८९ ॥ सिद्धत्थे
 पुराणघोसे य, महाघोसे य केवली । सच्चसेणे य अरहा, आगमिस्साण
 होक्खई ॥ ९० ॥ सूरसेणे य अरहा, महासेणे य केवली । सव्वाणंदे य
 अरहा, देवउत्ते य होक्खई ॥ ९१ ॥ सुपासे सुव्वए अरहा, अरहे य
 सुकोसले । अरहा अणंतविजए, आगमिस्सेण होक्खई ॥ ९२ ॥ विमले
 उत्तरे अरहा, अरहा य महाबले । देवाणंदे य अरहा, आगमिस्सेण
 होक्खई ॥ ९३ ॥ एए बुत्ता चउव्वीसं, एरवयम्मि केवली । आगमिस्साण
 होक्खन्ति, धम्मतित्थस्स देसगा ॥ ९४ ॥ ३६ । बारस चक्कवट्टिणां भवि-
 स्सन्ति, बारस चक्कवट्टिपियरो भविस्सन्ति, बारस मायरो भविस्सन्ति, बारस
 इत्थीरयणा भविस्सन्ति ३७ । नव बलदेवावासुदेवपियरो भविस्सन्ति, णव
 वासुदेवमायरो भविस्सन्ति णव बलदेवमायरो भविस्सन्ति, णव
 दसारमंडला भविस्सन्ति उत्तमपुरिसा मज्झिमपुरिसा पहाणपुरिसा
 जाव दुवे दुवे रामकेसवा भायरो भविस्सन्ति, णव पडिसत्तू भविस्सन्ति,
 नव पुव्वभवणामधेज्जा णव धम्मायरिया णव णियाणभूमीओ णव णियाण-
 कारणा, आयाए एरवए आगमिस्साए भाणियव्वा, एवं दोसुवि आगमि-
 रसाए भाणियव्वा ३८ ॥ सूत्रं १५८ ॥ इच्चेयं एवमाहिज्जन्ति, तंजहा-
 क्कलगरवंसेइ य एवं तित्थगरवंसेइ य चक्कवट्टिवंसेइ य गणधरवंसेइ य इसि-

वंसेइ य जइवंसेइ य मुणिवंसेइ य सुएइ वा सुअंगेइ वा सुयसमासेइ वा सुयखं-
धइ वा समवाएइ वा संखेइ वा सम्मत्तमंगमक्खार्यं अज्झयणान्तिवेमि ३६
॥ सूत्रं १५६ ॥ इति समवायं चउत्थमंगं समत्तम् ॥४॥

॥ इति समवायाङ्ग-सूत्रम् ॥४॥

(ग्रन्थाग्रं १६६७)

॥ चतुर्थं
श्रीमत्समवायाङ्ग-सूत्रं
समाप्तम् ॥

इति श्रीमदागमसुधासिन्धौ
प्रथमो विभागः समाप्तः ॥

